

IX . k . 3

DUKE
UNIVERSITY
LIBRARY

Treasure Room

GIFT OF

Louis C. Karpinski

na sequentem appellatū et
per aliquē hui
as meus, studuit colonie.

mius domi bellis
gentis hui
propria tamen fuerit 300 huius
uis habuit neapolis
iter meus studij constructio.

ut est Roma
vius rivi vel ablatio rive vtrius
ic eo videntur videtur non beati
Rui manens quid tuam agam
us montibus rive est
mi etia cum substatu copulatus
domi est montibus

43 si per vnde vnde que pat interrogatio
pauens meus huius redit per bona con
pauens meo Roma redit
Reo Phenis
venero rive

44 Germania Gasula re regione pro
per gallia itis in hispania
It ecclesia abijt in floria
venero in germania

per facit per germania in Ang
Alia pat

Quoduis verbum admittit datuam
persona in cuius oratia comodum velle
aliquid fit
ut tibi studos

Doce mihi filium meum
Excuso huius negligentia
Stat mihi magno hoc studium

consecrationem data
cu ordinatz ideo in Eccl[esi]a
iterare. Idē d. Aug[ustinus] in serm[one]
ip[s]a etiā nōn Characteris.
posse iterari ordinationem.

QUARTA.
q[ua] sit.

Pars 4.

sacramenti ministerio
sacramentū conferre debet
otiu diaconatu nō trib[ui] nisi
ip[s]a nōquā agnōuit presby-
ter ab Episcopo ordinatus. Suffra-
g[aneus] r[ati]o. sess. 23 Can. 7 de
ubi anathema de ijs q[ui]
nō s[un]t presbyteris s[ed] p[ro]curator
latem confirmandi ordinat.
presbyteris q[ui] am[er]e habent e[ss]e com-
MONYS Hūic Sacramenti.

ra s[un]t da ceremonia hūic sacra-
mento: Sed ante
unctione q[ue] et si acci-
ceremonia verē accidentalis
atione nō vngit[ur] caput Episc-
elbiteri hac ceremonia chris-
fuisse colligit[ur] ex cap. 4 Eccl[esi]e

W. H. Ball

PROMPTVARI^{3/15} EXEQUIALIS
PARS PRIOR,

CONTINENS CENTVRIAS III. DISPOSITIONVM, QVIBVS

Themata Funebria siue scripturæ dicta varia, (quæ
in MANVALI BIDEMBACHIANO Anno 1603.
primùm edito, ceu Indice quodam annotata, & pro varie-
tate Casuum, ac personarum qualitate, in NOVE
CLASSES distributa extant) breui-
ter explicantur.

*Pro Tyronibus in Ministerio Ecclesiarum Ducatus
VVirtembergici, & cæteris.*

AVTHORE

FELICE BIDEMBA-
CHIO D.

EDITIO SECVNDA.

Quid in hac Editione secunda auctum mutatumque, &
quibus de causis id factum sit, sequens Præfa-
tio Lectorem docebit.


*Cum priuilegio Illustrissimi Electoris Sa-
xonia speciali.*



FRANCOFVRTI

Apud WOLFGANGVM RICHTERVVM,
Sumptibus Ioannis Berneri.

ANNO M. DC. X.





AD LECTOREM

PRÆFATIO.



V M præteritis Nundinis
Francofurtensibus, exem-
plaria Promptuarii Exe-
quialis, sumptibus Viri o-
ptimi & integerrimi, Do-
mini Ioannis Berneri, An-


no 1608. primùm excusa, opinione citius
diuendita atq; distracta fuissent, mox idem
Bernerus, de Tyronibus in Ministerio Ec-
clesiastico benè mereri cupiens, animum
ad secundam editionem adiecit, enixè si-
mul & instanter authorem rogitans, vt prio-
rem editionem vel recognosceret, vel ta-
men paucula quædam auctarii loco in fine
vtriusq; partis Promptuarii exequialis adii-
ceret. Quamuis aut crebriores istæ libello-
rū locupletationes, hætenus multis bonis,
& sanè in his ipsi etiam authori, interdum

molette magis quàm grata fuerint: non potuit tamen author hoc tempore, certis & grauibus de causis iustæ petitioni viri optimi (cui siue æmulatio siue avaritia quorundam librariorum hætenus non parum damni dedit) deesse: Præsertim cum in Designatione Locorum Scripturæ (quæ priori parti præmissa est) incuria Amanuensis, (cui isthæc opella demandata erat) læpiusculè, præsertim verò in annotatione numeri, quo Themata Classis Decimæ signari debuissent, erratū fuisse deprehendisset. Indicem itaq; hunc primū ipse restituit: deinde paucula quoque Themata (tali asterisco * notata) suo loco inserta adiecit, quorum Dispositiones in fine secundæ partis, auctarii loco annexæ reperientur. Tertiò, quæstiunculas etiam iucundas & scitu non inutiles, atque huic materiæ conuenientes, ex diuersis Augustini libellis desumptas, priori parti Promptuarii appendicis loco subiecit author: vt Tyronibus (quibus rarò datur, vt vel sibi emere, vel etiam legere possint integrum illud Augustini opus) nonnulla scitu maximè digna, ex hoc magni nominis Theologo & Patrum orthodoxorum

rum Lumine, simul innotescerent. Cum enim interdum **DIV ILLIUS A V G V S T I N I** insigniora loca citasset author, pleraque tamen ceu digito tantum monstrasset, in hac parte Promptuarij, monitus fuit à nonnullis, ut in gratiam Tyronum (quibus ut plurimum res angusta domi) si ita ferret occasio, integras Augustini sententias substitueret. Quibus hac ratione aliquatenus consultum voluit author.

Quod si hoc lectori gratum accidit, gratum quoq; authori fuerit, sin minus, benevolum tamen lectorem amicè rogabit, ut nihilominus de hoc ipsius studio iuvandi Tyrones, amicè sentiat, & precibus suis pios conatus porrò etiam iuvare non dedignetur. Valeat lector amicus optimè. 12. Ianuar. An. 1610.

PRÆFATIO



REVERENDIS,
CLARISSIMIS, PIETA-
TE, ERUDITIONE PRÆSTAN-
tissimis, omniq̃ue virtutum genere or-
natissimis viris,

M. Lucæ Osiandro, Schorndorffensis
M. Casparo Lutzio, Waiblingensis
M. Heinricho Efferhem, Canstadiensis
M. Ioanni Osiandro, Marpacensis
M. Philippo Schickhardo, Güglingensis
M. Conrado Weickio, Meckmülenfis

} Eccles. Pa-
storibus, &
vicinarum
superinten-
dentib. Sp.

Cæterisque

Subiectarum Ecclesiarum Generalis Ephoriæ Adelbergen-
sis, Pastoribus & Ministris centum triginta sex, Dominis,
affinibus, amicis, & in Christo fratribus, ho-
norandis atq; clarissimis,

*Salutem & omnem à Domino prosperitatem ex
animo precatur*

FELIX BIDEMBACH D. ABBAS ADELBER-
gensis, Superintendens Generalis.



*Tsi vereor, viri Reuerendi, & vndequaque
doctissimi, amici & fratres in Domino cha-
rissimi, ne turpe sit, post tot clarissimorum
Theologorum elaboratissimas funebrium
thematum expositiones, meas etiam quales-
cunq; Dispositiunculas in lucem emittere, minimeque de-
ceat actum (quod dicitur) agere, & Iliada post Homerum
scribere; multum tamen me recreat & reficit plurimo-
rum*

rum Sapientissimorum & doctissimorum virorum consilium: qui non tantum absque damno Ecclesiae me institutum meum prosequi omnino posse, & post multos egregios artifices etiam huic operi manum ad mouere debere putarunt: sed etiam officii mei esse iudicarunt, sic stare promissis, & expectationi multorum vel tandem satisfacere. Etenim cum superioribus annis edito Manuali quodam, (quo Tyrones in Ministerio Ecclesiarum huius Ducatus uti possent) inter cetera etiam Thematum nuptialium atque funebrium centurias aliquot, ceu Indice quodam, breuiter annotassem: & in Praefatione istius libelli eorundem etiam breues Dispositiones me aliquando traditurum promississem; (siquidem istam meam opellam Ecclesiae Ministris non ingratam esse cognoscerem) non defuerunt hactenus, qui tales conciuncularum notas & summulas studiosè flagitarent.

Et quidem cum ante biennium nuptialium Thematum qualescunq; dispositiones typis eculgasssem, auidè illas quam plurimi (quod citra iactantiam dixerim) exceperunt: & datis hinc inde ad me literis amicè rogarunt, ut quod circa nuptiales Textus fecissem, id ipsum etiam in funebribus explicandis, haud grauatim præstarem. Cuius rei testes esse volo locupletissimos, vos viros Reuerendos & Doctissimos, Dominum M. Casparum Lutzium, Ecclesiae VVaiblingensis Pastorem, & vicinarum Superintendentem: & Dominum M. Martinum Plancum, tū temporis Ecclesiae VVinendensis Pastorem (nūc verò Abbatem Monasterii Murrhartensis dignissimum,) vosque ceteros Dioceseos VVaiblingensis & VVinendensis Pastores atq; Ministros fidelissimos, M. Georgium Psitzium: M. Abrahamum Schauberum: M. Thomam

P R Æ F A T I O

*Rummelium: Daniele Stamlerum, M. Georgium VVolf-
fium, M. Michaelem Kunium, M. Stephanum Zanium,
M. Georgium Anshelinum, M. Ludouicum Braittmaierum,
Ioannem Hieronymum Pindarum, M. Melchiorem Nico-
lai, & M. Balduinum Burgium, qui cum ceteris duobus ve-
stris collegis, Dauide Rottschmidio, & Ioanne Conrado
VVolfio, nunc cum filio Dei viuentibus, non tantum scri-
ptis ad me literis humanitatis & officii plenissimis, sed &
misso insigni honorario, de quo (nouit Dominus $\kappa\alpha\theta\iota\sigma\tau\omega\varsigma$
 $\sigma\upsilon\varsigma\ \pi\acute{\alpha}\nu\tau\omega\nu$) ne per somnium quidem cogitabam, animum
vestrum erga me, nihil tale de vobis meritum vel cogitan-
tem, declarastis; insuper etiam, quod nihil magis in votis
habeatis, (vestra hæc sunt verba) quam vt Thematū Fune-
brium Dispositiones subsequantur nuptiales illas, significa-
stis. Id quod gratæ memoriæ causa in vestri honorem hoc lo-
co recensere volui.*

*Fecerunt idipsum etiam alii, benè magno numero, quo-
rum nomina hic lubens taceo, ne (quod prouerbio dicitur)
mihi Suffenus esse, aut Sellisare videar.*

*Sed & exterorum quoque Ministrorum nomine, cupidè
mihi instat, & vrget, vir nobilis & Magnificus, Iure consul-
tus clarissimus, Dominus D. Martinus Aichmannus, Sere-
nissimi Saxonie Electoris Consiliarius laudatissimus, Mini-
sterii Ecclesiastici fautor & patronus integerrimus, Domi-
nus & amicus meus honorandus atq; charissimus, quem ho-
noris causa hic nomino: cuius in Religione vera synceritatē,
in propaganda gloria nominis diuini zelū, & veram pieta-
tem cum singulari humanitate, & morū suauitate coniun-
ctam, meritò vnà mecum omnes boni passim deprædicant.*

*Quamuis igitur mecum habitare, meq; me pede metiri
didi-*

didicerim, & quàm sit mihi curta supellex probè nouerim; non debui tamen, nec sanè potui, tantorum virorum siue petitioni, siue consilio, refragari. Neq; enim mihi (vt cum Persio loquar) cornu fibra est. At licet non pauci viri optimi & doctissimi spem mihi fecerint, non fore hunc meum laborem inanem in Domino: alii tamen aliter (scio) iudicabunt. Quod si verò hoc vnum obtinuerò, vt illi fateantur, me nihil à veritate scripturæ alienum scripsisse, sat habeo. Ceteros, quibus isthæc minuta non placent, ad aliorum & doctiorum Funebria remitto, quæ magno numero passim reperiuntur, vt sunt Matthesii, Selneceri, Pancratii, Rodii, Sautteri, Hesiæcorum & plurimorum aliorum Theologorum: vbi omnia copiosè, eleganter, artificiosè traduntur, & materia variæ, adiectis passim historiis, atq; aliis sententiis prophætorum authorum, iucundis vel vtilibus fusiùs tractantur.

Quas porro consilii & instituti rationes sequutus fuërim, paucis ostendam.

1. Breuitati mihi omninò fuit studendum: ne libellus formam Enchiridii excederet: quod tamen præter expectationem mihi accidisse vereor. Neq; sanè absq; omni difficultate, tot tamq; varia funebria themata breuissimis Dispositionibus, siue concionum notis, comprehendipotuerunt: (quod quidem nonnulli inexperti facillimum esse opinantur) vbi vel nuda capitum Biblicorum & versuum allegationes crebriores mediocrem laborem requirunt: præsertim cum non vna, sed plures centuriæ Dispositionum conficiendæ sunt.

2. Scripsi autem non pro exercitatis Ecclesiæ Ministris, qui meliora ipsi norunt, sed pro Tyronibus, & pro his, quibus vel cæterorum Theologorum in hoc argumenti gene-

re editos libros praegrandes emere non licet; vel si maxime habeant, tamen exigui temporis intervallo (quod plerumque rustica gens concionibus funebribus habendis relinquit) prolixiores istos sermones legere non vacat.

3. Methodum porro quod attinet, eam, quae in nostris Ecclesiis usitata est, sum sequutus: quae & captui auditorum & memoriae tam docentium quam discipulorum (meo quidem iudicio) accommodatissima est. Neque tamen eadem ubique chorda, quod dicitur, semper oberrare, sed pro varietate locorum scripturae, diuersa themata, methodo quoque diuersa, proponere & explicare nonnunquam volui: quod id neque molestum neque ingratum Tyronibus esse, non semel intellexerim. Sed & varietas, ut est in prouerbio, interdum & docentes & discipulos delectat.

4. De stylo nihil fui sollicitus: cum homiliae illae vernacula lingua habende ad populum, excultam illam & exquisitam Latini sermonis diligentiam non requirant. Hoc potius egi, ut planissime omnia dicerem, in hac breuitate: ne Delionatatore uspiam opus esset. Placet enim, & venerationi mihi cum Hieronymo est, sancta simplicitas.

5. In allegandis scripturae locis versionem Bibliorum germanicam D. Lutheri semper secutus sum: quia in concionibus sacris ista versione utimur. Vbi vero verba Textus Latinae versionis antiquae cum Germanica (quae fontibus proxima est) conueniunt, eadem quoque verba (praesertim ubi singularem habuerunt emphasin) in allegationibus retinui.

Neque tamen omnia scripturae dicta singulis locis accommodanda subieci, (quod infiniti fuisset laboris) sed pauca quaedam, & vulgatissima plerumque, nonnunquam etiam

iam insigniora tantum, notavi, ut Lectori ansam præberem inuestigandi plura.

6. Textus sacri paraphrasin semper sequitur Locus communis, quem & usus Loci ubique ferè comitatur. Nolui autem hoc ubique peculiariter (ut in prima dispositione prima Classis factum) notare, ne iudicio Lectoris diffidere velle videar. Neque verò diffiteor, haudrarò Textus paraphrasin prolixiorē esse ipsa Locorum communium tractatione. At consulto id factum. Quia ubi verba Textus probè enucleata fuerint (quod artis opus) facilius semper erit Loci communis cuiuslibet tractatio, ex ipsa paraphraseus annotatione deprompta.

7. Quod sapius iidem Loci communes recurrant, Lectori (quod spero) molestum non erit. Quia magna scriptura dictorum, præsertim sub vna classe comprehensorum, est cognatio. Et habebunt tamen pleriq; loci singulare aliquid, si paulò illos accuratius pensitauerit Lector non morosus. Quia verò diuersis temporibus à me conscriptæ fuerunt hæ Dispositiones, non potui semper ea, quæ in præcedentibus fuerunt tractata, reminisci.

8. Quæstiones potuissē interdum immiscere grauiorē & difficiles: at quia coram rudi plebecula, ut plurimum Tyronibus dicendum est, illas studiosè vitare volui: quia spinosas & arduas atque ambiguas quæstiones imperito vulgo proponere, minimè consultum iudicavi.

9. Quod verò primam hanc Promptuarii exequialis partem seorsim Lectori trado, atque tres tantum hac vice centurias funebrium Thematū exhibeo, causa hæc est, quod sicut in cæteris præmissis libellis, ita etiam hîc formam Enchiridii retinendū censui, ut sic commodius Ecclesiarum

Ministri, quibus conciones non rarò extra locum domicilii peregrè in Filialiis (vt vocantur) habendæ sunt, sine difficultate talem aliquem libellum secum ferre, & inter deambulandum quoq₃ funebria ista, quæ tractaturi sunt Themata, commodius meditari possint. Hanc verò subsequetur prope diem (Deo dante) etiam pars altera, Classis decimæ themata complectens, & duas postremas centurias continens. Sed & hoc Lectori considerandum relinquo, quod si maximè quinq₃ centurias coniungere voluisssem, non potuisse tamen illas in vnũ volumen referri: aut libri formam mutandam fuisse, quod plerisque ex causis supra commemoratis, molestum & ingratum fore metuebam. Et quia hæc Promptuarii mei pars prima, Themata illa nouæ classium Manualis, singularibus casibus accommodata, complectitur: singulari quoq₃ volumine, haud incommode in lucem proditura est.

10. Pars verò altera, quæ decimæ classis, & promiscua illa omnibus funeribus accommodanda Themata complectetur, peculiari quoq₃ volumine, in eadem forma commodius typis mandabitur.

Et quia ambæ partes Promptuarii exequialis simul nec excudi, nec quoq₃ propter chartarum spissitudinem coniungi potuissent, Lectori iam primam exhibere volui, vt ea vti tantisper possit, vsque dum altera subsequatur, quod breui futurum spero. Rogauerunt enim me amici mei, vt quia integrum volumen iam esset confectũ, non diutius bonos quosdam Ecclesiæ Ministros detinerem hiantes: quorum multi falsam hanc sibi persuasionem induant, quod longiori interposita mora, ipsorum expectationem forsitan sim decepturus. Quanquam verò iam dudum illi satis facturussuissem, tamen plurima hætenus à scriptione ista me remorata fue-

ET DEDICATORIA.

fuerunt, & à proposito sæpè prater meam voluntatem abstraxerunt. Sed & tot centuriarum Dispositiones aliquantulam moram postularunt.

Haftenus scripti huius & consilii mei rationes explicandas censui.

Hunc verò meum qualemcumq; laborem, viri Reuerendi, clarissimi & doctissimi, amici & fratres in Domino charissimi, Nominibus vestris inscribere & consecrare volui: non eam ob causam, quod cuiquam vestrum his meis Dispositioniunculis opus esse existimem: sed quod officii ratione, me vobis arctiori vinculo, quam cæteris huius Ducatus Ministris obstrictum esse putem. Et cum haftenus eo tempore, quo Generali meæ Superintendentiæ (quam sic vocant nostrates) addicti fuistis, singularẽ erga me (licet indignum) beneuolentiam vestram perspexerim atq; senserim, meum vicissim in vos amorem, & benè de vobis omnibus promerendi studium, publicè testari: vobis verò, quos supra nominavi, VVaiblingensibus & VVinendensibus inprimis, hac ratione grati animi significationem aliquam dare volui. Sicque simul omnibus vobis, mea (si quæ sunt) officia, iam diu debita, deferre debui.

Accipite itaque & boni consulite, atque contra maleuolos, quantum par est, defendite hanc meam opellam, quam tumuis tenuem, & precibus vestris (quod vnum à vobis peto) me meamq; vocationem iuuate. Ego vicissim vestram vestrorumque omnium salutem & incolumitatem, Domino Deo nostro, piis votis commendare non desinam. Valete in Domino benè. Dedi Adelbergæ, die Felicis & Regule, (olim natali meo) qui est 11. Septembris. Anno Christi 1607.



EPIGRAMMA

ANDREÆ OSIANDRI

S. THEOLOGIAE DOCTORIS,

Academiae Tubingensis Cancellarii, & Eccle-
siae eiusdem Praepositi,

In

*Reuerendi & clarissimi viri D. D. FELICIS BIDE-
MACHII, Abbatis Adelbergensis*

Promptuarium Exequiale.



U^t non sis FELIX, qui fausto
sydere natus
Felices alios reddere ritè stu-
des?

Scilicet est felix, qui mente manuq; paratus
Commissi praestat muneris *ex* sui.
Haftenus hoc magna tu dexteritate pro-
basti,


Peruigili studio scripta polita parans.
Tale est hoc etiam, quo, tristia spicula
mortis

Contemnenda fient qua ratione, docēs.
Perge ita mi FELIX: sic felicissimus olim
Splendebis, veluti sydera clara poli.

Tuus frater

A. Osiander D.

IN



In Promptuarium Exequiale

REVERENDI CLARISSIMI-
MIQUE VIRI, D. FELICIS BIDE-
M-BACHII, S. S. Theologiæ Doctoris, Illustrissimi
DVCIS Württembergici Consilarii, Adel-
bergenfis Monasterii Abba-
tis, &c.

IOANNES GEORGIUS HVN-
GERLINVS, SENATVS ECCLESIA-
stici in Ducatu Württembergico
DIRECTOR.



*Mixta Tempus habent : numerant
mensesq, diesq,*

*Numina, perpetuò durat in or-
benibil.*

*Nascimur, aſt nati, dubio discrimine vitam
Ducimus, & lubricam vita habet iſta fidem.*

*Diffugiunt anni, ſenſim ſubit agra ſenectus,
Labunturq, dies more fluentis aqua.*

*Tempora connubii diſſoluunt fœdera : Tempus
E medio tollit, quicquid in orbe viget.*

*Sola nequit PIETAS, ac SPES confiſa To-
nanti,*

*VERBUM ſaluificans, & bona FAMA,
mori.*

*Talia perpendens, qui connubialia nuper
Themata dictarat, nunc parat Exequias.*

*Informatq; pios, ex omni parte, Ministros,
Quid profit mundum? quid coluisse DEV M?
Quinetiam sacri tradit Solatia verbi,
Corpora quod vita restituenda monet.
Hac, benè si memorent populo, qui Mystica tra-
ctant,
Innumeris poterunt corda beare modis.
Ergò, nunc geminas Authori solvere grates
Non cessent, quotquot Dogmata sacra docent.
At Tu, cui pietas cura est, Dignissime PRAE-
SVL,
Vivere perge DEO, pascere perge Gregem.
Sic tibi decernet meritas Ecclesia laudes,
Atque tuum memori sparget in Orbe decus.*

DESI.

DESIGNATIO LO- CORVM SCRIPTVRÆ, EX QVIBVS THEMATA SVBIECTA funebria deprompta sunt.

NOTANDVM LECTORI.

Primus numerus libri Biblici Caput indicat. Secundus autem Classẽm, sub qua locus quilibet comprehensus, (scilicet eadem serie, qua in Manuali prius edito collocatus) & breui Dispositiuncula illustratus est, denotat. Tertius verò numerum Thematis in sua Classe ostendit. Quartus paginam Manualis designat, ubi locus idem germanicè extat, ut facilior sit collatio.

GENESIS.

Caput.

	Cl.	The.	Pag. Man.
2. Quacunq; die comederis.	X.	I.	543.
3. In sudore vultus tui vesceris pane.	X.	2.	543.
3. Multiplicabo tibi dolores partus.	III.	I.	486.
4. Abel occisus à Caino.	VII.	App.	524.
4. Si benè egeris, recipies.	IX.	I.	534.
5. Catalogus Patriarcharũ. Et mortuus.	II.	I.	476.
5. Et mortuus est. Et mortuus est.	X.	3.	543.
5. Translatio Patriarchę Enoch in cœlũ	X.	4.	543.
11. Mortuus est Haran ante patrem.	IV.	I.	489.
15. De Abrahamo. Ibis ad patres tuos.	II.	2.	477.
18. Abraham de se; Cinis & pulvis sum.	VI.	App.	513.
23. De morte Saræ.	II.	17.	481.
25. De morte Ismaelis.	II.	4.	477.
25. De Morte Abrahami.	II.	3.	477.
25. Querela Rebeccę grauidę.	III.	2.	486.
27. Caligauerunt oculi Isaac.	V.	I.	496.
27. Ecce ego senui, & ignoro diem mortis meę.	*		
35. Mors Isaaci.	II.	5.	477.

**

35. Mors

DESIGNATIO LOCOR.

GENESIS.	Cl.	The.	Pag. Man.
Caput.			
35. Mors Rahelis in partu.	III.	3.	486.
47. Dies peregrinationis meæ pauci & mali	II &	6.	477. &
	X.	5.	544.
48. Iacobi morituri verba ad Iosephum.	X.	6.	544.
49. Mors Iacobi.	II.	7.	478.
49. De sepultura Iacobi mandatum &c.	X.	7.	544.
50. Mors Iosephi. }	X.	8.	Ibid.
50. Sepultura Iacobi. }	X.	9.	Ibid.
50. Iosephus de transferendis ossibus suis.	X.	9.	Ibid.
EXODVS.			
2. Moses aquis expositus, & liberatus.	VII.	App.	523.
LEVITICVS.			
10. Nadab & Abihu igne absumpti.	VII.	App.	520.
NVMERI.			
20. Mors Aharonis.	I. &		467. &
	X.	1.	545.
20. Mors Miriam.	II.	18.	481.
23. Verba Bileam. Moriatur anima mea morte iustorum.	I.	2.	468.
27. Deus mortem denunciat Mofi.	I. &		468. &
	X.	3.	546.
33. De morte Aharonis.	II.	9.	478.
DEVTIRON.			
4. Mandatum Dei de obedientia populi.	II.	22.	482.
30. Dominus circumscindet cor tuum.	VIII	1.	526.
32. Sicut aquila educit pullos suos.	X.	12.	547.
32. Utinam intelligentes essent, &c.	X.	13.	Ibid.
32. Ego possum occidere & viuificare.	Ib.	14.	574.
32. Beatus es tu populus, quis similis tibi?	Ib.	15.	547.
34. De morte Mofi, viri Dei.	I.	4.	469.
IOSVAH.			
23. De obitu suo refert Iosua.	I. &		
	X.	5.	469.
24. Mors Iosua.	II.	10.	478.

IUDICVM.

Caput.

2. De morte Iosue.	II.	10.	478.
3. Qui diligunt Dominum sicut Sol in ortu.	X.	17.	548.
8. De morte Gideonis.	II.	11.	479.
16. De interitu Samsonis.	VII.	App.	519.

RVTH.

Caput.

1. Verba Ruth ad Naem.	X.	18.	
------------------------	----	-----	--

SAMVELIS I.

Caput.

2. Viuificat & mortificat Deus.	X.	19.	548.
3. Verba Eli. Ipse Dominus, faciat q̄ vult	VII.	1.	515.
4. De obitu vxoris Pinchas in partu.	III.	4.	487.
4. Casus Mephibosethi.	V.	3.	496.
4. De morte Eli.	VII.	App.	522.
8. Bethsemitę enecati ppter curiositatē.	VII.	App.	525.
20. Ionathan ad Dauidem: Vno tantum gradu a morte absum.	*		

25. Mors Samuelis.	I.	7.	470.
--------------------	----	----	------

25. Nabal occisus a Domino.	IX.	3.	535.
-----------------------------	-----	----	------

25. Fasciculus viuientium.	X.	20.	549.
----------------------------	----	-----	------

31. Interitus Saulis.	IX.	4.	535.
-----------------------	-----	----	------

SAMVELIS II.

Caput.

1. Luctus Dauidis super Ionathan.	IV.	2.	489.
1. Ionathani Epicedion.	VII.	App.	524.
2. Asahel occisus ab Abnero.	Ib.	App.	525.
3. Abner occisus a Ioabo.	Ib.	App.	525.
3. Eadem Historia.	Ib.	Ibid.	525.
3. Sepultura Abneri.	X.	21.	549.
4. Isboseth occisus a Baena & Rehob.	VII.	App.	521.
6. Vsa interitus ad arcem.	Ib.	App.	525.
11. Vria cum aliis sagittis confossi.	Ib.	App.	523.
12. Obitus filii Dauidis ex Bathseba.	IV.	3.	490.
13. Ammon occisus.	IX.	5.	535.
14. Sicut aqua in terram delabitur: ita &c	X.	22.	549.

** 2

18. Abj

DESIGNATIO LOCOR.

SAMVELIS II.

Caput.

18. Absolon occisus.	IX.	6.	536.
19. De Barsillai sene.	II.	12.	479.
20. Amasa occisus à Ioabo.	VII.	App.	521.
24. Optio de triplici pœna Daudi cōces.	X.	23.	549.

REGVM I.

Caput.

2. Mors vniuersæ carnis Via.	I. & X.	6. & 16.	470. & 548.
2. Mors Daudis.	I.	8.	470.
13. Propheta occisus à Leone.	VII.	App.	520.
14. Mors filij Ieroboam Abiæ.	IV.	4.	491.
17. Mors filij viduæ in Zarpath.	IV.	5.	492.
20. Percussus à Leone moritur.	VII.	App.	520.

REGVM II.

Caput.

1. Igne cœlesti absumpti milites.	VII.	App.	521.
2. Elias in cœlum translatus.	I.	9.	470.
4. Filius Sunamitidis mortuus.	IV.	6.	493.
5. Historia Nahamani leprosi.	V.	App.	504.
13. Ioas de Elisæo : Currus & equites Israhel.	I.	10.	471.
13. Ossa Eliæ tangens mortuus reuiuiscit.	X.	24.	550.
20. De Hiskia, mortis nuntium audiente.	VII.	App.	526.
20. Hiskias æger conualescit.	X.	25.	552.
22. Iosifæ nuntium de morte placida.	IV.	12.	495.
22. Iosifas à Domino euocabitur placidè.	X.	26.	552.

CHRONICORVM I.

Caput.

22. De peste tempore Daudis.	VII.	App.	525.
30. Mors Daudis.	II.	13.	480.
36. Vita vimbæ comparatur.	VI.	App.	510.

CHRONICORVM II.

Caput.

16. De Asa podagrico.	V.	4.	496.
-----------------------	----	----	------

21. Io-

CHRONICORVM II.

Caput.

21. Iorami morbus intestinorum.

24. Luctus super obitu Iosifæ.

33. Manasse pœnitens.

35. Ioiada Sacerdos moritur.

HIOB.

Caput.

1. Filij Iobis oppressi ruina domus.

1. Ignis consumens gregem Iob.

1. Nud⁹ egressus sū ex vtero matris meę.

2. Iob afflictus scabie pessima.

5. Beatus quem castigat Dominus.

5. Ingredieris in sepulchrum in senecta
vegeta.

7. Militia vita hominis super terram.

7. Vita ventus.

7. Nauicula textoris.

8. Vita hominis vmbra.

9. Vita comparatur { Curforibus.
Nauibus.
Aquilæ volanti.10. Cogita quod ex luto feceris me, & in
puluerem reduces.

13. Cadaveri

13. Vesti consumptæ } vita similis.

14. Homo natus de muliere breui viuens
tempore.

14. Numerus mensium apud te.

16. Si sici iudicaretur vir cum Deo.

17. Si sustinuero, infern⁹ domus mea erit.

19. Scio quod redemptor meus viuit.

20. Gloriatio impiorum perit.

27. Diues si dormierit, nihil secum au-
feret.

Cl.	The.	Pag. Man.
V.	5.	497.
I.	12.	471.
VIII	2.	527.
I.	11.	471.
VII.	App.	519.
VII.	App.	521.
X.	27.	552.
V.	2.	496.
X.	29.	553.
*		
V. & X.	6. & 28.	494.
VI.	App.	511.
VI.	App.	552.
VI.	App.	510.
VI.	App.	511.
X.	30.	553.
VI.	App.	511.
IV. X.	8. & 31.	494. & 553.
X.	32.	553.
X.	33.	553.
X.	34.	553.
X.	35.	554.
IX.	10.	537.
IX.	36.	538.

DESIGNATIO LOCOR.

HIOB.	Cl.	The.	Pag. Man.
Caput.			
30. Scio quod morti trades me, vbi domus viuenti.	X.	36.	534.
42. Hiobis mors. Senex, plenus dierum.	II.	14.	480.
PSALTERIUM.			
Psalms.			
3. Cubo, dormio, euigilo. Quia Dominus sustentat me.	X.	37.	554.
4. Mirabilis Deus in sanctis suis.	VII.	2.	515.
4. In pace dormiam & requiescam.	X.	38.	555.
6. In morte nemo memor tui. In inferno quis confitebitur.	X.	39.	Ibid.
7. Iustus iudex Dominus. Deus minitans.	Ib.	40.	Ibid.
8. Quid est homo? quod memor es eius.	Ib.	41.	Ibid.
9. Dominus refugium pauperis.	Ib.	42.	Ibid.
10. Exurge Domine, & exalteretur manus tua.	Ib.	43.	556.
16. Non relinques animam in inferno.	Ib.	44.	Ibid.
17. Videbo faciem tuam, satiabor in imagine tua.	Ib.	45.	Ibid.
18. Dum humilias magnificasti me.	Ib.	46.	557.
22. Extraxisti me de utero matris meæ.	III.	5.	487.
33. Dominus regit me, & nihil mihi deerit.	X.	47.	557.
31. In manus tuas Domine commendo spiritum.	Ib.	48.	Ibid.
31. Sortes meæ (Domine) in manu tua.	*		
32. Beati quorū remissæ sunt iniquitates.	VIII	3.	710 527.
33. Verbum Domini veritas, & omnes eius promissiones.	X.	49.	558.
34. Animas seruorū liberabit Dominus.	I.	13.	472.
34. Multæ tribulationes iusti, sed ab his omnibus liberat.	X.	50.	558.
39. Doce me numerum dierum meorum.	VI.	1.	505.
39. Nihil vita hominis.	VI.	App.	510.

PSALTERIVM.

	Cl.	The.	Pag. Man,
Caput.			
39. Integer Psalmus explicatur.	X.	51.	558.
42. Sicut cervus desiderat ad fontes.	X.	52.	559.
49. Neq; frater redimere potest à morte.	IX.	12.	538.
49. Sicut oves in inferno positi sunt.	Ib.	13.	Ibid.
49. Homo in honore constitutus, nec &c.	Ib.	14.	Ibid.
50. Inuoca me in die tribulationis.	X.	53.	559.
56. Numera fugas meas, collige lachrym.	VII.	3.	515.
56. De morte liberaſti animam meam.	X.	54.	595.
59. Non miserearis iniquitatē operantib.	IX.	15.	538.
66. Transiimus per aquam & ignem.	VII.	App.	521.
68. Onus imponit nobis Deus.	X.	55.	559.
71. Ne proicias me in senectute.	II.	24.	482.
71. Multas offendisti tribulationes.	X.	56.	559.
73. Profecto bonus Israeli Deus.	VII.	5.	515.
73. Dummodo te habeam, non curo cor- lum nec terram.	X.	57.	559.
75. Calix in manu Domini.	VII.	4.	515.
77. In tempore tribulationis quæſui Dominum,	X.	58.	560.
78. Ventus vita hominis.	VI.	App.	511.
84. Melior est dies vna in atriis Domini.	X.	59.	560.
88. Oculi mei languent, Clamaui ad te Domine.	Ib.	60.	Ibid.
89. Memento quam brevis vita mea sit.	Ib.	61.	561.
90. Anni nostri septuaginta, & si in po- tentatibus.	II.	26.	482.
90. Defecimus in ira tua : seu, propter irā tuam consumimur.	VI.	2.	505.
90. Somnio vita similis.	VI.	App.	512.
90. Sicut torrens } Vita hominis,	VI.	App.	512.
90. Sicut gramen }	VI.	App.	512.
90. Fabula vita nostra.	VI.	22.	512.
90. Integer Psalmus extat.	X.	62.	561.
91. Psalmus explicandus tempore pestis.	VII.	App.	526.

DESIGNATIO LOCOR.

PSALTERIVM.

Psalmus.

	Cl.	The.	Pag. Man.
91. Integer Psalmus explicatus extat.	X.	63.	563.
102. Non auferas me in dimidio dierum.	II.	23.	482.
102. Vmbra vita hominis,	VI.	App.	510.
102. Sicut fumus vita transit.	Ib.	App.	512.
102. Sicut fœnum arui,	Ib.	App.	513.
102. Dixi Deus, ne auferas, & seqq. ad fin.	X.	62.	565.
103. Gramini similis homo.	VI.	App.	512.
103. Floribus agri similis homo.	Ib.	App.	Ibid.
103. Cognouit figmentum nostrum.	Ib.	App.	513.
103. Sicut pater miseretur filiorum.	X.	65.	565.
116. Pretiosa mors sanctorum.	Ib.	67.	566.
116. Idem locus explicatur.	VII.	6.	516.
116. Conuertere anima mea in requiem.	X.	66.	566.
118. Non moriar, sed viuam.	VII.	8.	516.
119. Sicut pellis in fumo sum.	V.	9.	498.
119. Vers. 19. Hospes sum in terra.	X.	68.	566.
119. Vers. 109. Anima mea semper in manibus meis.	Ib.	69.	Ibid.
119. Versus vltimus: Erraui sicut ouis quæ periit.	Ib.	70.	Ibid.
121. Integer Psalmus habetur.	Ib.	71.	567.
126. Qui seminant in lachrymis.	Ib.	72.	Ibid.
130. Anima mea expectat.	V.	7.	498.
130. Integer Psalm. habetur. De profundis.	X.	73.	568.
144. Homo nihil.	VI.	App.	510.
144. Sicut vmbra transit.	Ib.	App.	Ibid.
144. Quid est homo?	X.	74.	568.
146. Exhibet spiritus hominis.	X.	75.	Ibid.

PROVERBIA.

Caput.

1. Ridebo in interitu vestro,	IX.	16.	539.
9. Initium sapientiæ.	II.	27.	483.
10. Memoria iusti in benedictione.	I.	15.	472.
10. Timor Domini auget dies.	II.	29.	438.

II. Di-

PROVERBIA.

Caput.

11. Diuitiæ non profunt in die iræ.
 14. Etiam in morte sperat iustus.
 14. Domus impij delebitur.
 14. Timor Domini fons vitæ.
 16. Corona senum canities.
 18. Turris fortissima nomen Domini.
 19. Qui patrem affligit.
 20. Fortitudo gloria iuuenum.
 22. Fama melior diuitiis.
 22. Idem locus habetur etiam
 27. Noli gloriari de crastino.

ECCLESIASTES.

Caput.

5. Tempus moriendi,
 6. Etiam vir celebris homo est.
 7. Velut umbra transit homo.
 7. Melior dies mortis die natiuitatis.
 7. Melius est ire in domum luctus quam
 conuiuij.

7. Melior est tristitia risu.
 7. In die bona lætus esto.
 9. Sicut pisces hamo.
 9. Nescit homo an odio.
 11. Si diu uiuat homo.
 11. Sicut ceciderit arbor.
 12. Memento creatoris, Locus integer,
 12. Memento creatoris.
 12. Spiritus redit ad Deum.
 12. Deum time, & mandata custodi.

ESAIAS.

Caput.

3. Auferet Dominus fortem.
 14. Semen impii in obliuione.
 22. Eliakim clauus.

Cl.	The.	Pag. Man.
IX.	17.	539.
I.	16.	472.
IX.	18.	539.
X.	77.	569.
II.	30.	483.
X.	79.	569.
IX.	19.	539.
II.	28.	483.
I.	17.	472.
X.	80.	569.
VI.	4.	505.
X.	81.	569.
I.	19.	473.
VI.	App.	510.
X.	82.	569.
Ib.	83.	Ibid.
Ib.	84.	570.
Ib.	85.	Ibid.
VI.	5.	506.
VII.	9.	516.
II.	31.	483.
IX.	8.	537.
II.	32.	484. 201.
IV.	7.	494. 276
X.	86.	570.
Ib.	87.	Ibid.
I.	20.	473.
IX.	Ibid.	539.
I.	21.	473.

DESIGNATIO LOCOR.

ESAIAS.

Caput.

	Cl.	The.	Pag. Man.
25. Et auferet Dominus velum.	X.	88.	570.
26. Sicut grauida parturiens.	III.	6.	487.
26. Ingredere cubiculum tuum.	IV.	10.	494.
26. In angustiis clamant.	X.	89.	571.
26. Mortui tui viuent.	X.	90.	Ibid.
28. Cum inferno pepigimus fœdus.	IX.	21.	539.
30. In silentio & spe.	V.	15.	499.
37. Dies tribulationis est vocem partu- rientis.	III.	7.	488.
38. Dispone domui tuæ.	I.	23.	474.
38. Ante vesperam succidis me.	VI.	6.	506.
38. Abrumpo vitam sicut filum.	VI.	App.	514.
38. Tuguriolum destructum.	Ib.	App.	Ibid.
38. Historia Hiskiaæ ægrotantis.	VII.	App.	526.
38. Eruiſti animam meam.	X.	92.	571.
40. Omnis caro fœnum.	VI.	App.	513.
40. Eadem verba explicantur.	X.	93.	572.
40. Nihil omnes homines.	VI.	App.	510.
43. Seruire me fecisti in peccatis.	X.	94.	572.
45. Conuertimini ad me, & salui eri- tis.	Ib.	95.	Ibid.
49. Nunquid obliuisci potest.	IV.	11.	494.
51. Cœli vt fumus liqueſcent.	X.	97.	573.
54. In momento dereliqui te.	VII.	7.	516.
56. Iustus perit.	I.	22.	474.
64. Tu pater noster. Abraham nesciuit nos.	X.	98.	573.
64 Omnes emarcuimus quasi folium.	Ib.	99.	573.

IEREMIAS.

Caput.

1. Si dimiserit homo.	VIII.	4.	528.
4. Vocem audio parturientis.	III.	8.	488.
12. Sicut oues dimittis, vt occidantur.	IX.	22.	540.
41. Godolias occisus.	VII.	App.	525.

EZECHIEL.

Caput.

18. Quare moriemini, dominus Israel.

18. Si discesserit impius.

24. Obitus coniugis Prophetæ.

33. Vivo ego nolo mortem.

37. Visio de ossibus rediuiuis.

DANIEL.

Caput.

4. Cor humanum auferetur.

12. Fulgebunt doctores.

12. Qui dormiunt in puluere.

OSEAS.

Caput.

13. Ex inferno redimam eos.

IONAS.

Caput.

1. Historia Ionæ.

2. De eodem.

2. De interitu liberaſti.

IUDITH.

Caput.

16. De morte & sepultura Iudith.

SAPIENTIA.

Caput.

2. { Nubeculæ } similis vita,
2. { Nebulæ }

2. Ad vitam creauit Deus hominem.

2. Voces impiorum recensentur.

3. Animæ iustorum in manu Dei.

3. Sancti illius in pace.

4. Iustus si morte præoccupatus.

5. Stabunt iusti in magna constantia.

9. Corpus aggrauat animam.

11. Omnium misereberis. Quia potestas.

16. Neq; herba, neq; malagma sanauit.

Cl.	The.	Pag. Man.
VIII	6.	528.
Ib.	5.	528.
VII.	10.	517.
VIII	7.	574.
X.	101.	Ibid.
VII.	App.	525.
I.	27.	475.
X.	102.	575.
X.	103.	576.
VII.	App.	523.
Ib.	App.	Ibid.
X.	104.	576.
II.	19.	481.
VI.	App.	514.
X.	105.	576.
IX.	23.	540.
VII.	11.	517.
Ib.	12.	Ibid.
IV.	13.	495.
*		
X.	106.	576.
VIII	9.	529.
X.	107.	576.

DESIGNATIO LOCOR

MARC VS.

Caput.

3. De hæmorrhousa.
 13. Videte, vigilate, orate:
 14. Vigilate & orate.

LVCAS.

Caput.

- | | Cl. | The. | Pag.
Man. |
|--|-------------|--------------|----------------|
| 2. Nunc dimittis Domine, seruum tuum
in pace. | II. &
X. | 16.
9. | 480. &
585. |
| 2. De Hanna Prophetissa. | II. | 20. | 481. |
| 6. Redderationem villicationis tuæ. | * | | |
| 7. De filio in Nain. | IV. | 20. | 497. |
| 8. De filio lairi. | Ib. | 14. | 495. |
| 12. Lumbi accincti sint. | VI. | 11. | 507. |
| 12. De diuite rustico. | IX. | 27. | 541. |
| 12. Seruus sciens voluntatem. | Ib. | 28. | Ibid. |
| 13. De muliere incuruata. | V. | 12. | 498. |
| 13. De oppressis in Siloah. | VII. | App. | 520. |
| 15. Homo habebat duos filios. | VIII. | 14. | 530. |
| 15. De one & drachma. | Ib. | 17. | 533. |
| 16. De diuite epulone. | IX.
& X. | 29. &
10. | 542. &
585. |
| 17. De decem leprosis. | V. | App. | 504. |
| 19. De decem talentis. | X. | 11. | 585. |
| 21. Possidete animas in patientia. | V. | 14. | 499. |
| 21. Cauete ne grauentur corda. | VI. | 12. | 508. |
| 21. Capillus de capite non peribit. | X. | Ibid. | 587. |
| 21. Cœlum & terra transibunt. | Ib. | 13. | Ibid. |
| 23. De latrone in cruce. | VII. | 15. | 532. |

IOANNES.

Caput.

- | | | | |
|--|-----|-----|-------|
| 3. Nemo ascendit in cœlum. | X. | 14. | 587. |
| 3. Sic Deus dilexit. | Ib. | 15. | Ibid. |
| 3. Qui credit in ipsum, non iudicatur. | | | |
| Qui autem. | Ib. | 16. | 588. |
| 5. Qui sermonem meum audit. | Ib. | 17. | Ibid. |

SACRÆ SCRIPTURÆ.

IOANNES.	Cl.	The.	Pag. Man.
Caput.			
5. Venit hora vt qui in monumentis.	X.	18.	588.
5. De paralytico 38. annorum.	V.	13.	499.
6. Amen Amen dico vobis, qui credit.	X.	19.	588.
8. Qui seruauerit sermonem.	Ib.	20.	Ibid.
9. De cæco à natiuitate.	V.	16.	500.
11. Totum caput breuiter annotatum, additis Locis.	X.	21.	589.
11. De Lazaro dormiente.	Ib.	22.	589.
11. Ego sum resurrectio & vita.	Ib.	23.	Ibid.
11. De Lazaro excitato à mortuis.	Ib.	24.	Ibid.
12. Granum nisi computrescat, & quæse- quantur ibi.	Ib.	25.	Ibid.
16. Mulier cum parit.	III.	10.	488.
17. Hæc est vita æterna, vt cognoscant te.	X.	26.	590.
17. Pater volo vt vbi ego sum.	Ib.	27.	590.
19. De sepultura Christi in horto.	Ib.	28.	590.
21. Cum iunior esses, de Petro.	Ib.	29.	590.
ACTA APOSTOLORVM.			
Caput.			
3. De claudio ab vtero.	V.	17.	500.
3. Per fidem in nomen ipsius.	Ib.	18.	501.
4. Non est in aliquo alio salus, nec no- men.	*		
5. De Anania & Saphyra.	VII.	App.	525.
7. De morte Stephani.	X.	30.	590.
8. De sepultura Stephani honorifica, & luctu bonorum.	*		
9. De Thabita excitata.	II.	21.	481.
Eadem historia recurrit.			
9. De Ænea restituto.	V.	19.	501.
10. Huic omnes Prophetæ.	X.	32.	592.
12. Herodes percussus ab Angelo.	IX.	30.	542.
14. De claudio Lystrensi,	V.	20.	502.

17. Nunc

DESIGNATIO LOCOR.

ACTA APOSTOLORVM.

Caput.

17. Nunc autem poenitentiam mandat.

20. De lapsu & resurrectione Eutychi.

28. Pater Publii febricitans, sanatur.

ROMAN.

Caput.

3. Omnes peccauerunt, & destituuntur gloria Dei.

5. Per vnum hominem peccatum.

5. Si vnus delicto multi mortui sunt, multò magis.

6. Si per mortem conscripti.

6. Suspendium peccati mors.

8. Non reputo pares.

8. Nihil damnationis.

8. Spiritus qui Iesum suscitauit.

8. Sollicita creaturae expectatio expectat.

8. Qui spiritu ducuntur.

8. Spe salui sumus.

8. Diligentibus Deum omnia cedunt ad bonum.

14. Nemo sibi viuit, nemo sibi moritur. Domini sumus.

14. Regnum Dei non esca & potus.

CORINTH. I.

Cap.

I. Christus factus nobis iustitia.

10. Fidelis Deus.

11. Si nos iudicaremus.

15. Quomodo resurgent mortui.

15. Stella à stella, differt ratione claritatis.

Cl.	The.	Pag. Man.
X.	33.	592.
VII.	App.	522. & 592.
X.	35.	592.
X.	36.	592.
Ib.	37.	Ibid.
Ib.	38.	593.
Ib.	39.	Ibid.
V.	21.	391 & 595.
X.	42.	594.
Ib.	43.	Ibid.
Ib.	45.	595.
Ib.	44.	594.
Ib.	46.	595.
Ib.	47.	Ibid.
VII.	14. &	518.
X.	49.	595.
X.	50.	595.
Ib.	51.	596.
VII.	15.	518.
X.	53.	596.
Ib.	54.	597.

15. Sec

*Le reste de cet indice est transposé
en deux endroits de l'indice qui est à la
fin de ce volume.*

THEMATVM FVNEBRIVM DIS- POSITIONES.

CLASSIS I.

Continens themata, quæ in funeribus honoratorum, & eorum qui vel Ecclesiæ, vel Reipublicæ cum laude præfuerunt, commodè pro conatione tractari possunt.

THEMA I.

Numer. XX. cap. vers. 23. ad finem capitis.

De morte Aaronis Sacerdotis. Vide Manualis paginam 467.

DISPOSITIO.



Ugubris est hæc historia, in qua describitur, quomodo primus & summus populi Israelitici Sacerdos, in præsentia filii Eleasari & fratris Moysi, ita volente & iubente Domino, diem suum obierit. Sunt autem quatuor partes historiæ.

1. Denuntiatur à DEO mors Aaronis, ipsi & fratri Moysi.
2. Vestibus simul & officio exuitur Aaron. Ipsi autem succedit filius.
3. Mors Aaronis notatur.
4. Luctus populi super obitu sui Sacerdotis describitur.

I. Pars.

1. Primum circumstantia loci notatur. Facta hæc esse in monte Hor, qui est in finibus terræ Edomitarum.

A

2. Ibi

2. Ibi Dominus denuntiat Mofi & Aaroni, instare horam mortis Aaronis. Moriendum enim illi antequam ingrediantur filij Israël terram Canaan.

3. Causa huius additur: Quia incredulus fuerit tam ipse Aaron Sacerdos, quàm frater Mose Dux populi ad aquas contradictionis. Historia extat hoc ipso capite. Num. 20. v. 11. & seqq. Diffidebant autem Deo. Inde minatur illis mortem præmaturam.

4. At ne videatur mors hæc Aaronis ob futura saluti, ita temperat Dominus suum sermonem, ut intelligat spem sibi fieri de æterna salute, quia respuit post peccatum. Etenim de morituro Aarone dicit Dominus, Colligatur ad populum suum, h. e. transeat ad sanctos maiores suos, qui in vera fide hinc decesserunt, & iam cum Deo ævum agunt.

LOCVS COMMVNIS. I. Magnis viris æquè moriendum ac infimis. Via omnis Carnis. 1. Reg. 2. Omnibus constitutum mori. Heb. 9. Fortis Samson. David heros. Salomon sapiens. Mose fidelis.

Ratio. Quia omnes sumus ex æquo peccatores. Omnes declinaverunt. Ps. 14. v. 3. Vfus. Ergo non graue sit nobis mori. Colligimur ad populum nostrum. *Es geht uns erst wie andern Leuten vor und nach uns.* Estque plenissima consolatione hæc phrasis, Colligi ad patres, qua & animæ immortalitas, & hoc quoque significatur, Beatè vivere pios defunctos, & congregatos vno in loco frui æternis gaudiis, in altera vita.

II. Consolationem tamen petere licet ex hoc loco, quod mors corporalis piorum æternæ saluti nihil officiat. Ideoque somnus dicitur. Ioan. 11. v. 11. Luc. 8. v. 52. Et quies. Apoc. 14. v. 13. Etiam si interdum propter certa peccata mors præmatura abripiat. Exempla. Mose. Aaron. Propheta inobediens. 1. Reg. 13. Ita tamen, si agatur vera atq; seria pœnitentia. Contentus enim est Deus temporalis mortis supplicio. Huc pertinet id, Castigabo te in iudicio, ne impunitum dimittam te. Ierem. 46. v. ultimo.

mo. Et Ierem. 30. v. 11. ne videaris tibi innocens. Vfus. Ergo mortem non horreatus. Licet enim sit stipendium peccati, tamen in pios nihil iuris habet. Mors enim secunda Apoc. 21. v. 8. destructa per Christum. 1. Cor. 15. v. 26. Et ademptus illi aculeus, Ose. 13. v. 14. 1. Cor. 15. v. 55.

II. Pars.

Aaronem Mandato Dei vnà cum filio Eleasaro deducit Moses in montem Hor, inspectante omni populo. Ibi exiit Aaron veste sacerdotali, & illa induitur filius Eleasarus. Parent mandato Dei simul hi tres. Hac autē ceremonia ostendere voluit Dominus Aaroni, successurum ipsi filium in summo Sacerdotio, sicq; simul iussit ipsum immitti in possessionem Sacerdotij, coram oculis patris.

Voluit hac ratione Dominus singulari gaudio in ipsa hora mortis afficere bonum Aharonem, vt videret filium in summa dignitate sibi surrogatum, sicq; alacrius mortem subiret.

L. I. Videmus verum id esse, Fidelis Deus non sinens tentari vltra vires, 1. Cor. 10. Triste erat exui & veste sacerdotali, & vita simul. At vicissim iucundum erat videre filium successorem. Vide quomodo sibi gratuletur Dauid moriturus, propter filium quem videt successorem regni, 1. Reg. 1. v. 48. Sic in ipsa etiam hora mortis Deus suos solet perfundere gaudio, ne illis sit acerba mors. Stephanus cœlum videt apertum, Act. 7. Tale spectaculum in verbo suo omnibus piis ante oculos ponere vult. Hinc id, etiam in morte sperat iustus, Prou. 14. v. 32. Videmus enim thronum nobis per Christum in cœlo paratum. Sedebitis super thronos, Luc. 22. v. 30. Benè itaq; sperandum cum Dauid, Psalm. 23. Tametsi ambulauero, &c. Dicendum ex Psalm. 118. Non moriar, sed viuam. Et Psalm. 73. Dummodo te habeam, & seqq.

Locvs II. Posset etiam tractari locus hic de parentibus & filiis. Parentes qui filios volunt videre ante obitum in honore, ipsi non tantum benè & laudabiliter

viuant, vt relinquunt liberis benedictionem Domini, de qua Exod. 20. v. 6. sed & liberos educent in timore Domini Ephes. 6. v. 4. Filij autem sint tractabiles & morigeri, vt exhalarent parentes. Prou. 10. v. 1. & digni honorum patrum hæredes habeantur.

III. Pars.

Natus Aharon Annos 123. Num. 33. v. 39. Corpore adhuc vegeto atq; valido est, vt ipse montem conscendat. Cum autem ascendisset in verricem montis, nudatusque esset vestibus sacerdotalibus, ibi tum confestim moritur, & Spiritum Deo reddit.

Quis fit autem quod Aaron tam citò moritur, cum viribus adhuc integris prospera usus fuerit valetudine? Potuisset utiq; naturaliter diutius viuere? Resp. Dominus dixit, Colligatur Aaron ad populum suum & moriatur. Non potest itaq; Aharon extrahere vitam vel ad vnum momentum horæ.

Locvs. Discimus, Mortem non nisi iubente & volente Domino nos abripere. Deus autem in numero habet, vt capillos capitis, ita etiam dies, horas & momenta vitæ nostræ. Psal. 31. v. 16. In manibus tuis vitæ meæ dies. Psal. 139. In libro tuo scripti dies mei.

Ideoq; semper parati & prompti esse debemus, vbi Deus iusserit, conscendere hunc montem cum Aarone. *Dann da wird nichts für helfen.* Contra vim mortis non est medicamen in hortis. Sap. 16. v. 12. Ideoque Aaron nulla vititur medicina: quia ipsi constat de hora mortis. Quia verò nos non sumus certi, de momento exitus nostri, ex hac vita, media diuinitus ordinata non debemus contemnere, quib. alioquin vires recolligi & morbi arceri possunt. Syr. 38. Exemplum Hiskia. Eia. 38. v. 21. Vide Syr. 38. v. 1. & seqq. multis.

Ita tamen vtamur medicina, ne in illa confidamus, sicut Afa. 2. Chron. 16. v. 12. sed mortem suo tempore nos effugere non posse certò statuamus.

IV. Pars.

IV. Pars.

Videns populus Aaronem ex monte non reuerti, sed Eleazarum (quem Sacerdotalibus vestibus indutum cernebant) patri in officio successisse; facile potuit colligere Aharonē iam diem suum obiisse. Quia autem officio suo fidelissimè præfuit per multos annos, lugent illius obitum triginta diebus, externis etiam gestibus luctū suum ostendentes. Idq; fecit omnis Israel, à maximo ad minimum: viri pariter ac fœminæ, iuuenes & senes.

L. I Nihil quidem mortuus luctus noster iuuat: Interim tamen affectum erga ipsos pium declarare oportet, luctu moderato. De quo vide Syr. 38.v.17. Præsertim si fuerunt pij & boni. Ideò de filio Ieroboam dicit Dominus, plarget eum omnis Israel, quia bonū inuentum fuit in eo. 1. Reg. 14. Maximè verò si benè meriti sunt de Ecclesia vel Rep. Ideo luget Rex Elisam, Currum & aurigam Israelis. 2. Reg. 13.v.14. Horum enim mors damnosa est Reip. & Ecclesiæ, & inter pœnas numeratur. Esa. 3.v.2.

II. Videntur Pontificij ab Israelitis mutuas se peractionem Tricesimorum (den dreissigsten vt vocant) quibus solent Missas celebrare pro defunctis, vt liberetur anima citius ex purgatorio. At stulta est hæc *καταχρησία*.

Etenim teste Augustino, Curatio funeris, conditio sepulture, pompa exequiarum, magis Viuorum sunt solatia quàm subsidia mortuorum. Item: Corpori humano quicquid impenditur, non est præsidium salutis, sed humanitatis officium.

Vide Augustin. in libr. de cura pro mortuis, Cap. 2. Tom. 4. p. 628. Et lib. 1. de Ciuit. Dei. cap. 12. De cura pro mortuis, Cap. 14. Tom. 4. p. 637.

F I N I S.

T H E M A II. C L A S S I S I.

Numer. XXIII. v. 10. Manual. pag. 468.

Moriatur anima mea morte iustorum, & fiant nobis similia mea horum similia.

DISPOSITIO.

Protulit quidem hæc, quæ prælegimus verba, scelertus ille & nequissimus impostor, Bileamus Ammoniticus Propheta: at quod hîc loquitur, ex ore Dei loquitur. Sic enim Dominus, Num. 22. v. 35. Non aliud q̃ quod ego tibi præcepero, loqueris. Ipse etiam fatetur ver. 18. Non potero immutare verbum Domini Dei mei, vt vel plus vel minus loquar. Hoc igitur ipso Cap. vers. 5. dicitur Dominus posuisse verbum in ore ipsius. Ergo sicut Caiphas Ioan. 11. præter suam voluntatem, sic etiam hoc loco Bileam cogitur vera dicere, & bona verba proloqui. Hæc itaq; primū examinabimus, tum etiam doctrinas subiungemus.

VIDEAMVS.

Vt verba prælecta intelligamus, paulò altius quædam erunt repetenda.

1. In hoc conduxit Rex Moabitarum Balack Prophetam Ammoniticum, magnisq; pollicitationibus illi persuasit, vt contra Dei voluntatem & propriam conscientiam, malediceret populo Israëlítico, qui iam attigerant fines Moabitarum, Num. 21. in fine. Verentur enim ne illis idem eueniat ab Israëlitis, quod Amoritis, Numer. 22. initio Capituli. Sperat itaq; Balak, Prophetam Bileamum suis maledictionibus facilius deleturum hunc populum, quàm ipse possit armata manu.

2. At cum amore pecuniæ illectus Propheta tentaret maledicere Israëlī, Deus non tantum cohibet illius linguam, vt non possit maledicere, sed & penitus immutat illius orationem, vt cogatur benedicere, & benè præcari Israëlī. Quomodo enim, inquit, maledicere potero, quibus Deus non maledicit?

3. In specie autem hoc loco vaticinatur, (Deo os & linguam illius gubernante,) Deum affuturum Israëlī, & iuxta promissionem iam olim Abrahamo factam, Gen. 13. vers. 16. ita multiplicaturum hunc populum, vt sit futurus innumerabilis sicut pulvis terræ.

4. Tan-

4. Tandem addit votum, optans scilicet, vt cum Israëlitis piè mori, & post hanc vitam regni cœlestis cū piis Israëlitis particeps esse possit. Verba autem ita habent. Morietur anima mea, inquit. Scit quidem Bileamus, animam immortalem esse, sed vsitato more loquendi, intelligit vitam corporalem. Sic Exod. 21.v.23. animam pro anima relinquet, id est, vitam. Sic sanguis dicitur anima. Deut. 12.v.23. Quia sanguis est animę siue vitę vehiculum.

Mori autem optat Bileamus morte iustorum. Etenim credentes in Christum pro iustis reputantur. Qui credit in Christum, iustus est, Rom. 10. v. 4.

Et credentibus mors est ingressus ad vitam. Ioan. 5. ver. 24. Optat ergò vt per mortem corporalem ad vitam cum iustis & credentibus ingredi possit.

Et fiant nouissima mea horum similia. Explicatio est præcedentium. Vtinam in extrema vitę hora eandem possum habere spem vitę æternæ: Vtinam eandem consolationem à Deo possum expectare, quam habent Israëlitis pii, quos Deus singulari fauore complectitur. His nunquam deest. Summa, non fecit taliter omni nationi, Psalm. 147.

D O C T R I N Æ.

LOCVS I. Memorabilis est optio hæc Bileami, vt scilicet nobis contingat mori morte iustorum. §. I. Multum namq; interest, (quod nequissimus etiam Bileamus intelligit) inter mortem iustorum & mortem impiorum. De impiis Psalm. 73. Cum terrore vitam finiunt. Et quod ad nouissima illorum attinet, Psalm. 49. refert, quid de illis fiat, sicut oues in inferno positi sunt, mors depascet eos. Propterea tantoperè deplorat Dauid interitum filii, 2. Samuel. 18. Iustorum autem animæ in manu Dei sunt, & non tanget illos tormentum, Sapient. 3. Memoria iustorum in benedictione. Prouerb. 10. Magna hæc iustorum prærogatiua, multum illis solatij præstat in hora mortis. Sciunt Coronam sibi repositam, 2. Tim. 4.

2. Quid autem faciendum, ut mors iustorum nobis contingat, de hoc pauci cogitant. Multi enim cupiunt quidem mori sicut iusti, sed nolunt vivere sicut iusti. Multi sibi æternam felicitatem optant, interim tamen nihil eorum agunt, quæ ad acquirendam vitam æternam faciunt. Exempla, Bileam, Simon Magus, Act. 8. Et hi qui dicunt, Domine, Domine, Matth. 7. Et de quibus Paulus Tit. 1. Verbis profitentur se scire Deum. Item. 2. Timot. 3. Speciem pietatis habent. His autem dicetur, Non novi vos. Matth. 7. & 25.

Nemo itaque seipsum decipiat, nemo salutem suam negligat.

3. At qui voti sui compotes fieri volunt, non verbis hoc tantum optare, sed in id incumbere debent, ut 1. per fidem in Christum iustificentur, & pro iustis reputentur à Deo. Iustus fide sua viuet. Hab. 2. Iustificati fide pacem habemus cum Deo. Rom. 5. 2. Fidem iustis operibus testentur. Quæ describuntur Esa. 58. Matth. 25. Dicit enim Hoseas cap. 14. v. 9. Iustos ambulare in viis Domini rectis.

Qui sic iustus est per fidem, & sanctè vivit: is etiam morte iustorum morietur. Iusticia liberabit à morte æterna. Prou. 10. v. 2. & 11. v. 4. Et quod de Israelitis Bileamus prædicat, Deum illis valde esse propitium, idem ad omnes Christianos pertinet. Psal. 34. Oculi Domini super iustos.

Notandum autem hoc loco, quod licet interdum iusti, hoc est, pii & credentes, quoad externam faciem, videantur acerba & tristi morte abripi, (quando vel diutius cum morbis & morte conflantur, vel cum aduersis casibus pereunt: Contra impii sæpe placida morte decedunt, & vix ad momentum terrentur. Iob. 21. v. 13.) tamen quia nihil facit mortem malam, nisi quod sequitur mortem, teste Augustino De ciuit. Dei, lib. 1. cap. 11. ideoq; ab externis euentibus de morte iustorum iudicari non debet.

Iustus enim etiam in morte sperat Prouer. 14. Et sentit internum testimonium Spiritus sancti. De quo Rom. 8. vers. 16. Et quia lampades illorum semper sunt instructæ oleo,

oleo, Matth. 25. ideo semper paratos inuenit illos Dominus.

Locvs II. Ex verbis, Fiant nouissima mea similia horum, monemur de hoc, quod Syr. 7. v. 40. habet, Memorare nouissima, & non peccabis in æternum. Qui enim sollicitus est de nouissimis, nunquam erit securus. Animam suam commendabit in manus Domini, singulis momentis, cum Dauide, Psal. 31. vers. 6. Et Syr. 18. Memento nouissimorum. Quod si verò peccatis Deum offendit homo, hoc tamen agat, vt nouissima illius similia sint nouissimis iustorum. Dicitur enim Prouerbio: *Wann das end gut ist / so ist alles gut.* Et sæpe fit, vt nouissimi fiant primi. Matth. 19. Hæc autem non dicuntur pro securis. *Man muß es nicht dahin sparen.*

T H E M A III. C L A S S I S I.

Num. 27. vers. 12. & seqq. ad v. 18. Manual. pag. 468.

Moses iussus ascendere in montem Abarim, vt ibi prius contempleretur terram Canaan, quam moriatur.

D I S P O S I T I O.

Mosen virum Dei grauissimis negotiis adhibitum, & in ipsius DEI præsentissimum Colloquium admissum, eumq; fidelem in omni domo Dei nouimus ex Num. 12. v. 7. Interim tamen quia homo peccator est, ex communi lege hominum tenetur mori. Et sanè quia fuit (Num. 12.) homo afflictissimus super omnes qui morabantur super terra, nihil potuit illi contingere optatius, quàm vt solutus omnibus huius mundi curis, vel tandem dulci posset mandare corpus quieti. Verùm quia obitus illius non tantùm populo, quem hætenus rexerat, valde luctuosus, simul & damnosus, cum illis omnibus alter parens fuerit, sed etiam ipse ratione valetudinis diutius superstes esse potuerit, mirum forsan videri posset, quare hoc tempore, & hoc rerum statu Deus ipsam hinc euo-

candum putauerit. Nos itaque primum 1. Dei mandatum, quo mors viro Dei denunciata fuit, eiusque causam: 2. Deinde etiam, quàm æquo animo hoc Moses tulerit, considerabimus.

I. Pars.

1. Morabantur Israëlitaë in finibus terræ Canaan, in quam propediem introducendi erant. Quia verò Mosen Dominus certis de causis (de quibus iam mox dicetur) in Canaan non volebat ingredi, hoc tamen illi concessit, ut consensu monte Abarim oculis prius omnem terram contèplari posset, quàm ex hac vita decederet. Et legitur Dominus ipsi ostendisse omnem terram Canaan, Deu. 34.

2. Iuxta tamen ipsi dicitur, quando viderit terram Canaan, tum ipsum fore colligendum ad populum suum, quemadmodum iam ante Aaron frater ipsius mortuus fuerit, ipso præsentem, in monte Hor, Num. 20.

3. Sed quare non præsentibus oculis terram illam finit aspicere bonum Mosen, fidelem seruum? Additur ratio. Quia offendistis me (tu & frater tuus) in deserto Sin. &c. Extat historia Nu. 20. & ibi statim minatur Dominus illi atque fratri Aaroni hanc pœnam. v. 12. Repetit hoc Moses Deut. 1. v. 37. & 34. v. 4.

4. Interim tamen benè cum ipso agi ostendit, quod non sit perdendus, sed colligendus ad populum suum. De hac phrasi vide supra in tractatione Thematicis 1. Clafsis primæ, de Aarone, parte 1. numero 4.

NOTA. Possunt ex hoc textu tractari iidem loci Communes, qui supra, loco jam modo citato habentur. Sed addemus hic alios etiam singulares.

L. I. Sicut Moses à longè tantum vidit terram Canaan, nec licet ipsi diu in illa terra commorari, & ad satietatem ibi vivere: sic nobis in his terris non habitandi, sed exiguo tempore commorandi, & vix illam oculis lustrandi spacium concessum est: mox verò finis vitæ imminet. *Es eben als ob wirs nur einmal hetten gesehen.* Hinc

David

Dauid quamtumuis septuagenarius se hospitem in his terris fuisse, aduenam & peregrinum asserit. Psal. 39. & 119. Idem Heb. 11. v. 13. Sap. 5. Hospes vnius diei. Ideò superna magis quam terrestria quæramus. Col. 3. v. 1. Cum nostrū *πολίτευμα* non sit in terris, sed in cælo. Phil. 3. v. 20. Venturam vitam inquiramus, cum hîc manentem ciuitatem non habeamus. Heb. 13. v. 14. Satis est nos vidisse hanc terram, cum mox instet hora mortis.

L. II. Quia Deus ne Mosi quidē sibi charissimo parcit, quin dubitationem illius pœna temporali puniat: discamus nos Deum timere & abstinere a peccatis. Si enim hoc fit in viridi, quid fiet in arido? Luc. 23. v. 31. Et si iudicium incipit à domo Dei, quis erit finis eorum qui Euangelio non credunt? 1. Pet. 4. v. 14.

L. III. Videmus etiam magnos Viros & heroas non esse absque omni peccato. Verum ergò illud Psalmi 62. v. 10. Profectò magni viri quoque aberrant, si ponderentur in statera, ipsa vanitate sunt leuiore. Et Prouerbio germ. dicitur: *Einem weisen Mann widersehret nicht ein geringe Thorheit.*

Hæc faciunt ad consolationem piorum, qui ex animo student facere officium, interim tamen peccatis & variis infirmitatibus sunt obnoxij. Eaque de causa sæpè anguntur animo. At his qui cum Deo redeunt in gratiam per pœnitentiam, licet corporalibus pœnis non semper subtrahantur, per Christum omnia peccata condonantur, in profundum maris deiiciantur, Mich. 7. vt nullum animæ illorum immineat periculum.

Nihil hæc ad eos, qui contra conscientiam peccant ex proposito, nec vitam emendant, nec pœnitere volunt de admissis.

I I. Pars.

Videamus nunc quo animo Moses Dei mandatum & hanc mortis denuntiationem acceptarit.

Non deprecatur mortem, nec quarit dilationem, nec
moras

moras necit, nec peccatum diffidentiae excusat aut extenuat: sed paratus est mortem subire, quodcumque Deo placuerit. Vnum hoc petit, ut Dominus (qui potestatem habet vitae & necis super omnes homines) alium velit substituere in locum ipsius, qui populum Israeliticum & regat, & in Canaan introducat. Ne sint sicut oves absque Pastore. Mirum videri posset, cur Moses hæc petierit. Etenim constat ex historia Ex. 17. Num. 14. 16. 20. quod ingratis hic populus, pro bene meritis ipsum multoties conuitiis fœdissimis prosciderit, imò quod eum aliquando voluerit lapidare & interficere. Alius forsitan dira quævis fuisset imprecatus huic populo, & rogasset Deum, ne porro illis quenquam virum bonum præficeret, cum indigni sint, qui regantur à bono & pio Magistratu. Aut si velit alium substituere in locum Moïsis, det illis Tyrannum aliquem, ut agnoscant tandem quem Magistratum habuerint, gubernante illos Moïse, & quam erga ipsum fuerint ingrati.

At Moses fidelis seruus Domini hoc non precatur. Caritas enim aliud suadet.

L. I. Vbi Deus nos voluerit ex hac vita euocare, sumus prompti & parati, nec reluctemur Deo, quod multi faciunt. Hinc Syrach. 41. v. 6. Quid repugnas beneplacito altissimi? Quin potius dicendum, Nunc dimittis. Luc. 2. Cupio dissolui. Phil. 1. Tolle animam meam, si ita placet. non sum melior patribus. 1. Regum 19. Elias. Præsertim cum sciamus nos colligi ad populum nostrum: Nihil nobis accidere noui: sed ingredi nos viam Omnis Carnis. 1. Reg. 2. Maximè verò cum nulla nobis spes sit melioris conditionis in hac vita, Syr. 41.

L. II. Videmus inter alia pii & boni Magistratus officia, hoc etiam requiri, ut sicut omni tempore Magistratus sui, ita etiam cum ab officio (vel propter ætatem ingrauescentem, vel propter instantem horam mortis) discedendum est, pro populo sit sollicitus, ne sit populus Domini sicut oves sine pastore. Et si maximè populus ipsi pro bene-

benefactis malam retulit gratiam, sicut Israel Moſi & Samueli, tamē hoc ferant patienter. Charitas enim patiens eſt & benigna. Non cogitat malum: omnia ſuffert, omnia credit, omnia ſperat. 1. Cor. 13. Et ſi plus preſtare amplius non poteſt, tamen non ceſſet rogare Dominum pro Ouibus, olim ſuæ fidei commiſſis, quod hic facit Moſes. Sic enim bonus Samuel, 1. Sam. 12. Abſit à me hoc peccatum in Domino, vt ceſſem orare pro vobis.

L. III. Agnoſcant autem ſubditi, quantum Dei donum ſit bonus Magiſtratus: & quam neceſſaria ſit ipsis opera pii Magiſtratus. Illis enim minus poſſunt carere, quàm oues paſtore, Moſe teſte. Ideoque ipſe Dominus vocat Cyrum ſuum Paſtorem. Eſai. 44. Quin etiam Ethnicorū Magiſtratus dicti ab ipsis fuere ποιμῆνες λαῶν, Paſtores populorum. Homer. Vide Eſa. 3. v. 3. vbi minatur Dominus, ſe ablaturum Magiſtratum prudentem & daturum pueros Principes.

F I N I S.

T H E M A I V. C L A S S I S I.

Deuteronom. 34. Manual. pag. 469.

De morte & ſepultura Moſis viri Dei.

D I S P O S I T I O.

Cum ad deducendum hodiernum funus frequentes conuenerimus, æquum eſt nos prius audire doctrinam & conſolationem quàm domum reuertamur. Viſum autem eſt veſtræ charitati exponere inſignem illam & non vno tantum nomine mirabilem hiftoriam de morte & ſepultura Moſis, cui Dominus hunc honorem habuit, vt ipſe eum terræ mādaret, quod in vniuerſa ſcriptura alias non legitur. Sicq; Dominus ſe ipſum veſpillonem, Libitinarium vel Humatorem conſtituit. Ordinis autem & memoriæ cauſa hanc hiftoriam in 4. membra parti placet.

Deſcri

Describitur enim 1. ætas. 2. mors. 3. sepultura Moſis.
4. luctus populi.

I. Pars.

Describitur hoc loco inter cætera ætas Moſis. Vixit is annos centum & viginti. Reſpectu Maiorum, vt Noachi & cæterorum poſſet Moſes idem dicere, quod Iacobus Pharaoni Gen. 47. quod non pertingant anni vitæ ipſius uſque ad dies patrum ſuorum. At reſpectu hominum ſui temporis, qui Pſalmo 90. teſte ad ſummum 80. annis vixerunt, grandior eſt ætas. Voluit enim Dominus illum diutius eſſe ſuperſtitem, quia ferendis legibus & gubernando populum duræ ceruicis, fidelem ipſi nauauit operam. Id autem vt poſſet præſtare uſque ad finem vitæ; ſingulari hoc beneficio fuit affectus a Deo: de quo ſequitur. Non caligauit oculus eius, & non defluerunt genæ illius. Valido uſque ad mortem atque uergeto fuit corpore, proſpera ſemper uſus ualitudine. Corporis & ingenii vires adhuc ſunt integræ.

L. I. Grauis alioquin ſenectus, quæ per ſe morbus eſſe dicitur. Deſcribuntur incommoda ſenectutis Eccleſ. 12. ubi inter alia etiam hoc reſertur, quod tenebreſcant ſol & lumen, luna & ſtellæ. Et cætera multa ibi.

Barſillai hæc expertus reſert ad Dauidem. 2. Sam. 19. Iacobi etiam Patriarchæ oculi caligauerunt, Gen. 27. De propheta Ahia 1. Reg. 14. legitur, Non poterat videre, quia caligauerunt oculi eius præ ſenectute.

At non omnium ſenectus tam grauis eſt. Moſes anno vicesimo poſt centeſimum valido & uergeto plane eſt corpore. Caleb poſt annum 85. robuſto eſt corpore, quo erat quadragenarius. Ioſ. 14.

Poteſt enim & vult quoq; Deus nonnullorum corpora etiam in ſenecta uergeta conſeruare, præſertim eorū, quorum operavel in Rep. vel in Eccleſia diutius uti decreuit.

I. Quia autem hæc ſingularia & rara ſunt, magni beneficii loco habenda, Deoque agendæ gratiæ ſi talis contingat

tingat senectus. Erit autem hoc Deo gratissimum, si viribus ingenii & corporis a Deo datis conseruatisque, vtantur ad promouendam Dei gloriam, & ad proximi vtilitatem. Exemplum Moſis in promptu eſt. Sin vero diuerſum illis accidat, erit & illud patienter ferendum, cum idem experti fuerint, qui Deo fuerunt chariſſimi: ſic vt præter exempla ſupra allegata, Iacobi ſcil. & Ahia, vir ille ſecundum cor Dei, Dauid ſenex, vix ſeptuagenarius penè omni calore natiuo deſtitutus fuiſſe legatur, 1. Reg. I. v. I.

2. Notandum autem hoc loco, multos ſibiipſis grauem & amaram, infirmam inopemq; ſenectam attrahere: cum flores iuuentutis Diabolo conſecrarunt. Multi enim ſua intemperantia, aliisq; rationibus cauſa ſunt, vt ægra ſenectus tremulo veniat gradu, quam tandem morbis finire coguntur. Id verò de Moſe, Calebo, &c. non legitur. Vos ergo qui adhuc eſtis iuuenili & valido corpore, venturæ memores iam nunc eſtote ſenectæ.

II. Pars.

Tam valido autem corpore non eſt Moſes, quin moriatur etiam in terra Moabitarum. Quid hoc rei? Numquid potuiſſet ratione valetudinis diutius ſuperuiuere? Maximè. Quæ igitur cauſa improuiſæ & ſubitæ mortis? Moritur iuxta verbum Domini. Dominus iuſſit illum hîc mori, Numer. 27. At numquid opera illius vtilis fuit Reipubl. & Eccleſiæ Iſraelitarum? Ita ſanè. Numquid non fidelis fuiſſe legitur Miniſter in tota domo Dei? Vtique. Hoc enim ipſum Encomio Altiffimus ornauit, Num. 12. verſ. 7. Dignus ergo qui æternùm viuatur? Maximè. Et ſanè, quod ſequens hiſtoria docebit, voluit Deus illi pro temporali æternam vitam reponere. Interim tamen quia homo peccator erat, moriendum ipſi quoque. Et hoc tempore moriendum, prius quàm ingrediatur in Canaan, quia peccauit diffidentia, Num. 20. Hoc etiam loco moriendum, ex quo vidit terram Canaan, quod illi ſufficere debet, Deut. 34. verſ. 4. præcedenti.

Locvs I. Mors nemini parcit, cuiuscunq; conditionis, ætatis aut fortunæ sit. Etenim quia in Adam omnes peccatores, cum Adamo omnes moriuntur. Quia omnes de terra, in terram omnes reuertuntur. Gen. 3. Roman. 5. Peccauit Moses, Dauid, Salomon. Ideoq; moriuntur omnes. Ergo semper de morte cogitandum, etiam in iuuentute. Antiquum enim & perpetuum est fœdus, morieris. Syr. 14. v. 18.

Locvs II. Omnes moriuntur iuxta verbum Domini. Quodcunq; enim & vbicunq; & quomodo iusserit te mori, morieris, Aaroni dicitur & Mosi, Ascēde in montem, ibi morieris. Ecce præstò sunt, parati facere quod Dominus dixerit. Numer. 20. & 27. Deuter. 34. Ergo non præscribas Domino Deo tuo nec tempus, nec locum, nec modum: quod multi faciunt, dicentes; Dummodo non in hoc loco moriar: vtinam possem tot annos viuere, deinceps lubens mori vellem; modo non hoc mortis genere abripiar, &c. Stultè hæc omnia. Expecta verbum Domini, & quodcunq; is dixerit, tibi dictum putato. Sicut Ioan. 2. Maria hortatur ministros, Quodcunq; vobis dixerit, facite. Tu verò omni tempore paratus sis, vt mox vbi audieris mortis nuntium, quod certe est verbum Dei, (volo vt hîc, iam, hoc modo moriaris) possis spiritû tuum piis precibus reddere Creatori, cum Dauid, Psal. 31. v. 6. & Stephano, Act. 7. v. 59.

III. Pars.

Mortuum diximus Mosē. Sepeliendus igitur. At nemo illi adest morituro præter Deum, in mōte. Deus ergò sibi sumit officium vespillonis, & humare vult fidelem suum atq; charissimū Mosē. Et notatur quidem regio, in qua psu m terre mandauerit: vid. vallis terræ Moab, è regione phani Idololatrici, quod tū vocabatur Domus Idoli Peor siue Phegor. Vide mirabilem & excellētissimum Libitinū siue humitorem. At sequitur etiam aliud mirabile Non cognouit homo sepulchrum illius vsq; in præsentē diem.

Quæstio

Quæstio hîc oritur, Quare Deus occultauerit tanto studio Mosis sepulchrum? Hoc quidem scriptura non expressit. At videtur ex Epistola Iudæ vers. 9. colligi posse, Diabolum (qui de sepulchro Mosis legitur contendisse cum Michaële Archangelo) voluisse superstitionem aliquam hominibus instillare ex hoc loco. Vt ut sit, de hoc constat, Deum ex sepulchro Mosen postmodum transfuisse in regnum cœleste. Quod testatur transfiguratio Christi, Matth. 17. vbi Moses cum Eliâ apparet. Signum hoc fuit fauoris & clementiæ Dei singularis.

L. I. De sepultura. Honestè humandi mortui. Vide Syr. 38. v. 16. Exempla. Abraham. Gen. 23. Ioseph. Gen. 50. Lazarus. Ioan. 11. Idq; propter certam spem resurrectionis. Seminandi enim sunt qui resurgere debent, 1. Cor. 15.

Licet autem Deum non omnes mortui habent vespilonem, eo modo quo Moses hîc, tamen cum Domini sit terra & omnis plenitudo illius, inueniet is corpora nostra, vbicunq; sepulta iaceant. Nec quicquam detinebit resurrecturos. Apoca. 20. vers. 13. Piorum autem sepulchra Christus sua sepultura sanctificauit, vt ipsis sint *ἡτοιμασμένα*. Esa. 56. in fine.

L. II. Moritur Moses solus, nec inter manus amicorum aut consolantium. At sufficit illi, quod Deum habet præsentem, cum is sit Deus omnis consolationis. 2. Cor. 1. ver. 3. Non igitur est quod timeant, aut de salute sua dubitent, qui soli moriuntur, nec secum habent amicos vel consolatores. Cogitent, si pii sint, Deum ipsis affore, vt Mōsi. Sufficit id: Dummodò te habeam. Psal. 73. vers. 25. Non timebo, quia tu mecum. Psal. 23. v. 4.

IV. Pars.

Mosen defunctum luget omnis populus 30. diebus. Hic enim terminus erat constitutus in publico luctu. Vbi tum vestitu, tum aliis modis suum luctum testati sunt. Fuit etiam signum amoris erga Principem benè de ipsis meritum. Planè eadem cum his supra habuimus in tractatio-

ne Thematis primi, ex Num. 20. parte 4. de Aharone. Recurrunt iidem planè loci hîc.

Locvs vnus hîc addendus. Lugent Israëlitæ mortuum, quem viuum extinctum volebant, Exod. 17. quemque conuitiis lacerarunt viuum, nunc laudant mortuum. Sic plerumque fit. Tum agnoscimus nostra bona, cum quæ in potestate habuimus, amisimus. At rogandus Deus potius pro viuentibus, ne mors illorum sit nobis incommodo. *Es kompt selten das beste hernach.*

T H E M A V. C L A S S I S I.

Iosua 23. v. 14. Manual. pag. 469.

En ego ingredior hodie viam vniuersæ terra.

N O T A.

Eadem planè Dispositio & tractatio huius thematis esse potest, quæ thematis statim sequentis, cum penè eadem sint verba, & sensus planè idem. Ideò breuitatis causa peculiarem dispositionem prætermittendam censeo.

Quod si verò quis historiam vitæ & mortis Iosua velit pertexere horum verborum occasione, poterit illa commodè tractari, hoc modo:

1. Quis fuerit Iosua, & quodnam illius officium. Primum minister, deinde successor Moïsi. Deut. ult.

2. Quam laudabiliter in omni vitæ genere vixerit. Pius & bonus est. Inter exploratores terræ Canaan, cum Calebo iussa fideliter exsequitur, populû dehortatur, ne diffidant Deo. Videatur Num. 13. & 14. Ideò solus ipse cum Calebo promissionem terræ benedictæ possidendæ accipit. Ibid. v. 30. Dux populi constitutus, fidelis est in officio, quod ex libro Iosua patet, præsertim cap. 24. vers. 31.

3. Quis vitæ illius exitus? Placidus & optatus. De hoc principaliter verba hæc paucula sonant. Morituras hortatur suos, vt seruent mandata Domini, caueant ab Idololatria. Paratus est tandem ingredi viam vniuersæ Carnis, cum vixisset annis 110.

Hæc

Hæc sufficiant. Pergamus ad Tractationem verborum sequentis Thematis, quæ sunt planè eadem cum supra scriptis.

T H E M A V I. C L A S S I S I.

1. Reg. 2. v. 2. Manual. pag. 470.

Ecce ego ingredior viam vniuersæ terræ.

D I S P O S I T I O.

Paucula sunt verba Dauidis morituri: & videtur is hæc mutuasle ex verbis Iosua morituri, Ios 23. v. 14. Etenim cū intelligeret, instare vitæ suæ finem, vult prius præcipere domui suæ, quam moriatur. Et sicut Patriarchis morituris semper in more positum fuit, liberos de variis rebus necessariis commonefacere, ita Dauid Salomonem filium (quem Regni successorem ordinat) instruit, quid ipsi faciendum. Antequam autem illa recenseat, prius de vitæ suæ exitu paucula, quæ prælegimus, præfatur. Hæc examinabimus breuiter hoc modo, vt audiamus

1. Qualis hæc via, de qua Dauid hoc loco.
2. Quibus hæc via eundum.
3. Et quid isthæc nos monere debeant.

I. Pars.

Mortem Dauid vocat viam: sicut & Iosua supra cap. 23. vt diximus. Eadem est sententia Abrahami, Gen. 15. v. 2. vbi dicit: Ego vadam, *Ich gehe dahin* / hoc est, ego morior. Imò sic Deus ipse loquitur ibidem vers. 15. Tu ibis ad patres tuos. Et penè eadem est loquendi formula apud nos, quando dicuntur homines ex hac vita decedere. *Mit tod abgehen*. Sic de mortuis dicitur prouerbio nostratibus vsitato, *Sie senen den grasigen Weg hingegangen*. Atque hanc viam ingredimur quamprimum in hunc mundum nascimur. Sunt enim ita dicendo tres gradus, per quos descendimus vel ascendimus, videlicet hi, nasci, pati, mori.

Sicut alioquin qui iter facit pedes, & ad certum locum tendit, tantisper procedit, usque; dum ad locum suum perveniat: Ita quamprimum in hunc mundum nati sumus, semper progredimur ad alium locum nobis destinatum, nec datur hic commorari diutius, sed pergendum ulterius. *Wir müssen immer fort.* Nec prius absoluitur hoc iter, quam moriamur.

II. Pars.

At quibus eundem hac via? Est via uniuersę terrę. Quicumque; in hunc mundum nati sunt, illis etiam ab eundem ex hoc mundo: siue nobiles siue ignobiles, siue iuvenes siue senes, siue viri siue fœminę. Salomon & Lazarus. Dauid septuagenarius, & filiulus ipsius septem dierum infans. Iosias & Tabea.

At quemadmodum aliās, dum multi ad eundem locum tendunt, alius alio citius vel serius eò venit, tandem verò omnes conueniunt loco destinato: ita hac in parte serius aut citius metam properamus ad vnam. Omnes tamen ibunt, iuxta id:

*Imus ab hac vita miseri, nec mora, sed omnes
Ibitis, in quibus est nunc vita vigorq; manendi.
Ibunt sic omnes, hominum qui lege tenentur.*

Et quantò quis plures vitę exigit annos, tantò propius accedit ad mortem.

Sicut etiam in hac vita inter peregrinantes alius alio habet difficilior iter: quia Magnates, Diuites & alii in curribus vel equis iter conficiunt. Pauperes verò & inferioris conditionis homines pedites incedunt: ita dum in his terris ad metam mortis præfixam properamus, alius alio maiores & grauioribus habet curas atq; molestias. In hoc tamen eadem fors omnium, quod omnibus est moriendum.

III. Pars.

Quare hæc dicuntur, cum constent omnibus? Vt similes etiam cum peregrinantibus habeamus cogitationes.

I. Iter

I. Iter facturi priusquam iter ingrediantur, solent se se preparare ad illud. Ita & nos faciamus, quia pergendum erit strenuè. Nec dabitur omnibus, vt lento incedant gradu. Cogitemus nos esse ex numero peregrinantium. Genes. 47. Dies peregrinationis. Ps. 39. Peregrinus sum. Non habemus manentem ciuitatem. Heb. 13. Ideoq; non procrastinanda pœnitentia. Syr. 18. Memento. Eccles. 12. v. 1. Non curemusea quæ à tergo sunt. Philip. 3. Sicut peregrinantes non curant quid fiat illis in locis, vbi ipsi tantum sunt pernoctaturi.

II. Quia omnibus hac via eundum, patienter feramus hoc, quod nobis vnà cum aliis eundum. Elias fatetur 1. Reg. 19. Non sum melior patribus. Simeon Luc. 2. Nunc dimittis, ait, Paulus, Philip. 1. Cupio dissolui. *Man wird dir kein besenders machen.*

III. Iter facturi non progredi possunt ebrii & grauati nimio cibo vel potu. Ita nō sunt in hoc itinere grauanda corda nostra crapula & ebrietate. Luc. 21. Alioquin nō poterimus pergere feliciter. Belsazar. Dan. 5. Nabal. 1. Samuel. 25. Epulo. Luc. 16. Est enim via stricta, quæ ad vitam ducit. Matth. 7. Sobrii estote, vigilate, 1. Pet. 5.

IV. Iter facturi graues, molestas & non necessarias sarcinas deponunt. Ita deponenda opera carnis, odium, inuidia, & cætera, quæ nos remorantur in itinere, vel ab ingressu portæ cœlestis prohibent. Galat. 5. 1. Corinth. 6. Est enim porta angusta, Matth. 7. per quam intrandum. Pertinet huc etiam id Matth. 5. reconciliare fratri, dum in via es.

V. Viatici non obliuiscamur, ne in via deficiamus. Illud erit verbum & Sacramenta. Hic est ille baculus Dauidis, Psal. 23. v. 4.

VI. Vt tuti simus in hoc itinere aduersus insidias hostium, Diaboli, mundi, &c. non negligenda erunt illa arma, Ephes. 6. Imprimis vero gladius spiritus erit necessarius, qui est verbum Dei: orandumque in omni tempore & vigilandum, vide ibi.

THEMA VII. CLASSIS I.

I. Sam. 25. v. 1. Manual. pag. 470.

De morte & sepultura Samuelis Iudicis & Prophetae Israelitici.

DISPOSITIO.

Heb. 13. vult Apostolus nos intueri finem vitæ eorum, qui verbum Dei sincere docuerunt. Hanc ob causam scriptura sacra historiam mortis talium virorum nobis ob oculos statuit, ut vitæ conuersationem honestam & fidem illorum imprimis imitari studeamus. Ex eorum numero quoque est Samuel, magnus ille Propheta Domini, qui inter heroes Dei numeratur, Syr. 46. & Hæbr. 11. Paucissimis autem verbis descripta extant, 1. mors, & 2. sepultura Samuelis. 3. Luctus populi super ipsius obitu.

I. Pars.

Natus fuit Samuel patre Elkana, & matre Hanna sterili, non sine diuino miraculo. 1. Samuel. 1. donatus precibus matris. Ibid. vers. 20. Consecratus Deo à pueritia, 1. Sam. 1. vers. 28. Deo charissimus puer admodum ipsum audit loquentem 1. Sam. 3. vers. 11. Propheta Domini fidelissimus agnoscitur ab omni Israël, Ibid. vers. 20. Iudex Israël tandem fit, & Princeps populi, qui ius dicebat simul, & domino sacrificabat, 1. Samuel. 7. vers. 15. & sequentibus.

Vir adeoque magnus & Dei locum tenens. Ideo non te, sed me reiecerunt, ait Dominus, 1. Samuel. 8. vers. 7.

Necessaria Israël illius opera, cum Saulem haberent Regem furiosi & Dæmoniacum.

At moritur tamen, homo cum fuerit, & peccator. Ideo viam omnis terræ ingredi necesse habet. Nec malè cum ipso agitur, senex cum fuerit, pertæsus videre & audire infaniam Saulis.

Locvs I. Eadem omnium etiam præclarissimorum hominum fortuna in hoc mundo, quod ex æquo omnes

moriuntur. Sic enim de omnibus primævis patribus scriptura dicit, Genes. 5. Et mortuus est.

Mors nemini parcit. Pallida mors æquo pede pulsat pauperum tabernas, Regumque turres. Sic ne piis quidem parcit. At viuunt nihilominus pii cum Deo in æternum. Nee deletur memoria eorum super terram. Quod inde patet, quod Samuelem Dominus post aliquot annorum centurias commendat à pietate. Ier. 15. v. 1. Psal. 99. v. 6. Non igitur est quod quisquam putet, malè agi cum piis & præclaris hominibus. Beati qui in Domino moriuntur. Apocal. 14. Requiescunt in pace. Esa. 56. in fine. In manu Dei animæ iustorum. Sapientia 3.

2. Illorum verò fidem & pietatem imitemur, vt relinquamus post nos nomen præclarum. De quo Prou. 22. v. 1. Syr. 42. v. 15. Ecclesiast. 7. v. 2.

II. Moriuntur pij plerumque temporibus afflictissimis, sicut Samuel viuentem & insanientem Saule. 1. Partim vt ipsi subtrahantur malis, ne cogantur videre oculi ipsorum omne malum, quod inducturus est Dominus. Exemplum Iosæ. 2. Paralip. 34. v. 28. Etiam citauimus illa Esa. 56. Apoc. 14. 2. Partim verò hoc fit in pœnam impiorum, qui non sunt digni vt conderentur tantis viris. Heb. 11. v. 38.

Illis autem abreptis plerumque imminet interitus. Quamprimum Loth ex Sodoma exiuit, ignis de cœlo decedit. Gen. 19. Præsentibus ipsis Dominus non potest perdere, Gen. 19. v. 22. Stant enim contra Dominum oppositi, sicut murus. Vide Ezech. 13. v. 5. & 22. v. 30.

Ita ergò tractandi, ne affligamus animam iustam, 2 Pet. 2. v. 8. ne exeant vel educantur à nobis.

II. Pars.

Sepultus legitur Samuel in Ramath, in domo sua. Ib enim habitauit. 1. Sam. 7. v. 17. Sepelitur igitur honestissimè ab omni Israele, in patria sua, iuxta cognatos suos qui ante ipsum decesserant.

L. I. Mortuos honestè sepeliendos, supra diximus in tractatione Thematidis 4. parte 3. vide ibi.

L. II. Pars est benedictionis temporalis, Mori in patria, & sepeliri in domo sua, cum suis. De hoc 2. Paral. 34. v. 28. Dominus ad Iosiam: Infereris in sepulchrum tuum. Et sæpè scriptura repetit, sepultus est in domo sua, aut sepultus cum patribus, vel sepultus in ciuitate Dauid. De filio Ieroboami Abia dicit Dominus 1. Reg. 14. vers. 13. Iste solus inferetur in sepulchrum: quia bonum inuentum est in eo.

Etenim patet ex contrario, quod impiis interdum Deus honorem sepulture negauerit. Exemplum Ieroboami, loco citato, & 1. Reg. 15. Sepulturam asini minatur Regi Ioiakimo. Ierem. 22. v. 19. Impia Iesabel laceratur a canibus, iuxta verbum Domini. 1. Reg. 23. v. 23. Vide 2. Reg. 9. v. 35. Idem minatur Dominus Regi impio Baesa. 1. Reg. 15. Vide etiam Ierem. 16. v. 4. & 19. v. 7. & 34. v. 20. Videntur saniores Ethnici hoc intellexisse. Virgil. 10. Æneid.

————— *Non te optima mater*

Condet humi; patriæ onerabit membra sepulchro.

Alitibus linquere feris: aut gurgite mersum

Vnda feret: piscesq; impasti vulnera lambent.

Et 1. Reg. 13. dicitur Prophetæ, quia inobediens fuisti ori Domini, nō infereris in sepulchrum patrum. Notandum autem, quod interdum etiam pii honore sepulture careant. De quo Psal. 79. v. 2. Posuerunt corpora seruorum tuorum escas volatilibus cœli, carnes sanctorum tuorum bestiis terræ. Item: Non erat qui sepeliret. Nihil hoc saluti illorum officit, sed inter temporales calamitates, easq; minimas, est referendum. Vide August. de ciuit. Dei libr. 1. cap. 12. Tom. 5. pag. 14. cuius hæc sunt verba de tali casu: Multa Christianorum corpora terra non texit, sed nullum eorum quisquam à cœlo & à terra separauit. Et mox: Quamuis hæc in conspectu hominum dura & dira videantur: sed pretiosa in conspectu Domini mors sanctorum eius. Et cap. seq. 13. Nec viuorum culpa est, qui

non

non potuerunt ista præbere, nec pœna mortuorum, qui non possunt ista sentire. Hæc ille. Sufficiat illorum animas in manu Dei asseruari. Nemo ergò multum sollicitus sit, quid de corpore ipsius mortuo fiat. Animam Deo commendet. P^{sal.} 31. v. 6. Ita tamen viuatur, vt dignus habeatur cuius cadauer in terram recondatur: ne propter scelera sua a fini sepulturam experiatur, cum Ioiakimo; neve volatilibus cœli deuorandus exponatur, sicut minatur nonnullis Salomon Prou. 30. v. 17. Huc pertinent etiam ea quæ supra ex Ierem. 16. 19. 34. allegata sunt.

III. Pars.

Mortuum Samuelem lugent Israelitæ. Nec vnus tantum & alter. Nec cognati tantum ipsius & propinqui. Nec tantum ciues in Rhamata, & conciuies defuncti, sed vniuersus Israel congregatus est & planxerunt eum. Nec immerito. Habuerunt enim luctus sui causas haud leues. Agnoscunt quàm fidelem Prophetam amiserint. Non malè quidem actum cum Samuele, sed cum omni Israel.

Locvs C. I. Ita plerumque fit, vt populus Magistratum viuum odio prosequatur & defunctum lugeat. Samuelem æquissimum Iudicem reiecerant & Regem postularant. 1. Sam. 8. Vide etiam 1. Sam. 12. vers. 3. Datur illis Rex, sed quando illum vident longè aliis esse moribus, quàm fuit Samuel Iudex, tum demùm Iudicem priorem optant. *Sie hetten ihne darnach gern wider auß der Erden gefragt.* Non intellexerunt antea, posteriores priorib. rarò esse meliores. Magno autem suo malo sunt experti, statum Reip. non in melius mutatum viuente Saule. *Sie haben ein Roß vmb ein Pfeiffen geben.*

Frustra autem & nimis serò reposcimus eos quos præfentes sæpè fastidimus. Et offenditur DEVS grauissimè hac ingratitude, quando boni Magistratus fastidiuntur.

Agnoscamus potius grato animo si quem dedit Dominus Magistratum, præditum zelo Religionis & iusticiæ:

licet nāuis non careat suis. Tegendæ potius illæ infirmitates boni Magistratus, cum Semo & Iapheto, quàm reuelandæ cum Chamo, Genes. 9. Patres enim sunt patriæ Cogitandum ipsos etiam homines & humani ab ipsis nihil alienum esse. Condonandum aliquid infirmitati.

Pro illis orandum, 1. Tim. 2. v. 2. Pro omni Magistratu vt Deus dirigat illorum consilia & actiones, cum cor Regis (Prouerb. 20) in manu Dei sit, & ipse quocunq; voluerit, inclinet.

L. II. Grauiissimè peccant qui Magistratui defuncto, & iam in terris quiescenti conuitium faciunt, præter illius meritum. Plangendi sunt, non calumniandi Magistratus benè de Repub. vel Ecclesia meriti: quod improbi alioquin Hebræi hoc loco obseruant. Contrarium faciunt illorum posteri, qui Salomonem vita functum criminantur, nihil tale meritum, 1. Reg. 12. v. 4. At pœnas calumniæ istius postmodum dederunt grauiissimas.

T H E M A V I I I. C L A S S I S I.

1. Reg. 2. v. 10. Manual. pag. 470.

De morte & sepultura Dauidis Regis.

D I S P O S I T I O.

Paucis verbis mors & sepultura Dauidis describitur. Fuit autem Dauid vir secundum cor Dei, & commendatur à Deo, quod seruauerit mandata & pacta illius, 1. Reg. 11. v. 34. Ideoq; Dominus multa ipsi contulit bona, & dedit illi nomen quale est magnorum in terra, 2. Sam. 7. vers. 9. Interim tamen variis calamitatibus fuit subiectus, partim antequam perueniret ad Regiam dignitatem, partim etiam post, cum domestica illum exercerent mala. His omnibus tandem malis ipsum vult eximere Dominus: cum per mortem illum euocat ex hac vita, & animam illius ad vitam cœlestem, Corpus autem ad quietem perduxit.

Videamus ergo 1. mortem, 2. & deinde sepulturam
magni

magni huius viri, vt inde consolationem vel doctrinam petere possimus.

I. Pars.

Dauid pius & Deum timens, electus in regem, cum pasceret oues patris sui. At prius quàm veniret in possessione regni, diu multumq; ille hinc inde iactatus à Saule. Rex factus, multa quoq; bello passus (1. Par. 29. v. 3.) dum caperet urbem Hierosolymam, vicinalq; gentes subigeret. Voluit autem Dominus hunc insignè pietate virum tot adire labores, tot voluere casus, vt in studio pietatis exerceatur, vtque alii haberent exemplum, quod imitarentur. Quemadmodum sæpissimè Dauidis sui exemplum subsequentibus Regibus Iudæ & Israëlitis imitandum proposuit. Noluit autem Deus in æternum dare fluctuationem iusto, Psalm. 55. sed tandem ipsum omnibus eximere malis. Ideò cum septuagenarius esset, rebus omnibus bene dispositis, & filio successore relicto, moritur. Sic autem de ipsius morte loquitur scriptura, vt facilè intelligi possit, eum placida morte decessisse. Non enim dicitur mortuus esse, sed obdormiuisse. Obdormiuit cum patribus, scilicet collectus ad pios suos maiores, cum quibus in æterna felicitate viuit. Non diu lectulo affixus, variisq; morborum generibus laceratus, non furens frendensq; animam tandem inuitus exhalauit, non in propria viscera insanus fruiit, sicut antecessor in Regno Saul impius, sed virib. naturalibus paulatim deficientibus placidè absq; cruciatu expirauit. *Er ist sanfft vnd selig entschlaffen.* Plenus dierum, honorum & gloriæ, in senectute bona, 1. Par. 30. v. 28.

L. Videmus verè dictum esse à Paulo, Pietas ad omnia utilis, 1. Timoth. 4. Et si nulla ex pietate ad nos rediret vtilitas, præterquam in morte, sufficeret id tamen. Videmus enim quanta sit diuersitas mortis inter pios & impios. Pii non dicuntur mori, sed obdormire. Sic non hic tantum, sed & alibi ipse Deus de Dauide loquitur, si dormieris, 2. Sam. 7. v. 12.

Laza-

Lazarus amicus noster dormit, ait Christus. Ioan. 11. Puella non mortua est sed dormit. Mar. 5. ver. 39. De Stephano lapidibus obruto dicitur, obdormiuit. Act. 7. ver. 60. Quomocunque enim moriantur coram hominibus, coram Deo tamen pii obdormiunt. Quia Spiritus sanctus cordibus illorum instillat consolationem illam Roman 8. ver. 16. vt mors ipsis non sit acerba.

De impiis autem longè alia est ratio. De Saule scriptura non dicit, obdormiuit cum patribus, sed mortuus est in peccatis. 1. Paralip. 11. ver. 13. Item ibidem: Occidit ipsum Dominus. De Nabalo dicitur. 1. Sam. 25. Percussit illum Dominus & mortuus est. De Diuite Luc. 12. dicitur, Stulte, hac nocte auferetur anima tua. Impiorum enim vita cum gemitu fugit indignata sub umbras.

Sequitur itaque pietatem, vel hanc vnā ob causam, vt placida atque tranquilla morte possimus decedere. Verum enim manet Prouerbiū, Wohl gelebt/wohl gestorben. Vitā congrua fata decent. Et alio Prouerbio vtūtur nostrates, Wer dort wohl liegen wil/der muß jme selbs hie wohl betthen. De impiis autem Psalm. 73. Cum terrore finiunt vitam. Quia non rogarunt Deum pro vitæ exitu beato: non cogitarunt de hora mortis: non abstinerunt à peccatis contra conscientiam, sed in diem vixerunt sicut illi, Sapient. 2. ver. 6. Incautos ergo & nihil tale cogitantes dira & acerba mors opprimit. Ibi tum nihil consolationis habent, sed aut desperant, aut sine mente descendunt ad orcum.

II. Pars.

Dauid ex terra fuit. Ideoque in terram reuertitur. Sepelitur autem vti par erat, honorificè, in ciuitate Dauid: in propria & spatiosa illa arce, contigua vrbi Hyerusalem, quæ appellabatur Ciuitas Dauid.

L. Est & hoc pietatis Dauidicæ præmiū, quod sepelitur eo in loco, in quo habitauit viuus, & in quo sepeliri optauit: non in terra peregrina. Sicut Samuel supra legitur sepultus in domo sua, in Rhamata.

Recur-

Recurrit hic planè idē locus qui in præcedentis Thematidis dispositione parte II. prolixè pertractatus est. Videatur ibi

Locvs generalis est, mortuos honestè sepeliendos. De quo supra suo loco.

Et pro qualitate personarum etiam sepultura splendidi-
or non displicet Deo. Syr. 38. v. 16. Contege corpus illius
pro qualitate viri.

Absit tamen luxus & immodicus apparatus. Quid enim
opus ornare terram & cinerem? Vermibus corrodenda
relinquuntur omnia. Modus itaq; seruetur in omnibus,

T H E M A IX. C L A S S I S I.

2. Reg. 2. vers. 11. & 12.

De translatione Eliæ, & querela Elisæ.

D I S P O S I T I O.

Singularis hæc est & admiranda historia, de translatione
Eliæ Prophetæ in cælū, cui nulla similis legitur in scri-
ptura. Descripta autem à Spiritu sancto & ad nostra tem-
pora singulari Dei consilio asseruata, non tam in hono-
rem ipsius Eliæ, quàm in nostram consolationem. Hanc
itaque in deductione præsentis funeris considerabimus.
Quoniam autem ex historia sacra vobis omnibus satis
constare arbitror, quis fuerit Elias, sc. Magnus ille Pro-
pheta Domini, qui & alia miracula diuina virtute edidit
& mortuos excitauit; ideoque de his tantum breuitatis
causa dicemus, quæ verbis prælectis descripta extant.

1. Qualis hic currus & quales equi vehentes Eliam.
2. Quo his ignitis equis & curru vectus peruenierit.
3. Querelam & luctum Elisæ super discessu Magistri
considerabimus.

I. Pars.

Cum de abitu Eliæ (qui ipsi à Deo reuelatus fuerat) ser-
mones conferrent ipse & Elisæ discipulus, ecce subito &

ex improviso adueniunt, currus & equi igniti, & Eliam atque Elisæum ab inuicem separant. Vnde venerint facile est coniecere, de cœlo scilicet, quo iterum pergunt.

Et cum in cœlo Deus neque plaustrariorum, aut carpentariorum, neque fabrorum vel restiariorum, nec Stratariorum, &c. neque etiam Carpentum aut equorum operaturatur, mirum vnde hic apparatus. At cum ignita dicantur omnia & equi & currus, ideo non de vulgaribus equis & curru vsitato hominibus hæc sunt intelligenda.

Nihil ergo hic aliud quam ministerium sanctorum Angelorum. Apparent sancti Angeli abducturi Eliam in forma currus & equorum ignitorum. Sicut etiam post Elisæ apparent. 2. Reg. 6. v. 17. De his Psal. 68. v. 18. Currus Domini multa milium millia.

Potuisset Dominus Eliam alia ratione in cœlum transferre, absque tali spectaculo, sicut Enoch. Gen. 5. At facit hoc propter nos.

CONSOLATIO enim hinc magna proponitur, quod Angeli Spiritus illi ministratorij. Heb. 1. in mandatis habeant nostras animas deferre in cœlum. Licet enim non externa spectacula talia obiciantur nobis, constat tamen Angelos deportare animas nostras in sinum Abrahamæ ex Euangelij historia de Lazaro. Luc. 16. Vbi simul etiam hoc apparet, Non magnum Prophetam tantum Angelorum ministerio sublatum in cœlum, sed etiam animam abiectissimi illius & morbidum mendicem Lazari. De Angelis autem & quomodo curam agant fidelium, alias. Matth. 18. v. 10. & quod latentur super salute pœnitentium Luc. 15.

II. Pars

Licet ex dictis facile fuerit coniecere, quorsum abductus fuerit Elias, tamen clarius hoc demonstrat historia.

1. Vehebatur (inquit) Elias in cœlum. 2. additur, in turbine vel tempestate, Im Wetter. Deus enim tonitruum significare voluit, discessum tantæ Prophetæ singularis clementiæ signum esse. Voluitque sic etiam Ministerium Prophetæ de cœlo confirmare.

Trans-

Translatus itaque est Elias magna cum solennitate in cœlestem illam & beatam vitam, vbi cum Deo & beatis Angelis viuit in gloria & felicitate ineffabili.

Notandum 1. hoc loco, non esse multum disputandum de cœlo illo, in quod translatus fuerit Elias, quanto illud spacio distet à terra: quod multi faciunt qui nugis delectantur. Certum est illum viuere cum Deo. Hoc potius agamus, vt ad eundem locum beatum perueniamus.

2. Hoc fuit priuilegium Eliæ singulare in hac translatione, quod nullo mortis interuentu, corpore & anima simul in vitam beatam traductus est. At subita illa transmutatio (quæ etiam fiet in illis, quos nouissimus dies viuos deprehensurus est, 1. Corint. 15. 1. Thess. 4.) fuit instar mortis, quia sic corpora, subito tamen, in statum immortalitatis transformata sunt.

3. Tempestas illa coorta in translatione Eliæ, subduxit ipsum è conspectu Elisæi, & filiorum Prophetarum, quemadmodum nubes Christum subduxit è conspectu discipulorum, Act. 1. v. 9.

Locvs. Voluit sic Deus nos exemplo illustri docere, Restare aliam eamque cœlestem, & gloriosam vitam post hanc temporalē, vbi anima cum corpore in cœlesti gaudio perpetuo sit mansura. Et visum est Deo (secundum quorundam sententiam) in omni ætate mundi specimen aliquod translationis in cœlum edere in hominibus piis. Etenim in prima ætate mundi ante legem transtulit in cœlum ex Patriarchis Enochum, Gen. 5. Sub lege tempore Prophetarum, Eliam, hoc loco, sub Euangelio Christum, Marc. 16.

Et sanè iterum visus est Elias in monte, Matth. 17. vt intelligatur ipsum non periisse, sed cum Deo viuere.

Quod verò non eadem ratione transformamur subito, absque omni dolore, cum Elia, de hoc non est, quod multum conqueramur. Sufficiat nobis hæc gratia Dei, quod per mortem, qui piis est somnus, Ioan. 11 Marc. 5. ingredimur ad vitam æternam, Ioan. 5. v. 24.

Sola-

Soletur nos illud 1. Theff. 4. quod vehemur aliquando in occursum Domini in nubibus, & cum Domino erimus semper, corpore & anima, sicut Elias.

L. II. Qui autem cum Elia optant adduci in conspectu Domini, in his terris etiam imitentur fidem Eliæ, quæ prædicatur passim in historia Regum. Imitemur illius constantiam, si maximè soli videamur relinqui. 1. Reg. 19. vers. 10. Imitemur illius patientiam. 1. Reg. 17. & seqq. Simus in precibus cum Elia assidui. Ibidem. Et cum Elia etiam in cælum deducemur.

III. Pars.

De Elia quidem benè agitur: sed non item de Israele. Quia magno hoc & incomparabili viro orbatum sunt. De hoc conqueritur Elisæus, qui intelligit huius Prophetæ præsentiam fuisse Israeli fructuosam: Discessum autem ipsius fore luctuosum timet. Videns illum discedentem, querula voce clamat post ipsum, Pater mi, Pater mi. Currus & auriga, Germ. Equites Israelis.

Fuit enim Elias ipsi pater spiritualis, qui ipsum regnavit per verbum Dei, cum alioquin Idololatriam fuisset sequutus. Patrem igitur se amisisse dolet haud immerito. Vide 1. Reg. 19. v. 19.

Deinde deplorat damnum Israelis. Huic regno enim Elias currus fuit & equites. Collegit enim voce ministerij sui Ecclesiam in hoc regno, & deduxit illos sicut auriga in via recta, ut videre est 1. Reg. 18. v. 21. Fuit illis quoque loco Equitum, quia excubias egit pro ipsis apud Deum, & iram illius auertit ab Israele. Suis precibus fugavit omne malum. Et propter Eliam pepercit Deus Israeli non semel. Timet ergo Elisæus, ne cum ipso discesserit omne bonum ex Israele.

Loc vs. Videmus, quomodo lugendi sint hi, qui vel Ecclesiam sua doctrina rexerunt, vel Rempublicam gubernarunt. Agnoscendum illos esse parentes nostros. Et Magistratus est verè pater patriæ. Sicut ergo vivis debemus honorè, 1. Pet. 2. sic etiam defunctos lugere debemus.

Ita concionatores sunt patres, quia per Euangelium nos regenerant, vt Paulus loquitur, Gal. 4. v. 19.

Sunt illi rectores & duces nostri, qui currum, in quo vehimur; dirigunt, ne deflectamus de via recta, vel doctrinæ vel vitæ ratione. Sunt Equites qui pro nobis excubias agunt. Vigilant pro animabus, Heb. 13. ver. 17. Sunt qui se opponunt ruinæ, Ezech. 13. & 22. Propter quos parcit Deus. Merito itaque lugemus illos, quia vbi hos amisimus, currus facile euertitur. Sublato Iosepho actum est de Israelitis. Mortuo Iosua, & Ioiada populus ad Idololatriam deflectit Iud. 2. 2. Par. 24. Summa, caremus curru & Equitibus, vbi hi sublati sunt. Nec est qui amplius detineat Deum iratum, qui dicit Mosi, sine me, Ex. 32. v. 10.

F I N I S.

T H E M A X. C L A S S I S I.

2. Reg. 13. v. 14.

De agitudine & morte Elisei: a quo planctus regis Ioas.

D I S P O S I T I O.

Describitur paucis verbis historia, quæ quidem & Regi Israelitarum Ioas, & toti Israeli fuit luctuosa, videlicet de ægrotante & mortuo magno Israelis Propheta Eliseo, viro immortalitate dignissimo: nobis autem hæc eadem multum esse potest utilis atque fructuosa, cum ad doctrinam atq; consolationem multum nobis conferat. Hanc itaque in præsentī concione funebri tractandam suscipiemus. Hæc autem præcipuè notanda erunt.

1. Morbus & hunc subsequutus obitus Prophetæ Elisei.
2. Rex Israel visitans decumbentem Prophetam.
3. Encomion, quo rex Elisæum ornauit, quod est loco Epicedij.

I. Pars.

Vocatus fuit Elisæus ad munus Propheticum iubente Deo, 1. Reg. 19. tempore tristissimo, regnante & sæuiente

G

Acha-

Achabo atque Ifabele. Et vixit vsque ad Regem ab Achabo in ordine quintum, Ioas nomine, nepotem Iehu, ex filio Rege Ioachas.

In ministerio Prophetico transegit annos plus minus septuaginta. Tot enim anni elapsi sunt ab anno Achabi duodecimo ad quintum annum Ioas, circiter.

Fuit quidem in officio fidelis & miraculis clarus. Interim tamen multis subiectus calamitatib. & infidiis etiam hostium, 2. Reg. 6. & 8. Sic inter multas misérias senescit. Exprobrant illi pueri caluitium, 2. Reg. 3. Senio confectus ægrotare cœpit; idq; (vt apparet) non exigui temporis spacio durat; sed & morbo aliquantisper grauatus tandem moritur: nec absq; dolore dissoluuntur corpus & anima.

L. I. Mirabilis Deus in ducendis sanctis suis, Pl. 4. v. 4. Quod vel hinc apparet: Eliam absq; mortis interuentu magna cum solennitate viuum, corpore & anima simul in cœlum per Angelos deduxit, 2. Reg. 2. Elisæum verò æquè miraculis clarum, (cum viuus & defunctus mortuos excitasse legatur, 2. Reg. 4. & 2. Reg. 13. v. 20.) post multos exantlatos labores, morbo diuexatum non nihil diuturno, tandem etiã mori finit, non aliter ac si vulgaris fuisset persona.

Quæ huius diuersitatis causa? Nulla alia, quam beneplacitum Dei. Interim tamen haud paulò deterioris conditionis est Eia: cum anima Elisæi ad eundem locum peruenerit, in quo beatitudine cœlesti fruitur Elias. Corpus in terra requieuit: & videbit olim Deum anima & corpore in nouissimo die.

Sensit etiam consolationem Dei internam. Imò externam quoq; adhibuit consolationem Dominus, qui mittit ipsi Regem decumbenti, vt visitaret eum: sicq; ostendit, laborem ipsius in munere Prophetico fuisse acceptum ipsi.

Ideoque benè sperandum, si maximè interdum pios Deus sinat aliquantisper conflictari cum morbis.

II. Consolationem namq; hinc petere licet ægrotantibus maximam: hanc videl. Non esse signum irati Dei, si cum morbis atq; morte conflictentur Christiani. Alioquin

quin sequeretur, Deum Elisæo fuisse inimicum. Cum tamen Dominus singulariter ipsum post mortem honorauerit, vt per attractu cadaueris defuncti mortuum excitaret, 2. Reg. 13. Sunt quidē morbi mortis nuncij, & stipendia peccati, sicut mors, Rom. 6. At pijs ita sanctificauit Christus varia morborum genera, vt nihil ipsis nocere possint: dum is in corpore suo varias infirmitates pertulit, de quibus Psal. 22. & Esa. 53. prolixè disserunt Prophetæ. Cogitemus idem accidisse multis bonis viris & familiarib. Dei, vt Dauidi, & Paulo. Vide 2. Cor. 6. 11. Rom. 8. v. 23. Inprimis verò 2. Corin. 1. v. 8. Et soletur nos illud, 2. Cor. 1. v. 5. abundant consolationes. Et Rom. 8. v. 18. 2. Cor. 4. v. 17. 2. Tim. 2. v. 11. Rom. 8. v. 17. si compatimur. Et infinita alia.

11. Pars.

Audiens Ioas Rex Israelis (quantumuis impius & Idololatra) magnum illum Elisam decumbere lethaliter, descendit ad ipsum, vt visitaret ægrotum, antequam ex hac lachrymarum valle discedat. Est quidem hæc humanitas in Rege commendanda: Interim tamen non sectatur Religionem Prophetæ, verum propter stupenda miracula senem Prophetam suspicit & veneratur.

Deinde videns Rex instare finem vitæ Elisæi, lachrymis testatur suam non tantum erga venerandum senem commiserationem, sed agnoscit, quàm malè cum Israele agatur, si hic Propheta moriatur, cuius consiliis tam Reges Israelis, quàm subditi hætenus feliciter vsi fuerant, vt patet ex 2. Reg. 2. 3. 4. 5. 6. &c. Idq; quod lachrymas expresse- rit, ipse ostendit his verbis: Pater mi, Currus & Equitatus Israel, &c. De quo parte sequenti: innuens scilicet, se Prophetæ opera plusquam paterna hætenus vsu fuisse.

L. Visitandi ægroti. Hoc enim opus esse pietatis, Christus testatur Matth. 25. Infirmus fui, & visitastis me.

Præsertim hi, qui benè sunt meriti de Ecclesia vel Re- pub. non sunt negligendi, quando exhausti viribus, morti vicini sunt, & officium amplius facere non possunt. Nec laudandi, qui valentes suspiciunt, & gros autè fugiunt. Nec

locum demus prouerbio: *Wer reit der reit / wer leit der leit.* Si enim Deus eadem ratione nobiscum velit agere, vā nobis.

L.II. Principes & illustres, vel excellentes personas decet hæc humanitas, quæ in Rege Ioas cernitur, vt non negligant Ministros fideles, si quando contingat illos languescere, vq̃ non possint satis facere officio. Et si ipsi non volūt ad Elisæum decumbentem descendere, faciant hoc per Medicos, per alios, & iuuent ipsos solatio, nummis, & quacunq; debēt ac possunt alia ratione. Deus erit merces.

Non dicant: *Hat er lang gedient / so hat man jme lang gelohnet.* Hæc n. magna est ingratitudo, quam Deus puniuit in Amalechitis, qui propter neglectum seruū in extremū vitę periculum seipsos præcipitarūt, 1 Sam. 30. v. 13.

L. III. In genere omnes Christiani debent compati ægrotis quibuscunque. Flete cum flentibus. Rom. 12. Sicut Christus etiam nobis compatitur. Heb. 2. vers. 18. & 5. ab initio ferè capitis, vers. germanica.

III. Pars.

Quo loco Rex Ioas hætenus Prophetam habuerit, his verbis ostendit. 1. Pater mi, pater mi. 2. Currus & equitatus Israel. Hoc quasi Epicedio & Epitaphio honorare voluit Rex Elisæum, cum morituro iam aliud beneficium præstare non posset. Inde constat paternis consiliis iuuisse Prophetam sæpius hunc alioquin impium Regem.

Deinde agnoscit Rex fuisse Prophetam hætenus & Rectorem populi, & eiusdem etiam defensorem.

Vide tertiam partem Thematis præcedentis de Elia, vbi hæc eadem verba sunt pertractata, addito Loco communi, qui hîc recurrit. Breuitatis causa lectorem illuc remittimus.

THEMA XI. CLASSIS I.

2. Paralip. 24. v. 15. & 16.

De morte Ioiada & honorifica illius sepultura.

DIS-

DISPOSITIO.

Senibus honorem haberi vult scriptura. Leuit. 19. Coram cano capite assurges. Sicut autem viui senes sunt honorandi, ita etiam defuncti, præsertim bene meriti. Illud obseruatum in Ioiada venerando sene & summo Sacerdote docet præsens historia, cuius explicatione non tam ipsum piissimum senem honorare, quam vos in huius funeris deductione erudire visum est. Videamus ergo 1. mortem summi Sacerdotis Ioiadæ.

2. Quæ cum illi Rex & subditi honorem habuerint defuncto, & quare.

I. Pars.

Fuit Ioiada summus Sacerdos in Iuda, vir optimus, qui uxorem habuit Ioseba filiam Ioram, sororem Ahasiæ, regum Iuda. Præfuit is Sacerdotio cum summa laude, temporibus difficilimis. Quæ illius fuerint merita infra dicetur. Et quia fidelis est Minister Dei, prorogauit illi Dominus vitam vsque ad annum 130. ætatis. Dicitur ergo hoc loco, Ioiadam senuisse: hoc est, non ante tempus ex his terris euocatum, sed in senectute satis prouecta. Atque tum demum mortuum fuisse. At vix quisquam est tam senex, vel ipso Cicerone (in lib. de senectute) teste, qui se annum non viuere posse putet: imò qui non cupiat diutius & vel tantum vnus anni spatio superuiuere. Contrarium autem de Ioiadæ scriptura pronunciat, quod fuerit plenus, vel satur dierum. Lebens satt. Vt non optarit viuere diutius, vel per vnā horulam. Etenim vnum id satis ipsi est, quod diu viuendo multa, quæ non vult. vidit, scilicet, Athaliæ furorem, Idololatriam populi, & sexcenta alia.

Absoluit cursum suum, scit sibi repositam coronam iustitiæ 2. Tim. 4. Ideoque mors illi iucundior est vita.

L. I. Pro senibus hoc facit, vt imitentur Ioiada: nec quærant effugia, nec dilationem petant, si vitæ curriculum absoluisse se intelligant, ex communi (nostri sæculi)

vitæ termino. Legitur idem quoque de aliis piis quod hic de Ioiada. Mortuus est Hiob satur dierum. Iob. 42. in fine, David. 1. Par. 23. in fine.

Quid enim quæso est in hoc mundo, præsertim extremis his temporibus, quod vitam nobis possit facere iucundam?

O mors quàm iucunda recordatio homini seni, & cui de meliori fortuna spes nulla superest, Syr. 41.

Est & hoc in senectâ miserrimum, videre quæ non velis, & sentire ea ætate se esse odiosum alteri. &c. Cicero.

Non sum melior patribus, inquit Elias, tolle animam. 1. Reg. 19. Nunc dimittis, ait senex Simeon, Luc. 2. Cupio dissolui, inquit Paulus, antequam ad decrepitam senectutem peruenit. Phil. 1.

Sed etsi iuuenis etiam sis, cogita tamen id Sapient. 4. ubi Deus te voluerit euocare: Consummatus est in breui, & expleuit tempora multa. Placet enim Deo anima illius. Et ibidem. Honestâ senectus non temporis longitudine, nec annorum numero metienda est: quin hominibus canities prudentia est, & senilis ætas intaminata vita.

L. II. Mortem nemini parcere, nec iuuenibus nec senibus, nec piis nec impiis, nec celeberrimis nec abiectissimis hominibus, cernimus hoc loco. Ergo in tempore cogitemus de vitæ fine. Nec procrastinemus pœnitentiam. Syr. 18. De his aliâs sapius.

II. Pars.

Mortuus Ioiada sacerdos honorificè sepelitur, in ciuitate David: imò inter ipsos Reges. Hoc multis Regibus fuit negatum, vt Ioram. 2. Par. 21. Vsiâ 2. Paralip. 26. Imò ipse etiam Ioas Rex Iuda, qui cum Ioiada vixit, inter Reges humatus non est 2. Par. 24. Sed quæ causa est, quod Ioiadæ præ multis Regibus hunc habuerunt honorem? Fortassis hæc, quod fuit affinis Regi Ioas? Quippe coniunx illius fuit soror Ahasiæ, & amita Ioas? At alia dicitur fuisse causa honorificentissimæ sepulturæ, sic enim habet

habet Textus: Eo quod fecisset bonum cum Israel, & cum Deo, & cum domo Dei, templo scilicet.

1. Benè erat meritis de Israël. Etenim opera ipsius & coniugis seruatus & coronatus, atque in possessionem regni immisus ipse Rex Ioas puer septem annorum. vide 2. Reg. 11. 2. Paralip. 23.

Ipsius opera Arthalia pernicies regni oppressa, & pax regno fuit restituta. Ibidem.

2. Bonum fecit cum Deo. Promouit enim gloriam ipsius, restaurando cultum sincerum, & destruendo templa & altaria Baal. Ibidem.

3. Bonum fecit cum domo Dei, quam penè collapsam & mirificè fœdatam atque prophanatam restaurari & refarciri curauit. 2. Reg. 12.

Hinc sibi laudem immortalẽ & nomen magnum conciliauit apud Deum & omnem piam posteritatem.

Locvs. Videmus qua ratione non tantum honestam sepulturam inuenire, sed etiam præclarum nomen consequi possint homines. Non si nummos corradant, & magnas post se diuitias relinquant. Non si audeant aliquid breuibz Gyris & carcere dignum, vt Herostratus. Non si seipso extollant. Contra Christus Matth. 23. v. 12. &c. Sed si cum Ioiada studeant benè mereri de Ecclesia & Republica, pro ratione officii & conditionis vitæ cuiusque. Horum laus erit æterna.

1. Tu ergò quisquis es, facias bonum cum Deo, vt illius gloriam pro virili promoueas.

Hoc imprimis possunt & debent pii Magistratus: iuxta id Esa. 49. v. 23. & 60. v. 16. Id tum fiet si Ecclesias & scholas instituunt, si cultum sacrum sartum rectumque conseruent. Si pecuniam curent in ærarium Ecclesiæ inferri, cum Ioiada. 2. Reg. 12. vers. 9. non inde auferri.

Possunt etiam priuati bonum facere cum Deo, si propter Deum benefaciant proximo. De quo Prou. 19. v. 17. Matth. 10. v. 42. Esa. 58 v. 7. Matth. 25. v. 40.

2. Deinde facias bonum cum templo & domo Dei:

vel ad illius instaurationem aut conseruationem contri-
buendo: vel templum sæpius visitando & audiendo in il-
lo verbum Dei, ne vacuum appareat tempore concionis,
neve ingemiscant contra te lapides, sicut alias de simili
ædificiorum querela & clamoribus scriptura loquitur.
Habac. 3. cap. v. 11.

3. Bonum facias cum omni Israël, hoc est, Inseruias
Reipubl. si potes, & benè de proximo mereri stude. Non
sis inutile pondus terræ, fruges consumere natus: Sed pro
modulo donorum tuorum iuua Rempublicam, & quem-
cunque proximum tuum; & si plus non vales præstare,
precibus tuis iuua patriam communem, & sta oppositus
contra ruinam, Ezech. 22. v. 30. ne dissipetur terra.

Si bonum opus feceris, conseruabitur memoria tui,
sicut Christus de muliere testatur, Matth. 26. v. 13. Sic sem-
per honos nomenq; tuum laudesq; manebunt.

Et si maximè non sepeliaris inter Reges, tamen no-
men tuum in cælo scriptum extabit, Luc. 10. ver. 20. & in
nouissimo die super multos Reges collocaberis, & acci-
pies coronam immarcescibilem gloriæ propter Christum,
2. Tim. 4. Iac. 1. 1. Pet. 5.

T H E M A X I I. C L A S S I S I.

2. Paralipom. 35. vers. 25.

De luctu populi super obitu Regis Iosia, & Epicediis

D I S P O S I T I O.

Syrac. 49. v. 1. sic legitur: Iosia memoria quasi quædam
suffiminis cõpositio confecti arte vnguentarii, in omni-
um ore dulcis est vt nael, aut vt musica in vinoso conui-
uium. Fuit enim tantæ pietatis Rex, vt similem non habuif-
se legatur. Hinc meritò illius memoria in benedictione
est, Prou. 10. & in memoria æterna iustus ille Iosias viue-
re debet. Psal. 112. Ideoq; verbis prælectis non tantum lu-
xisse illum dicuntur omnes Iudæi & Hierosolymitani: sed
etiam Prophetæ atq; Cantores scriptis super obitu illius

Car-

Carminibus & Epicediis ipsius nomen immortalitati consecrasse leguntur.

Dicemus 1. igitur de luctu super morte Iosie Regis. 2. De Naniis seu Epicediis super hac conscriptis & decantatis.

I. Pars.

Iosias puer admodum Rex creatus, impio patri Manassæ succedit. Cultum restaurat, & Idololatriam abrogat, ut pote à Deo peculiariter ad hoc destinatus, ut habet Vaticinium, 1. Reg. 13. v. 2. Et dicitur puer adhuc quævisse Dominum patris sui David, 2. Par. 34. Omnibus autem quæ ad Ecclesiam & Remp. pertinebant, rite dispositis, præmatura morte abreptus est anno ætatis trigesimo nono, regni vero tricesimo primo. Etenim bello non necessario implicatus, sagitta percussus interiit optimus Princeps.

Quantum verò ipsum Iosiam attinet, clementiæ Divinæ signum fuit præmaturus obitus hic, cum id ipsi fuerit iam antè prædictum à Domino, 2. Par. 34. v. 28. Posteris verò & toti regno hic casus fuit luctuosus. Cum ipso enim moritur salus & gloria Regum & totius Regni Iuda. Non igitur absq; causâ dicuntur illum luxisse omnes qui habitabant in Iuda & Ierusalem. Quia post mortem illius Idololatria pristina instituta, terra Iudæorum mulctata centum argenti, & vno auri talentis, Regibusque Iudæoram partim in Ægyptum, aliis verò in Babyionem abductis, sequuta fuit *παινολεστρία*, & tristis illa captivitas Baby Ionica septuaginta annorum.

L. I. Posset tractari locus hic, Magistratum vel hanc ob causam pietati & iustitiæ studere debere, ut aliquando cum luctu atq; desiderio omnium bonorum moriantur, sicut Iosias. Multi ita vixerunt, ut plures mortuos ipsos, quam viuos optarint: plurimi autem tristi eorundem obitu exhilarati fuerint: ut Manassæ, Herodes, &c. At nomen præclarum sibi compararunt, David, Hiskia, Iosaphat, Iosia, &c. Longè enim fama præferenda est divitiis, auro & obryzo, Prou. 21. v. 1. Syr. 42. Ecclesiastis 7. v. 2.

Hoc ut fiat, à puero studeant pietati, & Deum quærant cum Iosia. Nam a teneris assuescere multum est.

L. II. Non sine causa subditi & ciues etiam aliorum imperio subiecti, lugent pios Principes, Magistratus vel Iudices suos defunctos. Sic enim suam charitatem testantur erga ordinationem Diuinam: (Non enim est potestas, nisi à Deo, Rom. 13.) & gratitudinem erga eos, quibus tanquam parentibus (est enim Magistratus bonus pater patriæ) vti fuerunt.

Et quia posteriores rarò sunt prioribus meliores, iuxta Prouerbum, interdum satis iustas causas luctus habent subditi, si pios Magistratus amittant. Taceo quod illorum obitum plerumque sequuntur periculosa mutaciones, & infinita alia mala, de quibus alias. Vide Thematis 9. dispositionem parte vltima.

II. Pars.

Non lugent tantùm defunctum Iosiam diebus aliquot proximis ab obitu illius, quod alias fieri solet: Sed volunt etiam memoriam boni Principis consecrare æternitati, conscriptis Carminibus, Næniis & Epicediis variis.

1. Dicitur n. Ieremias Propheta condidisse super ipsum Nænam, vel Monodiam, in qua haud dubiè decantauit illius pietatē & res in Ecclesia & Rep. laudabiliter gestas.

2. Vt ràm non tantùm vnus & alter hoc præstitit defuncto, vt illius laudes decantaret: Sed omnes Cantores & Cantatrices per totum regnum, dictitarunt suas Nænias super Iosia. Dignus enim fuit, qui æternis laudibus ad cœlos vsque eueheretur.

3. Neq; verò mox obliuioni tradita fuerunt illa Carmina & Epicedia, sed in consuetudinem abierunt, vt multo tempore passim Carmina & Epicedia in omni regno Iuda audirentur. Fuerunt etiam aliis clarissimorum virorum Epicediis coniuncta & annexa.

Lo c v s I. Dici potest occasione horum verborum, de Epitaphiis & Epicediis.

Est

Est autem Epitaphiorum & Epicediorum mos antiquissimus. Et bono fuerunt consilio primitus introducta: partim

1. Ut posteri suum amorem testarentur erga defunctos.

2. Partim ut posteritas hac ratione excitaretur ad virtutis studium.

3. Partim verò ut mortalitatis admonerentur omnes cuiuscunque essent conditionis.

Abutuntur autem nostri seculi homines Epicediis multifariam. 1. Alii planè negliguntur, licet benè meriti fuerint de posteris & hæredibus: qui interdum sumptibus parcunt, vel ingrati, vel *ἀσέβητοι*, vel inepti, & barbari.

2. Alii qui vix quicquam laudabiliter in omni vita fecerunt, tamen à suis præpostero quodam amore, ad cælos euehuntur, & tantum non inter Diuos referuntur post mortem.

At frustra monumenta eorum honorantur in terris, quorum animæ torquentur in inferno.

Eorum verò memoria nobis sacrosancta esse debet, qui dum vixerunt Ecclesiæ & Reipub. adeoque communi patriæ utiliter inseruierunt. Et licet non sint, qui ipsis tumulos erigant, Epitaphia & Epicedia scribant, illorū tamen nomina animis inscribenda, ut grati simus erga ipsos: sicut etiam in cælo descripta extant, Luc. 10.

Nec quicquam intermittendum, quod ad celebrandum ipsorum nomen possit facere. Cum iusti memoria non sit delenda super terram, Psal. 112. Prouer. 10. ut sic etiam posteris habeant, quod imitentur, & ad simile virtutis studium inuitentur & accendantur.

L. II. Posset etiam hic tractari locus. Qui volunt sibi nomen comparare præclarum, & non tantum in vita, sed etiam post mortem publicè priuatimque, Carminibus & annalium monumentis celebrari, illi sectentur studium pietatis, quod fuit in Iosia, ipso Spiritu sancto (in historiis. Regum) teste. De his plura alias.

THEMA XIII. CLASSIS I.

Psalm. 34. vers. vlt.

*Redimet Dominus animas seruorum suorum, & non
reuerunt omnes qui confidunt in eo.*

DISPOSITIO.

Gratiarum actionem continet hic Psalmus 34. pro summis beneficiis Dauidi à Deo præstitis: quorum aliqua in specie enumerat, septē potissimum; v. 15. 16. 18. 19. 20. 21. 22. comprehensa. Inter hæc vltimo loco & versu vltimo Psalmi continetur illud, quod omnium est maximum, & hominī tam in morte, quàm in vita summè necessariū, imò tale, sine quo cætera omnia parum vel nihil facerent ad salutem, sc. quod dicitur Deus redimere animas seruorum suorum. Quia vero hæc non tantum propter Dauidem, sed ad doctrinam & consolationem omnium seruorum Dei, scripta sunt, agite hæc ad vsum nostrū transferamus. Ut autem rem istam rectius intelligamus, dicendum erit:

1. Quinam serui Dei sint, de quib. Psalmus loquitur.
2. Quantum illi tam in morte, quàm in omni vita beneficii accipiant à Deo, ratione huius liberationis, de qua tractat Dauid.

I. Pars.

Quia Psalter inuit beneficia hæc, de quibus loquitur, non nisi ad seruos Dei pertinere, operæ pretium erit despiciere, Quinam hoc nomine vocentur, & quos Deus pro seruis suis agnoscat.

Et sanè si volumus dicere quod res est, serui Dei esse debebant omnes omninò homines, qui Deum agnoscunt Dominum & creatorem suum. Et sicut omnes creaturæ etiam irrationales & inanimatæ ipsi promptissimè inserviunt, & ad nutum illius præstò sunt, vt patet ex Psal. 148. vers. 8. quod dicuntur facere verbum illius: sicut etiam sancti Angeli sunt spiritus ministrantes, Hebræ. 1. Psalm. 103. & Psal. 104, & seruiunt Deo; ita omnes homi-
nes

nerui Dei esse debebant. Atque tales quidem haberi volunt omnes.

Verum plurimi sunt serui nequam, quales illi Matth. 25. Luc. 19. Quia Deo non seruiunt, sed Diabolo. Teste enim Paulo, cui homines obediunt, illius sunt serui. Roman. 6. v. 16. Et Petrus idem aliis verbis refert, 2. Pet. 2. v. 19. A quo quis victus est, huic etiam in seruitutem est addictus. Ideoque hi non habentur pro seruis Dei, nec possunt ita appellari, sed vocantur in scriptura serui peccati, Rom. 6. vers. 17. 20. &c. quia seruiunt Diabolo, qui ipsos instigat ad varia peccata. Vocantur iidem etiam serui hominum, 1. Cor. 7. quia mundo, cuius princeps est Diabolus (Ioan. 16. & 12.) seruiunt.

At serui Dei sunt, qui soli Deo seruiunt, & mandatis illius obtemperant, quantum adiuti gratia spiritus sancti possunt: quique Diaboli & mundi, in maligno positi, detrectant imperium: idque non tantum in peculiari vocatione, sed quocunque vitæ genere.

Dicuntur quidem in specie Ministri Dei 1. Magistratus, Roman. 13. v. 6. qui faciunt officium. 2. Ecclesiarum ministri, Ioël. 1. v. 9. 1. Cor. 4. v. 1. 1. Th. 3. v. 2. Sed hoc eodem nomine generaliter omnes pii & verè Christiani appellantur, hoc loco & in aliis. Esai. 61. Ministri Dei nostri nuncupandi eritis. 2. Corin. 6. v. 4. In omnibus exhibere vos sicut ministros Dei decet. 1. Pet. 2. vers. 16. tanquam serui Dei. Hinc Dauid seipsum vocat seruum Dei. Psal. 116. v. 16. Et Simeon Luc. 2. Nunc dimittis seruum tuum. Sic ipse Dominus vocat Seruum suum Iacob. Ezech. 28. Seruum suum Israël. Ierem. 2. Et Seruum suum Dauid. Ezech. 38. Et sæpissimè alias.

Et potest illud ipsum, quod hoc versu additur, esse explicatio præcedentium, quinam sint serui Dei, scil. qui confidunt in eo. Qui in Deo confidunt (quod de Dauide legitur multoties, Psal. 11. v. 1. In Domino confido, Psal. 25 v. 2.) & ex fide faciunt officium, hi sunt serui Dei, atque hi placent Deo.

I I. Pars.

Hiigitur quid possunt sperare à Domino? Ingens illud beneficium & ineffabile præstat ipsis Deus, vt liberet animas illorum. Est autem hæc redemptio vel liberatio multiplex: Potissimum verò triplex. 1. Nam Christus pretioso suo sanguine mercatus est animas seruorum, & liberat à maledictione legis animas fidelium, Galat. 3. Actor. 20. v. 28. 1. Pet. 1. v. 19.

2. Deinde liberat etiam animas fidelium à contagione scelerum & peccatorum, ne falsa doctrina inquinentur, neve improbis mundi exemplis seducantur (Sapient. 4.) à recto pietatis tramite.

3. Tandem a calamitatibus temporalibus (quando hoc ipsis salutare intelligit futurū) liberatos, in æternam beatitudinem asserit, & ab æternis cruciatib. liberat, animas illorum in manu sua custodit, vt nō tangat illos tormentū; Sap 3. Expertus hoc Lazarus, posset testari, Luc. 16.

At, inquis, sumus miseri peccatores, & serui inobedientes interdum, voluntatem Domini scientes, nec semper facientes: ideoque metus est, ne hæc ad nos nihil pertineant? Huic tentationi occurrit Psalter, his verbis: Et qui confidunt in eo, non erunt rei. Credentibus enim in Christum (quod faciunt verè pœnitentes) non imputabuntur peccata, non rei agentur suorum peccatorum. Mich. 7. In profundum maris, &c. Quia Christus sustulit illa, qui est aduocatus, Rom. 8. 1. Ioan. 2. & passim.

V S V S.

I. Magna hæc est consolatio, quæ erigere potest animos tentatorum & afflictorum, quod Deum habent, qui non tantum ex omnibus huius vitæ calamitatibus liberat, de quo Paul. 2. Tim. 4. v. 18. sed etiam ab æternis cruciatibus præseruat. Esa. 54. v. 17. Hæc est hæreditas seruorum Domini, & iusticia, quæ habent à me Et consolatione plenissimū illud Christi, Ioan. 12. v. 26. Vbi ego sum, ibi & minister meus erit. Beati enim cui non imputantur peccata, Psal. 32,

11. Quia

II. Quia vero huius redemptionis non nisi serui Dei fiunt participes, ideo opera danda, ut inueniamur in numero seruorum Dei, qui ipsi vera fide adherent, & ex fide mandata illius strenuè exequuntur, atque tempus liberationis (quam omnes Creaturæ gementes desiderant, Roman. 8. v. 19. & 22.) patienter expectant. At hoc loco nemo seipsum decipiat, putans se seruire Deo, cum seruiat Diabolo, mundo, & peccato, (quia qui facit peccatum, peccati seruus est, Ioan. 8. v. 34.) Sed exigat vitæ suæ actiones ad præcepta Domini sui, memor illius dicti, Psal. 123. Sicut oculi seruorum in manibus Dominorum, &c. accurate obseruet vocem Domini Dei sui, neq; illum offendant. Hinc illud Luc. 12. v. 43. Beatus seruus, quem sic inuenerit Dominus. Quod si verò peccatis ipsum offendit, deprecetur culpam, credat in Christum, & absoluetur ab omni peccato, Esa. 1. v. 18.

THEMA XIV. CLASSIS I.

Psalm. 112.

In memoria aeterna erit iustus.

DISPOSITIO.

Inter alias vanitates huius mundi deplorat Salomon etiam hanc Eccles. 9. v. 5. quod mortuorum memoria tradatur obliuioni. Contrarium videtur Psalmus hic asserere, Memoriam iustorum esse sempiternam. Et sanè verumq; verum est, partim respectu hominum, partim respectu Dei. Ut autem hanc rem intelligamus, nec propterea angamur animo, quod metuiamus memoriam nostram mox delendam, hæc verba Psalmi tractanda suscipiemus hoc pacto, ut audiamus:

1. Quorum memoria citò pereat, & contra quorum memoria sit aeterna.
2. Quid faciendum, ut memoria nostri sit constans, & sempiterna.

I. Pars.

I. Pars.

Pars maledictionis est illud, de quo Psalm. 9. v. 7. Perit memoria eorum cum ipsis. Et Psalm. 109. v. 15. Dispereat de terra memoria eorum.

Hoc autem de impiis dicit scriptura, vt clarè patet ex Psalm. 34. v. 17. Vultus Domini contra eos qui operantur iniquitatem, vt deleatur memoria illorum de terra. Hinc Exod. 17. v. 14. Delebo memoriam Amalek, vt nemo sit qui recordetur illius. Inobedientibus Iudeis minatur Dominus Deut. 32. v. 26. Dicam, vbi nam sunt illi? Memoriam illorum tollam ex hominibus.

Esaïas cap. 16. v. 14. conqueritur, Perdidisti omnem memoriam eorum.

Hoc ita intelligendum est, quemadmodū Prou. 10. v. 7. explicatur; Nō in benedictione, aut cum laudibus extare memoriam illorum. *Man gedencet jhrer nit im besten* / vt Nehemias orat, Nehem. 5. v. 19. Memento mei in bonum.

Meminit enim Deus quidem malitiæ illorum, sicut Psalm. 109. v. 14. In memoriam redeat iniquitas patrum eius, & peccatum matris non deleatur.

Recordantur etiam homines scelerum & peccatorum, & hodie quoque famosi sunt Cain, Iudas, Saul, Ahitophel, Bileam, Herodes. &c. qui ante multorum annorum centurias interierunt. Vide Sap. 10. v. 7.

At satius ipsis esset de his nec Deum nec homines cogitare vnquam, quia non ad bonum nec ad laudem illorum cedit hæc recordatio. *Man gedencet jhr wie des Judas im Passion / vnd wie des Pilati im Glauben* / dicitur Prou. Iob. 13. v. 2. Memoria vestra similis cineri.

At memoria iustorum cum laudibus & in benedictione in æternum conseruatur. Prouer. 10. Et hæc magna est pars Diuinæ benedictionis. Syr. 19. v. 13. Nunquam delebitur aut deficiet memoria illius, quin eius nomen viuet in perpetua secula. De muliere illa Christus Mar. 14. inquit, Narrabitur hoc in memoriam eius. Quia bonum opus operata fuit. Etenim omnes boni semper & omnibus
tempo-

temporibus celebrant benefacta antiquorum, & recordantur ipsorum cum honore & laude maxima.

Sicut recens semper est nobis memoria pietatis Iosephi, Dauidis, Iosifæ, Iosaphati, Moïsis, Ieremiæ, Danielis, Zachariæ, Ioannis Baptistæ. &c.

Quod si verò maximè memoria hominum excidant pii & boni, & benè etiam de nobis meriti, iuxta id, *Auß dem Augen auß dem Sinn*; tamen in memoria æterna iustus erit apud Deum. Fit interdum id quod Es. 56. habetur, Iustus perit & nemo est qui obseruet, tamen Deus non obliuiscitur piorum, nec benefactorum, in omnem æternitatem. Et renouabit tum demum in die Nouissimo illorum memoriam, vbi quod in abscondito factum producet.

Et si videatur ipse etiam obliuisci, de quo conqueritur Dauid Psalm. 13. v. 2. & 42. v. 10. tamen retinet nomina piorum in recentissima memoria. Quia si mulier etiam posset obliuisci infantem, Deus tamen non obliuiscitur. &c. In manu mea signaui vos. Esai. 49. v. 15. & 16.

CONSOLATIONEM pii ex hoc loco petere possunt, quando cogitant benefacta illorum nullam habitura in seculo hoc compensationem, & memoriam illorum, mox vbi diem suum obierint, interituram: vt tamen optimè sperent, cum benè apud Deum (nostri semper memorem) veteris stet gratia facti. Exemplum habemus in Moïse. Nullam is rerum optimè gestarum sensit in his terris compensationem, at è terra euocatum in cœlos à Deo esse translatum, historia Matth. 17. testatur.

In cœlis copiosa erit piorum merces. In cœlo scripta nomina illorum. Luc. 10. v. 20. Celebrabuntur illorum merita. Mat. 25. v. 35. In libro enim vitæ annotantur pii, vt non pereat nomen illorum. Apoc. 20. v. 12. Et facta illorum sequuntur ipsos. Apoc. 14. vers. 13. Et hoc ipso Psalm. 112. Iustitia eius permanet in seculum. Et generatio etiam rectorum benedicetur. Psalm. 112. vers. 2. & 102. v. ultimo.

II Pars.

Quo pacto igitur immortalitatem & nominis æternitatem conciliare poterimus? Vno verbo id hîc exprimitur, quod dicitur, iustus erit in memoria æterna. Intelligit hominem piûm & talem, qui fide iustificatus facit, quod Deo placet propter Christum, licet multis alioquin humanis infirmitatibus laboret. Notandum autem in hoc multum elaborasse Ethnicos etiam, vt nominis immortalitatem sibi pararêt, & fama illorum passim per orbem volitaret. Hinc alij præsentissimam pro patria subierunt mortem, vt Curtius, alij pyramides vel obeliscos, (quod Absalom etiam fecisse legitur, 2. Sam. 18. v. 18.) vel ædificia splendida, vel sepulchra sumptuosa extruxerunt, alij libros ediderunt, &c. At præter famam terrenam nihil sunt consequuti. Apud Deum enim, & omnes sanctos Angelos hæc nihil valent. Neque durabit illorum fama in altera vita: quin potius memoria illorum delebitur.

At pietas vna & sola est, quæ huius & futuræ vitæ promissiones habet, quod Paulus affirmat, 1. Timot. 4. & quæ perpetuis laudibus famam illorum apud Deum amplificat, vt licet ab hominibus negligantur, aut persequutionem patiantur, tamen coram Deo in honore & pretio sint, qui non patietur nomen illorum interire in cœlis, & apud omnes sanctos.

Apostoli & Prophetæ exemplo esse possunt. Qui licet fuerint suis temporibus obscuri, imò exosi, & ad necem traditi, tamen hodiè apud omnes Christianos in magna sunt gloria, & erunt etiam in altera vita, magisq; gloriosi, de quo Christus, Luc. 22. v. 30.

Qui igitur cupiunt memoriam nominis sui extare ad omnem posteritatem, & nomina sua etiam in cœlo scribi, non poterunt hoc consequi, nisi studio pietatis & iusticiæ. Colant ritè Deum Creatorem, credant & fidem retineant cum bona conscientia, 1. Tim. 1. v. 19. Benefaciant proximo de suis bonis. Hæc immortalia erunt, vt patet Esa. 58. y. 7. Matth. 25. & Luc. 16. v. 9.

THEMA XV. CLASSIS I.

Prouer. 10. vers. 7.

Memoria iusti in benedictione.

Eadem est sententia huius dicti & Thematis, quæ fuit præcedentis: Ideoque eadem planè ratione tractari poterit: vt hæc sit propositio, vel partitio, 1. Quorum memoria in benedictione, & vicissim quorum memoria in maledictione sit.

2. Quid faciendum, vt memoria in benedictione perpetuò maneat. Vbi eadem recurrunt, quæ in præcedentis Thematis tractatione habentur. Ideò supra semper præsens hoc dictum verbis Psalmi coniunximus.

Ne igitur nimium excrescat hic libellus, peculiarem huius Thematis tractationem instituere nolimus.

THEMA XVI. CLASSIS I.

Prouerb. 14. vers. 32.

Etiam in morte sperat (Seu confidens est) iustus.

DISPOSITIO.

Scripturæ hic est vsus inter præcipuos, vt per illius consolationem spem habeamus, Rom. 15. Et nisi verbū Domini nos tentatos reficeret, actum esset de nobis, quod Dauid fatetur, Psal. 119. v. 92.

At tum demum consolatione opus est, & magna confidentia, quando moriendum. Tum enim plerumque illud accidit, quod Hiskias habet, Esa. 38. v. 17. Ecce angelus desiderio consolationis. At Salomon hoc loco iustum & pium hominem benè sperare, & in morte etiam semper confidentem esse posse asserit.

Dispiciendum igitur erit, 1. Quæ spes aut consolatio iusti in morte, vel (vt germ. versioni respondeant nostra) Quid iustum in morte etiam faciat confidentem.

2. Et quis præterea huius loci Vfus.

I. Pars.

1. Iustum confidentem non faciunt diuitiæ. Prouer. 11.

v.4. Diuitiæ non proderunt in die iræ. Imò affligunt possessorem, quia relinquendæ, Ecclesiast. 5. v. 14.

2. Nec confidentem faciunt bona opera & propria iusticia. Quia iusticiæ nostræ pannus menstruata, Esa. 64. Serui inutiles sumus, Luc. 17.

Sed confidentem faciunt consolationes scripturæ, quæ iubent ipsum benè sperare.

Fallit interdum spes illa, quā habemus in temporalib.

Fallitur augurio spes bona sape suo.

At spes iusti firma est in Deo, & his nititur consolationibus.

1. Mors non potest nocere, sed est transitus ad vitam. Sublata enim causa mortis, hoc est, peccato, tollitur etiam mortis in nos imperium, Heb. 2.

Christus enim credentibus (hi autem iusti illi sunt, de quibus hic sermo est) mortem in dulcem somnum conuertit. Ioan. 11. 1. Thess. 4. Mar. 5. vers. 39. Luc. 8. Mortis aculeum sustulit, qui est peccatum. 1. Cor. 15. v. 55. Esa. 38. Proiecisti peccata mea post tergum.

Deiuncta igitur morte, Ose. 13. Ero mors tua, &c. Christiani iam per mortem transeunt ad vitam, Ioan. 5. ver. 24.

Hoc facit iustum moriturum confidentem. Sed sequuntur etiam plura alia.

2. Per mortem non separamur à Deo. Ideoque mors non est indicium irati Dei. Pii namque etiam moriuntur, qui sunt Deo amicissimi. Mose, Abraham, Daud, Iob, Iosias, Paulus.

Imò mortui propius (si tamen ita dicere licet) ad Deum accedimus. Sic enim Prouerbio germanico dicimus de defunctis, cum Deo est. *Er ist bey unserm Herren Gott.* Sap. 3. In manu Dei sunt.

Enoch translatus & assumptus est à Deo, Gen. 5.

Lazarus in sinu Abraham, Luc. 16.

Imò in ipso mortis articulo non abest Dominus à nobis, Iob. 13. Etiam si occiderit me, salus tamen mihi. Psal. 23. Si ambulauero in medio ymbrae mortis, tu mecum es.

Phil.

Phil. 1. Cupio dissolui, & esse cum Christo.

Summa, Rom. 8. Quis separabit nos:

3. Mortui ergò non malè habent. Cessant ab omni labore, & carent omni miseria, eximuntur omnibus malis.

Esa. 26. Intra in cubile tuum, & abscondere.

Apoc. 14. Quiescunt à laboribus.

Esa. 56. In cubilibus suis quiescunt.

Sap. 4. Iustus eripitur ex hac vita, &c.

Ideoq; illos aufert Dominus, ut hoc sit ipsis magni beneficii loco. Exemplum Iosif, 2. Reg. 2. 2. Par. 34.

4. Et quod illis est gratissimum, Colliguntur ad suos maiores, & charissimos quosque ante defunctos.

Gen. 15. Ibis ad patres tuos.

Num. 20. v. 24. & Num. 27. Colligatur ad populum suum.

Gen. 49. Congregatus est Iacob ad populum suum.

1. Reg. 22. Dormiuit Iosaphat cum patribus.

2. Sam. 12. Dauid, Ego vadam ad eum.

5. Quia verò gaudium non est perfectum, nisi anima iterum iungatur corpori. Ideoq; confidentem facit moriturum, quod resurrecturi sumus.

Iob. 19. Scio quod redemptor. Item, Esa. 25. Esa. 26.

1. Thess. 4. Ioan. 5. Dan. 12. 1. Cor. 15. Apoc. 11. & 20.

6. Magis verò hoc quod sequitur, confidentem facit, quod tum perfectissimum gaudium anima cum corpore sentiet, in vita æterna. Hinc illud, Beati mortui, Apocalyp. 14. Luc. 16. solatio fruitur. Psalm. 16. plena gaudiorum cõpia, & in dextera Dei perennes voluptates.

Summa, oculus non vidit, Esa. 64. 1. Cor. 2.

II. Pars.

Hæc idèò dicuntur, 1. ut non anxii de hora mortis tristissima (quam multi sibi imaginantur) cogitemus, sed ut magno animo simus, scientes, quod meditatio prædictorum confidentem possit reddere moriturum. Et propterea hæc nunquam animo nostro elabi patiamur. Nunc dimittis, ait Simeon, Luc. 2. Quia viderunt oculi salutare.

2. Quia verò hæc tam de iustis, hoc est, credentibus, fide iustificari, & piis pronuntiantur, faciunt ad correctionem. Longè enim alia est ratio de impiis. Illi mori possunt esse confidentes, quia sciunt illa omnia, quæ supra enumerauimus, nihil ad se pertinere. Ideoque cum horrore finiunt vitam, Psalm. 73.

Iam negatiuè omnia supra scripta possunt reduci.

1. Mors est illis transitus ad mortem secundam, Apoc. 21. Quia peccata ipsis detinentur.

2. Auersatur illos Dominus, Psal. 5. v. 7.

3. Mox sentiunt iudicium Domini, Syr. II. v. 28. & 29.

4. Cum damnatis agunt, qui nihil solatii afferunt. Ideò timet Epulo, ne ad ipsum quoq; fratres colligantur, Luc. 16.

5. Resurgēt, sed ad ignominiam, Dan. 12. Ioan. 5. v. 29.

6. Et tum demum anima & corpore cruciabuntur, Esa. 66. v. 24. Apoc. 21. v. 8. Matth. 22. v. 13.

Ergo non sine causa trepidant impii morituri. Hoc ne fiat, sectemur iusticiam. Credamus in eum, qui factus est nobis iusticia, I. Cor. 1.

Quæramus iusticiam fidei, de qua Rom. 4. v. 5.

Apprehendamus eum, qui iustificabit multos, Es. 53. & II.

Iuste etiam agamus ex fide, Tit. 2. v. 12. Castè & iuste viuamus, &c.

THEMA XVII. CLASSIS I.

Prouerb. 22. vers. i.

Melius est nomē (bonum) (germ. fama) quàm diuitiæ multæ, & gratia bona (fauor) super argentū & aurum.

DISPOSITIO.

Pleriq; ita affecti sunt, vt appetant magnas diuitias, aurum atq; argētum. In his enim magnam partem felicitatis collocāt homines minus rectè sentientes. At sapientissimus ille Rex Salomon hoc loco ostēdit, quod auro atq; argento & multis diuitiis longè est præstantius: quodq;

miro-

minori cum periculo possumus acquirere quam diuitias, quæ interdum interitum atterere solent quærentibus. *x.* Tim. 6. v. 9. Quid hoc igitur, vt istud quæramus ante omnia? Nomen bonum siue bona fama, & gratia bona siue fauor.

Huc itaque intendamus animum, & videamus:

1. Quid intelligatur per famam & fauorem.
2. Quanti bona fama & bona gratia æstimanda.
3. Qua ratione acquiratur.

I. Pars.

1. Fama dicitur à fando, & significat sermones de aliquo homine. Wan man von einem sagt. Lutherus expressit germ. Gerücht/ quod videtur habere suam derivationem ab odore, Geruch/ quasi Geruch/ das man von fernneruch: Sicut erat fragrantissimus odor vnguenti super Christum effusi, Ioan. 11. Et hanc ob causam comparatur fama bona vnguento pretioso Eccles. 7. v. 2. Sicut vicissim mala fama comparatur fœtori. Gen. 34. v. 30. 2. Sam. 10. v. 6. Sumitur autem fama latinè, & Gerücht germanicè in bonam & malam partem. Coniungit Paulus vtramque 2. Cor. 6. v. 8. per bonam & malam famam, hoc est, per conuitia & laudes. Etenim fama etiam malorum vulgatur per orbem. Vt Saulis, Caini, Iudæ, Pontij Pilati, & multorum hæreticorum.

At illa fama non est pretiosa, & satius esset illorum nomina & facta penitus ignorari. Ideoque Salomon hic commendat bonam famam, sicut Eccl. 7. addit vocabulum bona fama. Vbi homines boni & laudati (ab illis enim laudari laus est, non item ab aliis) honorificè loquuntur de bonis. Sic Christus factum mulieris in Bethania per ortem prædicatum iri asserit. Ioan. 11. Sic prædicatur à bonis Abrahami fides, Iosephi castitas, Iobis patientia, Moysi & Samuelis fidelitas in officio, &c.

2. Bona gratia autem siue fauor à fauendo, quod homines alicui faueant & benè cupiant, dicitur. Ita germ. *Ein strom gönnen*, Estq; hic fauor, cū homines honestè

sentiunt de alicuius virtutibus & benefactis, & propter illius merita fauent illi omnem fortunam prosperam. Fauent quidem impij impiorum factis, sicut Sauli Dorigus nequam admodum est fauorabilis persona 1. Sam. 21. At Salomon de fauore bonorum erga bonos loquitur: vbi Deus inclinat corda hominum vt cogantur fauere bonis, propter merita ipsorum.

II. Pars.

Quanti æstimanda hæc fama & gratia ostendit Salomon. Etenim auro, argento & multis diuitiis pretiosorem iudicat. Nec dubium quin sapientissimus ille Rex intellexerit hoc negotium: cum ille & auri atq; argenti ditissimus, & fama etiam nominis toto terrarum orbe celebratissimus fuerit. Hinc iudicium ferre potest de vtroque.

Et si ipsi etiam hanc rem accuratius pensitemus, idem iudicabimus.

1. Aurum & argentum tantum inter homines locum habet. At fama etiam Deo grata, qui diuitias nullas curat. Etenim benefactis celebratur, & inuitantur multi ad idem studium virtutis. Hoc gratum est Deo, qui hac ratione glorificatur. Matth. 5. Luceat lux.

2. Deinde diuitias etiam improbi possident, nec propterea in maiori pretio habetur. Luc. 16. & 12. Diuites. Nabal diues at stultus. 1. Sam. 25. At fama hominem facit gratum atque celebrem.

3. Et quid læticiæ in diuitiis, si omnes inuideant? Sed fauor hominem exhilarare potest, si omnes illum velint saluum & benedicant ipsi. Cum diuitibus multi maledicant & extinctos cupiant illos.

4. Diuitiæ relinquendæ, & non nisi viuentibus profunt. At fama etiam post mortem durat. Hinc Syrach cap. 42. Manet nomen certius auro.

5. Imò cum vita brevis sit, & vsura auri exigui sit temporis, Syrach 42. fama tamen hominem immortalem facit. Viuit nobis adhuc Ioseph, Dauid, Mose, Iob, Daniel & socij.

focij. Hinc gentes famam semper & fauorem maximi fecerunt.

Omnia si perdas famam seruare memento,

Qua semel amissa postea nullus eris.

Estque fama propter nos atque posteros, atque propter alios etiam magni facienda.

1. Propter nos, vt habeamus bonam conscientiam. Iuge conuiuium, Prou. 15.

2. Propter alios, vt possint obturari ora obrectatoribus, sicut possunt Moses & Samuel. Deuter. 31. ver. 28.

1. Sam. 12.

3. Propter posteros: vt illi habeant qui ipsis beneficiant. Sicut Mephiboseth propter Patrem Jonathan in gratia est apud Dauidem. 2. Sam. 9.

III. Pars.

Quomodo igitur fama bona, & celebritas nominis, atque bona gratia & fauor poterunt comparari?

Gentes virtutibus sibi aliquam compararunt famam, vt Codrus Rex, Ancurus Midæ filius, Marcus Curtius. Alij verò alia ratione voluerunt celebritatem nominis sibi conciliare, factis scilicet temerariis & non admodum laudabilibus. Nonnullis hoc fuit frequens in ore:

Aude aliquid breuibus Gyaris, & carcere dignum,

Si vis esse aliquid.

Herostratus templum Ephesinum incendit, vt essent, qui de ipso loquerentur. Extruentes turrim Babel. Gen. 11. Item voces illorum Sapient. 2. v. 9.

Sed nec Christiani omnes famam & fauorem captant, ea qua decet pios ratione.

Alij sunt hypocritæ, speciem habentes pietatis. 2. Timoth. 3. Tit. 1. Sic Pharisei volebant videri coram hominibus. Matth. 6. vers. 2.

Alij sunt Parasiti, qui blandiuntur hominibus, vt captent auram popularem. Sed plerique hos oderunt.

Alij iactatione & propria virtutum suarum commen-

datione laudem sibi parare student. Sed quam vana sint hæc omnia, res ipsa loquitur, & patet ex iam dictis.

Echnici suis viam monstrarunt hanc, quam Socrates fertur in ore habuisse, si talis esse studeas, qualis vis haberi. Agefilaus: Si loquatur optima, & faciat honestissima.

Vna autem eaque certissima via est, qua famam honestam consequi, & fauorē captare possumus apud Deum, & omnes bonos: hæc scilicet. Pie credere, & honestè vivere. Sic honestè poterimus æmulari Maiorum virtutes. Et facere digna Deo, & vocatione nostra. Conseruatur etiam pietate erga Deum, Benè meritis erga homines, Candore, &c. De his alias plura. Sic fauor Dei atque hominum, & fama constans manebit, in hoc & futuro seculo.

V S V S G E N E R A L I S.

1. Patet hinc quam malè agant, qui suis sceleribus famam auro pretiosiorē ipsi denigrant: sicque sibi & posteris nocent.

2. Peccant qui famam negligunt, crudeles in semetipsos. Si enim licet custodire bona, magis famam.

3. Peccant grauissimè Obtrektatores, furibus peiores, qui aliorum famam lædunt, vita chariorem. In illos Magistratus animaduertere debet, & postliminio reducere pœnam illam talionis, Deut. 19. Et hæc hæctenus.

T H E M A XVIII. C L A S S I S I.

Syrach. 42. De honesta fama.

Cum omnia, quæ in tractatione huius Thematici consideranda veniunt, in explicatione præcedentis sint pertractata, peculiarem hoc loco Dispositionem addere non lubet. Etenim quid bona fama, & quanti thesauri loco habenda, & quod ipsa vita charior esse debeat, id omne iam est præcedenti Dispositioni insertum. Illuc breuitatis causa Lectorem remittendum puto.

T H E.

T H E M A XIX. C L A S S I S I.

Ecclesiast. 6. vers. 10.

Quid est, etiamsi aliquis celebritatem nominis sit consecutus? Etenim scitur quod homo sit, &c.

D I S P O S I T I O.

Brevis quidem sed neruosa est hæc, quam prælegimus, sententiola Salomonis Regis sapientissimi. Cuius consideratio non tantum eos, qui iam nominis sui celebritatem sunt consecuti, in officio continebit, sed & abiectos atq; miseros haud parum solabitur. Eius itaque brevissimam tractationem suscipiemus, & audiemus:

1. Quā vana, imò nulla sit omnium mortalium gloria.
2. Quæ huius vanitatis causa, vel, quid omnem humanam gloriam euertere, & in nihilum redigere soleat.

I. Pars.

Pleriq; hoc agunt, vt gloriolam aliquam consequantur apud homines. Præsertim qui illustri & magno loco nati sunt.

Alij bellis, alij sumptuosis ædificiis, alij editis libris, &c. inclarescere voluerunt. Exempla sunt multa. Alexander Magnus, Iulius Cæsar, Nebucadnezar, Statua Absalonis, 2. Sam. 18.

Alij alia tentant. Ædificantes turrim Babel, Gen. 11. I. mo artifex quisq; manuarius hoc agit, vt suo artificio fiat celebris. Nonnulli id malis artibus tentarunt, vt Herostratus.

Sed & qui rerum præclarè gestarum ratione celebres facti fuerunt, licet à mundo celebrentur, & habeant nomen, quale est magnorum in terra, singulari Dei benedictione, 2. Sam. 7. v. 9. tamen Salomon, licet ipse in regione Austri non tantum, 1. Reg. 10. ver. 1. sed toto celeberrimo orbe fuerit, tamen vno verbo admonet, non esse, quod multum glorientur, cum sint homines, non Dij.

Ipsæ Alexander, licet Iouis Ammonij filius haberi vo-

lue-

Iuerit, fateri tamen necesse habet, se non nisi hominem esse: Ideoq; suis adulatoribus dicit: Ergone Dii moriuntur, ecce sanguinem Deorum. Quod si hoc nolint fateri, tamen Salomon inquit: Scitur. Multa enim ipsum produnt esse hominem. Antequam nascatur, ignotus est.

Vbi natus est, humani nihil ab illo alienum.

Quod si velit negare, se hominem esse, scitur tamen illud, ipsum non carere nexu humanis. Et quo maior, tanto maiora vitia, Psal. 62. v. 10. Quin ipsa mors illum mortalem esse, luculenter docet.

Locvs. Notanda hæc sunt, vt nosmetipsos cognoscamus, scilicet quod simus homines. Licet enim hoc sciamus nos, sciant etiam id alii, raro tamen de hoc cogitamus, cum Diabolus soleat nobis diuersum persuadere. Hinc Philippus ille Macedo quotidie voluit se moneri, Philippe, homo es.

In memoriam sibi hoc non sine causa reuocat Abrahamus, Genes. 18. Pulvis sum & cinis. Putredo inquit Iob, & cineres, Iob. 13. & 17. Vermis.

Syr. 10. Quid superbis terra & cinis.

Esa. 40. Nihil coram Deo omnes homines.

Facit hoc ad doctrinam & admonitionem pro his, qui sunt valde celebres, & in autoritate constituti, vt non superbiant, cum tantum sint homines.

Alii autem ipsos non tantopere admirantur, nec confidunt ipsis, cum sint homines mortales. Exhibet spiritus eius, Psal. 146. v. 4. Et Ier. 17. v. 5. Psal. 118. v. 8. Male agunt, qui adulandi causa ipsos laudib. vltra omnes cælos euehunt.

Facit ad consolationem pro abiectis, ne putent se coram Deo esse deterioris conditionis, quam sunt celeberrimi quique. Cum tamen constet etiam nobilissimos quosque esse homines, & communi hominum lege tene-
xi, Iob. 21. v. 26.

II. Pars.

Sed quæ causa est, quod vana est omnium hominū gloria,

ria, aut quare homo ita deiicitur de summo celebritatis etiam fastigio? Quia, inquit Salomon, non potest contendere in iudicio contra fortiorem se: Hoc est, neque cum Deo, qui mortis habet imperium, neque cum ipsa morte diuini iudicij exequutrice potest contendere. Maior enim est Dei potentia, quam vt illam possit homo mortalis infringere. Mortis etiam maior sauitia (propter peccatum) quam vt parcat vllius hominis dignitati vel honori. Etenim mors æquo pede pulsat pauperum tabernas, Regumque turres.

L. Videmus non contendendum cum Deo, nec viuentibus, nec morituris. At inquis, quis tam sit temerarius, ut Deo ausit mouere litem, cum sciamus illud Iobi, cap. 9. v. 2. & Psalmi 51. v. 6. quod vincat, cum iudicatur.

Multi tamen vellent (siquidem possent) Deum in ius vocare. Vt Ierem. 12. v. 1. & Psalm. 73. v. 2. Item, Ierem. 20. v. 7. Et Iob. 27. vers. 2. Maxime verò Iob. 19. v. 6. Et 23. v. 6.

Morituris etiam videtur Deus vim facere, Iob. 16. in fine, ideoque cum illo litigare satagunt. Ad minimum tamen conqueruntur cum Hiskia, Esa. 38. vers. 10. 11. 12.

Hinc sapè iustificatur sapientia Dei à filiis hominum, (Luc. 7.) Quare hunc vel illum Deus tempore tam alieno, morte immatura abripuit? &c.

At quis cum Deo creatore litigabit. Væ illi, iuxta id Esa. 45. v. 9. Et Esa. 10. v. 15. Iob 39. v. 35. Et si quis desiderat potentiam, &c. Iob. 9. v. 19.

Non enim similis nobis, cum quo possimus contendere, Iob. 9. v. 32. Ergò patienter subeamus mortem. *Es muß doch seyn. Syr. 41. in fine. Was weigerst du dich?*

L. II. Non est quod tanto perè miremur clarissimorum & celeberrimorum virorum casus admodum graues, si quando deturbantur de summo dignitatis gradu. Sunt enim homines.

Deus fortis. Ipse verò sicut fœnum, aut flos agri, & sicut aquæ guttula, Esa. 40. v. 15. Saul, Nebucadnezar, Belsazer, Pharaos, Alexander, Iulius Cæsar, &c.

THEMA XX. CLASSIS I.

Esa. 3. vers. 1. 2. & 3.

Ecce Dominus auferet forcem, sapientem, bellatorem.

DISPOSITIO.

Iratus Dominus Deus Zebaoth, populo suo, propter peccata grauissima, & potissimum hanc ob causam, quod more Sodomitarum gloriabantur in peccatis suis, versu huius cap. 9. minatur illis internecionem. Ostendit autem initio capituli verbis prelectis, quo pacto velit eos tractare, vt tandem excendantur, hoc nimirum, vt primò omnium ipsis subtrahat omne id, quod posset ipsis venire in auxilium, vel afferre solatium: & quo carere non possint, sc. victum, & viuentes, præclaros homines. Vorrath an Vorrathien vnd an Leuten. De his autem, quæ ad corporis sustentationem pertinent, non dicemus, cum per Dei gratiam his temporibus nihil tale sentiamus. De posteriori autem dicendum erit, cum præsens funus testetur, Deum hoc agere, vt paulatim rebus humanis eximat viros Ecclesiæ & Reip. vtilis, &c. Quia verò ipse Dominus tres hominum ordines, vel classes aut status hoc loco recenset, quibus carere non possumus, de tribus his ordine dicemus, & qui ad singulas classes referendi sint, ostendemus, additis doctrinis necessariis & vtilibus.

I. Pars.

Primus hominum ordo vel status complectitur Magistratum Politicū, quo & belli & pacis tempore non possumus carere. Ideoque in duas classes partitur ipsos Magistratus.

Et hos, qui rebus pacatis sedent ad gubernacula Reip. vocat 1. Iudices, 2. Seniores, 3. Consiliarios, 4. Oratores, 5. Diuinatores, Wahrsager. Non autem intelligit ariolos, qui Deo sunt abominationi, Deuter. 18. v. 11. sed homines prudentes, & qui habent experientiam rerum, vt possint iudicare & vaticinari de futuris euentib. Non enim tantum vnius generis sunt Magistratus: alij ad iudicandum,

alii

alij ad consulendum, alij ad perorandum, vel coram Senatu & iudicio, vel corā populo sunt destinati. Et nonnulli etiam Magistratus suis consiliis vel alia ratione iuuant.

Tempore belli opus habemus fortibus viris & bellatoribus, & Capitaneis etiam, qui pugnent pro patria, pro aris & focis.

Hos inquit Dominus auferam. Et vt intelligant hoc singulariter a Deo fieri, ecce ait, Dominus Zebaoth hoc faciet. Non mentietur.

DOCTRINA. Pauci sunt qui intelligunt, quantum Dei beneficium sit, habere & pacis & belli tempore qui ius dicant, iusticiam administrent, consiliis Rempublicam iuuent, aut fortitudine sua defendant patriam.

Nec curant si maximè illi abripiantur. Putant enim facile inueniri posse, qui in locum defunctorum succedant. Et sunt quidem semper & vbiq̃, qui his rebus gerendis sibi videntur satis idonei. At res sæpe loquitur, & experientia magno cum Reip. damno testatur, non semper prioribus succedere vel pares vel meliores. Interdum in locum æquissimorum Iudicum succedunt iniquissimi pauperum excoriatore. De quibus Mich. 3. vers. 2. & 3. Et qui in gratiam aliorum ius peruertunt Mich. 7. vers. 3. In locum seniorum candidissimorū interdum succedunt prophani Iuvenes non habentes conscientiam: qui ius in absynthium peruertunt, Amos 6. & bonum dicūt malū, Esa. 5. v. 20. In locum Consiliariorum sæpe succedunt, qui omnis iniquitatis patrocinium audacter suscipiunt, vt placeant Magnatibus, & opprimant miseros. Hinc Prouerb. Multi Placentini, pauci Veronenses. Exemplo esse possunt Consilij Rehabeami, qui in locum Consiliariorum Salomonis successerunt. In locum fortissimorum bellatorum succedunt effeminati, imbelles, patriæ suæ haud raro proditores.

Agnoscamus vnde hæc omnia proueniant. A Deo. Qui aufert bonos, & substituit malos. Quare? vt puniat ingratos, & peccatores, sicut ex hoc ipso loco satis manifestum

rum est. Orandum igitur sedulo pro illis, 1. Timot. 2. Non offendendi aut contumelia afficiendi, sed honorandi, corde, ore, opere, 1. Pet. 2. v. 14. & 17. De cæteris alias.

II. Pars.

Alter hominum ordo comprehendit eos, qui in Ecclesia faciunt officium. Vno verbo hos vocat Prophetas. Per Prophetas autem in scriptura non tantum hi intelliguntur, qui futura prædixerunt, quales fuerunt Elias & Elisæus, Esaïas, Ieremias, Daniel, & alii, sed etiam hi, qui docent populum, & interpretantur sacras scripturas. Rom. 12. v. 6. Prophetia, hoc est, interpretatio scripturæ, sit analogia fidei, 1. Cor. 12. Alii data est prophetia, 1. Cor. 14. v. 3. Qui prophetizat, &c.

Hos etiam minatur Dominus se ablaturum, ut non amplius habeant, qui ipsos doceant.

L. Grauiissima omnium pœna est, si Dominus auferat prophetas, hoc est, Ecclesiæ Doctores, qui verbum Dei proponant populo & sic pascant gregem Domini. Quod enim sunt oues sine pastore, id est etiam Ecclesiola sine Pastore Ecclesiæ. Hoc patet ex Matt. 9. v. 39. Mar. 6. v. 34. Act. 20. v. 28. & 29.

Sequitur enim his ablatiis fames illa Amos 8. v. 11. vel laniena illa Luporum, de qua Act. 20. v. 29.

Iubet igitur ipse filius Dei, rogare Dominum messis, ut extrudat operarios (multos eosq; bonos.) Matth. 9. At inquit, Pfafforum plena sunt omnia hodie, ut nō necesse sit illos de longe vocari. At vide ne numerus aliquando decreseat, Deo auferente ipsos. Vel ne hoc fiat ut sublati Ministris illis fidelibus succedant operarii subdoli, quos Paulus ita vocat, 2. Cor. 11. v. 13. & mali, Phil. 3. v. 2. Aut cæci cæcorum duces, Matth. 15. aut canes muti nescientes latrare. Esa. 56. v. 10. & 11. Hinc nihil nisi interitus sequitur præsentissimus. In promptu sunt exempla nostri seculi, sed odiosa sunt. Notent hoc contemptores illi Ministerii, qui putant Ecclesiam facile posse carere pastoribus,

bis: Imò feliciores ipsos fore, si Ministri Ecclesiæ vel à Deo vel à Diabolo abripiantur, cum molesti sint rusticis & ciuibus, perpetuis suis clamoribus de pœnitentia, & vt illi vocant, suis in populum debacchationibus. Experientur illi fortassis aliquando in extremo mortis agone, quanto cum dispendio ministrorum fidelium opera carendum sit. Aliter affecti erant Ephesii, qui Paulum discedentem multis lachrymis prosequuntur, Actor. 20. vers. 37.

III. Pars.

Tertius ordo priuatorum est, quorum opera in communi vita nobis utilis atq; necessaria est. Illos partim vocat prudentes architectos, seu artifices manuarios: *Alleley gute Meister vnd Handwercksleut*. Partim verò honorabiles viros, *Ehrliche Leut* / qui precibus suis nobis multa apud Deum impetrare possunt.

L. Quotusquisq; quæso, ex nobis vnquam cogitauit inter pœnas diuinas numerandam etiam illam si quosuis priuatos bonos & artifices Deus eximat rebus humanis. Imò communis hodie ferè omniū querela est, plures esse artifices manuarios quàm hæc nostra patria ferre possit. *Alle Handwerck seyen vbersezt*. Et in genere plures esse homines, quam hic Ducatus possit alere. At impiorum has esse voces præsens locus testatur, cum Deus loco pœnæ numeret si abripiantur vel artifices vel alij boni viri. Cogita quàm facili momento fieri possit, vt numerus illorum magno cum nostro damno imminuatur, sicut tempore Saulis, cum non esset faber in Israele, 1. Sam. 13. v. 19. Imò conqueritur Debora, Iud. 5. v. 7. *an Bawren gebrauch es in Israel* / quod mirum nobis videtur. Vide Esa. 13. v. 12. Et quidem (fateor) magna hominum copia, sed honorabilium & bonorum non tantus est numerus. Sunt quidem opifices multi sed artifices prudentes pauci. Illos singulariter instrui à Deo constat ex Exod. 31. v. 3. Quod si horum opera non nisi hac in parte nobis sit ne-

E
cessa-

cellaria, vt stent tanquam murus, Ezech. 13. v. 5. & 22. v. 30. rogandus Deus, vt crescat, non vt imminuatur numerus.

THEMA XXI. CLASSIS I.

Esa. 22. vers. 24. ad finem.

Eliakim figam paxillum in loco fideli, &c.

Potest hoc Thema aptari funeribus clarorum virorum, qui clauum Reipub. tenuerunt aliquando.

DISPOSITIO.

In hoc capite Esaie Dominus iubet per Prophetam denunciari Sobnæ thesaurario Regis poenam grauissimam, quod videlicet propter insignem illius factum & superbiam è dignitatis gradu deturbandus, & honor sepulturæ ipsi denegandus sit. Vicissim autem nominat Dominus alterum, Eliakimum videlicet, qui in locum Sobnæ impij sit substituendus. Illum verò Dominus comparat paxillo siue clauo, qui infixus est parieti, & ostendit, 1. se aliquando ipsum parieti fortissimè infigere. 2. Eundem verò post etiam suo tempore inde euellere & confringere velle. Quæ similitudo dignitatem officij illius, deinde etiam mortem eiusdem denotat. Videamus vtrumque.

I. Pars.

Eliakimi fit mentio 2. Reg. 18. & Esa. 37. Legitur enim fuisse temporibus Regis Hiskiaë præpositus domus Regiæ, cum Sobna eodem tempore Scribam Regis ageret. Videtur autem is tempore impij Manassæ deturbatus de ea dignitate, & Sobna à Manassæ exaltatus fuisse. At qui hoc loco prædicit Dominus, se ipsum restitutum, & maiori etiam præfecturum muneri, quando Sobna iam abiectus sit. Hoc autem similitudine ista, sumpta à paxillo seu clauo, egregiè depingitur.

Ego, inquit Dominus, clauum pangam. Et quidem in loco firmo, vt sit immobilis.

Quid hoc sit, explicat ipse Dominus, collocabo ipsum in solium dignitatis, in domo patris sui: Hoc est,
Ego

Ego cumulabo ipsum multis dignitatibus, & nemo illi præripiet suum honorem. Infigam enim ipsum firmissime, ut nemo possit illum loco mouere.

Addit, Et suspendet super eum Dominus omnem gloriam domus patris eius. Quemadmodum in paxillo affixo parieti domus suspenditur varia, (quæ neglecta alioquin pedibus conculcanda essent) ut mox in conspectu, & in oculis omnium sint, ut pilei, clauæ, gladij, &c. Ita ego ipsum eueham ad magnas dignitates, ut totius familiae splendor pendeat ex hoc viro. *Durch ihne sol sein ganz Geschlecht zu Ehren gebracht werden. Imò filii & nepotes per ipsum futuri sunt gloriosi. Kinder vnd Kindskinder werden durch ihne hochgebracht.*

Appendentur etiam in hoc clauo siue paxillo, non tantum vasa exigua, sed etiam pocula & varia vasa alia, atque instrumenta quoque Musica: hoc est, per ipsum cõficienda erunt omnia negotia à minimo ad maximum, siue luctus siue gaudij temporibus. *Es sol alles durch seine Hand gehn/was man handelt in Frewd vnd Leid.* Omnia per ipsum gubernabuntur, & pendebunt ex ipso.

Locvs. Videmus non nisi à Deo euehi homines, qui sedent ad gubernacula Reipublicæ. Sicut enim Dominus Regna potentum prout vult transfert & constituit, iuxta id Daniel. 4. v. 29. ita etiam in omni genere dignitatis agit, & hunc Eliakimum extollit ad magnam gloriam, quæ redundare debet etiam ad posteros, contra verò Sobnam deprimat & circumagitat passim ut non habeat locum fixum. Esa. 22. versu 18.

Ad doctrinam facit hoc, i. ut agnoscamus non esse potestatem & honorem nisi à Deo. Rom. 13. Utque honoremus eos, quos Dominus voluit esse gloriosos. Honorem cui honorem. ibid.

2. Ut illi qui euehantur ad honores, cogitent, se à Deo in hac statione collocatos, non ut faciât quod lubet, non ut superbiant cum Sobna, sed ut Deo seruiant. Alioquin illud audient, Deposuit potentes de sede, Luc. 1. vers. 52.

3. Nemo conetur illos deturbare de gradu dignitatis, per calumnias, mendacia, aut quacunque alia ratione, cum Deus illos parieti infixerit, & quidem in loco firmo. *Es solle ihuen niemand zu kommen mögen.*

4. Consolationē verò hinc sumant ipsi, si faciant officium fideliter, Deum ita infixisse ipsos, vt nemo sit præter Deum, qui illos possit euellere. Hinc illud Syr. 10. v. 31.

L. II. Videmus quàm graue officium pii Magistratus sit, vt ex illo pendeat omne negotium expediendum. Debet enim Magistratus bonus, præter Ecclesiæ curam sedulam, prouidere Reipublicæ, ne quid detrimenti patiatur. Ideo Prouerb. 20. comparatur oculo videnti & auri audienti, quod à Domino sit. Imò Dii vocantur Ex. 21. Psal. 82. Ministri Dei. Rom. 13.

Pendet enim ex illis pœna scelerum atque gladius. Ibid. vers. 4. pendet ex illis iusticia, Esa. 1. Subuenite oppresso. &c. Pendet ex illis pax Ecclesiæ & Reipublicæ, quæ est loco Instrumentorum Musicorum exhilarantium homines. Magistratus enim facit, vt vnusquisque sub vite & ficu sua lætus possit viuere. 1. Reg. 4. v. 20.

Hæc sunt gratis animis agnoscenda. Rogandus Deus pro Magistratu. 1. Ti. 2. Serò enim tum demum agnoscimus nostra bona, cū q̃ in potestate habuimus, amisimus.

L. III. Non displicet Deo, si filii & nepotes eorum, qui benè meriti sunt de Rep. propter merita suorum, præ cæteris euehantur ad honores: ita tamen si digni sint, & Maiorum vestigiis insistant. Hoc enim innuit Dominus, Propter Eliakimum etiam in honore habendos filios atque nepotes. Si autem sint alieni à virtutibus suorum Maiorum, illorum non est habenda ratio, præ aliis dignioribus.

II. Pars.

Qui paxillum infixit, idem etiam euellere vult & confringere. Sequitur ergo de Eliakimo, in die illa. Suo tempore, vbi officio suo defunctus fuerit Eliakimus meus:

Aufere-

Auferetur paxillus de loco firmo & frangetur. Per morbum infringam vires corporis & ex hac vita illum abripiam. Et peribit quod pependerat in eo: h. e. Respublica ex illius obitu magnum sentiet incommodū, quando priuabitur salutaribus illius consiliis, & gubernatione fidei. Tum lugebunt defunctum, quando experientur ruinam Reipublicæ. Hæc certò euenient. Dicit enim hoc Dominus Zebaoth.

Locvs I. Quàm sit Reipublicæ damnosus vel vnus præclari viri obitus, hoc loco patet. Sæpè vnus potest toti regno, Ducatui, Ciuitati, &c. salutem afferre, si bonus sit. Propter vnum Iosephum tota Ægyptus gaudet frumento. Propter eundem tota domus Putipharis sentit benedictionem, Gen. 39. Vnus Moyses obstat quo minus deleatur tota gens Israelitica. Ex. 32. v. 10. Vide exempla, quid boni per vnum Husai, Obadia, Ebedmelech, Danielelem &c. fuerit Ecclesiæ vel Reip. præstitum. Pauci hoc agnoscunt, & dicunt, Moriatur sanè Eliakimus, & succedat alius. Perinde nobis est: semper inuenietur successor, *Stirbt Cons/ so kompt Benz/ wider.* Stultè hoc & impiè dicitur, cū euulso clauo Eliakimo, pereat omne id, quod pendebat ex eo. *Man schüttelt solche Leut nicht ab dem Baumen.* Et tristitia plerumque tempora sequuntur obitus magnorum virorum. Testantur exempla mortis Iosue, Ioiada, Iosia, Samuelis, Elia &c. Ideo inter pœnas numeratur, si auferatur Iudex, fortis &c. Es. 3.

L. II. Qui in loco firmo infixi sunt, cogitent tamen se posse iterum euelli à Deo, hoc est, Mortales esse, & aliquando moriendum. Ideoque pietatem sectentur & iustitiam, vt mortui aliquando viuant, hoc est, vt nomen illorum extet ad omnem posteritatem. Psal. 112. Prou. 10. Syr. 42. De quibus singulis supra suo loco.

L. III. Magnorum virorum filii & nepotès, affines & amici, quorum gloria dependet ab vno clauo, non confidunt in ipsis, licet claris hominibus, Ierem. 17. Psalm 118. v. 8. non superbè gloriantur, non fastidiant nec despiciant

alios, quos se longè inferiores putant: cum facile frangi possit paxillus, & illo fracto pereat omne quod ab eo pendit. Vide Psalm. 146. v. 4.

T H E M A XXII. C L A S S I S I.

Esa. 56. in fine.

Iustus perit, & non est qui recogitet, &c.

D I S P O S I T I O.

Quando pij & præclari viri moriuntur, duplices semper sunt hominum cogitationes, piorum aliæ, sed & aliæ impiorum vel securorum. Hi enim non curant, siue vivant, siue moriantur pij, dummodò ipsos mors non aggrediatur. Dicunt, *Weß nur niemand auß meinem Schutten stirbt / so laß immer hinfahren.* Illi verò tristi obitu piorum & desideratissimorum hominum afficiuntur & anguntur animo, & Deum iniquè agere putant, dum tollerant malos, & abripit bonos. Vtriusq; occurrit Dominus hoc loco per Prophetam Esaiam.

Primum enim securos reprehendit, qui piorum morte nihil afficiuntur.

Deinde etiam solatur bonos, ostendens, quàm benè cum piis defunctis agatur. Vtrumq; iam tractabimus.

I. Pars.

Iustus perit. Sancti abripiuntur, inquit Esaias. Per mortem enim alius post alium ex hac vita euocatur. Quinam illi iusti? Iustificati fide cum Deo pacem habentes, Rom. 5. Cognitione sui iustificat Christus iustus omnes credentes, Esa. 53. Hi propter Christi iusticiam, quæ illis imputatur, iusti vocantur, licèt sint peccatores. Sic vocatur Noë iustus, Heb. 11. Gen. 6. Et Loth iusti anima, 2. Pet. 2. v. 8.

Ita sancti iidem dicuntur, non quod absq; peccato, aut per se sancti sint, (cum omnes in peccato concepti & nati careant gloria apud Deum, Rom. 3. Psal. 51.) Sed quod sanctificati sint per sanctissima Iesu Christi vulnera. De quo Ioan. 17. v. 19. Sanctifico me pro ipsis, ut & ipsi sanctificati sint,

sint, Eph. 5. Christus sanctificans Ecclesiam. Hinc Corinthii, 1. Cor. 1. sanctificati in Christo Iesu dicuntur.

Hi, inquit Propheta, abripiuntur & pereunt, sicut nos iudicamus, quando defuncti computrescunt, & in nihilum rediguntur. At non est quisquam ex securis & imperitis hominibus, qui hoc perpendat in corde suo, nemo hoc obseruat, sed plerique istud securè contemnunt.

L o c u s. Sunt etiam nostro tempore securi & Epicuræi, quibus perinde est, siue moriantur siue viuant boni, & de Ecclesia atq; Repub. optimè meriti viri. De his Sap. 4. v. 17. Vident finem sapientis, sed non curant. Imò nonnulli interdum impij sibiipsis gratulantur, quando illi moriuntur, quos necesse erat reuereri, aut timere, præsertim si fuere in officio constituti, & officij ratione impietatem illorum aliquando coercere fuerunt coacti: O factum benè, quod Diabolus illum abripuit, inquirunt. At stulti homines iudicia Domini non intelligunt, sic enim illos excœcauit malitia, Sap. 2. v. 21.

Christianos autem decet obseruare iudicia Domini, & accuratè pensitare, quod sublati piis sequantur multa mala. Post illorum mortem sequitur interitus. Quam primū Noha absconditur in arca, diluuium perdit ceteros. Lotho egresso ex Sodomis incēdio perit Ciuitas, Gen. 19.

Mortuo Ioiada Rex cum populo deficit à Deo, & sequitur interitus, 2. Reg. 12. vers. 2. Plura exempla supra in præced. Fuerunt enim pii murus, & sepes, Ezech. 13. & 22.

Itaque pios non extinctos cupiamus, sed pro ipsorum longauitate oremus. Quia, quandiu Loth est in Sodomis, Dominus non potest facere quicquam, Gen. 19. v. 22. Imò propter decem pios parcere vult Dominus quinque ciuitatibus, Genes. 18. vers. 32.

L o c u s II. Videmus in quanto pretio apud Deum sint pii homines. Qui licet sint peccatores, tamen per pœnitentiam cum Deo in gratiam redeunt, & cauent, ne Deum peccatis contra conscientiam offendant. Hi iusti vocantur & reputantur coram Deo: Imò sunt sancti.

Lebendige Heiligen. Quia beati quorum remissæ sunt iniquitates, Psal. 32.

Ergo non curandum, si maxime mundus malè de ipsis loquatur vel sentiat: & vel viuos vel mortuos calumniatur. Sufficit ipsis gratia Dei: & mors illorum (utpote factorum) pretiosa in conspectu ipsius erit, Psal. 116.

II. Pars.

At sunt tamen semper, qui propter obitum piorum contristantur & afficiuntur: præsertim qui opera illorum vti sunt: vel qui ipsis sanguinis vel alia ratione fuere coniuncti: vel alii, qui intelligunt, quantum ex illorum obitu detrimenti capiat Ecclesia, vel Respublica, aut priuata tamen illorum Oeconomia. Et hi quidem varias habent cogitationes. Vellent (si possent) interdum Deo litem intendere, quod bonos istos viros præmatura morte abripuit. Videtur Deus iniquè agere cum eiusmodi hominibus. *Es ist schad daß ein solcher Mann faulen sol/inquiunt.* At non malè agi cum ipsis ostendit Propheta noster.

1. Etenim a facie mali sublatus est iustus. Non vult Deus illum diutius aspicere huius mundi vanitates. Et quia Deus inducturus est mala, ideo præripere illum & his malis subtrahere voluit.

2. Nec perit omninò iustus, neque penitus actum est de ipso: Sed qui rectè ambulant coram Deo, pacem habebunt mortui, ut non necesse sit amplius illos conflictari cum Diabolo, Mundo, carne & omni miseria.

3. Nec sunt deterioris conditionis mortui quàm viui. Etenim cum labore & dolore viuunt hi, illi vero quiescunt in cubilibus suis. Corpora enim ipsorum tantisper in terra quiescunt, donec adueniat nouissimus dies, &c.

L o c u s I. Non accusandus Deus, si abripiat præmatura morte pios, bonos & magnos viros. Quia id magni beneficii loco est ipsis, ne diutius torqueantur in his terris. Et rectius intelligit sapientissimus Deus, quid sit è re piorum. Alius cogitationes diuersæ sunt à nostris. Esa. 55. vers. 8.

vers.8. Et licet videamur splendidissima argumenta proferre posse contra Deum, tamen Dei stulticia sapientior est omni humana sapientia, 1. Cor. 1.

L. II. Magna consolationum pondera hinc sumere possunt pii morituri, vt mors sit ipsis dulcissima.

1. Si suspensos teneat ipsos spes magnæ felicitatis, quam videre optant in his terris, respondet Propheta, mala instare tempora, Deum inducere velle calamitates, quas non cupias videre. Exemplum Iosæ, 2. Reg. 22. Etenim nouissima hora imminet, 1. Ioan. 2. Tempora mala sunt, Ephes. 5. Et calamitosissima, Matth. 24. v. 21.

2. Mors videtur tibi inimica esse. At militia est hominis vita super terram, Iob. 7. & per mortem pax tibi restituetur.

3. Chara & dulcis tibi est vita. At si pretiosissima sit, labor & dolor est, Psalm. 90. Mortuus autem quiesces ab omnibus laboribus, Apocal. 14.

4. Sepulchrū horres. At illud tibi est dulce ~~noquētiē~~ ^{noquētiē} ~~noquētiē~~ ^{noquētiē} cubile & dormitorium, in quo dormies suauiter. Quantum igitur cælum præstat terra, quantū pax superat militiam, dolorē quies, tantò melior est dies mortis omni vita nostra. Ergo eligas mori, dissolui, Phil. 1. dimitti, Luc. 2.

L. III. Monentur omnes qui volunt præseruari à malis, & subtrahi pœnis, & qui optant post mortem quiescere, vt iusti sint & ambulent rectè coram Deo: exemplo Abrahami, Gen. 17. v. 1. & Zachariæ atque coniugis, Luc. 1. vers. 6. Ad hos enim pertinet isthæc consolatio, qui ambulant corde recto, *Vßrichtig / Nedlich / schlecht vnnrecht*. Psalm. 25. v. 21. Dolosi enim, impii & peruersi, tristi facti sunt perituri.

F I N I S.

T H E M A X X I I I . C L A S S I S I .

Esaï. 38. vers. 1.

Dispone domui tuæ, quia morieris.

E 5

DIS.

DISPOSITIO.

Esaïas Propheta sepius accessit suum Regem Hiskiam, nec rarò lætum & exoptatum eidem apportauit nūcium, præsertim cum Esa. 37. nunciaret illi Regis Assyrii Ierosolymam obsidentis fugam & interitum. At nunc grauior nuntius aures & cor Hiskia Regis ægrotantis vulnerat, & triste mortis nuntium affert. Ita enim officii ratio postulat, vt non tantum læta, sed interdum etiam tristia concionatores suis auditoribus denunciare cogantur: Vbi ne quidem Regibus parcere licet, mandante Domino. Quia verò idem quod hîc Hiskia dicitur, aliquando nobis omnibus nuntiabitur, breuiter tractabimus hæc duo:

1. Denunciationem mortis.
2. Mandatum, vt omnia ritè disponat, priusquam moriatur.

I. Pars.

Æger est Hiskias ex vlcere lethali, vt patet in fine huius capitis. Sentiant pleriq; ipsum peste infectum fuisse. Ægrotanti igitur Esaïas tale affert nuntium, quod ex hoc morbo non conualescere neque pristinae sanitati restitui possit, quodcunque tentet in medium. Morieris inquit. Et citò quidem, atque ex hoc morbo. Non viues diutius. At vndè tam audacter hoc audet pronunciare Esaïas, vndè scit, Regem esse moriturum? Dominus hoc illi reuelauit, & iussit ipsum hoc Regi nunciare, quantumuis ingratum. Ideoq; sic præfatur Propheta, Hæc dicit Dominus. Ego non excogitaui, nec cupio tibi sine causa incutere metum. Nec est quod dubites. Certò euēniet quod dixi. Sic enim Dominus decreuit.

Quid autem postea acciderit, & quomodo hanc sententiam mortis retractauerit Dominus, de eo iam nihil dicemus, sed tantum verba prælecta quid moneant, attendemus.

L. I. P. ¶ Et tractari hic locus, Quam instabilis & caduca sit piorum felicitas & læticia. Tam modò liberauit
Domi-

Dominus hunc Regem ab oppidione Assyrij: at sequitur mox aliud malum, morbus hic lethalis. Solet enim Deus suos, quos diligit, continuè exercere sub cruce, ne insolescant secundis rebus, ne Deum obliuiscantur, ne cessent à precibus, ne occasiones peccandi quærant, &c. Hoc agnoscit David, Psal. 119. Bonum est mihi Domine, quod humiliasti me. 1. Cor. II. Cum iudicamur à Domino, &c.

L. II. Idem quod hic Esaias Regi affert nuntium, fixius etiam nobis afferunt Ecclesiarum Ministri, Morieris, dum ex sacra scriptura multoties nos admonent mortalitatis nostræ & instabilitatis vitæ. Et quamuis tempus non possit definiri, certum tamen est hoc, quod simus morituri. Illud verò nobis valdè ingratum est nuntium. Et putant nonnulli sine causâ nobis non toties illum meritum incutiendum: quin potius expectandum, vsq; dum mortis hora instet. Diu alias nos torqueri.

At longè errant, qui ita sentiunt. Etenim quàm sit necessarium nos sæpè admoneri, quod simus mortales, docent Psal. 139. & 90. Doce nos moriendum esse, vt ambulemus corde sapienti.

Facit hæc mortis crebrior meditatio, vt abstineamus à peccatis. Memorare nouissima, & non peccabis, Syr. 7.

L. III. Videmus quid hoc sit, quod morbos & ipsam mortem nobis solet accersere. Alij causam esse putant astrorum positum, constellationem diuersam, cœli intemperiem. Alij horam natiuitatis inspiciunt, & ex genitura calculare solent obitum hominis. Alij alias solent adferre speculationes. At nulla legitur tempore Iehiskia fuisse aeris infectio: non est ipsi lethalis constellatio aliqua: Sed vnum est, quod vitam illi abrogat, videlicet illud, Dicit Dominus. Etenim qui in libro suo annosatos habet vitæ dies, antequam esset vnus, Psalm. 139. qui terminum vitæ posuit, Hiob. 14. vers. 5. qui ex utero matris extraxit, Psal. 22. idem etiam mortem accelerat, pro sua clementissima voluntate. Mediis tamen naturalibus vt plurimum vtitur. Hæc cum ita sint, non sollicitè inquiramus causam

mor-

mortis huius vel alterius, cum satis sit Dominum dixisse, morieris. Sine cuius voluntate ne capillus quidem de capite, nec passer de tecto decedit, Matth. 10. vers. 29. Hic est, qui redigit homines in pulverem, & filios hominum redire iubet, Psal. 90. v. 3.

II. Pars.

Non tantum instare dicit Esaias finem vitæ Regis, sed iubet illum etiam disponere domui suæ: hoc est, condere testamentum, & singula ritè disponere, ut & hæredes & Ministri post obitum illius sciant, quid faciendum ipsis sit vel non sit. Eratq; hoc vel vno nomine summè necessarium, ut se, regni hæredem & successorem designaret. Carebat enim tum prole mascula. Quod hinc patet, quod Manasse filius & successior regni, 12. annorum puer est, cum moreretur Iehiskia parens: ideoque sequitur illum triennio post hunc morbum demum natum fuisse.

Locus hic insignis est, quo monentur non Reges tantum & Principes, sed & quicunq; alii, ut prius disponant ritè singula inter suos liberos vel hæredes, quàm moriantur: ne post mortem relinquunt liberis materiam litis: Obseruavit hoc bonus ille Abrahamus, qui prius quàm moriatur, de hæreditate & bonis inter filium Isaacum, & eos, qui ex Cethura nati sunt, statuit, quod æquum erat, Gen. 25. Nec erat hoc infrequens Patriarchis.

Hoc tamen loco monendi estis, ne hæc res differatur usq; in articulum mortis, ubi magis necessaria, & ea, quæ ad salutem animæ pertinent, tractanda essent. Multi enim (quod experientia testatur) timent, ne si testamentum condant, tanto citius moriantur, & tantisper suspendunt, quod in animo habent, usque dum hora mortis instet, & tum vel morte præuerti, vel sensibus turbatis semimortui, non possunt id exsequi, quod diu agitarunt animo.

Qui vero inter liberos vel hæredes disposituri sunt (condito testamento) bona sua, caueant, ne data opera filiis

hæredibus ex testamento successuris in bonis, maiorē litium copiam ferant, quàm si ab intestato (quod sic vocant) hæreditas fuisset adita. Quo in loco æquitas rem omnem moderari potest.

3. Sed & illi, qui operam suam condendis testamentis nauare solent, caueant, ne studiosè ludant verbis ambiguis, neve vel hæredes vel testatores ludificent, sicque testamentum irritum faciant.

4. Tandem debet etiam testamentum ritè conscriptum, inuiolatū ac sacrosanctum esse, Paulo teste, Gal. 3.

T H E M A XXIV. C L A S S I S I.

Matth. 25. vers. 21.

Euge serue bone, in minimo fidelis fuisti, &c.

D I S P O S I T I O.

Nota est absq; dubio vobis omnibus Parabola ista, de peregrè abituro, distribuyente bona sua inter seruos suos. Quia verò nos omnes sub nomine seruorum illorū comprehendere certum est, ex 1. Pet. 2. v. 16. Ephes. 6. v. 6. Rom. 6. v. 22. ideoque hoc agamus, vt & cōmendationem & præmium feramus à Domino, quod huic seruo, de quo verba prælecta sonant, contigisse videmus. Hoc alia ratione fieri non potest, quàm si fideles simus. Id enim requiritur ab omnibus ministris & dispensatoribus, 1. Corin. 4. v. 2. Nos igitur cæteris Parabolæ circumstantiis breuiter tantum repetitis, vt instituto seruiant, hæc paucula tractabimus.

1. Quis coram Deo bonus & fidelis minister.

2. Quòdam illius futurum sit præmium.

I. Pars.

Fidelem seruum vocat Christus eum, qui cum accepisset à Domino talenta quinque, hisce quinque alia superlucratus est. Similiter & qui duobus talentis acceptis negotiando fideliter in commodum Domini suū lucratus est & ipse altera duo talenta. Contra inutilis & nequam ser-

seruus audit, qui occultans talentum suum in terra, nihil est lucratus Domino. Eadem habentur Luc. 19. v. 17.

Alia quoque Parabola Matth. 24. Christus explicuit, quem Dominus habiturus sit pro seruo fideli. Quis putas, inquit, fidelis seruus est? Is scil. qui iussa Domini sui fideliter exsequitur, vt veniens Dominus inueniat ipsum facientem, quod in mandatis habet. Idē exstat Lu. 12. v. 42.

L. Quia ex dictis constat quis fidelis seruus Domini sit, demus operam vt fideles etiam nos omnes reperiatur. 1. Corin. 4. Quia autem variorum Dei donorum sumus dispensatores, ideo operandum & negotiandum Domino. 1. Nec bona dilapidanda, quod fecisse legitur seruus is nequam. Luc. 16.

2. Nec grauanda multo ære alieno, hoc est non indulgendum peccatis, quibus vocatio dehonestatur, ne inueniamur debitores sicut is Marth. 18.

3. Nec etiam defodiendum talentum, quod faciunt serui inutiles, qui neque Deo neq; hominibus inservire cupiunt, cum maximè possent: sicque patrem familias vsu fructu defraudant.

Bonum itaque operemur Gal. 6. vt simus boni dispensatores variæ gratiæ Dei. 1. Pet. 4.

Nec est quod quis existimet, hoc nihil ad se pertinere, cum sit infimæ sortis vel conditionis homo. Etenim qui vnum accepit talentum, tantum in vno negotiare debet. Et qui duo, in duobus, qui quinque accepit, plus etiam laborabit.

Qui in minimo fidelis est, fidelis etiam est in maximo Luc. 16. v. 10.

Moses & Paulus acceperunt quinque talenta, & magnis fuerunt præfecti negotiis. Fideles illi inuenti. Num. 12. & 1. Cor. 4.

Fidelis etiam Stephanus & Barnabas qui duo acceperunt talenta. Fideles etiam Petrus & Andreas, & Ioannes atque Iacobus cum patre Zebedeo, cum adhuc essent piscatores, & vnum tantum talentum acceperant.

At

At siue multum siue parum acceperis, cogita tamen reddendam esse aliquando rationem villicationis. Luc. 16.v.2. De his etiam Ecclesiast. 12.v.14.& 2. Cor.5.v.10. Etiam de verbo otioso. Mat. 12.v.36. Sic itaque agendum ut possis stare, & rationem reddere.

II. Pars.

Porro ostendit Christus, Quomodo fidelitatem in officio sit compensaturus pater Cœlestis.

1. Commendabit seruum. Euge serue bone & fidelis. Grato animo fidelitatem Dominus prædicabit.

2. Super minima fuisti fidelis, maioribus ergo præficiendus eris, ut honore & bonis cummulatissimus præmium habeas fidelitatis.

3. Imò iubebit illum intrare in gaudium Domini sui, ut iisdem cum Domino perfruatur bonis.

L. Videmus neminem frustra laborare in officio suo, sed omnes à Deo expectare debere compensationem. Quanquam enim ad bona opera facienda iam ante sumus obstricti Deo, ut ipsius mandati: tamen adeò est benignus & clemens erga seruos fideles, ut eorum benefacta neutiquam relinquat irremunerata. Hinc id, Pietas ad omnia utilis est, promissiones habens &c. 1. Tim. 4. Et 1. Cor. 3. unusquisque mercedem accipiet iuxta suum laborem.

Et sæpè in hac vita etiam compensationem accipiunt aliquam pii & fideles ministri, ut cum in humili vocatione fideles fuerunt, magnis honoribus cumulentur. Dauid fidelis opilio, fidelis etiam seruus & capitaneus Saulis Rex creatur. Iosua fidelis seruus Moïsis dux fit populi. Elisa fidelis in faciendis operis rusticis magnus fit Propheta Domini. 1. Reg. 19. Ioannes & Iacobus, Petrus & Andreas fideles piscatores in mari, constituuntur piscatores hominum.

Nemo itaque dicat aut cogitet, Quorsum opus ut tanta cum sedulitate & tanto sudore faciam officium, cum nihil mercedis possim sperare apud homines ingrati-
tissimos.

tissimos. Man gibt ihm doch zu letzt des Teuffels danck. Sicut populus non remuneratus est Moſis fidelitatem: & Samueli malam rependit gratiam. At ſi mundus non agnoſcat nec remuneretur benefacta tua, tamen Deus hoc agnoſcet, & prædicabit coram omnibus electis, euge ſerue bone. Quantus hic erit honor?

Et compenſabit etiam tuam fidelitatem, ſi non in hoc, tamen in futuro ſeculo: vbi Moſes & Paulus etiam ſuam inuenerunt compenſationem.

In cælo copioſa merces, Matth. 5. Et quod in occulto videris benè feciſſe, compenſabit Pater in propatulo, Matth. 6.

QVÆ SEQVVTVR THEMATA, FVNERIBVS MINISTRORVM

Eccleſiæ benè meritorum potiſſimum accommodari poſſunt.

THEMA XXV. CLASSIS I.

I. Tim. 6. verſ. II.

Seclare iuſtitiam, pietatem, fidem, charitatem, &c.

DISPOSITIO.

Scripſit quidem Paulus hæc Timotheo, diſcipulo ſuo & Eccleſiæ miniſtro, non quod nihil attineant cæteros, ſed vt ipſe primum ſciat, quomodo piè viuere debeat, & vt id ipſum etiam alios doceat. Ideoq; cap 4. v. 8. hortatur, Exerce teipſum ad pietatem, ſc. vt poſſis eſſe exemplar fidelium non tantùm in ſermone, ſed & in conuerſatione, v. 12. Turpe enim eſt Doctori cum culpa redarguit ipſum. Auditores autem fidem & pietatem Miniſtrorum imitari debent, Hebr. 13. Itaque quid ſit, quod & Eccleſiæ miniſtrum & Chriſtianum quemlibet deceat, videamus.

Triplex autem eſt mandatum Pauli, cum tria ſint neceſſaria, ſcil. vt 1. benè viuamus, 2. aduerſa vincamus, 3. & vitam

vitam æternam consequamur. Iuxta hæc tria etiam instituendus erit sermo noster.

I. Pars.

Sed hoc loco Paulus enumerat virtutes, quas sectari debeat, cum bonus Ecclesiæ minister, tum omnis Christianus. Non quod aliæ nullæ sint, sed quod sub his cæteræ omnes comprehendatur, quæ & ipsæ Christianos decent.

1. Sectare iusticiam. Intelligit primò obedientiam erga præcepta Dei, & idem quod Esai. I. dicitur, Desistite à malo, & discite benè agere. Hinc Tit. 2. vult nos iustè viuere. Deinde quia iusticia est, quæ suum cuiq; tribuit, innuit iustè agendum cum proximo: vt ausit prouocare ad omnes cum Samuele, I. Sam. 12. v. 3.

2. Pietatem sectare inquit. Etenim piè viuere est Deum timere, & cauere à peccatis contra conscientiam. Pietas autem ad omnia utilis, I. Tim. 4. Hæc omnia sub se comprehendit.

3. Virtus est Fides. Hæc summè est necessaria. Sine fide enim impossibile est placere Deo. Hebr. 11. Et quicquid non ex fide sit, peccatum est. Roman. 14.

Intelligitur autem fiducia firma, quæ est omnis pietatis fundamentum.

4. Charitas est fructus & effectus fidei, quæ demonstrat, hominem veram habere fidem. Hinc fides requiritur, quæ sit efficax per charitatem. Gal. 5. Et si maximè quis aliis donis satis superque sit instructus, charitatem autem non habeat, nihil est, I. Cor. 13. Durabit enim charitas etiam in altera vita: ideoque maxima virtus, Ibidem v. 8. Ideoque toties hortatur Apostolus, vt in hac vita illius initium faciamus. Charitatem vehementem habete. I. Pet. 4. vide Rom. 12. v. 10. Col. 3. v. 14. Et pertinet charitas ad omnia præcepta secundæ tabulæ.

5. Quinta autem est patientia, virtus excellens qua nos in afflictionibus omnibus voluntati diuinæ subiicimus, & patienter ferimus, quicquid imposuerit Deus.

Hinc Hebr. 10. Patientia opus, vt faciatis voluntatem Dei. Roman. 12. Patientes in spe. Omnia enim vincit patientia. Hinc Christus, in patientia possidete animas vestras, Lucæ 21. Esaia 30. In silentio & spe fortitudo vestra.

6. Sexta virtus est mansuetudo. Sicut patientia opus, vt aduersus Deum non insurgamus: Ita mansuetudine, placabilitate seu lenitate vtendum erga homines.

Pertinet hæc ad charitatem, quæ omnia suffert, omnia sperat, &c. 1. Cor. 13. De hac Phil. 4. Lenitas vestra nota sit omnibus. Discite à me, quia mitis vel mansuetus, Matth. 11. Beati mansueti, Matth. 5.

His virtutibus opera danda, si Christiani esse & vitæ honestate ornare velimus conditionem nostram.

II. Pars.

Quia verò vita hominis Christiani etiam militia est perpetua, Iob. 7. & nobis semper in acie standum aduersus Diabolum, Ephes. 6. 1. Petr. 5. & mundum, in quo nos oppugnant hæretici, falsi fratres, & alij, imò & propriam carnem, Roman. 7. & vix vllum sit momentum, quo nobiscum non depugnet hostis; ideoque necesse est, vt certemus, & vt vincamus. Vincenti enim dabitur de ligno vitæ, Apoc. 2.

De hoc certamine Paulus, 2. Tim. 2. & 4.

Fidei autem certamen Paulus requirit, Est enim fides victoria nostra, 1. Ioan. 5. Fide vicerunt, Hebr. 11. v. 33. Fide vincenda auaritia, libido, inuidia, superbia, vindictæ cupiditas, &c. exemplo eorum, de quibus Hebr. 11. & aliorum. Etenim qui credit, Christum pro peccatis mortuum, à peccatis abstinebit. Qui credit Christum pro nobis fuisse sanguinem, vt à Satana liberaret, non tradet se ipsi denuò. Summa, omnia possibilia sunt credenti, Marci 9. ver. 23.

Fides autem verbo & sacramentis accenditur & roboratur.

III. Pars.

III. Pars.

Quia verò non tantum ad hanc vitam nati sumus, sed post superata multa certamina expectanda nobis corona gloriæ & iusticiæ, 2. Tim. 4. ideoq; tandem hortatur Paulus Timotheum, vt apprehendat vitam æternam. Apprehenderem dicat Timotheus, si possem? Addit ergo Paulus, Ad quam vocatus es. Vocauit enim illum Dominus per verbum & Ministerium Apostoli Pauli.

Eodem modo nos omnes sumus vocati per verbum & sacramenta. Ideoque hoc agendum, vt firmam faciamus vocationem nostram, 2. Pet. 10. v. 10. Qui pereunt, sua culpa pereunt.

Offert nobis Deus vitam æternam, & vocauit nos ad illam, vocatione sancta, 2. Tim. 1. v. 9. dummodo illam apprehendamus. Non satis est esse vocatum, nisi apprehendamus. Sunt, qui omnes actiones, cogitationes, omnia consilia & studia eò dirigunt, vt nominis sui famam latè extendant, opes vndiquaq; corradant, in delitiis viuant, &c. Quæ tamen omnia incertissima, momentanea, & vt plurimum damnosa atque periculosa sunt, Christiani autem hoc agant, vt fide (tanquam manu) vitam æternam oblatam (vocatione scilicet per verbum) apprehendant, & non excutiant.

Pauci de hoc cogitant, & terrena tantum sapiunt, oculos defigunt in commoda huius vitæ. At quid prodest lucrari hunc mundum, Matt. 16. cum πολίτευμα nostrum in cœlis, Phil. 3.

Tu verò quisquis es homo Dei, quære superna, Col. 3. reiice omnia post tergum, quæ terrena sunt, & auocant à meditatione cœlestium, Matth. 6. v. 33.

THEMA XXVI. CLASSIS I.

2. Timoth. 4. vers. 6. ad 9.

*Iam immolor, & instat tempus resolutionis meæ.
Bonum certamen certavi, fidem seruaui, &c.*

DISPOSITIO.

Tres sunt cuiusque hominis status considerandi, si illius vel commendationem vel reprehensionem instituere velimus. Primum enim considerari solet, quomodo vixerit, benè an malè. Deinde quia dici beatus ante obitum nemo supremâq; funera debet, consideratur etiam quis fuerit vitæ illius exitus. Et quia post mortem demum experitur homo quomodo vixerit, teste Syracide cap. ii. v. 29. Ideo etiam consideratur quid post mortem ipsi sit euenturum. Ecce autem hæc tria de se Paulus breuiter & accuratissimè, atq; nō minus verè quam eleganter scripsit verbis prælectis. Illa in manus sumemus, & non secundum seriem verborum, sed secundum Ordinem naturæ & Euenturæ. De vita. 2. De morte. 3. De his quæ post mortem illi sunt euentura, breuiter dicemus.

I. Pars.

Quis fuerit Paulus, constat ex Act. 8. 9. 22. 2. Corinth. ii. & 12. At si de vitæ illius cursu dicendum, initium faciendum à conuersione illius ad Apostolatam. Ipse verò nobis compendio rem omnem tradit: comparans vitam & Apostolatam suam 1. Certamini. 2. Decursioni. Similitudines sumpsit partim à pugilibus & athleticis, qui pro brabeo pugnant. Partim à Curioribus, qui in stadio vel ad metam currunt. Intelligit autem vitam & vocationem suam fuisse plenam molestiæ, laboris & periculi. Sicut hoc clarius ostendit 1. Cor. 4. v. 9. & 2. Cor. ii. Expli- cari possunt similitudines latius. Testantur hoc ipsum Acta Apostolorum & hist. Ecclesiast.

Qualem autem se gesserit in hoc certamine, addit, Bonū certamen certavi: Cursum absolui. Quia enim nemo coronatur, nisi legitimè certauerit, & nemo accipit brabeum, nisi qui cursum absoluerit, 2. Tim. 2. ideò Paulus nō mox, vbi certaminis molestias expertus fuit, cessauit, nec inter currendum substitit, sed strenuè perrexit, faciendo voluntatem Dei in officio suo. Wie sawer es jme worden.

Idem

Idem repetit & explicat aliis verbis. Fidem seruauit Deo meo, quam semel dedi vocanti. Promisi me facturum officium. Seruauit ergo fidem. Fidelis enim miles fuit Duci suo ad extremum. Fideliter ipse in sua doctrina perstitit, & eandem quoque aliis tradidit.

Verè hæc omnia dici a Paulo, testantur ea, quæ supra diximus, Acta Apostolorum, & historiæ Ecclesiasticæ, testantur hoc scripta Pauli ad varias Ecclesias, Romanos, Corinthios, Galatas, Ephes. Philippenf. &c. Et hic quidem fuit totius vitæ Pauli cursus.

L. NOT A. Si in funere Ministri Ecclesiæ dicendum sit, possunt ex hoc loco moneri auditores, quàm difficilis sit fidelium Ecclesiæ Ministrorū vocatio. Multa illis certamina cum Satana & illius mancipiis, hæreticis, impiis, &c. Multa quæ Satan obiicit illis ante pedes, si forte possit illos impedire in hoc cursu. Vulgus de hoc parum cogitat. At pugnant & vigilant illi pro animabus auditorum, Hebr. 13. Decebat ergo auditores iuuare illos piis precibus, sicut Paulus etiam suorum deprecationes pro se requirit, Coloss. 4. 1. Thess. 5.

Debebant agnoscere, quantum Dei beneficium sit fidelis Minister, quem duplici honore dignum Paulus pronuntiat, 1. Timot. 5. Rogare debebant Dominum assidue pro vita & incolumitate eorum, & affici illorum miseriis & morte. Sicuti Ephesij deflent abitum Pauli, Act. 20. De Epaphrodito vide Phil. 2. v. 26. At multi illos extinctos & perditos optant, præsertim si faciunt officium, arguendo, increpando, instando opportunè & importunè, iuxta id, 2. Timoth. 4.

L. II. Generaliter autem pertinet hoc ad omnes Christianos, ut imitentur Paulum, certando bonum certamen, & currendo ad metam. Hoc enim inculcat Apostolus suis, 1. Cor. 9. v. 24. & seqq. 2. Tim. 2. v. 4. Suum exemplum proponit Phil. 3. v. 12. & seq.

Hostes autem Christianorum, quibus cum certandum, sunt, 1. Satan, 1. Pet. 5. Ephes. 6. 2. Mundus, Ioan. 15.

ver. 19. 3. Caro. Rom. 7. Hi vincendi fide. De his supra suo loco.

L. III. Nō satis est initium facere certaminis, & aliquotusque progredi, sed cursus absoluendus; Fides seruanda cum bona conscientia. 1. Tim. 1. v. 19. Luc. 9. v. 62. Qui retrospectauerit. Matt. 10. Qui perseuerauerit. Fides seruanda. Apocal. 2. vers. 10.

II. Pars.

Absoluto huius vitæ cursu, scit Paulus instare horam mortis. De qua Paulus paucis verbis viuus ita loquitur, ac si iam præ oculis esset. 1. Inquit, Ego iam immolor. Non frustratur hoc vocabulo immolationis, sed ut genus mortis ostendat. Intelligit se occidendum à Nerone, cum iam multo tempore captiuus Romæ fuisset, sicut victimæ occidebantur olim in Vet. Testamento. Paratus autem est fundere sanguinem pro Christi nomine. Et hoc sibi gloriosum esse nouit, & gratam se futurum hostiam Deo, nihil dubitat. Vide Phil. 2. vers. 17.

2. Deinde verò ostendit se nihil horrere mortem, quia intelligat se nō interiturum. Sic enim inquit, instat tempus resolutionis meæ. Quod tempus instet, absque dubio illi fuit diuinitus reuelatum. Resolui autem ratum animam à corpore asserit, ut doceat, non interire se, sed animam paulisper à corpore segregandam, ut quiescat corpus & lætetur anima, usq; dum iterum coniungantur in Nouissimo die cum gaudio.

L. I. Si Deo ita visum fuerit, parati simus fieri victima pro gloria Christi. Hæc mors licet in oculis hominum probrosa videatur, pretiosa tamē est in conspectu Domini. Psal. 116. Hoc intellexerunt Paulus & alij Martyres plurimi.

Sin verò Dominus nobis velit parcere, hoc tamen agamus ut viui imolemur, corpora nostra scilicet Deo offerendo, tanquam hostiam, Rom. 12. vers. 1.

L. II. Videmus quid pij de sua morte debeant sentire, scilicet.

scil. quod sit solutio quidem animæ & corporis, sed non interitus.

Facit hæc meditatio contra mortis horrorem, qui inde oritur quod in morte cogitât homines interitum. Hinc vel ad nudam mortis mentionem multi consternantur.

At quamvis naturalis sit hic affectus, qui in totum vix potest exui, vt mortem homo fugiat atq; horreat: tamen metus ille vincendus est fide, ne impediât quo minus obedienter hinc migremus, quando Deus nos euocauerit. Idcoque mors piorum somnus sapius vocatur, Ioan. II. 1. Theff. 4. Mar. 5. Dan. 12.

III. Pars.

Nondum audio quicquam, inquis, quod Paulo acciderit optatum, in vita perpetuum certamē, in morte immolatio. Si post mortem non meliori fortuna gaudebit, non optarim illi similis fieri. At iam læta affulgebit fortuna. 1. Reposita est mihi corona iusticiæ, quam imponet mihi Dominus. Spero largissimam compensationem. Certavi & iam coronabor, iam accipiam brabeum, & quidem tale, quod cum Regio diademate permutare nolim. 2. Nec dubius est de hoc tanto præmio, quia accipiet illam coronam à iusto Iudice, D O M I N O. 3. Non autem in hac vita spero præmium, quia illud esset caducum, sed in illa die nouissima, vbi æterna gaudia porrò erūt. 4. Coronam autem illam non ego solus accipiam, cum nō solus certaue- rim, sed omnes qui diligunt aduentum Domini, qui non tantum in terrena oculos habent defixos, sed in cœlestia.

L O C V S. Magnam non tantum Ecclesię Ministri, sed & omnes pij, qui exoptatum Christi aduentum expectant, consolationem ex hoc loco petere possunt, quod si maxime videantur omnem suam operam coram mundo perdere, & nullam inde reportare gratiam, tamen amplissimum sint pro suis laboribus accepturi præmiū in die illa, hoc est, in altero seculo. Si præmium hîc acciperemus, parū esset felicitatis. Ideo Paulus non dignas iudicat affli-

ctiones huius vitæ, quæ cum gloria reuelanda comparari debeant, Roman. 8. Reges enim illos futuros pronunciat Christus, dum inquit: Disponam vobis regnum. Coronam nobis pollicetur Paulus hoc loco, Petrus, 1. Pet. 5. Iacobus, cap. 1. Et Ioannes Apoc. 2. Liber Sapientiæ, cap. 5. v. 17. Summa, oculus non vidit, Esa. 64. 1. Corin. 2.

Patientiam hæc in animis Ecclesiæ Ministrorum, & omnium fidelium excitare debent, 2. Cor. 4. v. 17. Momentanea afflictio. Nec quicquam relinquetur, quod suam non habiturum sit compensationem, nec potus quidem aquæ frigidæ, Matth. 10.

THEMA XXVII. CLASSIS I.

Daniel. 12. vers. 3.

Fulgebunt Doctores sicut splendor firmamenti.

DISPOSITIO.

Conuenimus hodie frequentes ad deducendum funus venerandi huius Ecclesiæ Pastoris N. qui pro vestris animabus vigilauit multo tempore, Heb. 13. Ideoq; non tantum in honorem defuncti, sed etiam ad doctrinam & consolationem nostram, hæc Angeli verba, descripta per Danielelem, excellentissimum Prophetam (qui & ipse insignis Ecclesiæ Dei Doctor fuit, in Babylone) breuiter tractabimus. Dicemus autem, 1. Quo nomine appellantur veri & fideles Ecclesiæ Dei Ministri.

2. Quodnam illi pro officij laboribus præmium expectare debeant.

I. Pars.

Angelus Domini missus ad Danielelem, inter alia etiam de Resurrectione mortuorum prædicit nonnulla. Et cum eorum, qui resurrecturi sunt, duo sint ordines, scil. auditorum & doctorum, ideoq; hîc in specie loquitur de Doctoribus Ecclesiæ, atque de præmiis eorum, Danieli spem facit.

1. Vocat autem illos Doctores. Est enim hoc præcipuum

puum illorum officium, docere alios. 2. Quomodo autem docere debeant, his subsequentibus verbis explicat, qui ad iusticiam alios erudiunt. His verbis ostendit, quod qui iusti fieri debeant, & sibi impetrare iusticiam Christi, (quæ illis imputata iustificat) illi prius necesse habeant erudiri per prædicationem verbi Dei. Nisi enim de iusticia Christi, fide apprehendenda, erudiantur, tantum de propria iusticia sua cogitant, & sic iusticiæ, quæ coram Deo valet, non fiunt subditi, Rom. 10. v. 3.

Officium igitur Ecclesiæ Doctorum est, alios ad iusticiam Christi fide amplectendam erudire. (Quod Paulus in Epistola ad Romanos potissimum, sed & in plerisque aliis fecisse legitur.) Deinde etiam hortari suos auditores, ut & in hoc mundo iuste & bene viuant, & valedicant iniusticiæ, iuxta id, discedat ab iniusticia, 2. Tim. 2. v. 19.

Docent autem hæc Angeli verba, quam necessaria & utilis sit nobis Ministrorum Ecclesiæ fidelis opera. Etenim per ipsos ad iusticiam erudimur. Per ipsos salus nobis offertur. Legatione fungimur, pro Christo. Per nomen Christi oramus, reconciliamini Deo, 2. Cor. 5. Possunt illi nos prædicatione verbi saluos facere. Sic enim Deo placuit, 1. Cor. 1. v. 21. Te ipsum saluabis, & eos, qui te audiunt, 1. Tim. 4. in fine. Et sine prædicatione fidem non vult Deus conferre adultis. Ex auditu fides. Quomodo audient sine prædicante? Rom. 10. Recte igitur dicuntur vigilare pro animabus nostris, Hebr. 13. sicut Deus etiam iussit ipsos habere peruigiles oculos, Ezech. 33. v. 7. & cæteris. Et sanè grauissimè iniunctum, ut faciant officium, Ibid. & Esa. 58. v. 1. Dicuntur hæc non tantum propter verbi Ministros, ut sciant, quid ab ipsis requiratur: sed etiam propter auditores potissimum, 1. ut agnoscant, quantum sit Dei beneficium, si fideles ipsis Dominus mittat operarios, Matth. 9. 2. & ut ipsos ita tractent, tanquam Dei legatos. Quo nomine Paulus commendat Galatas, Gal. 4. vers. 14. & 15. utque 3. obediant suis Doctoribus, & fidem illorum imitentur, Heb. 13. vers. 17. At multi execrantur

fideles Ministros, & optant habere tales, qui dicant ipsis placentia, Esa. 30. v. 10. De his alias.

L. II. Discrimen autem inter Doctores obseruandum. Omnes quidem videntur docere, at multi etiam sunt falsi Doctores, Pseudoprophetae, Matth. 7. Lupi rapaces, ibidem, & Act. 20. Operarij subdoli, 2. Corin. 11. v. 3. Canes, mali operarij, Phil. 3. v. 2. Ab his cauendum, Matth. 7. 1. Ioan. 3. Phil. 3. v. 2. At quomodo discernendi mali à bonis? Hoc pacto, sicut Angelus innuit. Quicumque erudiunt ad iusticiam, illi veri sunt Doctores, ceteri non item. Nam qui sua doctrina vel iniusticiam atq; securitatem promouent, vel à iusticia fidei ad iusticiam legis abducunt cum Iudæis, Rom. 9. vers. 31. vel iniustis etiam cœlum & vitam beatam pollicentur, quiq; non in sola Christi iusticia nos tutò acquiescere posse docent, illi omnes non sunt veri Doctores, sed Pseudoprophetae. Ideoq; Spiritus probandi erunt, 1. Ioan. 3.

II. Pars.

At quodnam est futurum præmiũ sincerorum & fidelium Ecclesiæ Doctorum? Fulgebunt illi in altera vita, postquam à mortuis surrexerint, sicut splendor firmamenti, & sicut stellæ lucidissimæ. Tanta erit illorum præ aliis gloria. Idq; non ad tempus aliquod durabit, sed in omnem æternitatem.

L. I. Primum videmus ex hoc loco generaliter, Fore gradus beatitudinis æternæ. Quod Paulus hac eadem similitudine à stellis sumpta explicat, 1. Cor. 15. v. 42. Quantum quidem attinet perfectissimam cognitionem & contemplationem Dei Creatoris, in qua æternum gaudium consistit, ex æquo omnes eadem fruuntur beatitudine cœlesti: & nemini Electorum quicquam felicitatis defuturum est.

Interim tamen alius alio maiori gloria & claritate ornabitur, prout vel in Ecclesia vel in Repub. Deo plures lucrifecit. Aberit autem omnis æmulatio, omnis inuidia: &
quia

quia charitas erit perfectissima, fauebit vnusquisque alteri hanc maiorem claritatem.

L. II. In specie autem ex hoc loco habent fideles Ecclesiæ Doctores magnam consolationem: Qua freti poterunt in officio strenuè pergere, & omnem mundi ingratitudinem magno animo contemnere. Si enim maxime in hoc mundo nullum possint ab ingratis auditoribus sperare præmium pro labore, & mundus illis nullā aliam rependat gratiam, quam Marc. 6. Ioannes Baptista, Zacharias filius Ioiadæ, 2. Paral. 24. Ieremias, Ier. 20. & Paulus atq; cæteri Apostoli, 1. Corin. 4. v. 12. & 13. acceperunt, multum tamen recreare possunt ministros hæc Angeli verba. Et sufficiat Doctori, quod copiosam accepturus est mercedem in altera vita, Matth. 5. non talem, quæ exiguo tempore durare possit, sed quæ in omnem æternitatem non auferetur, Ioan. 16. v. 22. Qui verò idem cum Ecclesiæ Doctoribus præmium sperare volunt, præstet proximo id genus officij, quod Iacobus cap. 5. v. 20. requirit.

T H E M A XXVIII. C L A S S I S I.

Hebr. I I. vers. 37.

Circumierunt in ouillis, &c. quorum mundus non erat dignus.

Nota. Hoc thema commodissimè tractari potest in funere boni alicuius & fidelis Ecclesiæ Ministri, qui tamen tenuioris est fortunæ: vel ingratos habuit auditores.

D I S P O S I T I O.

In hoc capite Apostolus recenset multa exempla fidelium, qui ex fide multa laudabiliter fecerunt: addit etiam quanta mala in hoc mundo perpeSSI fuerint. In primis verò respicit exempla Prophetarum & aliorum, qui Ecclesiæ Dei fidelem nauarunt operam. Et his verbis paucis prælectis ostendit: 1. quàm fuerint olim miseri in hoc mundo fideles Ecclesiarum Doctores.

2. Quare mundus illos tam misère tractârit.

I. Para.

I. Pars.

Semper mundus sui similis. Ideoque sicut Maiores antiquitus malè tractarunt pios & imprimis Dei Ministros, ita hūc morem semper obseruarunt posterī. Alij quidem crudelius aliis fuerunt tractati: alij gladio occisi, vt Iacobus Act. 12. & Paulus, teste historia Eccles. alij lapidati, vt Stephanus Act. 7. & ipse Paulus 2. Cor. II. v. 25. alij transfixi, vt sanctus Thomas, qui lancea confossus legitur; alij cruci affixi, vt Petrus, Andreas, Simon Zelotes; alij igne cremati, vt Marcus Euangelista, &c. alij alia ratione trucidati. De his nobis in præsentia sermo non est, sed de his tantum dicemus, quibuscum respectu præcedentium mirissimè fuit actum in hoc mundo. Illi tamen fuerunt neglecti, & si non armis, fame tamen, inedia & frigore tantum non enecati, vitam miserè finierunt.

Sic enim ait Apostolus. 1. Circumierunt in ouillis & pellibus caprinis. Videtur respicere ad exemplum Eliæ & Ioannis & similium, qui in desertis habitauerunt, & pellibus induti, interdum penè seminudi fuerunt, vix habentes, vt corpus aduersus iniuriās aëris & tempestatum possent contegere.

Hinc Paulus inter cætera 2. Cor. II. v. 25. ait, in frigore & nuditate.

2. Egeni circumierunt, *ὕστερόν μοι*, Destituti. Plerumque enim tenuioris fuerunt fortunæ, sicut & ipse filius Dei non habuit quò reclinare caput potuerit. Luc. 9. v. 58. Cum tamen plerumque Pseudoprophetæ vixerint in delitiis: sicut Sacerdotes Baal qui viuebant de mensa Isabelis. 1. Reg. 18.

3. Circumierunt pressi, *θλιβόρον μοι*, attriti & vbique oppressi, variis periculis circumuēti, & omnium iniuriæ expositi. Cuius rei vel vnus Paulus testis esse potest, 2. Corinth. II. & 2. Corinth. 6. Petrus carceri includitur, Act. 12. Paulus & Syllas Act. 16. Apostoli omnes Act. 5. vers. 18.

4. Summa, malè habiti sunt passim, circumierunt *ἀνευχρόν μοι*, Mit vngemach/ vnd grosser Vngelegenheit
Leibs

Leib und anderer Notturfft. Nuspiam enim fixam potuerunt habere sedem. Passim fuere fastiditi, eiectionibus & vicis, igni & aqua sæpè ipsis interdictum.

L o c u s. Non nouum hodiè quod plerique Ecclesiarum Ministri sunt egeni, & cum suis interdum penè nudi, pauperes, abiecti. Non dico de omnibus. De plerisque tamen hoc verum est. Ratio. Qui enim sunt in hoc mundo potentes, diuites, magno loco nati, ut plurimum horrent Ministerium verbi, cum Ministros passim videant contemni & malè tractari. Quod si inter illos sint, qui diuites habentur, tamen inter centum Pastores vix decem reperiās, quorum substantia non adeò tenuis sit, ut liberaliter inde vidua & liberi pastoris defuncti possint sustentari.

Quod si maximè liberalitate clementissimi Magistratus Ministris Ecclesiæ ita prospectum est, ut non egeant, dum viuunt, tamen mox ubi diem suum obierunt, egestate premuntur illorum posterì, liberi sc. & viduæ. Et tum verè illi sunt (ut Apostoli verbis utar) *γεννησιμους*, malè habiti ab omnibus. Nam multum affliguntur, premunturque ab ingratissimis, quorum multi illorum bonis (si quæ tamen sunt) multo sudore partis, & vix ad famem satiandam sufficientibus, inhiant, nec prius illos affligere cessant, quam suis bonis exuerint, aut loco habitationis eiecerint. Exempla huius rei adduci possent, nisi essent odiosa. Hæc ideò hoc loco recensentur, i. ut patienter hanc fortunam & ipsi Pastores viui, & post illorum obitum posterì, ferant, cum non inter primos sint, quibus hoc accidit, sed ante se habuerint complures, qui eadem fuere experti. Imagini filij sui, nihilo rectius habentis, sic conformes ipsos fieri vult Deus, ut in altera vita cum ipso sint gloriosi. Roman. 8. Tum enim fulgebunt sicut splendor firmamenti Dan. 12.

2. Auditores autem, (siue oppidani siue rustici) nunquam hoc admittant, ut affligantur ipsorum culpa Ecclesiarum Ministri, ne officium cogantur facere gementes.

Non •

Non enim bonum ipsis hoc erit, Apostolo teste, Heb. 13. v. 17. Cumq; Ecclesiarum nutritij Principes seu Magistratus boni, Esa. 49. v. 23. & Esa. 60. vers. 16. de certis & honestis stipendiis ipsis prospexerunt, nō hoc agant Dispensatores bonorū Ecclesiasticorum, vt ipsi ex illis bonis diteſcant, Ministri verò fame contabescant, ipſorum iniuria & inuidia aut maleuolentia. Nec ingrati ſint auditores erga defuncti Paſtoris poſteros, nec mīeros egere pariantur, ſed ſubleuent ipſorum inopiam ſua abundantia, 2. Cor. 8. Seminata enim ipsis ſunt ſpiritualia, 1. Cor. 9. v. 11.

II. Pars.

At quare mundus tam malè tractauit fideles Ecclesiarum Doctores? Respondet Apostolus, Mundum propter ſuam ingratitudeſ indignum fuiſſe, qui tantis viris & fidelibus ſeruis Dei gaudeat. Hinc patet, Mundum tales non curaffe, nec agnouiffe quod ſint Legati Dei, 2. Cor. 5. & quòd ipſorum opera ad ſalutem ipsis quicquam ſit neceſſaria. Alioquin non neglexiſſent eos, nec conceſſiſſent vt perirent fame, frigore, &c.

L. Hinc æſtimare licet, quantus ſit alicuius loci vel Regionis theſaurus, quando Dominus ipsis fideles Eccleſiæ Miniſtros largitur, qui ad iuſticiam erudiant, Daniel. 12. Viamq; ad æternam ſalutem commonſtrent, ſicque ſe ſuosque ſaluos faciant, 1. Tim. 4. vers. 16.

At ingratus mundus hoc parum curat, qui oneri ſibi eiufmodi Eccleſiæ Miniſtros eſſe putat: atq; felicius nos ſine ipsis viuere poſſe exiſtimat, ſi non eſſent qui vitam & mores mundi reprehenderent. Poſſent nominatim adduci exempla eorum, qui optârunt, vt Paſtore carerent omnibus diebus vitæ ſuæ.

Hanc ingratitudeſ Deus grauiter puniuit ſæpiſſimè, quando poſt obitum Joiadæ, Zacharię, &c. innumera ſecuta ſunt mala. Et cum indignum iudicat Dominus mundum his bonis viris, abripit illos. Esa. 3. & 56. in fine. Interdum falſos Doctores in locum ipſorum ſubſtituit, &

pro

pro Zacharia vel Ieremia, mittit Ahab filium Kolaia, & Zedekiam filium Maseia, Ier. 29. v. 21. Rarò enim ingrati sunt felices. Ne idem aliquando nostratibus ingratis-
mis auditoribus eueniat, orandum.

F I N I S .

T H E M A X X I X . C L A S S I S I .

Hebr. 13. vers. 7.

Memores estote eorum, qui præsunt vobis, &c.

D I S P O S I T I O .

In memoria æterna erit iustus, Psalm. 112. Et memoria iusti cum laudibus seu in benedictione erit, Prou. 10. Id-
eoque Apostolus hoc loco etiam vult auditores vsurpare
memoriam fidelium Doctorum Ecclesiæ cum charitate.
Non tam propter honorem nominis illorum, quàm pro-
pter commodum ipsorummet auditorum. De his nobis
dicendum erit. Et possemus quidem ex hoc loco demon-
strare primum, quodnam sit officium Doctorum, scil. ver-
bum Dei annuntiare, fide & honesta conuersatione ex-
emplum præbere auditoribus, quod imitari possint, at-
quia non ad Doctores, sed ad auditores dirigenda est no-
stra oratio, hoc vnum tractabimus, qua ratione audito-
res in memoriam Doctorum Ecclesiæ defunctorum redi-
re debeant. Cum autem tria sint, quæ recordatione veter-
um Doctorum renouare debent, de his ordine dicemus.

I. *Pars.*

Subeat nobis memoria Doctorum Ecclesiæ, qui no-
bis præfuerunt, hoc modo, vt recordemur verbi diuini,
quod loquuti sunt nobis. Hæc enim sunt verba Aposto-
li. Et sanè conseruanda & celebranda est memoria in-
primis Prophetarum & Apostolorum, atq; omnium eo-
rum, qui Ecclesiæ Dei, docendo & erudiendo gregem Do-
mini, fideliter seruiuerunt. At bifariam hoc loco peccatur.
Alij putarunt, se magnum illis honorem habere, dicendo
ipsis templa, & tribuendo illis cultum sacrum, &c. quem
tamen

tamen nec ipsi petierunt, nec sacræ literæ nobis præscripserunt. Hac ratione ignominia magis quàm honore affici illos nemini dubium esse debet. Alij mox obliti verbum Dei, quod ex ore suorum Doctorum audiuerunt, nec verbum nec memoriam Ministrorum curant, in diem viunt, & cum corpore Doctoris omnem etiam doctrinam, admonitionē, &c. illius sepeliunt: nihilo pluris facientes ea quæ pro concione audiuerunt, quam si fabellas Æsopi recitari audiuisent. Imò has forsitan altius animis suis infigerent, quàm sacra oracula.

Verum tum demum ritè memoriam defunctorum Ecclesiæ Doctorum recolimus, quando doctrinam, quam ipsi ex verbo Dei nobis ore tradiderunt, sartam tectam seruauerimus, & nunquam ex animis nostris elabi passi fuerimus. Hoc enim Christus vult, vt verbum auditum custodiamus Luc. 11. v. 28. & quidem in corde puro, vt fructum feramus in patientia. Luc. 8. Sicq; grata mente recorderetur auditor sui Doctoris, vt dum peccare cōcupiscit caro illius, frænum illi iniiciat, & dicat memini me audire Pastorem meum grauitatem huius peccati ex scriptura grauissimè exaggerantē, &c. Contra vt virtuti studeat, cogitet, quod audiuerit olim ex scripturis hanc yrtutem populo commendari, de quo Paulus, Si quæ laus. &c. Phil. 4. Si affligitur aut tentatur, secum repetat dulcissimas consolationes, quas olim audiuit ex suo Pastore, &c. Hoc est recordari Doctorum.

De hic Petrus 2. Pet. 3. v. 2. Memores sitis verborū quæ prædicta sunt à Prophetis, & mandati nostri, &c. Et Paulus 1. Thess. 2. Scitis, quomodo vnumquemq; vestrum obtestati & consolati fuerimus. Et ibidem dixerat ante, Meministis laboris atque sudoris nostri, &c. Epist. Iudæ vers. 17. Memores estis verborum, quæ dicta sunt antehac ab Apostolis.

II. Pars.

Secundo subeat animos nostros recordatio Doctorum
hoc

hoc pacto, vt fidem illorum imitari studeamus. Non enim sufficit audiuisse aliquando Doctores de fidei Christianæ partibus verba facientes, sed illorum fidem & quæcunq; ex fide laudabiliter gesserunt imitari debent auditores. 1. Corinth. 10. in fine. *Imitatores mei estote.* Et 1. Cor. II. vers. 2. *Collaudo vos fratres, quod omnia mea memoria tenetis. Quomodo? Sicut tradidi vobis instituta tenete.* Philip. 3. *Imitatores mei estote,* &c. sicut nos habetis pro Exemplaribus. Talia multa extant. 1. Corinth. 4. vers. 16. 1. Thessalon. I. vers. 6. & 2. v. 14. Et 2. Thessal. 3. vers. 7.

Notandum autem, quod cautè admodum loquatur Apostolus hoc loco. Non enim, inquit, *Imitami vitam & mores vestrorum Doctorum, sed fidem illorum, & quæ ex fide fecerunt opera.*

Nouit enim Apostolus, Doctores etiam Ecclesiæ, licet fidelissimos, homines esse, & humani nihil ab ipsis alienum. Vasa sunt testacea. 2. Corinth. 4. *Infirmis vitis obnoxij, quod exempla Apostolorum testantur.*

Nouit etiam hoc Apostolus, quod multi vel imperiti vel peruersi magis respiciant in vitam quam doctrinam suorum Doctorum. Hinc si vitis corruptos Ministros, si infirmitatibus laborantes eos videant, mox sibi hoc imitandum esse putant, dicentes, *Ists jhme recht / so ist mir billich.* Nihil cogitant autem de hoc, quod ipse Paulus de se inquit: posse Apostolum aliis prædicare ad salutem, & tamen ipsum fieri reprobum. 1. Cor. 9. in fine.

Hoc igitur vt caueatur, iubet Apostolus imitari fidem, non vitam Doctorum. Quamuis enim doctrinam vitæ honestate ornare debeant ministri Ecclesiarum: tamen non omnes semper & vbiuis carent etiam suis næuis. At sunt tamen etiam inculpatæ vitæ ministri. Sicut autem ministrorum est, bono exemplo antecedere auditores, vt sint exemplaria gregis 1. Pet. 5. ita auditorum est hæc exempla innocentis vitæ imitari, maximè verò fidem illorum.

III. Pars.

Recordari auditores decet suorum Doctorum etiam hac ratione, vt considerent exitum conuersationis illorum. Qui benè vixerunt, benè etiam vitam finient. Wohl gelebt/wohl gestorben. Quandoqu岸 cogitamus de constantia & perseuerantia, vel Apostolorum inter sæuissima tormenta & persecutiones grauissimas: vel nostrorum etiam fidelium ministrorum patientiam, spem, & animi magnitudinem, in ipsis etiam sæuissimæ mortis horribus intuemur, præparare debemus animos nostros ad eandem patientiam, fidem, spem, constantiam, siue in persecutionibus (si Deo ita videatur) perferendis, siue in vincenda morte.

Si cogitamus (vt sanè debemus frequenter) quanta cum læticia & cupiditate viuendi cum Christo moriantur: imitari studeamus id ipsum, vbi Deus euocauerit. Proponamus nobis exemplum Pauli, Philip. i. Cupio dissolui. Animum aduertamus ad dicta & loca scripturæ, quibus ignita Satañæ tela Eph. 6. excusserunt: & mortem suā natura acerbam sibiipsis reddiderunt dulcem, &c.

C L A S S I S I I.

CONTINENS THEMATA,
QVÆ IN FVNERIBVS SENIORVM

1. vel honoratiorum Virorum, 2. aut honestissimarum matronarum, 3. vel in genere eorum, qui senectam diem obierunt, commodè tractari possunt.

1. Exempla & historiæ longæuitatis vel prouectioris ætatis Patriarcharum, aliorumque celebriorum virorum ex Scripturis, in 1. parte huius classis pertractantur.

THE-

T H E M A I. C L A S S I S I I.

Ex Genes. 5. & 9. cap.

De longevitate Adami, Sethi, Enos, Kenan, Mahaleelis, Iareti, Methusalemi, Lamechi, & Noha.

D I S P O S I T I O.

Paucis his verbis continetur insigne Chronicon, in quo describuntur Patriarchę primi, magni & præclari viri, qui à condito mundo vsq; ad Noha vixerunt. Et numerantur 1656. anni ab Adamo ad Noham, qui vixit tempore diluviij; & ante illud, quo tempore verè aureum sæculum fuit: cum non tantum maior hominum fuerit vigor & experientia atque felicitas, sed & omnia fuerint tum meliora & perfectiora, quæ ad nutriendum & sustentandum corpus hominis faciebant. Tanta etiam hominum longævitas, vt vnus ex illis diutius vixerit, quam apud nos decem aut duodecim sibi ordine succedentes.

Annotatur tamen quoq; obitus singulorum patrum, quorum nouem hîc recensentur. Henoch enim septimûs ab Adam viuus in cœlum sublatus est, ideoque illius nullam hic faciemus mentionem. Videbimus autem 1. horum Patriarcharum longævitatem, 2. deinde etiam eorundem obitum.

I. Pars.

Recensentur nomina Patriarcharum, qui sibi ordinè successerunt, & initium fit ab Adamo. Deducitur autē Genealogia per filium illius Sethum. Cum Abel absq; prole mortuus, Cainus autē indignus sit, cuius memoria extet ad posteros. Et continuatur series patrum vsq; ad Noham & diluuium. Quia autē Lucas hos Patriarchas inter Maiores Christi numerat, ideoque hinc colligere possumus, quare tantum horum & non aliorum collateralium fiat mentio. Ideoq; hanc genealogiā patrū magnificamus.

I. Porro ad institutum nostrum vt redeamus, videmus ex hoc loco, quam fuerint homines istis temporibus

bus longevi: cum plerique, excepto Mahalaleele & Lamecho patre Nohæ, attigerint nongentesimum annum.

2. Eratque hoc magni beneficii loco posteris, quod suos Maiores tam diu habuerunt viuentes, & de variis rebus potuerunt erudiri.

3. Et iucundum est auditu si consideres, quot cani Patriarchæ simul vixerint, & quos suauissimos inuicem contulerint sermones, de mundi primordio, & lapsu atq; reparatione generis humani. Contemporanei enim fuerunt nouem Patriarchæ, & vidit Adamus omnes suos nepotes, vsque ad Lamechum, cum quo annis quinquaginta vixit, quod ex supputatione patet.

4. Fuerunt tamen tum etiam alii aliis viuaciores, cum non præcisè omnes eosdem annos ætatis compleuerint, sicut etiamnum fit. Lamech enim 192. annis minor est Mathusalem: & Mahalaleel 73. annis eodè minor.

5. Ad Noham in specie quod attinet, cuius tota ætas capite 9. describitur, vixit is ante diluuium cum patre, auo & cæteris suis maioribus ante diluuium 600. annis & post diluuium 350. vixit annis, atque attigit ipsum etiam Abrahamum. Vixit enim vsque ad 58. annum Abrahami, fuitq; propterea tam diu superstes, vt posset posteros erudire de his quæ acciderunt tum in ipso diluuium, tum etiam quæ ante & post euenerunt: & quod maximū est, vt de semine mulieris posset erudire posteros.

6. Post Noham mox deficiunt anni vitæ humanæ, vt excepto Semo filio Nohæ, nemo omnium postea attigerit annum quingentesimum. Videmus enim Genes. II. quomodo semper decreuerit numerus annorum, à Semo (qui vixit annos 600.) vsque ad Thara, patrem Abrahami, qui anno ætatis 205. moritur, Iacobus vero conqueritur anno ætatis 130. (Gen. 47.) quod multum absint anni ipsius à longæuitate patrum. Etenim anni Noha (qui fuit ordine retrogrado ante Abrahamum decimus patriarcha Gen. II.) excedunt ætatem Abrahami annis 775. At Moses (qui Psalms 90. author creditur) multo pauciores annos
vitæ

vita humanæ numerat, & ad summum 80. facit Psal. 90. vers. 10.

Locvs. Magna hæc est ætatis nostræ, si ad patrum tempora conferantur, imminutio & attenuatio. Et vix credibilis nobis videtur illorum longæuitas, propter posteritatis satis curtam vitam. Hinc nonnulli putarunt non eandem fuisse annorum rationem, quæ nunc est, & tum fuisse forsitan annos breuiores. At eandem quæ nunc est annorum fuisse supputationem ex Gen. 7. patet. Quæ igitur fuerunt causæ longæuitatis ante diluuium? Plures hæc dubiè. 1. Maior in illis vis vigorque naturalis. 2. victus ratio simplicissima & optima. 3. Temperantia in cibo & potu maior quam quæ nunc est. Apud nos enim istud iam verum est: Gula plus noxæ, quam celer ensis habet. Multos occidit illud, de quo Salomon Prou. 23. v. 29. Et Syr. 31. v. 24. Et Syr. 38. versu 1. 2. 3. & 4. iuxta vers. german. 4. Omnia terræ nascentia tum salubriora quam nunc, postquam per diluuium omnia miserè sunt vastata. Principales autem causas ego iudico has fuisse. 1. Quia Deus voluit per istorum longæuitatem genus humanum citius propagari. 2. voluit Deus illos tam diu superstites esse, vt possent de voluntate Dei erudire suos posteros & Nepotes, vt sic doctrina sincera facta tectaue conseruaretur multò tempore inter pios Adami posteros, qui ex Setho descenderunt: cum posteritas Cainica iam tum à Deo desisteret: vt patet ex Genes. 6.

L. II. Non ægrè feramus vitæ nostræ breuitatem: cum non hoc quæratür apud Deum quam diu, sed quàm benè aliquis vixerit. Satis diu vixerimus, si Christum cognouerimus. De infantibus enim & aliis mox abreptis Sapientiæ liber cap. 4. pronuntiat, quod satis diu vixerint, hi sc. quorum animæ placeant Deo.

Et quia mille anni corâ Deo tantum sicut vna dies Ps. 90. 2. Pet. 3. nullus autem mille annis vixit, ideoque coram Deo illorum vita non pro vna die numerata fuit. Et sic non multum superant nos.

Nec tantæ fuerunt prærogatiuæ Patriarcharum illorum, quin etiam maximis calamitaribus fuerint exercitati. Etenim quo vixerunt diutius, tantò grauius fuit ipsis videre Cainitarum impietatē. Quæ haud dubiè ipsis hanc vitam reddidit, acerbissimam. Nec optanda nobis tanta longæuitas, mundo iam semper in peius proficiente. Dies certè mali sunt. Eph. 5. Et beati mortui. Apoc. 14.

II. Pars.

Non sine graui consilio Spiritus sancti singulorum Patriarcharum ætati subiicitur, & nouies repetitur particula ista: Et mortuus est. Et mortuus est, &c. De omnibus (excepto Enoch) dicitur.

I. D O C E R E enim voluit Spiritus sanctus, vitam licet maximè diuturnam non liberare à morte: quin potius mors longissimam vitam excipit. Et si maximè quis ad mille ætatis annos perueniat (quod tamen nulli contigit) tamen tandem moriendum esse. Rectè igitur Syrach. 41. in fine. Non quæritur in morte. &c. Ergo non optes centum aut mille annis viuere, cum post tot annos mors futura sit acerbior. In tempore igitur præpara te ad mortem, vt in æternum viuere possis. Ioan. 5. v. 24.

II. Deinde cogitandum etiam quare optimi hi & sanctissimi patres post tot annorum centurias tamèn necesse habuerint mori: sc. propter peccatum. Sic enim Adamo dictum, morieris. Gen. 2. In omnes. Rom. 5. v. 12.

F I N I S.

T H E M A II. C L A S S I S II.

Ex Genes. 15. vers. 15.

Deus Abrahamo dicit:

Tu autem ibis ad patres tuos in pace, sepultus in senectute bona.

D I S P O S I T I O.

Insignes continet hoc caput Geneseos XV. prædictiones

nes Abrahamo factas, quibus Deus animum illius propter *ātervian* vehementer consternatum erigere voluit. Hic enim illi non tantum filium ex Sara coniuge, sed etiam terram Canaan posteritati ipsius promisit. Verbis autem prælectis Dominus Abrahamo spem facit de ætate prouectiori, morte placida, & honesta sepultura. Quæ cum singularem Dei gratiam singula nobis demonstrent, singula etiam ordine excutienda erunt.

V I D E A M V S.

I. Primum notandum est, quod cum Deus Abrahamo promississet terram Canaan, expressè hoc adiecerit, post 400. annos illud demum completum iri, ubi iam Abrahamus mortuus fuerit. De morte autem ipsius eleganter loquitur hoc modo: Tu ibis ad patres tuos. Vñta phrasis scripturæ, Colligi ad patres, Dormire cum patribus. Qua ostenditur, mortuos pios homines non interire, sed colligi vnum aliquem in locum, & ibi asservari, dum etiam cæteri ad eundem locum deueniant.

Additur etiam, in pace. Placida morte ipsum decessurum significatur. Non violenta morte abripiendum: nō in prælio crudeli ferro occidendum. Non cum horrore & inuito atque reluctanti moriendum, &c.

Locvs. Insignem nobis consolationem præbet hic locus, quod pii defuncti non pereant, nec perpetua obliuione sepulti sint: Sed quod vna viuant cum Deo, & expectent suos posteros, vt colligantur ad ipsos. Nec perdet Deum, vocari Deum illorum, qui viuunt coram ipso, cum Mortuorum Deus non sit Matth. 22.

Non itaq; malè agitur cum mortuis, cum ad patres colligantur, quos videre & quib. conuersari omnes boni desiderant. Hinc Elias 1. Reg. 19. Tolle animam meam. Non sum melior patribus meis. Faciunt hæc ad cōsolationem, ne mors tam acerba nobis sit. *Es qerh vns eben wie allen vnsern Väter.* Nihil noui accidit nobis. Et qui desiderat mox videre patres suos beatos, inori desiderat, vt cum illis viuat.

L. II. Singularis gratia Dei est, si cōtingat homini mori in pace. At mori in pace non tantum est domi apud suos mori, & non in bello ab hostibus occidi, non casu aliquo tristi interire: Sed hoc potissimum est in pace mori, si homo pius fide iustificatus in morte sentiat etiam se habere (Rom. 5.) pacem cum Deo, vt non moriatur cum horrore & gemitu, sicut impij, Ps. 73. v. 19. sed fretus merito filij Dei placidè & alacri animo spiritum suum Deo reddat.

Sic Iosias, quamuis in prælio vulneratus, & ex illo vulnere mortuus, tamen in pace mortuus dicitur. Sic enim illi Dominus promiserat, 1. Reg. 22. v. 20. Est autem mors piorum plerumque placida, quia deuictis hostibus, quibuscum in tota vita conflictantur, mortem non gustant. Rogandus itaque Dominus, vt dimittat nos seruos suos cum Simeone in pace, Luc. 2. Vtque anima etiam asseruetur in pace, Sap. 3. v. 3.

II. Deinde Dominus Abrahamo prædicit longæuitatem, & quod ad senectam sit peruenturus. At senectus si orba luminibus, & ægra tremulo veniat gradu, sanè grauis & tristis est, ita vt tum præstet mori quàm viuere? ideoque Deus addit, senectutem bonam consequuturum Abrahamum, nec sensurum pondera amaræ senectæ.

Idque Deus præstitit. Etenim Abrahamo centenario nascitur filius Isaacus, & post 42. annos supra centesimum plures etiam alij ex Cethura. Vnde colligitur, quàm fuerit etiam in senectâ viuax & vegetus.

Lo c v s. Magnum & singulare Dei beneficium est, si detur homini viuere ad summam senectutem. Hæc enim promissio est haud vulgaris, annexa quarto præcepto, vt sis longæuus super terram, Ephes. 6. v. 2. Et pars pœnæ est, si decurrentur dies vitæ, Psalm. 55. v. 24. Non dimidiabunt. Et Psalm. 58. Antequam maturescant spinæ.

Maior autem est gratia, si bona senectus sit, si ceruina & placida, viuax & matura sit.

Qualis hic promittitur Abrahamo, & qualis fuit Moïsis, Deuter. 34.

Gratos

Gratos esse decet, quibus talis senectus contigit.

At videmus tamen, non omnibus eandem largiri Dominum senectam, nec piis semper. Grauior est senectus Isaaci quam patris, Gen. 27. Et pij etiam Prophetæ Ahia, 1. Reg. 14. Neq; tamen hoc irati Dei indicium. Habet autē sui cōsiliij causas nobis occultas. Quia verò incertum est, quid Deus decreuerit, ideoq; non semper optanda senectū longæua, nec existimandum malè nobiscum agi, si citius Deus nos abripiat. Id enim cedere in nostrum commodum, testatur Sapientia cap. 4. v. 10. & seqq.

III. Tandem, cum post annosam etiam senectam Abrahamo sit moriendum, promittit illi Dominus honestam sepulturam. Terræ igitur demandatus legitur honorifice à filiis, Ismaële & Isaaco, in agro, quem pro vxore Sara, & se atque suis emerat, & in quo sepeliri voluerat, Gen. 25. v. 9.

L. Est & hoc gratiæ diuinæ argumentum, inferri in sepulchrum patrum. Quod licet impiis etiam haud rarò contingat, nonnullis tamen à Deo in pœnam scelerum fuit negatum: vt Ioiakimo Regi, Ier. 22. v. 19. cui asini sepulturam minatur Dominus.

Honestè autem sepeliendi & seminandi, tanquam in agro defuncti, 1. Corinth. 15. propter certam spem Resurrectionis.

Quod si interdum piis non detur locus sepulture inter suos, est tamen hoc patienter ferendum, cum Domini sit terra & omnis plenitudo eius, Psal. 24. v. 1. nec salutis æternæ quicquam officiat. De his omnibus supra plura in Dispositione Thematum Classis primæ.

T H E M A I I I. C L A S S I S I I.

Genes. 25. vers. 7. & 8.

De atate, morte, & sepultura Abrahami.

D I S P O S I T I O.

Dauid commendat Deum hoc nomine, Psalm. 33. v. 4.

Verum est verbum Domini, & quęcūq; promiserit serua-
bit certissimè. Eius rei exemplum cernimus hoc ipso lo-
co, & expertus id testabitur Abrahamus. Promiserat ipsi
Dominus Genes. 15. longam & bonam senectutem &
quod in pace sit moriturus, atq; sepeliendus honestè. Id
omne præstitum fuisse a Domino, præsens docet historia:
Quæ 1. de ætate, 2. de morte, 3. de sepultura Abraha-
mi nos instruit. Singula ordinè tractabimus.

I. Pars.

Vixisse legitur Abrahamus annos centum & septua-
ginta quinque. Et id quidem post diluuium fuit satis lon-
gum vitæ tempus, cum multum decreuerit ætas homi-
num, mox post Abrahamum. Diutius illum viuere vo-
luit Dominus, vt sit Doctor Ecclesiæ suæ domesticæ. Hoc
enim illi Deus testimonium perhibet, Genes. 18. quod
filios suos diligenter erudierit &c.

Erat autem illi senectus non grauis & amara, curua
atque infirma, sed tranquilla & viuax. *In einem rüthigen
Alter*/ dicitur hoc loco. Habet enim bonam, conscienci-
ma & corpus vegetum.

L o c y s I. Planè idem hic recurrit locus, qui ex eadem
materia thematis præcedentis parte secunda, fuit pertra-
ctatus. Hic breuitatis causa non repetemus.

L o c y s II. Potest etiam tractari hic locus, Quam ob
causam hominibus longæua interdum concedatur vi-
ta: non vt hoc mundo tam diu vtantur, nec vt volupta-
tibus indulgeant diutius, sed vt cum Abrahamo erudi-
ant posteros & multos Deo lucrifaciant: vtque suo exem-
plo alios possint inuitare ad idem pietatis studium. Vt
autem hoc fiat, mox à Iuuentute decet nos meminisse
creatoris nostri. Ecclesi. 12.

Qui vero vitæ longæuitate & senectute tranquilla ab-
utuntur, ad complendum numerum malitiæ suæ, illi gra-
ues dabunt aliquando pœnas.

II. Pars.

II. Pars.

Tam viuax non est Abrahamus, quin non etiam cum annis paulatim vis vigorq; deficiat. Ideoque hic i. sequitur, quod defecerit, vel expirauerit tandem: hoc est, quod calido natiuo, humidoq; radicali deficiētibus, turbataq; ~~et~~ corporis ipsius ipsa simul vita paulatim defecerit.

2. Sicq; mortuus est, nō inuitus, sed promptissimo animo reddidit spiritum suum Deo. Dicitur enim non senex tantum, sed & satur dierum fuisse, vt non optarit viuere diutius. *Er hat des Lebens genug gehabt.*

3. Quò autem peruenerit post mortem, additur. Collectus est ad populum suum. Id non tantum intelligi debet de corpore, quod conditum fuit in terra, quæ mater est omnium, Syr. 40. & sic etiam maiorum Abrahami receptaculum (ratione corporis) sed potius de anima, quod illa in terram uiuentium ad ceteros Abrahæ pios Maiores commigrauerit ex hac valle lachrymarum.

Locus I. est de morte piorum placida & in conspectu Domini pretiosa, adeò vt non mori verè dicatur, sed obdormire (qua phrasi scriptura aliàs vtitur) & requiescere tanquam in cubili. Esai. 26. & 56.

Coram impiis mors illorum apparet acerba & tristis. Sap. 3. vers. 2. Sed coram Domino suauissimum dormiunt somnum.

L. I. Vitam nostram aliquando habituram finem semper cogitandum & omnibus. Sunt, qui rarissime cogitent de morte, præsertim vbi sunt adhuc valido corpore. Sunt alii qui existimant indignum esse, vt tam pii quam impii moriantur. At nec Abrahamus effugit mortē, licet senex, vegetus, pius. Non enim est qui non videat mortem. Sicut omnes peccauerunt ita omnes moriuntur. Roman. 5. in Adamo omnibus dictum, terra es & in terram reuerteris. Gen. 3. Multum autem prodest crebra hæc & diligens mortis meditatio. Ideoque orat Psalter Psal. 90. Domine doce nos. Idem Psalmo 39. Sæpè cogitandum, deficient aliquando vires, & destruetur tota corporis structura
velut

velut tuguriolum. Esa. 38. v. 12. Noli ergo confidere in tuis viribus, aut in corpore valido: Sed præparate ad mortem in tempore, vt possis animam commendare Deo, cum Dauide Ps. 31. Et lætus dissolui. Quia enim via omnis carnis hæc est 1. Reg. 2. non poteris effugere.

L. II. Videmus pios & bonos tandem huius vitæ temporalis satietate ita teneri, vt non optent vltra viuere. Hinc de Abrahamo dicitur quod fuerit satur dierum, licet tranquilla senectæ vsus fuerit. Idem de Isaaco Gen. 35. de Hiobo, Iob. vlt. & de Dauide, 1. Par. 30. legitur.

Quin ipse Cicero dicere solitus est: Omnium rerum satietas vitæ facit satietatem. Abrahamus enim quantumuis abundârit opibus & omnium rerum affluentia, tamen satur dierum est. Quid igitur dicemus de his, qui omnium rerum inopia premuntur? quid de illis quibus senectus per se morbus & grauis est? quid de his qui lectulo sunt affixi, quibus dicitur mors melior vita. Syr. 30. v. 17. Quid de his qui variis sunt calamitatibus circumuenti? Certè illos haud immeritò capit huius vitæ ærumnosæ satietas: quod cernitur exemplo Iobis. Iob. 7. vers. 16. De quo partim Syr. 41. O mors quam iucunda &c. partim Rom. 8. vers. 20. & passim alibi plura. Et sanè quod pretiosissimum est in omni vita nostra, labor & dolor est. Psalmo 90. teste, Peregrinatio, Genes. 47. & militia Iob. 7. est omnis vita hominis. Et idipsum etiam Abrahamo peperit huius vitæ fastidium. Quomodo igitur hæc non afferant hominibus multum satietatis & fastidii.

Sunt tamen non pauci ita affixi terrenis, vt nunquam credant satis diu se vixisse, cum ea quæ undiquaque corraserunt nolint relinquere. Stultos hos esse quis non dixerit?

Hinc verò colligere licet, quare Deus tot vndique malis circumdet suos: vt scil. hanc vitam fastidire incipiant, & pertæsi has mundi vanitates, desiderio alterius vitæ teneantur. De quo 2. Cor. 5. v. 2. Roman. 8. Et vt tandem etiam cum Elia dicant, Sufficit mihi Domine. 1. Reg. 19. & cu-

& cupiant dissolui cum Paulo, Philip. 1. & illud: Nunc dimittis, cum Simone canant, Luc. 2.

L. III. Consolatio peti potest ex his verbis, quod de Abrahamo mortuo dicitur, Collectus est ad patres suos.

Sic enim docet scriptura, quod transeamus ex hac misera vita ad quietem, ad terram viuentium, Psalm. 27. & ad locum illum, in quo beatorum patrum animæ asseruantur. De quibus Sap. 3. quod sint in manu & in conspectu Dei. Quodque etiam post mortem viuant, cum Deus viuorum Deus, Deus Abrahami, &c. dicatur. Et hinc quoque animæ immortalitas probari potest.

Si enim animæ etiam extinguerentur, non posset fieri collectio ad alios populos.

Hinc Esa. 56. Sancti colliguntur, &c.

De hac scripturæ phrasi in præcedentibus supra etiam dictum est.

I I I . Pars.

Terra es, & in terram reuerteris, dicitur Adamo, & sic omnibus eius posteris. Idem Abrahamus etiam cogitur experiri post mortem. Sequitur enim, ipsum terræ fuisse mandatum & sepultum. Sunt tamen circa illius sepulturam hæ circumstantiæ non negligendæ.

1. Sepultus est à filiis duobus Ismaële & Isaaco, honorificè, & non absque luctu.

2. In sepulchro proprio, empto à Patriarcha viuo & ad hunc usum destinato, Genes. 23.

3. Sepelitur iuxta coniugem Saram, cum qua vixit suauiter, & cum qua etiam in terra quiescere optauit.

Locus est de sepultura honesta. 1. Varij erant olim ritus Ethnicorum in condendis defunctis. Alii combusserunt igni mortuos, alii canibus deuorandos obiecerunt, alii in aquam proiecerunt, &c. Sed apud eos, qui vera Dei cognitione non caruerunt, semper mortui terræ fuerunt demandati. Illud est mandatum Dei, in terram reuerteris. Sicq; alitur spes resurrectionis, quando seminatur corpus in terram.

2. Debent autem filij & proximi agnati curare sepulturam parentum, vel Maiorum, exemplo Isaaci, Ismaëlis, Iosephi, &c.

3. Estque pars benedictionis temporalis, sepeliri cum suis, &c.

F I N I S.

THEMA IV. CLASSIS II.

Genes. 25. vers. 17.

De morte Ismaelis filii Abraham.

D I S P O S I T I O.

Duo filij Abrahami erant, quorum scriptura facit mentionem præcipuè, scilicet Isaacus ex Sara, & Ismaël ex Hagar. Quamvis autem posterius Ismaëlis fuerint hostes posterorum Isaaci, ipse etiam Ismaël fratri consanguineo puero Isaacus fuerit inimicus, tamen, quia postea cum fratre parentem Abrahamum sepeliisse legitur, hoc ipso capite, atque historia mortis ipsius hoc loco planè iisdem verbis describitur, quibus mors patris Abrahami, ideoque non est dubium, quin Ismaël pœnitentiam egerit, & saluatus fuerit. Non immerito igitur illius mors nobis consideranda proponitur. Duo erunt circa hanc historiam consideranda. 1. Ætas siue vita Ismaëlis. 2. Mors eiusdem.

I. Pars.

Poterit hoc loco paucis repeti historia natiuitatis, vitæ, eiectionis ex domo paterna, miraculosæ apparitionis Dei, atque etiam conseruationis Ismaëlis, & cætera ex Gen. 16. & 17. & 21. Quamvis autem Ismaël puer fuerit leuiulus & irrisor, tamen postea resipuit absque omni dubio. Dicitur enim expresse Genes. 21. v. 20. Deum fuisse cum ipso. Habitauit autem in deserto, & fuit bellator. Sensit etiam maximam Dei benedictionem, ex promissione Dei facta Abrahamo, Gen. 17. v. 20. videlicet, duodecim principes ex ipso nascituros. Quod legitur completum hoc ipso capi-

capite. Et descenderunt ab ipso Arabes, Syri, & multi alij. Sed & longævam vitam concessit ipsi Dominus: vixit enim annis centum & triginta septem. Vidit filios multos, & multos nepotes, qui evaserunt in magnos viros atq; Duces. Denique & filios etiam fratris Isaaci Esauum atque Iacobum multis annis sibi coæuos habuit. Etenim post Abrahamum vixit annis 48.

L o c v s I. Nemini salus neganda, & de nemine desperandum, si maximè aliquando vel in iuventute vel in pueritia non videatur frugi futurus. Interdum nouissimi sunt primi.

Et vocatur hora vndecima in vineam, qui cæteris horis non laborauerit, sed ociosus fuit.

L. II. Vivere ad longos senectutis annos, donum est Dei inter temporalia non minimum. Serviendum autem Domino grata mente, & erudiendi filij atque nepotes in timore Domini. Cuius verò dies vitæ pauci sunt, habet & is gratiæ diuinæ documentum, qui mox ipsum ex his malis voluit liberare. Sap. 4. Esa. 56. Quomocunq; igitur Deus agat nobiscum, grata mente agnoscamus, Dei voluntatem esse optimam. De hoc supra in præcedenti Dispositione, & aliàs sæpè.

II. Pars.

De Ismaële annis confecto legitur porro idem, quod in præcedenti themate de Abrahamo fuit dictum, 1. Defecit. 2. Mortuus, 3. Collectus est ad populum suum. Vnum illud hoc loco omittitur, quod satur dierum fuerit. At cum cætera iam modo in præcedentibus sint explicata, possunt ex priori Dispositione huc referri. Ideoque brevitatis causa hic non repetenda putavi.

T H E M A V. C L A S S I S II.

Ex Genes. 35.

De etate, morte, & sepultura Isaaci.

NOTANDUM.

Cum eadem penè sint verba historiæ, in describenda ætate, morte, & sepultura Isaaci, quæ supra in themate huius Classis tertio de Abrahamo fuere usurpata, ideoq; etiam planè eadem potest huius Thematis esse Dispositio, quæ fuit supra thematis tertii.

Hæc enim est Collatio utriusque textus.

<p>1. Pars. De Abrahamo. Fuerunt dies vitæ Abraham 175. anni.</p>	<p>1. Pars. De Isaaco. Completi sunt dies Isaac 180. annorum.</p>
<p>2. Pars. Et deficiens mortuus est. Dierum satur & senex.</p>	<p>2. Pars. Consumptus ætate mortuus est, Dierum satur, & senex.</p>
<p>Collectus ad populum suum.</p>	<p>Collectus ad populum suum.</p>
<p>3. Pars. Et sepelierunt eum Isaac & Ismaël filij sui.</p>	<p>3. Pars. Et sepelierunt eum Esau & Iacob filij sui.</p>

Vnum hoc, quod de Abrahamo fuit additum in secunda parte, in senectute bona, de Isaaco non legitur. Etenim grauior fuit senectus Isaaci, quàm patris Abrahami, propter oculorum caliginem, de qua Gen. 27. quæ pluribus annis durauit. Qua parte infeliciores fuit Isaacus patre Abrahamo, cum alioquin ætatis ratione annis quinque superior fuerit Isaacus.

Posset itaq; in tractatione huius thematis parte secunda addi hic locus: Non semper concedi etiam piis senectam tranquillam & morbis vacuum. Exempla addi possunt, de Barfillai senectute, 2. Sam. 19. v. 35. de Dauidis frigiditate, 1. Reg. 1. v. 1. & Ahia Prophetæ pij orba luminibus senectute, 1. Reg. 14. Vi de Eccles. 12. Hæc ad vsum nostrum accommodanda.

1. Quibus tremula, grauis, curua, infirma, pigra & tri-

tristis est senectū, illi patienter hoc ferant. Sic enim cum illis agit Dominus, vt discant hanc vitam fastidire & appetere venturam.

2. Cum tanta sint incommoda senectutis infirmæ, benè collocandum tempus iuuenilis ætatis. Nichts auff das Alter sparen. Memento creatoris in iuuentute, Eccles. 12. Laborandum in iuuenta, ne egeas in senectū. Venturæ memores iam nunc estote senectū. Ouid. Discite venturam iam nunc sentire senectam. Propert.

3. Non tantopere expetenda longæ senectū extrema tempora, cum multa secum ferant amara pondera, & senectus per se morbus sit, &c.

F I N I S.

T H E M A VI. C L A S S I S II.

Ex Genes. 47. vers. 9.

Verba Iacobi Patriarchæ ad Pharaonem, Dies peregrinationis meæ pauci & mali.

D I S P O S I T I O.

Nota vobis est historia, quomodo Iacobus Patriarcha audiens Iosephum (quem mortuum ex multis annos hæctenus putauerat) viuere, & dominari terræ Ægypti, descenderit ad filium suum, desiderans illū videre, antequam moriatur. Ita etiam Iosephus fratribus mandauerat, Gen. 45. Cum autem aduenisset Iacobus, sistitur à Iosepho ante Pharaonem. Iacobus verò senex venerandus & grauis benedicit Pharaoni. Ibi tum Pharao personæ grauitatem & venerandam caniciem cernens, quærit ex ipso quot annorum sit? Cui respondet Iacobus verbis prælectis, quibus non tantum ætatem exprimit, sed & totius vitæ suæ cursum breuiter depingit, similitudine sumpta à peregrinantibus.

[Notand. Posset hoc loco forsitan non incommode fieri talis partitio. Duo tractabimus: 1. Dicemus quomodo vno verbo Iacobus totius vitæ curriculū descripserit:

H

vocans

vocans sc. peregrinationem, & quare sic appellet. (Et huc referatur prima pars paraphraseos, cum loco communi primo.) 2. Dicemus quæ illius in hac peregrinatione fuerit fortuna. (Huc pertinet id, Pauci & mali dies: Et quæ habentur in secunda parte paraphrasis. His addatur Locus communis secundus.) At hîc paulo aliter instituta est Dispositio.]

Nos primùm textum percurremus, deinde etiam Locos Communes addemus.

VIDEAMVS PARAPHRASIN.

I. Dies peregrinationis meæ, ait Iacobus, sunt centum & triginta, &c.

Primò notandum, quod vitam suam perpetuam vocat peregrinationem. Etenim non tantum in adolescentia peregrinus est in Mesopotamia, apud durum Labanum socerū, cum fugeret infidias fratris Esau: sed etiam peregrinatur in terra Canaan, cum illam nō possideat, ut Dominus, sed tantum in spe. Sicut de Abrahamo Stephanus inquit Actor. 7. v. 5. quod ne vestigium quidē pedis habuerit in ea, Nam post quadringentos annos demū impleta est promissio. Sed & in Ægypto peregrinus erat cum suis.

Atqui non tantum de variis profectionibus ex vno loco ad alium intelligit hæc verba, sed magis huc respicit, quod in hac vita non quærat nec habeat manentem civitatem, sed cœlestem patriam inquirat. De quo Hebr. 11. vers. 14. & seqq.

II. Deinde additur qualis fuerit peregrinatio illius, sc. molesta admodum & difficilis. Dies mali, inquit. Non de itineribus confectis loquitur, sed de variis calamitatibus, quas fuit expertus, in patriis ædibus scilicet à fratre Esau, in Mesopotamia à socero & affinibus, in Canaan à filiis, quorum alij parricidæ, fratrem vendentes, quem erant occisuri, Gen. 37. alij latrones, Simeon & Levi Gen. 34. alij (Ruben sc. Gen. 35.) incestuosi fuerunt, alij aliis peccatis animum parentis excruciarunt quotidie. Taceo quid

quid à duabus sororibus coniugibus inuidentibus mutuo, Gen. 30. atque ab exteris quibusque passus fuerit.

III. Tandem pauci etiam inquit sunt dies peregrinationis. At quomodo pauci, cum senex adhuc vegetus iam compleuerit annos 130. & superuixerit annis 17. & omnes illius dies fuerint 147. anni. Gen. 47. Hoc ne mirum nobis videri posset seipsum explicat Iacobus: Non peruenerunt dies mei ad dies peregrinationis patrum. Innuuit ergo venerandus senex, quod licet iam 130. annos compleuerit, tamen sentiat, vires corporis ita paulatim deficere, ut non possit sperare tot vitæ dies, quot fuerant patrum. Non tantum respicit patrem Isaacum, qui 180. annis, & auum Abrahamum, qui 175. annis vixit, sed potius ad tempora eorum, qui ante Abrahamum vixerunt, & cum illis confert suam ætatem. Illorum respectu dies Iacobi pauci sunt, quia illi omnes ante Abrahamum excesserunt annum ducentesimum, Gen. 31.

LOCI COMMUNES.

L. I. Non Iacobi tantum vita peregrinationi similis est, sed & omnium Patriarcharum, Hebr. 11. & ipsius Davidis. Peregrinus & advena sum, Psalm. 39. & omnium Christianorum vita nil nisi perpetua peregrinatio est. Cum teste Apostolo, Heb. 13. non manentem hîc habeamus ciuitatem, sed futuram inquiramus. Neque enim in terris est nostrum *παλίνευμα*, sed in cœlis, Phil. 3.

Facit autem diligens huius loci meditatio, ut memores illius Paulini, Coloss. 3. v. 1. Superna quærite, &c. oculos nostros non tantum defigamus in terram, non terrena tantum sapiamus aut quæramus, sed cœlestia. 1. Sicut enim peregrinator non sese immiscet negotiis illis, quæ in peregrinatione sua hîc & illic videri agitari, sed strenuè pergit ad suum locum: ita cum intelligamus nos in mundo non habere *παλίνευμα*, relinquamus mundo suas occupationes, & pergamus in patriam. Huc pertinent etiam quæ Matth. 6. v. 33. Phil. 3. v. 13. & alibi habentur.

2. Etenim sicut viator multis & variis tempestatibus obnoxius est, & varia in itinere sentit pericula atque incommoda: ideoque non diu vno in loco subsistere, non morasnectere, non cessare solet, usque dum perueniat ad fixam quam quærit sedem: Ita vita hominis labor & dolor. Psal. 90. militia. Iob. 7. v. 1. Et sicut ille nunc friget, mox alget, iam esurit, postea sitit, &c. ita homo variis tempestatum & afflictionum procellis atque tentationum fluctibus iactatur. Exemplo esse possunt præter Patriarchas, David, Paulus & alij. Quapropter desiderat homo Christianus vel tandem quiescere à laboribus suis. De quo Paulus 2. Cor. 5. & Phil. 1. Et Iob. 7. vers. 2. Tum demum autem ad quietem peruenit, cum his malis per mortem subtrahitur. Apoc. 14. Quiescunt à laboribus. Esa. 56. in cubilibus quiescunt.

3. Sicut autem viator sese præparat ad iter in tempore, prospicit sibi de viatico, & armis necessariis, quibus sese contra hostes possit defendere, & hoc agit, ut parata habeat omnia cum accingitur itineri, nec sese etiam multis sarcinis onerare solet, quibus ferendis par esse non possit: Ita homo Christianus tendens ad patriam cœlestem, quamprimum ad annos discretionis venerit, præparet sese ad istam peregrinationem: cogitet de viatico, verbo scil. Dei & sacramentis: induatur ista πανοπλία Dei, de qua Ephes. 6. v. 11. deponat omnes sarcinas peccatorum, auaritiæ, ebrietatis, inuidiæ, odij, &c. Sic securus poterit pergere ad patriam cœlestem.

4. Tandem sicut omnes tempestates quantumvis molestas viator patienter fert, quia in patria se benè beatèque vivere posse sperat, superato difficili itinere: ita cum sciat Christianus paratam esse in cœlis gloriam inefabilem his, qui huius vitæ misérias in fide & patientia superauerint, non curet omnes mundi huius aduersitates, quæ non sunt pares ad gloriam reuelandam. Rom. 8.

L. II. Quia dies vitæ pauci sunt, & respectu Iacobi paucissimi, ad summum 70. vel 80. Psal. 90. v. 10. ideoque benè

benè collocandum tempus breuè , vt Deum discamus recte cognoscere, Ioan. 17. vers. 3. non procrastinanda pœnitentia. Vide Eccles. 12. v. 1. Syr. 18. Et quia dies mali, nos sumus boni. De hoc Eph. 5. Redimentes tempus, quia dies mali sunt. Nos viuamus Christo, & non conformemur mundo, sed renouemur spiritu mentis, Rom. 12. v. 2.

F I N I S.

T H E M A V I I . C L A S S I S I I .

Ex Genes. 49. v. 33.

De morte Iacobi Patriarchæ, & luctu Iosephi.

D I S P O S I T I O.

Qui diu hinc inde peregrinatur, tandem etiam contendit in patriam, vel ad locum sibi præfixum. Ita cum bonus ille Patriarcha Iacobus omnem suam vitam peregrinationem perpetuam vocasset, Gen. 47. tandem ad patriam cœlestem deuenit, cum per mortē ad vitam transiuit, de quo nos historiā prælecta docet. Tria autem erunt potissimum notanda hoc loco.

1. Quæ mandata filiis suis dedit Iacobus moriturus.
2. Mors Iacobi quibus describatur circumstantiis.
3. Luctus Iosephi filij super obitu parentis.

I. Pars.

Iacobus moriturus variis præceptis instruit filios suos, quorum hic vno tantum verbo meminit scriptura. Etenim non tantum ex instinctu Spiritus sancti vnique prædicat, quid posteris ipsius sit euenturum, sed etiam in fine ferè capitis verbis præcedentibus mandat, quo loco ipsum sepelire debeant, & quod maximè est verisimile, variis aliis præceptis ad pietatem & concordiam hortatur filios suos. Sicut eo ipso, quod de loco sepulturæ ipsos instruit, filiis suis promissionem Dei de terra Canaan, & alia hinc dependentia inculcare voluit. Et tum demum finitis variis & vtilibus præceptionibus atque admonitionibus sese componit ad mortem.

L. Rectè prius parentes omnia disponunt inter liberos, antequam ex hac vita discedant: ne post illorum obitum dissensiones oriantur inter liberos. Ideoque Abrahamus ante mortem separat filios concubinarum à filio Isaac & de bonis disponit. Genes. 25. Et sic ipse Deus Hiskie præcipit, Disponde domui tuæ, quia morieris. Esa. 38. Præcidendæ enim omnes occasiones litium inter liberos.

In primis verò parentes hortentur liberos ad pietatem, & timorem Dei. Sic relinquent ipsis omnem benedictionem: quæ nunquam erit apud pios irrita. Malè igitur agunt parentes, qui vel lites serunt ipsi inter liberos, dum morituri iniqua vel iniusta præcipiunt: vel qui pietatis & timoris Dei nulla facta mentione, tantum de bonis inter hæredes liberos diuidendis sunt solliciti.

Liberi autem talia præcepta parentum, præsertim ea, quæ ad pietatem spectant, accuratè obseruent & memori mente teneant, si benedictione Domini à piis parentibus hæreditare velint. Exemplo sint filij Rehob. Ierem. 35. vers. 8. & 18. 19.

II. Pars.

Nunc ad lectulum optimi Patriarchæ astabimus & obitum tanti viri considerabimus.

1. Dicitur collegisse seu contraxisse pedes super lectulum. Innuat autem Moses, Iacobum, postquam varia cum filiis loquutus esset, sensisse horam mortis appropinquantem, viribus corporis paulatim deficientibus. Ideoque paratus mori, sese placidissimè componit ad mortem tanquam ad quietem, & propterea sese reclinauit in lectum.

2. Et obiit siue expirauit placidè, non aliter ac si lucerna deficiente oleo paulatim extingatur. *Et ist auch geloschen wie ein Lichtlein* dicitur apud nos. Adeoque mortem vix sensit aut gustauit.

3. Quo autem peruenerit anima illius, additur. (De corpore enim defuncti Iosephus. filius mandauit seruis suis. Ideoque de eo nihil in præsentia dicemus.) De hoc sic

ait

ait Moses, Collectus est ad populum suum, hoc est, ad cœtum electorum & beatorum aggregatus est.

L. Ecce magni etiam & piissimi Patriarchæ moriuntur, amici Dei charissimi? Quia & ipsi sunt peccatores. Rom. 5. In omnes. Ergo nihil noui accidit nobis dum morimur. Patienter igitur feramus & cū Iacobo prompto animo libeamus mortem. Hæc enim est omnis carnis via. Ios. 23. Reg. 2.

Non sum melior patribus, ait Elias. 1. Reg. 19.

Ergo nec tu illis melior. Quorsum igitur ita trepidas, cohorrescis ad mentionem mortis, reluctaris, & effugere conaris? Non decent hæc Christianum. Vincendum fide in eum qui vicit mortem. Et si infidelis ille Rex Agag tam est præsentī animo, vbi se videt occidendum (1. Sam. 15. v. 32.) quid ni Christianus magno animo mortis contemnat aculeos; cum Christus hos contriuerit. Ose. 13. 1. Cor. 15?

L. II. Plerunque placida est mors piorum. De quo vide sup. classe 2. in Dispositione Thematis 2.

L. III. De phrasi hac vñitata scripturæ, Collectus est ad populum suum, vide class. 1. Disp. Them. 1. Part. 1. & class. 2. Disposit. Thematis 3. Parte secunda.

III. Pars.

Morituro parenti Iacobo astat filius Iosephus, & sicut patrem ardentissimo amore viuum semper fuit complexus, ita super faciem mortui gemens & collachrymans irruit, eumque deosculatur & sic vltimum dicit vale. Nec hac in parte fucum facit spectatoriſ, sed seriis gemitibus & lachrymis imo corde fusis hæc agit.

I. Videmus longè alium fuisse in pio Iosepho affectum, quàm est in multis filiis nostro seculo. Ille multis lachrymis deplorat parentem. Noſtrates multi vix risum continere possunt, si quando parentes viderint efflare animam. Vel si lachrymas fundunt, propter præſentes illud faciunt. Et sunt Crocodili plerunque lachryme

Estque illis admodum iucundum spectaculum, si videant mori parentes. Quia festinant ad hæreditatem, quam sæpè viuis parentibus adire non verentur. At quam illis maledictionem minatus fuerit Salomon, vide Prou. 20. v. 21.

Vehementer enim Deo displicet hæc *αἵσθησις*, quam quidem Paulus prædixit, 2. Tim. 3. v. 2.

Lugendi itaq; parentes, præsertim benè de nobis meriti, & qui benedictionem Domini nobis relinquunt. Si enim alij boni viri defuncti sunt lugendi, Syr. 38. v. 15. magis certè parentes. Memoria illorum semper infixa animis nostris maneat, vt illorum pietatem & virtutes imitari studeamus. Nec illos iam sepultos afficiamus ignominia. Hoc est verè osculari ipsos mortuos.

Impij autem filij sua improbitate nomen maiorū conspurcantes, quid faciunt, nisi quod iuxta Prouerbum in patrios mingunt cineres.

THEMA VIII. CLASSIS II.

Ex Gen. 50. à vers. 21. ad finem.

De etate, vltima voluntate, morte & humatione Iosephi. Et habitauit in Ægypto cum omni domo, &c. vsque ad finem.

DISPOSITIO.

De Iosepho filio Iacobi referunt fratres ad parentem, Filius tuus viuit, & dominatur in omni terra Ægypti, Genes. 45. Nec quicquam præter veritatem retulerunt. Erat enim Dominus & Princeps Ægypti, & proximus à Rege, declaratus pater patriæ. Estque hoc Regis mandatum, vt absq; imperio Iosephi nemo moueat manum aut pedem in vniuersa terra Ægypti. Sic enim habent verba Textus, Gen. 41.

Atqui tantus non est, qui possit imperare mortì: sed cui omnis Ægyptus paret, is mortis subiacet imperio, vt patet ex historia præsentì. Diligenter autem considerandus obitus magni huius viri, qui numeratur inter sanctissimos

simos Patriarchas & viros Dei, nec immerito. Dicemus autem 1. de ætate. 2. de vltima voluntate. 3. de morte. 4. & humatione Iosephi.

I. Pars.

Post mortem patris Iacobi in Ægypto Iosephus cum omni sua familia habitat, & fratribus quoq; atque ipsorum familiis prospicit de omnibus necessariis, quoad vixit. Vixisse autem legitur annis 110. Nostro tempore videtur quidem ætas satis prouecta, at tum alia erat ratio. Hanc tamen benedictionem expertus est, quod cum magna voluptate vidit non filios tantum adultos, sed filiorum filios, & qui ex his nati sunt. In familia Ephraim vidit abnepotes suos. Ex Manasse vero pronepotes in genibus suis videt, atq; dulcissimos illos nepotes, (quod scriptura innuit) in sinu suo cum summa voluptate complectitur. Et impletur statim hoc loco benedictio illa patris Iacobi super Ephraim, Gen. 48.

L. I. Videmus, quomodo semper anni vitæ humanæ decrescant. Auus Iosephi compleuit annos 180. Pater vero Iacobus vixit annis 147. At Iosephus minor est auo annis 70. & patre 37. Quod si tempore Moſis anni hominis fuere 70. aut ad summum 80. quid mirum, si iam 60. annis absoluator vita nostra. Quia igitur pauci dies hominis, benè collocandi, & statim à pueritia aspirandum ad veram Dei cognitionem, & pietatis studium, ne senectus incautos opprimat, & ab his studiis abstrahat, Eccles. 12. Iofias puer quærit Dominum, 2. Par. 34.

L. II. Est & manet hæc Dei benedictio inter corporales non minimâ, videre filios filiorum, de qua Psalm. 128. Ast sic benediceretur homo, qui timet Dominum. Non igitur mirum, si multi hac benedictione careant, & qui liberis non carent, benedictionem tamen in illis non sentiant, cum frugi nō sunt. Quia parentes non fuere timentes Dominum, nec in timore Domini educarunt, iuxta præceptum Pauli, Eph. 6. v. 4. Potest tamen fieri, vt etiam

pij sint ἄτεκνοι, vel habeant liberos inobedientes, vt ipse Iacobus. Nouit Dominus huius rei causas. Saluti tamen piorum nihil derogant.

II. Pars.

Iosephus moriturus fratribus in memoriam reuocat promissionem diuinam, factam Abrahamo, Isaaco, & Iacobo, Gen. 15. 26. & 28. de possessione terræ Canaan. Ideoque mandat, vt ex Ægypto ascensuri in terram promissam post aliqua sæcula, ossa sua secum auferant, & in terra Canaan sepeliant. Et hanc voluntatem pii Iosephi ultimam exsequutus est Moses, de quo Exodi 13. v. 19.

L. Non reprehendendus Iosephus, quod cupit cum patrib. suis sepeliri in terra promissionis. Et licet id ipsum etiam omnib. Christianis petere à suis, si modo non desit occasio. Fuit hoc solēne apud Patriarchas, quod cum suis voluerunt sepeliri. Videmus exemplum Iacobi, Gen. 47. v. 30. qui adiurauit filium, ne sepeliret ipsum in Ægypto.

Estq; pars aliqua benedictionis, inferri in sepulchrum patrum. Quod patet ex contrario, 1. Reg. 13. v. 22. non inferetur corpus tuum in sepulchrum patrum.

Est autem hæc benedictio corporalis tantum, quæ interdum etiam piis negatur, nec tamen saluti ipsorum officit. Et quibus hoc non datur, illi sciant Domini esse terram, & omnē illius plenitudinem, Ps. 24. Nec multum refert, quo q̄s loco sepeliatur, si in vera fide obdormiuerit.

Abst̄ autem à nobis superstitio illa, quam multi in sinu fouent, quod putant non tantum magis honorificum esse sepeliri in loco consecrato, (vt vocant) sed etiam saluti defunctorum loci consecrati sanctitatem aliquid conferre. Scimus per Christum omnia piè defunctorum sepulchra esse sanctificata, vt sint ipsis sancta ἁγία, Efa. 56. ex quibus resurgere debeant incorrupti & immortales, 1. Cor. 15.

III. Pars.

Tandem de Iosepho dicitur, Et mortuus est. Nec liberat

rat ipsum à morte pietas insignis, nec summa dignitas, nec communis terræ Ægyptiacæ salus, &c. Terra enim est, & in terram reuerti debet.

L. I. Commune hoc habet vir hic magnus & piissimus cum omnibus Maioribus suis, quorum duo Catalogi recensentur, Gen. 5. & 11. Est enim via omnis carnis, 1. Reg. 2. Ios. 23. Et mors nemini parcit. Mors seruat legem, tollit cum paupere Regem.

Monentur ergo illustri, nobili & magno loco nati, & qui ad summos honores sunt euecti, nihilominus tamen ipsis esse moriendum. Illa meditatio faciet, vt corde sapienti discant ambulare, Psalm. 90. v. 12.

De his omnibus alias plura.

L. II. Viuit tamen adhuc idem Iosephus cum omnibus beatis Maioribus, nec laus illius vnquam interibit in terris. Tantæ enim virtutes in ipso sunt conspectæ, quæ illum immortalem reddiderunt. Laudanda illius pueritia, cum fratrum scelera proderet patri, Gen. 37. & promptitudo in exsequendis mandatis patris, Ibid. v. 14. Celebratur illius in officio fidelitas, castitas, & patientia, Gen. 39. Prouidentia item, & cura pro populo sedula, Gen. 41. Pietas erga parentem, *ἀμνηστία* & obliuio iniuriarum erga fratres, humilitas erga omnes: & quæ est omnium istarum virtutum fundamentum, Timor Domini, Gen. 50. Has & alias complures virtutes imitentur, qui immortalitati suum nomen voluerint consecrare.

IV. Pars.

Mortui Iosephi patris patriæ corpus aromatibus conditur: & propter spem resurrectionis, & vt à putredine conseruaretur, quamdiu posset. Et reponitur in loculo, atque certo quodam loco in Ægypto asseruatur, vt possit suo tempore inde asportari in Canaan: quod factum esse Exod. 13. supra diximus.

Locvs est, Corpora defunctorum honestè tractanda. Partim vt sic nostrum amorem erga ipsos testemur, præ-

præsertim si patriæ patres, vt Iosephus, vel parentes, vel benè de nobis meriti sunt. De his Syr. 38. v. 16. Partim vt de mortuorum resurrectione spem sic alamus & augeamus. Vide I. Cor. 15: Semen.

Bifariam autem peccatur à nostris vt plurimùm. 1. Alij enim planè negligunt defunctos, & sine omni honore suos sepeliunt: vel, vt nummis parcant, vel quod oderint defunctos, vel tamen, quod tales non curent.

2. Alij verò in excessu peccant, & ad ostentationem omnia faciunt, & defunctorum corpora vel sepulchra nimis sumptuosè ornant. Modus itaque seruandus, & pro conditione cuiusq; personæ agendum.

F I N I S.

THEMA IX. CLASSIS II.

Numer. 33. v. 38.

Aaron ascendit montem Hor, & moritur ibi anno ætatis 123.

DISPOSITIO.

In hoc capite Numerorum describitur mors Aaronis, summi Sacerdotis, fratris Moïsis, quæ in eodem libro iam ante etiam descripta extat, cap. 20. Non autem sine causa bis idem repetitur. Etenim singulari decreto Dei Aaron hoc ipso loco, & hoc tempore moritur: quod exprimitur loco iam citato. Singula penè verba suas peculiare circumstantias inferunt, quas iam ordinè excutiemus, & singulis suas doctrinas subiiciemus.

VIDEAMVS.

1. Ascendisse legitur Aaron in montem Hor: in quorum nihil illi erat negotij, nisi vt moreretur. Et scit sanè Aaron ibi sibi moriendum, quamprimùm ascenderit. Mirum igitur cuipiam videri posset, cur non fugerit, & hunc montem auersatus fuerit: præsertim cum à fratre Moïse intellexerit, in hoc ipso monte se obiturum diem suum, Num. 20. At textus causam habet huius ascensus in montem,

tem, iuxta mandatum Domini. Mandauerat hoc ipsi Dominus per Moſen, vt ascenderet & moreretur. Paret huic mandato Aaron promptiſſimo animo, nec moras neſcit, nec excuſationem aliquam prætendit, nec alium locum eligit, nec reluctatur, &c.

L. Mors alacriter & prompto animo ſubeunda, vbi hora aduenerit. Cogitandum enim, Hoc eſt mandatum Domini. Graue iſtud quidem carni & ſanguini. Vide quomodo effugia quærat bonus Hiſkias, quomodo trepidet. Eſa. 38. v. 3. Et nemo noſtrum niſi coactus hunc montem conſcendiſſet. At vincenda tamen & ſuperanda omnia, quæ nos remorantur, hac vna ratione, Hoc mandat Dominus. Hæc eſt voluntas ipſius. Huic nec poſſum nec volo reſiſtere.

Vium igitur te licet velint vxor & liberi, iubeant amici, bona tua, &c. omnia tamen fruſtrà tentabis, ſi Dominus diuerſum iuſſerit. Tu extremum illis mox dicas vale. Curabit illos Dominus. Iudex viduarum & pater orphanorum. Pf. 68. Et in hunc montem neceſſe eſt te aſcendere, Domino mandante, vtcunq; relucteris. Eſt enim Dominus vitæ & mortis poteſtatem habens Syr. 11. v. 14. & Sap. 16. v. 13. Ideoq; qui te viuere voluit idē etiam te vult mori. Dic igitur, Fiat quod bonum eſt in conſpectu Domini.

Reſignare enim debes & vitam & omnia tua in Dei tui manum. Exemplum habemus 1. Sam. 3. v. 18. vbi dicit: Ipſe Dominus faciat, quod lubet. Huic affine eſt illud, 2. Sam. 15. Dauidis, Ecce præſtò ſum, &c.

2. Mortuus legitur Aaron ibidem, in monte Hor. Quare hoc loco & non alio? Quia tum in extremis finibus Edomitarum ſubſtiterant Iſraelitæ, & mox poſt ingreſſuri erant terram promiſſam. Antequā autem ingrederentur terram Canaan, moriendum erat Aaroni, quia hoc ipſi denuntiatum fuit à Domino, in pœnam incredulitatis, ſeu inobedientiæ. De quo Num. 20. legitur integra hiſtoria.

Sed quod locus, idipſum & tempus obitus oſtendit.

Mori-

Moritur enim anno ipso quadagesimo egressionis filiorum Israel ex Ægypto. Hoc enim anno fiebat terminus circumuagationis in deserto, & mortis omnium eorum, qui contra Deum murmure isto peccauerāt, de quo Num. 14. Et hoc ipsum etiam Hieronymus in Epistola ad Fabiolam, de 42. mansionibus Tomo 4. animaduertisse videtur, ubi sic inquit: Moriebatur eo anno, quo nouus populus repromissionis terram intraturus erat, in extremis finibus terræ Idumæorum. Vt autem intelligatur, quam exactè Deus obseruet puncta temporis, quo se aliquid puniendum prædixit, additur hic dies & mensis. Obiit enim Aaron prima die, mensis quinti, anno quadagesimo. Innuit scriptura, nondum penitus elapso anno postremo, (quo finito ingrediebantur Canaan) moriendum fuisse Aaroni, vt intelligerent omnes, Deum in seruandis suis comminationibus esse veracissimum, neque vnquam obliuisci eorum, quæ ex ore suo exierunt.

L o c u s. Generaliter quidem stipendium peccati mors est, Rom. 6. At certis peccatis etiam mors accelerari potest. Moses & Aaron non fuissent prius mortui, quam terram Canaan ingressi essent, si non infidelitate sua Deum offendissent, ad aquas contradictionis, Num. 20. At qui pœnitentiam agunt, cum Deo in gratiam faciliè redeunt, vt mors ipsis transitus sit ad vitam, sicut Mosi & Aaroni. Qui verò cupit viuere ad longam senectutem, Deum timeat, & caueat peccata. His promissa est longæuitas, Proverb. 3. v. 2. & 9. v. 11. vt & illis, qui parentes honorant, Ephes. 6. Exempla autem plurima leguntur eorum, quibus dies vitæ abbreviatæ sunt propter peccata, Ger & Onan, Gen. 38. Nadab & Abihu, Leuitic. 10. Ophni & Pinehas, 1. Sam. 2. Dolosi non dimidiabunt dies, Psal. 55.

Hoc loco reprehendi possunt ij, qui ebrietate, scortatione, iracundia, odio, inuidia, aliisq; peccatis cōtra conscientiam, sibi vitam decurtare solent. Nisi resipiscant, etiam mors secunda, Apoc. 21. illos mortuos excipiet.

Quod si pij interdum abripiuntur præmatura morte,
habet

habet Deus eius rei causas; & diligentibus Deum omnia cooperantur in bonum, Rom. 8.

3. Mentionem etiam facit scriptura ætatis Aaronis. Dicitur enim mortuus anno ætatis 123. Et hoc consolationis alicuius causa haud dubiè scriptura adiecit, innuens, licet diutius potuisset viuere Aaron, tamen illum ad summam peruenisse senectutē, & sic cursum suum compleuisse. Nostrates dicunt, *Es ist Ihme nicht umb viel jare vnrecht geschehen.* Ideoq; ipse bonus Aaron sententiam mortis æquo tulit animo.

Locvs. Tametsi (Cicerone authore) nemo tam senex sit, qui se annum non posse viuere putet, tamen vnusquisque, siue senex, siue iuuenis sit, cogitet, se satis esse senem, & sat temporis complenisse, si Deus ipsum velit mori. De quo Sapient. 4. v. 13.

Senes autem maximè decet, Deo ex hac vita euocaturus obedire, cum iam huius lucis vsura satis diu ipsis concessa fuerit. Nouerūt enim hoc, semel ipsis moriendum. Et ad summum ipsos viuere posse 70. aut 80. annos. Nihil etiam præter laborem & dolorem (Psalm. 90.) ipsis expectandum. Ideoque iucunda debebat ipsis esse mortis recordatio, Syr. 41.

Stulti sunt, qui diuersum sentiunt senes, quia non didicerunt, quanta sit huius vitæ vanitas, & quanta alterius sæculi felicitas.

T H E M A X. C L A S S I S I I.

Iosua vlt. vers. 29. Eadem ferè etiam leguntur Iudic. 2. v. 8.

De morte & sepultura Iosua.

N O T A N D V M.

Non multum dissimile est hoc Thema (vt & sequens numero vndecimum) præcedentibus aliquot, videlicet, Classis I. Themati VII. VIII. XI. Et Classis II. Themati IV. & V III. Ideoque in tractatione horum erimus breui-

uioros, ne eosdem locos cum tædio lectoris sæpius repetamus.

DISPOSITIO.

Singulare fuit priuilegium optimi Iosua, quod cum ceteri Coartanei ipsius omnes in deserto periissent, ipse solus cum Calebo terram Canaan ingressus est, & partem hæreditatis in ea possedit. Quæ fuerit huius rei causa, videatur Num. 14.

Atqui nec in ipsa terra Canaan perpetuo illi viuere datur, sed tandem inde etiam euocatur per mortem. Idque legimus hoc loco & Iud. 2.

Describitur autem primo loco mors, Deinde etiam sepultura illius.

I. Pars.

Iosua fuit fidelis famulus Mosi, rebus grauissimis adhibitus, & inter exploratores terræ Canaan ipse cum Calebo delectus, populum rectè instruit, postea etiam Dux populi constituitur, eumque in terram Canaan, deuictis multis Regibus atque populis introducit. Tandem celebratis comitiis omnem Israëlẽ multis verbis hortatur ne à Deo ad Idola deficiat, sed gratà mente ingentia Dei beneficia agnoscat. Vocatur hic vno verbo, Seruus Domini, fidelis scilicet, sicut Moses antecessor.

His omnibus ritè peractis moritur optimus Dux populi Israëliti, heros fortissimus Iosua, anno ætatis 110. Eodem ætatis anno Iosephus legitur mortuus. Gen. 50.

L. I. Etiam magni viri, fortissimi heroes, pissimi Duces populi, de Repub, & Ecclesia optimè meriti moriuntur. Mors enim nemini parcit.

L. II. Ad iustam ætatem viuere permittit Deus bonos principes, & alios Ecclesiæ vel Reip. ministros fideles atque vtilis, vt diu possint facere officium, Deoque inservire & multis benefacere.

L. III. Viuunt coram Deo & omnibus bonis, qui ad exemplum Iosua benè præfuerunt Ecclesiæ vel Reip. & perpe-

perpetuis laudibus celebrantur omni tempore, Psal. 112. Illorum pietas & virtus omnibus imitanda, quæ immortales facit homines.

L. IV. Quia post mortem talium virorum plerumq; mala imminet Ecclesiæ vel Reipub. rogandus Dominus, vt tales diu conseruet. Viuente Iosua populus Deo seruit, ipso mortuo mox ad Idola sese conuertit, vt patet ex libro Iudicum. Idem de Ioiada dicitur, 2. Reg. 12. v. 2. & 2. Par. 24. Sic de cæteris.

L. V. Cum mortales videamus esse tales heroas, rogandus Dominus, vt illis deficientibus, semper alios idoneos substituatur, atq; donis necessariis instruat, suoque spiritu regat, vt multis profint.

Hæc omnia & singula in Dispositionibus supra allegatis, vt & aliis, copiose iam sunt pertractata.

II. Pars.

Iosua mortuus honorificè sepelitur in loco habitationis, videlicet ciuitate Timnathseres, quæ sita erat in monte Ephraim.

Nota. In gratiam eorum, qui allegoriis delectantur, volui adiicere locum Lyræ super secundum caput Iudicum, vbi eadem historia de sepultura Iosue extat, si inde forsitan nonnihil colligere velint. Sic autem habet. In Hebræo habetur sic, in Tamnath Heres, id est, in Tamnath solis: Quod sicut dicunt Hebræi, super sepulchrum Iosue fuit posita similitudo Solis in memoriam illius facti mirabilis, quod fecit stare solem, Iosue 10. Vt omnes transeuntes lugerent mortem tanti hominis, per quem Dominus talia fecisset. Et ideo ciuitas illa sic vocata est, quæ prius Tamnath Sare vocabatur. Hæc ille.

Locus aliàs hinc natiuus is surgit, qui in Dispositionibus supra allegatis, præsertim verò classe I. Dispositione VII. parte II. de sepultura Samuelis, est pertractatus, videlicet, inter beneficia Dei temporalia & hoc numerandum, si contingat homini sepultura in terra patria, vel

loco optato, &c. Vide ibi. Felicius fuit Iosua hac in parte ipso Mose & Aarone, qui extra terram Canaan sepulti sunt. At quidcunque fiet de corpore nostro, hoc tamen agendum, ut anima in sinum Abrahamæ per Angelos deportetur, ubi Lazarus solatio fruitur, Luc. 16.

THEMA XI. CLASSIS II.

Ex Iudic. 8. vers. 32.

De morte & sepultura Gideonis.

DISPOSITIO EADEM FERÉ
cum præcedenti.

Iud. 6. Angelus Domini Gideonem vocat Heroem fortissimum. Et fuit sanè victor & triumphator bellicosus, qui vicit Midianitas hostes populi Dei. At hoc loco legitur superatus à morte.

Describitur autem 1. mors, 2. sepultura illius.

I. Pars.

Recenseri possunt apparitiones factæ Gideoni, & miracula in gratiam illius facta à Domino, Iud. 6. 7. & 8. Fuit in ipso zelus, destruxit Idola populi: & fortitudo. Nam hostes vicit & humiliavit, ut 40. annis non ausi fuerint hincscere contra Israël. Iudex populi constituitur. At dignitatem oblatam respuit, Iud. 8. v. 23.

In hoc grauissimè peccavit ante mortem, quod suo Ephod author fuit populo, ut cultum Dei peruerteret. At quia non tantum in senectute bona mortuus scribitur, sed etiam Hebr. 11. inter sanctos Dei viros numeratur, ideoq; non est dubium, quia resipuerit, & cum Deo in gratiam redierit.

Possset hinc forsitan tractari *Lo c v s i s t e*, qui Psalm. 62. vers. 10. habetur, Præclaros scilicet viros nævis non care-re. Sed de morte illius præcipuè hic tractatur: non de vita & rebus gestis. Deindè verò iidem hîc recurrunt loci, qui in parte prima Dispositionis præcedentis de Iosua sunt annotati. Est enim hic locus ut & persona prior
admo-

admodum similis. Ideò breuitatis causa priora non repetimus.

II. Pars.

Sepultus legitur Gideon in sepulchro patris Ioas, quod pro se suisque extruxerat in ciuitate Ophra.

Nota. Quia historia similis est præcedenti, ideoque Locvs hinc quoque idem surgit, de quo in Thematis præcedentis parte secunda mentionem fecimus.

T H E M A XII. C L A S S I S II.

2. Samuel. 19.

Historia de Barfillai sene, & Dauide. A versu cap. 31. ad vers. 38.

D I S P O S I T I O.

Hanc de venerando sene Barfillai historiam, in funere senis defuncti explicare, operæ prærium esse iudico. Cum enim tãtus vir excellentissimo Regi Dauidi fuerit charissimus, dignus est, qui etiam apud nos summam inueniat commendationem. At non propter ipsius tantum laudes, sed magis propter nostram vtilitatem memoratu digna est historia.

Nos itaque 1. audiemus, quibus virtutibus venerandus hic senex fuerit præditus.

2. Quanta senectutis incommoda senferit.

3. Quæ illius in hac tam graui senectæ fuerint meditationes. *Warmt er in seinem Alter vmbgangen.*

I. Pars.

Legitur Barfillai fuisse Gileadites, qui in Roglim habitauerit. Fuit is senex valdè, & octogenarius.

Est autem vir omni commendatione dignus. Scriptura illum vocat virum magnum valdè, dignitate & opibus clarum intelligit. Nec mirum, cum appareant in ipso virtutes tanto viro dignæ.

1. Liberalis est erga suum Regem. Sunt alioquin se-

nes tenaces, sed hic multo tempore Regi exuli alimenta subministrat: cum in Mahanaim exularet.

2. Nec facit hoc spe liberalissimæ compensationis. *Daß er ein wurst in bach geworffen*/vt dicitur prouerbio. Nam metus erat tum, ne Absalom patrem omni regno exuaret, & Dauid in exilio mori cogeretur.

3. Insuper cum Rex vellet illius merita compensare, non deprædicat sed extenuat sua officia, & respuit tam largam compensationem. Quare redderet mihi Rex retributionem hanc? ait vers. 36. Aliis nunquam potest satis fieri, nec possunt satis laudare sua merita. Nihil horum in Barfillai cernitur.

4. Barfillai magno gaudio afficitur propter Dauidem, quod regno restituitur: vt licet octogenarius & decrepitus, tamen ipse Regem comitetur. Estque hæc charitatis nota in Barfillai, quod congauet felicitati Regis.

5. Sed & Dauidis in vtraque fortuna fidus est amicus. Sicut afflictum in re incerta non deserit & compatitur exuli: ita iam non inuidet Regi suam felicitatem.

6. Contentus est sua sorte senex: & cum Rex illum in aula viuere atque suæ mensæ adhibere vellet conuiuiam: ille respuit & dignitatem, & omnes delitias aulicas. Eligat viuere in sua domo priuatus, quod est humilitatis indicium. Nulla ergò in hoc viro arrogancia vel superbia.

7. Quamuis senex, tamen non est morosus, nec inhumanus, importunus vel immodestus, sed affabilis, modestus & admodum urbanus. Vides enim quam humiliter, quam modestè respondeat regi, & quomodo decenter omnia agat.

Locvs. Videmus hinc, quæ virtutes præter pietatem & timorem Domini (quo non caruit Barfillai) deceant senes. Est quidem & esse debet senectus per se venerabilis. Ideoque senibus honorem haberi vult Dominus. *Leuit. 19. vers. 32.*

At multi senes talibus laborant vitiis, quæ illorum ~~canos~~ misere solent fœdare. Non enim omnium senectus lauda-

laudabilis. Sap. 4. v. 8. Cum tamen multarum querelarum culpa non in ætate, sed in moribus sit.

Vita inculcata vera est canicies, inquit Sapiencia ibidem. Pertinent autem hæc ad vitam inculpatam, quæ in Barfillai sene vidimus, præsertim si ditiores sint.

1. Senes non sint tenaces. 2. non turpis lucri cupidi. 3. non amore pecuniæ benefaciant amicis: Est enim avaritia radix cæterorum malorum. 1. Tim. 6.

Sed sint liberales, pro facultatum ratione. Non parcant nummis, ne quo minus viæ restat, eò plus viatici quærere videantur. Maximè verò miseris, egenis, afflictis succurrant, & aquas suas deriuent foràs: de abundantia sua benefaciant. Prou. 5. v. 16. & 2. Cor. 8. 4. non deserant amicos in rebus incertis, sed & cõpatiantur afflictis. Flete cum flentibus Rom. 12. v. 15. & vicissim. 5. congaudeant illorum felicitati. Non sint invidi, quod vitium alioquin nonnullos senes torquet. 6. Caueant sibi ab omni superbia & arrogantia, viuant sua sorte contenti. 7. Et non sint morosi, inhumani, inurbani atque ἀσώπῳ.

Sic erunt venerabiles, & Deo atque hominibus chari & grati. Quãuis enim hæc virtutes omnes homines deceant, maximè tamen senes ornant. Hi etiam bono exemplo cæteros iuniores informare debent. Experientia illos docuit, qua ratione laudem possint parare. Ideoq; non merentur excusationem si non faciant officium Quos verò his virtutibus videmus præditos senes, duplici honore dignos censeamus. Ab illis etiam discere non vereamur.

II. Pars.

Cum Rex Dauid bonum senem Barfillai in aulam ad se recipere & mensæ suæ adhibere, sicque fidem & liberalitatem ipsius remunerari veller: modestè sese excusat Barfillai, & se tanto loco indignum iudicat. Neq; etiam sibi in aula viuere iucundum asserit, cum in tam graui ætate multa sentiat senectutis incomõda, quæ recenset.

1. Non possum discernere inter bonum & malum.

I 3

Ego

Ego iam repuerascere incipio. Non ergo tibi possum esse Confiliarius.

2. Appetitus prostratus est. Cibus & potus non amplius sapit palato meo. Deficit gustus. Sensus paulatim deficiunt.

3. Auditus grauis est: vt non possim Musicos cum voluptate audire. Non delector multis aulicis voluptatibus

4. Præterea ego tibi in hac decrepita ætate non honori, sed oneri futurus sum. *Ich bin der Kinder spott. Tauge nit gen Hoff.*

L. Videmus verè dici, quod senectus per se morbus sit. Et quod senectus sit hospes ingratus, qui licet multoties inuitatus cõpareat, tamen non placeat, & hospites alios ingratos secum ferat. Hanc vt adipiscantur omnes optant, eandem verò omnes accusant adepti. Videmus hoc loco quomodo omnes sensus paulatim deficient, sed plura describuntur pondera amaræ senectæ, Eccles. 12. Et sanè auocat senectus à rebus gerendis, corpus facit infirmum, atque omnibus priuat voluptatibus: Senes bis pueri. Auditus hebetatur. Caligant oculi. Manus & pedes non faciunt officium. Graue fastidium est cibi & potus. Et si maximè velit cibum capere senex, edentulus tamen non omne genus cibi potest gustare. Quod si in ventrem traiciatur, tamen tum stomachus non potest concoquere. &c. Et quod miserrimum in senectæ est, sentit Barfillai atque omnis ferè prudens senex, se ea ætate odiosum esse alteri. Sæpè non peregrini tantum à consilio, sed & ipsi liberi parentem senem quasi desipientem à re familiari remouere student.

Dicuntur hæc eò, i. vt non tantoperè flagitemus à Deo longam senectutem, quæ tot secum trahit incommoda. Si enim nonnulli senes, vt Moses, Abraham &c. hæc non senserunt onera, sunt tamen plures, qui hæc experti testabuntur esse verissima.

2. Tametsi autem hæc in senibus videamus, non
tamen

tamen illi propterea sunt despiciendi, sed honorandi. Cum omnes optent senes fieri. Atque cogitandum iuueni, quod senex iam sit id assequutus, quod ipse speret. Et quod cum ipse cupiat diu viuere, ille iam vixerit.

3. Tandem quot cuique temporis datur ad viuendum, eo debet contentus esse. Si breui vixeris, honeste tamen agas, & pie viuas, vt Deo placeas, & æternum tibi detur illic viuere.

III. Pars.

Sed quibus tandem cogitationibus vel studiis quod reliquum vitæ est, transigere cupit Barsillai? Cum non delectetur aulicis delitiis, nec aliis? Id vero ex ipsius sermone percipitur. Est enim sermo animi character. Sic igitur ait. Quot sunt dies vitæ meæ vt ascendam Hierosolymam? Q. D. Iam mox mihi moriendum erit. Clarius autem aperit animum suum, obsecro vt reuertar ego seruus tuus, & moriar in ciuitate mea, & sepeliar iuxta sepulchrum. &c. Hoc est, ego iam meditor discessum ex hac vita, & mox colligendum me ad patres spero. His iam mortis meditationibus quod reliquum vitæ est tempus transigere vult bonus senex. Nouit enim quod haud procul abât à morte.

Loc v s. Quamuis meditatio mortis omnibus hominibus debeat esse frequens & solennis, vt sapere discant Psal. 90. vers. 12. maximè tamen senes illa decet, qui longos vitæ dies sperare non possunt. Licet enim iuuenes citò mori contingat, tamen senes non possunt sibi longæuitatem inde polliceri. Et turpe esset senes vltra diligere mundum, cui iam valedixisse debebant. Illi potius cum Simeone semper expectent dimissionem. Luc. 2. Et temporis tadium fallant quotidiana lectione, vel auditu tamen sacre scripturæ, inde fidem confirment, & sacramentis vtantur tanquam viatico optimo: precibus Deum fatigent, & animam Deo commendent.

F I N I S.

I 4

T H E

THEMA XIII. CLASSIS II.

Ex I. Paralipom. 30. v. 28.

Mortuus est (David) in senectute bona, plenus dierum, diuitiis & gloria.

DISPOSITIO.

Agnouit Dauid, mortem esse viam vniuersæ carnis, I. Reg. 2. ideoq; & ipse illam viam ingressus legitur hoc loco. Paucula autem sunt verba, quæ Dauidis mortem ipsi non fuisse acerbam, innuunt: ea scilicet ostendunt, ipsum fuisse abundè cumulatam omnibus bonis. Quatuor illa vocabula ordinè explicabimus, & singulis doctrinas necessarias breuiter subiiciemus.

VIDEAMVS.

I. Mortuus legitur Dauid in senectute bona. Non in flore ætatis, non in medio cursu vitæ abreptus est, sed anno ætatis septuagesimo. Peruenit itaque ad vitæ terminum, qui Psalmo 90. dicitur fuisse ordinarius ferè plerisque eius temporis hominibus. Et mirum illum inter tot calamitates domesticas & alias, inter tot bella & difficultates peruenisse ad longam senectutem. Deus autem illi vitam prolongauit, vt regnaret super Israel annis 40. & sic populus post tyrannum Saulem fidum haberet pastorem.

L. Inter beneficia Dei temporalia hoc non est minimum, si contingat homini vita longæua, & bona senectus. Pietatis enim studiosis & seruantibus mandata Dei, & in specie liberis morigeris vitæ longæuitas promissa extat, Prou. 3. v. 2. & 4. v. 10. & 9. v. 11. Exod. 20. v. 12. Ephes. 6. v. 3. Deut. 5. v. 16.

Vicissim impiis minatur Deus vitæ decurtationem: vt dolosis, Psal. 55. & præfractis, Psal. 58. v. 9. & 10.

Videatur etiam Iob. 36. vers. 11. Exempla sunt Ger & Onan. Gen. 38. Hophni & Pinehas, I. Sam. 3. Item, Absalon, Amon, Adonia, &c.

Inter-

Interdum tamen Deus discedit ab hac regula, & impiis vitam concedit longævam, Psal. 73. vt Ieroboamo, Herodi, & vicissim pios citò abripit, vt filium Ieroboam bonum, 1. Reg. 14. & Iosiam Regem.

Habet autem Dominus etiam huius consilij causas. Impios sic vult ad pœnitentiam inuitare, Rom. 2. v. 4. cum non velit quenquam perire, 2. Pet. 3. v. 9.

Pios verò interdum abripit, vt non cogantur videre calamitates venturas. Patet id Esa. 56. in fine. Sap. 4. v. 11. & 2. Paral. 34. v. 28. Quomocunque igitur agat Deus cum suis, certum est, omnia diligentibus Deum cooperari in bonum, Rom. 8.

2. Deinde legitur David mortuus esse, cum plenus vitæ esset. *Voss lebens.* Eadem est phrasis cum illa, quæ de Patriarcha Abrahamo, vt & Isaaco legitur, mortuus est dierum satur, Genes. 35. & 25. Quibus verbis ostenditur, quod David vir Dei, post tot huius mundi calamitates superatas, non optarit viuere diutius, sed hanc vitam pertransus aspirauerit ad æternam.

L o c u s. Senes, & qui pleni dierum, monentur ex hoc loco, vt non tantoperè reformident mortem, cum satis diu vixerint, & cursum absoluerint, nec possint meliorem sperare fortunam, Syr. 41. Meritò enim miseriarum satietas etiam vitæ satietatem facere debet. Et stultum oportet esse senem, qui mortem non contemnendam in tam longa ætate non viderit? Imò propterea mors appetenda, quia pios eò deducit, vbi sunt futuri æterni. Hinc illud Simeonis: Nunc dimittis, Luc. 2. Et Eliæ, Tolle animam meam, 1. Reg. 19.

De phrasi illa (Satur dierum) videatur etiam Classis II. in Dispositione Thematicis III. de Abrahamo.

3. Porrò mortuus etiam legitur David plenus diuitiis. Etenim Dominus illi amplissimum illud regnum Israelis, & multas prædas hostibus ereptas, magnasque diuitias largitus est: cuius rei vel hinc coniecturam facere possumus, quod ad templi ædificationem reliquit filio

(ut patet ex 1. Paralipom. vltim.) in auro, millies millia & quingenta millia Coronatorum. Argenti summa est ter millia & quingenta millia Talerorum. Et dicit ipse Rex, se hoc in paupertate sua præparasse. 1. Paralip. 23. v. 14. At tamen moriturum Dauidem nihil remoratur tanta vis auri & argenti, quin illud relinquat & Deo euocanti obediat. *Er hat dessen auch gung gehabt.* Comparauit etiam hos thesauros, non ut in illis senex quæreret voluptatem, sed ut ad cultum & templum sacrum à filio infunderentur.

L. Magnum Dei beneficium est, si det homini opes & diuitias, quibus ad mortem vsque liceat frui. Et plerique cupiunt relinquere thesauros liberis. Hæc autem ad salutem nihil faciunt: nec morituros iuuant nec comitantur. Ecclesiast. 5. vers. 14. Nudi egrediuntur. Iob. 1. v. 21. Imò sæpè morituris plus nocent quam profunt. Etenim multi morituri inuiti relinquunt sua bona: & sic faciunt thesauri, quos post se relinquere coguntur, illis mortem acerbiores. Quia aurum posuerunt spem suam dum viverent. Iob. 31. v. 24. & cor apposuerunt, contra id Psal. 62. v. 11. Ideoque illis accidit quod Matth. 6. habetur, vbi thesaurus ibi cor tuum.

At cogitent diuitias nihil prodesse in die iræ. Prou. 11. Quærant ergo thesauros, de quibus Christus Matth. 6. v. 20. Et studeant diuites fieri bonis operibus. 1. Tim. 6.

Nec ponant spem in diuitiis sed in Deo. Et in primis recondant sibi ipsis fundamentum bonum in posterum, ut apprehendant vitam æternam. Ibidem.

Magnus quæstus pietas cum animo sua sorte contentio. 1. Tim. 4.

4. Tandem moritur Dauid plenus gloria. Etenim tulit ipsum Dominus de grege & fecit ipsi nomen, quale est magnorum in terra. 2. Sam. 7. v. 9. Quæsierunt illius amicitiam reges exteri: & fuit ipse etiam cæteris formidabilis. Atque sic gloriosus fuit in vita. Hæc tamen glo-

ria

ria ipsum à morte non potuit liberare. Immortalitatem tamen est consecutus. Cum pietas, prudentia, patientia, humilitas & cæteræ virtutes ipsius passim decantentur apud omnes.

L O C V S. Inter temporales Dei benedictiones etiam hæc est, esse in vita gloriosum, & mori plenum gloria. Nihil tamen cōtra violentiam mortis temporalis valet gloria & honor. De quo Eccles. 6. v. 10. Interierunt enim laudatissimi quique. Ideoque qui in magnis dignitatibus sunt constituti, meminerint se esse mortales: nec superbiant. Vicissim qui hîc non sunt gloriosi, solentur se gloria reuelanda. Rom. 8. v. 18. Phil. 3. v. 20.

At hoc agant omnes, vt æternam consequantur gloriam. Id quomodo possit fieri, patet ex 1. Sam. 2. Glorificantes me glorificabo. Contra verò ibidē dicitur, qui me contemnunt, erunt in gloriâ. De his sæpè cogitandum.

T H E M A X I V. C L A S S I S I I.

Ex Hiob 42. ver. vlt.

De morte Hiobis.

D I S P O S I T I O.

Dignus est Iob, cuius exemplum sæpius ob oculos ponatur auditoribus in concionibus publicis: cum Deus ipse Iobum cum Daniele & Noha proponat exempla pietatis, Ezech. 14. Videmus enim in ipso, quam variam fuerit expertus fortunam: & quid Diabolus, Deo permittente, possit in affligendis etiam piis hominibus. At in præsentia hæc, quæ in fine Iobis extant, considerabimus, & quæ finem vitæ illius complectuntur. Dicitur enim Proverbio alias: Omnia tunc bona sunt, clausula quâdo bona est. *Wanns End gut ist/so ist's alles gut.* Est autem clausula huius libri optima. Duo igitur erunt consideranda.

1. Quamdiu Iob superatis omnibus afflictionibus vixerit. 2. Deinde quomodo mortuus fuerit.

I. Pars.

I. Pars.

Iob fuit vir prouectioris ætatis cum affligeretur à Satana Deo permittente. Quod inde colligo, quia iam tum habuit filios & filias. Nec in cunis adhuc vagientes, sed adultiores. Etenim conuiuia iã agitabant, vt patet Iob. i. vers. 13. & 18. Illis tamen omnibus orbatus fuit vna die. Ibidem. Et magno quidem cum mœrore animi. Illorum enim iacturam pluris æstimat, quàm omnis substantiæ. Nec immeritò. Quia autem hanc sanè grauissimam tentationem patienter tulit, dicens; Dominus dedit, Dominus abstulit: Sit nomen Domini benedictum, ideoque Deus non tantum illi alios filios filiasque pro defunctis reposuit, sed etiam vitã prorogauit ad multos annos, vsque dum etiam posteriores liberi adulescerent. Quin imò etiã horum filios & nepotes ad quartam vsque generationem vidit.

Etenim vixit post restitutionem omnium 140. annos. Hinc colligitur ipsum vixisse temporibus Patriarcharũ, qui vltra centesimum annum singuli vitæ suæ dies traduxerunt, præsertim ante Iacobum.

Sicut etiam ex patribus plerique statuunt, ipsum post tempora Abrahami vixisse, vel Moïsi fuisse coætaneum, Ieronymus certè ipsum de stirpe Melchæ sororis Saræ descendisse putat. Quia Hus & Bus fuerunt filii Nahor fratris Abrahami filii Melchæ. Iob autem in terra Hus seu Vz habitasse dicitur. Alii credunt ipsum descendisse ex posteritate Esau, & fuisse illum Iobab, de quo Gen. 36. legitur. Et nonnulli ipsum Dinam filiam Iacobi vxorem habuisse statuunt.

Vt sit, veri simile est ipsum vixisse annis ducentis circiter: siquidem cum liberos ruina domus oppressos amisisset, quinquagenario minor non fuit.

Duplici igitur beneficio affecit ipsum Dominus post largissimam omnium compensationem, hac etiam in parte, 1. quod fuit longæuus. 2. & multa prole beatus.

Locvs I. Sunt hæc raræ benedictionis diuinæ haud
con-

contemnenda argumenta, si vitam longævam Dominus concedat. Notandum autem, hoc non tantum fieri propter ipsos senes, sed propter posteros maximè, ut hi à Maioribus instituantur & exerceantur in Religionis nostræ capitibus, quorum cognitio ad salutem necessaria est.

De Abrahamo dicit Dominus, Gen. 18. Scio quod præcepturus sit filiis & domui suæ post se, ut custodiant viam Domini. Eratque id tum summè necessarium, ut posterì à Maioribus quasi per manuum traditionem acciperent miracula & facta Domini, cum non eadem tum liberorum ratio fuerit, quæ iam est. In mandatis etiam dederat Dominus Israelitis, ut posteros suos de beneficiis diuinitus acceptis erudirent. Deut. 4. vers. 10. & 6. vers. 7. Item Exod. 13. vers. 8. & 14. Deut. 32. vers. 7.

Quod si hoc officium senes non præstent posteris suis, certè malè collocant tempus vitæ suæ, & graues Deo super hac negligentia sunt reddituri rationes.

Neque verò tantum erudire suos in doctrina religionis, sed & quibuscunque aliis prodesse poterunt multis modis. 1. vel sanis consiliis Ecclesiam atque Rempub. iuvare. 2. vel tamen suis precibus (si aliter non possint) pro salute Ecclesiæ & priuatorum apud Deum intercedere. Sic enim versus habet, qui senibus *יוזאים* tribuit.

Sunt etiam senes non tantum propter ætatem & experientiam honorandi, sed etiam illorum præcepta sedulo observanda, & consilia ipsorum non aspernanda, Leuit. 19. vers. 33. & Prou. 16. v. 31. & Syr. 8. vers. 9. & seq. Exemplum. 1. Reg. 12.

II. Est & hoc gaudium senum, cum nepotes suos in aliquot generationes vident, magnum Dei beneficium. His quidem qui Dei dona grato animo agnoscunt.

Vide exemplum magnæ læticiæ. Ruth. 4. v. 15. & 16. De Iosepho scriptum Gen. 50. quod nepotes nati fuerint in genibus illius. Plura vide in huius Thematis de Iosepho tractatione supra Classe II. Disposit. Thematis 8. & alibi etiam.

II. Pars.

Tandem expletis omnibus diebus vitæ Iobis, legitur fuisse mortuus senex dierum satur. Licet enim post superatas calamitates grauissimas, singulari Dei benedictione, reliquos vitæ dies in magna voluptate potuerit transigere, tamen fuit in valle lachrymarum, & non extra omnem teli iactum positus. Ideoque tandem etiam hanc omnem vitam pertæsus moritur prompto animo, ut non optaret vel ad vnam horulam viuere diutius.

Locus. Tanta nunquam est felicitas hominis in hac vita, ut non vel tandem præsens sæculum fastidire incipiat, si bonus & prudens sit, qui super contritione Ioseph contristetur, Amos. 6. v. 6. Etenim quod optimum est in hac lachrymarum (Psalm. 84. v. 7.) valle, labor est & dolor. Psalm. 90. v. 10. Et cumulum miseriæ etiam apud Reges felicissimos refert Syr. 41. v. 1. iuxta versionem Latinam.

Stultè igitur agunt nonnulli, quos nulla vnquam huius vitæ capere vult satietas, dummodò abundet diuitiis, nec mori optant, sed semper in his terris viuere. Contra quam Paulus Phil. 1. v. 23. Elias 1. Reg. 19. v. 4. & Simeon Lucæ 2. v. 29. fecerunt. De patribus enim piissimis, Abrahamo & Isaaco dicitur idem, quod de Iobe & Dauide, Mortuus est dierum satur. De hac phrasi Scripturæ supra Classe II. in Disposit. Themat. III. plura.

Possit etiam tractari Locus, quomodo Deus abundè possit compensare afflictiones piorum. (Iob sæpè de vitæ suæ breuitate conquestus est, Iob. 7. v. 7. & 9. v. 25. cum putaret sibi mox moriendum: Atqui iam plenus & satur dierum moritur.) Quibus autem hoc non contingit in hac vita, illi expectent id ipsum in altera, Rom. 8. vers. 18.

THEMA XV. CLASSIS II.

Ex Tob. 14. v. 16. vsq; ad finem.

De morte & posteritate Tobie iunioris.

Historia quam prælegimus, de morte Tobie sonat, quem

quem alioquin Iuniorem appellare solemus. At iam senex est ille, & centenarius (vno anno dempto) qui iunior vocatur. Describitur autem hoc capite, quomodo idem post mortem patris, Tobia senioris atque matris Hannæ, locum habitationis mutauerit, atq; ex Niniue ad socerum Raguellem cum vxore Sara commigrauerit, in Ecbatana Medorum, qui antea in Rages habitauerat, Tob. 3. ver. 7. Inde autem ipsum discessisse constat, ex Tob. 9. Sic verò parens adhuc superstes iusserat, vt ex Niniue mox iusto Dei iudicio interitura discederent. Additur autem in fine historiae, quomodo hic Tobias in terra Medorum diem supremum tandem clausit. Notanda porro ex verbis prælectis hæc duò erunt.

1. Quæ de vita & morte Tobia scripta legantur.
2. Quid de ipsius posteritate historia nos doceat.

I. Pars.

1. Legitur Tobias vixisse annos 99. Multi certè anni, si ad nostra tempora velimus conferre, vbi ad summum 70. vel 80. annis finitur hominum vita, iuxta Psalm. 90.
2. Quomodo autem hic noster Tobias transegerit hos annos, additur: 1. In timore Domini. Hinc non mirum ipsum tam diu vixisse. Timor enim Domini omnia bona secum fert, Syr. I. v. 20. Et 2. Cum gaudio transegit vitam. Hoc enim secum fert timor Domini, Syr. I. v. 11. & 12. & 18. At interim non est cogitandum, quod vita Tobia omnibus ærumnis & calamitatibus vacua fuerit. Vidit enim cum magno animi mœrore parentis cœcitatem & alias misérias. Sed bona conscientia cor illius timore Domini plenum ita sustentauit, vt semper magno (etiam in aduersis) & tranquillo fuerit animo. Ideoq; Dei fauore fretus nunquam abiecit animum, sicque lætus expleuit dies vitæ suæ.
3. Tandem verò piè in Domino mortuus, sepultus est ab amicis & posteris suis satis honorificè.

Locvs I. Magnum beneficiũ Dei est, viuere ad tẽ-
dam

dam senectutem. At multo maius hoc est, transigere omnes ætatis annos cum gaudio. Et id sanè vnicè optant, quicunque rationis expertes non sunt. Nihil enim in hoc mundo beatus, quàm si quis cum gaudio senescat. Videtur illud paucis admodum contingere. Docet igitur exemplum Tobiaë nostri, quid faciendum ut cum gaudio senescere possit homo Christianus. At de gaudio interno & spirituali nobis sermo est. Timor autem Domini facit, ut semper hilari animo sit homo. Et propterea id ipsum Paulus requirit Phil. 4. Gaudete in Domino semper, & iterum dico gaudete. Etenim qui Deum timet, à peccatis abstinere Syr. 1. v. 27. & Deo placet. Scit igitur se fide iustificatum habere pacem cum Deo. Rom. 5. Si autè Deus nobiscum, quis contra nos. Rom. 8. Dummodo te habeam non curo nec cælum nec terram, Ps. 73. Ideoq; etiam crucis aliqua parte pressi, exultant tamè, & recreat illos bona conscientia, iuge conuiuium. Prou. 15. Et beatus qui bona fruitur conscientia. Felix qui non excidit à spe sua. Syr. 13. in fine.

Quicunque igitur cupis lætari, time Deum & in Domino lætetur cor tuum. Psal. 105. Lætetur cor quærentium Dominum. Psal. 5. Lætentur omnes qui sperant in te. Et infinita alia in Psalmis.

L. II. Amicos & posteros sepulturam suorum Maiorum curare debere, sæpius supra dictum est. Idque 1. propter eandem omnium fortunam, cum simus omnes mortales, & quisque hoc sibi fieri velit à suis. 2. propter certam spem resurrectionis. 3. ad testificationem amoris nostri erga defunctos. De qua re plurima extant in scripturis exempla. Gen. 25. & 35. & 49. Et alibi passim. Vide Syr. 38.

I I. Pars.

Tobias mortuus post se reliquit liberos & nepotes plurimos. Vidisse enim legitur filios filiorum suorum in quintam generationem. De his iam porrò singulare aliquid narrat historia, hoc videlicet quod sequitur. Omnis autem generatio eius in sancta vita atque conuersatione per-

permanſit. Rarum hoc exemplum. Sunt enim plerunq; heroum filij noxæ, & optimorum maiorum poſteri de-
generes. Multum tamen abſque dubio facit apud poſte-
ros pia & fidelis inſtitutio optimi Tobix. Et propter il-
lum benedixit Deus poſteris. Quid autem ſanctitate vitæ
& honeſta conuerſatione fuerint conſequuti poſteri To-
biæ, id etiam additur: ita vt accepti eſſent tam Deo, quàm
hominibus, & cunctis habitantibus in terra. Propter pie-
tatem accepti erant Deo. Eſt enim pietas ad omnia vti-
lis, promiſſiones habens, 1. Tim. 4. Quia verò Deus in ma-
nu ſua habet corda filiorum hominum, ideoq; inclinauit
omnium animos, vt acceptos haberent poſteros Tobix,
eoſque magno fauore complecterentur.

L. I. Videmus exemplum illius, quod extat Exodi 20.
Deut. 5. Faciens miſericordiam Dominus in mille gene-
rationes, in his, qui diligunt me, & præcepta mea custo-
diunt. Diſertè id Dominus oſtendit ſæpiſſimè, quod pro-
pter David ſeruum ſuum benefaciat regno & regibus Iu-
da, 1. Reg. 11. v. 12. & 34. & 36.

Ideoque qui optimè voluerint conſulere poſteritati,
hoc agant, vt relinquunt illis benedictionem Domini,
non vt diuitias malè partas ad ipſos transmittant. Ipſi bo-
no exemplo præſint ſuis & in ſtudio pietatis ſemper ipſos
iubeant pergere.

Qui verò ex piis & honeſtis maioribus prognati ſunt,
tum demum maiorum ſælicitatem ſibi polliceantur, ſi &
ipſi veſtigiis illorum inſiſtant & in ſancta conuerſatione
permaneant. Quod ſi verò ipſi degenerauerint à fide &
pietate maiorum, non eſt quod ſibi multum ſælicitatis
propter maiores polliceantur. Vide Ezech. 18.

L. II. Omnes optant eſſe accepti, & grati homini-
bus. Et dolent multi quod nullam apud homines poſ-
ſunt inuenire gratiam. At de poſteris Tobix dicitur,
quod omnibus in terra fuerint accepti. Vnde illis hæc
gratia? Inde videlicet, quod primo loco ponitur, fuiſſe
ipſos acceptos Deo. Placent autem Deo propter ſanctam

conuersationem. Quicumque igitur cupiunt placere hominibus, primum dent operam, ut Deo placeant. Is, si consultum hoc videbitur, inclinabit corda hominum, & inimicorum etiam, ut cogantur ipsis fauere. De hoc eleganter Prou. 16. v. 7. Exemplum de Ægyptiis in promptu est, Exod. 11. v. 3. & 12. v. 36. Satis autem fuerit placuisse bonis. Mali enim non sunt curandi. Imò hoc potius sapè cogitandum, si hominibus (puta malis & peruersis) placerem, Christi seruus non essem, Galat. 1.

THEMA XVI. CLASSIS II.

Luc. 2. vers. 29.

Simeon: Nunc dimittis seruum tuum Domine, &c.

DISPOSITIO.

Syrac. 8. Noli contemnere sententias senum. Et Syr. 9. v. 21. Vbi consilio indigueris, à sapientibus pete illud. Hoc igitur loco habemus sententiam viri senis. Et quidem sapientis, cum Spiritus sanctus in ipso fuisse dicatur, Luc. 2. vers. 25. Pius enim est & Deum timens Simeon. Hic nos erudire poterit de re omnium grauissima, scilicet, quid de morte sit sentiendum.

Duo autem his verbis in Simeone erunt notanda.

1. Quam promptus & paratus fuerit mori.
2. Quid in ipso hanc animi promptitudinem excitauit.

I. Pars.

Acceperat Simeon hoc à Spiritu sancto, se prius non moriturum, quàm Christum viderit. Postquam igitur Christum puerum in vlnas accepisset, in hæc verba erupit. Nunc dimittis seruum tuum Domine, secundum verbum tuum in pace.

1. Agnoscit se esse seruum Domini. Ideoque obligatum esse, ut mandata ipsius exequatur.
2. Quodcumque igitur iusserit ipsum mori, & ex hac vita discedere, paratum se esse. Et si nunc statim absque

que omni mōra velit ipsum dimittere, se non repugnaturum. Paratum se omni tempore.

3. Non tamen velle se prius mori, quam dimittatur & (quod Græcum habet) solvatur à Deo. Si vltà detineat se non cupere emigrare. Non capit abrumpere vitam ante tempus.

4. In pace mori se velle addit. Quia impleta fuerit ipsi facta promissio (secundum verbum tuum) iam nihil esse amplius quod impediatur, nihil quod remoretur, quod angat vel sollicitum teneat vltra.

L. Vbi Deus nos voluerit euocare ex hac vita, decet nos esse promptos & paratos, exemplo pij Simeonis hoc loco. Populo suo dixit, Esa. 56. Vade intra cubicula tua, claude ostia, abscondere modicum. Hoc est mandatum Domini quod omnib. hominibus suo tempore dabitur.

Serui autem fideles expectantes Dominum, Luc. 12. semper parati sint iussu capeßere. Oculi seruorum obseruant manus & nutum Dominorum, Psalm. 123. Ideoque nuntio mortis allato pareamus cum Simeone, si nunc vis me dimittere Domine, Ecce præsto sum. Fiat voluntas tua. Cupio dissolui, Phil. 1. In pace & absq; omni reuolutione moriar.

Psalm. 4. In pace dormiam & requiescam.

Notandum hoc contra multorum impatientiam. Eitant, repugnant, fugere tentant nonnulli, fremunt contra Deum, cum vident appropinquare tempus resolutionis.

Aliter Simeon, aliter Paulus, Phil. 1. aliter Petrus, 2. Petri. 1. sensit. Intelligunt enim illi mortem esse solutionem & ἀπολυσιν à laboribus, quod hic Simeon innuit, & quietē à laboribus & doloribus, Apocal. 14. Et ideò gemimus in hoc domicilio & superindui desideramus. 2. Cor. 5. Colliguntur enim boni ante malum, Esa. 56. vt in pace moriantur. 2. Paral. 34.

Vicissim autem quia seruo non licet iniussu Domini à sua statione decedere, non ex impatientia ante tempus

cupiamus excedere ex hac vita, sed dimissionem Domini nostri expectemus.

Ahitophel sibi ipsi vitam abruptit ante tempus 2. Sam. 17. Videtur etiam Elias ex impatientia quadam optasse mori, cum fugeret ab Ifabele. 1. Reg. 19. v. 4. Quemadmodum & Rachel mori vult, si non grauida fieri possit. Gen. 30. v. 2. Impatientia hoc exprimit. At tum expectanda dimissio Domini, ut bona cum pace illius emigrare liceat. Voluntati enim Domini nos seruos illius resignare conuenit. Is enim vitæ & necis potestatem habet. Syr. II. v. 14. 1. Sam. 2. v. 6. Sap. 16. v. 13. Is mori facit homines & iubet reuerti alios. Psal. 90. vers. 3.

II. Pars.

Sed cum mors sit omnium terribilissimum malum, quæ causa est quod Simeoni tam alacri animo mortem expectat? Id docet nos quod sequitur. 1. Quia viderunt oculi mei salutare tuum. Saluatorem Christum, quem in carnem venire optabat Simeon, iam vidit & in vlnas suas accepit puerum, per quem ab æterna morte se liberandum firmiter credit. 2. Sed quid puer iste Simeoni præstaret? Fortasse propter ipsum non natus est? Imò verò. Paratus est omnibus populis. De quo Esa. 49. v. 6. Ideoque etiam Simeoni natus, & Simeonem quoque saluabit. 3. At quomodo saluare poterit puer senem Simeonem? Lumen est ad reuelationem gentium. Illuminat cæcas mentes Spiritu sancto atq; verbo suo, & in corde piorum hic sol iusticiæ lucet, ut Deum agnoscant, credant in eum, & per fidem salutem consequantur æternam. 4. Mirum tamen quod hic senex tantoperè gloriatur in hoc puero? Imò vero id ipsum rectè fit. Nam Christus paratus est in gloriâ plebis suæ Israel. Non tantum in ipso gloriari possunt, quod ex illis secundum carnem Saluator natus est, sed magis quod sublato probro peccati & æterna confusione. Dan. 9. vers. 7. Christus veram gloriam ipsis restituit.

L. Videmus hinc quid sit illud, quod Simeonem facit

cit promptum & paratum ad moriendum. Et id ipsum etiam nos in morte consolari poterit.

Tria autem sunt quæ mortem faciunt acerbiores. Et his sublatis illa erit iucundissima Christianis.

I. In morte angunt nos peccata. Stipendium enim peccati mors. Rom. 6. Illa diuidunt Deum & nos. Esa. 59. At Christus est SALUTARE nostrum. Is omnia peccata post tergum proiecit, Esa. 38. vers. 17. In profundum maris, Mich. vltim. vers. 19. Quis igitur accusabit? Rom. 8. vers. 34. Sed nos non videmus Christum sicut Simeon, non in vlnas accipere possumus? Imò verò beati, qui non vident, & tamen credunt, Ioan. 20. Vlnis cordium excipimus ipsum. Et ne tentationes illæ oriantur in cordibus nostris, Christum esse Simeonis quidem Saluatorem, sed non omnium etiam aliorum: ideoque manifestè dicitur, paratum illum ante faciem omnium populorum. Est enim propitiatio pro totius mundi peccatis, 1. Ioan. 2. Hoc vnusquisque etiam sibi applicet, cum Paulo dicente, Christus dilexit me, & tradidit semetipsum pro me, Galat. 2. vers. 20. Hiob. 19. Scio, quod meus redemptor viuit. Ergo nihil iuris in nos exercebit peccatum.

II. In morte etiam angunt tenebræ illæ, de quibus Psal. 23. vers. 4. Et Luc. 1. v. 79. Vbi iter periculosum & dubium. At Christus lumen & illuminatio nostra, qui ostendit viam quæ ducit ad vitam. De hac illuminatione Psal. 27. v. 1. Ioan. 1. v. 9. Ephes. 5. v. 14.

III. Terret etiam morituros ignominia illa, de qua 1. Cor. 15. seminatur in ignominia, ignominiosum quidem est, vermibus escam fieri, & putrescere corpus humanum, &c. At Christus gloria plebis suæ sepulchrum etiam sanctificauit, vt cubile sit piè defuncto, Esa. 26. &

56. in quo tantisper quiescat, donec resurgat in gloria, quod seminatum est, in ignominia, 1. Cor. 15.

F I N I S.

K 3

II. SE-

II. SEQUUNTUR IN HAC
CLASSE PAUCULA QUÆDAM EXEM-
pla mortis & sepulturæ matronarum piarum, & senio
confectarum, quæ themata in funeribus eius-
modi non inconuenientia suppeditare possunt.

THEMA XVII. CLASSIS II.

Ex Genes. 23. v. 1.

De morte & sepultura Saræ, coniugis Abrahami, &c.

DISPOSITIO.

Sæpius nobis scriptura commendauit Saram, non tantum ab eximia corporis venustate, Gen. 12. (quam etiam in senectute non amisisse asserunt Iudæi) sed etiam à pietate & reuerentia erga suum maritum Abrahamum, 1. Petri 3. v. 6. Atq; magna fuit vicissim Abrahami erga coniugem dilectio. Mors autem nec Abrahamo nec Saræ parci-
cit: sed coniunctissimos soluit, & multo mœrore bonum Abrahamum afficit, cui (vt præsens lugubris historia docet) dimidiam corporis partem abripit.

Possunt autem tres partes historiæ tractari.

1. Obitus Saræ.
2. Luctus Abrahami.
3. Sepultura siue curatio funeris.

I. Pars.

Non sine causa Spiritus sanctus omnes circumstantias circa mortem Saræ considerandas accuratissimè descripsit. Et 1. quidem mentio fit ætatis Saræ. Moritur anno ætatis 127. & sic admodum senex. Propter insignem pietatem enim, & vt Abrahamus fideli adiutorio non priuetur, Deus illam ad longam senectutem viuere permisit.

2. Mortua autem est in terra Canaan: quæ promissa erat

erat filio Saræ, Isaaco & posteris. Gen. 17. v. 19. in qua tamen ipsa cum hero suo peregrinabatur.

3. Mortua autem legitur in Metropoli terræ Canaan, quæ primum Kiriath Arba, post verò Hebron dicta fuit. Abrahamus enim sedem denuò mutare coactus fuerat, nec sine molestia, cum ante habitasset in Gerar.

4. Moritur autem absente marito, quod illi haud dubiè fuit graue. Textus enim habet, Abrahamum superuenisse cum mortua esset. Non enim putabat Abrahamus peregrè absens, vxorem charissimam mox extremum diem clausuram.

L. Sed quorsum hæc de Sara tam accuratè annotata leguntur? Certè plurimarum matronarum mors in scriptura præteritur. De morte Euæ, imò etiã ipsius Saluatoris Matris Marię non verbū quidem vllum facit scriptura. Sara autem admodum pretiosa fuit in oculis Domini, vt etiã filius Dei illi apparuerit in forma viatoris, Gen. 18. A Petro tanquam exemplar omnium sanctarum matronarum proponitur, & mater omnium fidelium vocatur, 1. Pet. 3. v. 6. Tamen legitur hîc fuisse mortua, sepulta, corpus illius corrosum à vermibus foetet, & tandē planè consumitur. Hæc omnia nobis hanc præbēt consolationem, quod cum etiã sanctissimos & Deo charissimos homines videamus mori quidem, at eosdem non interire, sed cum Deo viuere credamus, nihil dubitemus, quin etiam idem de nobis sit futurum. Mors à Christo nos non separabit, Rom. 8. Est quidem mors peccati stipendium, Rom. 6. At Christus aculeum mortis sustulit, 1. Cor. 15. Ideo Sara quidem moritur, sed viuit tamen cum Deo.

Idem de omnibus piis matronis futurum, nemo potest dubitare. Alacri ergo animo subeant mortem. Non cogitent se meliores esse Sara.

Exemplum autem Saræ imitentur omnes piæ matronæ, vt vtriusq; fortunæ fidæ sint maritis comites, omnem calamitatem patienter ferant, castitatem tueantur, fidem & spem retineant, atque tandem animam Domino

commendent. Sic etiam in resurrectione mortuorum cum Sara exultabunt,

II. Pars.

Abrahamus audiens Saram diem suum obiisse, domū properat, & magna super hoc vxoris obitu afficitur tristitia. Luget enim atque deflet suam Saram. Agnoscit se fidele adiutorium, vitæ sociam, dimidium sui amisisse. Dolet quod non potuerit consolari morituram, non oculos defunctę claudere. Dolet propter mortis sæuitiam, quæ propter peccatum in omnes exercet imperium.

Et serio ipsum fleuisse super hoc tam tristi obitu charissimæ coniugis nemini dubium esse potest. At ita tamen moderatur luctum, vt non insurgat aduersus Deum. Dicitur enim surrexisse à funere. Cogitat 1. à Domino ipsam euocatam, 2. non interiisse sed resurrecturam, 3. & se illam recepturum in nouissimo die.

Locvs Lugendi defuncti, amici, coniuges inprimis, cum duo sint vna caro. Christiani enim non sunt Stoici, aut ferrei vel saxei, sed natura illis *supplu* naturalem induit: & charitas iubet vt alter alterius malis afficiatur. 1. Cor. 13.

Lugent Mosen, Samuelem, &c. omnes Israelitæ. Sæpè publicus indicebatur luctus. Ipse Christus flet ad sepulchrum Lazari Ioan. 11.

Peccant autem coniuges in vtramque partem. Alij super obitu alterius coniugis lætantur, & id vnice optant, vt alteram mors abripiat. Si tamen non grauiora illi imprecantur. Bestiis hi sunt deteriores.

Alij non seruant in luctu modum, sed aduersus Deum murmurant, & consolationem non admittunt. Neque hoc placet Deo Syr. 38. v. 21. Non vt gentes quæ spem non habent. 1. Thess. 4. v. 13. Vide quid Deus præcipiat Prophetæ Ezech. 24. v. 15. Imitandus hac in parte Abrahamus. Explica hoc latius. Argumenta enim supra paucis annotata sunt.

III. Pars.

III. Pars.

Potest etiam tractari tertia Pars de sepultura. Abrahamus honestè vult charissimam Saram sepelire. Ideoque cum non haberet proprium fundum in hac terra, rogat filios Heth pro sepultura. Et impetrata spelunca duplici Ephron pro 400, siclis argenti, ibi sepelit Saram. Voluit in hac terra sepulchretum proprium pro se & suis parare Abraham, ut testetur, se de promissione diuina (qua posteris hæc terra promissa erat) prorsus nihil dubitare.

Locvs. Curatio funeris & sepulture, olim etiam à piis Patriarchis & Regibus aliisq; piis non negligebatur. Patet id Gen. 25. 35. 50. Iud. 2. & 8. 2. Chron. 16. Ioan. 11. Luc. 7. v. 11. Idem & nos obseruemus: 1. propter certam spem resurrectionis. 2. & ut amorē testemur erga defunctos, &c.

Hæc autem viuorum sunt solatia, non mortuorū subsidia, ut ait Augustinus. Vide lib. de cura mort. cap. 2. Et de Ciuit. Dei lib. 1. cap. 12. Ideò quibus hoc à Deo negatur, iis non propterea salus etiam denegatur: dummodo anima Deo commendetur. De cæteris aliàs.

F I N I S.

T H E M A XVIII. C L A S S I S II.

Numer. 20.

De morte & sepultura Miriam.

D I S P O S I T I O.

Scriptura sacra sæpius non Moyses tantum & Aaronis facit mentionem, sed etiam sororis, quæ haud raro cum ipsis coniungitur, cuius nomen erat Miriam, Num. 26. v. 59. & 1. Par. 6. Creditur hæc fuisse illa virgo, cuius Exod. 24. meminit Moyses, quòd cum ipse infans aquæ expositus fuisset, illa vocauerit matrem, quæ ipsum lactaret. Aliam enim sororem habuisse non legitur. Sic itaque ipsa Miriam grandior natu erat Mose aliquot annis. Adiungitur etiam fratribus, Mich. 6. v. 4.

At sicut Moyses & Aaron in deserto moriuntur, antequam ingrediantur terram Canaan, ita quoque soror ipsorum Miriam eodem deserto moritur, & ipsius atque fratris Aaronis mors vno eodemque capite describuntur. Atque initio quidem capitis Miriam, in fine verò Aaron obisse legitur.

Nos itaque 1. mortem huius Prophetissæ. 2. & sepulturam quoque illius considerabimus.

I. Pars.

Primum legitur Miriam diem suum obisse in deserto Zin, quæ erat 32. mansio populi Israelitici. Istud desertum etiam vocabatur Cades, quia pertingebat usque ad Civitatem Cades, unde nomen accepisse putatur. Porro sicut locus ita & tempus mortis Miriam annotatur. Etenim mense primo, anni scil. quadragesimi ab exitu in Ægypto, dicitur mortua. Eodem enim anno Aaron frater mortuus legitur mense quinto. Et historia mortis illius in idem caput incidit, quo etiam Miriam legitur mortua. Atque sic quatuor mensibus ante fratrem mortua est Miriam. Eadem igitur est fortuna sororis quæ fratrum, ut nec ipsa ingredi debuerit in terram Canaan. Licet enim non legatur diffidentia sua ad aquas contradictionis peccasse, tamen alias suo etiam murmure aduersus fratrem offendit Deum. Num. 12. Fuit alioquin Miriam celebris apud Israelitas, non tantum propter fratres, viros excellentissimos, Moysen Ducem, & Aaronem Sacerdotem, sed ipsa quoque erat Prophetissa, sicut vocatur Exod. 15. v. 20. Hoc dono Prophetiæ singulariter à Deo ornata fuisse constat. Moritur autem, quia peccatrix & filia Heuæ.

Locvs I. Voluit non tantum in hac muliere, sed & in aliis quibusdam, ut Debora, Hanna, &c. quarum scriptura honorificam facit mentionem, Dominus significare, etiam sexum muliebre sibi esse gratum & acceptum, & se non viris tantum, sed & mulieribus singularia & miraculosa sua dona conferre posse.

Con-

Consolationem hæc præbent mulieribus piis, quæ sæpè anguntur animo, quando cogitant, non tantùm à muliere initium peccati, sed & totum sexum grauissimis infirmitatibus, atque etiam viri potestati subiectum esse propter peccatum. Hinc colligere volunt, Deum magis infensum sexui fœminino quam masculino. Dubitant interdum an salutis etiam æternæ participes sint futuræ. At multis documentis testatum fecit Dominus, se propter filium ex muliere natum etiam sexum fœmininũ sibi reconciliaſſe, abolitis illarum etiam peccatis & in profundum maris demerſis. Et in Christo nec mas nec fœmina, Gal. 4. v. 28. Ideoq; Petrus cõsortes gratiæ vocat. 1. Pet. 3.

Nemo itaque illas despiciat: nemo salutem illis negare tentet, si maximè mortales atque infirmas esse constet. Cum Christus non tantùm ex muliere natus, sed & primò omnium à mortuis resuscitatus mulieri apparuerit, magna in mulieribus miracula fecerit, mulieribus multum conuersatus, fidem illarum præ cæteris sæpè commendat, vt patet.

L. II. Posset etiam tractari locus, mortem nemini parcere, nec viris nec mulieribus. Et eandem esse vtriusq; sexus fortunam. Tam Aaron & Moses quàm Miriam morti subiacent, & hæc non minus illis. Omnes enim ex æquo peccatores sunt. Ideoque non est, quod altera pars de nescio quib. priuilegiis gloriatur. Nil hac in parte viris prodest imperium: nil mulieres iuuat infirmitas. Communis fors omnium.

L. III. Sed & hoc posset addi: Annorum etiam multitudinem aduersus mortem nec quicquã valere. Hinc Miriam etiam centenaria maior obiit. Est enim maior nata Mose, qui anno ætatis 120. moritur, nec longe post Miriam tempore. Verum autem manet id Syr. 41. in fine.

II. Pars.

Miriam terra est & in terram reuerti debet. Mox itaque sepelitur & terræ mandatur. At non aromatibus condi-

tur

tur corpus, & asseruatur honoratiori loco, vt in Canaan sepeliatur: Non ossa illius deportantur extra desertum in Ciuitatem aliquam, sicut Iosephi ossa ex Ægypto deportata sunt in Canaan. Non in Cades sepelitur, Ciuitate illa in finibus deserti, sed paucis historia rem omnem expedit, & sepulta est in eodem loco, scilicet in ipso deserto Zin vel Cades. Non magna pompa exequiarum describitur, nec locus peculiaris deligitur. Quia Domini est terra.

L. Videntur quidem hæc parum habere momenti ad doctrinam vel consolationem. At nō sine causa scriptum extat, quod tam insignis Prophetissa sine omni pompa in horrido & inhabitato deserto Zin sepulta sit.

Docet enim scriptura, si maximè accidat interdum, vt homo Christianus & pius non possit sepeliri in loco aliquo honesto, nihil tamen referre, quocunque loco sepeliatur. Et sanè hoc desertum Arabiæ, per quod Israelitæ ex Ægypto in Canaan profecti sunt, fuit Aaronis summi Pontificis, & Miriam Prophetissæ, & excellentissimorum Principum Israel cœmeterium. Et multi sanctissimi martyres honore sepulturæ caruerunt. Augustinus dicit, Nihil hoc obfatare, quo minus corpora resurgant. Et addit, Multorum corpora Christianorum terra non texit, sed nullum eorum quisquam à cœlo & à terra separauit, quam totam implet præsentia sui, qui nouit, vnde resuscitet, quod creauit. Lib. i. de Ciuit. Dei cap. 12. Addit, sicut nihil impio profuerit sepultura honesta, ita non oberit vilis & nulla. Imo & Poëtæ dixerūt, cœlo tegitur qui non habet urnam. Lucanus. Et Virgil. Nec tumulum curo, sepelitur natura relictos. Magis itaq; nos Christiani, scientes, terram & omnem plenitudinem illius esse Domini, Psal. 24. non magnopere de sepultura sumus solliciti.

F I N I S.

T H E M A X I X. C L A S S I S I I.

Ex libro Iudith. cap. 16. à vers. 25. ad 30.

De morte & sepultura Iudith, &c.

D I S-

D I S P O S I T I O.

Duo in sacris leguntur exempla fortitudinis mulierū, quæ diuina accensæ virtute magnos belli Duces & populi Israelitici hostes oppresserunt. Quarum altera est Iael, vxor Heber Kenitæ, quæ Sisseram Ducem Regis Cananæi Iabin occidit, Iudic. 4. Altera verò vidua est Iudith, quæ Holofernem Ducem militiæ Regis Assyriorum trucidauit. Huius vitam & res gestas peculiari libro descripta habemus. Præsenti autem loco prælecto (qui in fine illius libri extat) describitur, 1. Quomodo Iudith post superatum Tyrannum Holofernem, & oppressum exercitum Assyriacum, reliquum vitæ tempus transegerit, & tandem etiam diem suum obierit. 2. Deinde etiam de honorifica illius sepultura & luctu populi nonnulla annotantur. Hæc duo nobis erunt tractanda, & quid singula nos monere debeant, considerandum.

I. Pars.

Erat Iudith ex familia Sealthielis, coniunx olim Manassis cuiusdam, viri honorati & prædiuitis, iam vidua, elegantis formæ, diues & piissima: quæ audiens Ciuitatem Bethuliam tradendam in manus Assyriorum, dissuasit hoc Principi Ciuitatis, & Deo potius confidendum, atque de liberatione benè sperandum ostendit.

Ipsa verò diuinitus accensæ virtute, ad castra Assyriorum transiit, & pio excogitato dolo Ducem Holofernem circumuenit, eumq; in lecto trucidauit, caput illius Bethuliam apportauit, sicq; populum omni metu liberauit. Occiso enim Duce & amisso capite, reliquus exercitus Assyriorū dilapsus, ab Israelitis fusus, fugatus & prostratus est. Pro hac victoria planè diuina, per solutis in templo Hierosolymitano sacris pro more, Deo gratias egerant.

Inde Iudith Bethuliam reuerfa, in magno honore & pretio fuit habita apud suos. Nec immerito. Ibi que quod reliquum erat vitæ, piè transegit.

1. Dicitur autem mansisse vidua vsque ad mortem.

Quam-

Quamuis enim alii marito nubere potuisset, maluit tamen istis difficilissimis temporibus vivere in viduitate.

2. Mansit autem in ædibus mariti sui; in quibus hætenus vixerat. Quibus verbis non tantum ostenditur, quod ibi habitauerit in ædibus pristinis, & ad tantos honores euecta non quæsierit ampla palatia: Sed quod etiam *οικος* fuerit, & domi suæ sese continuerit, non vaga, garrula, &c. fuerit.

3. Quia verò à marito non tantum domum & habitationis locum acceperat, sed insuper ipsius bona hætenus possederat, noluit illius cognatos & propinquos defraudare, & hereditatem ad alios deriuare, sed viuens adhuc bona mariti & sua quoq; distribuit inter hæredes mariti sui olim dilectissimi. Grato sc. animo agnoscens, quod ex bonis optimi mariti fuerit sustentata & locupletata.

4. Sed & erga famulam erat benefica. Eam enim ancillam, Abram nomine, quam fidam fuerat in præsentissimo periculo comitem (cum scilic. ad castra Assyriorum exiisset, oppressura Holofernem) experta, manumisit. Erat enim tum dura famularum conditio, cum perpetua fuerint mancipia.

Maximi igitur beneficij loco erat illa manumissio & libertas.

5. Tandem piè & placidè in Domino moritur, multis annis confecta & grandæua. Annos enim vixit centum & quinque.

Locvs I. Cum videamus Deum etiam sexui foemino suum habere honorè, & magna quoq; in hunc sexum conferre dona, discimus, non contemnendum esse eundem. Sunt qui malè de hoc sexu loquantur & sentiant. Diuersum Petrus præcipit, cū cohæredes gratiæ sint, 1. Pet. 3.

Inde verò non sumât mulieres occasionem superbienti & imperandi maritis, quod Paulus vetat, 1. Corinth. 11. 1. Tim. 2. Sed solentur sese his exemplis, quod sentiant, se non esse abiectas à Domino: ita tamen si piæ, si humiles, si fideles cum Iuditha fuerint.

L. II. Quamuis non peccent nec Deum offendant viduæ, si ad secundas nuptias transeant, quod exemplo Abigailis, Ruth, &c. comprobatur: tamen, quæ dono castitatis ornatae sunt, non malè suis rebus consulunt, si in viduitate permaneant, & sese totas Deo addicant. Præsertim vbi difficilia sunt tempora: vel si liberos habent, quibus hac ratione melius prospectum sciant, aut si vetulae sint, & sciant se plus fastidij quàm voluptatis allaturas viris. Exempla, Naëmi, Hanna, Luc. 2. Quid viduas deceat, videtur I. Tim. 5. v. 5. Tit. 2.

De cæteris verò, iunioribus inprimis, alia est ratio. Vide I. Tim. 5. v. 14. Eadem ratio illarum, quæ sunt pauperes, & alimentis viri indigent, & propterea ad secunda vota transeunt. Exemplo est Ruth paupercula, Ruth. 2. v. 3. Illæ non contemnendæ nec affligendæ. Deus enim illatas iniurias vlciscitur, Psal. 68. v. 6. Syr. 35. v. 18.

L. III. Decet viduas, præsertim ditiores, liberalitas: ut beneficiant pauperibus, & præsertim domesticis fidei vel famulis, & his, quorum fideli opera vti sunt.

Sunt alioquin pleræq; tenaces & auaræ, præsertim vetulae. Diuersum legitur fecisse Iudith erga Abram ancillam, & amicos viri. Commendat Christus viduæ Eleemosynam, Luc. 21.

L. IV. Rectè fit à Bethuliensibus, quod Iudith non tantum iuenculam, sed etiam centenariam in honore & pretio habent. Multi ex nostris putant, vetulas, si maximè piæ sint, tamen mox vbi veterascere inceperint, incendio perimendas, & vix ferendas inter mortales esse, cum tantum aliis sint molestæ, &c. Magnum hoc peccatum & crudele. Cum vel propter pias preces, quas pro communi salute ad Deum fundunt, deberent esse gratissimæ omnibus.

II. Pars.

Iudith piam matronam non tantum honorificè tractant Bethulienses dum viuit, sed & mortuam sepeliunt iuxta

iuxta maritum Manassem satis honorificè: & lugent ipsam septem diebus, quibus publicus luctus indictus erat, pro more gentis.

L. I. Honestè sepeliendos mortuos, præsertim de còmmuni patria benè meritos, docent exempla veteris & noui Testamenti. De hoc loco suprà sapius.

L. II. Defunctos pios & bonos, & qui vel Ecclesiæ vel Reipublicæ commoda promouere potuerunt, meritò post mortem luget omnis populus. Testantur exempla de Mose, Aarone, Samuele, Iosia, suprà in classe prima pertractata. Videatur ibi.

Rogandus autem Dominus, vt semper in locum defunctorum alios substituatur, qui seruiant vel Ecclesiæ, vel Reipublicæ. Ne fiat id, quod minatur Dominus Esa. 3. ab initio.

F I N I S.

T H E M A XX. C L A S S I S II.

Luc. 2. à vers. 36. ad 39.

De Hanna Prophetissa.

D I S P O S I T I O.

Hoc Thema funeribus piarum viduarum senio confectarum accommodari debet.

Historia, quam ex Luca prælegimus, tractat Encomion viduæ cuiusdam grandæuæ, & matronæ honestissimæ, Hannæ videlicet Prophetissæ. Cum itaq; hac vice ad deducendum funus honestissimæ defunctæ viduæ conuenimus, operæ pretium erit, præsentem Historiam, de Hanna vidua tractantem, audire, vt nos, qui sumus superstites, inde reddamur doctiores. Nec pudeat nos discere ex fœmina, vetula, &c. cum ipsa etiam viuens multos pios redemptionem Israelis expectantes de Christo puero erudierit, & Prophetiæ dono clara, suo exemplo adhuc informare possit omnes Christianos. Videamus autem, quas nobis in Hanna virtutes Euangelista noster descripserit,

pferit, vt deinde quomodo illas imitari debeamus, tantò accuratius possimus percipere.

I. Pars.

Hierosolymis viuit Hanna, filia cuiusdam Phanuelis, de tribu Aser. Illam mirificè commēdat Spiritus sanctus.

I. Fuit Prophetissa. Ornata à Deo Spiritu prophetico, quæ sacràs literas intelligere & explicare poterat aliis. Habuit illa cognitionem scriptorum prophetarum, & potuit ex collatione præsentium temporum intelligere, certò adesse Messiam. Nec dubium, quin etiam singulàrìter fuerit à Deo illuminata.

II. In tribus statibus optimè se gessit. Virgo est pia & pudica, & venit virgo in thorum mariti. Coniux facta viuit cum marito annis septem. Post mortem mariti in viduitate hætenus permanfit annis 84. qui si coniungantur cum 7. prioribus, faciunt annos 91. His addantur anni virginitatis (vel 18. vel 20.) & consequitur illam vltra annos 100. vixisse. Et hoc illius pietatis fuit præmium, vitæ scil. longæuitas.

III. Nunquam discedebat à templo. Assiduitas illius & continua pietatis exercitia intelliguntur. Fortasse fuit ex illis mulieribus, quæ congregatæ leguntur semper administrasse ad ostium tabernaculi, 1. Sam. 2.

IV. Precationibus instat apud Deum omni tempore Hanna. Et vt preces sint ardentiores, ieiunia frequenter obseruat, non quidem supersticiosa, sed mediocrem curam corporis habet, & temperanter atque ita viuit, vt ad præcandum & orandum semper possit esse apta.

V. Deum glorificat, quod misso filio in carnem, iam salutem dederit toti mundo.

VI. Ipsa spiritu sancto illuminata, non tantum in Christum, licet puerum adhuc, credit, sed cupit etiam alios Deo lucrifacere, & ad eandem fidem inuitare. Ideoq; de Christo concionatur omnibus, qui redemptionem expectabant Hierosolymis.

II. Pars.

Ex his quæ diximus apparet, quæ virtutes non tantum pias matronas, vel viduas deceant: Sed quæ ab omnibus Christianis requirantur.

I. Quilibet Christianus debet esse Propheta. Non quod necesse sit, ipsum vaticinari de futuris, & publico docendi munere fungi in Ecclesia; sed hoc modo, vt legat vel audiat scripturam sacram, & cognitionem Dei ad salutem necessariam inde hauriat: & (si non publicè) tamen domi priuatim doceat & erudiat liberos. Sicut olim in Oeconomia Patriarcharum factum est. Hoc est mandatum Domini. Acue filiis. Deut. 6. Et Pauli Ephes. 6. Educetis per eruditionem Domini.

II. Deinde in omni vitæ genere, sicuti à Domino vocatus fuerit, hoc est, vel in cœlibatu, aut matrimonio, & viduitate, ita viuat, vt Dei benedictionem, & longævitatē expectare possit. In omni enim statu potest Deo placere, si faciat officium, piè & castè viuat, Deum timeat, &c. Vide insigne illud dictum Petri, Act. 10. v. 34. Exempla in omni vitæ genere imitanda scriptura proponit. Virginibus & Iuuenibus in cœlibatu, Rebeccam, Mariam, Iosephum, Daniele & socios. Viris, Abrahamum, Isaacum, Iobum. Viduis, Hannā, Iudith, Abrahamū &c.

III. Beatus cuius voluntas in lege Domini, & qui meditabitur in ea die & nocte. Psal. 1. Est enim verbum Domini, quod potest saluare animas nostras. Iac. 1. Potentia ad Salutem. Rom. 1. Et sic saluare placuit Deo. 1. Cor. 1. v. 21. Ideoq; scrutamini. Ioan. 5. Exemplo Berrhoensiu. Act. 17. Et beati qui audiunt & custodiunt. Luc. 11. v. 28. Hoc enim est, nunquam discedere à templo, si extra templum, in templo sis piis meditationibus verbi diuini.

IV. Instandum orationi. Rom. 12. Indefinenter orate. 1. Thes. 5. Multum enim potest oratio pii, si seria sit. Iac. 5. v. 16. Exempla efficacix precum extant. Iac. 5. v. 18. 1. Sam. 1. v. 17. Et Genes. 25. v. 21. Hoc enim promisit Deus Psal. 50. & 91. Ioan. 16. Vt autem preces sint ardentiores,

tem-

temperantia perpetua requiritur, quæ est verum Deo quæ placens ieiunium. Ideo quæ cum oratione sæpe coniungitur vigilare, & sobrietati studere. Vide 1. Pet. 5. v. 8. & 1. Petri 4. v. 8. & Matth. 26. Marc. 13. & 14. Luc. 21. Coloss. 4. v. 4.

V. In omnibus gratias agite, inquit Paulus.

Offerendæ Deo grates, Psalm. 50. Hoc est sacrificium labiorum. Hebr. 13. v. 15. Cultus gratissimus. Psalm. 116. v. 12. Et Psalm. 96. v. 32.

VI. Et tandem, qui agnouit & gustauit quàm bonus Dominus, is etiam studeat alios Deo lucrificare. Etenim si quis conuerterit errantem peccatorem ab errore viæ suæ, saluam faciet animam à morte, &c. Iac. 5. in fine.

Possent quoque tractari loci speciales, sequentes videlicet:

1. Etiam mulieres Deo placere, & propterea singulis etiam donis ornari. De hoc in duorum præcedentium Thematum Dispositionibus nonnihil habetur.

2. Licet ordinariè mulieres in Ecclesia tacere velint Paulus, 1. Cor. 14. 1. Tim. 2. tamen videmus singularia Spiritus sancti dona in mulieribus, quæ in casu necessitatis sæpè loco virorum fecerunt officium. Hinc non ineptè colligitur, in casu necessitatis etiam licere illis administrare Baptismum, exemplo Ziporæ, Exod. 4. Et mulieris istius, 1. Macchab. 1. quæ in veteri Testamento circumfisionis sacramentum administrarunt.

T H E M A X X I. C L A S S I S I I.

Ex Act. 9. à vers. 36. ad vers. 43.

*Historia de morte & resurrectione Tabithæ Ioppen-
sis.*

D I S P O S I T I O.

Capream animal timidum, fugax atq; infirmum esse, præter scriptorum testimonia, etiam experientia ipsa docet. At præsens historia etiam refert nobis infirmitatem, mortem & fugacitatem Tabithæ cuiusdam Ioppen-
sis.

quæ à Græcis Dorcas, hoc est, Caprea vocabatur. Illa enim Ioppæ à morbo superata diem suum obiisse legitur. Singulari tamen & planè diuino miraculo resuscitatur à Petro: inde multi Ioppenses ad fidem Christianam conuersi sunt. Vt autem rem omnem rectius intelligamus, Quatuor hoc loco personæ considerandæ erunt.

1. Tabitha defuncta, cuius insignis pietas commendatur.
2. Tabithæ condiscipuli, vocantes Petrum.
3. Petrus Apostolus excitans à morte Tabitham.
4. Ioppenses conuersi.

I. Tabitha.

Ioppe vrbs erat Palestinæ maritima, quinque miliaribus germanicis distans à Hierosolyma. Ibi degit mulier quædam Tabitha nomine, quæ multis nominibus commendatur.

1. Vocatur Discipula. Illa enim Euangelion de Christo didicit ab Apostolis & eorum Discipulis. Ideoque etiam vocatur Discipula, quo nomine vocabantur omnes Christiani, antequam cognominarètur Christiani: quod paulò post hanc historiam Antiochiæ factum legitur, Actor. II. v. 26.

2. Dicitur plena fuisse bonis operibus. Hinc colligitur, quod habuerit veram fidem. Etenim illa nunquam est otiosa, sed ostenditur ex operibus, quod Iacobus requirit, Iac. 2. v. 18. Sicut enim arbor bona fert fructus bonos, ita etiam viuua fides nunquam caret bonis operibus.

3. Additur, Plena Eleemosynis. Hæc enim est natura veræ fidei, vt operetur per charitatem, Gal. 5. & hûc pertinet id, quod infra dicitur, monstratas fuisse Petro tunicas & vestes, quas Tabitha pro pauperibus conficere solebat. Est enim inter opera charitatis hoc etiam genus Eleemosynæ, vestire nudum, Esa. 58. Matth. 25.

At his non obstantib. Dorcas nostra graui morbo corripitur ex illo morbo. Hinc & pauperes & condiscipuli illius magna afficiuntur tristitia.

Locvs I. Moriuntur etiam piiſſimi, & bonis operibus pleni homines. Quia etiam pii ſunt peccatores. Ideoque mors pertranſit in omnes, Rom. 5. v. 12. Hinc multi ſecum cogitant, Perinde eſſe ſi maximè non ſtudeant bonis operib. Mortem enim nemini parcere. Dicunt, *Quare non à morbo præſeruauit piam Tabitham? aut tamen liberauit, vt non moreretur?*

At voluit Deus maius illi beneficium præſtare reſuſcitando mortuam. Sed, inquis, hoc ſingulare fuit in Tabitha? Iam verò pii etiam non excitantur?

Reſp. Habet Deus ſuas cauſas, ſed hæc regula vbiq; notanda, Diligentibus Deum omnia in bonum cooperari, Rom. 8. Ideoq; etiam mors non ſeparat, Ibid. v. 38. At propterea ſinit mori, vt viuant. Hæc enim vita potius mors eſt dicenda. Igitur per mortem ingrediuntur ad vitam, Ioan. 5. v. 24. perueniunt ad quietem, Eſa. 56. in fine. Apoc. 14. v. 13. & liberantur ab omni malo, 2. Tim. 4. v. 18. Imò verò nō moriuntur, ſed obdormiſcunt, & excitabuntur ad ſonitum tubæ Angelicæ, Ioan. 11. v. 11. & 1. Theſſal. 4. non ad mortalem, ſed ad æternam vitam.

L. II. Fidem ſi viuā & vera ſit, bonis operibus eſſe declarandam, patet non tantum ex præſenti, ſed etiam aliis locis, Iacob. 2. v. 18. & Luc. 16. v. 9.

Et opera charitatis commendantur nobis, Eſaiæ 58. Matth. 10. v. 42. & 25. v. 35. Hinc palam fiet nos eſſe veros Diſcipulos Chriſti, cum Tabitha.

II. Diſcipuli.

Mortuam Tabitham lauarunt illius condiscipuli pro more gentis, vt baſamo poſtmodum vngeretur, atque in cœnaculo poſuerunt, ſuo tempore ſepeliendam.

At cum in vicina ciuitate Lydda Petrum adhuc hæreſe percepſſent, (vbi Æneam claudum paulò antè ſanauerat) mittunt ex ſuis ad Petrum, & vehementer orant, vt ad ipſos veniat: nihil dubitantes, quin ipſam ſit excitaturus. Ideoq; etiam ſepulturam differunt.

Et quàm primum aduenit, mox adductum in cœnaculum non destiterunt omnes, qui ibi erant fideles viduæ multis cum lachrymis rogare, vt excitaret defunctam. Atque vt magis moueatur Apostolus, ostendunt ipsi tunicas à Tabitha in vsum pauperum confectas: innuentes scilicet malè cum pauperibus agi, si non vitæ restituatur.

L. Rectè Prou. 10. Memoria iusti in benedictione esse dicitur. Facit enim pietas Tabithæ, vt omnes sollicitè hoc agant, quo reuiuiscat. Vide quomodo eiulent, quomodo mittant nuntios ad Petrum, quomodo nihil intentatum relinquant, vt excitetur à mortuis.

Quicumq; ergò post se vult relinquere desiderium bonorum, & bonum nomen, studeat pietati. Inprimis autem benefaciat pauperibus, & commendabunt Eleemosynæ etiam mortuum, sicut hæ vestes Tabitham.

Contra verò impii & illiberales atq; duri in pauperes, vbi moriuntur, mox ex omnium animis exciderunt. Nemo illos voluerit excitare, si maximè posset. Imò illos perditos optant plurimi: & vt sepeliantur, non vt excitentur curant. Et mox deleta est memoria illorum, Eccl. 6.

III. Petrus.

Petrus vocatus Ioppen impigrè aduenit, nec moras recitat. Cumq; intellexisset quidnam vnice desiderent Discipuli, cum viduis, statim illis paululum secedere iussis, in genua prouolutus ardèter orat, vt Deus spiritum defunctæ reddat corpori. Et cum nihil de exauditione Dei dubitaret, conuertit se ad defunctam, dicens, Tabitha, surge. Illa verò oculis apertis Petrum intuetur, atq; resedit. Petrus autem data illi manu erexit, atq; conuocatis sanctis & viduis, viam exhibuit illam. Cooperatur enim is, qui resurrexit, Marc. 16. v. 20.

Lo c v s. Insigne est hoc miraculum, nec minus cæteris, quorū historiæ extant, 1. Reg. 17. 2. Reg. 4. Marc. 5. Lucæ 7. Ioan. 11. Voluit Dominus sic confirmare nostram fidem, de resurrectione mortuorum. Si enim ad orationem

Petri

Petri hoc fit, quid fiet ad tubam archangeli, & ad aduentum filij Dei gloriosum? Deo enim nihil impossibile. Magnam hinc consolationem petere licet in afflictionibus, & in ipsa morte: quod nihil nobis contingat, per quod Deus non aliquid in nobis velit efficere gloriosum. Et sicut Petrus porrigit manum, & erigit, sic ubi nobis Deus omnipotentem manum porrexerit, eriget nos ex omnibus malis. Manus enim Domini omnia potest mutare, Ps. 77. v. 11.

IV. Ioppenses.

Innotuit hoc miraculum per totam Ioppen, & multi crediderunt in Dominum. Mansit enim Petrus ibi multis diebus, & prædicaui ipsi Evangelium de Christo. Et fuit ipsius doctrina hoc insigni miraculo comprobata.

Locvs. Hic præcipuus vsus fuit miraculorum tempore Christi & Apostolorum, de quo Ioan. 20. v. 31. Hæc scripta sunt, vt credatis. Ioan. 2. Et crediderunt in eum. Erat enim tum doctrina Euangelij planè noua, & inter gentes præsertim inaudita. Ideoque signa addidit Christus, Marc. 16. v. 17.

Nostro vero tempore, ubi doctrina Euangelij passim per totum orbem terrarum decantata est, non opus amplius est miraculis. Et quæ hodiè miracula nonnullis locis fieri dicuntur, partim nihil præter imposturas habent, partim sunt talia, de quibus Christus Matth. 24. vers. 24. & Paulus 2. Thess. 2. v. 9. prædixerunt fieri permittit Dominus, vt probet suos, iuxta id, Deut. 13. v. 3.

F I N I S.

III. THEMATA, QUÆ SEQUUNTUR IN HAC II. CLASSE, FVNERIBUS senu, vtriusque sexus, indifferenter accommodari possunt.

THEMA XXII. CLASSIS II.

Deuter. 4. v. 39. Manual. pag. 482.

D I S P O S I T I O.

Hæc verba pars sunt valedictionis illius (si ita dicere licet) Mosaicæ, in qua Moses, antequam moreretur, populo proposuit ingentia Dei hæcenus in ipsos collata beneficia: vicissim verò eidem exprobrat summam erga Deum ingratitudinem: & tandem obtestatur illos, ut resipiscant, nisi diuina gratia penitus excidere velint: simulque promittit vitæ longævitatē & omnem benedictionem seruantibus mandata Domini. Quia verò hæc non ad populum tantum Israëliticum, sed ad omnes pertinent, ideoque hæc verba paucula Mosis erunt tractanda.

Consistit autem argumentum præsentis textus in his duabus partibus. 1. Docet quam strictè præcepta Domini sint seruanda. 2. Ostendit qualenam ex obseruatione præceptorum Domini sperare possint præmium.

1. Pars.

Sic ait Moses, Custodi præcepta eius atque mandata, quæ ego hodie præcipio tibi. Hæc paulò accuratius pensanda erunt.

Primum enim non audire tantum iubet mandata Domini, sed ait, Custodi siue serua præcepta. Etenim non auditores sed factores legis iustificabuntur. Rom. 2. v. 13.

Deinde dicit, Quæ ego præcipio serua. Ostendens, licet non ex Dei ore audiueritis ista, sed ex me, tamen seruanda, quia non sunt mea, sed Dei præcepta. Ideo supra dixit, custodi præcepta eius, scilicet Domini Dei, qui in cælo est. De quo prius dixerat.

Tertiò dicit, custodi præcepta quæ ego præcipio tibi hodie. Non autem tantum intelligit præcepta, quæ illa ipsa die ipsis dederat, sed quæ hæcenus ex ore Dei ipsis dictauerat, quæque hoc tempore repetierat. Et in primis Decalogi præcepta intelligit, quæ mox sequuntur repetita ex cap. 20. Exodi.

Quod autem dicit [hodie] innuit, semper illis ob oculos posita, & in recenti apud ipsos memoria esse debere illa

illa Dei mandata, vt nunquam animo ipſorum excidant. Es ſoll ihnen ſo new ſeyn / alſi wann es erſt heut geſchehen. Hodiè cum audieris. Vide quid ſit hodiè Hebr.3.

Quartò, ne dicant illi, parum refert, ſi maximè non tam accuratè obſeruemus præcepta illa? Quis enim obſeruabit noſtras actiones? Ideò præſcivit ipſis hoc, grauiffima præmiſſa exhortatione. Scito & cogitato in corde tuo, quod Dominus ipſe eſt Deus, non tantùm in cœlo ſuſum, qui ignoret quid rerum agatur in terris, ſed propè eſt etiam hominibus, & Deus atq; Dominus eſt in terra deorſum, qui accuratiſſimè omnia dicta & facta obſeruat. Neque præter ipſum eſt alius, à quo poſſitis ſperare patrociniũ malarum actionum veſtrarum.

L o c u s. Hoc ipſum & nos non ſeire tantum, ſed & ſæpius in corde noſtro cogitare debemus, eſſe vnum Deum & Dominum, qui in cœlo & in terra dominetur, & vtroque præſentiſſimus adſit, atque aſpiciat omnia noſtra dicta & facta. Hoc multi ſciunt, ſed pauci cogitant in corde ſuo. Etenim inſipiens in corde ſuo dixit, Non eſt Deus, Pſalm. 14.

Adulter dicit, quis videt me? Tenebræ ſunt, &c. Syr. 23. v. 26. Iob. 24. Impii volunt latere coram Deo, quis videt vel nouit nos, Eſa. 29. v. 15.

Hinc oritur ſecuritas illa hominum maxima. At quanta hæc eſt peruerſitas, inquit Eſaias. Ibidem. An neſcis oculos Domini ſplendidioreſ ſole, Syr. 23. An qui fecit oculum non videat? Pſalm. 94.

Frequens huius rei cogitatio timorem Domini auget & ſecuritatem pellit.

Et hoc in primis firmiter tenendum, quod Deus ea, quæ in occulto ſunt, ſit producturus in lucem ſuo tempore, Matth. 10. Nihil occultum, quod non reueletur.

Imò etiam peccata incognita in conſpectu ipſius ſunt, & in illuminatione vultus eius, Pſal. 90. v. 8. Ideoque cautè agendum & circumſpectè, tanquam in die depositis operibus tenebrarum, Rom. 13.

Ne pudeamus cum Deus iudicabit occulta cordium.
Rom. 2.

Posses etiam tractari locus, Non satis esse audire mandata Dei, sed requiri etiam obedientiam. De hoc alibi.

II. Pars.

Quid verò ex obseruatione mandatorum Dei præmii loco sperare debeant, iam porrò ostenditur. Tria autem potissimum illis promittit. 1. vt benè sit tibi. *Es wird dir wohl gehn.* Etenim largissimam benedictionem promittit Dominus seruantibus mandata sua. Deu. 28. 2. Et filiis tuis. Pietatem parentum in filiis etiam remunerabitur. Est enim Deus benefaciens in mille generationes. Exod. 20. Deu. 5. 3. Et vita tua longæua sit in terra, quam daturus est tibi Dominus. Timor enim Domini vitam prolongat. Prou. 10.

Locvs. Vix quisquam est inter nos, qui non optet hæc tria. 1. Vt ipsi benè sit quoad viuunt. 2. Vtque diu illi detur viuere. 3. Et vt etiam post obitum filiis suis benè sit. Hæc enim ferè sunt, quæ vitam hominis in his terris faciunt beatiorē.

Et sanè Deus non inuidet homini hanc felicitatem, ita tamen, vt ipse faciat officium & seruet mandata ipsius. Qui timet Dominum, benedicetur & benè ipsi erit Psal. 128. v. 2. Qui cupit videre dies bonos, abstineat à malo. Psal. 34. 1. Pet. 3. Iusto benè erit. Esa. 3. v. 10. Qui timent me, benè erit eis & filiis ipsorum omni tempore. Iere. 32. vers. 39. Similiter scriptura longæuitatem promittit his qui custodiunt mandata Domini. Prou. 9. v. 10. & 10. v. 27. Dies autem impiorum abbreviabuntur. Ibid. & Psal. 56. & 58.

Et qui vult relinquere benedictionem filiis suis post se, studeat pietati. Nam generatio rectorum benedicetur. Psal. 112. v. 2. Non egebit semen iusti. Psalm. 37. v. 25.

Quod autem Deus interdum ab hac regula discedit, & permittit vt impiis quoque benè sit (de quo Psal. 73. & Ie-

Ierem. 12.) utq; transigant longam ætatem fœliciter, (Io. 21.v.13.) & liberos quoq; illorum cum lætitia exultare finit, (Ibidem) eius rei suas habet causas, de quibus non locis tantum citatis scriptura, sed etiam Rom. 2.v.4. Paulus nos docet. De his alias.

Interim cum piis non iniquè agit Dominus, cum salutem ipsorum æternam procurat, ut animæ illorum bene sit in perpetuum.

T H E M A XXIII. C L A S S I S II.

Psal. 102. vers. 25.

Dico, mi Deus, ne auoces me in medio dierum meorum.

D I S P O S I T I O.

Titulus huius Psalmi centesimi secundi ostendit, in hoc cantico contineri preces pauperis afflicti, cum anxius fuerit, & coram Domino effuderit preces suas. Est autem haud rarò inter alias anxietates afflicti cordis hæc quoque una, quod timet, ne ex hac vita citius abripiatur, quàm omnes suas actiones, quæ partim Deum, partim nos ipsos atque nostrates concernunt, absoluerit atque consummauerit.

Hanc etiam inter cæteras multas fuisse Prophetæ tentationem, ex prælectis verbis Psalmi manifestum est, quibus orat Deum, ne ex hac vita auocetur in medio cursu. Hæc verba in præsentia excutere placet, hoc modo, ut dicamus:

1. Vtrum liceat homini pro longæua vita orare.
2. Ob quas causas longior huius lucis vsura expectenda.
3. Quomodo iusta ætas hominis æstimanda sit.

I. Pars.

Cùm sortes nostræ in manu Domini consistere dixerit Psalmus 31. & ipse numerum dierum iam annotaue-

rit,

rit, Psalm. 139. terminumq; posuerit Deus, quem homo præterire non potest, Hiob 14. v. 5. videtur homo vel frustra pro longæuitate orare, vel etiam precibus suis Deum offendere, cum illi præscribere velle videatur tempus vitæ. Et quorsum opus Deum multis fatigare precibus, cum is decretum iam fecerit, quod non potest retractari, iuxta illud Hiobis 14.

Respondeo. Non absoluto quodam Dei decreto terminum mortis fatali necessitate constitutum esse, vt nec precibus etiam quicquam possit impetrari. Testatur hoc exemplum Hiskia, qui precibus suis prorogationē quindecim annorum consequutus est, quibus post finem vitæ iam tum instantem & denuntiaturum viuere licuit, Esa. 38. Precibus Paulus in Asia à morte liberatur, 2. Cor. 1. ver. 9. Præterea, quia nobis ignotum est, quis terminus vitæ nostrę positus fuerit, omninò nobis orare licet exemplo huius Psalmi, ne Deus nos in medio vitæ cursu abripiat: quod impiis minatus est Dominus, Psal. 55. Si igitur deprecari culpam & pœnam licet, certè licebit etiam hanc calamitatis temporalis partem deprecari apud Deum. Tandem, quia piis promissa est longæuitas, non tantum seruantibus quartum præceptum, Exod. 20. Deut. 5. Eph. 6. sed in genere omnibus piis, Deuter. 4. v. 40. ideoque licet nobis Deum promissionis factæ communefacere. Non quod obliuioni hoc tradiderit, sed quod precibus nostris sollicitare iusserit. Sicut videmus exemplum Prophetæ, Psalm. 27. vbi inquit: Obiicio tibi in corde meo verbum tuum, quod dixisti, quærite faciem meam. Faciem igitur iam tuam requiro.

Cum itaque huius vitæ instabilitatem & fugacitatem consideramus, quomodo sæpius morborum violentia corpus in medio cursu vitæ frangatur, & vita hominis instar graminis & maturæ segetis subito exarescat, rogare possumus Dominum, ne tam citò abruptat vitam.

II. Pars.

Sed ob quas causas longæuitatem petere licet? Num

vt diutius peccemus? Minimè. Num vt voluptatibus indulgere liceat diutius? Nequaquam. Vel vt porrò dies bonos videre possimus? At tempora mala sunt, Ephes. 5. Nec speranda meliora (Matth. 24) Christo teste, sed posteriora semper in peius vergunt. Num vt nummos corradere, & thesauros comparare possimus? Neutiquam. Vel vt prius possimus illatas iniurias vlcisci, quàm moriamur? Nihil horum. Mundi quidem & peruerforum hominum hæc sunt vota, sed impia. Et qui sic orant manus plenas sanguine attollunt. Esa. 1. Propterea non audiuntur à Deo.

Verum duæ sunt potissimùm causæ, ob quas diutius vivere optandum. Altera propter nostram, altera propter aliorum salutem.

Priua omnium & præcipua causa ex parte nostra esse debet hæc, vt Deus nos non imparatos in medio dierum abripiat: nec prius hinc euocet, quam per veram & seriam pœnitentiam (quæ tamen non procrastinanda est spe longioris vitæ Syr. 18. v. 22.) cum Deo in gratiam redierimus. Hinc Ecclesia in Litaniis publicis orat, à subitanea mala morte custodi nos Domine. Mala enim mors non est, quam bona vita præcessit, Aug. de Ciuit Dei lib. 1. cap. 11. Et hæc causa extorsit Hiskia tam ardentes preces pro longiori vita, quia angebatur animo propter peccata. Esa. 38. v. 17. Videbatur sibi nōdum cum Deo ita in gratiam rediisse, vt lætus iam posset mori & certam habere spem remissionis peccatorum.

Deinde licet etiam homini petere longæuitatem propter alios, vt ipsis possit inferuire. Etenim aliquis in officio publico cōstitutus cum intelligit mortem suam prematuram damnosam fore Ecclesiæ & Reipubl. & sequuturas graues & periculosas mutationes, quas ipse viuus auertere & præcauere (Diuina gratia adiutus) possit, sicq; operam suam Ecclesiæ & Reip. utilem esse nouit, rogare potest Deum, vt non abripiat ipsum in medio vitæ cursu, antequam Ecclesiæ vel Reip. de idoneo successore prospectum sit.

Et

Et hoc etiam torquet Hiskiam. Nondum habet filium regni successorem legitimum: metuit ne deficiat populus à sincera religione, &c. Sic Paulus cupit dissolui, quod sibi quidem sciat melius esse viuere cum Christo. At coarctatur propter Ecclesiam, cui magis necessarium erat, Paulum manere in carne. Atque sic diutius inanere cupit, in profectum Philippensium & gaudium fidei, Philip. I. v. 22. & seqq.

Quòd si etiam propter suos domesticos, vxorem & liberos scil. pius aliquis paterfamilias rogat Dominum, vt detur ipsi longior huius vitæ vsus, quo possit in timore Domini suos educare & ipsis prouidere, non peccabit: ita tamen, si nihil dubitet, Deum, qui verè pater est omnium, etiam absque illius opera domesticis posse prospicere. Ideoq; non sibi ipsi plus quàm par est tribuat. Et sic orèt, vt semper sit memor illius, Fiat voluntas tua.

III. Pars.

Cum expeditum sit qua ratione petere liceat, vt non abruptat Dominus vitam nostram ante tempus, ideoque iam vltimo loco paucis erit determinandum, quodnam iustum tempus ætatis humanæ sit censendum.

Plerique putant hanc iustam hominis ætatem, si ad finem vsque decurrant anni ipsius, quem Psalm. 90. positum legimus, annos sc. 70. aut 80. aut si satur ipse dierum sit. Cæteros verò omnes, qui ante annos 60. ad minimum hinc decedunt, præmatura morte obiisse censent.

At sciendum hoc loco, iustam ætatem non metiendam annorum numero, sed profectu in cœlesti sapientia, quæ in vera Dei agnitione & pœnitentia consistit. De quo Sap. 4. ab initio.

Ideoque qui vera Dei cognitione imbutus est, is non in dimidio spatio, sed in iusto termino dierum suorum hinc emigrabit: si maximè in pueritia vel iuuenili ætate moriatur.

Hæc cum ita sint, demus operam, vt quauis hora parati simus

Amuse exemplo prudentum virginum, Matth. 25. & ut quovis momento dicere possimus cum Simeone, Nunc dimittis, Luc. 2.

F I N I S.

T H E M A XXIV. CLASSIS II.

Psalm. 71. vers. 9.

Ne abiicias me tempore senectutis meæ, cum defecerit virtus meæ, ne deseras me.

D I S P O S I T I O.

Antiquitùs dicebatur, nec malè, ἔργα νέων, βελαὶ δὲ μέσων, δόξα δὲ γεγνητων: hoc est, vota senum, consulta virum, & facta iuventutis. Iuvenes decet labor, viros adultos consilium, senes verò oratio. Quamvis autem precatio tam iuvenes quam senes deceat, tamen in senectute illam summè esse necessariam, testatur præsens hic locus Psalmi, & qui infra denuò repetitur versus 18. Sed quomodo instituta debeat esse Oratio senum, primum hoc loco pauculis verbis ostenditur. Deinde etiam cur ita orandum senibus, duobus saltem verbis simul innuitur. Hæc iam, Deo dante, breuiter tractabimus.

I. Pars.

Sunt autem duo præcipuè, quæ senibus à Deo petenda esse Psaltes pronunciat.

1. Vnum est hoc, ne abiicias me. Intelligit enim posse hominem primis annis (vel iuventutis vel virilis ætatis) Deo placere & acceptum esse, tandem verò etiam abiici & damnari. Possunt enim qui in libro vitæ per Baptismum inscripti, iterum deleri, si peccauerint, & non resipuerint. Quod ex verbis Domini ad Moysen manifestum est. Exod. 32. v. 33. Exemplo est Saul, qui cum iuuenis esset pius, à Deo Rex populi constituitur. Tandem verò in senectâ propter impietatem à Deo abiicitur.

Psal. 65.

Esa. 65. Pueri centum annorum morientur, & peccatores centum annorum maledicti erunt.

Sapè enim fit quod Prouerbio antiquo decantatum est, Angelicus iuuenis senibus satanizat in annis. Et non qui bene cepit, sed qui perseuerauerit ad finem saluus erit. Matth. 10. & 24. At si auerterit se iustus à iustitia sua & fecerit iniquitatem, omnis iusticiæ illius, quam fecerat, non recordabitur Dominus. Ezech. 18.

2. Ne autem in senectute demum discedat à pietate, alterum etiam addit membrum Orationis, Ne deferas me. His verbis innuit Psalter, Faciles esse lapsus humanos, Deo manum subtrahente. Et nisi is det velle atque perficere (Phil. 2.) actum erit. Non enim est in hominis potestate, perseuerare in pietate. Non sumus idonei cogitare ex nobis. 2. Cor. 3. v. 5. Exemplo est Dauid. Psal. 51. Gratia Dei sumus quicquid sumus.

Vsus huius loci erit hic præcipuus, vt dicant omnes, & iuuenes & senes, non nimium tribuendum virib. nostris, si maximè interdum videamur nobis stare 1. Cor. 10. Nescis enim quid serus vesper vehat. Diciq; beatus ante obitum nemo supremaque funera debet.

Notandum tamen, hæc non ideò proponi, vt inde pusillanimes reddantur homines, sed vt salutem discant operari in timore & tremore, Philip. 2. & nunquam sint securi. Iuxta id, vigilate & orate, ne intretis in tentationem, Marc. 14. Et vt nunquam intermittantur preces, cum Satan semper vigilet ad perdendum nos, 1. Pet. 5. Hinc toties id ipsum in Psalmis repetitum legimus. Psalm. 22. Ne discedas à me, quia propè est anxietas. Et Psalm. 35. Ne recedas à me longius. Psalm. 38. Ne derelinquas me, Deus meus ne discesseris à me, &c. Et in primis notandum id Psal. 51. omnibus, Ne proicias me à facie tua, & Spiritum sanctum ne auferas à me.

II. Pars.

Licet autem frequens debeat esse hæc precatio omnibus,

bus, videtur tamen senib. magis esse necessaria, vt orent pro assistentia illa Spiritus Domini, & ne abiiciantur. Et id videntur velle hæc duo. Primum cum ait, Ne in senectute abiicias me. Vbi innuit, senectutem per se multa se-
tum trahere incommoda & mala, quibus circumuentus homo senex facilius in extium possit præcipitari. Facit enim senectus (per se morbus) morosum & impatientem in ferendis variis ærumnis, cum non possit gaudere illis recreationib. variis, quibus iuuenes alioquin pellere solent tristitiam. Ideoque nisi Deus manum supponat, facile potest fieri vt committat aliquid, quo Deum offendat.

Alterum latet in verbis illis, Cum defecerit virtus mea. **Wann ich schwach werde.** Etenim deficiunt in senibus paulatim vires non corporis tantum, sed & animi atque ingenij. Hinc senes bis pueri dicuntur. Claudicat ingenium, delirat linguaq; mensque. Lucret. Facile igitur ex iudicij infirmitate peccare possunt, vel decepti ab aliis, &c. Certè sapientissimus Salomon senex decrepitus ab vxoribus seducitur, vt fiat Idololatra.

D I S C V N T itaque senes hinc, quæ debeant illorum in præuentione ætate, continuæ esse meditationes, scilicet, piæ preces ad Dominum, vt ad finem vsque à Deo conseruentur in agnita veritate & pietatis studio. illi verò hanc quoq; semper animis suis infigere debent cōsolationem, quæ exstat Esa. 46. Vsq; ad senectā ego ipse & vsq; ad caniciem portabo vos. Et Esa. 43. Noli timere ego tecum, &c.

Porrò possunt hæc omnia, quæ de senectā hominum diximus, etiam ad senectam huius mundi referri. Etenim extremis his temporibus mundus vergit ad senectam & properat ad finem. Ideoq; magnis etiā laborat infirmitatibus. Magno etiam impetu Satan iam grassatur in Ecclesiam, cum tempus sciat esse breue. Apoc. 12. Ideoq; assidue & indefinenter orandum: Ne nos inducas in tentationem. Ne proicias nos. Psalm. 51. Ne derelinquas nos. Psalm. 27. Ne auferas verbum tuum. Et illud Emauntinorū, **Domine mane nobiscum, quia aduersperascit.** Luc. 24

Consolari autem debet pios dulcissima illa promissio Saluatoris, Confidite, ego vici mundum, Ioan. 16. Ego non relinquam vos orphanos, Ioan. 14. v. 18. Nemo rapiet oues meas ex manu mea, Ioan. 10. Et ego vobiscum usque ad consummationem seculi, Matth. 28.

T H E M A X X V. C L A S S I S I I.

Psalm. 71. vers. 18.

Et vsq; in senectam & caniciem Deus ne derelinquas me: Donec annunciem brachium tuum generationi omni quæ ventura est, magnificentiam tuam.

D I S P O S I T I O.

Sicut Iuvenes nemo laudat otiosos, sed quilibet dum vires anniq; sinunt tolerare labores iubet, sic vicissim nemo est, qui senibus inuideat ocium. Hinc illud Propert. Miles depositis annosus secubat armis, Grandæuiq; negāt ducere aratra boues. Putris & in vacua requiescit nauis arena, Et vetus in templo bellica parma vacat. At tali tamen aliquo labore Psalter (suo exemplo) senes non quidem grauare, sed recreare, & ingrauescentem ætatem ita subleuare velle videtur hoc loco, vt molestissimi alioquin temporis tædium effugere possint. Itaq; nos in præsentia (inuerso verborum prælectorū ordine) docebimus.

1. Quis hic senum labor esse debeat, & 2. Quibus ad hunc laborem perficiendum adminiculis opus habeant.

I. Pars.

Psalter hoc versu Psalmi promittit, se gratia diuina adiutum, posteritati quoq; veram Dei agnitionem traditurum, si senex etiam a Deo non deferatur. Imò hoc precatur, vt ne prius tristis, otiosa & languida senectus obrepat, quàm hoc beneficium præstiterit posteris. Vult autem brachium Domini, hoc est, omnipotentiam, & (sicut ipse statim explicat, quid per brachium intelligat) virtutem, seu magnificentiam: [Germ. *Krafft.*] Dei annunciare,

non tantum præfenti fæculo atque omnibus tum viuentibus, fed etiam omni generationi, quæ ventura eft. Et id fanè præftitit abundè, tot elegantiffimis Pfalmis, omni doctrinarum & confolationum genere refertis.

Quamuis autem non omnes fenes & grandæui Spiritu prophetiæ fint donati, monet tamen illos hoc fuo exemplo, vt quia omnium vnus eft Spiritus fanctus, Eph. 4. in hoc intenti fint omnes, vt cum ab aliis operibus per ætatem ceflare cogantur, hoc tamen munere ad finem vitæ diligentiffimè perfungantur, quod ad fuorum pofterorum & multorum aliorum (quibufcum conuerfantur) in formationem & eruditionem facere poteft.

Hæc verò præcipuè funt tradenda pofteris, quæ de omnipotentia, prouidentia, gubernatione Dei mirabili, atque omnibus Chriftianæ Religionis capitibus, & ad falutem fcitu neceffariis, ipfi non tantum ex facris literis, fed etiam experientia didicerunt. Ideò enim ad tam longam ætatem viuere finit Deus, vt pofteros doceant. Hanc ob caufam primi Patriarchæ fuerunt tam longæui. Vide etiam quid in Abrahamo Deus commendauerit, Gen. 18. Scio, quod præcepturus fit pofteris, &c. Hinc toties Pfalmes hortatur, vt laudes Domini annuncientur in generationem & generationem, Pfal. 22. v. 31. Pfal. 45. v. 18. Pfal. 79. v. 13. Et paffim alibi.

Et fi Ethnici intellexerunt, officium fenum effe, alios docere, [Hinc Ouidius, Iura fenes norint & quid liceatque, nefasque fasque fit inquirent, legumque examina feruent, &c. Et Seneca: Præcipere mitem conuenit pueris fenem:] maximè hoc apud Chriftianos obferuandum erit.

I. Hinc patet, quàm grauiter peccent fenes, fi ipfi, qui iam alios informare debebant, nihil aut parū fciant de his, quæ pertinent ad falutem noſtram. Et fi conciones facras ipfi neglexerunt, atque in graui ſenectâ uſque ad eò rudes ſunt, vt à pueris neceſſe habeant diſcere Catechiſmi capita, (quod interdum accidit) quid aliquando

respondebunt iusto iudici, interroganti, quomodo in terris fecerint officium?

2. Deinde cum non tam verbis quàm exemplo docere debeant senes, quid de illis senibus erit sentiendum, qui non docent honesta sed turpia, & qui non erudiunt sed offendunt & corrumpūt iuventutem? Quod nonnulli senes impudici & nugi vendi facere consueverunt. Grauiissimam certè hi rationem sunt aliquādo reddituri atq; dupliciter pœnas daturi, quod non erudierunt ad iusticiam alios, & quod in super iuniores scandalizârunt. Væ homini (& maximè væ seni) per quem venit offendiculum. Matth. 18. Hæc senibus diligenter meditanda, ne frustra viuere vel ad maiorem damnationem diutius superstites esse videantur.

II. Pars.

At, quia intelligit Psalter se suis viribus hoc quod animo proposuit in senectâ minimè posse præstare, cum senes interdum, ne sibi ipsis quidem sufficere possint, ideoque iam suo exemplo ostendit, qua ratione istud se speret effecturum. Precatur enim Dominum, vt etiam in senectâ & in canitie ipsi adsit sua gratia, neque ipsum derelinquat. Spiritu enim Diuino ipsum gubernante, sperat nihil sibi futurum impossibile.

Docet igitur senes, quonam adminiculo opus habeant, vt possint laborem illum, de quo diximus in I. parte, perficere: scilicet, piis precibus. Et ostendit quàm sit necessarium, rogare Dominum, vt non tantum in iuuentute, sed etiam in decrepita senectute regat nos suo Spiritu sancto, pro quo tam ardentè orauit Dauid Psal. 51. Et sanè omnes nos sollicitos esse decet, ne turpiter aliquando ab agnita veritate deficiamus, aut peccatis cōtra conscientiam caniciem senectutis dehonestemus. Currendum in stadio vsq; ad metam, nec subsistendum, I. Corin. 9. vers. 24. Et perseverandum ad finem. Matth. 10. 24. Nec retrospectiendum. Luc. 9. Et qui sibi videtur stare, videat ne cadat. I. Cor. 10.

Potest enim Spiritus sanctus amitti exemplo Saulis, 1. Sam. 16. v. 14. & contristari ut discedat, Eph. 4. v. 30. Certè quia hoc est expertus Dauid, ideò tam ardentè orat, non auferas à me Spiritum sanctum, Psal. 51. Et hoc Psalmo bis repetit, non derelinquas me in senectute mea.

Operemur itaque salutem in timore & tremore, Philip. 2. firmam facientes vocationem nostram magno studio, 2. Pet. 1.

His verò qui ardentè & instantè orant, hæc quoque consolatio tenenda: Dabit Spiritum sanctum petentibus, Luc. 11. v. 13. Petite, & accipietis, Matth. 7. Et qui cœpit opus bonum, is perficiet, Phil. 1. Virtuteque sua custodiet ad salutem, 1. Pet. 1. v. 5.

T H E M A X X V I . C L A S S I S I I .

Psalm. 90. vers. 10.

Dies annorum nostrorum septuaginta anni: si in excellentia, octoginta anni, & eminentia illorum labor & dolor.

D I S P O S I T I O .

Tradita in funere viduæ octogenariæ, Claræ Weinmännin, socrus M. Matthiæ Köllini, Ecclesiæ & Scholæ Adelbergensis Ministri fidelis. Anno 1606. 18. Octobr.

Solent plerumque in æstimandis variis rebus homines spectare hæc duo, scil. 1. durationem vel diuturnitatem, & 2. Valorem seu pretium rei. Et sicut quod durabile non est, propter fragilitatem aut fugacitatem non ab omnibus habetur pro pretioso: ita quod pretiosum non est, si maximè sit durabile, non solet magni fieri. Quod igitur in rebus humanis nec durabile nec pretiosum est, illud certè miserum est. Hanc supputationem, in æstimandis diebus vitæ nostræ, instituit vir Dei Moses, in versu prælecto Psalmi nonagesimi: ubi vitæ nostræ instabilitatem ita proponit, ut illam vix vnius assis æstimare vi-

videatur. Videamus igitur ex his verbis I. quam durabilis, 2. & quam pretiosa vita nostra sit. Wie langwirig vnd wie köstlich; vt quomodo & nos illam æstimare debeamus, intelligi possit.

I. Pars.

Primum vitæ nostræ breuitatem Psaltes describit, & terminum quo illa finiatur exprimit: dicens, Dies annorum nostrorum attingere annos 70. vel ad summum 80. Vbi primò notandum, quòd vir Dei Moses (cui hic Psalms tribuitur) terminum illum ponat, qui suis temporibus erat communis. Non enim loquitur de longæuitate patrum ante diluuium, nec de his, qui statim post diluuium vixerunt vsq; ad tempora Abrahami, qui partim ducentis, partim verò ultra centum annos vixerunt.

Deinde sicut non comparat annos ætatis sui temporis cum patrum longæuitate, ita etiam non loquitur vel de his, qui immatura morte pereunt, vel etiam de his, qui singulari Dei beneficio ultra communem hominum sortem, vitam produxerunt, sicut ipse Moses singulari beneficio Dei centum & viginti annis vixit.

De eo igitur loquitur, quòd communiter & vt plurimum tum accidit.

Deplorat tamen vitæ humanæ breuitatem, si maximè ad summum perueniat, tantum esse 80. annorum terminum. Si enim conferantur cum annis Patriarcharum mundi originalis, vix decima pars superest de illorum longæuitate. Et si conferantur ad æternitatem, non sunt momentum vnum. Syr. 18. v. 8. Si ad Dei calculū, (coram quo mille anni sunt sicut vna dies Psal. 90. & 2. Pet. 3.) reducamus, certè vita hominis octogenarij vix sesqui horule spatium æquabit.

L o c u s. Si nos post tempora Moses terminum vitæ humanæ exigamus ad nostram ætatem, minor certè prodibit numerus. Etenim qui olim tempore Moses communis erat terminus vitæ, iā certè est rarissimus. Pauci enim

septu-

septuaginta vel octoginta annos attingūt apud nos. Nec mirum spacio ter mille annorum decreuisse ætatem hominum decem aut viginti annis, vt quod tum fuerunt 70. & 80. iam sint 50. & 60. anni. Sic itaque & nos verè cum Iacobo possumus dicere: Dies peregrinationis meæ pauci, non pertingunt ad numerum annorum vitæ Patrum meorum. Gen. 47.

Sed quæ causa est quod respectu Patriarcharum mundi Originalis vita nostra tã brevis est? Plures haud dubie causæ sunt, quas hoc loco nolumus commemorare. In specie quidem possemus dicere, has esse inter præcipuas, sc. peccata hominum, quæ Dominus tamdiu ferre amplius non vult: & intemperantiam etiam nostri seculi, quæ abbreviat vitam. At generaliter dicendo, mundus vergit ad finem, ideoque decrescunt & inclinantur cum ipso omnia. Sic etiam ætas hominum.

I. Facere autem debet hæc meditatio ad doctrinam, vt cum tempus vitæ breue sit, benè istud collocemus, & in tempore opportuno conuertamur ad Dominum. Memento creatoris in iuuentute. Eccl. 12. Redimentes tempus. Eph. 5. Col. 4. Ne accidat idem quod virginibus factis. Matth. 25. De rege Iosia, quærebat Dominum cum puer adhuc esset. 2. Par. 34. v. 2.

2. Deinde quia tempus vitæ breue est, non graue sit nobis cito mori. Quid enim refert si viuas 60. annos, tamen breue est tempus. Vide Syrach. 41. in fine. Quin potius ad æterna tabernacula aspirandum. 2. Cor. 5. De quo in 2. parte.

II. Pars.

Diximus breuem esse vitam hominis & minimè durabilem. Quod si breues vitæ dies liceret transigere cū magna voluptate, esset hoc vtique tolerabile. At docet Moyses, quam sit vita hominis non tantū brevis, sed & misera atq; molesta. Vbi non loquitur de vita hominis alicuius supra modum afflictī, vel ægroti aut morbidī vel captiui,

vel pauperis, &c. sed de vita hominis benè habentis pronunciat, quod sit misera: & vno verbo labor atque dolor. Hæc verò non affirmat de singulari aliquo atq; tristi casu, qui accidat interdum homini vni aut alteri, sed de eo, quod in vita omnium hominū est pretiosissimum & eminentissimum. Labor & dolor id quod optimum. Quo loco igitur habendum id, quod est pessimū in vita humana.

L o c u s. Verè hæc omnia dici à Mose præter scripturæ loca, Syr. 40. Iob. 7. v. 1. & 14. v. 1. etiam ipsa testatur experientia. At vnde tanta miseria? A peccato. Propter peccata enim sudor vultus, labor molestus & dolor anxius generi humano imponuntur, Genes. 3. Et sicut per peccatum mors, Rom. 5. Ita omnis generis calamitates (vt pote mortis nuncij) ingressæ sunt in mundum. Hinc fit, vt fletus prima sit vox hominis, & illa duret per omnem hanc lachrymarum vallem. Vide Sapient. 7. vers. 3. Psal. 34. vers. 7.

1. Hæc autem miseriarum meditatio nos ad seriam peccatorum agnitionem, & veram pœnitentiam adducere debet: vt scilicet conuertamur ad eum, qui nos percussit, Hos. 6. vers. 1. Et ideò vult nos ingredi Salomon domum luctus, vt quæ fiant circa genus humanum apud animum nostrum perpendamus, Eccles. 7.

2. Deinde quia tanta est huius vitæ miseria, vt illius nobilissimæ portio præter laborem & dolorem nihil habeat, stultè faciunt, qui his tantis miseriis non cupiunt valedicere, sed Deo euocanti adhuc repugnant, & diutius cum his malis conflictari, quàm liberari ab omnibus optant. Cum tamen omnis creatura liberationem ab hac vanitate sollicitis gemitibus à Deo petat, Rom. 8. Certè, qui sanæ mentis sunt, non optabunt viuere in his turbis, sed potius dissolui, Philip. 1. vers. 23. dimitti, Luc. 2. v. 29. & superindui desiderabunt, 2. Corinth. 5. vers. 2. Cum meliora in his terris sperare non possimus, Syr. 41. & vicissim in altera vita omnis plenitudo lætitiæ parata sit, Psal. 16. vers. 11.

THE.

THEMA XXVII. CLASSIS II.

Prouer.9. vers.10.

Initium sapientiæ timor Domini, & scientia sanctorum prudentia. Per me multiplicabuntur dies tui, & addentur anni vitæ tibi.

DISPOSITIO.

Possset in funere alicuius defuncti senis & prudentis viri tale poni exordium.

Terræ demandaturi hodiè virum senem & prudentem in vita sua, conuenimus maiori numero. Sunt autem hæc quæ in ipso conspeximus, singularia dona, 1. prudentia scilicet vel sapientia singularis, 2. & senectus annosa atq; venerabilis. Quia verò pleriq; nostrum & sapientes euadere, & senes fieri cupimus, visum est vobis hæc verba Salomonis proponere, quibus docet, 1. Quomodo & quibus mediis sapientia comparari possit. 2. Deinde etiam quomodo senectutē adipisci liceat. De his videamus breuiter,

I. Pars.

Sic autem habet Salomon. Initium sapientiæ timor Domini. Eadem sententia extat etiam Psal. III. v. II. Prou. I. v. 7. & Syr. I. v. 16. Videtur autem nobis horum verborum commodissimus interpretes esse Beatus Hiobus, qui cap. 28. in fine hanc sententiam sic explicat: Ecce timor Domini sapientia est, & vitare malum prudentia. Vno verbo, qui verè sapiens haberi & esse vult, is Deum timeat; ex illo timore Dei filiali vitet peccata, quæ Deum offendunt. Hic sapiens est coram Deo. Idem explicat Salomon subsequentibus verbis: Et intellectus docet quæ sancta sunt. Idem est quod Hiob dicit, intellectus seu prudentia est vitare malum. Nam qui timet Deum, sapiens. Quis sapiens est, vitat malum, & facit quæ sancta sunt, & quæ Deo placent.

DISCIMVS hinc, quæ sit vera sapientia: ea scilicet. quæ cognoscit Dominum Deum, & facit quæ sancta sunt. Hæc

M s est

est ipsa vita æterna, vt cognoscant, &c. Ioan. 17. Qui gloriari vult, gloriatur in eo, quod me cognouerit, & intellexerit, quoniam ego Dominus, Ier. 9. v. 24. Illa igitur mundi sapientia, in qua gloriantur alij quidem, quod cognitionem habeant variarum rerum absconditarum, quas iudicio humanæ rationis inuestigârunt, qualis est sapientia Philosophorum: alij verò, quod astute omnia scire & expedire possint, qualis nostratum multorum est sapientia, coram Deo nulla est. Imò de his Paulus, quod in sua sapientia Deum non cognoscant, ideoque confundi cum omni sua sapientia, quod Philosophis & multis aliis accidit, 1. Cor. 1. Ier. 8.

Itaq; non contemnendi hi, qui licet simplices sint, & videantur *ἡπιοι*, veram tamen Dei cognitionem habent. Sufficit illis quòd Christum sciant.

Qui verò iuxta etiam à Deo donati sunt prudentia ciuili, vt possint seruire Reip. vtiliter, duplici honore digni sunt: præsertim si conferant donum acceptum in vsus publicos, non priuatos, & sapientia sua vtantur ad iuuantum, non autem ad perdendum proximum. Exemplum huius est Hufai Arachites, 2. Sam. 17. Contrarij verò exemplum Ahitophel. Ibidem.

DISCIMVS porrò etiam hinc, vnde illa vera, de qua supra diximus, sapientia comparari possit. Non ex libris Philosophorum, aut aliis, sed ex timore Domini, qui discitur ex verbo illius scripto. Iubet enim verbum Domini, Deum time, & mandata illius obserua, Eccles. 12. Dominum Deum tuum timebis, Deut. 16.

Hinc etiam dicitur, verbum Dei præstare sapientiam paruulis, Psalm. 19. v. 8. Et mox ibi post verbum & præceptum Domini ponitur timor, vers. 10. quia ex verbo discitur. Idem Psal. 119. v. 130. sapientes facit simplices.

Qui igitur sapiens vult fieri, ex verbo Dei discat Deum timere, & facere voluntatem ipsius.

Hinc colligitur, non curanda mundi iudicia, qui stultos iudicat pios & timentes Deum, contra astutos, & qui
sele

fese in omnes formas vertere norunt, prudentes iudicat. At Deus stulta eligit. 1. Corinth. 1. Ideoque qui vult esse sapiens coram Deo, stultus fiat in hoc mundo. 1. Cor. 3.

Interim nemo sit sollicitus, quin Deus studiosis pietatis & cœlestem sapientiam primùm quærentibus, etiam largiri velit & possit prudentiam politicam, quantum officium illorum postulabit, & quantum ipsis salutare futurum est. Quærentibus enim cœlestia cætera adiicientur. Matth. 6. Et qui dedit quod maius est, dabit etiam quod minus est. Is etiam Salomonem ornauit sapientia rara & incredibili, cùm is prius sapientiam hauisset ex verbo Dei in iuuentute, mediante Nathan Propheta & præceptore. 2. Sam. 12. v. 25. Certè David à teneris imbutus cognitione cœlestis sapientiæ, etiam prudenter agere potuit in omnibus. 1. Sam. 18. Non enim sunt contraria: Timor Dei seu pietas, & prudentia ciuilis siue politica. Contra quam nasutuli sentiunt.

II. Pars.

Audiuimus vnde sapientia, sc. ex timore Domini, qui facit sapientes. Nunc porrò audiendum, vnde senectus & longæuitas. Responderetur, ex sapientia. Sic enim sequitur. Per me (inquit sapientia) multiplicabuntur dies tui, & addentur anni vitæ. Etenim sicut sapientia oritur ex timore Domini, ita vicissim longæuitas ex sapientia. Nam qui sapienter agit iuxta præscriptum verbum Dei, is dignus habetur cui contingat longæuitas. Cùm stultum vicissim perdat ira Dei. Iob. 5. vers. 2.

Locvs. Omnes optamus longæuitatem, sed pauci cogitant, quomodo illam possint aut velint adipisci. Sapientia autem cœlestis multiplicat dies. At hæc sapientia nihil est aliud, quàm seruare præcepta Domini & studere pietati: vt hoc non tantum loco, sed & Prouerb. 3. v. 2. & 4. v. 10. scriptura docet. Piis enim, Deum timentibus & seruantibus mandata Dei, sicque verè sapientibus promissa est longæuitas. Exo. 20. Deut. 5. Eph. 6. Deut. 4. v. 39. Exempla. Abraham, Iosua & Caleb.

Contra

Contra impiorum dies abbreviandos minatur Dominus, Prou. 10. v. 27. Psal. 55. & 58. v. 9.

Quod si tamen videatur Deus nonnunquam ab hac Regula discedere, & citò abripere pios, sciendum, ne sic quidem falli ipsos. Etenim quia vita æterna vera est longæuitas, properat Deus ad beatiorum vitam, ut anni piorum sint feliciores. Et quod eius rei causas habeat piis salutare, patet ex Sapient. 4. Coram ipso omnis plenitudo læticiæ, Psal. 16.

T H E M A XXVIII. C L A S S I S II.

Prouerb. 20. vers. 29.

Gloria iuuenum est fortitudo eorum, & dignitas senum est canicies.

D I S P O S I T I O.

Quælibet ætas sua habet commoda & incommoda, Multa ferunt anni venientes commoda secum, Multa recedentes adimunt. Quælibet etiam ætas sua vitia habet peculiaria, quibus laborat. Senectus est tenax, Iuuentus prodiga, & sic de cæteris. Omni enim ætati Satan insidiatur. At vicissim etiam quælibet ætas sua ornamenta à Deo accepit. De hoc loquitur versus Psalmi præfens: & Iuuentuti laudem fortitudinis: vicissim senibus venerandam caniciem tribuit. De his dicemus, & quid utrique ætati conueniat, videbimus, Deo dante, breuiter.

I. Pars.

Gloria iuuenum est fortitudo eorum: Infantia planè debilis est & infirma, atq; indiga omni vitæ auxilio. Vagituq; locum lugubri complet, ut æquum est, cui tantum in vita restet transire malorum. Editus in lucem, iacuit sine viribus infans, Mox quadrupes, rituq; tulit sua membra ferarum. Pueritia haud paulò est firmior & melior. Atque ea est ætas mollis, & nondum poplite firmo consistit. Vicissim senectus est tremula, infirma & per se morbus. Iners senectus baculo adiuvat gradum. Et sanè omnis

mnis gressus, pesq; senis, solet manus alienæ expectare leuamina.

Hinc fit vt neq; puerilis nec senilis ætas apta sit laboribus. Ideoque iuuenibus labor tribuitur, & roboris illis pars maior quàm mentis inest. His enim dicitur, Dum vires annique sinunt tolerate labores, Aut mare nauigiis, aut vomere scindite terram, Aut fera belligeras addito in arma manus.

Gloria igitur illorum est fortitudo, qua varios labores aggrediuntur, atque perficiunt.

L. I. Discunt hinc iuuenes, si labor sit gloria fortitudinis ipsorum, consequi inde, quod ocium magna eorundem sit futura ignominia: si membra ipsorum torpescant ignauia. Fortitudinem enim acceperunt à Deo, vt apti sint laboribus, in pace & bello, domi forisq; ferendis. Etenim si omnibus dictum est, in sudore vultus vesceris pane tuo, Gen. 3. maximè iuuenibus dictum id est, in quibus est vis vigorque, vt labores possint ferre duos. Si hoc non current, indigni qui manducant habentur, 2. Thessal. 3.

Et sunt sanè plurimæ causæ, ob quas laborandum, sc. vt 1. faciat homo officium, vtque benè sit ipsi. Psal. 128. v. 2. 2. vt effugiat paupertatem, Prou. 6. v. 10. & 24. v. 33. 3. vt caueat libidines, furta & scelera, & ne discat malè agere nihil agendo, cum ocium sit puluinar Satanæ, Eph. 4. v. 27. Quod si hæ non mouent iuuenem, vt studeat honestis laboribus, vna tamen hæ ipsum impellere debebat, sc. vt ex fortitudine sua reportet gloriam labore partam, cum iuentus alias sit gloriæ cupidissima. Videmus quam gloriam fortitudine sua comparauerit Dauid, 1. Sam. 18. v. 16.

Ingrati sunt erga Deum, quicunq; fortitudinem suam non conferunt ad labores honestos.

II. Monentur etiam iuuenes quàm grauitè peccent, qui vires iuuentutis crapula & ebrietate vel etiam illicitis libidinibus exhauriunt. Illos pœna dolenda comitatur. Prou. 24. v. 29. Syr. 19. vers. 3. Tueantur itaque valetudinem, camque non temerè & petulanter lædant, vt priusquam

quam aliquid boni effecerint, marcescant, & inutiles fiant ad omne genus laborum.

II. Pars.

Senibus, quia fortitudo & robur corporis negata est, aliud ornamentum concessit Dominus, de quo Salomô hoc loco, Decus senum canicies. Commendat hoc senes, quod illi exantlatis multis laboribus, variarum rerum habent experientiam. Hinc ad consilia apti gubernaculis Reipublicæ adhibentur.

Estq; illorum tum maximè veneranda canicies, si superiorem ætatem honestè peregerint. His ipsorum canis omnes debent honorem. Et hac coma, tanquam plumis cygneis, ornauit ipsos Dominus, vt ab aliis præmij & mercedis loco pro multis laboribus honorem accipiant.

L. I. Docet Salomon id ipsum, quod à Domino præcipitur, Leuit. 19. v. 32. Coram cano capite assurges, & honorem habebis seni. Et magna fuit quondam capitis reuerentia cani. Grauius puniuntur pueri illudentes seni Eliseo, & exprobrantes ipsi caluiciem, 2. Reg. 2. Omnes enim optant sani consenescere, sicut Tobias & Sara, Tobias 8. v. 10. Et possunt nos senes de multis erudire, atque ideo ipsorum dicta audienda, Syr. 8.

L. II. Neminem pudeat senectutis, aut caniciei, cum ornamentum sit, non dedecus. Inepti igitur sunt, qui canos quoquo modo possunt tegere, vel alio colore induere tentant. Nota est historia ex Macrobij Saturn. l. 2. ca. 5. de filia Augusti Iulia, quæ cum cœpisset habere canos, per famulas eos euelli curabat. Hanc cum interrogaret pater, an cana vel calua esse mallet, ipsaq; responderet, cana esse malo, reprehendit parens, quod se caluam fieri curaret. Non igitur caniciei, sed rerum turpiam nos pudere debet. Inprimis verò senibus cauendum, ne quid sua canicie indignum committant: sicut duo isti senes in historia Susannæ. Vide etiam Syr. 25. v. 4. GENERALITER autem & Iuvenes & senes monentur, ne qua ætas alterant

contemnet: cum non vni ætati cuncta Deus dederit, sed cuilibet suum ornamentum. Quin potius hoc agant omnes, senes pariter & iuuenes, vt mutuas tradant operas, & coniunctis operis iuuent Ecclesiam vel Rempub. Videtur enim Deus propterea iuuenibus concedere robur, non prudentiam: & contra senibus prudentiam largiri, robur verò negare, vt inter se firmitus connectantur, dum vnus alterius opera indiget.

Vnusquisque dono diuinitus accepto vtatur ad iuandum commune bonum, 1. Pet. 4. vers. 10. & quia à Deo omnia accepit, non gloriatur quasi non acceperit, 1. Cor. 4. Et cogitet vnusquisq; diuisiones *διαστομῶν* esse, 1. Cor. 12. ideoq; omnia ad vsum communem contribuenda.

F I N I S.

T H E M A XXIX. CLASSIS II.

Prouerb. 10. vers. 27.

Timor Domini apponet dies, & anni impiorum breuiabuntur.

D I S P O S I T I O.

Si quis nouus huc aduentaret Medicus, qui singulari remedio inueniret dies vitæ humanæ posset prolongare ad multos annos, bone Deus, quis ad ipsum totius populi fieret concursus? Cum plerique nihil magis in votis habeant, quàm vt diu vivere possint. Ecce autem hoc loco certissimum experimentum, non à Nugatore quodam circumforaneo, sed à sapientissimo Salomone nobis demonstratum, quod ad vitæ longæuitatem conducit. Et cui verè possumus subscribere, Probatum est. Nec hîc multa pecunia opus, vt tantum ditioribus liceat emere, sed vili pretio, imò absque pretio gratis omnibus, tam pauperibus, quàm diuitibus concessum est. Et tale est sanè remedium, quod omnes sibi facile possunt applicare: quodq; omni ætati, omniq; hominum complexioni vel conditioni accommodatissimum est. Hæc autem ars omnis latet in hoc quem

quem prælegimus versu, ex quo idemonstrabimus, quæ ratione dies vitæ nostræ possint prolongari.

2. Deinde etiam quæ sit causa, quod multorum anni abbreviantur.

I. Pars.

Sic autem Salomon: Timor Domini adauget dies vitæ. Hoc, hoc est vnum illud remedium, quo dies vitæ nostræ possunt prolongari. Varia solent alioquin excogitari ab hominibus remedia, quibus vitam ad multos annos possint producere. Alii de nescio qua medicina vniuersali splendide nugari possunt: alii aurum istud portabile conficere tentant pro longæuitate hominis.

Veteres olim Panaceam hominib. commendabant, variorum morborum vniuersalem medicinam. Virgil. Spargitq; salubris, Ambrosiæ succos & odoriferam Panaceam.

Lucianus. Et Panacea potens. Hinc multiplex illud & varium *πάνακες*, aliud *ἡράκλειον*, aliud *ἀσκήπειον*, aliud *χειράνειον*, siue centaurium, aliud tandem Ligusticum.

At contra vim mortis non est medicamen in hortis: & neq; herba neq; cataplasma sanare illos poterat. Sap. 16.

Vnum hoc, quod Salomon nobis ostendit, instar medicinae vniuersalis est, quæ dies vitæ adauget, Timor sc. Domini. Etenim qui vitæ est & mortis Dominus. Sapient. 16. hac nos vti medicina voluit, & vni huic medicamento virtutem indidit, vt posset ad longæuitatem facere, hoc modo: 1. Vt qui Deum timeret, studeat pietati & vitet peccata (Syr. I. v. 27.) quæ mortem alioquin accelerant. Etenim qui timent Deum, illi etiam viuunt temperanter, & cauent ab omni luxuria, quæ cor & vires auferit. Ose. 4. Pietas itaque ad omnia utilis est, etiam ad longæuitatem comparandam, in præsentī seculo. 1. Tim. 4. Sic enim promisit Dominus Deuter. 4. Serua præcepta mea, vt sis longæuus super terram. Idem Ex. 20. Eph. 6. Et Deut. 30. Hæc est longitudo dierum tuorum, vt diligas Dominum Deum tuum, & vocem illius audias

2. Pre-

2. Preces etiam ex timore Domini profectæ huc pertinent. Nam voluntatem timentium se faciet Psal. 154. v. 19. Illustre exemplum extat Esa. 38. de Hiskia. v. 5. Exaudiui orationem tuam. &c.

Mirum itaque quod cum pleriq; vitæ cupidi sint, pauci tamen studeant eiusmodi rebus, quibus vita prolongatur. Tu autem, ô homo, Deum time, abstine à peccatis, Deumq; sedulò precare, & addet diebus vitæ tuæ non quindecim annos, sed multa secula, ita tamen, si id non obsit salutis tuæ. De quo plura alias.

I I. Pars.

Sicut autem pietas & timor Domini prolongat vitam, ita vicissim impietas abbreviat dies. Possent multi naturaliter vivere diutius, sed illi subiipsis mortē consciscunt, non tantum violenter, sed hoc modo, ut ne ipsi quidem hoc animadvertant. Invidi seipsos enecant. Nam invidus alterius rebus marcescit opimis.

Ebrii sua intemperantia ante tempus semetipsos iugulant. Vbi dolor, vbi vix, Prou. 23. v. 29.

Idem de scortatoribus sentiendum, qui sunt proprii corporis excoriatores. Vide Syr. 19. v. 3. Contentiosi & plagosi dant sæpius pœnas temeritatis suæ, quando ab adversa parte occiduntur.

Magi & similes interdum à Magistro suo Satanaiugulantur. Exemplum Actor. 19. vbi Satan vulnerat Magos. Facinorosi, & scelerati interdum gladio Magistratus e medio tolluntur. Fur. Ios. 7. Blasphemus. Leuit. 24. Suntque hæc notoria & manifesta exempla impietatis vitam decurtantis.

Interdum verò Deus occulto modo vitam abrogat impiis, ut pœnas dent scelerum. Her & Onam, Genes. 38. Interdum alia ratione punit per hostes, ut Hophni & Pinehas in bello pereunt. 1. Sam. 4.

Sic enim impiis minatur Dominus. Psal. 5. Occidis mendaces. Psalm. 55. Impii non dimidiabunt dies. Psal. 37. Transiui & non erat.

Quicumque igitur cum Dauide Psalm. 102. orare vult, Non auferas me in medio dierum meorum, is etiam sibi ipsi parcat, necesse est. Vellet interdum Deus vitam ipsis prolongare, dummodò ipsi sibi propriis sceleribus non attraherent & accelerarent interitum.

Monendi autem estis hoc loco, auditores charissimi, vt ne offendant vos iudicium Domini mirabile, si interdum ab hac regula discedit, & abbreviat vitam timentibus ipsum, impiis verò prolongat. Sunt enim iudicia Domini occulta multa, iniusta nulla. Et habet Deus huius rei causas. Potissimum autem has: 1. vt pios eximat his malis citò. De quo Sap. 4. Exemplum Iosiae, 2. Par. 34.

2. Vt impios inuitet ad pœnitentiam, & tempus satis longum concedat: sicut mundo originali 120. annos. De quo Rom. 2. v. 4. 2. Pet. 3. v. 9.

Hoc vbi videmus fieri, sciendum, extraordinariè agere Dominum: Regulariter autem facit Dominus cum piis & impiis, sicut nos Salomon erudiuit.

F I N I S.

THEMA XXX. CLASSIS II.

Prouerb. 16. vers. 31.

Corona dignitatis canicies, quæ in vis Iustitia reperitur.

DISPOSITIO.

Vix est quicquam in homine viliori loco habitum, quàm pili vel crines illius. Nihilominus tamen scriptura illius rei vilissimæ ita meminit, vt Deo etiam curam eius tribuat maximam. Hinc Deum in numero habere pilos capitis nostri ipsa veritas testatur, Matth. 10. v. 30. Sicut autem in hominis potestate non est, vt vnum pilum, vel album vel nigrum facere possit, Matth. 5. v. 36. ita vicissim Deum non sine causa aliquem facere canum, testis est Salomon hoc loco. Etenim qui pilos numerat, is idem quo-

quoq; colorem illorum pro voluntate sua mutat. Nihil autem frustra Deus facit, nec hac etiam in parte. Dicemus itaq; 1. de occasione huius loci, quid de canis senum iudicet Salomon. 2. De quibus senibus hoc intelligi velit.

I. Pars.

Naturæ hoc indidit creator, ut pili cuiuscunq; coloris in senectute tandem canescant. Hoc autem quia naturaliter ut plurimum ita fieri videmus, nemo forsitan magni momenti esse iudicat.

At Salomon sapientissimus ille & perspicacissimus Rex, qui omnia (naturalia etiam maximè) accuratè consideravit, hoc loco testatur, non sine causa pilos senum colorem hunc induere. Canitiem enim senibus a Deo imponi tanquam coronam.

Sicut autem corona ornamentum est in capite Regis: ita cani sunt ornamentum senectutis. Etenim sicut non omnibus corona imponitur, sed Regibus tantum, ita non omnium pili sunt cani, sed seniorum ferè tantum, quos Deus longiori vita honoravit & ornauit. Similis locus extat Prou. 20. v. 29.

1. Docet autem hic locus Iuvenes, ut cum iudicio aspiciant canos senum, nec cogitent, hunc colorem frustra inditum pilis, sed sciant, Deum hac quasi corona voluisse honorare senes, adeoq; ipsis hos canos propterea ante oculos statuisse, ut discant & ipsi venerari canos, etiam illorum, qui alioquin in hoc mundo (si conditionem vitæ spectes) non inter honoratiores habentur. Estque id mandatum Domini, coram cano capite assurges, Leuit. 19. Et non tantum coram cano capite viri honorati & magni aliàs, sed coram omni cano capite.

Punit Deus contemptum senis Prophetæ, 2. Reg. 2.

Quin & gentes, & in his maximè Lacedæmonij magnum olim habuerunt honorem senibus veneranda canicie conspicuis. Hinc Ouid. Magna fuit quondam capitis reuerentia cani. Inque suo pretio ruga senilis erat.

Et Iuuenalis: Credebant hoc grande nefas & mortepiandum, si iuuenis vetulo non assurrexat olim.

Grauitur itaque peccant Iuuenes contemnentes canitiem venerandam. Quod magis ferè vetulæ & anus experiuntur nostris temporibus. At cum omnes viuere optent ad canitiem, non sunt contemnendi cani vel mulierum vel virorum.

Et si Deus ipse hac canitie testetur, se senibus fauere, quorum ætatem tam diu conseruauit, quare homines illos contemnunt? Certè nemo impunè istud feret. Et qui senes deridet, vicissim in senectute deridebitur ab aliis, nisi Deus vitam illius abbreviet ante tempus. Sed & senatus nomen habet à senioribus, ex quibus deligitur ut plurimum. Fælix etiam Res. cuius senatus corona veneranda canicie cingitur. Esaias enim pœnæ loco recenset, si aufecantur senes. Esa. 3.

II. Locvs. Non pudeat senes caniciei, sed rerum turpium. De hoc vide supra in tractat. Themat. 28. in hac Classe.

II. Pars.

Caniciem esse ornamentum senectutis diximus. At tamen sicut non omnis senectus, ita nec omnis canicies est venerabilis, quod innuit Sapiens Sap. 4. v. 3. Ideoque de quibus senibus loquatur Salomon, iam erit dispiciendum. Sic autem explicat seipsum, corona gloriæ cani, eorum tamen qui in viis Iustitiæ reperiuntur. Si quis enim maximè annorum ratione senex, at iuxta impius sit, hunc certè cani ornare non poterunt, ipse verò vicissim canos suos dehonestabit. Indignum enim iudicabunt alii boni, qui canos gestet, & qui tam diu viuere debeat, ut canus esse possit. Tales erant senes illi duo, falsi contra Susannam testes. Et quicumque sunt senes libidinosi, impuri, auari & impii, Epicurai, &c. hi certè indigni sunt, qui canos gestent, & magis peccant quàm iuniores, quos senes illi offendunt. Væ igitur illis, si per ipsos veniat scan-

scandalum. Matt. 18. Satiuseffet illos nunquam natos, aut citò extinctos fuisse. At qui pietatem sectantur illis venerabilis est caniciès.

D O C E N T autem hæc Salomonis verba senes, qua ratione honorem in senectute sint consequuturi. Certè non sola ætas senes dignos faciet honore. Si qui in iuuentute res turpes exercuerunt, nec pœnitentiam egerunt, illorum certè cani maledicti erunt. Et si qui etiam in senectute aliquid admittant hac ætate indignum, illis cani non erunt ornamento.

Cicero. Non cani, non rugæ repentè authoritatem afferunt, sed honestè acta superior ætas. &c.

Ideoque qui canis ornari volunt in senectute, hi in iuuentute studeant pietati. Eccle. 12. Memento creatoris in iuuentute. Iosias puer quæsiuit Dominum. 2. Par. 24.

Hinc sententia illa elegans: Maturè fias senex, si diu vis viuere senex. Et venturæ memores iam nunc estote senectæ. Non procrastinanda pietas vsque ad senectutem.

Deinde caueant vbi prouectior ætas contigerit, ne quid admittant indignum sua ætate. Quid autem senes deceat, legitur 2. Tim. 2. v. 22. Et exempla senum laude dignorum sunt, Barfillai Gileadites 2. Sam. 19. atque Simeon, Luc. 2. pii item Patriarchæ senes, Abraham, Isaac, Iacob, &c. Lacon ille Spartanus referebat se hanc ob causam promissam alere barbam, vt canos intuens nihil illis indignum committat. Nec in senectâ demum à veritate deficiant, sicut Salomon. 1. Reg. 11. v. 4. & Ioas Rex Iudæ 2. Paral. 24. Decet enim senes maximè omnium constantia. Hinc Solon tam audacter resistens Tyranno Pisistrato, respondit, se senectute fretum hoc facere. Memorabile est exemplum illius senis Eleazari 2. Macha. 6. qui cum sollicitaretur ad defectionem & simulationem, masculè respondit: Non ætati nostræ dignum est fingere. Nec voluit simulatione maculam senectuti aspergere, aut iuniores suo exemplo offendere.

Maximè verò decet senes, si in iuuentute dissolute vixerunt,

xerunt, ut in senectute agant pœnitentiã veram, & corrigant quæ peccauerunt, ut sic etiam alios suo exemplo inuitent ad pœnitentiã. Viuantq; semper mortis memores.

THEMA XXXI. CLASSIS II.

Ecclesiast. II. vers. 8.

Si annis multis vixerit homo, & in his omnibus letus fuerit, recordabitur dierum tenebrarum, quia multi erunt. Et quicquid euenerit, vanitas erit.

DISPOSITIO.

Prouerbio dicitur: Qui diu vixerit, multa experietur. Illud verum esse testantur hæc Salomonis verba: & simul etiam docent, quod senex aliquis omnia præteritorum annorum acta repetens, & apud animum suum omnem vitam suam in rationem inducens, vel transactæ vitæ rationem computans, inuenturus sit tantum vanitatis, ut vix boni aliquid in omni vita sua expertus videatur. Attamen licet hæc omnia præsentibus oculis intueamur, vix tamen persuaderi nobis patimur, vera isthæc esse. Si enim vera esse crederemus, non tantopere huius vitæ longæuitatem efflagitaremus.

Itaque verba Salomonis primum excutiemus, deinde etiam quid nos monere debeant, videbimus.

I. Paraphrasis.

Breuis alioquin est vita hominis, respectu vel æternitatis vel longæuitatis patrum. Ad summum anni sunt 70. vel 80. Psalm. 90. Et qui ad summum peruenit diu vixisse putatur. I. Qui verò diu vixerit, & secum reputat, quam in omni ætate expertus fuerit fortunam, ferè tantum recordari poterit dierum malorum.

Etenim veteris incommodi reminiscitur miser, quanta scilicet in infantili & puerili ætate imbecillitas, in iuuenili temeritas, leuitas vel imprudentia, in virili infelicitas,

citas, atque in senilibus demum annis infirmitas ipsum afflixerit.

2. Et quanto plures annos vixit tanto plura sensit incommoda. Multorum enim annorum mala recordatur senex.

3. At ne quis putet, Hæc tantum intelligi de his, qui plane infælici sydere (quod dicitur) nati sunt: ideò addit Salomon, se loqui de sene qui hilarem putetur & dulcem vixisse vitam. Imò qui lætatus est in omnibus, tamen dierum malorum (qui verè dicuntur dies tenebrarum, hoc est, doloris & mœroris, Esa. 37. v. 3. Ioël. 2. v. 2.) cum gemitu recordabitur. Quæ enim potest esse dies læticiæ in his terris, cum extrema gaudij semper luctus occupet. Prou. 14. v. 13. atque omnè gaudium felle tristitiæ misceatur.

4. Et vno verbo rem omnem expedire vult Sapiens, quicquid ipsi euenit, vanitas est. Si maximè visa fuerit asfulgere lætior aura, mox tamen crucis nebulae offuderunt tenebras. Nihil enim est ex omni parte beatum, quicquid in hoc toto mundo est. Vanitas vanitatum & omnia vanitas.

Stat itaque firma & immota hæc Regis nostri sapientissimi sententia, quod si maximè interdum homini contingat longior ætas, eaque videatur multum habere fælicitatis, tamen si vel tandem omnia ad calcûlos vocare velit accuratius, hoc vnum illum deprehensurum, quod tam multi dies tenebrarum illum non passi fuerint veram contueri lucem.

II. Loci.

I. Admonet nos hic locus de ingenti & ineffabili miseria vitæ humanæ, in qua ferè nihil præter vanitatem reperire licet. Hinc peregrinationibus continuis comparatur à Iacobo. Gen. 47. Militiæ à Iobe: & diebus mercenarii, Iob. 7. Summa quod preciosum, labor & dolor est. Ps. 90. Syr. 40.

At non opus erat nos toties de his moneri, si sapere possemus.

femus. Vbi enim res loquitur, ibi verbis opus non est. In-
terim tamen huius vitæ desiderium tantum est, vt nemo
ferè illam relinquere velit. Ideoq; de his miseriis nos sæ-
pius moneri vtile est, vt vel tandem hanc lachrymarum
vallem (sicut verè dicitur Psal. 84.) fastidire, & mundo va-
ledicere discamus: atque cupiamus dissolui cum Paulo,
Phil. 1. dimitti cum Simeone, Luc. 2. Atqui multi tam se-
nes, quàm iuuenes hîc errant grauitè. Iuuenes se extra o-
mnem mortis aleam positos putant. Senes sperant me-
liora. Et nemo tam senex est, qui se non annum viuere
posse putet. Quod si verò iuuenes cogitarent de his mi-
seriis, non optarent vitam longiorem. Senes verò si ratio-
nes cum Salomone sæpius inducerent, & vanitates iam
olim visas assiduè computarent, certè aliud sentirent, &
potius orarent cum Elia, Domine, tolle animam meam,
1. Reg. 17. Sat habeo. Cœlestia enim magis quærenda &
superna, Coloss. 3. Phil. 3. 2. Cor. 5.

At pauci desiderio alterius vitæ tenentur. Plurimi ter-
ræ affixi vitam hîc longæuam optant.

II. Vnde tanta miseria huius vitæ agnoscenda. A
peccato. Peccata itaque detestemur, fugiamus & cauea-
mus. Illa enim diuidunt Deum & nos, Esa. 59. Et sicut pec-
cati stipendium mors, Rom. 6. ita omnis miseria.

III. Nemo suam felicitatem quærat in his terris.
Neq; veram vitam putet esse in his terris. Cum vera vita
non sit, nisi vbi feliciter viuitur, teste Augustino. Istam
mortalem vitam, mortalem dicant vitam, an mortem vi-
talem, nescio, ait idem. Confess. lib. 1. cap. 6.

Stultè igitur agunt quicunque voluptatem & delicias
huius mundi sectantur, & in diem viuunt, existimantes,
sic se miseras huius vitæ posse profligare. Quemadmo-
dum Diues Epulo, Luc. 16. Nabal, 1. Sam. 25. & Epicuræi
illi fecisse leguntur, qui dicunt: Edamus, bibamus, cras
moriemur, 1. Cor. 15. v. 32. Et illi, quos describit liber Sa-
pientiæ cap. 2. v. 6.

Tales enim hîc nihilominus sunt miseri, dum semper
cum

cum tremore coguntur expectare vocem illam de cœlo, Luc. 12. Stulte, hac nocte auferetur anima tua, aut illam, Daniel. 5. Appensus es in statera, & inuentus es minus habens, &c. Et quia animæ suæ non habuerunt rationem, cruciabuntur in æternum, Esa. 66.

Christiani autem non graentur in hoc mundo pati pressuram, Ioan. 16. v. 33. vt ibi solatio frui possint cum Lazaro. Et soletur ipsos gaudium futuri sæculi, quod non auferetur ab eis, Ioan. 16. v. 22. Psalm. 16. v. 11.

T H E M A XXXII. C L A S S I S II.

Ecclesiast. 12. vers. 1. ad 8.

Memento Creatoris in Iuuentute tua, &c. Manual. pag. ~~18~~ 276. infra.

D I S P O S I T I O.

Egregius est hic locus, vbi Salomon triste senium depingit iuuenibus considerandum: vt cogitent, quid aliquando de ipsis sit futurum, qui iam sunt propter integras vires corporis insolentiores. Notandum autem, quod cum in verbis præcedentibus huius capituli Salomon iuuenes sic fuerit allocutus, Lætare iuuenis in adolescentia tua, & lætum sit cor tuum in iuuentute tua; is tamen ita temperare voluerit iuuenum læticiam, ne obliuiscantur Creatoris, ostendens primum quàm citò obrepit nō intellecta senectus, quam (mit verblümbten Worten) metaphoris venustissimis ita describit, vt vix eam penicillo pictor potuerit accuratius depingere. Deinde verò addit Sapientissimus Rex, quid tristem senectutem mox subsequatur.

Hæc iam cum suis doctrinis breuiter videamus.

I. Pars.

Memento, ô iuuenis, inquit Salomon, Creatoris tui, cogita te ortum habere non ex temetipso, nec ex fortunæ casu, sed Deum te creâsse, vt ipsi seruias, & ipsum vt pa-

trem honores. Malach. i. Sic enim in symbolo profiteris, Ego credo in Deum patrem omnipotentem Creatorem.

Non autem existimes, satis esse si de orru & creatione atq; creatore tum demum cogites, cum mors & interitus approinquauerit: Sed in iuuentute tua de his cogitabis. Ratio. Quia ubi consenueris, accedent anni, quos dicest tibi non placere. Tantis enim tum grauabere malis & incommodis, vt de creatore difficilius cogites quam dum es iuuenis.

Senectus enim per se morbus multum te affliget. Quid igitur incommodi fert senectus, quo minus tum possim optimam habere occasionem cogitandi de Deo creatore? Audi. Depingam tibi senem ægrum & tremulum. i. Sol & Luna, Lux & stellæ obtenebrescent, &c.

Lux læticiam, tenebræ tristitiam afferunt: & idem etiam scriptura intelligit, Ioël. 2. v. 2. sicut Germanico Prouerb. etiam nos dicimus, *Es will kein stern da seyn*. Ita in senectute omnia ad tristitiam vergunt. At dicitur alias, post nubila Phœbus. *Nach Regen kommt Sonnenschein*. Sed hîc alia est ratio. Post pluuiam densæ recurrunt nubes. Alia aliam excipit calamitas. Destillationes ferè continuas sentiunt. Prouerb. dicitur. *Ein Alter hat alle tag neue zeitung*. Semper noui morbi accedunt, prioribus vix superatis, & fluctus fluctum consequitur.

2. Custodes domus tremunt. Manus & brachia, quæ alioquin defendunt hominem & labores sustinent, iam sunt tremula & infirma, nec faciunt officium.

3. Fortes nutabunt. Pedes qui gestare totum corpus debebant, iam nutare incipiunt, vt baculo opus sit gradum senis iuuare.

3. Molitrices otiosæ sunt. Edentuli plerumque sunt senes, & non possunt amplius, si maxime velint, omnis generis cibos manducare. Dentes igitur otiosi. Quia pauci, inquit Salomon, & longe ab inuicem distantes. Sæpè magis inde dolorem quam commodum sentiunt senes.

4. Videntes per fenestras obtenebrescent. Oculi caliga-

ligabunt, vt vix præsentissima aspiciant. Exemplum. Isaac, Gen. 35. Ahia. 1. Reg. 14.

5. Claudentur ostia in platea. Labia occlusa erunt, per quæ egreditur alioquin tanquam ex platea, quicquid est in corde humano. Mat. 15. Senes autem nec possunt, nec valent amplius multum loqui. Quia vox molitricis exilis. Vox senibus infirma & humilis est, vt non amplius clare loquantur.

6. Expergiscitur senex ad vocem auiculæ. Senes facile à somno (qui propter vetriculi cruditatem vel cerebri siccitatem est leuissimus) excitantur: cum iuuenis tuba sonante vix excitetur interdum.

7. Incuruantur filia cantus. Aures audientes alioquin cantica & suauem melodiam, obsurdescunt senibus: vt nec percipiant sonum, nec delectentur amplius concentu musico. Barfillai. 2. Sam. 19. v. 35.

8. Excelsa timent & formidant in via. Senes alta loca conscendere metuunt, & lento incedentes gradu timent leuissima quoque offendicula in via & lapsus metuunt. Meticulosi semper incedunt. Via plana illis aspera, & quicuis lapillus instar montis est.

9. Floret amygdalus. Caput canescit, & instar florentis amygdali capilli capitis & barbæ apparebunt.

10. Onerabitur locusta. Incuruantur coxæ & spinæ dorsi ad modum incuruata locustæ. Vel, crescit in cute callosa durities, quasi locustæ crusta fiat.

11. Abiit desiderium. Fastidium cibi & potus designatur.

12. Rumpitur funiculus argenteus. Quia senex non amplius cum desiderio (sed cum perpetua nausea) edit & bibit, ideoque rumpitur funiculus argenteus. Prouerbio enim dicitur, *Essen vnd trincken ist der Nestel / der Leib vnd Seel zusammen hält.*

13. Decurrit scaturigo aurea. Humidum radicale paulatim deficit. Et extinguatur calor naturalis. Sicut lampas deficiente oleo extinguatur.

14. Vrna

14. Vrina putei conteritur. Ventriculus, qui alioquin haurit cibum & potum, non amplius potest concoquere id quod accepit, sed instar vrinæ contractæ cibum reiicit.

15. Tandem & rota putei confringitur. Iecur aliàs (instar rotæ extrahentis aquam ex puteo) quod optimum est de cibo & potu, ex ventriculo extrahit & distribuit alimenta. Iam verò non amplius facit officium, & sic non possunt vires hominis refici, ideoque plane concidunt.

Hæc sunt incommoda senectutis. Ideoque antequam hæc experiatur homo, in tempore conuertatur ad Deum suum. Quod verò nonnulli senes his incommodis non videntur grauati, sciendum fuisse illud beneficium singulare: quando scilicet Moses, Abraham, &c. leguntur mortui in senectute bona; Attamen vt plurimum hæc videmus accidere senibus. Itaque non est, quod meliorem expectes fortunam.

L. Insignis hæc senectutis pictura facit ad doctrinam pro iuuenibus & senibus, & omnibus.

I. Discant enim hinc iuuenes & quicumque alij procrastinatores, quàm periculosa sit illa procrastinatio, de qua etiam Syr. 18. cap. monet. Nescis enim vtrum ad senectam vsque sis victurus. Quòd si verò contingat, te fieri senem, vides quæ secum ferat incommoda senectus. Si enim cogites, vbi senuero, pietati studebo, ibo ad templum; respondet Salomon, At pedes te non ferent. Si dicas, Tum audiam conciones, respondet, at auditus hebetabitur, deficiet. Legam, ais, verbum Dei. At oculi caligabunt. Meditabor tamen, inquit, audita. At tot ægritudines corporis non patientur illud. Labia tua cessabunt, vox tua non audietur amplius. Itaque in iuuentute disce timere Deum. Exempla piorum Iuuenum sunt in promptu, Ioseph, Daniel, & socij, Iosias, Dauid, Psal. 71. Spes mea à iuuentute. Samuel, Timotheus. Psalim. 119. Quomodo inculpatè vixerit adolescens, inquit Dauid: & respondet, si custodierit sermones tuos. Disce igitur voluntatem Domini ex verbo ipsius, & cum accedent anni af-

ni afflictionis, senties consolationem. Et certè vehementer opusest, vt in iuuentute orent pij ad Dominum, ne in senectute abiiciantur vel derelinquantur. Quod videmus factum à Dauide, Psal. 71. v. 9. & 18.

II. Quicunque verò senes pij hæc incommoda sentiunt, illi loco magnæ consolationis ponant id ipsum, quod intelligunt, ipsorum infirmitates Deo non esse incognitas: quia tam exactè à Spiritu sancto describuntur. Et soletur 1. ipsos istud. Esaia 46. Ego ad senectam vsque portabo. Non derelinquam te vbi senueris. Ego tecum. 2. Fidelis Deus non sinens vltra vires tentari, 1. Corinth. 10. Scit enim quale simus figmentum, Psalm. 103. vers. 14.

III. Omnes autem in genere intelligunt, verum esse illud Prouerbum, Senectutem esse hospitem, qui quidem à plerisq; sæpius inuitetur; ast vbi comparuerit ab omnibus tùm fastidiatur. Non igitur tantis contentionibus petenda longæuitas & seniles anni: sed etiam in iuuenta parati simus discedere ex hac lachrymarum valle.

Ast vbi Deus nos ad longam senectutem viuere, atque hæc etiam incommoda experiri voluerit, est vt patienter feramus. Si enim bona (& integras corporis atque animi vires in iuuentute) accepimus à Domino, mala cur non sustineamus, Hiob. 2. v. 10. Et rogandus Dominus, vt non abiiciat nos tùm à facie sua, nec Spiritum sanctum auferat, Psal. 51.

II. Pars.

Sed quid tandem fit, vbi senectus tam variè affixit hominem? Tendit homo ad domum suam sempiternam: id est, ad sepulchrum tandem deuenit, ibique ipsi manendum vsque ad finem seculi. (Æternitas enim in scriptura tripliciter intelligitur. Vel ad finem vitæ hominis refertur, vt; erit tibi seruus in æternum, id est, quoad vixerit. Deuteron. 15. v. 17. Vel ad finem huius sæculi extenditur, vt hoc loco. Vel infinitam æternitatem denotat, vt Genes.

Genes. 3. v. 22. Psal. 102. v. 13.) Et hoc quotidie fieri testantur qui frequenter in viis circueunt lugentes. Sunt enim exempla talium ferè quotidiana. Hodie mihi, Cras tibi. Syrach. 38. Sed quid tum fiet? Numquid silicernio in terram abscondito, omnia tum finem habent, vt nulla amplius sit memoria omnium eorū, quæ in terris acta sunt? At restat aliud. *Es wirdt nicht also wett seyn.* Puluis quidem reuertitur in terram. Corpus ex terra est, adeoque in terram resoluitur. Gen. 3. Spiritus autem, hoc est, anima hominis, reuertitur ad Deum, qui dedit eum. Anima sistitur iudicio Dei, vt is pronunciet, quo loco habenda sit. Is enim potestatem habet super Spiritum, quia dedit eum. Respicit ad formationem Protoplasti. Gen. 2. vers. 7.

Vel si de animis piorum hoc tantum intelligatur (de impiis enim alia est ratio) hoc vult, animas piorum in manu Dei asseruari, ne tangat illas tormentum. Sap. 3.

Locvs. I. Cum Salomō puluerem nobis hīc obicit, ad humilitatem inuitat, ne superbiamus, ne vè alter alterum contemnat, cum omnes ex eadē massa facti sint, scil. ex limo terræ. Agnoscit hoc Abraham Gen. 18. puluis & cinis sum. Hinc Syr. 10. Quid superbit terra & cinis? Iob ait nos incolere domos luteas. cap. 4. v. 19. Et sciendum quod etiam reuertendum nobis sit eò, vnde sumus prognati.

II. Cum videamus animam non simul cum corpore extingui, sicut Epicuræi sibi ipsis persuadent, sed certum fit, animam mox vbi egressa fuit ex corpore Deo iudici sistendam, vt pro gestis in corpore vel ad barathrum inferorum, vel ad sedem beatorum adiudicetur: Certè iuvenes & omnes alij cautè agere & in tempore cum Deo in gratiam redire debent, ne in lacum, sulphure & igni ardentem, proiciantur. Quamprimum enim moritur homo, tum experietur quomodo vixerit. Syr. 11. vers. 29.

Quid igitur faciendum, cum animæ quidem omnium diuino iudicio sistendæ, piorum autem tantum saluandæ & in manu Dei asseruandæ sint? Hoc agendum, vt animæ puræ & sanctæ sint. Nam immundus non regna-

bit in Ierofolyma cœleſti, Eſa. 52. v. 1. Itaque purificandæ & ſanctificandæ animæ. Quomodo? Fide. Act. 15. v. 9. vt expurgetur vetus fermentum, 1. Corinth. 5. Hinc illud Pſal. 15. Domine, quis habitabit in tabernaculo tuo? Qui ingreditur ſine macula, &c. Corda noſtra ita paranda, vt ſint templa Spiritus ſancti, 1. Corin. 6. Hinc, Rom. 8. egregius extat locus in hanc ſententiam, Quod ſi Spiritus excitantis Ieſum à mortuis, habitat in vobis, is viuificabit & mortalia veſtra corpora, propter ipſius Spiritum inhabitantem in vobis.

T H E M A XXXIII. C L A S S I S I I.

Syrach. 41. in fine.

Noli metuere iudicium mortis. Memento à Deo ſic ordinatum eſſe ſuper omnem carnem, eorum videlicet, qui ante te fuerunt, & qui poſt te in hunc mundum ingredientur. Et quid reſuſas voluntati diuinæ obtemperare, ſiue viuas tantum decem annos, ſiue centum, ſiue mille? In morte enim non queritur, quamdiu quis vixerit. Græc. In ſepulchro non eſt redargutio vitæ.

D I S P O S I T I O.

Mors omnium malorum terribiliſſimum exiſtimatur à plerique, cum coniunctiſſimos diuellat, neque tantum amicos, ſed etiam corpus & animam ſeparat, nec ſine dolore. Hinc quoque pii horrent mortem, & trepidant multi vel ad nudam mortis mentionem. Et hoc videtur eſſe naturale, atque innatum hominibus. Notandi itaque magno ſtudio Loci ſcripturæ, qui amaritudinē mortis vincere, & horrorem illum (ipſa morte acerbioſiorem) pellere docent. Talis eſt & hic inſignis locus Syracidis, ubi Sapiens docet 1. Mortem non eſſe tantoperè extimeſcendam: ubi notandum, de quibus hoc ſit intelligendū. 2. Cauſas addit, quare mors non debeat eſſe formidabilis, quas excutere placet.

I. Pars.

I. Pars.

Noli metuere, inquit Syracides, iudicium mortis. Hoc loco natandum, quibus mors non sit extimescenda. Impij sanè haud immeritò mortis iudicium timent, cùm audiunt, se mox vbi naturæ debitum persoluerunt, cruciatibus adiudicandos esse æternis. Duplici enim morte illis pereundum. Primam enim & corporalem excipit mors secunda. De qua Apoc. 21. Sic enim Syr. II. v. 29. cum moritur homo, experitur quomodo vixerit. Et simul illud de Diuite Luc. 16. quòd mox vbi sepultus fuisse legitur, confestim addatur, ipsum fuisse in inferno.

Hoc est quod mortem facit impiis formidabilem & malam. Testis enim est Augustinus lib. I. de Ciuit. Dei cap. II. quod hoc quod sequitur mortem, malam etiam faciat mortem. Et hoc maximè curandum, quo quis moriendo ire cogatur. Cum autem impij moriendo ad æternos cruciatus ire cogantur, non sine causa mortis iudicium metuunt. Ibi enim excipiet illos fletus & stridor dentium. Matth. 8. 13. Luc. 13.

Simile. Qui extremo supplicio afficiendus, timet pulsum campanæ, trepidat ad conuentum Iudicum, cum tremore audit sententiam, cibū in anxietate capit. Quia scit, peractis his mox se tradendum carnifici, vt occidatur. Ita de impiis fit, cùm instat hora mortis. Cum his itaque non loquitur Sapiens, sed cum piis, de quibus longè est alia ratio; & quorum mors mala esse non potest, cum bona vita præcesserit. Nec malum est quod sequitur illorum mortem.

V s v s. Debebant itaque impij vel ob hanc vnam causam abnegata impietate pietati studere, ne cogantur cum timore & tremore mori, & expectare tam triste supplicium. Debebant sæpius meditari illud Heb. 10. vers. 27. quod post mortem maximè ad ipsos pertinet, sc. quod super sit formidabilis quædam iudicij diuini expectatio, &c. Cum pij vicissim magna cum voluptate expectent aduentum redemptoris.

II. Pars.

II. Pars.

Sed videtur tamen piis etiam mors esse formidabilis, cum sit destructio vitæ, & dissoluat corpus & animam? At rationes adducit Syracides, cur non extimescendum mortis iudicium.

Prima sic habet. Memento à Deo sic ordinatum esse. Dei voluntas hæc est, vt qui ex terra natus est, in terram reuertatur. Quia igitur is habet potestatem vitæ & necis, Sap. 16. licet illi de nostra vita statuere quod vult. Iustum enim est, vt pulvis reuertatur in terram: Spiritus autem ad Deum, qui dedit eum, Eccl. 12. Si igitur animam repetit Deus, quod suum est, repetit. Ideoq; non iniquus est.

Altera latet in verbis, vbi dicit: Super omnem carnem sic ordinatum esse à Deo. Eadem est fors omnium, qui tecum viuunt. Quid igitur petis prærogatiuæ? vt tu scilicet solus super sis? Estq; hæc via vniuersæ carnis. 1. Reg. 2. Iosua 23. *Da gehts gleich zu.* Mors nescit legem, tollit cum paupere Regem. Pallida mors æquo pede pulsat pauperum tabernas, regumq; turres. Moriendum tibi est: Cogita, *Es geht dir erst wie andern Leuten.*

Tertia ratio esse potest in his verbis: Eorum qui ante te fuerunt, & qui post te ingredientur in mundum. Ne enim quis existimet, eos qui ante ipsum vixerunt, fuisse feliciores, aut post se venturos tales fore: anteuertit Syracides cogitationes, & respondet, Non tantum omnes, qui tecum viuunt, sed & qui ante vixerunt, & qui post te victuri sunt, eandem ingrediuntur viam. Anne igitur melior es patribus aut posteris tuis? Elias certè dicit, 1. Reg. 19. Non sum melior patribus meis. Tolle animam meam. Sic tu dicas, lubens moriar, & cum patribus dormiam. *Unser HERR Gott darff mir tem besonders machen.*

Quarta ratio. Si maximè quis conetur resistere voluntati diuinæ, dum vel morasnectere, vel prorogationem termini impetrare, aut mortis horam in aliud tempus reicere tentat, nihil efficiet. Non enim habet homo potestatem Spiritus, in hora mortis, &c. Vide Eccl. 8. v. 8.

Es muß doch einmahl seyn. Ideò non valet, si dixeris, si prius attigissem annum sexagesimum aut octogesimum, tum lubentì animo cuperem dissolui: sed iam non sum paratus. Perinde enim est, si maximè mille annos vixisses, tamen semel est moriendum. Ist eben so gut bey zeit / als vber lang. Mors enim non curat quamdiu quis vixerit: sed tam decennem quàm centenarium hinc euocat. Ergo non graue sit tibi etiam in flore ætatis mori. Stirbest du bald / so hast du es bald vberwunden.

Vsvs. Hæc, quæ diximus, amaritudinem mortis vincere poterunt. Cum enim non nisi Deo volente moriamur, sine cuius voluntate nec capillus cadit in terram, Matth. 10. Certum est, quod diligētibus Deum, mors (sicut alia omnia, Rom. 8.) in bonum cooperetur. Piis enim mors non tantum est somnus, Ioan. 11. 1. Thess. 4. & dulcis quies, Esa. 56. Apocal. 14. v. 13. sed etiam transitus ad vitam æternam, Ioan. 5. Cumq; ante nos hanc viam ingressi sint omnes sancti Patriarchæ, Prophetæ, Reges, Apostoli, Martyres, illorum vestigia sequamur, & finem illorum intueamur, Heb. 13. v. 7. imitaturi fidem illorum. Et quia non tantum illos, quos præmisimus, sed etiam quos post nos reliquimus, in eadem via inuenimus, cum quibus perpetuò lætari licebit, tantò minus graue sit nobis mori. Vide verba Dauidis, 2. Sam. 12. Cumq; qui citius moritur, citius etiam liberetur ab omnibus malis, cupiamus mox dissolui, & esse cum Christo, & oremus, veni citò DOMINE IESV, Amen.

THEMA XXXIV. CLASSIS II.

Syrach 18. vers. 6.

Homo cum egregiè fecerit opus, vix inceptum est: & cum existimat se absoluisse, multum adhuc abest. Quid est homo? ad quid utilis est? & quid potest prodesse aut nocere? Numerus dierum illius, vt multum, centum anni,

ni, quasi gutta aquæ maris deputati sunt, & sicut arena granulum ad totam terram, sic exigui anni illius ad æternitatem.

D I S P O S I T I O.

Initio huius capituli Sapiens commendat maiestatem Dei Regis æterni, Creatoris huius vniuersi. Postea subiicit hæc quæ prælegimus verba, & cum diuina potentia & sapientia confert humanam imbecillitatem atq; operum humanorum imperfectionem: cuius causam ponit breuitatem & fugacitatem vitæ humanæ. Sunt igitur egregij huius loci duo membra tractanda.

1. Alterum de imperfectione omnium operum humanorum.

2. De breui vitæ humanæ termino, si conferatur ad æternitatem.

I. Pars.

A Deo impositus est homini labor, pro ratione vocationis aut conditionis vitæ. In sudore vultus pane vesci debet, Gen. 3. Inter cætera autem requiritur etiam, vt suis domesticis prospiciat, 1. Tim. 5. nisi infideli deterior esse velit. Varia igitur tentat, vt hæredibus aliquid relinquat. Sæpè autem fit, vt in medio vitæ cursu abripiatur, & sic cum vix cœpit prouidere domui suæ, priusquam absoluit, quod diu multumque animo suo agitauit, ex hac vita decedit.

Deinde partem nostri laboris etiam sibi vendicat patria, vel Ecclesia, vel Respublica. Quibus dum homo suis donis diuinitus concessis inferuire studet, tamen mox cogitur cessare, cum mors ipsum auocat.

Quid igitur poruit præstare suis? Quid aliis? Certè non tantum prodesse potuit quantum ipse voluit: Cum illi diu non detur viuere. Et si maximè propositum habuit vel suis vel aliis inferuendi vtiliter, tamen in morte vana sunt omnia hominis consilia, iuxta Psal. 146. v. 4. Vicissim si nocere aliis voluit, (quod tamen à Christiano abesse

debet quam longissimè) nec hoc poterit in actum producere, morte præuentus. Sic de cæteris hominum operibus statuere possumus. Multi docti viri præclara opera cœperunt, sed prius mortui sunt quàm ad vmbilicum perducerent. Idem de artificib. dici potest. Magnum itaq; confiliorum & actionũ imperfectionẽ huius vitę breuitas facit.

Locvs. Non sine causa Syracides hæc considerata proposuit: quanta sit imperfectio actionum humanarum. Multum enim profuerit hæc meditatio.

1. Primum itaque docet humilitatem. Cùm enim homo ex sese neque prodesse neque nocere possit cuiquam: nisi vel donis vel viribus à Deo instruatur, vel etiam vita ipsi à Deo conferuetur aut concedatur, insanus certè erit, qui tanto fastu turget, vt se alterum Deum esse credat, in cuius manu aliorum vita & fortuna consistat.

De his Psalm. 37. Transiui & ecce non erat, Plura ibidem cernere licet, quæ huc referri debent.

Nemo itaque superbiat, nemo alios contemnat, nemo quoque aliis nocere tentet, quia nescit vtrum Deus ipsi vitam tam diu sit prolongaturus, vt possit exsequi id, quod in animo habet.

2. Deinde facit hoc ipsum etiam contra eos, qui confidunt in hominibus, quos sperant sibi fore instar magni alicuius numinis, & affuturos in omnibus aduersitatibus. Horum ope sperant se ad summum dignitatis fastigium conscensuros, &c. At cogitandum illud Psalm. 146. v. 4. Exhibit Spiritus eius & reuertetur in terram: in illa die peribunt omnes cogitationes eorum. Et quid prodesse poterit mox moriturus? sicut hoc loco innuit Sapiens. Ideoque non confidendum in hominibus, ne in principibus quidem & filiis hominum, in quibus non est salus. Ibid. & Psalm. 118. v. 8. Maledictus qui confidit in homine. Ierem. 17.

3. Tandem facit id ipsum etiam contra præposterum hunc metum, vbi homines iniquos & iniustos, quos videmus in auctoritate & dignitatib. constitutos, & propterea

pterea nocere valentes, nimium metuimus, ne fortè hîc vel illic noceant. Hinc multi etiam in gratiam ipsorum iniquè agunt contra conscientîã. At cogita esse homines breui morituros. Hoc loco dicitur hominẽ etiam si velit, nocere non posse: quia moriendum ipsi. Numquid igitur mortui etiam nocebunt? Minimè. Minatur impius ille Achabus intèrnecionem Prophetæ, si in pace reuersus fuerit. At rediit occisus, nec vltra nocet, 1. Reg. 22. Et Angelus Iosepho nunciat cum gaudio, Mortui sunt qui quærebant animam pueri, Matth. 2. v. 20. De Iuliano Athanasius dixisse fertur: Nubecula est, citò transibit. Tu itaq; Deum time immortalem: non homines mortales. Et si maximè fractus illabatur orbis, tamen fac officium sine fraude, & defende veritatem. Sic Deus pugnabit pro te. Syr. 4. v. 33.

II. Pars.

Imperfectionem actionum humanarum consideraui-
mus. Causa eius rei est breuitas vitæ humanæ, quam nunc
etiam proponit considerandam Sapiens, facta collatio-
ne annorum vitæ hominis ad annos æternitatis.

Homo ad summum viuit centum annis, inquit. No-
tro tempore inter centum millia hominum vix vnus re-
peritur centenarius. Sed esto viuat homo centum annis:
(imò viuat mille annis, quod nulli hominum contigit in
hoc mundo) nulla tamen est proportio ad æternitatem,
quæ nullis annorum myriadibus finitur.

Duabus similitudinib. hanc rem illustrat. 1. Sicut vna
gutta aquæ cum immensa & ineffabili copia aquæ maris
non potest comparari: 2. & sicut vnum granulum non po-
test conferri cum infinita multitudine arenæ maris: Ita
nec omnes dies vitæ nostræ vllam proportionem habent
ad æternitatem. Si itaque velimus conferre vitam no-
stram, quæ 60. aut 80. annorum est, non erit vnum mo-
mentum cum æternitate comparatum.

Locvs. Multum etiam posset hæc vitæ nostræ breui-
tas monere; at vnum tantum & alterum delibabimus.

I. Quia tempus breue, bene collocandū. Redimētes tempus quia tempora mala sunt. Eph. 5. v. 16. Col. 4. v. 5. Et 1. Cor. 7. fratres, tempus breue est, &c. Gal. 6. Dum tempus habemus, beneficiamus omnibus. Certè Diabolus quia scit modicum sibi superesse tempus, Apocal. 12. v. 12. valdè est laboriosus. Quare non potius nos hoc agimus, vt discamus & faciamus quæ faciunt ad salutem nostram?

II. Stultè agunt qui tanto studio & tanta cum sollicitudine corradunt opes, quarum breuissimi temporis vsus ipsis conceditur. Stulte cuius erunt quæ corraseras? Luc. 12. Thesaurus potius colligendus, qui in futura vita durare possit. De quo 1. Tim. 6. v. 18. 19. Matth. 6. v. 20.

III. Infani sunt qui propter pauculos annos, quos cum voluptate transigere cupiunt, sese in æternum præcipitant exitium: & vnius momenti voluptatulam cum æternis cruciatibus commutant, nullis annorum myriadibus finiendis. Quoties clamabunt damnati, *Demig ewig wie bistu so lang.* Impossibile est contra conscientiam eum peccare, qui de æternitatis duratione cogitat semper & assiduè. At nostrates hæc rident, vsque dum magno cum suo malo experiantur.

F I N I S.

THEMA XXXV. CLASSIS II.

Syrach 41.

O mors, quàm bonum est iudicium tuum homini indigenti, infirmo, atate prouecto, & cui de omnibus cura est, & cui nulla melioris vitæ spes est nec expectatio.

DISPOSITIO.

Mortem communiter vocant omnes amaram, *Den bittern Todt*: Quia cum dolore separat animam & corpus. Atqui Syracides hoc loco ostendit, tantam non esse amaritudinem mortis, quin illa etiam aliquid iucunditatis secum ferat. Licet enim amara sit homini diuiti, securo,

curo, fœlici & voluptatibus dedito, tamen de aliis non eandem esse rationem, cum non omnes eiusdem sint ingenij, nec eadem omnes vtantur fortuna.

Neque verò mors sua natura iucunda est, cum sit pœna peccati: sed per accidens fit talis, cum finem faciat malorum, quæ affligunt hominem.

Enumerat autem Sapiens quinque genera afflictionum, quæ homini faciunt mortem iucundiores: cum illa alioquin hominem miserum ipsa morte premant validius. De his ordine primum dicemus, & deinde ad vsum nostrum accommodabimus.

I. Pars.

1. Bona, inquit Sapiens, est mors Indigenti. Hoc non tantum de pauperibus intelligi potest, qui panem suum ostiatim quarere coguntur, sed de omnibus aliis, qui aliorum ope, consilio, auxilio opus habent. *Die jhnen selbs weder zu rahten noch zu helffen wissen / vnd müssen andern Leuten in die Hând sehen.*

Quod sanè interdum etiam ditioribus accidit: præfertim si non valeant iudicio: aut opprimantur a potentioribus. Taceo quod nemo hominum est qui non indigeat plurimis rebus ad vitæ corporalis sustentationem. Si autem de pauperibus, mendicis & similibus tantum velimus intelligere, expedita res est. Certè satius illis semel moti quàm quotidie cum fame & egestate conflictari. Pater hoc exemplo Lazari. Luc. 16.

2. Bona mors infirmo, & morbis circumuento. Et enim multum præstat mori, quàm perpetuò ægrotare, teste hoc eodem nostro Sapiente capite. 30. vers. 17.

Huc redit eiusdem Lazari exemplum.

Vide quomodo Iob optauerit mori. Iob. 3. & 7. versu in primis 15. & alibi passim. Satius enim mori semel quàm quotidie. Quoties, putas, mori optauit paralyticus ille 38. annorum. Ioan. 5. quoties hæmorrhousa mulier Luc. 8. quoties incuruata illa, Luc. 13.

3. Bona mors seni. Inueniuntur quidem senes, quorum vegetior aspectus, quam iuniorum. Attamen plerumque sentiunt pondera amarę senectæ gaudæui. Et ægra senectus tremulo venit gradu. Imò per se morbus esse dicitur. Quotidiè enim sentiunt noua incommoda. *Ein alter Man hat alle Tag neue Zeitung* dicitur pro uerbio. Et testatur præcedens vocabulum, quod Sapiens noster de senibus infirmis loquatur. His iam mors quotidiè obambulat ante oculos, quam optant citò vincere, vt vel tandem ad quietem perueniant. De senibus dicunt nostrates: *Sie tragen die Seel am Arm.* Item: *Sie haben den einen Fuß im Grab.*

De incommodis senectutis vide Eccles. 12. Et exemplum Barfillai senis. 2. Sam. 19. v. 35.

Iucundum igitur illis dissolui & liberari, si sapiunt.

4. Bona mors homini multum de variis rebus sollicito. Non parum affligunt hominem curæ, Syr. 30. v. 26. imò sæpè etiam conficiunt curæ graues, vel officij, vel Oeconomix, vel liberorum causa sollicitum tenentes virum bonum. Vide quàm graue fuerit Patriarchæ Iacobo, voluere curarum tristes in pectore fluctus, cum de filio Iosepho & cæteris esset sollicitus. Gen. 37. v. 42. Ita de aliis iudicare licet.

5. Tandem mors bona & iucunda erit homini, cui nulla melioris vitæ spes nec expectatio. Spes alioquin alit afflictos. Et solent plerique sperare meliora. At vbi nec corporis & valetudinis, nec fortunæ, nec totius vitæ ratione vlla spes melior affulget, ibi sanè mortis expectatio est iucundissima. Elias, vbi nulla spes vitæ & felicitatis reliqua est, rogat vt moriatur. 1. Reg. 19.

Hæc sunt, charissimi, quæ mortem alioquin acerbam iucundam faciunt & exoptatam, cum ipsa morte grauiora sint mala.

Quod si verò sunt, qui has calamitates experti, indigentia, infirmitate, senio, curis & metu futurorum malorum confecti, & tamen vltra viuere deſiderant, insanos illos
&

& ἀναίδης esse oportet. Quales interdum reperiuntur inter nos.

II. Pars.

Hæc quæ diximus, si apud animum nostrum perpendimus, plurimum habebunt ponderis & vtilitatis apud rectè sentientes.

I. Primum enim mortis acerbiteratem & amaritudinem, si non omninò tollere, lenire tamen possunt & debent meditationes crebriores, quib. malis simus expositi in hac vita. Vel n. indigentia, vel infirmitas, vel senium, vel curæ vel metus nos affligunt, & vel simul atque omnia coniuncta, vel singula diuexant miserū. Aut n. est inops, licet firmæ valetudinis sit: aut si abundat, cum perpetuis morbis conflictatur: aut senex est atque debilis, vel iuuenis multis curis distractus. Quod si cætera nescias, vel hoc vnum nos iubet præsentī animo mori, quod nulla est melioris vitæ nec spes nec expectatio. Hora nouissima est. I. Ioan. 2. Mala tēpora. Eph. 5. Et posteriora semper futura deteriora, Christo teste. Matth. 24. v. 21. Restant igitur illa, de quibus idem Saluator noster. Luc. 21. Erit anxietas, & extabescant multi præ timore & expectatione eorum, quæ superuenient orbi terrarum.

Quis igitur non cupiat dissolui & viuere cum Christo, quod melius esset. Phil. 1. Quis non cupiat dimitti cum Simone. Luc. 2. Quid faciunt igitur qui hanc vel mortalem vitam, vel vitalem mortem (vt Augustinus loquitur) tanto perè admirantur, vt exire inde nolint? Insani sunt, q̄ non intelligunt nec credunt scripturæ, docenti quiescere mortuos à suis laboribus. Ap. 14. v. 13. Esa. 56. in fine.

Quod si maximè nihil vltra vulgus Ethnicorum sciremus, & hoc vnum nobis esset cognitum, quod illi frequenter iactârunt, Mors si non bona, finis tamen illa malorum est, possemus amaritudinem mortis tolerare. At qui Christiani cum simus, & hoc nos non fugiat, quod mors non tantum finis laborum & miseriarum, sed etiam

transitus ad vitam sit, piis & credentibus, multò magis promptos nos & paratos esse decet, sequi Deum euocantem per mortem ex hac lachrymarum valle. Hinc illa alacritas Patriarcharum, piorum Regum atque Prophetarum, & sanctissimorum Martyrum: quorum exempla in scripturis atq; Ecclesiasticis historijs passim sunt obuia.

2. Deindè possunt, imò debent etiam patientiam excitare in animis nostris, ea quæ supra dicta sunt: Cum intelligamus non tantum morte finiri omnia illa mala, quæ nos viuentes circumstant, sed & ex scripturis compertum habeamus, illa abundè nobis esse compensanda æterna felicitate & gloria. Si compatimur, 2. Tim. 2. v. 11. Rom. 8. v. 17. Momentanea afflictio. 2. Cor. 4. v. 17. Abstergentur omnes lachrymæ, Esa. 25. Apoc. 21. v. 4.

Tum enim, vbi Deus erit omnia in omnibus, nihil nobis deerit, nulla erit infirmitas, non triste senium, non cura præsentium nec metus futurorum, Apocal. 21. Nec dolor nec clamor.

S E Q V I T V R

C L A S S I S I I I.

CONTINENS THEMATA
TRACTANDA IN FVNERIBVS PIARVM

matronarum, quæ doloribus partus superatæ,
vel in ipso partu, aut non longè
post expirarunt.

T H E M A I. Manual. pag. 486.

Genes. 3. vers. 16.

*Mulieri quoque dixit, Multiplicabo arumnas tuas,
& conceptus tuos: in dolore paries filios.*

D I S P O S I T I O.

Durus est hic sermo, pronuntiatus à Deo contra Euam
• matrem

matrem omnium viuientium, postquam inobedientia sua Deum offendit. Sicut autē peccatum Eux ad omnes mulieres transiit, Rom. 5. v. 12. ita etiam hæc sententia lata est à Domino aduersus omnes mulieres. Cuius etiam bonā partem sensit præsens defuncta, iam terræ demandata. Ideoque hæc verba paulò altius repetenda & explicanda erunt, vt inde non tantum mulieres, (licet illæ maximè) sed & omnes doctrinam & consolationem percipiant.

Primum itaque vnde tam tristis sententia aduersus sexum muliebrem prolata sit, dispiciendum. Deinde ipsa verba ponderanda erunt, quid sibi velint. Tertiò singula ad vsum nostrum transferenda.

I. Pars.

In quanta felicitate creata fuerit Eua, omnibus constare arbitror. Hanc illi felicitatem inuidit Satan, qui eandem iam exciderat, & sua culpa damnatus erat. Ideoque omni conatu hoc agit, vt Pròtoplastos in eandē secum miseriam coniiciat. Aggreditur itaque Euam, eique multis blandimentis atq; mendaciis circumuentę persuadet per serpentem, vt de arbore vetita comedat, atq; sic mandatum Creatoris transgrediatur. Quamuis autem esus vnius pomi videatur res leuissima, tamen inobedientia hæc mulieris non immeritò ita offendit Creatorem, vt serpenti atque Satanæ maledixerit: & postmodum etiam ad mulierem inobedientem cōuersus grauissimam hanc contra illam tulerit sententiam: quæ continet duplicem pœnam. 1. Dolores. 2. Subiectionem. De prima nobis in præsentia sermo est, de qua mox dicetur.

Vbi tamen notandū, quod longè alia habetur ad mulierem (sicut etiam ad virum) concio, q̃ ad serpentem & Diabolum. Serpens enim cū Satana abiicitur, & maledicatur in perpetuum. Quia Satan author est huius perditionis.

Mulier verò etsi pœna corporali (licet satis graui) puniatur, tamen non maledicatur nec abiicitur in æternum, sed propter semē ex ipsa nasciturum (Christum) seruatur.

II. Pars.

II. Pars.

Nunc ipsam sententiam contra mulierem latam executiamus. Vno verbo minatur illi dolores & ærumnas. Easq; duplices. 1. In conceptu. Intelligit autem omne id tempus, quo fœtus conceptus gestatur in vtero. Multiplicabo, inquit, ærumnas hoc tempore. Testatur enim experientia, quod conceptum subsequantur varii & maximi dolores capitis, vertigo, dentium atque aliorum membrorum dolores. Accedunt nausea & fastidium cibi atq; potus molestissimum, crebri & difficiles vomitus. Nec infrequens est illud ventriculivitiū, quod picam alij, alij verò cittam vocant, vel malaciam (Græcè dicitur *Κίττα*, & *μαλακία*) estq; peruersus & deprauatus prægnantium appetitus, vbi cibos vel inutiles, vel tales etiam, à quibus alioquin natura abhorret, appetunt.

2. At postquam fœtus iam in vtero confirmatus est, & partus instat, maius restat periculum, & dolor acerrimus. De quo hîc: In dolore paries filios. Quanta hîc miseria, quæ pericula, qui gemitus, quæ suspiria audiantur, testatur experientia, vbi non nisi cum vitæ extremo discrimine, & tantum non moribunda parturiens fœtum enititur.

Propterea etiam tristitia interdum exempla ob oculos statuit Dominus, vbi doloribus partus succumbunt, vt agnoscamus vim huius sententiæ.

Notandum autem vnde sint hi dolores, &c. Ego, inquit, multiplicabo ærumnas, dolores. A Deo itaque immittuntur.

Idque propter peccatum Eux: cuius naturam imitantur iam omnes filix, peccando scilicet.

III. Pars.

Vsvs huius loci multiplex esse potest.

I. Fateri cogimur, dolores conceptus & partus esse pœnam peccati. Quia enim peccatum cum Eua habent commune, sentiunt quoq; prægnantes eandem pœnam.

Si

Si enim non peccasset Eua, certè sine omni molestia & cum magna voluptate foetum gestasset in vtero, tâquam pulchram coronam in capite. Debent itaque hi dolores admonere transgressionis nostræ: cui quoniam Eua primum consensit 1. Tim. 2.v. 14. cum ipsi tum filiabus illius hæc pœna imponitur.

II. Magna tamen consolatio vicissim accedit illis, si expendant, vnde ipsis immittantur tam varii dolores: à Deo scilicet. Ego inquit multiplicabo ærumnas. Non dicitur, Satan tibi multiplicabit ærumnas; aut multiplicabitur tibi dolor: sed ego faciam. Bonum igitur ipsis dum incidunt in manus Dei, quod David elegit 2. Sam. 24. v. 16. non in manus hominum aut Satanæ.

Est itaq; hæc pœna non flagellum carnificis, sed virga patris clementissimi: qui non tentat ultra vires. 1. Cor. 10.v. 13. Estque illis sancta crux, quod Christus innuit, comparans omnem piorum afflictionem cum doloribus parturientium. Ioan. 16.v. 21. Et salua fit mulier per filiorum generationem, si manserit in fide. 1. Tim. 2.v. 15. De hoc cogitare debent in difficili partu.

III. Patienter itaq; ferant dolores istos, quæcunque sunt piæ matronæ, nec murmurent vel adversus Euam, quæ semel peccato infecta alias filias præter peccatrices generare non potuit: neque etiam aduersus maritos suos, &c. Sciant se experiri hæc mala in sua vocatione. A Deo hoc impositum onus: cui sic seruire debeant, pariendo filios cum dolore. Et vbi legitimè certauerint in hac pugna, si maximè succumbant, paratum illis brabeum, 2. Tim. 2. & 4.

F I N I S.

T H E M A II. C L A S S I S III.

Ex Genes. 25.v. 22.

*Deprecatus est Isaac Dominum pro vxore sua: id quod
esset sterilis, qui exaudiuit eum, & dedit conceptum Re-
becca.*

becca. Sed collidebantur in utero eius paruuli, quæ ait: Si mihi sic futurum erat, quid necesse fuit concipere?

DISPOSITIO.

Historiam quam prælegimus ideo in præfenti funere explicandam suscepimus, quod sicut Rebecca propter difficilem partum, quem metuebat, collisis inter se in utero gemellis, de vita periclitari videbatur, ideoque se nunquam gravidam factam optabat: sic præfens non tantum defuncta difficili partu emortua, sed & bonus illius maritus atque alii haud dubiè plurimi hoc tristi casu perturbati, satius fuisse iudicabunt, nunquam concepisse, quam in partu periculosoperiisse. Ut autem de his casibus rectius possimus iudicare, agite historiam hanc excutiamus diligentius. Vbi quidem non illa tractanda erunt, quæ alioquin ad historiam Patriarcharum pertinent, sed ea tantum quæ nostro instituto seruire poterunt. Primum autem dicemus, unde grvida facta fuerit Rebecca. Deinde quid ipsi grvidæ aut prægnanti acciderit.

I. Pars.

Initiò autem nemini videatur absurdum, quærere, unde facta fuerit grvida Rebecca, cum extra dubium sit, quod maritum habuerit vegetum & valentem Isaacum, adeoq; ex ipso facta fuerit grvida. Licet enim hæc naturaliter ita fieri videantur, scriptura tamen nobis altius ista rimanda proponit. Etenim cum Rebecca iuencula ex Isaaco quadragenario non potuerit fieri grvida viginti annorum spatio, quo sterilis fuisse legitur, mirum quod iam ex sexagenario, ipsa viginti annis maior, facta fuerit grvida. Hoc textus breuiter innuit. Primum autem ex parte mariti interuenerunt precès ardentissimæ ad Deum, pro vxore, ut is velit eam facere prægnantem, seu aptam ad concipiendum & generandum. Etenim vehementer angebantur pii homines, quomodo posset impleri diuina promissio, Abrahamo Gen. 12. & 15.

& 17. & 18. & 22. de Isaaco facta, & de seminis multiplicatione, & de Messia ex ipsis nascituro. Hac spe se omnino frustrari putabant. Insuper & sterilitas tum temporis habebatur pro maledictione: Ideoque tantoperè desiderant prolem Matriarchæ. Patet id exemplo Rachelis dicentis, Tulit Deus opprobrium meum. Genes. 30. vers. 23. cum genuisset Iosephum. Deinde accedit aliud ex parte Dei, de quo hîc, Deus dedit conceptum Rebeccæ. Id ita intelligendum, verba textus innuunt, quæ sic se inuicem subsequuntur: 1. Deprecatus est Isaac Dominum cum esset Rebecca sterilis. 2. Et factus est exorabilis Deus. 3. Et statim sequitur, Conceptitque Rebecca.

DISCIMVS Charissimi, carnalem istam generationem non esse naturæ propriam sed donum Dei. Licet enim hæc videantur esse leuicula & vulgaria, cum multæ mulieres sint, quæ imprægnantur sine oratione & deprecatione ad Dominum, imò etiam sæpè contrà votum & voluntatem, cum non cupiant habere prolem: tamen fatendum est, quod ad diuinam creationem pertineat gignere & parere filios aut filias. Hinc enim Deum creatorem & patrem nostrum vocamus. Sanè de Rachele expressus textus est, Dominum illam fecisse ad generandum aptam, Fruchtbar. Genes. 30. vers. 23. Idem etiam testantur exempla Saræ Gen. 17. vers. 16. Hannæ. 1. Sam. 1. v. 17. & similia alia.

Nec caret conceptio & formatio fœtus miraculo: quod fatetur Iob. cap. 10. v. 8. & David Psalm. 139. v. 15. 16. Diuina igitur magis hæc sunt quam humana.

1. Agnoscenda hæc à nobis grato animo, & Deo gratiæ agendæ cum Dauide, Psal. 139. v. 14.

2. Rogandus etiam Dominus non tantum à prægnantibus, sed etiam à viris, maritis & aliis, vt fœtum conceptum in vtero clementer tueatur, vtque suo tempore in lucem fœliciter edatur.

3. Nemo lædat aut offendat vterum gestantes, ne fiat homicida & destructor operis diuini.

4. Ipsæ

4. Ipsæ etiam matres grauidæ sibi & foetui parcant, ne temeritate sua noceant sibiipsis.

II. Pars.

Rebeccam diuina gratia & non absq; miraculo (si rectè velimus sentire) grauidam factam diximus. Iam igitur se fælicissimam putat. At mox sequuntur incommoda, non ipsa sterilitate leuiora. Etenim cum gemellos gestaret, colliduntur hi inuicem in vtero. Res mira, noua & inexpectata Rebecca. Neque sine multo dolore facta ista collisio, vt iam de fælici partu desperare incipiat. Nescit enim quid futurum in partu, si iam talis fiat collisio.

Et non frustrà aliquid periculi præfigiebat animus. Etenim partus fuit iuxta communē naturæ ordinem periculofus, cum posterior ex gemellis editus fuerit, plantam fratris prius egredientis manu tenens. Vide v. 25.

Exclamat igitur Rebecca. O me miseram. Quorsum tam anxie rogavi pro sobole. Satiùs me nunquam grauidam factam, quàm vel prægnantem occidi a foetu, vel in partu succumbere. Et multum affligit ipsam hæc tentatio, vsq; dum oraculo diuino consulto intelligit, hanc gemellorum collisionem non carere mysterio. De quo quia ad institutum non facit in præsentia non dicemus.

Locvs. Quanquam autem Rebecca in partu non defecerit, quemadmodum præsens defuncta iam terræ demandata, videmus tamen gestationem vteri & partum vix vnquam sine dolore & præsentissimo mortis periculo esse, etiam apud piissimas & sanctissimas matronas. Nec desunt quoque exempla piissimarum, quæ in partu succubuerunt. Rachel. Genes. 35. vxor Pinehas. 1. Sam. 4. Quia verò Deus conceptum dat (vt suprà) ideoque licet ipsi etiam de foetu concepto statuere quod vult.

Ad consolationem autem piarum matronarum doloribus partus oppressarum facere potest, quod sanctissimis mulieribus idem euenit.

Neq; propterea infeliciores sunt, sed si maneant in fide
& for-

& fortiter ferant istas aduersitates, atque ita in sua vocatione occumbant, multò cæteris erunt beatiores. i. Timothy. 2. v. 14.

Non itaque sint impatientes, nec optent sterilitatem, nec murmurent aduersus Deum. Sed dicant, fiat voluntas tua Domine. Tibi viuimus, tibi morimur, Rom. 14. v. 8. Tu ex singulari gratia dedisti conceptum, fac de nobis, quod bonum est animæ nostræ. Et sciant, quod Deum diligentibus omnia (sic etiam mors) cooperantur in bonum, Rom. 8. v. 28.

Et nota sunt Deo creatori ipsorum suspiria, pericula, dolores, &c. quod patet ex Ierem. 4. v. ult. Et Ioan. 16. v. 21. is absterget lachrymas ipsarum, Esa. 25. v. 8. Apoc. 21. v. 4. quas collegit in virem suum. Psal. 56. v. 9. & in numerato habet.

Hæc autem tam tristia spectacula ob oculos ponit, vt intelligant omnes, quantum sit Dei beneficium, si partus feliciter edatur. De quo pauci cogitant.

Certè miraculo nunquam caret, vbi rectè perpenderimus: quod agnoscit Psal. 22. v. 10. Extraxisti me ex vtero.

Certè Augustinus rectè scribit Serm. 147. de tempore, Tom. 10. pag. 662. exempl. Basil, Maiora miracula sunt, tot quotidie homines nasci, qui non erant, quam paucos resurrexisse, qui erant, & tamen ista miracula non consideratione comprehensa sunt, sed assiduitate viluerunt.

Et lib. 12. cap. 10. de Ciuit. Dei. Quamuis miracula visibilia naturarum viuendi assiduitate viluerint, tamen cum ea sapienter intuemur, inusitatissimis rarissimisque maiora sunt. Nam & omni miraculo, quod fit per hominem, maius miraculum est homo.

Possunt isthæc explicari latius.

T H E M A III. C L A S S I S III.

Ex Genes. 35. vers. 16.

Historia de difficili partu, morte & sepultura Rachel.

Luctuosa sanè & tristis hoc loco describitur historia, quomodo sc. piissima & pulcherrima Rachel, postquam multis annis sterilis fuisset, & tandem precibus à Deo conceptum impetrasset, dum secunda vice grauida facta fuit, doloribus partus superata in itinere & in patenti campo, magno cum dolore expirauit. Quia verò ex hac historia multa instituto nostro seruire poterunt, cum eadem nostræ defunctæ fortuna fuerit, agite ex præsentī historia tria notabimus.

1. Dicemus de doloribus parturientis Rachelis.
2. De morte.
3. Et tandem de sepultura eiusdem.

I. Pars.

Optimus Patriarcha Iacobus postquam diuinam promissionem audiuit in Bethel, properat cum Rachele grauida ad parentem grandæuum Isaacum habitantem in Mamre: & iam vix abest trium aut quatuor miliarum spacio. Cumque speraret se exhilaraturum parentem senem pulchra prole: ecce præter omnem expectationem orbat^{ur} charissima coniuge. Parturit enim Rachel in via, in patenti campo; non procul ab Ephrat. Magnis autem doloribus circumuentam in partu Rachelem, obsecratrix solatur, vt benè speret, fore enim vt feliciter hunc infantem enitatur. Ipsa verò grauissimos non tantum dolores, sed & vitæ periculum imminens sentiens, iam iam moritura filium in lucem editum, Ben Oni, hoc est filium doloris vocat, innuens quod partus dolores sint grauissimi & certò ipsam enecaturi.

Locvs. I. Matriarcha illa piissima sentit hoc loco illud Genes. 3. v. 16. In dolore paries filios tuos. Facit enim peccatum, vt gestatio partus & educatio plena sint difficultatibus, molestiis & miseriis.

At consolationem habent mulieres in his doloribus, quod sanctissimas etiam mulieres & certò saluatas Deus sic affixit: vt illud Pauli verum fiat in ipsis, Salua fit
mulier,

mulier, si manserit. &c. I. Tim. 2. v. 15. Et qui hoc eodem loco in Ephrata (quæ alio nomine Bethlehem dicta est, atque Bethlehem Ephrata vocatur Mich. 5. vers. 2.) natus est sine dolore matris, quia sine peccato conceptus ex Spiritu sancto, is sanctificauit hos piarum matronarum dolores, ne animæ possint nocere, & qui morienti Racheli adfuit, is etiam præsentissimus adest parturientibus ipsum inuocantibus, Psal. 145. vers. 18. & facit vt omnia ipsis cooperentur in bonum. Rom. 8. vers. 28.

L. II. Discant liberi, qui omnes cum dolore matrum sunt geniti, ex hoc loco illud, quod Tobias senior probè inculcauit filio Tob. 4. v. 4. Idem ferè Syrach repetit capit. 7. v. 29. Non obliuiscaris gemitus matris tuæ.

Et grauissimas (nec immeritò) pœnas minatur scriptura his, qui matres perturbant. Prou. 30. v. 17.

L. III. Pia hæc obstetrix admonet eas, quæ hoc funguntur officio, ne sint duræ & imperiosæ erga parturientes, sed blandè illas tractent & consolentur in tantis difficultatibus. Deus erit merces. Et piarum obstetricum laudes non reticet scriptura: hoc loco & Exod. i. v. 21. & 1. Sam. 4. vers. 20.

II. Pars.

Non tantum dolores in partu sensit grauissimos optima Rachel, sed & omninò defecit, & difficili partu emortua est. Et sic verè filius natus fuit Ben Oni. Iacobus verò ne perpetuò huius tristissimi casus recordatione affligeretur, nomen immutat & Benjamin vocat, h. e. filium dextræ & charissimæ coniugis.

L. I. Hæc demum magna est miseria, non tantum cum dolore parere filios, sed & doloribus superari & penitus enecari. Tristia sanè spectacula, quæ ob oculos nobis statuit Deus, vt intelligamus quantum beneficium, imò quantum sit miraculum Dei, si infans sæliciter in lucem edatur.

De hoc loco vide in fine Dispositionis præcedentis

L. II. Reuerenter sentiendum de sexu muliebri, & reuerenter illæ etiam, præsertim grauidæ tractandæ: cum tantis vndiq; ante partum, in ipso partu & post premanatur miseriis, doloribus, quos vix fortissimus vir patienter perferre posset. Tribuendus illis suus honor, 1. Pet. 3. v. 7.

III. Pars.

Actum est de vita Rachelis. At quid Iacobus noster? Quantis cum suspiriis atque gemitibus astiterit morienti coniugi charissimæ, impossibile est verbis explicare. Et potuit certè Iacobus dicere, quod versus habent Ouidiani:

Diuidor haud aliter, quàm si mea membra relinquam:

Et pars abrumpi corpore visa meo est.

Et:

Teloquor absentem, te vox mea nominat vnâ,

Nulla venit sine te nox mihi, nulla dies.

At quid faciat bonus Iacobus? Parcit lacerare genas, nec scindit capillos. Quantum potest, extenuat forti mala corde ferendo: Ad mala iam pridem non rude pectus habens. Etenim scit hanc esse Dei voluntatem, coniugem præmissam non amissam, nec periisse animam cum corpore. Ideoque nec reluctatur voluntati diuinæ: nec insurgit aduersus Deum. Honorificè sepelit defunctam, atq; ibi ad sepulchrum erigit monumentum: quod multis post sæculis ibi visum est. Certus de resurrectione coniugis, æquo & forti animo fert tristem casum.

Locvs. Iacobi exemplum pii mariti imitentur, nec fremant aut insurgant aduersus Deum, quod nonnulli impatientes mariti faciunt. Cogitent, Dominus dedit, Dominus abstulit, Iob. 1. v. 22. cogitent de historia illa Ezech. 24. v. 15. & seqq. Solentur sese certa spe resurrectionis, & quod sint suo tempore iterum inuicem agnitori, Honestè sepeliant, & in luctu modum seruent.

Vicissim verò si qui sunt (vt certè sunt) duri & ἀσπρῆς mariti, quos hæc tristitia spectacula coniugum in partu deficien-

ficientium parum mouent, vt sæpè prius de secundis votis cogitent, quàm prior coniux terræ demandata fuerit: illos accusat hoc Iacobi monumentum erectum ad perpetuam charæ coniugis memoriam, quæ nunquam intercidit apud ipsum, &c.

F I N I S.

T H E M A IV. C L A S S I S III.

I. Sam. 4.

De difficili partu & morte vxoris Pinehas.

D I S P O S I T I O.

Prouerb. 25. v. 22. Sicut aqua frigida homini sitienti est gratissima: ita nuntium bonum de terra longinqua exhilarat animum. At quemadmodum bonum nuntium exhilarat, ita vicissim malum & triste nuntium vehementer perturbat, imò sæpè etiam mortem accelerat. Cuius rei exemplum proponitur in hac historia, vbi vxor Pinehas grauida audito tristi nuntio subitis doloribus partus obruta expirauit. Cum itaq; hisce diebus similis penè casus acciderit cū defuncta, agite, hanc historiam excutiamus.

Dicendum autem 1. de difficili partu & morte huius matronæ. 2. Quæ huius difficultatis & subitanæ mortis causa. 3. De astantibus & consolatoribus.

I. Pars.

Eli summus Sacerdos & Iudex Israëlitis duos habet filios, Hophni & Pinehas, vterq; est impius.

At Pinehas vxorem habet piam & prudentem, atque non tantum in sacris literis, sed etiam reb. ciuilibus probè eruditam, quod ex verbis illius colligitur, cum deplorat statum populi Israëliti, & gloriam Israëlitis ablatam ad extremum vsque vite halitum, non sine causa conqueritur. (De quo quidem plura differere ad institutum propriè non pertinet.)

Est illa ex marito suo grauida, & vicina partui. Irruunt autem in eam subiti dolores partus ante legitimum tempus. Ideoque partus est difficillimus & cum ingenti dolore atque vitæ periculo coniunctus. Adeoque vix puerulum enixa, repentina quasi morte in ipso partu perit.

L. 1. Difficilis hic & tristis casus piissimæ matronæ, quæ pro gloria Dei & salute patriæ multum fuit sollicita, solatium afferre potest miseris mulierculis, quibus similia accidunt, quod hæc omnia non proueniant à Deo irato, alioquin non hoc modo affligeret pias matronas. Tales itaque sciant quod Deus habeat causas certas, nobis vero incognitas, quare hoc genere mortis interire sinat pias mulieres.

Est quidem partus difficultas per se pœna peccati, sicut ex Gen. 3. vers. 16. constat, & propter impium maritum vxor Pinehas hoc genere mortis perit: attamen hæc calamitas vt omnia alia diligentibus Deum in bonum cooperatur. Rom. 8. v. 28.

Voluitq; Deus hanc matronam sic perire, vt in pia vocatione moriatur, & ne oculi illius videant subsequutura mala Israelis. Beatior itaque est multis aliis.

Sic alias quoque interdum pias matronas maioribus malis subtrahere vult, dum in pia ista vocatione euocat ex his terris. Non igitur se aliis infeliciores existiment. Faciant officium strenuè. Benè sperent de præmiis æternis, & forti animo occumbant in hac statione, in qua sunt collocatæ à Deo.

Nota. Cæteri loci, videlicet: 1. quanto cum periculo coniunctus sit partus. 2. Et quantum in generatione miraculum. 3. Quodque liberi hæc agnoscere, & parentibus grati esse debeant, qui hoc loco etiam possent commodè inseri, in superiorum Thematum Dispositionibus sunt annotati. Inde qui vult petere potest.

Cum enim materia eadem recurrit, iidem etiam loci sese offerunt.

I I. Pars.

At non fortuito casu accidit, vt dolorēs partus iam subitò irruerent: nec sine causa hic partus tam difficilis fuit: quod quidem paucis verbis textus præsens innuit. Territa fuit optima matrona tristi aliquo & dolendo nuntio. Etenim vir quidam stolidus Beniamita auidè res aduersas nuntiat, (licet vera dixerit) quod maritus in prælio occisus, & arca Domini capta sit: & yrbem Siloh questibus implet, vt socer huius matrona summus Sacerdos fracta ceruice subitò expirauerit. Nostra itaq; hoc audito nuntio & de triplici infortunio haud immaturè cogitans, sic est consternata, vt mox ex partu infalici & præmature animam agere incipiat.

Locvs. Videmus quantum interdum periculi grauidis & prægnantibus, maximè vero partui vicinis, afferant subiti terrores. Fieri potest vt homo cordatus & fortis tristi aliquo nuntio ita consternetur, vt vix possit recipere animam. Nec desunt exempla eorum, qui subito tristi nuntio audito statim expirarunt. Magis verò nocet hoc mulieribus vterum gestantibus. Parcendum itaque illis, & prius dissimulanda etiam quæ verè ita gesta sunt, nec simul & semel omnia effutienda coram talibus matronis: ne periculum ipsis & foetui creetur. Sicuti aliàs extra hunc casum etiam monet Salomon Prouerb. 17. vers. 27. vt qui prudens esse vult suum sermonem moderetur.

Hæc pro imprudentibus quibusdam maritis, & aliis rerum aduersarum cupidis nuntiis ac nugigerulis notanda sunt. Vir impius de aduerso nuntio lætatur, quod innuit Prou. 13. vers. 17.

L. II. Exemplum huius piæ matronæ imitari omnes pii, & cum laborat salus Ecclesiæ atq; Reipublicæ, contristari debebant, super contritione Ioseph. Amos 6. v. 6. At multi sunt ἐπιχαίροντες. Denen das hertz im Leib lachens vbel zugeth. Imitantur hi patrem Diabolum.

III. Pars.

Parturienti astant mulieres, & blandis ipsam verbis consolantur, Ne timeas. Benè spera. Peperisti filium. Sic putabant illam recepturam animum: quia Christo teste Ioan. 16. v. 21. nato infante magna matres læticia perfunduntur, vt non amplius cogitent de doloribus partus. Illa verò de gloria Domini magis quàm de infante sollicita, nullam ex his verbis obstetricanitum consolationem sensit, sed cum gemitu expirauit.

L. I. *Quomodo* qui parturientibus adsunt, blandè ipsas tractare, & consolari atq; animum addere debeant, suprà in Disposit. Thematis tertij est annotatum. Et maximè valet hoc loco illud 1. Thessal. 5. v. 14. Consolamini pusillanimes.

L. II. Quia in his terris non apud omnes pias matronas impletur illa Christi consolatio, Ioan. 16. quod felici partu exhilarerentur: sciendum, his paratum esse in cœlis maius gaudium. Vbi abstergentur omnes lachrymæ, Esa. 25. v. 8. Apoc. 21. v. 4.

THEMA V. CLASSIS III.

Ex Psalm. 22.

Extraxisti me ex vtero matris meæ, spes mea ab vberibus matris meæ.

Non sine causa Tobias filio istud inculcat, Tob. 4. v. 4. quantis cum periculis matris in vtero gestatus fuerit. Id enim tum alia multa, tum præsens quoque triste admodum & luctuosum exemplum docet. Hæc enim quam iam terræ mandauimus matrona piissima, filiolum cum tanto dolore & periculo enixa est, vt vitam cum morte in ipso partu commutauerit. Rursus verò Dei beneficium ingens est hoc, quod singulari ipsius prouidentia incolumis in tam difficili partu conseruatus est infans. Quia verò pauci sunt, qui de hoc beneficio cogitant, quod viui sunt in lucem editi: ideoque occasione præsentis funeris, ea quæ

quæ prælegimus verba, nobis erunt pertractanda: Cum in his Regius Psaltes (imò ipse filius Dei, cuius passio hoc Psalmo egregiè describitur) duo illa summa at rationi humanæ stulta & ridicula Dei beneficia, videlicet, Natiuitatis & lactationis, nobis commendare non dedignetur. Non itaque pudeat nos isthæc audire, quæ Spiritus sanctus singulari studio meditanda proposuit.

Dicemus primum de Natiuitate. 2. De sustentatione in infanti ætate.

I. Pars.

Sic autem Psaltes de Natiuitate loquitur: Extraxisti me, &c. Tametsi certum sit, Dauidem hæc verba in persona Christi proloquutum fuisse, qui singulari planè, admirabili & nouo modo sine peccato ex virginali aluo, tanquam mel ex flosculo extractus est: Certum tamen est, quod Christus hoc loco more alterius alicuius hominis loquatur de natiuitate sua: innuens, quod omnium hominum carnalis etiam natiuitas stupendo planè diuinæ bonitatis mysterio non careat. Licet enim optima quæq; mater suam hac in parte Deo fidelè locare velit operam: (illa namque ceu medio & instrumento in propagatione generis humani uti Deus voluit) tamen frustra omnes intendi vires, nisi Deus adsit parturienti præsentissimus, & foetum ipse ex utero materno extrahat. Et hoc magni beneficii loco commendat.

L. Quam vera hæc sint ipsa experientia & præsentis funeris deductio nos docere possunt. Hanc etenim ob causam interdum omnes vires matris parturientis deficient, ut intelligatur, Dei hoc esse opus, non hominum. Et hac etiam ratione rectè Deum patrem vocamus, Esa. 64.v.8. Tu pater noster, nos lutum, & tu factor noster, & opera manuum tuarum omnes nos.

Quorsum hæc omnia? Ut cum Dauide discamus, hoc non tantum agnoscere, sed Deum cum ipso glorificemus propterea, Psal. 139.v.14. Gratias ago tibi, quod mira-

biliter factus sum. Agnoscit anima mea hoc probè. Stupenda sunt opera tua, Sic Iob. 10. v. 12. Vitam & misericordiam fecisti mecum. &c. Vide etiam Psalm. 71. v. 6. Et nisi Deus extraxisset potenti & benigna sua manu, vterus maternus factus nobis esset sepulchrum. Ier. 20. v. 17.

L. II. Magna hæc est parturientibus consolatio, quod intelligunt planissimè Deum ipsis præsentem adesse, & manus obstetricum gubernare, atque infantem ex angustiis illis vteri materni extrahere in lucem.

Ideoque non adscribant infantis editi incolumitatem vel industriæ obstetricum (quæ plerumque sibi hanc laudem imperitè tribuunt) vel laboribus atque sudoribus suis, sed soli Deo.

Attamen quia Deus hæc sua opera mediatè per matres & obstetrices exequitur, bono sint animo & in magnis illis miseriis, angustiis atque periculis sciant se esse Deiministras, & cum Deum habeant præsentissimum fideliter suum etiam faciant officium: & ipsi piis precibus vitam suam atq; infantis commendent. Quod si maximè in partu succumbant aut deficient, sciant se in officio pio, Deoque præsentè & inspectante decedere: qui de meliori vita & præmio amplissimo pro his doloribus iam ipsis prospexerit.

Cum enim omnipotens sit, omninò credendum est, non illi defuisse hoc loco facultatem iuvandi, quia manus illius nunquam est abbreviata, Esa. 59. v. 1. Quare autem non voluerit parientem servare, causas ipsum habere alias nobis incognitas: quæ tamen in bonum morienti cooperentur.

II. Pars.

Ingens est beneficium si infans viuis in lucem edatur. Quod si verò recens nato Deus non vltèrius prospexisset, mox extingueretur. Itaque haud paulò minus beneficium est istud, quod sequitur: Ab vberibus matris meæ spes meæ. Quasi diceret: Tua providentia factum est, vt
mihi

mihi recens nato infanti materna vbera instar paratissimi penus & loco instructissimæ culinæ fuerint.

L. Debet hæc quoque primæ infantia memoria à nobis grata mente sæpius repeti. Quotus quisque autem nostrum sufficienter expendit, Deumq; dignis laudibus celebrauit vnquam, pro hoc ingenti beneficio, quod nobis infantibus tam clementer prospexit Dominus, vt mox postquam nati fuimus, demensum nostrum in vberibus maternis inuenire possemus?

Neque certè stupendo hæc res caret miraculo, quod cibus & potus in lac maternum, & hoc ipsum postea in nutrimentum infantis cedit: imò quod ex illo alimento etiam carnes, venæ, neruî atque ossa tandem durissima generantur.

Rident hæc omnia impuri & ingrati homines, & de his rebus scurriliter sæpè loquuntur, indigni qui vel matres (à quibus olim lactati sunt) vel lactentes alias, vel hunc denique solem aspiciant.

L. II. Cum Christus hoc loco magnum istud lactationis beneficium commendet, & pro hoc etiam matri in cruce pendens gratus fuerit, non magnam laudem merentur deliculæ aut fastuosæ illæ matres, quæ infantibus editis lactationis beneficium denegant: non cogitantes quare vbera eaque in pectore posita, & lac in illis diuina prouidentia ipsis destinarit.

Certè nobilissima Maria Christum lactauit, & Gen. 21. v. 7. Sara Isaacū, & Samuelem Hanna. 1. Sam. 1. v. 23. Et mores delicularum Deus exquisitissimè obseruat, sicut ex Deut. 28. v. 56. patet, quod terram calcare nolint, &c. Sanè terra quæ mater omnium est Syr. 40. v. 1. etiam omnia ex se creata nutrit. Magna itaq; matrū illarum est ἀσπογία. Excipio tamen hoc loco illas, quæ certis de causis officium illud lactationis præstare non possunt infantibus.

T H E M A VI. CLASSIS III.

Esa. 26. vers. 16.

Domi-

Domine, in angustia requisierunt te, & cum affliguntur, clamant ad te dolentes. Sicut quæ concepit cum appropinquauerit ad partum, dolens clamat in doloribus suis: si facti sumus à facie tua Domine. Concepimus & doluimus, peperimus cum suspiriis.

DISPOSITIO.

Desumpta sunt hæc verba ex insigni illo cantico Esaie, in quo Propheta de fidelium fiducia in Deum, atque de eorum defensione in aduersis agit. Dum autem Propheta describere vult gemitus & suspiria piorum in angustis, vitur similitudine illa de parturiente: qua etiam Saluator ipse vitur, Ioan. 16. v. 21. Nec est illa scripturæ infrequens, quod non tantum ex his duobus locis, sed etiam aliis, Esa. 37. v. 3. Ierem. 4. v. 31. patet.

Nos itaq; occasione præsentis funeris, primum ipsam Prophetæ similitudinē in genere tractabimus, & accommodationem quoq; ipsius percipiemus. Deinde verò quæ in specie de parturientibus instituto nostro seruiant, pertractabimus.

I. Pars.

1. Prægnans cum parturire incipit, in magnas conicitur angustias. Etenim obruunt illam dolores partus. Et scit, cum vitæ periculo esse coniunctum partum. Propterea in illa lucta vitæ & mortis coangustatur vndique. Ita inquit, nos qui sumus de Ecclesia tua, concepimus & coangustamur. Tu enim nos castigas & affligis, & in nos grassari finis impios. *Du machst uns bang.* Er vix spiritum trahimus.

Concepimus ex afflictionibus hisce Ecclesiæ grauissimos dolores, & parere oportet cum angustia.

2. At quid faciat parturiens in tantis angustijs? Ingemiscit, suspirat ad te, imò dolores illi intensissimi sæpe etiam clamores exprimunt, cum alia ratione non possint testari suum dolorem. Ita nos in calamitatibus & angustis

gustis illis ad te suspiramus gementes, & dolentes clamamus ad te, & preces tum fundimus ardentissimas.

DOCENT hæc generaliter omnes Christianos, quare Deus pios sinat affligi: non scilicet ut sic in aduersis pereant, sed ut calamitates ipsis in bonum cooperentur, Roman. 8. v. 28. Quia enim extra casum necessitatis rarò tam ardentes sunt preces sicut debebant: ideò Deus premit calamitatibus, ut excitet in suis preces ardentissimas & gemitus atq; suspiria parturientium. *Dann denen ißs frenlich rechter Ernst.*

Et propterea in tantas miseras coniicit, ut ipse precibus atque suspiriis excitatus propius ad illos possit accedere. Etenim proximus adest illis, qui ipsum seriis gemitibus inuocant: iuxta id Psal. 145. v. 18. Et Psal. 34. v. 19. Prope est Dominus his, qui sunt corde tribulato.

1. Agnoscamus itaque in tribulationibus consilium Dei: Et sciamus, miseras nostras esse similes doloribus parturientium, qui ubi superati sunt, gaudium afferunt, cum natus est infans, teste Christo, Ioan. 16. v. 21.

Beati qui lugent, quia consolationem accipient, Matthæi 5. v. 4.

2. Deinde in magnis angustiis non murmuremus, nec insurgamus aduersus Deum, non Diaboli auxilium imploremus: sed clamemus ad Dominum. Debebat autem oratio esse continua, Rom. 12. v. 12. Coloss. 4. v. 2. atque vehemens & *ἐκτενὴς*, Act. 12. v. 5.

II. Pars.

Nunc etiam quædam ex hac similitudine ad nostrum institutum accommodabimus, cum præsens defuncta occasionem præbeat, de doloribus parturientium dicendi. Videamus autem quàm exquisitè Spiritus S. de his rebus possit loqui.

Primum licet omne ferè gestationis tempus dolores secum ferat, tamen illi sunt tolerabiles respectu eorum, qui circumueniunt parturientem. At cum instat tempus
partus,

partus, tum demum sunt intensissimi. Deinde quia constat matri de periculo vitæ, coniicitur in magnas angustias. Ideoque contristatur, Christo teste, quia venit hora illius. Scit enim, quod infans omninò sit edendus in lucem. *Da ist kein Hindersich sehen. Es muß seyn.*

Tertiò, quia dolorem suum verbis satis explicare non potest, post multa suspiria interdum etiam clamorè edit. Hunc enim vel nolenti exprimunt dolores. Et sic aliqua ex parte leniuntur dolores, *Wann mans heraus läßt / und nicht verdrückt / wie dem armen Weib zu Muht ist.*

CONSOLATIONEM ex hoc loco maximam petere possunt & debent in partus doloribus piæ mulieres, quod Deus illorum dolores, angustias, gemitus, suspiria, & clamores tam exactè nouit. Certè etiam numerat & lachrymas colligit, Psal. 56. v. 9.

Neque tantum nouit, sed & compatitur, & misericordia tangitur super iisdem. Habet enim cor non *500 29 v*, sed planè paternum, imò plusquam maternum, Esa. 49. vers. 15.

Testantur id ipsum leges, non solum de tempore puerperij, Leuit. 12. v. 4. & 5. sed etiam de non lædendis prægnantibus, Exod. 21. v. 22. quomodo sollicitus sit ipse altissimus pro grauidis & parientibus.

Ideoquæ etiam iuuat & extrahit infantem de utero matris, atque matrem gaudio replet, Psalm. 22. v. 10. & 71. v. 6. Ioan. 16. v. 21. Quod verò interdum ab hac regula discedit, non est signum inclementiæ, sed quod præter alias causas, quas ipse probè habet cognitæ, non temporali tantum, ad momentum (ita dicendo) duratura, sed æterna læticia perfundere vult matronas istas pias, in partu deficientes. Alioquin non hac ratione Rachelem, & alias pias multas mulieres extinxisset.

DISCANT autem parturientes, quod in maximis illis doloribus optimum remedium sit, clamare ad Dominum. Et sciant, quia preces tum sunt ardentissimæ, certè illas exaudiri. Et prope esse Dominum, Psal. 145. v. 18.

MONENTVR tandem omnes, qui ad sunt parturientibus, cum Deus non negligat clamores illos & gemitus miserarum mulierularum, ne vel clamantes in suis doloribus propterea increpent aut reprehendant, (quod nonnullæ rigidæ & inhumanæ mulieres facere solent) cum misericors Deus ipsis hoc vitio non vertat: neve quisquā illis clamantibus aut gementibus illudat: (quod duri mariti aut alij leuiculi homines interdum solent) sed potius ex animo compatiantur illis omnes, & suas preces cum ipsis coniungant. *Dann es ist warlich hie kein scherz.*

T H E M A VII. C L A S S I S III.

Esa. 37. vers. 3.

Hæc dicit Ezechias: Dies est tribulationis, & corruptionis, & blasphemie dies est hæc. Quia venerunt filii ad partum vsque, & tamen virtus non est pariendi, &c.

D I S P O S I T I O.

Protulit hæc verba magnus ille, pius & fortissimus heros Hiskias Rex Iuda, cum ingenti exercitu Rex Assyriorum Sanherib urbem Hierosolymam peteret, & ipsi Regi bellum denuntiaret. Mirum verò alicui videri posset, quod Rex potentissimus (2. Reg. 20. v. 20.) qui Philistæos debellauit, frænum Regis Assyrij excussit, 1. Reg. 18. in re tam graui & tanto imminente ex bello periculo, tam muliebri & leuicula (vt apparet) vratur similitudine de parturientibus, & in partu deficientibus. At non pudet ipsum huius, cum nec ipsum cœli & terræ Creatorem pudeat de his rebus loqui, Jerem. 4. v. 31.

Occasione igitur horum verborum & præsentis funæris, ex quo viuum huius rei experimentum capere possumus, dicemus:

1. Quid scriptura de his actibus muliebribus sentiat.
2. Quid in hisce actionibus periculosis sit faciendum.

I. Pars.

Cum vrbi Hierosolymæ, imo toti regno Iuda, ingens immineret periculum ab hoste potentissimo, exclamat Rex Hiskia, hanc esse diem tribulationis. Nec enim hostem ab vrbe propulsare, nec armis cum eo congredi & Martis aleam experiri poterat, quia scit se multò esse inferiorem Sanheribo. Nec aliunde poterat expectare auxilium: nec sese hosti dedere. Conclamatum itaque videtur de Rege & Regno. Non poterat fugere & tergum hosti obuertere: nullus hîc locus induciis. Et nisi Deus miraculo singulari urbem defendat, nulla superest spes salutis. Hoc periculum ingens comparat Rex difficultati partus: vbi mulier parturiens post multos dolores tandem viribus exhaustis deiecit, cum iam ad partum venit infans. *Da steht es sehr hart an.*

Ibi tum & infans & mater versantur in summo discrimine. Infans se ipsum iuare nō potest. Mater tametsi velit cum vitæ periculo facere officium, tamen imbecillior est quàm vt possit fœtum eniti. Obstetrices & alię astantes licet vellent iuare, tamen sua opera nihil proficiunt.

Iam igitur actum putatur de matre & infante: Et verè tum est tempus tribulationis, Hîc gemitus, hîc alta suspiria, hîc dubia mortis & vitæ lucta. Non locus hîc fugæ, non dilationi aut moræ. Vna in Deo spes esse potest, si velit miraculosè, vt solet, fœtum educere, & matrem ex his difficultatibus liberare.

L. Disçant hinc omnes, mulierum partum non esse rem ludicram, aut leuiculam, quod multi parum rectè sapientes aut duri & ἀσφγῆ homines putant. Hinc de tanta tamque difficili & planè periculosa re sæpè adeò contemptim loquuntur, vt nefas sit dicere,

Imò nonnullæ etiam leuiculæ mulieres, vbi semel atque iterum sæliciter pepererunt, de sua industria vel quadam magnanimitate stultè gloriantur, & se isthac pericula nihil metuere garriunt. *Sie wolten ein Kind vmb ein Stück Brodt haben*, inquit. Nesciunt quid garriant

riant tales, & plerumq; in die tribulationis (vbi sentiunt periculum & difficultatem) illarum corda labant atque timore micant. Certè rectius de his periculis iudicat Rex fortissimus, & agnoscit, non minus esse Dei beneficium, liberare ex hac partus difficultate mulierem cum infante, quam sit hostem potentissimum ab vrbe propellere. Nec dubium esse debet cuiquam, quod partus talis sit res maximi momenti, cum hac similitudine in rebus admodum seriis omnipotens ipse Deus, Ier. 4. v. 31. atq; filius Dei Saluator noster Ioan. 16. v. 21. vbi sint. Et propterea tristia spectacula deficientium in partu ob oculos ponit: Cuius nos præsens funus admonet, vt periculi magnitudine expensa intelligamus Dei beneficium, cum parturientes iuuat. Nec caret istud miraculo, si rectè velimus iudicare. At cum quotidie videamus, feliciter parturire mulieres, ista nobis diuina miracula vilescunt, vt Deum laude sua priuemus. Cum alioquin decantarint hæc miracula Dauid, Psal. 22. v. 10. 71. v. 6. 139. v. 14. Et Iob cap. 10. v. 8. 9. 10. 11. 12. Non enim sunt hæc tam fœda & sordida opera, quæ Deus nolit tanti æstimare, quanti soleat facere virginitatem, cœlibatum, sicut aduersarij opinantur. Quod enim non sordeant Deo hæc actiones muliebres, ipse testatur, quod de his rebus scriptura loquitur passim, & quidem admodum honorificè, &c. Et hæc quidem non modica debet & potest parturientium esse consolatio. De his sæpius aliàs.

II. Pars.

At quid in tantis difficultatibus faciendum, suo etiam exemplo rex piissimus docet.

Cum de omni humano auxilio desperasset, diuinum implorat auxilium. Mittit etiam suos Consiliarios ad Esaiam Prophetam, vt ipse quoque intercedat apud Dominum pro salute Regis & Regni.

Et impetravit sanè Rex miraculosam vrbs defensionem & hostis internecionem.

Q

Iuxta

Iuxta tamen media legitima non negligit, muros instaurat, fontium scaturigines obstruit, &c. de quibus omnibus vide 2. Paral. 32.

D O C E T Hiskias Rex etiam in difficili partu confugiendum ad Dominum. Cum enim nescimus, quid agere debeamus, hoc solum habemus residui, ut oculos attollamus ad te Domine, ait Iosaphat, 2. Paral. 20. v. 12. Et Dauid, Psal. 121. v. 1. & 2. Leuavi oculos meos ad montes, unde veniet auxilium mihi. Auxilium meum à Domino, qui fecit cœlum & terram.

Et Psal. 123. v. 1. Ad te leuavi oculos, qui habitas in cœlis. Possunt sanè & debent piæ matronæ sic orare ad Dominum, Domine, qui extraxisti me de utero matris meæ, Psal. 22. v. 10. in te proiectus sum ab utero, Psal. 71. v. 6. tu quoq; in utero meo formasti infantem meum, & manus tuæ sinxerunt illum, Psal. 139. v. 13. 14. tuus est infans, tua benedictione vitam accepit in utero, tu iam educ quoq; illum in lucem, & celebrabimus te super his beneficiis, atque miraculis tuis, &c. Quod facit Dauid. Ibidem. Debent quoque aliorum preces & intercessionem pro se expetere, sicut hîc fecit Hiskias.

De precum efficacia aliàs dictum.

Tandem verò etiam media legitima nunquam sunt negligenda. Faciant officium matres, obstetricantes & quicunque possunt.

F I N I S.

T H E M A VIII. C L A S S I S III.

Ier. 4. vers. 31. Manual. pag. 488.

Vocem quasi parturientis audiui, angustias ut primogenitum enitentis.

D I S P O S I T I O.

Verba sunt hæc ipsius Dei omnipotentis, (teste ipso Propheta dicente, Hæc dicit Dominus,) quibus per Hieremiam

iniam denuntiat populo Iudaico eas calamitates & angustias, quas sint experturi, ubi Rex Babylonius ipsos subegerit, & captiuos abduxerit. Licet autem tum temporis nondum videbatur imminere periculum à Chaldaeis, tamen hæc certò euentura prædicit Dominus, ut iam præsentibus quasi oculis illud aspiciat & clamorem illorum atque eiulatum iam audiat. *Er höre sie schon allbereite schreyen.* Exaggeraturus autem Dominus calamitatem illam, utitur similitudine de clamoribus & angustis parturientis: qua etiam Hiskias Rex usus est Esa. 37. vers. 3.

Cum autem præter principalem illum scopum, ad quem digitum intendit Propheta, hæc similitudo ad nostrum institutum (in præsentis funeris deductione) haud parum facere possit, primum verba Dei excutiemus, deinde illa etiam ad usum nostrum accommodabimus.

I. *Paraphrasis textus.*

Hæc dicit Dominus: Audio clamorem. Et varios sanè clamores audiuisse legitur in scriptura.

Audit clamorem sanguinis Abelis de terra. Genes. 4. v. 10. audit clamorem peccatorum terræ Sodomorum. Gen. 18. v. 20. audit clamorem Israelitarum querulantium in Ægypto, Exod. 2. vers. 23. audit etiam clamorem Davidis afflicti, Psal. 120. v. 1. Psal. 31. v. 23. Et cætera. At nihil horum audire se ait Dominus hoc loco, sed clamorem parturientis. Dolores enim intensi interdum exprimunt clamorem & eiulatum. Et licet non semper clamitent alta voce parturientes, sed ingemiscant atque muta & anxia ducant suspiria, ab imo pectore, hæc tamen in auribus Dei etiam sunt clamor immensus. Is enim acutissime audit. Et quid ni? Qui fecit aurem non audiet? Psal. 94. y. 9. Hinc Moysi deprecanti Dominum dicitur, quid clamas? Exod. 14. v. 15. Audit Dominus Hannam, cuius vox penitus non audiebatur, sed labia tantum illius movebantur. 1. Sam. 1. v. 13.

Et hoc manifestum magis est ex eo, quod sequitur,

Q 2

Domi,

Dominum audire, & intelligere angustias, cordis scilicet. Qui enim cor & renes scrutatur, Ier. 20. v. 12. is quoque angustias cordis penitissimè cognoscit. Quales verò angustias Deus audiat & intelligat, additur, Quasi primogenitum enitentis. Maximas innuit angustias, quas sentiunt, quæ primum enituntur foetum: partim quod in hoc ludo nondum sunt edoctæ, adeoque dolores spe atque expectatione ipsarum maiores sunt: partim quod plerumque primus partus est difficilior, propter causas quas recensere non est opus.

Sic itaque prædicit Deus imminentes calamitates filiæ Sion, quod tanta super ipsos ventura sit angustia, ut eiulatus audiendus sit de longè, quodque tanquam mulier iuencula in primo partu difficillimo vehementissimè conturbanda fiet. Sed redeundū ad institutum nostrum, & quid nos hæc similitudo ex ore ipsius Dei prolata, moneat, dispiciendum est.

II. *Vsus huius loci.*

Primum autem ex his verbis omnipotentis Dei, maximam consolationem habent parturientes, quod intelligunt, Deo curæ esse ipsorum eiulatus, clamores, angustias, & dolores in partu.

Vide enim obsecro, quàm accuratè hæc omnia, quæ ipsis solent accidere, obseruet Dominus: & sic de his rebus loquitur, ac si multoties obstetricis munere defunctus esset. Scit, non absque clamore & gemitu ut plurimum edi infantem. Intelligit angustias, in quas coniiciuntur propter intensos dolores & pericula. Nouit difficultatem partus apud eas, quæ nunquam pepererunt, &c. Et quid nō sciat atque intelligat hæc omnia, qui præsentissimus ipsis parturientibus adest, non tantum vniuersalis istius promissionis ratione, quod cum afflicto in tribulatione esse, & clamorem illius audire velit, Psal. 34. v. 7. & Psal. 50. v. 15. & Psal. 91. v. 15. sed speciali etiam præsentia modo, de quo Psalm. 22. V. 10. & 71. v. 6. Nisi enim is, qui conceptum de-

dedit, Gen. 25. v. 21. qui sicut caseum coagulauit, Iob. 10. v. 10. qui in vtero formauit infantem, Psal. 139. v. 13. quique pelle & carnibus vestiuit, atq; ossibus & neruis compegit, Iob. 10. v. 11. nisi, inquam, is quoq; ex vtero extraheret, & extractum custodiret, nec infans matrem, nec mater vlla infantem viuum ipsa incolumis, nec vterque hanc lucem aspexisset vnquam. Et hæc causa est, quod nonnunquam in partu mater cum infante extinguitur, vt intelligamus Dei beneficio nasci homines, & non necessariò, nec naturaliter tantùm per homines propagari & multiplicari genus humanum.

Docentur autem & pij simul mariti & coniuges ipsorum parturientes, vt in angustiis eiusmodi constituti clament ad Dominum, qui audit gemitus, & intelligit angustias cordis, Esa. 65. v. 24. Estq; adiutor in opportunitate, Psal. 9. v. 10.

Neq; verò existimandum, Deum propterea non audire, quod interdum in partu finit deficere piam mulierem. Licet enim non audiat iuxta voluntatem, audit tamen secundum vtilitatem ipsarum. Et gloriosior est ipsarum liberatio: compensabit etiam has angustias, & lachrymas absterget, Esa. 25. v. 8. Interim soletur illas præsentia Dei. Dummodo te habeam, Psal. 73. v. 8. Psal. 23. v. 4. tu mecum es. Et Rom. 8. Si Deus nobiscum, vers. 31. Poteest & hic tractari locus, qui supra in Disposit. Thematis V I. est vltimus. Et recurrunt hic quoque alij plures.

F I N I S.

T H E M A I X. C L A S S I S I I I.

Syrach 25. vers. 33.

A muliere initium factum est peccati, & per illam omnes morimur.

D I S P O S I T I O.

Durius quidem hæc videntur dicta aduersus sexum.

fœmininum: at vera tamen sunt, cum Paulus electum illud Dei organum hæc eadem confirmet, 1. Tim 2. v. 14. dicens, Mulier seducta transgressionem inuexit.

Hinc ipsæ etiam mulieres morti factæ sunt obnoxie cum omnibus his, qui ab ipsis prognati sunt.

Quia verò culpa etiam redundat in viros, itaque opere pretium erit sæpius hoc expendere; in quantas misérias genus humanum sit coniectum per mulierem, quod occasione Textus præsentis iam sumus facturi. Iuxta tamen monendi estis, quas hæc meditatio doctrinas secum ferre debeat.

I. Pars.

Qua ratione Diabolus per serpentem seduxerit Euam, ex Genes. 3. constat. Et certum est Diabolum aggressum fuisse Euam absente marito Adamo: illamque assensisse Diabolo, ut vesceretur de arbore vetita, inscio & inconsulto Adamo. Hanc ob causam mulieri tribuitur initium peccati. Hinc Paulus virum non seductum asserit, scilicet per serpentem. Ipse enim non Adamum sed Euam decipit, nec cum Adamo egit de hac re, sed cum muliere.

Et negari non potest, quod mulier non tantum primum peccauerit, sed etiam virum seduxerit. Hinc ipsa primum etiam facta est inobediens & rea mortis, & mortalis reddita, & æternæ morti subiecta. At non ipsa tantum morti subiecta, sed per peccatum mors transiit in omnes. Rom. 5. v. 12. Ad mortem autem pertinent omnes illæ clamitates & miseriæ, quæ primum sunt mulieri denunciatae, & quas ipsa primum experiri coacta fuit: ut sunt dolores mox post conceptum, & in gestatione, atque in partu præsentissima mortis pericula. Et sicut propter peccatum mulieris omnes moriuntur, ita ipsæ ante omnes varia sentiunt mortis præludia. Hinc etiam interdum in partu cum infante miserabiliter, & non sine maximo dolore vitam finiunt. Quod si non peccasset mulier, & uteri gestatio & partus cum voluptate maxima fuisset.

fuiſſent coniuncta. Et ſicut Maria abſque omni dolore Chriſtum peperit, quia abſuit à conceptione peccatum: Ita ſi ſine peccato concepſſent mulieres, certè abſque omni dolore etiam peperſſent.

I I. Pars.

Nunc me conuerto ad doctrinas ex meditatione huius loci notandas.

I. Et primum quidem hæc non dicuntur neque à Sapiente neq; à Paulo, nec repetuntur propterea ſapius à nobis, 1. vt ſceminum ſexum vel conuitiis proſcindamus. 2. vel mala quæuis illis imprecemur, eò quod prima mulier totum genus humanum perdiderit. 3. vel vt omnes inde mulieres odio habeamus, & contemptim de illis loquamur, quod multi faciunt. Redundat enim hæc contumelia in ipſum creatorem Deum, qui mulieri non tantum remiſit peccatum & cohæredem gratiæ eſſe voluit 1. Pet. 3. verſ. 7. ſed & ſalutem generi humano per ſemen mulieris, Genef. 3. reſtituit: & res magnas per mulieres fecit; Debora. Iud. 4. Abigail. 1. Sam. 25. Eſther, Iael, Iudith, &c. eaſdem inſignibus ſapè donis & Prophetiæ Spiritu donauit, Miriam. Exod. 15. v. 20. Hulda. 2. Reg. 22. verſ. 24. Hanna. Luc. 2. v. 36. & plurimas de illis non temerè perturbandis ſed potius diligendis leges tulit in ſcripturis. Deut. 20. & 21. v. 14. Malach. 2. v. 14. Prouerb. 5. v. 18. Eccleſ. 9. v. 9. Ephes. 5. v. 25. Coloff. 3. v. 19. & 1. Pet. 3. v. 7. &c.

Atque ſi odio habendam putas mulierem, magis deſteſtare Diabolum, qui author fuit mulieri vt peccaret.

Neque viro nocuiſſet peccatum mulieris, ſi non ipſe etiam Diabolo conſenſiſſet. Hinc Roman. 5. v. 14. inobedientia tribuitur viro, & per ipſum damnatio ſuper omnes veniſſe dicitur.

Dum itaque mulieri exprobras peccatum, teipſum accuſas, cum vir caput mulieris à peccato & inobedientia non fuerit immunis. Inculcatur autem nobis lapſus mulieris hæc ob cauſas. 1. vt ſceminæ in vera humilitate vi-

uant, memores, quantum mali prima mulier in mundum introduxerit. Ideoque Paulus illas in silentio cum omni subiectione vult discere, 1. Tim. 2. v. 12.

II. Deinde, ut intelligamus, quæ causa sit, quod mulieres præ omnibus aliis tot sint obnoxia calamitatibus, morbis, afflictionibus, præsertim in partu, &c. Hanc enim ipsis pœnam denuntiavit Dominus propter inobedientiam, Gen. 3. v. 16.

Quæ autem piæ sunt matronæ, propterea non desperent aut angantur animo, scientes, semen mulieris ipsarum crucem & calamitatem sanctificasse: & solentur se dicto insigni, 1. Tim. 2. v. 15. Salua fit mulier, &c.

III. Patienter omnis generis aduersitates & partus difficultatem ferant mulieres, cogitantes, se hanc pœnam transgressione sua commeruisse. Et sufficiat illis gratia Dei, 2. Cor. 12. v. 9. atq; dicant illud Prophetæ, Iram Domini portabo, quia peccaui illi, Mich. 7. v. 9. Neq; est quod accusent Euam, & se iam nihil tale meritas alienam sustinere culpam dicant. Cum enim verisimile sit, præceptum de arbore vitanda ad posteros Adami & Euæ pertinuisse, (ut perpetuam sic exercendæ obedientiæ erga Creatorem haberent materiam) fieri potuisset, ut illæ, quæ iam tantoperè Euam detestantur, hoc eodem modo à Satana tentatæ in peccatum prolaberentur.

THEMA X. CLASSIS III.

Ioan. 16.

Mulier cum parit, dolorem habet, quia venit hora eius. Cum autem peperit puerum, iam non meminit anxietatis, propterea quod gaudeat hominem esse natum in mundo.

DISPOSITIO.

Hæc verba Saluator noster in proluxa illa sua concione, quam habuit ad Discipulos, paulò ante mortem, inter cætera, non absq; singulari affectu, magnæ consolationis loco

loco proposuit, non ipsis tantum Apostolis, sed & omnibus Christianis probè consideranda. At hæc verba similitudinis pertinent omnium maximè ad grauidas & parturientes, quarum Christus etiam in mortis agone non fuit immemor. In gratiam illarum nos quoque horum verborum vim paulò accuratius inuestigabimus, & primum dicemus, quomodo habeant res mulieris parturientis, cum venit hora ipsius. Deinde, quales post partum assument affectus.

I. Pars.

Rectè profectò Christus pronunciat, Mulier cum parit, tristitiam habet. *Dann das lachen ist sehr thewer umb sie zur selben zeit.*

Et verbis subsequētibz meminit anxietatis, quæ affligit parturientes. Non tantum illas obruunt dolores vehementissimi, sed quæ omnium est grauissima, anxietas cordis ipsas premit. Quare? Quia venit hora illius, ubi subire cogitur presentissimum mortis periculum: Fœtum namque eniti oportet, aut vna cum illo pereundum. Sic enim Deus vult, illas cum dolore maximo parere. Genes. 3. vers. 16. Est quæ hæc peccati pœna: quæ metum mortis ipsa morte facit grauiorem. Magna itaque animum parturientis occupat tristitia, dum de sua & infantis vita sollicita est.

Loc vs. Conqueruntur de hoc sæpè piæ matronæ, Non esse virum, qui credere possit, quātos dolores, quantas angustias sentiant ipsæ parturientes, cum inexperti de his minus dextrè iudicare videantur.

Licet autem pius maritus diligens vxorem in illis periculis æque angatur animo, ac ipsa parturiens, (pro cuius salute ipse tam est sollicitus, vt morte sua vitam coniugis parturientis redimere vellet) tamen, vt maximè illis hoc concedamus, Christus Iesus, qui tentatus est per omnia, & qui est *ἡ ἀποδογνῶσις πατρὶων*, is nouit & obseruat accuratissimè omnem parturientium anxietatē, tristitiam, &c.

Ideoque hoc loco de his rebus loquitur, sicut & alibi Dominus, Ierem 4. v. 31. vt ostendat, hæc non latere eum, qui cor & renes scrutatur.

Faciunt hæc ad consolationem parturientium maximam, præsertim cum præter ea, quæ diximus, illud etiam ad ipsas pertineat: Cum ipso sum in tribulatione. Psal. 91. v. 15. Eripiam. Ideoque in illis angustiis clament ad Dominum & audiet eas. Psalm. 50. v. 15. Repetant illud Psal. 73. Dummodò te habeam. & c. v. 25. Et Psal. 23. v. 4. Tu mecum es. Et Roman. 8. vers. 31. Si Deus pro nobis.

Et qui in numerato habet suspiria, gemitus & lachrymas illarum Psalm. 56. vers. 9. is absterget etiam. Esa. 25. v. 8. Apoc. 7. v. 17. & 21. v. 4.

Patenter itaq; piæ mulieres ferant istas angustias, cogitantes, hæc est hora illa, de qua Christus dixit. *Es ist umb diß böse stündlin zuthun.* Est hora quam Deus constituit nobis, atque hora vocationis nostræ. & c.

Plura quæ huc pertinent in superioribus Dispositionibus huius Classis sunt annotata.

L. II. Quia ex verbis Saluatoris constat, in quantam tristitiam coniiciantur parturientes, ideoque omnes qui ipsis præsentibus adsunt consolationibus ex scripturis erigant pusillanimes, vbi venit hora illarum.

Huc enim quoque pertinent illa Pauli I. Thes. 5. v. 14. Consolamini pusillanimes. & c.

Proponatur ipsis præsentia Dei, auxilium ipsius quod prædicatur Psal. 22. v. 10. & 71. vers. 5. Item quod laborent in sua vocatione, in qua placeant Deo & saluæ etiam fiant si maneant in fide. I. Tim. 2. v. 15. Et quæ sunt alia.

II. Pars.

Vidimus angustias parturientium, vbi venit hora earum. At quid tum fit cum superarunt angustias illas? *Wann das böse stündlein fürüber ist.* Sic Christus: Cum peperit puerum non meminit anxietatis, propterea quod gaudeat infantem natum. Tamen enim non mox post par-

partum omnes dolores euanescent, tamen gaudium super infante nato omnem postea dolorem mitigare videtur. Et sic lætatur mulier superatis doloribus partus, ut iam vix meminisse possit, quo loco fuerint res ipsius. Iam enim ex morte ad vitam transiisse putatur.

Locvs. Ecce fidelis Deus, qui sicut in cæteris afflictionibus, ita etiam in hora partus non finit tentari ultra vires. 1. Cor. 10. vers. 13. Sed post tribulationem magno gaudio perfundit parientes. Ad vesperam fletus. Psalm. 30. v. 6. In momento dereliqui te Esa. 54. v. 7. Et propterea dolores partus non vult durare integrum decennium, aut annum vnum, imò nec mensem nec septimanam, sed hora, inquit, venit. *Es soll nicht zu lang wehren.* Cum gaudium postea multò sit durabilius, super nato infante.

Reprehendendæ igitur ex hoc loco nonnullæ vel delicatullæ, vel *αἰσχρογυῖαι*, vel ignauæ mulieres, quæ infantem recens natum mox extingui optant: ut sic illis tempore puerperii & post molestus esse non possit: cum potius ex animo debebant lætari super hac diuina benedictione, & pro incolumitate illius preces ad Deum fundere. Tandem, cogitabunt laud dubiè nonnulli, Non semper locum habere hoc Saluatoris pronunciatum, quod partum subsequatur gaudium. Nonnunquam enim piæ matronæ in partu deficiunt & hac ratione doloris multum & gaudii parum sentiunt. Quemadmodum etiam de vxore Pinehas legitur, quod cum iuberetur benè sperare, propterea quod filium peperisset, ipsa (nihil inde sentiens gaudii) non apposuerit cor suum. 1. Sam. 4. vers. 20. Et idipsum quoque exemplum præsentis defunctæ, quæ in partu defecit, testatur.

Respondemus. Hoc ipso loco Christum, de duplici gaudio loqui. Alterum temporale est, quod post natum infantem sentitur sæpius, licet non semper. Alterum illud est, de quo asserit, non auferendum à nobis, atque adeò æternum gaudium.

Hinc facilè est colligere, cum Christus, qui est veritas,

tas, mentiri nesciat: is verò pronuntiet, matrem nato filio sensuram gaudium: quod illa, quæ gaudio terreno priuata fuit, superata doloribus partus, mox ubi animam Deo reddidit, sensura sit gaudium illud æternum, quod ab illa non sit auferendum. Sicque non malè cum ipsa agitur, cum pro paucorum annorum gaudio æternum illi detur celebrare Iubilæum, utpote quæ in officio vocationis, in fide & pia nominis diuini inuocatione, ex hac lachrymarum valle ad æterna gaudia migravit.

Beatas illas & felices prædicare possumus præ omnibus viuentibus, quorum gaudia in his terris plerumque luctus comitatur, Prouer. 14. v. 13. *Soletur hoc ipsas morituras, & maritos, & omnes alios, quibus hi casus multum videntur esse luctuosi.*

T H E M A X I. C L A S S I S I I I.

I. Timoth. 1. vers. 13.

Adam prior formatus est, deinde Eua. Et Adam non fuit deceptus, sed mulier seducta, obnoxia facta est transgressioni. Salua tamen fiet per generationem liberorum, si manserit in fide ac dilectione, & sanctificatione cum castitate.

D I S P O S I T I O.

Duo tractat Apostolus his verbis. Primum enim admonet mulieres transgressionis factæ per mulierem primam, quæ peccatum inuexit super omnes: ut sic discant humilitatem. Deinde verò consolationem addit pro iisdem, ne desperent propterea, quòd multis sint obnoxie calamitatibus, ob illam, quam diximus, mulieris transgressionem.

Ututrumque considerandum erit.

I. Pars.

Adamum primò formatum asserit Paulus, & hinc illud

lud vult euincere, quod vir caput sit vxoris, quodque illa debeat subiacere imperio mariti. Addit verò, Adamum non deceptum, sed Heuam : scil. per serpentem, qui non cum Adamo, sed cum Eua sermones contulit, nec Adamum, sed Euam ad defectionem sollicitauit.

Illa verò maritum seduxit, & eidem, vt de arbore verita vesceretur, author fuit. Hinc non ipsum tantum maritum perdidit, sed propter illius assensum transgressio ad omnes homines pertransiit. Hinc pœnam etiam Deus primò denunciauit mulieri, Gen. 3. v. 16. eamq; satis grauem & perpetuò in his terris duraturam imposuit.

L O C V S hic idem recurrit, qui in secunda parte Dispositionis Thematis noni supra habetur in hac classe.

II. Pars.

Possent autem mulieres, vasa infirma, dum tot tantisque calamitates sentiunt propter peccatum, planè desperare de gratia diuina : ideoque Paulus consolationem hoc loco adiungit grauissimam : ostendens salutem illis non denegatam, etiam si liberorum generationi (quæ certè peccato semper est infecta) operam dent : dummodò maneant in F I D E. Et quæ sint notæ, quod in F I D E sint, (si seipsas probare velint, iuxta id, 2. Cor. 13.) addit, scilic. Dilectio, sanctificatio, cæstitas.

Quæ huc pertinent, in Dispositione Thematis 94. Promptuarij Connubialis iam ante pertractata sunt : ideoque illuc lectorem remitto.

S E Q V V N T V R

CLASSIS IV. THEMATA,

Applicanda funeribus vel infantum, vel eorum,
qui præmatura morte abrepti, plerunque
triste sui desiderium relin-
quunt.

T H E

THEMA I. CLASSIS IV.

Genes. II.

*Mortuus est Haran ante Thare patrem suum in terra
natiuitatis suæ, in Vr Chaldaorum.*

DISPOSITIO.

Nihil singulare videntur habere hæc verba, de morte Haran: cum nec rarum nec mirum sit homines mori. At quia certum est, nihil omninò in scripturis contineri, quod non possit facere ad nostram vtilitatem: ideoque nonnulli ex patribus senserunt, esse in his verbis singularem emphasin, & scripturam admirandam hæc protulisse, eò quod hic primus legatur ante patrem diem suum obiisse. Itaque & nos hanc historiæ particulam non negligemus.

Dicemus autem 1. Quis fuerit iste Haran. 2. Quando. 3. Et ubi mortuus.

I. Pars.

Fuit autem hic Haran ex progenie pii Patriarchæ Sem (filii Nohæ) oriundus, & filius Thare, qui in Genealogia Patriarcharum post Noham est ordine nonus, & pater Abrahami, Genes. II. v. 26. Adeoque hic Haran fuit frater Abrahami celebratissimi inter omnes Patriarchas: & qui pater est omnium credentium. Sicq; ex magna & illustri familia natus est noster ille Haran: atque maior natu Abrahamo. Quod hinc colligitur, quia Ioth filius Haran, penè eiusdem est ætatis cum Abrahamo, cum exirent ex Chaldæa.

Legitur autem fuisse mortuus. Quia homo mortalis ex patre mortali prognatus.

Locvs. Mors nemini parcit, ne illustrissimis quidem personis: nec Patriarchis, aut eorum filiis, nec Regibus, nec Principibus. Mors seruat legem, tollit cum paupere Regem. Et pallida mors æquo pede pulsat pauperum tabernas, Regumque tures. Ideò Syrach cap. 40. tam il-
lum

lum qui coronam gestat, quàm hunc qui cilicio induitur mortis subiaceret imperio testatur.

Quia omnes ex æquo sunt peccatores. Peccati autem stipendium mors, Rom. 6.

1. Facere hoc debet ad excitandam patientiam apud pauperes & miseros, cum sciant, eandem cum ipsis viam ad mortem ingredi omnes, quantumvis illustres personas, Reges, Principes & alios.

2. Humilitatem docet id ipsum illustriores & potentes, quod illis æquè sit moriendum atque pauperrimis. Quid enim superbit cinis & pulvis? Syr. 10.

Philippus Macedo quotidie huius rei voluit commonefieri per adolescentem: Philippe, homo es. At multi hoc ægrè ferunt nostro tempore, & parum cogitant, se esse mortales: cum tamen scire debebant, Deum non esse *αἰσῶσι πολλή πένυ*, Iob. 34. Vide vers. 19. & 20.

II. Pars.

Mortuus est autem Haran ante patrem suum Thare. In Hebræo est, Et mortuus est Haran super facie patris sui Thare. Hinc alii sic legunt, quod coràm patre suo, vel in conspectu patris sui: alii, quod ante patrem, hoc est, prior patre mortuus sit. Et perinde est, siue coràm patre, siue ante patrem sit mortuus: quia patrem longo post mortem ipsius tempore superuixisse, & tum demum ex Chaldæa migrasse certum est. Constat autem, quod Haran non in pueritia vel adolescentia, sed cum prouectoris esset ætatis diem suum obierit: cum filium iam Lothum & duas filias Melcham atque Iischam ex coniuge suscepisset. Certum quoque est, quod patres istius temporis non ita properarint ad nuptias, cum essent adhuc longæui. Ideò Thare iam 70. natus annos demum legitur tres filios genuisse. Sicque verisimile est Haran quoque septuagenario maiorem fuisse mortuum. Tamen scriptura innuit illum ante patrem, & sic quasi præmatura morte abreptum: cum pater Thare annos ducentos

ducentos quinq; natus fatis concesserit, vt in fine huius capitis habetur.

L. Innuit hic locus, præter communem naturæ ordinem fieri, vt liberi moriantur ante parentes: cum naturaliter hi, qui priores sunt ætate, semper priores etiam naturæ debitum soluere debebant. Et graue sanè hoc videtur parentibus, si liberos ante se morientes cernere cogantur. Hæ autem sunt causæ potissimum, quare Deus ante parentes euocet liberos.

1. Si liberi pii, parentes verò impii sint, ideò Deus illos euocat, ne parentum impietatem cum annis addiscant aut imitentur. Fitque hoc ad salutem iuniorum, & in pœnam parentum. Patet id exemplo Abiæ filii Iero-boam, 1. Reg. 14. v. 13.

2. Vel hac ratione impietatem liberorum punit, & vitæ dies abbreviat, vt in filiis Eli, 1. Sam. 2. & 4. vbi simul indulgentia parentis punitur.

3. Vel si piorum parentum pii liberi præmatura morte abripiuntur, fit hoc propter causas Sap. 4. allegatas. Hac verò calamitate parentum fidem & patientiam probat Deus. Illa igitur æquo animo ferenda exemplo Dauidis, 2. Sam. 12. v. 23.

III. Pars.

Vbi mortuus Haran etiam paucis additur. In terra natiuitatis suæ, Vr Chaldæorum. Hinc teste Hieronymo in quæstionibus Hebraicis super Genesin, Tomo 4. fol. mihi 94. Hebræi hanc fabulam referunt: quod Haran in patria sua coniectus fuerit in ignem, eò quod noluerit adorare ignem, quem Chaldæi pro Deo coluerunt. Et hinc Thare sumpsisse occasionem migrandi ex Chaldæa, propter illam persecutionem.

Fabulam longè crassiorẽ Lyra recitat ex Hebræorum libris, super hunc locum.

At error hinc natus est, quod cum Vr Hebræis significet ignem, illi in Vr, hoc est, in igne Chaldæorum mortuum

tuum Haran fingunt: cum tamen verba (in terra natiuitatis suæ) videantur hoc innuere, quod Vr locum aliquem in Chaldaea denoret. Atque à Deo euocatos ipsos aperte constat. Gen. 12. Voluit autem scriptura hoc nobis insinuare, Haran mortuum in terra patria, quæ fuit infecta Idololatria, priusquam euocati à Deo, Abraham & Loth cum patre & auo exierint in Canaan. Nec ab Idololatria planè erant alieni ipse quoque Thare cum filiis Abrahamo &c. Ios. 24. v. 2.

L. Est quidem pars aliqua terrenæ felicitatis mori in patria, apud suos. Quod ex contrario patet, vbi Deus pœnæ loco minatur mortem extra patriam. Exempla. Ioia-kim. Iere. 22. v. 26. Baesa. 1. Reg. 15. At si hoc beneficium non contingat piis, nihilo sunt infeliciores: cum Domini sit terra & omnis plenitudo eius Psalm. 24. Multi etiam felicius alibi moriuntur quam in patria, præsertim si illa vel impietati dedita, vel falsa doctrina sit infecta: Sicut viri simile est Haran nostrum felicius extra patriam Idololatricam moriturum fuisse, cum fratre Abrahamo & patre Tharah. Vt vt sit autem, nobis hoc agendum, vt vbi cunque Deo placuerit nos mori, in Domino moriamur. Illi enim beati sunt. Apoc. 14.

Quid autem sit in Domino mori, vide in explicatione loci iam allegati.

T H E M A II. C L A S S I S IV.

2. Sam. I. v. 26.

Doleo super te frater mi Ionatha, fuisti mihi iucundus valdè, mirabilis mihi fuit dilectio tua super dilectionem mulierum.

D I S P O S I T I O.

Desumpta sunt hæc paucula verba ex Epicedio illo, quod Dauid conscripsit in obitum Saulis Regis & Ionathani filii, qui in bello contra Philistæos fortissimè pro-

R

patre

patre pugnans occubuit. Duo autem ex his verbis potissimum notanda.

1. Luctus Davidis super obitu Ionathani.
2. Quæ huius luctus causa fuerit.

I. Pars.

Doleo super te frater mi: inquit David. Et dolendus certè fuit casus, quod vir optimus pro patre pugnans tam crudeliter occiditur ab hostibus.

Mirum autem cuipiam videri posset, quare David tantoperè lugeat defunctum Ionathanum: cum certum sit, ipsum fuisse filium Saulis hostis Davidis infensissimi. Et licet Ionathan non affectarit hætenus regnum, nec Davidem fuerit persequutus, sed ipsi potius Davidi de regno Israëlispem fecerit, 1. Sam. 23. vers. 17. & bonum loquutus fuerit pro Davide ad patrem suum, 1. Sam. 19. v. 4. tamen quia voluntas hominis est ambulatoria usque ad mortem, atque iuxta Prouerbiū: Si ius violandum est propter imperium violandum est, potuisset forsitan Ionathan post obitum parentis spe potiundi regni animum mutare & fœdus istud cum Davide initum, 1. Sam. 18. 20. 23. irritum facere, atque Davidi negotium faceßere, quod superstes Isbosethus frater Ionathani postea fecisse legitur. 2. Sam. 3. Præsertim cum fuerit Ionathan (si successionem ordinariam spectare velimus) legitimus regni hæres, & vir fortis, prudens atque populo charissimus (quod patet ex intercessione illa populi 1. Sam. 14. vers. 45.) & hætenus non semel victoriam reportarit ab hostibus, præsertim cum solus vno comitatus armigero profligasset Philistæos 1. Sam. 14.

Quoniam igitur Ionathano mortuo & occiso, David de regno promisso multò potest esse certior, forsitan non seriò hanc rem agere, sed fucum hominibus facere voluit? & in corde suo sibi gratulatus est potius de obitu ipsius? Absit autem ut hæc de Davide credamus: qui fuit candidus & apertus omni tempore. Atq; facit ardentissima

tiſſima dilectio (de qua in ſecunda parte plura) vt nihil tale poſſis ſuſpicari. Charitas enim non eſt ſuſpicax. Fratris loco ipſum habet. Quia verè fraternè cum Dauide egit. 1. Sam. 20. v. 17. Et exploratus ipſi viciffim fuit candor Ionathani, ex illa oratione quæ extat 1. Sam. 20. v. 13. ideoque viuum potius optat Ionathanum, quam mortuum. Potuiſſet is etiam forſitan impedire conatus fratris Iſboſerhi, & Dauidi adducere tribus Iſraëlis. Nec dubium quin hoc facturſus fuiſſet. Ideoq; ſeriò & ex animo luget Dauid occiſum, & cum illum in vitam reuocare nō poſſit, honorifico tamen Epicedio ipſum immortalē reddere ſtudet.

I. Docet Rex noſter ſuo exemplo lugendos eſſe deſunctos, præſertim ſi illi viri boni, fortes, &c. fuerunt. Idcò Dauid ſuum Ionathanū fratrem lugebat ademptum. Sic illi Prophetam lugent, Mi frater. 1. Reg. 13. Nec tantum lugendos fratres & amicos, ſed etiam hoſtes, ſicut ipſe non Ionathanum tantū, ſed & Saulem luget, hoc ipſo cap. Noli gaudere ſuper inimico mortuo. Syrach. 8. v. 8.

FACIT hoc primum contrà eos qui neminem lugent, & ſunt planè *ἀσπρῶν*: de quibus 2. Tim. 3. Sic quoque contra hos, qui lætantur ſuper obitu non inimicorum tantum, ſed etiam ſuorum fratrum, aut conſanguineorum, à quibus metuunt damnum aliquod rei familiaris: ſicut haud rarò fratres nonnulli ſuas ſorores, viciffim hæ illos, & illi ſuos germanos extinctos optant, vt cum hæreditas diuidenda fuerit, portionem maiorem accipiant ſuperſtites, ſi numero ſint pauciores.

At neſciunt ſtulti, quando ipſorum anima auferenda, & cui pararint bona, & quibus relicturi ſint ſua: Et an ipſis quoque ſuis frui liceat. Vide Eccleſ. 4. verſ. 8. & 5. v. 13. Luc. 12. v. 20. Magnus igitur quæſtus pietas cum animo ſua ſorte contento. 1. Timoth. 6. verſ. 6.

Facit deinde etiam contra illos, qui vel parentes vel amicos, à quibus hæreditatem auidè expectent, ſic lugent, vt vix riſum continere poſſint in funeribus illorum. Hi notabunt illud Salomonis Prou. 20. verſ. 21. Hæreditas ad

quam festinatur caret benedictione. Nonnulli hoc aperte fatentur quod extinctos non lugeant, sed dudum tales optarint: nonnulli luctum simulant. Vtrique peccant, & hi tamen illis sunt deteriores. Retribuet autem illis Dominus mercedem iustam: Et eadem mensura remetietur illis. Accusabit illos Dauid in nouissimo die.

II. Docet idem, non odio habendos posteros, quorum parentes vel maiores aut amici nobis fuerunt aduersarii: præsertim si nulla posteris culpa tribui possit. Si enim Deus non vult filium portare iniquitatem patris, Ezech. 18. v. 20. quare nos filio imputabimus peccata patris, cui filius non potuit imperare? Reprehendēdi igitur qui propter offensas maiorum posteros etiam odio plusquam Vatiniano prosequuntur. Si enim ipse inimicus diligendus Matth. 5. Rom. 12. & non lædendus, multo minus illius posteri. &c.

L. III. Posset etiam tractari locus, de mortuis non nisi bona esse dicenda: cum hîc Dauid non bonum tantum Ionathanum, sed & Saulem multis encomiis ornârit. Retinet id quod vituperatione dignum erat in Saule Rege & Deo committit. Si quæ autem in ipso virtutes erant, illas celebrat.

II. Pars.

Vidimus dolentem & lugentem Dauidem super Ionathani morte: Et seriò doluisse ipsum credimus. At quæ causa huius luctus? Ea quæ ipsum nihil hîc fucati agere docet, charitas & dilectio, vno verbo. Hanc testatur quod ipsum non tantum vocat fratrem: sed & (quia fratrum quoq; gratia rara est) clarius exprimit suum amorem his verbis, Fuisti mihi amabilis valdè. Etenim quam fuerit vtriusq; dilectio ardens patet ex 1. Samuel. 20. & 18. v. 3. Et vix potest exprimere Dauid suum amorem, ideoque tandem vno verbo dicturus omnia, subiungit, non fuisse dilectionem suam erga Ionathanum minorem, quam sit amor coniugalis, qui omnium debet esse maximus:

ximus: cum vna sint caro, carnem autem suam nemo possit odisse, Ephes. 5.

Quia autem Davidis dilectio non potest multum prodesse mortuo (excepta honesta illius memoriae conseruatione, de qua supra) ideoque Dauid non verbis tantum sed re ipsa testatur suum amorem erga Ionathanum, & Mephibosetho filio benefacit propter parentē. 2. Sam. 9.

Locvs I. Facit vera & sincera dilectio, vt non viuos tantum, sed etiam defunctos bonos viros omni modo & ratione honoremus: vtque memoria illorum semper sit recens. Et si defunctis omninò non possumus alium habere honorem, tamen honestè de illis loquamur, & posteris ipsorum beneficiamus: sicut Dauid Mephibosetho: & sic non verbis sed re ipsa testemur amorem. Idque erga omnes faciendum, cum omnes simus fratres. Ephes. 4. v. 6. 1. Tim. 6. v. 2. maximè verò erga eos, quorum maiores de nobis bene sunt meriti.

Multi viuos exosculantur: mortuis vero illis omnis memoria eorum euanescit. Aut tamen se officio suo probè defunctos putant, si honestam defunctorum interdum mentionem faciant. Interim posteris non beneficiunt, etsi maximè possent. Non placet id Deo, 1. Ioan. 3. vers. 18.

L. II. Nihil dicemus de dilectione mulierum, cum non sit nostri instituti.

F I N I S.

T H E M A III. C L A S S I S IV.

2. Sam. 12. à v. 15. ad 24.

Historia de puero Davidis mortuo.

Rectè dicitur Prouerbio: Kinder kommen von hergen/ und gehn wider zu hergen. Et hoc comprobatur memorabilis illa quam prælegimus & proluxa historia, qua describitur, quomodo filiulus Dauidi ex Bathseha natus in grauem inciderit morbum, quo etiam extinctus postea

R 3 fuit:

fuit: & quomodo David pro salute & incolumitate filiolii sollicitus Deum rogarit: quodque tandem mortem illius æquo tulerit animo. Quia verò hic locus doctrinis & consolationibus est refertissimus, nos præcipuos tantum locos breuiter attingemus.

Quatuor autem sunt huius historiæ partes, quæ singulæ peculiari concione possent tractari,

1. De morbo filij Davidis dicendum.
2. Quid pater sollicitus de vita infantis egerit viuo adhuc eo.
3. Quid Davidis Confiliarij & Ministri fecerint.
4. Quo animo David mortem filioli tulerit.

I. Pars.

Natus est Dauidi filiulus ex Bathseba. Quomodo hunc ex illa suscepit, non dicemus. Vt primum autem nascitur infans, in morbum incidit. Vnde hic morbus? Dominus percussit puerum. Quare puerum tenellum, qui nihil adhuc peccauit? Propter peccatum patris, quod exprimunt hæc verba: Percussit Dominus puerum, quem peperit vxor Vrië. Nō erat Davidis vxor tum, cum concepisse thunc puerum. At, inquis, filius hic cogitur portare iniquitatem patris? Respondeo. Nihil nocet hæc percussio seu plaga animæ huius pueri, licet coram Deo non sit innocens, sed in peccatis conceptus & natus. Si corporalia spectemus, expedit huic puero mori in iuuentute, ne cogatur à fratribus & aliis audire spurius, ex adulterio natus. Præterea non sentit gladium, quem minatur Deus Dauidi, atque felicior est Ammone, Absalone, Adonia, qui gladio sunt occisi. Et sic in ira memor est Deus misericordiæ suæ.

L. Licet hic fuerit singularis casus, tamen docemur in genere, Omnes infantium & adultorum ægrotudines & morbos esse plagas Domini. Non enim cadit capillus de capite sine voluntate Dei, Matth. 10. & de ægrotudinibus dicitur Deuteron, 28. Dominus percutiet te morbis.

No.

Notandum autem, quod harum plagarum alia est *ἡμω-
εία*, hoc est, ultio diuina propter certa peccata: vt in Co-
rinthiis, 1. Corinth. II. vers. 30. quod irreuerenter celebra-
runt Cœnam Domini. Sic quoque percussi sunt Phara-
cum suis, Genes. 12. v. 17. Philistæi in Asdod, 1. Sam. 5. Io-
ram, 2. Paralip. 21.

Et sic propter peccata parentum etiam liberi inter-
dum, sicut & hoc loco, percutiuntur, vt parentes cogi-
tent, si hoc fit in viridi, Luc. 22.

Interim verò saluti infantum nihil decedit. Et coope-
rantur illæ ægritudines ipsis in bonum, Rom. 8. De quo
iam mox plura.

In aliis verò ægritudo est *ἡγλασις*, paterna castigatio,
quæ in bonum semper cedit. Talis est in infantibus ex
piis parentibus natis. Quod enim mors illorum & sic et-
iam ægritudines, quæ mortem adferunt, in bonum ce-
dant, testis est locus Sapient. 4. v. 7. Et quia semel mori i-
pſis (vt omnibus hominibus, Hebr. 9.) constitutum est, fe-
licius moriuntur in cunis quàm in campis.

Notanda hæc sunt propter eos, qui causam morbi non
peccato, non Deo percutienti tribuunt, sed veneficas, &c.
accusant. Non cogitantes id Esa. 9. v. 13. Ier. 5. v. 3. Et illud
Ose, 6. v. 2.

II. Pars.

Intelligit Dauid plagam hanc Domini, quæ cor ipsius
tangit.

Itaq; perrurbatur tam propter suum peccatum, quàm
propter filiolum. Deslet hunc casum, vt patet ex versu 22.
infrà. Quid faciat autem miser?

1. Rogat Dominum pro incolumitate infantis. Non
absolutè tamen petit hoc, vt viuat infans. Quomodo e-
nim informauerit suam orationem ipse post explicat, co-
gitabam, Quis scit, miserebitur fortasse mei Dominus.
Dei igitur voluntati permittit.

2. Vt autem ardentiores possit fundere preces, ieiun-

nat etiam, & humi cubat. Nec cibum vult capere, nec surgere de terra. In magna quippe perturbatione erat.

DOCEt autem Dauid, quæ media sint arripienda in ægritudinibus vel nostris vel infantum nostrorum. Alii murmurant aduersus Deum & sunt impatientes, & expostulant cum Deo, sicut illi Ezech. 18. v. 2. Alii magos accersunt & illorum opera vtuntur, quia non credunt à Deo esse plagam sed à veneficis.

Malè hæc omnia, imò pessimè fiunt.

Dauid aliter rem hanc aggreditur. Flet & dolet super hac ægritudine. Licet id tibi. Expletur lachrymis egeriturque dolor. Sed non satis. Conuerte itaque te ad preces. Et siue ieiunes siue non, siue humi cubes siue in lecto, preces sint ardentes. At dicendum: Fiat voluntas tua. Forsitan miserebitur mei. Non autem sicut ego, sed sicut tu vis. Matth. 26. Vide etiam Syr. 38. vers. 9. Iac. 5. vers. 14 Exemplum Hiskia. Esa. 38. Mediis postea etiam ordinariis vti licet. Syr. 38. vers. 12.

III. Pars.

Condolent Regi serui illius. Et quamuis nihil solidæ consolationis attulisse legantur, vel quod de his non cogitarint, vel quod præ consternatione nihil potuerint proloqui, tamen cibū vt capiat Rex persuadere volunt, & de terra ipsum erigere. Et qui vehementer perturbatum ipsum vident, non audent ipsi nunciare mortem filij.

DOCEnt hi serui, consolari nos debere lugentes afflictos. Syr. 7. vers. 38. Iob. cap. 31. fatetur quod hoc officij præstiterit mœstis. Requirit id Paulus. 1. Thess. 5. v. 14. At cauendum vt cum cor conturbatum est, ne tales conemur erigere computationibus, ludis, &c. Prou. 14. vers. 10. Sed firmis consolationibus ex verbo Dei. Alioquin erimus consolatores onerosi. Iob. 16. v. 2. Vide dictum Dauidis, Psal. 119. v. 50. & 92.

IV. Pars.

Licet serui Dauidis non audeant illi nunciare mortem

rem filioli, tamen ubi ex mustitantibus quærit hoc, faterentur quod res est. Ibi tum animum recipit Dauid.

Et 1. indutis vestibus mundioribus, vultuque tristi deposito ingreditur templum Domini, ibique orat. Haud dubiè gratias egit Deo, quod ex omnibus miseriis liberârit infantem.

2. Cibos sibi apponi permittit, & recreat cor mœstum.

3. Admirantibus illius factum causas exponit, quare viuento & decumbente infante tristior fuerit quàm sit illo mortuo. Prima est hæc. Quia nesciebam an Dominus preces meas ad voluntatem meam sit auditurus, id eo quæ instabam orationi. Altera hæc est. Quia nihil efficio porrò meis querulationibus, nec possum mortuum reuocare, non volo ultra quam par est tristari. Quia non reuertetur ad me. Tertia. Est hæc mea consolatio, quod non amissus sed præmissus est infans. Videbo eum & recipiam in vita beata.

L. Insignem hic locus parentibus doctrinam & consolationem præbet, si chara amiserunt pignora.

1. Primum gratias agant Deo, quod liberos ad se vocavit ex his miseriis: quod quæ iam de salute illorum certi esse possunt.

2. Non tristentur sicut gentes spem non habentes. 1. Thess. 4 Sed erigant se ipsos & æquo animo ferant hunc casum, cogitantes frustra se lacerare genas, cum iam Spiritus ad Deum peruenierit. *Todten weynen und Weiter sorgen ist vergebens.*

3. Consoletur autem pios parentes, quod liberos non amiserunt sed præmiserunt. Et quod illos recipient in vita æterna.

Frustra igitur nonnulli hoc vnum optant, ut reuertantur liberi ad ipsos in has terras. Stultum est illis inuidere suam fœlicitatem. Quin potius hoc agant & ita viuant ut ipsi perueniant ad liberos suos.

F I N I S.

THEMA IV. CLASSIS IV.

I. Reg. 14.

Historia de morte Abia filii Ieroboam.

Ex vers. capituli 12. 13. 17. & 18.

DISPOSITIO.

Historia quam prælegimus de Abia filio Ieroboami, nobis non pauca refert, quæ nostræ utilitati seruire poterunt. Quanquam enim Ieroboam tam fuerit impius, ut memoria illius maledicta sit in sacris, & ipse etiam (qui tantum peccare docuit Israëlem) cum tota posteritate delictus sit ex libro viventium, de filio tamen Abia legitur, quod in ipso aliquid boni sit inuentum. Ideoque non est dubium, quin etiam nos ex morte & sepultura illius aliquid boni possimus discere. Hæc duo itaque membra huius historiæ iam breuiter perlustrabimus.

I. Pars.

Æger est filius Ieroboam. Et decretum iam à Deo de morte ipsius factum. Idque matri consulenti Propheram Ahia significatur ex reuelatione diuina. Et tempus mortis tam exactè notatur, ut dicat Propheta, quo momento temporis sit moriturus, scilicet in introitu pedum matris, ubi venerit in ciuitatem. Et factum est ita. Cum enim vxor Ieroboami ingrederetur limen domus in Thirza, mortuus est hic filius Abia. Cedit autem hoc patri impio in pœnam: filio verò pio ad salutem, de quo in 2. parte.

Loc. Videmus Deum in sua manu habere vitæ nostræ periodos: & exactissimè scire ipsum momentum mortis. Pendet enim quasi à tenui filo vita nostra, quam abrumpit Dominus, quando vult. Pater exemplo Abiæ, qui nec citius nec serius moriturus est, nisi cum mater ingressa fuerit limen domus.

Sciendum itaque, soli Deo constare terminum vitæ nostræ, cum non cadat capillus, &c. Matth. 10. Ideoque patien-

patienter nos & vitam nostram diuinæ voluntati subiiciamus, nihil solliciti, quo tempore, quo loco, quo genere mortis simus interituri. Dummodo in vocatione nostra id fiat: vt in Domino moriamur.

Notanda hæc contra Genethliacos, & qui tales consulant; contra quos grauiter pronunciat Dominus per Esaiam, cap. 47. v. 15. Et multis rationibus probat Augustinus illos vanam scientiam profiteri. De Ciuit. Dei. libr. 5. cap. 5. Etenim, qui cognouit hominem antequam formaretur in vtero, Ier. i. v. 5. is etiam scit, quando sit in puluerem redigendus. Nec gloriam suam (quæ ipsi soli hoc nomine debetur, Esa. 46. v. 10. & 44. v. 7.) aliis dare, Esa. 42. nec vitæ finem reuelare eiusmodi Genethliacis vult, sicut hîc Prophetæ. At, inquis, interdum tamen terminum vitæ prædicunt, & mirabiliter multa vera respondent. Possem his forsan respondere ex verbis Augustini (libr. 2. de Doctrina Christiana, Et libr. 2. super Genes. ad litteram) quod ille in prædicendo fortunatior, qui fauentiorē magisque propitium habet Dæmonem. At in præsentia tantum illud [Ludouici Viuis] oppono, quod annotauit ad locum suprâ ex Augustino citatum: Necessè est aliquando collimet, qui frequenter iaculatur. Falsa Mathematicorum responsa pauci recordantur. Vera celebrantur pro admirabilibus.

L. II. Posset tractari locus, etiam Regum & Magnarum filios non esse à morte & morbis immunes. Quia ex æquo peccatores. Ideoque duos interdum nuncios quoque audire coguntur, qualis est hic Ahia, à Deo sic iussus, vers. 6. Ipsi cedit ad doctrinam, vt sint humiles. Cæteris ad consolationem, quia vident etiam Reges & Principes redigi in puluerem, Iob. 34. v. 19.

I I. Pars.

Prædixit Ahia Prophetæ ex reuelatione diuina moriturum filium Ieroboami. Sed addit plura: de honorifica sepultura Abiæ, & quod is lugendus sit ab omni populo. Causam huius edisserit: quod boni aliquid inuentum in

eo coram Domino. Ideoq; hoc esse gratiæ diuinæ, quod naturali morte & maturè decedat. Cæteros enim omnes Ieroboami filios atque nepotes violenta morte interituros, & honesta sepultura priuandos. Et id comprobauit euentus. 1. Reg. 15. v. 29.

Locvs. Cumulus locorum Communium se hic nobis offert: nos tantum præcipuos paucis delibabimus.

I. Primùm quidem videmus frustra sæpè parentes angī, cum liberi ipsorum præmatura (quod ipsis videtur) morte abripiuntur. Sed ò felices illos. Festinanter Deus illos ex hac vita euocat non sine causa, quia placet anima illorum. Sap. 4. v. 14. Præseruantur à malis. Esa. 56. in fine. Patet exemplo Iosifæ. 2. Paralip. 34.

O felicem Ierobqamum & posteros illius, si Deus illos morti tradidisset, antequam ad 7. ætatis annum peruenissent. Hoc agnoscendum, & gratiæ Deo agendæ, si præsertim in hac mundi senectâ maturè abripit, quos vult saluos facere. De his plura aliàs.

II. Deinde videmus, neminem frustra studere pietati: sed vtilem esse illam ad omnia. 1. Tim. 4. Remuneratur enim Deus hoc loco abundè, quod aliquid tantum boni inuentū est in Abia. Naturali ipsum morte euocat, honesta sepultura ornat, memoriam illius in benedictione conseruat, iuxta id Psal. 112. & Prou. 10. Hoc itaq; agant omnes, vt inueniatur in ipsis quod bonum sit coram Deo: quod hîc dicitur. Si enim apud homines non magni fiat illud, quod bonum est, satis est, si coram Deo sic estimetur. Atque vel hanc vnâ ob causam, per omnem vitam bona operare, vt in hora mortis tibi istud cōpensetur. Timenti enim Dominum benè erit in extremis. Syr. 1 v. 13. & 19.

III. Pars benedictionis temporalis est honesta sepultura, quæ hîc contigit vni Abiæ, præ omnibus fratribus & nepotibus.

Vide hunc locum suprà copiosè pertractatum sapius, maximè verò in Dispositione Thematī VII. Classis Primæ, in parte II. De sepultura Samuelis.

IV. Lu-

IV. Lugendos eos in quibus inuentum est bonum, docent nos Israëlita suo exemplo. Quia propter hos benè facere vult Dominus sæpè toti familiæ, imò toti alicui nationi. Et illis abreptis plerumq; magnæ sequuntur calamitates. De his sæpius supra classe I.

T H E M A V. C L A S S I S I V.

I. Reg. 17. vers. 17. ad finem.

Historia de morte & resurrectione filii viduæ in Zarpath.

D I S P O S I T I O.

Memorabilis & admiranda hæc est historia, cuius non extat simile exemplum in prioribus scripturæ libris, à primo Mosis vsque huc. Primus enim hoc loco legitur filius hic viduæ ex morte in vitam reuocatus. In hunc igitur intendamus oculos.

Eundem verò considerabimus {

1. ægrum.	}
2. mortuum.	
3. resuscitatum.	

Et quia cum illo mater vidua & Elias Propheta concurrunt, ideoque quid hæ personæ cum ægro, mortuo & resuscitato egerint, simul ostendemus.

I. Pars.

Est in Zarphat propè Sidonem viduæ filius vnicus, matris solatium. Is incidit in morbum grauissimum, vt vitæ ipsius nulla spes superfit.

Res mira, quod qui in dira fame cum matre non sine ingenti miraculo, mediante Propheta Elia, fuit conseruatus, iam vehementia morbi alicuius perit cum gemitu.

Graue hoc fuit matri viduæ, quæ cum aliter non posset, in sinu suo collocat ægrum, (Elias enim ex sinu matris ipsum tollit) cuius ægritudinem optima mater multis lachrymis deplorat. Nec quicquam solatij vel auxiliij legitur habuisse ab Elia, quem hospitio exceperat. Vult enim

enim Dominus omne humanum auxilium cassare, vt diuinum tanto euidentius appareat. Nec prius iuuat quam in desperatione summa.

Lo c v s. I. Videmus Prouerbiū verum esse, quo dicitur, facile infirmari infantes. *Kinder werdē baldt frantz.* Non autem semper sequi alterum. Facile etiam eosdem conualescere. *Sie werden auch bald wider gesundt.* Ideoq; magna cura & sollicitudine parentū opus est ne quia temere negligatur. At non hoc statuunt parentes (quod multi faciunt) se sua cura & diligentia pręseruare velle infantes suos à morbis. Nec accusent alios, quibus semper sunt filij morbidī & membra trahētes, quod neglexerint suos liberos. (Non enim est verisimile matrem hanc viduam in curanda valetudine filij vnici quicquā neglexisse.)

Neque etiam se ipsos accusent (si fecerunt quod debuērunt & quod potuerunt) neglectę valetudinis liberorum. Sicut multi dicunt, *hätt ich nur das oder jenes gebraucht / oder nicht gebraucht / so were mein Kind nie frantz.* Nihil. Vbi enim Deus percussit infantem (sicut de filiolo Dauidis dicitur. 2. Sam. 12. v. 15.) ibi nihil efficies.

L. II. Videmus quod qui vnā superauit calamitatem, non propterea immunis sit ab aliis: Sed alia aliam trudit. Quoties optauit mater filium mori morte naturali, ne dira fame pereuntem cogatur videre? Liberatur filius & conseruatur ne fame pereat: sed iam morbus inuadit ipsum. Putauit mater se superata fame cum filio omnes superasse calamitates; & iam ipsos extra omnem teli iactum positos. Verū iam experitur nullam fœlicitatem in his terris esse perpetuam. Sumus enim in valle lachrymarum. Psal. 84. vbi quod pretiosum est, labor & dolor est. Psal. 90. Debet hoc in nobis excitare desiderium alterius vitę 2. Cor. 5. v. 2. & fastidium huius mundi.

II. Pars.

Tolerabile fuisset videre filium ægrum, si spes esset restitutionis: At tanta vehementia est morbi, vt enecet
filium

filium. Non mansit in eo halitus. Moritur itaque puer in sinu matris mœstissimæ.

Quid mater? Ipsa sic afflicta & indignari & cum Elia propheta expostulare incipit. Numquid ideò venisti, vt in conspectum Dei adducerentur mea peccata, & interficeretur filius meus? Scio te sanctum esse: me peccatricem. Ideoque non possum cum te comparari. Vellem te nunquam à me visum. Est hæc infirmitas huius mulieris. Idem ferè facit quod Petrus. Luc. 5. Exi à me.

Quid Elias? Agnoscit magnam mulieris perturbationem. Imò & ipse perturbatur, & ex magna hac perturbatione Deo conqueritur, quod ipsi hæc res videatur indigna. Ah Domine quare sic affligis viduam, quæ mihi omnia humanitatis officia exhibuit.

Tollit puerum de sinu matris, facturus periculum an à Deo possit impetrare vt reuiuiscat: vt sic solatium accipiat mater.

L. I. Mortuus iuuenis docet, nulli ætati parcere mortem. Ideoque iuuenes non debent confidere in suis viribus. Flos agri. Eia. 40. & Psal. 90. v. 5. 6. & 103. v. 15. *Es ist baldt geschehen.* Sicut vermis arrodit cucurbitam Ionæ & exaruit, quæ gaudio affecerat ipsam: Ion. 4. ita mors lætam iuventutem mox coniicit in puluerem.

L. II. Exemplum cernimus in hac vidua, quod demonstrat quis interdum affectus in parentibus, quorum liberi morte præmatura abripiuntur. 1. Sæpè indignantur. *Ich wolt Gott hätte mir kein Kind geben / so thet mir das nicht wehe.* 2. Interdum propter peccata sua liberos ablatos cum hac vidua fatentur, & tamen indignantur. *Ich weiß wohl / ich habß verschuldt.* Videtur tamen durius cum ipsis agere Deus. Interdum alia obtinent.

Et rarò æquo ferunt animo hunc casum, præsertim si vnicus hæres ipsis eripiat, spes, solatium, gaudium vnicum. Nec intelligunt consilium Dei Sap. 4. v. 14. nec illud agnoscunt quod Dauidi præbet solatium, 2. Sam. 12. v. 23. Ideoque non mirum quod aberrant à via.

L. III.

L. III. Sicut Elias æquo fert animo expostulationē viduæ, quia illā vehementer videt affligi: ita lugentibus & afflictis est aliquid condonandum. Nec omnia illorum dicta & facta ad amussim examinanda: si maximè præter decorum agant. Tribuendum aliquid perturbationi.

III. Pars.

Vidimus ægrum & mortuum filium viduæ. Videamus etiam reuiuiscientem. Et istud quidem cum dolore aspeximus: nunc cum læticia videamus restitutum matri. Mortuum puerum in conclaue suum detulit Elias, & positum lectulo, suo corpore corpus exanimū calefacere studet: ardentissimè rogans Deum, vt reuertatur anima pueri, & viuat. Exaudit Deus Prophetā. Reuiuiscit puer. Matri viuus traditur. Ibi tū mater læta fidei incrementū accipit. Celebrat Deum & verbum eius, quod sit in ore Prophetę.

Locvs I. Possemus dicere hīc de magna fide Eliæ: cum tale quid precatur, cuius non habebat exemplum: nec de eo promissionem acceperat. Magnus autem Spiritus fuit Eliæ.

L. II. Dicere possemus etiam de vi & efficacia precum, ex hoc loco. Precibus enim suis Elias impetrauit vitam huic puero.

L. III. At principalis hic nobis locus est, de mortuorum resurrectione. Si id impetrare potest homo Elias, magis filius Dei viuificabit quos vult, Ioan. 5. Et notanda hic animæ immortalitas. Sunt animæ pię defunctorū in manu Dei, Sap. 3. v. 1. ideò rogat Elias, vt reuertatur ad corpus. Et id faciliè fit. Sic in nouissimo die iungentur omnes animæ suis corporibus.

L. IV. Magnum gaudium viduæ, quæ recipit hoc loco puerum suum. Maius verò erit gaudium in cœlis, cum parentes recipient filios suos non amplius morituros. Ibi gaudium erit perfectum, Ioan. 16. Hac spe sese sustentare debent parentes, quod facit Dauid 2. Sam. 12. v. 23.

F I N I S,

THE-

T H E M A VI. C L A S S I S IV.

2. Reg. 4. v. 16. ad 38.

Historia de nato, mortuo & resuscitato puero Sunamitis.

D I S P O S I T I O.

Tria sunt omnium hominum communia accidentia, videlicet, Nasci, Pati, Mori. Cuius rei illustre exemplum proponitur in hac historia de filio Sunamitis: qui singulari Dei beneficio matri donatus, legitur incidisse in morbum, & vitam mox finivisse. At quartum hinc accedit, quod in hac vita est singulare, & paucissimis contingit: videlicet, quod is est resuscitatus à mortuis. Et hic quidem secundus est, cui hoc contigisse legitur in libris Regum.

Quatuor igitur in hoc puero erunt consideranda. 1. Natiuitas. 2. Morbus. 3. Mors. 4. Resurrectio.

L. Pars.

Potest recitari historia, quomodo Elisæus Propheta diuerterit ad Sunamidem: quam benignè exceptus, &c. Et quod honorarij loco illi impetrarit à D E O filium: quem promisit ante suum discessum. Illa quidem cum fuerit sterilis, & maritum habuerit grandævum, vix credere potest, serio loqui Prophetam, & hoc vnum optat, ut verum dixerit. At euentus comprobat promissionis veritatem. Nascitur illi filius, qui magno parentes afficit gaudio. Da ist alle Freud.

L. Æquum est, ut parentes lætentur ex animo, si ipsis nascantur diuina benedictione liberi. Sunt enim donum Dei, Plal. 127. & 128. Magni hoc beneficij loco habuerunt veteres, Sara, Rebecca, Rachel, Hanna, Elisabeth. Et hæc Sunamitis cum pluribus aliis.

Hodiè multi pro maledictione habent, præsertim numerosam prolem. Ideoque non mirum, liberos etiam

sapè non esse morigeros, quia non habentur pro diuina benedictione. Multi optant sterilitatem: vel vnum tantum filium, & filiam vnā sibi dari volunt. *Nur ein Pärchen: Und ein Hoffart.* At quia ingrati homines Deo præscribere certum numerum, & plures non eodem animo suscipere volunt, plerumq; experiuntur pro benedictione maledictionem. Sed pergamus.

II. Pars.

Proximum post natiuitatem est, pati. Hoc experitur filius in Sunem. Parentes illius sunt ciues honesti & diuites, habent sua bona, agros, iumenta, seruos, &c. Ipsi non tantum laborant, sed & puerum tempore messis dimittunt ad messorēs, vt æstum ferre discat, & ad labores fiat aptus, licet vnicus sit filius. At intensissimus æstus pueri tenelli caput ita lædit, vt in magnam incidat ægritudinem. De qua conqueritur apud patrem. Pater non est durus, sed mōx ipsum ad matrem deferri curat. Illa in sinu suo collocat puerum charissimum, & quæcunque possunt ad ipsius valetudinem facere, absque dubio non negligit. Pater scit illam facturam officium, & propterea matri committit filium senex.

L. I. Posset tractari locus, Quomodo parentes debeant assuefacere liberos ad labores, etiam si sint diuites.

Nihil enim agendo malè agere discunt. Et à teneris assuescere multum est. Quo semel est imbuta recens, &c.

L. II. Exemplum habemus quomodo tractandi filij, dum vel sunt valentes vel cum sunt ægri. Dum valet hic puer ad labores mittitur. Cum ægrotare cœpit, magna diligentia curatur & parcitur illi. Nostrates alij nimis sunt duri, & liberos etiam ægrotantes nihil curant. Alij nimium sunt indulgentes, qui valentes nimis tenerè amāt, & semper illis metuunt. Medium autem tenendum.

III. Pars.

Proximum post pati est mori. Sic æger hic filiulus
mori.

moritur in sinu matris. Mater haud dubiè audiuit de filio viduæ in Zarphat excitato ab Elia, & quia Spiritum ipsius super Elisa requiescere nouit, sperat se etiam impetraturam vitam defuncto. Interim tamen quia non est certa de hac re, nihil nec marito nec cuiquam reuelat. Non vult perturbare maritum senem. Benè tamen sperat. Puerum mortuum in conclaue & in lectum Prophetæ reponit. Properat in magno æstu ad Elisam latitantem in Carmelo. Et Prophetam præhensum vehementer perturbata alloquitur: An non satius fuisset me manere sterilem, quàm filium charissimum cum tanto mœrore amittere, &c. Itaque fer opem afflictæ mihi: Et si potuisti mihi sterili impetrare filium, eundem etiam poteris in vitam reuocare. Nec vult dimittere Prophetam, sed ut ipsam comitetur in Sunem vrget.

L. Vbi Deus dedit liberos charissimos, sciendum, tantum ad tempus nobis illos quasi mutuo datos: ut non graue sit, si eosdem reposcat Dominus. Dicamus, Dominus dedit, Dominus abstulit. Iob 1. Non dicendum cum Sunamitide, *hab ich doch vnsern Herrn Gott nicht vmb Kinder gebetten. Warum hat ers nicht zuvor behalten.* Fuit enim hæc infirmitas huius mulieris. At in hoc imitemur Sunamitidem, quod sicut illa benè sperat de resurrectione filij, dummodò Elisa adsit: sic nos de Resurrectione nostrorum liberorum, & quod illos simus recepturi multò minus dubitemus. Cum de hoc habeamus verbum Dei expressum, & sciamus non virtute Elisæ sed Christi omnipotentis illos euigilaturos. Ioan. 5.

Ad illum properemus piis precibus.

IV. Pars.

Non reuelauerat Deus mortem filij Sunamitidis Prophetæ suo Elisæ. Suos enim in humilitate semper vult expectare verbum. Videt afflictam hospitam, & paratus est bonus Prophetæ, illam quoquo potest modo iuuare. Annuit precibus i. lius. Et primum cum baculo

mittit Gehazi seruum, eiq; mandat, vt festinet in Sunem, nec vsquam subsistat, nec, dum colloquia cum aliis instituit, moras nectat. Deinde ipse rogatus sequitur hospitam. At nihil facit baculus Elisæi: vel quod dubitatio mulieris atq; ipsius serui (qui hoc nunciat hero) impederit resurrectionem: vel quod Dominus fidem Prophetæ atque mulieris voluerit probare, si res differatur diutius. Fortius igitur Deum aggreditur Prophetæ, precib. ipsum fatigans, exemplo Eliæ Præceptoris, vt reuertatur anima pueri: cuius corpus calefecerat suo, sicut Elias, 1. Reg. 17. Annuit Dominus precibus Prophetæ. Reuiuiscit puer, & matri traditur.

Locvs. De Resurrectione mortuorum certi esse debemus. Habemus exempla iuuenum, adultorum, & eorum, qui ex lectulis, qui ex feretro, & ex sepulchris fuerunt excitati ad vitam. Illa extant 1. Reg. 17. & hoc loco. Præterea 2. Reg. 13. Matth. 9. & 27. v. 52. Marc. 5. Luc. 7. & 8. Ioan. 11. Act. 9. & 20.

Recurrunt etiam hic iidē loci, qui supra in fine præcedentis Dispositionis breuiter sunt annotati. Cum præcedens historia cum hac in multis conueniat, possunt ex præcedenti Dispositione nonnulla etiam ad hanc referri.

In fine hoc loco addi posset **Locvs Generalis**, cum nasci, pati, moti, quæ singula suas secum ferunt miseria, omnibus hominibus sint communia, vt hæc omnia vincant, eo quod huic puero in hac vita singulare fuit, in altera verò omnibus erit commune, scil. spe resurrectionis certissimæ.

F I N I S.

T H E M A VII. CLASSIS IV.

Ecclesiastis 12.

Memento Creatoris in iuuentute tua, &c.

N O T A N D U M.

Integer hic locus pertractatus est copiosè supra classe
secun-

secunda, in Dispositione Thematis 32. Si quis verò hæc paucula verba sigillatim in funere iuuenis alicuius defuncti tractare voluerit, poterit illud non incommode: & erit huius Periodi sequens talis.

201-

DISPOSITIO.

Dicta sapientum probè notanda omnibus, Syr. 8. v. 10. præsertim verò iuuenibus, scripturæ sacræ docent, Syr. 6. v. 35. & 36. At sapientissimus omnium hominum ipso Dei inf. llibili iudicio fuit Rex Salomon, 1. Reg. 3. v. 12. Cuius est hoc dictum, quod prælegimus, breue quidem, at satis neruosum: quo docetur Iuuenes primum, quomodo florem ætatis, nobile scilicet tempus iuventæ benè debeant collocare. Deinde breuiter additur ratio huius rei gratissima.

I. Pars.

Paucis multa voluit dicere Salomon, quid faciendum in iuventute: Memento Creatoris.

Volunt autem hæc verba cultum Dei: quod è contrario patet. De impiis dicitur Psal. 9. v. 18. & 106. v. 21. quod obliuiscantur Dei.

Primum hoc volunt verba, Memento te habere vitam non à te ipso, sed à superiore, Creatore scilicet cœli & terræ. Tu pater noster, Esa. 64.

Et huius quidem potes & debes sæpius meminisse, cum Symbolum Apostolorum, vel orationem Dominicam recitat, vbi statim in limine hoc fateris. At sæpè tantum est sine mente sonus. Neque verò satis est, meminisse sic Dei, vt alicuius historiæ, aut hominis alicuius peregrini, à quo nec vitam nec quicquam habes boni, sed ita meminisse decet iuuenem Creatoris, vt de bonitate eius frequenter cogitans, intentus sit in omnes grati animi ostendendi occasiones.

Tum autem verè gratus eris, si iuxta ipsius mandata omnes actiones tuas instituis. De quo Psalm. 119. Quomo-

do adolescens viam suam mundam conseruabit? In custodiendo sermones tuos.

Locvs. Quia videmus, frequentem Creatoris nostri recordationem non tantum esse partem cultus Diuini maximam, sed etiam ad pietatem instigare, manifestum est, non posse tempus iuuentæ beatius transigi, quam crebra meditatione ortus nostri, qui est à Deo creatore. Hinc Dauid suæ creationis grato animo meminit Psal. 139.v.14. & Hiob. cap. 10.v.12. atque alibi. Psal. 105.v.5. in genere hortatur, Mementote mirabilium eius, quorum non minimum est nostra creatio.

Creationis meditationem comitetur etiam grata recordatio redemptionis & conseruationis nostræ, quam sequetur glorificatio.

Sic verè dicere possumus, Minor sum cunctis miserationibus tuis. Gen. 32.v.10.

Et horum beneficiorum vult nos sæpè recordari Dominus, quod inde patet, quia præcepit populo, Mementote diei huius. Ex. 13. Ne obliuiscaris Domini Dei tui. Deut. 6.v.12. Caue ne obliuiscaris, Deut. 8.v.11. Memento dierum antiquorum. Deut. 32.v.7. Et exprobrat illis ibidem v.18. Oblitus es Dei creatoris tui.

Faciet hæc recordatio ad studium pietatis, vt gratitudinem nostram testemur Deo pro omnibus beneficiis. Sic enim seipsum alloquitur Dauid Psal. 103. Benedic anima mea & noli obliuisci, &c.

Væ autem illis qui non recordantur Dei creatoris sui, nisi cum sacratissimo illius nomine abutuntur, ad blasphemias, execrationes, &c. quod multi à teneris annis facere solent. At sic Deus vicissim tui meminerit acerbissimis plagis te onerando.

Qui autem cupis vt Deus in bonum meminerit tui in die mala, tu non obliuiscaris illius in die bona, scilicet in iuuentute tua, quæ ætas omnium maximè apta est ad seruiendum Deo.

Sequitur enim ratio.

II. Pars.

Quare mox à iuuentute crebra instituenda meditatio creationis & omnium beneficiorum Dei? Additur hic: antequam adueniant dies mali. Non semper manebis iuuenis & in eo vigore, vt non sentias molestias, aggritudines aut alia mala. *Die Jugend weiß vmb sein Creuz.* At aduenient anni de quibus dices, Non placent. Triste senium multum abest à iucunda adolescentia. Senectus per se morbus, tantas tibi creabit molestias, vt tum non possis tam prompto animo recordari creatoris. Ideoque in tempore tibi thesaurum compara, qui non perit. Matthæi 6.

L. Longè errant qui putant tempus senectutis esse aptissimum Dei cultui: cum senex tum nihil aliud præstare possit, quàm vt vacet orationi, audiat conciones sacras, &c. Quia scilicet res huius seculi tum non curet amplius. Hinc flores iuuentutis Diabolo, feces senectutis Deo consecrandas putant adolescentes nonnulli. Magna hæc est ingratitudo, nolle Deum colere, dum es adhuc corpore valenti, ingenio acuto & in ætate florente: sed tum demum Deo velle seruire, vbi omnes penè sensus deficiunt.

Simile. Si quis toto tempore iuuentutis seruiat hosti, & in decrepita senectute demum operam suam offerat suo Domino, numquid reiicietur cum indignatione? Tu ergò qui in iuuenili ætate seruiisti Diabolo, tuam operam in senectute offeres Deo Creatori? Ideoque monet Sapiens Syr. 18. Non differas vitæ emendationem vsque ad horam mortis. Sic enim afflictio senectutis animum occupabit, vt rebus sacris ægrè possit vacare. Summa, Non placebunt anni illi.

Huc iam refer quæ supra Classe II. in Dispositione huius Thematis annotata sunt, ad locum communem primum.

F I N I S.

S A

THE

THEMA VIII. CLASSIS IV.

Hiob. 14. vers. 1. & 2.

Homo natus de muliere, breui viuens tempore, repletur multis miseriis. Qui quasi flos egreditur, & absconditur, & fugit velut umbra, & non stat.

DISPOSITIO.

Eccles. 7. dicitur, Melius est ire in domum luctus, quàm ad domum conuiuij: in illa enim finis cunctorum, & viuens homo reuocat ad animum. Voluit autem breui & insigni hoc dicto Hiobus omnibus viuentib. ad animum reuocare, non finem tantum hominis (de quo sapius cogitare perquam est necessarium, ideoque etiam à Hiobo duabus appositissimis similitudinibus depingitur:) sed & quæ finem antecedunt, quorum recordatio quoque magnam affert viuenti vtilitatem, breuiter ob oculos posuit. Nos itaque videamus 1. quomodo Hiobus de ortu, 2. De vitæ curriculo, 3. & fine hominis verba faciat.

I. Pars.

De ortu & natiuitate hominis sonant verba: Homo natus de muliere. Huc etiam pertinent sequentia: quod dicit, sicut flos oritur, vel egreditur. Verba sunt omnia tincta sensu. Quare enim non simpliciter dicit, Homo, sed addit, natus de muliere? Scilicet vt admoneat nos, quod simus in vtero materno concepti in peccatis, Psal. 51. vers. 7. Et quod nobiscum etiam nascatur peccatum. Cum mulier, quæ nos peperit, ab Eva prima muliere peccatrice sit infecta.

Sed quid sibi volunt verba, sicut flos egreditur? Infans recens natus est quidem aspectu iucundus atque parentibus gratus: attamen tenellus & magna cûra atq; sollicitudine educandus. Sicut flos affert iucunditatem, interim tamen tenerè tractandus est, alioquin facilè marcescit.

Ein Kindlein ist ein holdselig / aber ein zartes ding / das will

will pflag vnd schonung vnd gute wart haben/ solles bleiben.

L. I. Non frustra scriptura sæpè hortatur, vt meminerimus ortus & natiuitatis nostræ. Quis sis, quis fueris, quis eris, semper mediteris, dixerunt veteres. Omnes ex massa peccatrice sumus progeniti. Et quam primùm audimus nominari mulierem, statim in memoriam reuocemus peccatum. Quia initium peccati est à muliere, Syr. 25. 1. Tim. 2. Hinc figmentum cordis humani malum ab adolescentia, Genes. 8.

Ad humilitatem hæc facient diligentius pensitata. Quid enim superbiet puluis & cinis, Syr. 10. v. 9.

Et potest de hoc nos monere ipsa nostra educatio, cum tenellum infantem tanquam flosculum curare cogitur mater, ne mox marcescat. Quod si absq; peccato nati essemus, tanta cura & sollicitudine non opus fuisset, sed mox ipsi recens nati potuissimus erecto corpore ingredi, & victum quarere cum voluptate. Sicut videmus hoc fieri ab animantibus cæteris, quibus infeliciores (hac in parte) sunt infantes, propter peccatum.

Peccatum itaque, quod nos in tâtas coniecit miseras, fugere & detestari discamus. Et non regnet. Rom. 6. Sub te sit appetitus, Genes. 4. v. 7. Spiritu facta carnis mortificanda, Rom. 8. v. 13. Gal. 5. v. 16.

II. Pars.

Ortum hominis intelleximus esse miserum. Sed forsitan progressus & vitæ curriculum meliora sunt. Nihil sanè. Hic enim duo desiderat Hiobus.

1. Inquit, homo breui viuit tempore. Si enim maxime viuat homo 70. 80. aut centum annis, quod tamen paucissimis contigit, nihil est hoc si conferatur ad æternitatem, Syr. 18. v. 8.

2. Quod si tamen vita breuis esset plena læticiæ & iucunditatis, esset id tolerabile: at Hiobus addit, repletur multis miseriis. Planè eodem sensu quo Psalm. 90.

Labor & dolor. Et hoc nobis latius explicat Syr. 40. Occupatio magna, &c. Sed quid opus ista referre? Res loquitur. Verbis non opus.

L. I. Vitæ breuitas (quam multi deplorarunt pii, & in his Iacobus, Gen. 47.) monet nos, vt tempus breue benè collocemus. Ita viuendum hîc, vt ibi etiam detur viuere. Redimentes tempus, quod breue & durum simul est Ephes. 5. v. 16. Sic autem rectè viuitur, vbi perpetua est meditatio legis diuinæ. Psalm. 1. & vbi Christo viuitur. 2. Corinth. 5. v. 15. Galat. 2. v. 20. Rom. 6. v. 11.

L. II. Vitæ huius miseria in nobis excitet desiderium alterius vitæ. 2. Corint. 5. v. 2. Quia verè hæc non est vita, sed vitalis mors, aut mortalis vita, sicut habet Augustinus. Hinc cupio dissolui, & esse cum Christo, vbi melius est viuere. Phil. 1. Illic est bonum esse, Mat. 17. v. 4. hîc vero non. Ibi nullus dolor. Apocal. 21. v. 4.

III. Pars.

Ortum & cursum huius vitæ excipit mors, quæ nos hinc euocat plerumq; citius opinione nostra. Hanc rem duabus similitudinibus illustrat. Sicut flos, qui manè iucundissimus erat, si abscindatur vna hora marcescit, & ad vesperam planè exarescit: ita homo facili momento concidit.

Et sicut vmbra mox euanescit sole nubibus tecto, ita qui videbatur multo tempore victurus, vno quasi momento disparet. Sicut vmbra videtur aliquid esse, cum tamen nihil sit: ita homo nihil (Psalm. 39. & 144) est vmbra euanesceus.

L. Quamuis viuendi tam citò finis adest, omnes tamen ferè sibiipsis promittunt longiorem huius lucis vsuram. Et accidit illis plerumque quod fatetur de se Hiskias Esa. 38. vers. 10. Ætate mihi præcisa, quærebam residuum annorum meorum. Ich gedacht noch länger zu leben/ vnd es war schon ferner abendt. Sæpius itaque meditando hæc similitudines, de floribus marcescentibus, de vmbra

umbra, &c. Vide plurimas ad finem Classis VI. Manual. pag. 510. & seq. annotatas.

Vsum huius meditationis ostendit Sapiens Syr. 7. v. 40. Memorare nouissima, & non peccabis. Hinc Christus, Paulus, Petrus, Vigilate, orate, nescitis horam, Matth. 24. 25. Marc. 13. 1. Corinth. 16. Eph. 6. Col. 4. 1. Thessal. 5. 1. Petri 4. & 5.

F I N I S.

T H E M A IX. C L A S S I S IV.

Esa. 56. in fine.

Iustus perit, & non est qui recogitet, &c.

Dispositio huius Thematici supra habetur in Classe prima, numero XXII. Breuitatis studio illuc remitto lector.

T H E M A X. C L A S S I S IV.

Esa. 26. vers. 20.

Vade populus meus intra cubilia tua, clade ostia tua super te, abscondere modicum ad momentum, donec pertranseat indignatio.

D I S P O S I T I O.

Desumptus est hic locus ex hymno illo, & egregio carmine, quod composuit Esaias ad consolationem piorum, qui in Ecclesia militante laborant: Solatur autem eos, qui persecutionem passi sunt à Tyrannis, quod Dominus in aduentu nouissimo egressurus de loco, & visitaturus sit iniquitatem habitantium in terra: quæ etiam reuelatura sit sanguinem iniuste occisorum. Interim iubet illos ingredi sua cubacula, & abscondi modicum, usque dum indignatio pertranseat.

Pertinent autem hæc verba ad omnes pios. Nam quicumque pie viuere volunt, persecutionem patientur à malis in hoc mundo, 2. Tim. 3.

Idcoque

Ideoque hæc verba ad institutum nostrum accommodabimus, in deductione præsentis funeris.

Primum autem dicemus quid intelligatur per hæc cubicula, ad quæ ablegantur pii.

Deinde, Quid in illis agant pii. *Oder warumb sie dahin gewiesen werden.*

Tertio. Quamdiu in illis sint detinendi.

I. Pars.

Vade populus meus intra cubicula tua, ait Propheta, Quid intelligat per cubicula, rectissimè explicare poterit ipse Propheta, suorum verborum optimus interpres. At Esa. 56. in fine, ostenditur quod per cubicula intelligantur sepulchra. Quæ suis clauduntur ostiis, terra scilicet. Illuc ablegat suum populum. Vade inquit. *Señ gutwillig vnd beschwere dich dessen nicht.*

L. Non ita foetere nobis debebant sepulchra, ut vel propter illa mortem horreamus. Sunt enim piis sancta *ἁγία καὶ κύβητα*, & cubilia. Christus enim sanctificauit illa, dum ipse sepeliri voluit. Ioan. 19. Sicut alioquin fessus & defatigatus suo cubili delectatur, in quo molliter cubat & requiescit. Ita & nos.

Norandum. Si vera esset opinio de Purgatorio, certè istud triste esset cubiculum. &c.

Recte etiam sepulchretum vocatur, Ager Dei, *der Gottes acker*. Quia I. Corinth. 15. Paulo teste, in terram seminantur nostra corpora. Sicut autem semen in agrum proiectum bonam spem facit lucri colono: ita propter spem resurrectionis certissimam non defodi, non corrumpi aut putrescere dicitur, sed seminari. Et resurget cum fœnore atque in gloria. I. Cor. 15. v. 42.

II. Pars.

At quis, inquis, prompto & alacri animo tam triste ingreditur cubiculum, in quo nihil sentit commodi? Imò verò inquit Propheta in his cubilibus absconduntur corpora sanctorum, donec pertranseat indignatio.

Idq;

Idq; nobis explicat cap. 56. A facie mali colligitur iustus, vt requiescat in pace in cubili suo. Absconduntur in terra ne sentiant calamitates huius mundi, quas inducit Dominus propter malitiam hominum.

L. Et quis non lætus optet mori, si Deo ita videatur, cum securus quiescere possit in terra, ab omni malo immunis. Quiescunt à laboribus. Apocalyp. 14. Ne videant oculi tui mala, dicitur Iosæ, 2. Paralip. 34. vers. 28. Cum enim dies nostri sint dies mercenarii, & vita perpetua militia Iob. 7. quis non desideret vmbra, quis non præstoleretur finem operis sui? Ibid.

Infanti igitur sunt delicatuli illi, qui tanto perè mortem exhorrescunt, vt ne quidem vllam istius mentionem fieri velint. Rectius iudicarunt Simeon, Nunc dimittis Luc. 2. vers. 29. & Paulus, cupio dissolui. Phil. 1. vers. 23.

III. Pars.

At inquis, hoc tamen molestum est, tam diu corpus separatum ab anima sub terra occultari; Respondet Esaias, Exiguam hanc esse moram, vt vix momentum dici mereatur. Etenim licet nobis videatur longum tempus, tamen quia coram Deo mille anni sunt sicut dies vna, quæ præterit, Psalm. 90. v. 4. 2. Pet. 3. vers. 8. ideoque hi, qui mille annis dormierunt in terra, vbi resurrexerint, vix vnam se noctem suauiter quieuisse existimabunt.

L. Non affligat nos istud, quod solet mortem reddere acerbiores, dum opinamur grauem & molestam fore animæ atque corpori hanc tam diuturnam separationem, cum fuerint in hac vita coniunctissima. Corpus enim in terra molliter cubans quieti est traditum, & post vnum aut alterum momentum, post vnam vigiliam nocturnam (Psalm. 90.) iungendum est animæ. Cui non est hæc mora grauis, quia in manu Dei est, Sap. 3. Vbi nullum tormentum. Alias solidum non esset gaudium. Patienter itaque corporis & animæ dissolutionem feras, quia mox iterum coniungentur. Resurget corpus cum gaudio.

F I N I S.

THE.

THEMA XI. CLASSIS IV.

Esa. 49. vers. 14. 15. 16.

Dixit Sion, Dereliquit me Dominus, & Dominus oblitus est mei. Numquid obliuisci potest mulier infantem suum? ut non misereatur filio uteri sui? Et si illa oblita fuerit, ego tamen non obliuiscar tui. Ecce in manibus meis descripsi te.

DISPOSITIO.

Hic locus inter insigniores Scripturæ consolationes meritò numeratur. Solatur enim his verbis Deus Ecclesiam suam (quam nomine Sionis, ut aliàs sæpius, appellat) quod illam nunquam sit derelicturus, quodq; non possit illius obliuisci, cum semper obuerfetur ipsi ante oculos. Quia autem hæc tentatio, quæ toti Ecclesiæ communis est, singulorum etiam Ecclesiæ membrorum animos frequenter subit, non tantum in calamitatibus, sed omnium maximè in terroribus mortis, ubi sibi imaginantur, quod sint derelicti à Deo, & quod Deus sit oblitus ipsorum (Psal. 13. v. 2.) ideoq; hæc etiam consolatio ad singulos pertinet.

Nos itaq; primum verba textus excutiemus: Deinde consolationem & doctrinam ex hoc loco petendam subiiciemus.

Paraphrasis textus.

Dixerat Dominus in præcedentibus verbis huius Capituli, Laudate cœli, exulta terra, iubilare montes laudem. Quia consolatus est Dominus populum suum, & pauperum suorum miserebitur. Hæc sanè est splendida & magnifica Dei promissio, de liberatione Ecclesiæ.

At videtur planè contrarium euenire Ecclesiæ in his terris. Illa enim dum expectat liberationem, sentit oppressionem, & omnis generis calamitates. Ideoque hic præ-

præuenit & anteuertit cogitationes piorum Ecclesiæ membrorum : & hoc vult dicere, Scio, quod cum tam splendoras audis promissiones, tu tamen longè aliud statuas, & contrarium verum esse putes : ideò queritatis, Deus promisit quidem auxilium & liberationem. At is iam oblitus est nostri. Dereliquit nos, & prædam sinxit fieri hostibus &c.

At his tentationibus Dominus iam opponit suauissimam consolationem, atque similitudine iucunda vult persuadere Ecclesiæ, vt certò statuatur, Deum non posse ipsi deesse.

Sic autem interrogat Dominus: Numquid potest mulier obliuisci infantem suum? Minimè. Est enim sexus muliebris naturâ ad misericordiam pronus, præsertim si respiciat suum infantem. Et mater tam tenerè illum amat, vt siue domi siue foris sit, semper de infante suo cogitet.

Quod si æger sit, aut aliquid mali experiatur, numquid non miserebitur eius? Imò tum maximè pro illius salute est mater sollicita, vt mori malit, quàm illum deferere, aut ab illo recedere.

Quod si verò mater mentis durtia iura naturæ vincat, & infantis nullam agat curam, sed ipsi vim faciat (sicut fecisse legitur mulier illa 2. Reg. 6. & illæ de quibus Thren. 4. vers. 10) tamen ego non obliuiscar tui. Cum enim Deus indiderit mulieri hanc *sepylu*, necesse est vt ipsa *sepylu* in creatore sit maior. De quo sanè Iohannes testatur, quod sit ipsa charitas. 1. Ioan. 4. Nec est hic affectus mutabilis in Deo, sicut in homine. Quomodo igitur non semper misericordiam meam ostendam tibi.

Et quî possim obliuisci tui, ô Ecclesia? Cum in manibus meis descripserim te. Sicut quis memoriæ aut recordationis causa, in manugestat annulum duplicatum & pensilem, aut schedulam digitis circumuoluit, aut digitorum vnguibus inscribit, cuius perpetuò vult meminisse: ita manibus meis inscripsi te. &c.

C O N

CONSOLATIO.

Peti potest ex hoc loco maxima cōsolatio, pro tentatis conscientiis, qui metuunt ne deferantur a Deo in magnis afflictionibus, præsertim verò cum horrores mortis confertim obruunt animum. De quibus David Psalm. 18. vers. 5. Ibi tum videtur Deus recessisse, stare a longè & oblitus esse nostri: de quibus vide Psalm. 10. 13. 22. v. 1. & 31. v. 23. Imò mutatus in crudelem. Hiob. 30. v. 21. Et viam nostram conclusisse lapidibus quadris, Thren. 3. v. 9.

Hic, hic solidis consolatur omnibus opus est, qualis est hæc, de plusquam materno affectu Dei erga nos. Quem etiam exprimit Ier. 31. v. 20. Conturbata sunt viscera mea misericordia super illum, ut misereri cogar. *Niem herr bricht mir gegen jemt.* Nec potest Deus deferere suos. Huc pertinent dicta, Esa. 41. v. 10. & v. 14. Esa. 43. v. 1 & 5. Esa. 46. v. 4. & Esa. 54. v. 7. Ier. 31. v. 25. Thren. 3. v. 22. & 23. & 31. 32. 33.

Nec potest obliuisci eorum, quos in manibus gestat sicut annulum signatorium, sicut de Selathiele habetur, Hag. 2. v. 24.

Usum huius loci & similium experientur tentati. Non tentatus enim quid scit. Syr. 34. v. 10. Et si maximè videatur ratio nostra planè contrarium dictare: tamen verbo Diuino insistendum est, & sciendum, quod Deus mentiri nesciat. Num. 23. Tit. 1. Hebr. 6.

Cogitet etiam tentatus, se non solum hæc Satanæ ignita tela experiri, sed eandem totius Ecclesiæ iam ab antiquis temporibus esse querelam. Et tamen Deum non mutasse animum. Intrepidus igitur in media mortis umbra dicere potest, Tu mecum es. Psalm. 23. v. 4. Dum modo te habeam Psalm. 73. vers. 25. Si Deus pro nobis. Rom. 8.

DOCTRINA.

Potest etiam hic explicari *עֲגֻנָּה* materna, quam Deus indidit, & natura docet.

Et hinc admonendi liberi, ut grato animo agnoscant, atque par pari referant. Sed amor descendit non ascendit, quod pro dolor testatur experientia.

Repre-

Reprehendendæ etiam matres, quæ vel ex ignauia, vel ἀστροφία præternaturali negligunt infantes, vel sanos, vel ægros, &c.

F I N I S.

T H E M A XII. C L A S S I S IV.

2.Reg.22. Et 2.Paralip.34.

Colligam te ad patres tuos, & colligeris ad sepulchrum tuum in pace, vt non videant oculi tui omnia mala, quæ introducturus sum super locum istum.

D I S P O S I T I O.

Inter omnes Reges Iuda maximè commendatur nobis Iosias, 2.Reg. 23.v.25. quod pietatis ratione non habuerit parem. Is rex creatur adhuc 8. annorum puer, & tum cœpit quærere Dominum, 2.Paralip.34. Tametsi autem triginta & vno annis regnarit, tamen in flore ætatis moritur, anno scilicet trigesimo nono, vir immortalitate dignissimus. Cuius mortem sequutæ sunt horrendæ calamitates, & tandem exilium Babylonicum.

Quia verò hæc nobis videtur res indignissima, & iniquissima, quando Deus piissimos interdum in flore ætatis abripit, ideoque Dominus hoc loco causam ostendit, quare id fiat. Prædicitur enim à Prophetissa Hulda, Deo ita mandante, i. mors pii Regis Iosia, cum nondum egressus esset annum ætatis vigesimum sextum.

Deinde causa præmaturæ mortis apertè ostenditur. De his dicemus breuiter.

I. Pars.

Miserat Rex legatos & seruos suos ad Huldā Prophetissā, quæ viuebat Hierosolymis, vt illa interrogaret Dominum pro Rege & reliquiis Iuda. Illa ex instinctu spiritus Regi pollicetur gratiam Dei, & inter cætera hanc etiam specialem promissionem addit de morte Regis. Non autem simpliciter dicitur Iosia, Morieris.

T

1. Et

1. Et non viues, sicut Esa. 38. vers. 1. sed blandioribus hîc Deus vtitur verbis: Ego colligam te ad patres tuos.

Est hæc phrasis scripturæ vsitata, quando de placida priorum morte vult loqui. Sic de Moïse & Aarone dicitur. Num. 20. & 27.

2. Additur & hoc, quod declarat præcedentia, Colligeris in sepulchrum. Et quidem in tuum sepulchrum: Vt sepeliaris cum Regibus, piissimis maioribus tuis, Dauid, Afa, Iosaphato, & satis honorifice, sicut & factum est. At id non omnibus Regibus Iuda, & ne filiis quidem ipsius contigit, vt patet ex 2. Paral. 21. v. 20. & 24. vers. 25. & 26. v. 23 Et Ieremiæ 22. Ioiakimo asini sepulturam minatur Dominus.

3. Tertiò etiam hoc additur, In sepulchrum tuum colligeris in pace. Hoc non videtur fuisse impletum, quia mortuus est Iosias ex lethali vulnere, in prælio sagitta Ægyptiorum præcussus. At sciendum, quod hîc intelligat Dominus, tranquillum Reipublicæ statum in regno Iuda futurum tempore Iosia, nec vastandum ipsius regnum ante obitum Regis. Quamuis igitur Rex bello sese non necessario implicans perierit, pax tamen fuit Israël. Præterea spiritualis pax intelligi potest: pacem enim habuit Iosias cum Deo, & in vera ipsius agnitione decessit, animam suam illi commendauit: Et casum istum patienter tulit. Sic verum est & manet verbum Domini.

Locvs; I. De phrasi scripturæ, vbi mortui dicuntur colligi ad patres, vel colligi in sepulchrum, vide in Class. I. Dispositio. Thematis 1. parte 1.

II. De sepultura honorifica, Vide Class. I. Dispositio. Thematis VII. Parte II.

III. Quod Dominus multis annis ante mortem Iosia hoc prædicit, videtur magis perturbare quàm exhilarare posse Regem? At Rogat Dauid Psalm. 39. Domine doce me, &c. Et Psal. 90. Doce nos numerum. &c. itaque gratum est hoc Iosia, & propterea temper ambulat in timore Domini.

Nec

Nec habuit Iofias tam delicatas aures, vt non potuerit ferre vel leuiffimam mortis mentionem, ficut non nulli ex noftris.

Quare autem Dominus non omnibus nunciat illud? Imò verò omnibus id conftat. Conftitutum eft omnibus mori. Hebr. 9. Terra es. Gen. 3. Nec enim Iofia reuelatur annus, dies aut hora mortis, fed 13. annis poft hanc concionem fuperuixit. Ideoq; femp̃ vigilandum, orandum. Matth. 24. Marc. 13. Nefcimus enim quando venturus eft noſtræ vitæ dies fupremus.

Cum autem fciamus inſtare finem, de eo femp̃ cogitemus. Syr. 7. verſ. vlt. & parati ſimus, cum virginibus prudentibus. Matth. 25.

IV. Omnium maximum beneficium eſt, ſi Deus nobis det, vt moriamur in pace. Sic Simeon cupit dimitti in pace. Luc. 2. Intelligitur autem pax quæ eſt fructus ſpiritus. Gal. 5. Pax hæc Dei ſuperat omnem intellectum. Phil. 4. v. 7. De hac Rom. 5. Iuſtificati fide pacem habemus. Et ſic in pace moritur etiam is, qui in prælio occumbit.

At non eſt pax impiis, Eſa. 42. & 57. in fine, præſertim cum moriuntur. Cum horrore enim vitam finiunt Pſal. 73. v. 19. & ſciunt ſibi reſtare perpetuum cum Diabolo bellum. Qui autem rectè ambulant Eſa. 56. illi in pace obdormiunt, & ſuper illis venit pax. Gal. 6. v. 16. Sic ergo viuendum, vt pacem habeas cum Deo & hominibus: Et ſic etiam in pace quieſcere poteris.

I I. Pars.

At quare Iofiam, exemplum illud pietatis, non diutius patitur eſſe ſuperſtitem? Ne videant oculi illius mala, quæ cogitur Dominus inducere ſuper Iuda & habitatores. Deum enim peccatis irritauerunt, vt ſalua iuſticia non poſſit parcere. Et inſtat exilium Babylonicum. Ne igitur inuoluatur iſtis malis optimus Iofias, prius colligitur ad quietem, quam iſta inducantur.

L. Non pugnat abbreviatio vitæ cum promiſſione

diuina illa, de longauitate facta piis. De qua etiam Pro-
uerb. 3. v. 2. Et 9. v. 11.

Vbi enim dies mali sunt, ibi non verè viuunt; ideoque
tum ad alterius vitæ gaudia deducit Dominus pios.

Et vitam abbreviat, non vt ægrè faciat, sed ne videant
oculi mala, quæ inducturus est. Estq; maximum Dei bene-
ficium, subtrahi malis. De quo etiam Esa. 26. & 56. Apo-
calyp. 14. Et Sapient. 4. Non itaque existimemus malè
cum piis agi, qui præmatura morte pereunt. [De impiis
alia est ratio: at de his nobis hîc non est sermo.]

Verum superstitēs hoc perpendant, quod mortuo Io-
sia instet captiuitas Babylonica & omnia mala. Ablatis
enim piis, diruitur maceria [Ezech. 13. vers. 5. & 22. vers.
30.] impediens iram Dei. Vide de hoc supra Classe I. In
Disposit. Themat. 9. part. III. & Them. 20.

F I N I S.

T H E M A XIII. C L A S S I S IV.

Sapient. 4. ab initio cap. ad v. 15.

*Iustus si morte præoccupatus fuerit in refrigerio erit.
Senectus enim. &c. vsque ad verba, Populi autem vi-
dentes.*

N O T A N D V M.

Placuit hoc loco non meam, sed charissimi parentis
mei, D. D. Wilhelmi Bidembachii p. m. explicationem
præsentis textus subiungere, quam etiam lectori non
ingratam fore spero.

Estque hæc illius, à me aliquantulum restituta.

D I S P O S I T I O.

Mors est via omnis carnîs. Ios. 23. 1. Reg. 2. Hinc mo-
riuntur senes, adulti, & iuuenes quoque. Quando autem
iuuenes moriuntur, iudicatur illorum mors esse imma-
tura. Ibi ratio humana varias quærit causas, in positu a-
strorum, in complexione corporis, in victus ratione &c.
At de Christianorum liberis expedita est ratio; cuius

nos

nos præfens locus admonet. Loquitur enim de iustis, hoc est, fide iustificatis, & propter Christum (qui est iusticia nostra Ierem. 22. 1. Cor. 1.) iustis. Occurrit autem Sapiens variis parentum, propinquorum & aliorum quorumvis cogitationibus: quæ ferè sunt triplices. De his iam ordine dicemus, & quomodo ex præfenti loco possint conuelli demonstrabimus.

I. Pars.

Primum hoc torquet parentes aliosvè, quod defuncta persona adhuc planè iuuenis sit, adeoque præmaturam esse mortem opinantur, & ad iustam prius illam debuisse peruenire ætatem, quam moreretur, putant.

1. Respondet Sapiens, coram Deo aliam esse rationem. Is constituit tempus nascendi & moriendi. Ecclesiæ. 3. Numerus mensium coram ipso. Iob. 14. Omnes dies scripti in libro eius. Psalm. 139. Imò capilli capitis numerati. Matt. 10. Ergo etiam vita illius. Coram Deo itaque satis est senex quicumque moritur.

2. Deinde etiam respectu hominum non moriuntur immaturè. Quia peccatores. Quacunque die comederis & c. morte morieris, dictum est Adamo. Gen. 3. Itaque mirum non esset, si maximè omnes infantes in vtero morerentur. Quacunque igitur hora moriatur homo, iam tempus suum compleuit. *Wir sind alle tag alt genug zum sterben.* Quia omnibus constitutum est mori. Hebr. 9. Antiquum hoc est fœdus, morte morieris. Syr. 14. Et melior est dies mortis die Natiuitatis. Ecclesiæ. 7.

Quia omnes dies vitæ pauci & mali. Genes 47. Labor & dolor. Psalm. 90.

3. Præterea Christiani annos subducere debent non secundum ætatem, sed secundum pietatem. Paulus vult nos esse pueros non sensibus sed malitia. 1. Cor. 14. Ideoque qui didicit pietatem, & qui tenet suum Catechismum senex est, & iustus coram Deo propter Christum.

Sicut fratres illi 2. Mach. 7. licet iuuenes, tamen pietatis

tatis & constantiæ ratione satis erant senes. Talis itaque senectus est laudabilis, quæ pietatem, non quæ canos habet. Cani enim puerorum in animis non in capite nascuntur. Hos canos requirit Sapiens. Et de his dicit, quod expleverint tempora multa. Quia tempus iuventutis bene collocarunt.

Et hi placent Deo, hi sunt filij dilecti, cuiuscunq; sint ætatis. Et quod citò auferit, causa est, quod tam charos illos habet, & secum vivere vult, non cum peccatoribus.

Terminus itaque ætatis metiendus secundum pietatem. Vocat enim Propheta hos, qui centum annos habent, pueros, Esa. 65. Illi nunquam in pietate canescunt.

II. Pars.

Alia cogitatio hominum talis est; Potuisset utiq; persona defuncta in pietate & obedientia erga parentes indies magis magisq; proficere, exhilarare genitores & totam familiam, atq; tandem etiam Ecclesiæ aut Reipublicæ utilis esse.

Sed audi tu Sapientem. Ostendit is, potuisse facilius illum defunctum fieri deteriorem. Mundus indies fit peior. Et quotidie oramus, Libera nos à malo. Mala sunt tempora nostra, Eph. 5.

Afferimus peccatum in mundum. Illud quotidie creseit. Nam habemus intra nos malum originis. Deinde obiecta mouent sensus. Mundus plenus est scandalis. In mundo concupiscentia carnis, oculorum & fastus vitæ, i. Ioan. 2. In maligno mundus positus, i. Ioan. 5. Ideoq; hinc de prauis concupiscentiis & illecebris mundi, atq; malis exemplis loquitur. Potuisset malitia pervertere intellectum. Etenim mala radix semper pullulat. Non est tutum ambulare inter spinas. In mundo ubique sunt spinæ malorum. Wir gehn auff lauter drespinigen Zacken / Die behangen. Qui picem tangit, inquinatur, Syr. 13. In sole sis niger. Et similis simili gaudet. Corruptunt bonos mores colloquia praua, i. Cor. 15. Festinat itaq; Deus, &

inox

mox euocat suos, ne corrumpantur. Er wil sie nicht lang in diesem Dienst lassen, da sie nichts guts lernen.

III. Pars.

Tandem cogitant etiam parentes aut alij, propterea iniquè agi cum his qui præmatura morte obierunt, quod illi adhuc nullam in hoc mundo experti sint voluptatem, nec gaudij fuerunt participes. Sie hätten noch viel gute Leben auff Erden haben können.

At quæ illa bona vita in his terris? Malam vitam Sapiens vocat. Bonam ignorat. Infantes vagitu incipiunt vitam, Sap. 7. Vallis lachrymarum, Psal. 84. Et vide Syr. 41. Hic paupertas, morbi, sollicitudo, ignominia, &c. expectant adultum. Malitia est vita hominis, dies mercenarij, Iob 7. At illic requies, teste Sapiente hoc loco. Illic gaudium perfectum, Psal. 16. in fine. Melior itaque dies requiei quam laboris, melior dies reditus in patriam quam peregrinationis, melior dies pacis quam belli. Gentes dixerunt, optimum esse non nasci: (sed hoc malè dicitur. Quia bonum est, impleri cælum. Et hæc ordinatio Dei bona vt nascantur homines) vel citò mori. Hoc rectè dictum est: Beati enim qui in Domino moriuntur, Apoc. 14.

Quantò enim diutius viuitur, tantò grauior reddenda ratio. Et infans minus quam virgo: Virgo minus quam coniugata. Hæc enim de se, de marito, de liberis & tota familia rationem reddere tenetur.

Ideo que compescenda ratio humana, & consilium Dei optimum non vituperandum, nec quicquam illi præscribendum. At imprudentes non intelligunt, nec ad animum reuocant hæc Dei consilia. Nemo recogitat, Esa. 56. Pii verò ex sacris admoniti de his cogitent. Non murmurent, sed dicant potius: Sicut Domino placuit, ita factum est. Dominus dedit. Et sit nomen illius benedictum, Iob 1.

F I N I S .

T 4

THE

THEMA XIII. CLASSIS IV.

DISPOSITIO ALIA.

Si quis aliam huius loci Dispositionem requirat, poterit illa etiam esse talis, quam breuiter exhibeo, cum pleraque ex superioribus huc possint referri.

TEXTVS Sap. 4. ab initio, vt suprâ.

In Adamo omnibus hominibus dictum est, terra es & in terram reuerteris. Ideoq; nulla est inter homines mortales differentia, nisi quod alius serius, alius citius moritur. Et senibus quidem videtur mors non facere iniuriam: sicut nostrates prouerbio dicere solent. *Es ist ihm nicht umb viel Jahr vnrecht geschehen.* At cum iunioribus iniquè agi iudicat mundus, si citò abripiantur. Causa huius peruersi iudicij hæc est, quod nec ætatem iustè metiri, nec Dei consilia intelligere didicimus, ex hoc loco Sapientis. Videamus itaque primum, quæ sit iusta hominis ætas: vel quando ad senectutem perueniat. *Wann einer alt genug sey.*

Secundò causas audiamus, quare Deus interdum iuniores maturius ex his terris auocet.

I. Pars.

Quomodo terminum ætatis metiri debeamus, ostendit Sapiens, scilicet non annis, sed pietate. Sapientia quæ in vita inculcata consistit, vera est senectus. Timor autem Domini & pietas initium sapientiæ sunt. Huc referenda sunt quæ supra in Dispositione parentis parte 1. numero 3. sunt annotata.

Vsvs addatur. Non accusandus Deus, quod ante tempus & immaturè abripiat. Is enim rectius nouit tempus quàm nos.

II. Pars.

Causas enumerat iam Sapiens, quare iuniores etiam abripiantur per mortem.

1. Ne

1. Ne cum tempore addiscant impietatem. Tempora enim mala. Mundus plenus scandalis. Iuuentus facile corrumpitur propter iudicij imbecillitatem. Festinanter itaque Deus abripit. Huc refer quædam ex Disposit. superioris parte secunda.

2. Quia placent Deo pij (de iustis enim loquitur, hoc est, vel de iustificatis fide, Rom. 5. vel propter Christum iustis, I. Cor. I. quod idem est) ideoque non vult illos diu torqueri in hoc mundo: sed ad quietem deducit. Ab iniquis & peccatoribus (teste Sapiente) separat, & cum sanctis Angelis atque electis coniungit.

Festinat ex hac vita mala, vt ingrediantur vitam bonam & beatam. Huc referri possunt quædam ex parte tertia sup. Dispos.

V s v s. Non existimandum malè agi cum his, qui in adolescentia vel infantia moriuntur: quia ex valle lachrymarum euocati sunt ad cœlestia gaudia.

Non est signum irati Dei mortalium (nostra opinione) immatura: sed Dei propitii. Placet anima illorum Deo, itaq; ad se trahit, vt viuant cum ipso, non cum peccatoribus, &c.

F I N I S.

T H E M A XIV. CLASSIS IV.

Historia de filia Iairi Pars I.

Ex Matth. 9. Marc. 5. Luc. 8.

N O T A N D V M.

Historia elegans de filia Iairi, cum paulò prolixior atque à tribus Euangelistis singulari diligentia descripta sit, quatuor concionibus poterit tractari.

Vt autem rectius ista cohæreant, nos in disponendis huius historiæ partibus non ordinem Thematum, sicut illa (iuxta numerum Euangelistarum) Manuali inserta sunt, sed seriem ipsius historiæ obseruabimus. De quo le-

ctorem propterea amicè monere volumus, ne quid ex numero Thematum subtractum, aut omissum opinetur.

TEXTVS I. Partis.

Legatur ex Luc. 8. v. 40.

Ecce venit vir, cui nomen Iairus, & ipse Princeps Synagoga erat, accedens, ad pedes Iesu, rogans eum ut intraret in domum suam, quoniam vnica erat ei filia ferè duodecim annorum, & hac agebat animam.

D I S P O S I T I O.

Ioan. 7. dicunt Pharisei, num quis ex Principibus credit in Christum? At præsens historia docet Christum in omni hominum genere habere suos fideles & Discipulos. Habet enim varios modos, quibus ad se potest allicere homines, vel beneficiis vel calamitatibus. Et sane Iairus forsitan ad Christum non venisset, si non ipsum domestica calamitas impulisset. Describitur enim in hac historia quomodo is, dum vnica filia illius lethali morbo correpta iam animam ageret, Christi auxilium implorarit. Atque cum tres Euangelistæ accurata diligentia hanc historiam descripserint, secundo loco additur, Quomodo ipsi in itinere mors filiae fuerit nunciata, & quomodo Christus ipsum vehementissimè consternatum erexerit. Tertiò subiungitur, quam Christus in domo Iairi de puellæ resurrectione spem fecerit, asserens ipsam dormire, & quomodo a domesticis fuerit explosus. Tandem historia de Resurrectione filiae cum omnibus circumstantiis describitur.

Nos singulas partes singulis concionibus separatim tractabimus. Et nunc quidem 1. historiam partem explicabimus. Quæ continet 1. historiam de ægritudine filiolæ Iairi, 2. De cura & sollicitudine parentis.

I. Pars.

Est Iairo filia duodecim annorum. Atque tenebrimè
ada-

adamata, quia vnica filia. Illa incidit in morbum acutum & grauissimum. Neque dubium, omnis generis remedia fuisse adhibita, nihilq; omissum vel neglectum, quod ad recuperandam sanitatem videbatur facturum. At frustra omnia adhibentur. Iam enim de vita illius conclamatum est: quia in extremo agone versatur.

1. L. Contra vim mortis non est medicamen in hortis. Et si Deus mori velit infantem, nulla vis nec herba nec cataplasmatidis. Sap. 16. v. 12.

Hæc non dicuntur ideo, vt negligantur legitima remedia, quibus nos vti iubet Sapiens. Syr. 38. v. 12. Sed ne illis nimium tribuamus, aut in illis confidamus, quod Asa fecisse legitur, 2. Paral. 16.

2. Præterea hæc dicuntur, ne parentes sua cura & solitudine infantes suos tenellos & quos impensè diligunt (præsertim si vnicus sit ipsis hæres) conentur præferuare à morte. Cum vita illorum non in parentum sed in Dei manu sit. Sap. 16. v. 13. Debent quidem parentes facere officium, & liberorum curam agere: at cætera Deo sunt committenda.

3. Insuper notabunt parentes, quibus vnicus filius vel filiola vnica est, ne sic illos diligant, vt non credant illos esse mortales: & ne nimium illis indulgeant. Sunt enim qui Deo bellum indicere auderent, & iniquitatis ipsum accusare non erubescerent, si vnica filiam illis eriperet. Causa impatientiæ huius hæc est, quod non antè cogitarunt mortales ex se genitos liberos.

Nec intelligunt Dei hæc esse dona, non perpetua, sed ad tempus mutuò data, & à Deo iure repeti, vbi & quandoque placuerit. Agnoscit hoc Hiob, Deus dedit, Deus abstulit.

Quod si intelligat Deus illos nimis tenerè diligi, vt metus sit, ne indulgentia parentum ad impietatem abutantur, ideoque plerumq; illos abripit, immatura (ut putatur) morte, ne malicia peruertat intellectum. Sap. 4. De hoc non debebant multum conqueri & dolere paren-

tes, sed potius gratias agere Deo, quod animulas illas
 pias præservare vult, non tantum ab omnibus calami-
 tatibus huius mundi, sed etiam ab æterna damnatione:
 Ne cogantur aliquando cum Davide exclamare, *ô fili,*
quis det mihi vt pro te moriar. 2. Sam. 18.

II. Pars.

Jairus sollicitus pater, cum iam de vita filiolæ despe-
 rasset, accurrit ad Christum. Rectè quidem hoc quod
 Christi auxilium implorat. At infirmitas magna appa-
 ret, quod non nisi rebus desperatis ad Christum pro-
 perat. Deinde etiam quod modum illi præscribit, *Veni*
& intra domum meam, & impone illi manum. Mar. 5. vt
 conualescat. Nondum enim didicit, Christum etiam ab-
 sentem posse iuuare: quod centurio Capernaïticus agno-
 scit. Matth. 8.

L. I. Videmus quanta sit vtilitas crucis apud bonos,
 exemplo Iairi. Impellit enim ipsos ad CHRISTVM.

Prauum est alioquin cor hominis Jerem. 17. At dum in
 angustiis sunt clamant anxie Esa. 26.

Hos. 6. Venient tribulati & dicent, Venite ad Domi-
 num qui percussit & sanabit nos.

Hinc Dauid Psal. 119. Bonum est mihi quod humiliasti
 me, vt discam, &c.

Ideoque non iniquo animo feramus crucem & cala-
 mitates à Deo immittas. Scimus enim nobis hæc pro-
 futura, cum omnia in bonum cooperentur diligentibus
 Deum. Rom. 8.

L. I. Iairus exemplum est ingenij humani, dum vult
 præscribere Christo modum, *Veni, impone manus, &c.*
Nisi id facias, non sanabitur.

Eadem est sententia Reguli. Ioan. 4. Sic etiam Naha-
 man vult præscribere Prophetæ modum. 2. Reg. 4. At hæc
 sunt infirmitatis argumenta. Nihil ipsi præscribendum.
 Rectè leprosus, Domine si vis potes. Mar. 1. vers. 40. Ideo
 iussimus orare, *Fiat tua voluntas. Ipse faciet.* Psal. 37.

Scien-

Sciendum in Deo esse omnem sapientiam, ut scias quid fieri debeat. Et stultitia Dei sapientior. 1. Cor. 1.

L. III. Docere debet hic locus, quis Medicus in omni genere morbi quarendus, ante omnes alios, Christus Dei filius. Is sc. qui omnipotens, ad quem accurrere possumus piis precibus. Is verus Medicus. Exod. 15. v. 26. Et Magister ad iuuandum. Esa. 63. Deinde verò media adhibenda legitima. Vide Syr. 38. Iac. 5.

L. IV. Parentes pij non negligent valetudinem liberorum, sed faciant officium. Contra parentes quoidam *αἰσχρογῆρος*. Præsertim si proles copiosa sit.

F I N I S.

T H E M A X V. C L A S S I S I V.

Historiæ de filia Iairi Pars II.

T E X T V S

Legatur ex Marc. 5. cap. v. 35. vel Luc. 8. v. 49.

Adbuc eo loquente, veniunt à Principe Synagoga qui dicerent, Filia tua mortua est, quid ultra vexas Magistrum; Iesus autem protinus audito sermone, qui dicebatur, ait Principi Synagoga, Ne metuas, tantummodo crede.

D I S P O S I T I O.

Reliquimus proximè filiolum Iairi in domo patris mortuicinam, & cum Iairò accurrimus ad Christum, ut is medicinam faceret agrotanti. Nunc verò dum pater est in itinere, affertur nuncium de filiola, & quidem tale, quod parùm exhilarat parentem, quem vehementer consternatum omnes circumstantiæ docent.

Videamus igitur 1. Quale hoc nuncium fuerit, & quomodo pater illud acceperit.

2. Audiamus etiam Christum, quomodo is Iairum vehementer perturbatum soletur.

I. Pars.

I. Pars:

Dum Iairus pater, pro salute & vita filiolarum sollicitus domo abest, quaesiturus Christum Medicum, filiolarum inter manus matris atque astantium expiravit. Nec ulla illis spes vitae superest. Neque potest hic obitus puellarum dissimulari. Ideoque mittuntur servi ad parentem, qui illi hoc denuncient. Atque quod gravissimum est Iairo, servus nuncians obitum filiarum, mox illi omnem spem resurrectionis praecidit. Quid vexas ultra Magistrum, quasi dicat, frustra iam illius auxilium imploras, cum sit mortua. Potuisset forsitan sanare aegram: sed mortuam in vitam reuocare haud poterit Magister. Et haec fidei imbecillitas non in seruo tantum conspicitur, verum etiam in ipso Principe Iairo. Nam qui haecenus aliquam spem fouerat, fore ut impositione manus Christi filia restitueretur: idem iam audita morte illius, omnem spem abiecit, & ita timet, ita trepidat ad sermonem servi, ut Christus hoc facile animaduertens necesse habeat ipsi animum addere, &c.

LOCVS I. Videmus etiam iuenculis & adolescentibus interdum esse moriendum: & non his tantum, qui non curantur a parentibus, sed etiam illis, qui diliguntur tenerrime: neque pauperibus tantum & abiectis, sed etiam ditioribus, & Principum (erat enim Synagogae Princeps Iairus) atque optimatum liberis. Nullius enim personam respicit mors, nec aetati nec conditioni parcat. Omnis caro fœnum, Esa. 40. Hæc ideo dicuntur, ne iuniores sibi spem vitae longioris faciant, quod plerique solent: nec putent se pactum fecisse cum morte: sicut illi Esa. 28. vers. 15. Et repentinus sepe illos obruit interitus: dum minus sunt parati, & nihil tale expectarunt haecenus. Dicunt, *Ich hab noch ein harten Kopff / ich stirb noch nicht. Der Wein schmeckt mir noch wohl.* At nescis quid serus vesper velat. Ante vesperam. Syr. 18. v. 26. Memento itaque Creatoris in iuventute tua. Ecclesiast. 12. Iosias puer quærebat Dominum, 2. Paral. 34. Cogita te non esse ferreum, si maximè sis iuuenis. Flos agri. Psalm. 90.

Esa.

Esaiæ 40. Und man trägt eben so viel Kälberheut zu Markt/ als Rûheut.

L. II. Nimium consternatur hîc bonus Iairus. Erat enim filia vnica, dilecta, tenella, &c. At mox rectius sentit. Bisariam alioquin peccatur à parentibus in his casibus. Alij planè non curant mortem liberorum, imò verò hanc vnice optant, vt liberentur à multis curis, molestiis. Hi sunt *ἀσπῆρες*. Nec placent Deo.

Alij nimium lugent liberos vita functos, & si possent, Deo bellum indicerent. Indignantur, murmurant, fremunt, nec admittere volunt consolationem. Medium tenere beati. Iairus primum quidem valdè consternatur, sed acquiescit tamen verbis Christi & consolationem admittit. Dauid facit, quod decet pium parentem in tali casu, 2. Sam. 12. Neque enim debemus audire seruum dicentem, Quid vltrà vexas Magistrum? Perit, interiit, non viuet amplius infans tuus, &c. Hic nuncius est caro nostra, quæ conatur nobis omnem spem resurrectionis præcedere. At ego vadam ad illum, inquit Dauid, 2. Sam. 12. Et scio quod redemptor viuit, Iob. 19. Veniet hora, in qua audient vocem Magistri huius, & viuêt, Ioan. 5. v. 28. Terra dabit mortuos, & mare, Apocal. 20. Nihil igitur amissum, sed præmissum. Conueniemus iterum, & recipiemus quos charos habuimus.

II. Pars.

Animaduertit Christus Iairum ad nuncium tam triste valdè esse consternatum. Non aliter *σπῆρη* paterna ferebat. Ideoq; iubet illum esse bono animo. Ne timeas, inquit, tantum crede. Vidisti ex miraculo in hæmorrhousa, quod dum mecum es in itinere accidit, quid ego possim. Si igitur credere posses, me omnipotentem esse, qui & ægros sanare, & mortuos vitæ restituere possit, certè de vita filie tuæ nihil esses sollicitus.

L. Hæc consolatio, ne timeas, tantum crede, semper & in omnibus difficultatibus debebat sonare in auribus nostris.

nostris. Licet enim Christum visibiliter nobis ita loquentem hodie non audiamus, tamen eundem audimus in verbo suo nobis ita loquentem: Ne timeas vermis Jacob, ego tecum. Esa. 41. & 43. Ego non derelinquam vos. Iohan. 14. v. 18. Confidite, ego vici. Iohan. 16. Noli timere pusille grex. Luc. 12. Et sic Spiritus auxiliatur infirmitatibus nostris. Rom. 8. Cogita ergo, si Deus pro nobis. Rom. 8. & Psal. 73. vers. 25. Et tantum credamus, quod abundanter possit facere ultra quàm intelligimus. Eph. 3. v. 20. Magister ad iuuandum. Esa. 63. v. 2. Valet hæc consolatio in vita & in morte.

Nota. Quod prius moritur puella Iairi, quàm Christus iuuet, aut sanet, non frustra fit. Ex hac circumstantia posset etiam addi locus hic: Quod plerumque differatur auxilium diuinum tantisper, vt de omni humano auxilio prius desperetur: atque id propterea fieri vt illustrius fiat auxilium: Et vt in solo Deo collocemus spem nostram. 1. Cron. 20. v. 12. Iosaphat.

F I N I S.

THEMA XVI. CLASSIS IV.

Historia de filia Iairi Pars III.

TEXTVS.

Luc. 8.

Et quum venisset in domum, non permisit intrare secum quenquam nisi Petrum & Iacobum & Iohannem, & patrem ac matrem puella. Flebant autem omnes & plangebant illam. At ille dixit, Nolite flere, non est mortua puella, sed dormit. Et deridebant eum scientes quod mortua esset.

DISPOSITIO.

Sumus adhuc cum Iairo in itinere vt Christum adducamus ad mortuam puellam, quam saluam fore ipso præsen-

præfente promiffit proximè. Et quia in propinquo funt ædes Iairi, ingrediamur cū Chrifto, & videamus 1. quomodo multi ad deducendum funus confluant, atq; Chriftum fimul audiamus, quam ille de vita filiolæ defunctę parentibus atq; omnibus præfentibus fpem faciat. 2. Videamus etiam quid præfentes de hac Chrifti pmiſſione fentiant.

I. Pars.

Inuenit Chriftus in domo Iairi multos, qui ad deducendum funus illuc confluxerant.

Alij enim eiulabant, qui condolebant matri atq; patri puellæ, & deflebant omnes domeſtici hunc immaturum obitum filiolæ vnicæ atque chariſſimæ.

Alij tibiis cantabant, Matth. 9. pro more gentis. Patet enim ex loco Matth. 11. Luc. 7. Cecinimus vobis lugubria, &c. quod mortuos cum tibiis deportauerint ad ſepulchrum, & quod in funeribus cantarint carmina lugubria: ſicut apud nos per pulſum campanarum inuitantur homines ad funus deducendum, & cantatur ante & poſt concionem funebrem canticum de morte, &c. Dum igitur alij tibias inflant, alij plorant, magnus in domo excitatur tumultus & ſtrepitus, ſicut apertè dicitur Matth. 9. & Marc. 5. Exſpectatur tantum Parens Iairus, vt mox deducatur funus ipſo aduentante. Ibi tū Chriftus omnes vult ſecedere, paucis tantum ibi relictis, de quibus proximè ſuo loco: Et iubet illos abſtinere ab eiulatu illo & cantu lugubri: Quid ploratis, quid tumultuamini? Quid veniſtis ad ſepeliendam iuuenulam? Nulla hęc funeris erit deductio hodiè. Quî ſic? Puella non eſt mortua, ſed dormit. Tameſ, enim in oculis præſentium & ſpectatorum verè mortua fuerit, tamen in oculis Chrifti mors illius inſtar ſomni eſt, quia ipſi facilius fuit mortuam excitare, quam nobis dormientem è ſomno. Voluit autem Chriftus triſtiſſimis puellæ parentibus hac voce ſpem facere de futura puellæ reſuſcitatione: Et fuit hæc in auribus parentum vox iucundiſſima.

Locvs I. Docent qui hîc adfunt ad deducēdum funus puellæ, plorantes & deflentes illius obitum, debere nos flere cum flentibus & lugere cum lugentibus. Rom. 12. vers. 15. Et hoc pacto ostendimus nostram commiserationem. Magnum enim hoc affert solatium mœstis, si videant alios affici suis mileris.

Non probantur Deo ²⁵⁰⁹²⁹ illi, qui planè omnem erga alios affectum exuerunt, nihil curantes quid de aliis fiat, dummodò ipsis benè sit. Wann nur niemandt auß jhren Schuhen stirbt / fragen sienicht darnach. Erant alioquin Iudæi populus duræ ceruicis, sed hac in parte multò fuerunt nostratibus quibusdam meliores. Videmus quomodo tota Ciuitas condoleat viduæ in Nam. Luc. 7. Multi solantur Martham & Mariam super obitu fratris Lazari perturbatas. Ioan. 11. v. 19. Ipse Christus flet ad sepulchrum Lazari, vers. 35. sicut & Iudæi plurimi. v. 33.

Locvs II. Consolatione plenissimum est, quod mors piorum dicitur somnus. Et id quidem non hoc tantum loco sed & passim alibi. Deut. 31. vers. 16. 2. Sam. 7. v. 12. 1. Reg. 1. v. 10. & 11. v. 21. Ioan. 11. v. 11. Act. 7. v. 60. & 13. v. 36. 1. Cor. 11. v. 29. 1. Thess. 4. v. 13.

Sicut autem qui se cubitum confert, non turbatur, sed bono est animo, quia se suauiter dormiturum & suo tempore euigilaturum sperat: ita quoque non extimescenda mors piis, quia dormient in cubilibus. Esa. 26. & 56. & euigilabunt suo tempore. Quiescunt aliquantisper. Ap. 14.

Pueri, item ebrij & insani plerumque refugiunt somnium & quietem: ita impij, stulti & increduli horrent mortem.

II. Pars.

Audit turba, quæ ad deductionē funeris in domo Iairi conuenerat, Christum dicentem, Puella dormit. Ibi tum rident, & explodunt illum, qui stultè opinetur illam dormire, quam ipsi verè morientem & exhalantem animam viderint: & quod verè mortua mox terræ demandanda dor-

dormire dicatur, hoc ipsis planè videtur absurdum. Non enim intelligunt sermonem, nec institutum Christi, multò minus ipsum omnipotentem mortuos in vitam reuocare posse credunt.

L. Exemplum sunt hi irrisores ingenij humani, quod omnia Dei opera, quæ rationi videntur absurda, solet irridere. Licet enim non semper os rideat, cor tamen ridet sæpius. Sic Satelles ille regius ridet promissionem de vilitate annonæ, 2. Reg. 7. v. 2.

Sara ridet audiens vocem Angeli, Gen. 18. v. 12. quia absurdum videbatur illi & naturæ contrarium.

Securi etiam rident plerumq; comminationes Dei: sicut de generis Lothi dicitur, Gen. 19. v. 14. Ridiculum ipsis videbatur, &c.

In specie verò caro nostra plerumq; ridet articulum de Resurrectione mortuorū. Sicut cor Marthæ (quantumvis flentis) ridet Christum promittentem Lazari resurrectionem, Ioan. 11. v. 24. At non irridetur Deus, Gal. 6. Capiua ducenda ratio, 2. Cor. 10. Potest enim abundanter facere vltra quàm nos intelligimus, Eph. 3. v. 20. Non enim est impossibile apud Deum omne verbum, Luc. 1.

Idque testantur exempla, sicut præsens historia proxime docebit.

T H E M A X V I I. C L A S S I S I V.

Historia de filia Iairi Pars IV:

T E X T V S.

Marci 5.

Ipse verò eiectis omnibus assumit patrem & matrem puella, & eos, qui cum ipso erant, & ingreditur eò, ubi puella erat iacens. Et apprehensa manu puella ait illi: Talitha Kumi, quod est, si quis interpretetur, Puella dico tibi, surge. Et confestim surrexit puella & ambulauit. Erat enim annorum duodecim. Et obstupuerunt stupore

magno. Et praecepit illis vehementer, ne quisquam id sciret, & iussit ut daretur illi quod ederet.

DISPOSITIO.

Ingressi nuper cum Christo sumus domum Iairi, & audiuius Christum dicentem quod dormiat filia ipsius defuncta: ideoque nihil dubitabimus quin ipso iubente sit euigilatura. Non enim faciemus idem quod tubicines, qui Christum deridebant, sed potius, quia spectatum admissi sumus, in hac historia accuratè Christi dicta factaque obseruabimus.

Primum itaque dicemus de his, quæ resurrectionem puellæ huius antecesserunt.

Deinde ipsam resurrectionem videbimus.

Tandem etiam ea, quæ hanc sunt consequuta, breuiter attingamus.

I. Pars.

Eiecisse legitur Christus turbam eiulantem & tibiis canentem, ex domo Iairi. Quare hoc? Quia indignierant irrilores isti, qui tanti miraculi sint spectatores.

Assumit autem Christus secum in conclaue, vbi iacebat defuncta, ad spectandum tam insigne miraculum patrem & matrem puellæ: quibus hoc maximè erat cordi. Et sic vult pios parentes honorare, quod illi Christum omnipotentem credebant (licet primum non abfuerit omnis infirmitas) nec cum cæteris deridebant Christum. Deinde dicitur secum sumpsisse eos qui cum ipso venerant. Hi fuerunt, teste Luca, tres Apostoli, Petrus, Ioannes, Iacobus, ut scilicet testes essent huius miraculi. Cum in ore duorum aut trium testium consistat omne verum. Et fuerunt hi tres Christi actionibus grauissimis adhibiti: Viderunt gloriam illius in monte Thabor, & vicissim passionem illius in horto. Hi enim suo tempore singulari zelo præ aliis Christi facta erant deprecaturi.

Præ-

Præter hos, referente Luca, neminem permisit intrare.

L. Caueant Christiani ne inueniantur in numero incredulorum & irrisorum. Sicut enim hoc loco illi indigni censentur, qui sint tanti miraculi spectatores, & propterea eiiciuntur ex domo Iairi: Ita olim eiicientur foras in tenebras exteriores, & à facie Christi abire cogentur, ne videant gloriam paratam credentibus.

Ibi tum ridebit etiam Dominus in interitu ipsorum. Prou. 1. Et videbunt irrisores, quem irriserint. Sap. 4. Irridebite eos Dominus.

II. Pars.

Omissis irrisoribus ingrediamur cum Christo conclaue, ubi iacet defuncta. Et sanè Christi dicta & facta accuratissimè annotarunt Euangelistæ.

1. Manum puellæ præhendit Christus, vt erigat ipsam.

2. Syriacè ait, Talitha Kumi. Hoc nobis interpretatur Marcus, per verba, Puella dico tibi surge.

3. Statim puella, quæ modo iacebat mortua, viua & sana in conclaui inambulasse legitur. Nam ad vocem Christi fugit mors & copulatur anima suo corpori.

4. Et quia parentes præ stupore nesciunt, quo loco sint res filia, iubet Christus puellæ apponi cibum, vt hoc documento planum reddatur ipsam verè viuere.

Locvs. Magnum hoc est miraculum, & quod maximo gaudio parentes afficit: at quia hæc puella tantum ad terrenam vitam resurgit, cui denuò fuit moriendum, magis gaudere debemus nos, quod viuum habemus exemplum futuræ nostræ resurrectionis, non ad hanc, sed ad beatam vitam. Si enim Christus hoc potuit in forma serui, quid in dextra patris non possit? Et sanè vt omne nobis dubium amoueretur, diuersis locis atque temporibus resuscitauit diuersas personas. Nam puella excitatur adhuc recens defuncta in domo Patris: filius in Nain in feretro extra portas resurgit. Luc 7. Et Lazarus ex

sepulchro quadriduanus prodit, Ioan. 11. vt testatum faciat omnes vbique locorum, quocunq; tempore mortui sint, resuscitandos. Reuiuiscunt etiam ossa arida, Ezech. 37. Et si Elias, Elisæus, Paulus atque Petrus, qui nudi fuerunt homines, potuerunt excitare mortuos, quid nō hoc possit filius Dei? iuxta promiss. Ioan. 5. Vox enim Christi, Dico tibi, surge, ad omnes tum penetrabit, qui sub terra occultantur in puluere, Dan. 12. v. 2. Omnipotens illius manus omnes præhendet, iuxta id Psalm. 137. v. 8. & Psalm. 71. v. 20. Et maius erit gaudium quam hñc, quia nunquam deinceps sumus morituri.

Maior etiam fælicitas, vbi nullo cibo & potu opus erit, sed angelis similes futuri sumus, Matth. 22. v. 30.

Vbi omnes pii conuenient, & quilibet suos recipiet mortuos. Vbi non in conclaui tantum cum læticia coram parentibus ambulabimus, sed Deum videbimus à facie ad faciem, 1. Cor. 13. & perpetuo cum illo erimus, 1. Thessal. 4. vers. 17. Hæc nostra sit consolatio in morte, quod credimus mortuorum resurrectionem, &c.

III. Pars.

Obstupeŕe omnes ad tantum miraculum. Nam puella defuncta iam obambulat viua, & cibum capit. Christus prohibet parentibus ne ipsi hoc miraculum diuulgent, hanc sc. ob causam, quia ipsorum testimonium, in propria causa, poterat apud calumniatores esse suspectum. Nec voluit Christus sic apud vulgus captare laudem, ne in corporalia tantum intenti negligant cœlestia. Interim tamen hoc tantum miraculum non potuit latere, sed, Matthæo teste, in omnem terram emanauit rumor, cum quæ verè fuit mortua iam viua cæteris conuersaretur hominibus.

Locvs I. Docet Christus suo exemplo, debere nos fugere inanem gloriam. Sicut is detrectat honorem regni oblatum & fugit, Ioan. 6. Et sæpius editis miraculis noluit illa diuulgari, ne populus illum arriperet & regem crea-

crearet. Vide etiam Matth. 8. v. 4. & 9. v. 30. Marc. 7. v. 36. & 9. v. 9.

L. II. Vfus miraculorum non tantum is est, vt obstupescamus cum his parentibus, sed vt credamus, Ioan. 21. vers. 31. & gloriam demus Deo, Luc. 17. v. 18.

F I N I S.

T H E M A XVIII. C L A S S I S IV.

AD SEPULTVRAM INFANTVM NOBILIVM, VIDELICET LVDOVICI pueri trimuli, filioli nobilis Domini Wolfgangi ab Vhrmühl, Consiliarij Wirtembergici, Et Annæ Dorotheæ trimestris puellæ, filiolæ nobilis Domini Ioannis Christophori ab Engeltzhouen, Consiliarij Wirtembergici, & ciuitatis Stutgardianæ Præfecti superioris. Anno 1605.

21. Octobris.

Matth. 18. Manual. pag. 496.

Amen dico vobis, nisi conuersi fueritis & efficiamini sicut puelli, non ingrediemini in regnum cælorum.

D I S P O S I T I O.

Non inusitatum, minus verò damnosum Ecclesiæ nostræ hoc esse arbitror, Si interdum etiam in funcribus infantum conciones habeantur ad populum. Non tantum eam ob causam, vt seniores & adulti admoneantur, nō esse procrastinādā pœnitentiam, cum mors non respiciat ætatem, sed iuuenes imò infantes etiam interdū præmatura morte abripiat. Nec hāc saltem ob causam vt de perpetua infantium defunctorum felicitate, & quā benè cum ipsis actum fuerit, erudiamur: sed vt simul nos quoque, qui sumus adultiores, imitari infantes hoc pacto discamus, sicut Dominus & Seruator noster illos verbis prelectis imitandos proposuit. Hoc enim nisi fiat, regni cælestis nos ex pertes fore grauitè minatur. Hac itaq; fune-

nam præsentium occasione, verba Christi placet excutere. Dicemus autem:

1. Qua ratione infantes Christianorum saluari credamus.

2. Quomodo adultiores conuerti, & qua ratione infantes imitari debeant, vt & ipsi salui fiant.

I. Pars.

Infantes regnum cœlorum ingredi Christus non tantum his verbis innuit, sed etiam clarius id ipsum indicat Mat. 10. vers. 14. Sinite paruulos ad me venire, illorum enim est regnum cœlorum. Item hoc ipso capit. Matth. 18. v. 14. Non est voluntas patris vt pereat vnus de pusillis istis. Ideoque Dauid sperat se venturum ad puerum suum. 2. Sam. 12. v. 23.

At vnde illis salus contingit? Numquid saluantur propter pios suos genitores? Neutiquam. Sunt enim illi omnes peccatores. Et si hoc verum esset, infantibus ex impiis parentibus natis omnis salus neganda esset, quod tamen fieret contra pronunciatum illud Dei Ezech. 20. Filius non portabit iniquitatem patris, & 2. Reg. 14. v. 6. Non moriantur filij propter parentes. Numquid igitur propter suam pietatem saluantur, (quod multi opinantur) quia nondum peccauerunt ex proposito malo, aut contra conscientiam, cum ad annos discretionis nondum peruenerint? At sunt in peccatis concepti & nati, quod Dauid fatetur Psalm. 51. vers. 7. sicque rei æternæ damnationis. Et hanc ipsam ob causam etiam mors corporalis suum ius in ipsos exercet. Vnde igitur salus?

A Christo, qui pro totius mundi, sic quoque infantum, (qui non sunt minima pars mundi) peccatis factus est propitiatio. 1. Ioan. 2. Hoc eleganter exprimitur Hebr. 2. v. 14. Quia pueri etiam commercium habent cum carne & sanguine, & ipse similiter particeps factus est eorundem, vt per mortem aboleret eum, qui mortis habebat imperium, hoc est Diabolum, & liberos redderet eos, qui-

quicumque metu mortis per omnem vitam obnoxii erant seruituti.

Salus autem per Christum parata non absque medio ipsis confertur. Ideoque baptizari opus habent. Etenim qui crediderit & baptizatus fuerit saluus erit, Marc. 16.

Et nisi quis renatus fuerit ex aqua & spiritu, non potest ingredi regnum cœlorum. Quicquid enim ex carne natum est, caro est. Ioann. 3.

Et quia sine fide impossibile est Deo placere Hebr. 11. v. 6. ideoque certum est ipsis simul in Baptismo cum adoptione conferri fidem. Hinc Christus palam affirmat, Matth. 18. v. 6. ipsos credere. Qui offenderit vnum ex pusillis istis, qui in me credunt. Infantes autem ibi intelligi certum est, cum ex Luc. 18. v. 15. pateat, allata fuisse ad Christum *ἡ βασιλεία*, hoc est infantes adhuc lactentes & ab uberibus matrum pendentes.

Quomodo autem infantes credant, non est curiosè inquirendum. Sufficit hoc Deum scire & intelligere, qui audit pullos coruorum inuocantes, Psalm. 147. v. 9. & creaturarum *σεαυμὸν* intelligit. Roman. 8. v. 19. & 22.

CONSOLATIONE M ex dictis petere possunt Parentes ne plus quam par est lugeant infantes defunctos, & quod ipsis quidem videtur, præmatura morte abreptos: cum certò sciant ipsos iam cœlesti & perpetua fœlicitate frui, asseruari animulas ipsorum in manu Dei, nec pati tormentum. Sap. 3. Quos etiam non amissos, sed præmissos in vita æterna inuenturi & agniture sint. De quo David, 2. Sam. 12. suprà. Taceo quod omnibus huius seculi malis exempti, Sapient. 4. viuentibus multò sunt fœliciores.

II. Pars.

Satis de infantibus. Nunc etiam de adultioribus. Hos vult Christus conuertere & infantibus fieri similes. Istud verò non crasso modo cum Nicodemus Ioan. 3. intelligendum est, vt necesse sit nos omnino repuerascere, si

velimus ingredi regnum cœlorum. Hoc enim vult Christus, exuendos veteris Adami mores, & infantum mores in quibusdam imitandos. Cum enim ex ipso ambitiosi Discipuli quærerent, Equis maximus futurus in regno illo (quod somniabant) Christi mundano, ibi Christus accersito puero, respondet, nisi ipsi depresso hoc fastu, corda ad humilitatem, qualis in pueris conspicitur, componant, non patere illis aditum ad regnum cœlorum.

Hinc coniecturam facere possumus, quo sensu Christus nos velit imitari mores infantum, eodem scil. planè, quo Paulus inquit, Estote pueri non sensibus, sed malitia, 1. Cor. 14. v. 20.

1. Primum itaq; imitanda puerorum illa humilitas, qui neque operum & fictæ pietatis aliqua imaginatione tumidi sunt erga Deum: neque etiam erga homines superbiunt.

Ita nec nos superbiamus cum Phariseis istis, Luc. 18. & Matth. 19. v. 20. Sed agnoscamus nostra peccata humiliter, & deprecemur cum Dauide, ne Dominus ingrediat in iudicium, Psal. 143. Cum nemo possit dicere, mundum est cor, Proverb. 20. & iustitiæ nostræ sicut vestis immunda, Esa. 64. Humiliemur sub potenti manu Dei.

Sed nec erga homines nosmet ipsos extollamus. Deus enim superbis resistit, humilibus dat gratiam, 1. Pet. 5. v. 5. Et deposuit potentes, Luc. 1. v. 52. Qui se exaltat, Matth. 23. vers. 12. Discite à me, quia sum humilis corde, Matth. 11. vers. 29. Et quanto quis altiori gradu constitutus, tanto debet esse humilior, Syr. 3. v. 20.

2. Pueri facilè credunt & acquiescunt dictis suorum parentum. Ita nos verbo Dei simplici fidem habeamus, & captiuemus intellectum, 2. Cor. 10. v. 5. compescamus stultam rationem. Placent enim Deo *ἡπρότοι*, Matth. 11. v. 25. Et simplices, 1. Cor. 1. v. 27.

3. Sunt pueri absque fūco. Ita etiam Christus vult nos esse simplices, sicut columbæ sunt, Matth. 10. vers. 16. Ohne falsch. Odit enim Dominus dolosos, Psal. 5. vers. 7. & Psal.

& Pſal. 55. v. 24. Ideoq; Paulus, loquimini veritatem vnuſquiſque cum proximo, Eph. 4. v. 25.

4. Pueri citò pacificantur. Non laborant odio & inuidia. Ita Chriſtiani non alant ſimultates, ſed mox reconcilientur inuicem. Matth. 5. Dum in via es, reconciliare fratri. Niſi enim ex animo condonemus fratri delicta, trademur tortori, Matth. 18. v. 35. Hoc etiam promiſimus Deo, ſicut & nos remittimus, Matth. 6. v. 12.

5. Tandem pueri licet abſque peccato non ſint, tamen non ex propoſito peccant, cum iudicium in ipsis ſit infirmum, adeoque nec contra conſcientiam agunt: Propterea illis peccata non imputantur propter Chriſtum, qui etiam fidem alit in cordibus illorum, per quam Deo placent. Ita nos ſumus pueri malitia, 1. Corinth. 14. Inprimis cauenda peccata, ne offendamus puſillos, Matth. 18. verſ. 6.

Ad hunc modum conuerſis nobis patebit aditus ad regnum cœlorum. Siquidem iuſtificatis fide (quæ verbo & ſacramentis alitur atque ſuſtentatur) peccata non imputantur, ſed fides imputatur ad iuſtitiam, Rom. 4. v. 5. Beatus ergo cui non imputantur peccata, Ibid. & Pſal. 32.

T H E M A X I X. C L A S S I S I V.

Matth. 18. verſ. 14.

Non eſt voluntas coram patre veſtro, qui in cœlis eſt, ut pereat vnus de puſillis iſtis.

D I S P O S I T I O.

Poteſt etiam hoc Thema in funere Infantis tractari.

Multa Chriſtus initio huius capituli tractat de paruulis. Occaſione enim quæſtionis à diſcipulis agitata, Quis eſſet maximus inter ipſos, (referente Marco capite 9. & Luc. 9.) Chriſtus arrepto, & in medium illorum conſtituto puero, primum vult illos conuerſi ad humilitatem, quæ in puerulis eſt: Si quidem velint ingredi regnum cœlorum. Sic enim illi quæſtionem informarunt, quant

uis de mundano regno intelligant. Deinde paruulos vult recipi in nomine suo, & prohibet, ne quis offendar vel contemnat ipsos. Addit, quod Angeli in cœlis ipsis sint custodes à Deo adhibiti. Et tandem suam concionem de paruulis hac insigni, quam prælegimus, sententiola concludit, Non est voluntas, &c.

Quia igitur Christum de paruulis peculiarem, eamq; prolixam instituere concionem non piguit: neque nos hanc breuissimam sententiolam ex illa audire pigeat.

Primum autem sensum horum verborum inuestigabimus. Deinde iuxta Pauli methodum, Rom. 15. & 2. Tim. 3. doctrinam, consolationem & admonitionem ex his verbis petemus.

Paraphrasis Textus.

In præcedentibus dixerat Christus, Filius hominis venit saluare quod perierat. Illustrat hoc simili de oue errante in pascuis montanis, quæ sita & inuenta: super qua plus lætatur possessor, quam super illis, quas non perdidit. Ita inquit, non est voluntas patris mei, ut pereat vnus de pusillis istis.

Sunt quidem etiam pusilli isti ratione carnalis natiuitatis naturâ filij iræ. Quia in peccatis concepti & nati, Psal. 51. Ideo quæ ipsis foret pereundum, si Deus non vellet ipsorum misereri.

Neminem autem vult perire pater cœlestis, 2 Petr. 3. Et idem iuramento confirmat Deus, Ezech. 18. & 33. Ideo quæ Filius Dei propter eos venit, qui erant perituri. Quod Paulus testatur, 1. Tim. 1 v. 15. Et 2 v. 4. Is factus est propitiatio pro totius mundi peccatis, 1. Ioan. 2. & dedit semetipsum pro omnibus, 1. Tim. 2. v. 6.

Et ne quis putet, tantum de adultis esse sermonem, Christus hinc etiam ad pusillos restringit. Quia propter illos etiam venit, ut liberaret à peccato & damnatione, atque cum Deo ipsos reconciliaret. Et ideo infans natus est, Hebr. 2. v. 14.

Perri-

Pertinent autem hæc ad infantes, qui nascuntur in Ecclesia. [Quid enim ad nos qui foris sunt, 1. Cor. 5.] De quibus pronunciat Christus hoc ipso capite vers. 6. quod credant. Per Sacramentum initiationis enim iis est fides donata: siue per circumcisionem, siue per Baptismum Christo sint inserti. Cum enim impossibile sit Deo placere absque fide, Hebr. 11. Certum est, quod fidem acceperint beneficio Sacramenti initiationis, sicque Deo placeant propter Christum, & pacem habeant iustificati per fidem, ut nolit illos quantumvis pusillos perire.

D O C T R I N A.

Primum ex hoc loco docemur, Neminem, nec vllum paruulum quidem, absoluto Dei decreto esse reprobatum. Hoc enim filius Dei testatur, qui est ipsa veritas, Ioan. 14. & cuius verbum est veritas, Ioan. 17. Voluntas autem Dei vna est & manet, quod neminem vult perire: sicut testimonia supra allegata docent.

Et ideò etiam pro pereuntibus Christum mortuum, scriptura disertè affirmat, Rom. 14. v. 15. 1. Corinth. 8. v. 11. Hebr. 10. v. 29. 2. Pet. 2. v. 1. Ideoque etiam omnes ad se vocat, Matth. 11. v. 28. Luc. 14. parabola de inuitatis. Notanda hæc doctrina contra eos, qui multos paruulos æterno atque occulto Dei consilio reprobatos docent: quibus non profit Baptismus, &c. Vide colloq. Mompelgartense, Sess. De Baptismo, pag. 469. 473. 486.

C O N S O L A T I O.

Maximam verò Parentes ex hoc loco consolationem accipiunt, quod de salute suorum infantum non debent dubitare, si in infantia moriantur. Sunt enim Christo inserti per Baptismum: & quia acceperunt fidem ex lauacro regenerationis placent Deo, & mundati sunt à peccatis per sanguinem filij Dei, 1. Ioan. 1. v. 7. Non igitur vult illos Deus perire.

Sed neque de illorum salute quicquam est parentibus dubitandum, qui in partum moriuntur, vel in utero,
prius

prius quam baptizari possint. Nam ne hos quidem perire vult pater: cum sint nati in Ecclesia, & Deo oblatis precibus. Et rectè dixerunt veteres, Non priuatio sed contemptus sacramenti damnat. Et pertinet ad illos promissio, Genes. 17. Ego sum Deus tuus & seminis tui post te. Sunt autem filii Abraham omnes credentes.

Casus enim necessitatis legi non subiacet. Patet id exemplo latronis in cruce, qui absque Baptismo saluatus est: cum in fine vitæ conuersus baptizari non posset: & eorum qui octauum diem non attigerunt, neque potuerunt circumcidi. Et semper obuerfetur parentibus ante oculos hæc vox Christi, Non est voluntas, &c.

III. ADMONITIO.

Quia verò Christus paruulos tanto honore dignatur, quod peculiarem atque prolixam de ipsis concionem instituit, atque de salute ipsos certificat, & quomodo patri cœlesti curæ sint, docet: monere voluit omnes, ne quisquam illos contemnat, sicut hoc apertè prohibet, v. 10. neue eos offendat, v. 6. Sed ut quisque quantum in se est æternam ipsorum salutem promoueat. Quia enim Deus illos nō vult perire, quis tam iniquus & impius sit, qui salutem illis inuideat, aut impediat? Notabunt hoc parentes & quicumque alii paruulos habent suæ disciplinæ aut curæ commissos: ne quid intermittant quod pertinet ad salutem paruulorum, sed in timore Domini Ephes. 6. v. 4. educent, nisi grauem Deo rationem reddere velint.

F I N I S.

THEMA XX. CLASSIS IV.

Luc. 7.

Historia Euangelii, De filio viduæ in Nain à mortuis excitato.

DISPOSITIO.

Proverb. 14. dicitur, Extrema gaudii luctus occupat.
At

At hoc loco inuertitur id, & extrema luctus occupat gaudium. Licet enim hæc historia propter multas circumstantias videatur tristissima, si obitum filii viduæ vnicui spectes: attamen propter admirabilem Christi clementiam, atque singulare illud miraculum, est lætissima & consolatione plenissima. Tria autem præcipuè hoc loco in considerationem veniunt.

1. Funeris deductio.
2. Mortui resuscitatio.
3. Spectatorum acclamatio.

I. Pars.

Ad funeris deductionem quod attinet, plures circumstantiæ annotantur. Et lugubria primum hîc spectanda, ut quæ sequuntur maiorem afferant læticiam.

1. Funus fit iuueni. Est enim mortuus Νεανίσκος.
2. Moritur autem hic non peste correptus, fame aut inedia extinctus, non neglectus a parentibus, non cum illorum voluptate. &c. Sed quia terminus vitæ est elapsus. Etenim 1. non solus moritur ruri, sed in vrbe.
2. Matrem habet, quæ valetudinem illius curauit diligentissimè.
3. Nec est inter multos filios abiectissimus, sed vnicus filius.
4. Et dilectus filius matris viduæ.
5. Nec malus, quem omnes velint extinctum, sed frugi est. Quod inde patet, quia tota ciuitas comitatur illius funus.

6. Nec pauperem fuisse credendum est. Quia tot comites funeris forsitan non habuisset: iuxta prouerbi-um, *Stirbt der Reich / so geht man mit der leich / Stirbt der arm / so geht man das; Gott erbarm.*

Idem volunt antiqui rhythmî: Cum moritur diues concurrunt vndiq; ciues, Cum moritur pauper, vix adest vnus aut alter.

Sed his omnibus non obstantibus moritur adolescens.

Phe.

Pheretro includitur, extra urbem deportatur, terræ demandandus. Idque non sine ingenti matris viduæ luctu, quæ flet amarissimè, &c.

Locvs I. Videmus contra mortem neminem posse habere firmum præsidium, vel ab ætate & adolescentia, vel ab opibus, vel à cura corporis diligētissima, &c. Summa, nec herba etiam nec cataplasma sanat, Sap. 16. v. 12. Varias solent homines fingere causas mortis. Cœli constitutionem, contagium, conuersationem, aëris infectionem. Vera hæc esse possunt. At respiciendum ad eum, qui hæc omnia habet in sua manu. Et qui dies vitæ annotauit, Psal. 139. Is posuit terminum, Job. 14. Et hunc nemo præteribit. Omnibus enim in Adamo dictum, Morie morieris, Gen. 3. Omnibus mori constitutum. Hebr. 9. Est via vniuersæ carnis, 1. Reg. 2. Ios. 23.

Quia omnes sumus peccatores, Mors autem stipendium peccati, Rom. 6.

Hæc admonitio magnam habet vtilitatem. Hinc orat Psaltes Psalm. 39. & 90. Doce nos, &c. Vt ambulemus corde sapienti. Quomodo id fiet?

1. Memorare nouissima, & non peccabis, Syrac. 7. Syrach. 18. Memento finis & iræ, & noli differre pœnitentiam, Ecclesiast. 12. Memento Creatoris in iuuentute tua, &c.

2. Frequens mortis meditatio faciet, vt in tempore disponamus domui Esa. 38. & impediet varia consilia, quæ futuros multos annos pollicentur. Psal. 146. vers. 4. Exiuit spiritus eius & perierunt, &c. *Unsere Anschläge gehn immer für dem Jüngsten tag hinaus.*

3. Sæpè cogitandum de morte, vt cum appropinquauerit hora, non ita trepidemus, sed parati simus etiam in adolescentia mori. Nam qui citò moritur mox erit in refrigerio. Sapient. 4.

L. II. Docent nos comites huius funeris, omninò decere Christianos, vt ad deductionem funeris adsint frequentes: non iuxta prouerbiū supra annotatum.

1. Sic

1. Sic enim testantur suum amorem erga defunctum, & extremum honorem habent.

2. Sunt hæc solatia viuorum, teste Augustino. Nam multum recreat mæstos, si alii compatiantur ipsis.

3. Et profunt hæc spectacula, ut cogitent qui funus sequuntur, Hodiè tibi, Cras mihi, Syr. 38. vers. 23. Ideoque melius ire in domum luctus. Viuus id reuocat ad animum, Eccles. 7. v. 3.

II. Pars.

Mortificat Deus & viuificat, 1. Sam. 2. Ideoq; post luctum etiam videbimus gaudium.

1. Christus enim aduenit in tempore, dum iam extra portas deportatur defunctus.

2. Et hic quidem ἐπὶ λαγχνίδι. Et mæstam consolatur matrem. Noli flere.

3. Tangit pheretrum, manu omnipotenti.

4. Mandat defuncto ut resurgat, ac si dormientem excitaret.

5. Confestim surgit mortuus & matri traditur.

L. I. Vno verbo potest hic Christus efficere, quod totus mundus coniunctis viribus non posset. Ideoq; de nostra resurrectione nullum nobis debet esse dubium. Vox enim Christi euocabit omnes, Ioan. 5.

De resurrectione vide suprà in hac Classe, Dispos. The-
mat. 6. & 17.

L. II. Consolatio Christi, Noli flere, ad omnes pios parentes pertinet, qui per mortem amiserunt chara pignora. Recipient enim illos suos liberos, 2. Sam. 12. v. 23. Et quidem maiori cum gaudio quàm hîc, quia non de-
nuo moriendum, sicut huic.

L. III. Inprimis viduæ consolationem habent, quod Christus dicitur misericordia motus super hanc viduam. Sunt enim illi commendatissimæ, qui potest compati, Hebr. 2. & 5. Ideoq; non vult illas lædi, Syr. 35. v. 17. Deus Iudex illarum est, Psal. 68.

III. Pars.

Supereſt tertia pars, de iudicio ſpectatorum. De matre nihil dicitur, quia veriſimile eſt, illam hac ſubita mutatione luſtus in gaudium, penè exanimatam, vt neſcierit, an verè hæc agantur, &c. Cæteros verò omnes inuaſit horror. Timuerunt enim quod hætenus non agnouerunt maiestatem Chriſti.

Deum celebrant & agnoſcunt, ſurrexiſſe magnum illum Prophetam, de quo Deut. 18. Diuulgatur id paſſim.

L. Hic principalis eſt finis omnium beneficiorum, & miraculorum Dei, vt celebremus Dominum & agnoſcamus illius bonitatem, omnipotentiam, &c. Et fidem hinc noſtram confirmemus. Scripta ſunt vt credatis, Ioan. 21.

Gratitudo hæc placet Deo, ſacrificium ſcilicet labiorum, Hebr. 13. Vide Pſalm. 50. v. 14. & 69. v. 31. Sic accenditur Deus vt ſubinde addat plura.

F I N I S.

THEMA XXI. CLASSIS IV.

Hebr. 2. verſ. 14.

Posteaquam igitur pueri commercium habent cum carne & sanguine, & ipse similiter particeps factus est eorundem, ut per mortem aboleret eum, qui mortis habebat imperium, hoc est, Diabolum, &c.

DISPOSITIO.

Commendat nobis Apoſtolus in hoc capite ſummam humilitatem, & ſimul *φιλανθρωπίαν* Chriſti Saluatoris, qui homines miſeros peccatores fratres & pueros vel filiolos ſuos vocare non erubeſcat, allegatis hac de re teſtimoniis veteris teſtamenti, ex Pſalm. 22. & 16. atque Eſ. 8. cap. deſumptis. Quia imò Chriſtum propter hos ſuos pueros & filiolos carnem aſſumpſiſſe docet.

Cum itaque hic locus admodum ſit illuſtris, nos primum

num illius genuinum sensum inuestigabimus. Deinde locos præcipuos breuiter subiiciemus, qui ad præiens institutum faciunt.

Paraphrasis Textus.

Vt rectius hunc Apostoli locum intelligamus, erunt nonnulla paulò altius repetenda.

Offendebantur Iudæi vehementer concionibus illis, de cruce & passione Christi. Hinc Paulus 1. Cor. 1. Prædicamus Christum crucifixum offendiculum Iudæis. Hoc eximere illis cupit Apostolus hoc loco, ostendens passionē illam nihil detrahere de laude maiestatis Christi; imò propter hanc ipsam summis laudibus esse dignum, cum propter nos homines se morti obiecerit.

Cuius tanta sit bonitas & clementia, vt licet is æternus Dei filius sit, tamen nos miseros peccatores fratres & filios seu pueros suos, Dauide & Esaia testibus, (locis vbi suprà) vocare non dubitauerit.

Hoc verò nomine ipsum suos appellare voluisse, propter communionem & consortium eiusdem carnis & sanguinis. Quia n. fratres Christi, quos pueros suos blando & dulcissimo nomine vocauit, cum carne & sanguine commercium habent: Caro autem & sanguis regnum Dei hæreditare non possunt (1. Cor. 15.) propter peccatum inhærens, Ideoq; Christus carnem & sanguinem (absque tamen peccato) & veram humanam naturam ex Maria assumpsit, eamque vnione personali sibi fecit propriam, vt pati & mori posset pro suis pueris & fratribus.

Quare autem in carne passus, & mortuus etiam fuerit, ostenditur verbis elegantissimis; sc. vt per mortem aboleret potestatem Diaboli. Is enim per peccatum mortem introduxit super omnes, ideoque mortis dicitur habere imperium. Et quia semel consenserunt primi parentes Diabolo, ideoque is in perpetua seruitute illos detinisset, & mortis metu per omnem vitam afflixisset miseros;

Christus itaque filius Dei misertus generis humani aboleuit Diaboli imperium, & in libertatem pristinam asseruit homines incarnatione, passione & morte sua. Quomodo igitur non perpetuis laudibus celebret ipsum totum genus humanum, è faucibus Satanæ & mortis ereptum?

At quomodo destruxit imperium mortis, cum omnibus sit adhuc moriendum?

Respondeo. Duplex est mors, teste Apocalypsi Ioannis, prima & secunda, Apoc. 21. Quia verò Electi liberati sunt à secunda, hoc est æterna morte, ideoque prima mors illis non obesse potest, sed per Christum est sanctificata, ut sit somnus, Luc. 8. Ioan. 11. & dulcissima quies, Esa. 26. & 56. Apoc. 14.

Nullum itaque Satan in ipsos, neque ratione primæ neque secundæ mortis, potest exercere imperium, idque beneficio liberantis Christi fratris nostri amantissimi.

L O C I.

I. Quando de summa nostra dignitate cogitamus, quæ in eo cōsistit, quod ipse filius Dei carnis nostræ est factus particeps, semper in Domino gaudere debebamus. Sic enim omnis nostra indignitas & ignobilitas, in quam per peccatum incidimus, tecta & abolita est. Sumus etiam hoc nomine Angelis superiores, cum Christus non Angelos sed Abrahamæ semen assumpserit, quod Apostolus hoc eodem loco & capite, vers. 16. deprædicat. Magna hæc est consolatio, quod sancti patres intellexerunt. Hinc Augustinus: Vbi caro mea dominatur, ibi me regnaturum spero. Vbi sanguis meus, ibi me gloriosum credo.

II. Quamquam hoc loco generaliter omnes suos electos pueros appellet Christus ex Esa. 8. tamen potest hoc non incommodè etiam referri ad eos, qui ratione ætatis & annorum sunt pueri seu infantes.

Magnam enim hinc parentes petere possunt consolationem, si morte abripiantur, quod Satan nullum in illos habeat

habeat ius, cum Christus etiam puer natus, Esa. 9. Carnis particeps factus fuerit, ut pueros sanctificaret. Imò hi certè sunt Christo amicissimi, cum non ex proposito & contra conscientiam ipsum peccatis offendant. Hinc illæ blandæ promissiones: Sinite paruulos ad me venire, quia, &c. Marc. 10. Et, Non est voluntas, &c. Matth. 18. v. 14.

III. Omnibus autem fidelibus mortalibus magnum hoc affert solatium, quod Christus aboleuit potestatem Satanæ, ut suum imperium ratione æternæ mortis non possit exercere in fideles, & electos Domini fratres atque filios. Hinc illud, Ero mors tua. A morte liberabo illos, Ose. 13. 1. Cor. 15.

Facit hoc contra metum mortis, à quo liberati sumus per Christum, Luc. 1. v. 29. Psal. 23. v. 4.

Desipiunt igitur qui tam seruiliter timent, &c. cum Apostolus manifestè dicat, seruituti fideles non obnoxios:

F I N I S.

S E Q V I T V R

C L A S S I S V.

CONTINENS THEMATA

TRACTANDA IN FVNERIBVS EO-

rum, qui in vita sua variis infirmitatibus corporis obnoxij, vel grauioribus morbis correpti, languidi, & multo tempore lectulis affixi, aut diuturniori inualetudine consumpti fuerunt.

T H E M A I.

Gen. 27. v. 1.

Senuit autem Isaac, & caligauerunt oculi eius, & videre non poterat.

D I S P O S I T I O.

Describitur nobis hoc loco Isaaci senis cœcutientis defectus. Quamuis autem hoc præcipuè propter subse-

X 3

quen-

quentem historiam (vbi sc. filio Iacobo pro Esauo benedixit, cum visu illos dignoscere amplius non posset) hîc fuerit annotatum, poterunt tamen hæc paucula verba nobis etiam singularem aliquam doctrinā subministrare. Ideoq; in præsentî funere hanc historiam de cœcitate Isaaci tractandam suscipiemus, maximè hanc ob causam, quod defuncti nostri affectus in senectute huic non multum fuit ab similis. Primum igitur historiam considerabimus. Deinde subiiciemus quosdam locos præcipuos.

I. Pars.

Salomon Ecclesiast. 12. inter alia senectutis incommoda etiam refert, quod obscurentur sol & lumen & stellæ, &c. intelligit defectum visus, qui plerumque in senibus hebetatur.

Hoc accidit piïssimo Patriarchæ Isaaco, de quo dicitur, quod caligauerint oculi illius, vt videre non potuerit.

Et sanè tantus est defectus visus apud ipsum, vt proprios filios amplius discernere & contemplari non poterit.

Existimant nonnulli, singulari quodam casu ipsum fuisse orbatum visu.

At videtur Textus causam huius caliginis voluisse exprimere, cum præcedant hæc verba; Senuit Isaac: sicut etiam de Ahia Propheta dicitur, 1. Reg. 14. quod oculi illius præ senectute caligauerint aut hebetati fuerint.

Nec mirum, fuit enim Isaacus grandæuus, hoc tempore quo oculi defecisse leguntur, annos videlicet centum triginta septem natus. [Sic enim D. Lutherus annos supputat.]

Est autem hæc non minima pars calamitatis senum, defectus visus. Et tantò grauior hæc miseria, quod in Isaaco fuit diuturnior. Cœcutiens enim fuisse dicitur anno ætatis 137. & mortuus anno ætatis centesimo octuagesimo. Durauit itaq; caligo oculorum annis 43. nisi ante finem vitæ aut post aliquot annos bonum Isaacum

cum visum recepisse credamus: de quo tamen historia Geneseos nihil habet.

I I. Pars.

Nunc locum vnum aut alterum ex hoc textu notabimus.

I. Videmus quæ incommoda secum ferat triste senium. Extant illa egregiè depicta loco Salomonis supra annotato, Eccles. 12. Estque senectus ferè mortis aliquod præludium: cū vires simul & sensus languescant, Vide quid Dauidi referat Barsillai, 2. Sa. 19. v. 35. Et quidem non omnium senum vnus est defectus, sed varij sunt illi. Alij in senecta cæcutiunt, vt Isaac & Ahia. Alij carent gustu, & deficit auditus, vt Barsillai, licet corpore adhuc sint vegeto. Alij lectulis sunt affixi, cum pedes non faciant officium, vt Assa, 1. Reg. 15. vers. 23. Alij alia sentiunt incommoda. Et rara sunt exempla talium senum, qui adhuc valent corpore & animo, sensibus atque membris vtuntur integris: sicut Moses, Deut. 34. v. 7.

De cæteris plerumque verum est illud, Senes bis pueri. Et senes quotidie noua audiunt. *Es gibt alle tag neue Zeitung bey ihnen*/ nouos scilicet affectus. Comparatur hac ætas domui ruinam minitanti. Nec incommodè. Itaque miseris non carent boni senes. At si patienter illas ferant, & Dei vocationem in fide expectent, non tentantur vltra vires, sed semper sentiunt leuamen aliquod Diuinum. Hæc vero exempla optimorum senum veteris Testamenti, qui easdem experti sunt miseras, nostratibus proponuntur hanc ob causam;

1. Primò, vt senes inde accipiant consolationem, cum audiant, eandem piissimorum Patriarcharum fuisse fortunam, qui Deo fuerunt amici charissimi. Qualiserat Isaacus, in tantum honoratus à Deo, vt is Deus Abrahami & Isaaci vocari voluerit, Matth. 22. v. 32. & sapius alibi. Exod. 3. v. 15.

Ideoque non putent se à Deo negligi aut odio haberi in senectute, si pij sint. De cæteris alia est ratio.

2. Secundò. Recensentur hæc senectutis incommoda, ad extinguendum præposterū senectutis desiderium. Plerique enim ad longam senectutem viuere cupiunt, non cogitantes, quā miseri tum sint futuri. Hinc Proverbio senectus dicitur hospes sæpè inuitatus, at ingratus vbi comparuit.

3. Tertiò. Quibus obrepit non intellecta senectas, illis necesse erit ardenter orare, ex Psalm. 71. Ne proicias me in diebus senectutis. Pij verò hanc habent promissionem, Esa. 46. Ego ad senectam vsque feram.

II. Docentur omnes, quia tanta sint senectutis incommoda, vt tempus iuuentæ & virilis ætatis bene collocent, & dum valent officia vocationis exsequantur fideliter.

Inprimis verò vt conuertant se ad Dominum Creatorem, antequam accedant dies mali, Eccles. 12. Et non differant pœnitentiam, Syr. 18. v. 22.

THEMA II. CLASSIS V.

Hiob. 2. vers. 7. & 8.

Egressus igitur Satan à facie Domini percussit Iob ulcere pessimo, à planta pedis vsque ad verticem, & accepit testam, vt ea se raderet, & sedebat in medio puluere.

DISPOSITIO.

Nota est vobis omnibus historia, quomodo optimus ille Hiobus, vir diues & potens, breui temporis intervallo omnibus bonis exutus, atque liberis etiam charissimis orbatu fuerit. Grauis fuit carni & sanguini hæc iactura. Dann verlieren ist für lachen gut / dicitur Prouerbio. At patienter illud tulit Iobus, intelligens nimirum, quod illa omnia tantum mutuo quasi acceperit à Domino: atque cum nudus egressus sit ex vtero matris, quod nudus etiam in terram sit reuersurus: & gratias agit Deo, quod vitæ & corpori hætenus pepercit. Daß er nur mit der Haut darvon kommen. Quin ipse Diabolus intelligit,

git, pellem pro pelle posse relinqui, Iob. 2. v. 4. At præsens historia licet breuissima docet, tandem etiam corpus Iobis fuisse afflictum grauissimè: Unde das es ihme gar an die Bunden gehen.

Videamus igitur 1. Afflictionem Iobis in proprio corpore.

2. Vnde illa, vel quæ huius causa.

3. Quo animo hanc etiam calamitatem tulerit.

I. Pars,

Legitur Hiobus percussus vlcere pessimo. Est hoc genus morbi grauissimum & molestissimum, si corpus scabie & vlcerebus sæuis atq; difficilibus inuasis rubet, ardet, inflammatur, vt tanquam in perpetuo igne viuat homo. Estq; magis mors mori nescientis, quàm morbus vitam sperantis, si inueteratus & difficilis sit. Iam crusta inducitur vlceri, iam callus, mox serpit malum, ac procedit aliorum, &c. Inter afflictiones Lazari numerantur etiam vlcera, Luc. 16. Et potest homo vel ex vno vlcere grauissimos perpeti dolores.

At de Iobo dicitur, quod totum corpus à planta pedis ad verticem capitis vlcera deploratissima occupant.

Et illa sanè ita deformant hominem, vt hoc capite (vers. 12.) nō amplius agnitus fuerit ab amicis bonus Hiobus. Atque lachrymas exprimit illis hæc amici miseria, vers. 12. Hinc colligere est, quantus dolor fuerit hic.

L. I. Vlcerosos, aut scabie maligna, lepra, psora, vel aliis huius morbi speciebus infectos, solari potest hoc Iobis exemplum, sicut & Lazari, de quo supra, si intelligant, non se solū nouo exemplo sic affligi, sed idem accidisse piissimis, & Deo charissimis hominibus. Et si non ipsi sibi huius mali authores sunt, bonæ conscientie testimonio freti, in silentio & spe, Esa. 30. v. 15. Dei auxilium expectare: & in patientia animas suas possidere, Luc. 21. debent. Sicut Hiob hoc loco, qui vir simplex & rectus fuit, ipsius Dei testimonio.

Monendi tamen hoc loco auditores, ne sibiipsis has calamitates attrahant. Quod faciunt ebriosi (sentientes illud v̄æ, Prou. 23. v. 28.) & scortatores, de quibus maximè sapiens Syrach 19. v. 3. & alij, quos Deus fœdis morbis punit. Cogitent illi, si Hiob vir iustus & rectus tam grauitè affligitur, quid de te statuet Deus? Et tales præter corporis morbos etiam sentiunt stimulum cōscientiæ, nec cum Iobe consolationem habent vllam, sed experiuntur digna factis suis.

II. Pars.

Sed vnde tanta calamitas Iobis? Causa huius mali hoc loco adscribitur Satanæ. Satan percussit eum. Et sanè is malitiæ suæ indulgens, omnes neruos suos intendit. Ergone Satan potest suam tyrannidem exercere in sanctos Dei homines? Respondeo. Non nisi Deo permittente hos potest affligere. Ideoq; dicitur Satan [egressus à facie Domini] percussisse Iobū: hoc est, impetrata à Deo venia. Videmus enim in illa historia, quomodo sollicitarit Deum, vt liceat ipsi affligere Hiobum.

L. Videmus quantum in Satana studium nocendi piis. Et quanta Deo permittente illius malitia. Quomodo tractat bonum Iobum? Videatur caput 1. & 2. Quomodo incurauit mulierem? Luc. 13. v. 11. Is mutum & cœcum etiam facit, Matth. 12. & Luc. 11. Vide Marc. 9. v. 22.

Ideoque non vocandus (quod multi solent, semper in ore habentes Diabolum) nec contemnendus tanquam hostis impotens, vt Iob 41. monet. Est enim ἐπιχαιρέτης. Est ἀπολλύων, perdens, Apocal. 9.

Rogandus Deus, ne illi permittat, vt possit nocere: & vt nos contra ipsum muniat excubiis sanctorum Angelorum, iuxta promissionem P̄sal. 34. v. 8. & 91. v. 11. Quare autem Deus permittit interdum Satanæ, vt tam grauitè exerceat pios, sicut Iobem hîc & alios?

Respondeo. Ad probandam fidem, spem & patientiam piorum, vt aliis sic exempla proponat. Sicut aurum in igne probatur. De hoc Syr. 2. Prou. 17. v. 3. Sap. 3. 1. Pet. 1. v. 6.

In-

Interim tamen hoc consolatione plenum est, quod semper illi præfigitur terminus, ut clarè patet ex hac historia. Primum enim non poterat nocere corpori, sicut iam vitæ illius. Vide cap. 1. v. 12. & 2. v. 6. Imò ne porcos quidem perdere potest, absque permissione Christi, Marc. 5.

III. Pars.

At quid Iobus in tantis miseriis? Non maledicit Deo hoc tempore, & hoc loco, non irascitur Satanæ aut hominibus malis, non tribuit hoc veneficis, &c. Sed patienter adhuc fert omnipem calamitatem. Nō n. ignorat hæc diuinitus accidere, cum in se causam huius morbi nō inueniret, intemperantiam diætæ, aëris vel aquæ corruptionem, &c. Sedet in medio cinere aut puluere, q̄ facere solebant, qui pœnitentiam suam ostendere volebant. Sic n. seipso admonēbant, quod ex terra facti in terram sint reuersuri.

Eratq; in Iobe fortis animus in morbo desperatissimo: quia saniem & pus testa aperiebat, atque cutem incrustatam pustulis radebat.

L. Patientiam docet Iobus in afflictionibus etiam grauiissimis: ut non tam simus molles & effœminati, qui lenissimè afflicti insurgamus aduersus Deum, nec tam simus stupidi, ut causam malorum hominibus vel Satanæ tribuamus, sed vltèrius respiciamus ad Deum ipsum. Et dicamus id Hos. 6. v. 1. Percussit & sanabit nos. Ad Dominum, &c. Atque carni ad morem vxoris Iobis, sollicitanti ad impatientiam vel defectionem, respondeamus illud Iobi, hoc capite, v. 10. Si bona suscepimus, &c. De patientia vide plura Hebr. 10. & 12. Iac. 1.

F I N I S.

T H E M A III. C L A S S I S V.

2. Sam. 4. à v. 4. ad 5.

De Mephibosetho filio Ionathani claud.

Hæc historia in funere claudi alicuius tractari potest.

DIS

D I S P O S I T I O.

Conuenit hæc historia de Mephibosetho claudobona ex parte cum ea, quæ accidit ante complures annos, cum nostro defuncto, quem iam humo mandauimus. Ideoq; illam paucis expedire animus est, cum illa omnia ad nostram vtilitatem facere possint.

Videbimus autem 1. De illa miseria Mephibosethi. 2. Quomodo in hanc calamitatem inciderit.

I. Pars.

Mephiboseth filius est Ionathani, piissimi filij Saulis. At magna illius est miseria, quod non tantum patre orbatur cum puer esset, sed à quinto ætatis anno claudus est, vt pedes non faciant officium. Ipse conqueritur de hac miseria coram Dauide, 2. Sam. 19. v. 26. Neque est dubium quin ipsi hæc fuerit grauissima, quia ineptum reddit hominem ad omnes penè labores. Non potest virtutem parentis imitari bellando, non res magnas facere, sed domi sellæ affixus hæret.

L. I. Agnoscant qui membris omnibus vtuntur integris atque validis, quantum hoc sit Dei beneficium. Et propterea illis non abutantur, ad nocendum proximo, nec ad peccandum. Sint membra illorum arma iusticiæ. Rom. 6. v. 13.

De hoc pauci cogitant: sed malè.

L. II. Qui verò pij defectus tales sentiunt in suo corpore aut membris, præsertim si sint perpetui & grauiores, illi sciant, à Deo hanc quidem ipsis immissam esse calamitatem, non vt pereant, sed vt hæc ipsa, sicut omnia alia, diligentibus Deum cooperentur in bonum. Rom. 8. Et certò hoc sibi persuadeant, hunc defectum ipsis in multis prodesse. Alioquin fortassis tentarent, quæ corpori & animæ possent nocere, si vterentur membris omnibus integris. Et sic perpetuam damnationem sibi ipsis accerferent. Cum hac ratione si lectulis affixi sint, multò ardentius & crebrius suas fundant preces & amplius

plissimam habeant occasionem seruiendi Deo. Patet exemplo Mephibosethi. Si fuisset valido corpore, fortassis affectasset regnum auitum: quod patruus Isbosethus fecisse legitur. Et sic Deum offendisset atque miserè perisset, corpore & anima. Cum verò ineptus sit ad regnum, contentus est sua sorte: nec quicquam tentat. Sicque viuit ad longam senectutem in pace, qui alioquin occubisset iuuenis in peccatis suis, sicut Saul. Satiùs itaque est illi, ut ingrediatur in cœlum claudus, &c. Matth. 5. v. 30. & Matth. 18. v. 8. Explicari potest hoc latius & ad cætera etiam accommodari mala.

Quicumque igitur sunt claudi, cœci, surdi, paralytici &c. patienter ferât istam calamitatem, quæ in bonum cedit: nec inuideant cæteris, qui rectius valent, nec Deum accusent iniusticiæ vel iniquitatis: cum ipsi liceat facere de suo quod vult, Matth. 20. v. 15. Nec quicquam debeat cuiquam, cum nemo illi prior dederit, Rom. 11. v. 35.

II. Pars.

Si sua culpa Mephibosetus incidisset in hanc calamitatem, atque periculum sibi ipsi volens creasset, si incitato equo, aut saltu superbo atque non necessario Deum tentasset, &c. utique digna factis suis accepisset præmia.

At innocens ipse hæc experitur mala. Nam puer quinque annorum claudus fit. Licet enim ancilla, cui ipse erat commendatus, strenuè fecerit officium, & posthabitis omnibus suis, filiolum sibi commissum regis nepotem, præsentissimo hostium periculo subtrahere, atque per fugam salutem illius promouere voluerit, accidit tamen in istis angustiis, ut puer singulari quodam & difficili casu luxatis membris claudus factus fuerit.

At interim bonus vir sentit Dei gratiam, cum pius fuerit, & pij patris filius. Hæres enim fit omnium bonorum Saulis, quæ priuatus possederat. Estque in magna gratia apud Dauidem (licet non omnis calamitatis expers) atq; liberaliter sustentatur à Rege, adhibitus mensæ regiæ, &c. Vide 2. Sam. 9.

L. I. Nemo temeritate sua sibi ipsi accersat calamitates, aut corpori suo atque membris damnum det: quod multi faciunt, præsertim audaculi illi, qui interdum inanis gloriolæ causa non necessariis sese implicant periculis. His minatur Sapiens, qui amat periculum, peribit. Syr. 3. v. 27. Docet Christus Deum non tentandum, Matth. 4. v. 7. Et semper cogitandum, Satanam esse qui tales addat stimulos (præsertim ebriis aut nobilioribus ingeniis) ut de pinna templi sese præcipientes dent, Ibidem. Hoc enim agit ut perdat homines.

Quod si quis præter suam culpam (ut Mephibosetus) incidat in magnas misérias, is sciat Deum ipsi iam paternè prospexisse, & Dauidi ipsius curam demandasse, ut habeat miser unde vivere possit.

Et debent hac in parte Magistratus imitari exemplum Dauidis, ut miseris prospiciant de victu: nisi ipsi vel posteri eandem calamitatem sentire velint.

Præsertim verò benefaciendum iis, qui benè sunt meriti de Repub. vel Ecclesia, aut quorum maiores boni fuerunt, sicut Ionathan: maximè verò iis, qui in vocatione sua damnum acceperunt, præter suam culpam.

L. II. Exemplum optimæ nutricis Mephibosethi imitentur omnes, quibus cura liberorum est demandata: siue diuitum siue pauperum liberis seruiant. Nihil temerè negligant. Deus erit merces. Quod si præter ipsarum culpam accidat quippiam, Deo, non ipsis esttribuendum, & habent illæ bonam conscientiam.

F I N I S.

T H E M A I V. C L A S S I S V.

2. Paralip. 16. vers. 12. ad 14.

De Assa Rege agro ex pedibus, &c.

In funere Podagrici tractari potest historia.

D I S P O S I T I O.

Rectè dicitur, Nemo sine crimine viuit. Licet enim Assa
Rex

Rex Iuda, in historiis sacris, legatur fecisse, quod bonum erat coram Domino, 2. Par. 14. v. 2. tamen hoc loco etiam facit, quod non est bonum nec placitum in conspectu Dei sui: præsertim cum æger esset pedibus. Et sicut cum sanus esset reprehensionem meretur, 2. Paral. 16. v. 7. ita etiam cum æger est. Et hic tamen inter pios Reges Iuda numeratur, quorum numerus octauum non excedit.

Videbimus 1. Quo morbo laborauerit Asa.

2. Quomodo durante ægritudine sese gesserit.

I. Pars.

Rex Asa biennio ante obitum ex pedibus laborat. Et quidem grauissimè. Est enim dolor Podagricus intensissimus, quod experti forsitan testari poterunt.

Nec minuntur dolores progressu temporis, sed augentur. Nec quicquam medicina valet.

Estque illi hic morbus lethalis. Mortuus enim legitur anno regni 41. cum anno 39. agrotare cœpisset.

Causa huius ægritudinis non quidem disertis verbis ponitur, sed ex præcedentibus faciliè potest colligi. Etenim cum ex mandato Dei Propheta Hanani Regem obiurgasset, ille & Prophetam carceri inclusit, indignè scil. ferens reprehensionem, & nonnullos etiam ex populo iniuste oppressit.

Et dicunt Hebræi, Regem iniecisse Prophetæ compedes. Ideoq; etiam pœnas luissè dolore pedum. Quod si verum est, expertus est Asa illud Sapientiæ 11. vers. 17. Per quæ quis peccat, &c. Vtut sit, propter peccata sua sensit dolores hos Podagricos, quibus etiam confectus est.

L. Multi etiam hodiè sunt podagrici, qui ardent podagræ doloribus: interdum etiam nonnullos morti tradit tarda & nodosa podagra.

Sicut autem generaliter omnes morbi, & quæ sequitur morbum mors, stipendium sunt peccati: ita etiam podagra, Rom. 6.

Et fatendum omninò, quod sicut Asa certis peccatis, ita

ira multi etiam hodie, intemperantia, ira & libidinibus, &c. podagram sibi accersunt. De hoc egregie Syr. 38. v. 15.

Discant itaque alij horum exemplis edocti, vitare talia peccata, quæ tantos dolores & mortem tandem afferunt. Sunt enim multi proprii corporis carnifices & excoriatores, Syr. 37. in fine iuxta Lat.

Qui verò iam in corpore suo sentiunt pœnas suorum peccatorum, illi agnoscant culpam, cum latrone, Luc. 23. v. 41. quod digna factis suis recipiant. Patienter etiam ferant dolores & resipiscant. Sic erit illis hic morbus carnis mortificatio, & salutaris, neque animæ nocebit.

Iuxta tamen & hoc certum est, multos hoc graui morbo affligi, de quibus non possumus dicere, quod vel ebrietate, libidinibus, &c. sibi ipsis authores fuerint huius mali. Quia tamen sunt peccatores, ideoq; premit illos miseria huius vitæ. Illi præter testimonium bonæ conscientiae, quod est magnū leuamen, hanc habent consolationem, quod intelligūt, à Domino immitti hanc plagam. Ideoq; bono possunt esse animo, quod hæc nihil possit nocere animæ, sed paterna tātū sit castigatio & probatio, ne pereant cum mundo, 1. Cor. 11. v. 32. Et quod ultra vires non tētet Deus, 1. Cor. 10. Quod si maximè inter hos cruciatus vitam finiant, benè tamen cum illis agitur, cum ad quietem sic perueniant, Apoc. 14. & liberētur ab omni dolore.

L. II. Posset etiam tractari hic locus: Reges & illustres personas non minus subiacere morbis & morti, quàm pauperes. Testatur exemplum Asæ.

Nec iuuat Medicorum opera exquisitissima, Sap. 16. v. 12. Imo illis magis infesta est podagra quàm rusticis. Hinc apud Iuuenalem locuples podagra vocatur. Quod ipsum Germani imitantur, appellantes illā *Die reiche Kranchheit* &c. Et par est hac in parte conditio omnium, quod omnes coguntur tandem mori, Syr. 14. v. 18. & 4. 1. v. 1. in Lat.

II. Pars.

At qua ratione Rex cruciatus podagræ sedare vel tollere

tere conatur? Quærebat in ægritudine sua Medicos. Et hoc quidem illi vitio vertitur. Numquid igitur non licet hoc? Imò. At Aſa quærit Medicos & non Dominum. Debebat primùm cōverti ad Dominum, & agnoſcere, quod propter peccata commiſſa ſic affligatur. Et non magis in Medicorum opera, quàm in Domino debebat confidere. Grauiſſimè ergò peccat hac in parte, & peccatum peccato cumulat. Neq; tamen eſt dubium, quin ante mortem fuerit conuerſus ad Dominum, cum de omni medicina cogeretur deſperare. Quæſiuit illam ouem errantem Dominus abſque dubio, cum aliàs fecerit placitum coram Deo ſuo.

L. Quia ſcriptura hoc exprobrat huic Regi, caueant omnes ægroti, ne idem faciant, quod Aſa.

Multipliciter autem in his caſibus peccatur. Alij conſulūt Magos, &c. ſicut Aſa ſuum Baal Sebul in Ekron, 2. Reg. 1. Hoc eſt Diabolum conſulere.

Alij non Dæmonem ſed nec Dominum quærunť, aſt mortales homines, ſicut Aſa hîc tantum Medicos. Peccant & hi.

Alij nec Dominum nec Medicum quærunť, & omnem contemnunt medicinam. Hi Deum tentant. Cauenda ergo omnia illa extrema.

Hoc verò agendum, vt ſ. cōuertamur ad eum, qui percuffit nos, Oſe. 6. Et qui verus eſt Medicus, Exod. 15. verſ. 26.

Deinde quæramus Medicum, & vtamur legitimis mediis. A Deo enim Medicina, Syr. 38. v. 2.

Hanc methodum medendi ſcriptura præſcripſit Syr. 38. v. 9. & Iac. 5. v. 14.

Hac methodo Hiſkia procedit. Primo quærit Dominum, & precibus ab ipſo contendit ſanitatē, Eſaiæ 38. verſ. 3. Deinde etiam applicatur illi medicina, Ibidem verſ. 21.

Plerumque enim Deus agit per media.

F I N I S.

Y

THE

THEMA V. CLASSIS V.

2. Paralip. 21. vers. 18. & 19.

De Iorami Regis Iuda morbo iliaco, & morte fœdissima.

DISPOSITIO.

Rectè sapiens Syr. 10. Quare superbit homo, qui terra est & cinis? Quia etiam dum viuit, intestina sua proiecit. Et quamuis medicus multum laboris in curando morbo corpore infumit, tamen hodie Rex est, & cras moritur. Hæc esse verissima, vel præsens de Ioramio Rege historia testari potest: qui viuis intestina proiecit, & ex euisceratione illa moritur: nec vlla cuiusquam medici opera sanari potest. Quia igitur hæc historia valdè est memorabilis, quæ terrorem impiis incutere debet, nos primum circumstantias singulas enucleabimus: Deinde addemus doctrinam vnam & alteram.

I. *Textus Paraphrasis.*

1. Primum sciendum est, peculiari morbo afflictum fuisse Ioramum Regem, qui filius erat Iosaphati. Viscerum enim dolores patitur. Estque intestinorum morbus vehementissimus.

2. De die in diem augetur morbus & dolor etiam: ita vt continuos senserit cruciatus.

3. Durat etiam hæc ægritudo toto biennio. Quod est tempus longissimum homini ægro, continuos sentienti dolores, cui vna hora videtur superare spacium integri mensis.

4. Quod si finito biennio sanitati restitutus fuisset, potuisset postea omnem obliuisci dolorem. At nulla est spes restitutionis. Dicitur n. fuisse morbus incurabilis.

5. Quare incurabilis fuerit morbus, additur: quia scilicet non erat morbus aliquis epidemicus, aut naturalis, vel communis, sed Dominus percussit ipsum. Contra Dominum nullum valet Medici consilium.

6. Id.

6. Ideoque moritur fœdo & incurabili hoc morbo, viscerum sc. projectione, vel euisceratione (vt vocant) anno ætatis quadragesimo.

7. At quæ causa indignationis Domini & huius mali fuit? Illud paucis verbis in sequenti versu 20. ponitur. Ambulauit non rectè.

8. Et sic ipse sibi omnis mali author est. Potuisset vtique pœnitentia feria Deum iratum placare, si non fuisset obstinatus. Etenim miserat magnus ille Elias Propheta literas ad Regem, quibus ipsi hunc morbum &cetera mala prædixit. At ille nihil remisit de sua impietate. Fuit autem parricida, idololatra, & vt summa dicam omnia, affinis in domo Ahab. Et deseruit Dominum Deum suum. Ideoque etiam deferitur vicissim a Deo. Legatur totum hoc caput 2. Paral. 21.

L O C I.

L. I. Variis sunt morbis obnoxij homines, & illorum multi sunt incurabiles, & cum doloribus intensissimis coniuncti. Hic varias solemus inquirere causas, vnde tanta morbi vehementia, &c. At hic locus planissimè nobis edisserit causam, Dominus percussit. Væ illi quem Dominus percutere vult, singulari aliquo morbi genere, vt hoc loco Regem impium. At qua de causa Dominus percutit homines? Hoc per Moysen Deut. 28. indicat: Si non obdieris voci Domini Dei tui, percutiet te Dominus plaga incurabili, &c. Vide v. 22. 27. 29. 35. 59. 60. & seqq.

Magna enim & graua scelera, vt sunt parricidia, idololatria, contemptus verbi Dei apud Ioramum, magnis etiam, fœdissimis interdum & grauissimis morbis punit Deus. Estq; ferè idem Iorami & Iudæ atq; Arij interitus: nisi quod dolores Iorami sunt diuturni.

Sic Herodes ille percussus ab Angelo Domini, factus est *παλιγγενής*, Act. 12.

Et notandum hic, quod apud Deum nullus est personarum respectus, Deuter. 10. 16. 2. Paral. 19. Actor. 10. Er

potentes potenter patientur tormenta, Sap. 6. v. 7. Pateſ exemplo Herodis, Iorami, Antiochi, 2. Mach. 9. v. 5. & 9. & magni illius Monarchæ, qui non ante multos annos morbo pediculari extinctus eſt.

Discant itaque impij exemplis talibus edocti ambulare rectè, quod non fecit Ioramus. Deſiſtite à malo, & bene agere diſcite, Eſa. 1.

At, inquis, numquid & ipſe Hiobus, Dei teſtimonio, vir rectus & ſimplex, fuit percuſſus grauiffimo morbo, de quo Iob 2. verſ. 6. & ſeqq. Et hoc etiam pijs nonnunquam accidit.

Reſpondeo. Verum eſt, nonnunquam pios ſic etiam affligi: at hæc eſt differentia inter horum & inter impiorum afflictiões, quod hi ſentiunt manum Dei offenſi, nec habent conſolationem, ſed pereunt inter calamitates anima & corpore: illi verò tantum probantur & exercentur igne tribulationis, & ſentiunt cōſolationem Dei, nec ultra vires tentantur, (1. Cor. 10. Eſa. 48. v. 16. Et cōoperantur illis omnia in bonum, Rom. 8.) eſtq; illis cōſcriptio diuina ſalutaris, & tantum corpus tangit, non animam. De quo 1. Pet. 1. v. 7. Iac. 1. v. 12. & ſeqq. Hebr. 12. v. 6. & 7. Prover. 3. Apoc. 3. Vno verbo in impijs eſt ultio, *ἡμωρία*: In pijs eſt probatio *δοκιμωρία*.

Et quos pios percuſſit Dominus, illos etiam ſanauit: Iob. 5. v. 18. Ol. 6. v. 1. ſi non corporaliter, ſpiritualiter tamen. De impijs alia eſt ratio.

Discant itaq; ex hoc loco pij patientiam: impij verò reſiſcant, niſi velint eadem aut grauiora experiri. Quibus autem impijs hīc parcit Deus, illi poſt hanc vitam tanto grauiores ſentient cruciatus in lacu ardenti, Apoc. 21. v. 8.

L. II. Multi ſapius (præſertim Magnates & ditiores) conantur Medicis extorquere ſanitatē. At non eſt in Medico ſemper, releuetur vt æger: ſed ſapius medica plus valet arte malum. Quare? Quia quando Dominus percuſſit, ibi homo certè non ſanabit. Sic ipſe Deus nos edocet, Deut. 32. v. 39. Ideoq; non ad Medicum, ſed ad percu-

tien-

rientem te conuerte, piis & seriis precibus. Vbi is percutere cessarit, ibi Medici manus sanare poterit. Vide de hoc in præced. Dispos. plura.

F I N I S.

T H E M A VI. C L A S S I S V.

Hiob 7. v. 1.

Militia est vita hominis super terram, & dies illius dies mercenarii.

Et quæ sequuntur vsque ad versum 6.

D I S P O S I T I O.

Expertis credendum esse, prouerbio dicitur. At si quisquam alius expertus est huius vitæ miseras, certè Hiobus est. Itaq; nobis poterit is explicare rem omnem, prout geritur in his terris. Hoc facit duabus appositissimis similitudinibus, quarum una sumpta est à vita militari, altera à durissima mercenariorum seruorum vita. Has ordinè explicabimus, & ad vsum nostrum accommodabimus, vt vel tandem lobo credere experto discamus.

I. *Pars.*

Primum comparat Iobus vitam hominis militiæ, & quidem perpetuæ. Nec inconuenienter tum propter hostes, tum propter alia incommoda, quæ militiam comitantur.

I. Quod hostes attinet, sunt nobis perpetui aduersarij, & quidem plurimi: vt Saran, cum quo nobis ἀπὸ τοῦ πολέμου, 1. Pet. 5. v. 8. Ephes. 6. v. 12.

Item mundus. De quo Ioan. 15. v. 19.

Imò propria caro, quæ semper concupiscit aduersus spiritum, Galat. 5. v. 17. & Rom. 7. v. 18.

Hinc rectè Paulus: Quis me liberabit, Rom. 7. v. 24. Et 2. Cor. 7. Foris pugnae, intus terrores.

II. Deinde varia sunt, quæ militem affligunt, cum quibus non minus pugnare cogitur: vt sunt, æstus, frigus, pluuia, nebulae, fames, sitis, & infinita alia.

Ita homini perpetuo conflictandum cum variis adversitatibus, ut sunt calamitates domesticæ, morbi, paupertas, &c. Et mille mortibus quotidie obicitur homo. Summa, labor & dolor, Psal. 90.

DOCEMUR, Perpetuò in his terris standum in acie, contra varios nostros hostes. Arque pugnandum strenuè. Non decet milites ignavia, non fuga, non metus, non trepidatio.

State, Ephes. 6. v. 14. Resistite, 1. Pet. 5. Iac. 4. vers. 7.

Pugnandum autem contra Diabolum armis illis, quibus nos instruit Paulus, Ephes. 6. vide ibi.

Contra mundum his armis, de quibus 1. Ioan. 2. v. 16. Galat. 6. v. 14. 1. Corin. 7. v. 31.

Contra carnem his quæ Rom. 8. v. 6. & 12. atque seqq.

At ut possimus fortius pugnare & victoriam reportare, vigilandum, sobrietati studendum, orandum, 1. Pet. 5. Matth. 24. Mar. 13. Luc. 22.

Contra varias afflictiones pugnandum:

{ Fide, Esa. 7. v. 9. Nisi credideritis, Ioan. 16. confidite.

{ Spe, Esa. 30. In silentio. Rom. 8. v. 17. 2. Cor. 4. v. 17.

{ 2. Tim. 2. v. 11.

{ Patientia, Matth. 10. v. 38. Mat. 11. v. 29. Luc. 21. v. 19.

Qui legitimè certauerit coronabitur, corona immarcescibili, 2. Tim. 2. v. 5. & 4. v. 8. 1. Cor. 9. vers. 25. Vincenti dabitur, Apocalyps. 2. cap.

II. Pars.

Comparat etiam dies vitæ nostræ Hiobus servorum & Mercenariorum conditioni. Illorum sanè dura & misera est vita, & fuit olim multo asperior, cum essent mancipia. Necessè est illos portare pondus diei & æstum. Desiderant itaq; gratam umbram, & præstolantur finem operis. *Seny froh waim es fenerabend ist*: ut possint respirare à laboribus, & quiescere paulisper.

Ita inquit Hiobus, multos absumpsi menses, vanis desideriiis, ubi de mane desiderabam videre vesperam.

Quan-

Quando venerat vespera (cum noctes insomnes ducerem) desideravi videre solem orientem.

Causa harum molestiarum recensetur. Quia scilicet scabie maligna & ardentissima totum corpus Iobis erat obductum & quasi incrustatum: vt maluerit tegi tenebris, quam in conspectu hominum sedere. Tanta enim fuit corporis ipsius deformatio, vt non agnitus fuerit ab amicis. Vide supr. cap. 2. v. 12.

Licet autem non omnes per Dei gratiam perpetua cum inualitudine conflitentur, tamen dies nostri haud paulò sunt meliores diebus mercenariorum, si vitæ nostræ cursum penitius aspexerimus.

In tantis enim & tam frequentibus vicissitudinibus rerum humanarum, vbi semper extrema gaudii luctus occupat, Prou. 14. v. 13. vbi semper spes, timor, mors, Syr. 41. v. 1. vbi quod pretiosum labor & dolor, Psalm 90. v. 10. vbi perpetua peregrinatio, Genes. 47. v. 9. Psal. 119. v. 19. Et summa, vbi nihil, nisi pulvis & cinis, & perpetuus ille *σενανμός* omnium creaturarum, de quo Roman. 8. v. 22. qui quæso aliud est, quàm perpetuum mercenariorum *d.* fiderium.

Docent nos hæc quæ diximus, multum desipere eos, qui tantoperè huius vitæ delicias deprædicant, (nobilem vitam illam vocantes) & qui perpetuò in his terris commorari optant. Quod faciunt qui inuiti moriuntur.

Numquid enim non magis grata est vmbra laboranti mercenario, quàm pondus & æstus diei? Hinc pii desiderant alterum domicilium ingredi & superindui, 2. Cor. 5. v. 2. Cupiunt dissolui, Phil. 1. v. 23. Canunt, nunc dimittis, Luc. 2. v. 29. Orant, veni Domine Iesu. Apoc. 22.

At stulti homines, qui tantum terrena sapiunt, Philip. 3. v. 19. quorum Deus venter, non quærunt quæ supra sunt, Col. 3. v. 2. Phil. 2. v. 21. non tendunt ad metam præfixam, Phil. 3. v. 14. quia non credunt mortem lucrum, Phil. 1. v. 21. non intelligunt Mortuos quiescere à laboribus, Apoc. 14. v. 13. in cubilibus suis, Esa. 56. in fine.

THEMA VII. CLASSIS V.

Psal. 130. vers. 5. & 6.

Exspectaui Dominum, exspectauit anima, & in verbo eius speraui.

Anima mea in Domino à custodia matutina vsque ad custodiam matutinam.

DISPOSITIO.

Desumpta sunt hæc verba ex Psalmo 130. qui interfectem pœnitentiales est numero sextus: in quo Dauid veniam delictorum petit, ex corde pœnitenti, & sibiipsi spem facit indubiam, de clementissima Dei liberatione ex omnibus peccatis.

Hæc autem paucula quæ prælegimus verba docent, quid agendum in tentationibus, ubi angunt peccata, & quando non statim sentimus Dei gratiosam condonationem peccatorum. Quia igitur Dauid, qui in hac palestra fuit exercitatus, nos suo exemplo optimè potest instruere, agite 1. diligenter attendamus animum ad ea, quæ nobis hic proponit. 2. Deinde etiam qua ratione nobis hæc vsui esse possint, dispiciendum erit.

I. Textus explicatio.

In magnis & grauissimis tentationibus (hoc enim est illud, De profundis) clamauit Dauid ad Dominum, & humiliter ab ipso petiit delictorum suorum remissionem & veniam. Quia nouit apud vnum Deum esse propitiationem, vt versus 4. innuit.

Quoniam autem non mox Satan cessat sua spicula in nos torquere, nec subito euanescit omnis tentatio, ideoque Dauid in verbis prælectis ostendit.

1. Quod maximas illas tentationes superet spe firmissima. Exspectare enim se Dominum inquit.

2. Et vt exprimat certam atq; magnam fiduciam in Deum, repetit denuo, Exspectat anima mea. Ex corde
& ani-

& anima mea in te solo omnem meam fiduciam colloco.

Es geht mir von hertzen/ vnd ist mir crucht.

3. At numquid interdum fallit spes tua? Minimè. Etenim non in incertum spero, at in verbo tuo speravi.

Sic Psalm. 27. vers. 8. Proposuit tibi cor meum, verbum tuum. Tu me non decipies, Quia in verbo tuo promissisti peccatorum remissionem omnibus pœnitentibus, ideoque nihil dubito, quin mihi sis futurus propitius.

4. Interim tamen Deus sapè differt suum auxilium aliquanto diutius, vt non statim sentiamus gratiam illius & fauorem. Hoc me non terret, inquit Dauid. Id. eoque instantè clamo & non cesso benè sperare. Sperat anima mea à custodia vna matutina ad alteram. De die in diem insto & nunquam cesso.

II. Loci.

1. In omnibus tentationibus tutò possumus inniti verbo Dei & promissionibus illius, vt sic alatur & sustentetur in nobis fides. Nisi verbum tuum solatio mihi fuisset, periissem, Psal. 119. v. 50. & 92. Nec quicquam hîc dubitandum, si maximè Deus videtur non velle stare promissis. Nescit enim mentiri Deus, Hebr. 6. 1. Sam 15. v. 29. Verbum eius veritas, Ioan. 17. Psal. 33. vers. 4. Et prius cœlum & terra transiret, quàm periret vnus apex, Luc. 21. v. 33. Psalm. 119. v. 89. Sit itaque verbum Dei firmissima salutis nostræ anchora, Heb. 6. v. 19. Ideoque rectè Dauid. In verbo tuo sperauit anima mea. Et hoc sapius repetiit, in verbo tuo supersperavi, Psalmo 119. v. 74 81. 114.

Rogat etiam Dominum vt confirmet in ipso verbum suum, Psal. 119. v. 28. & iuxta verbum suum erigat ipsum. Ibid. v. 25. vide Psalm. 119. v. 49. & 50. Commendat quoque hoc nomine Dominum quod verbum inuiolatum seruat, Psalm. 105. v. 8. & 42. Psal. 56. v. 11. Psalm. 33. vers. 4. Contra verò reprehendit eos, qui non credunt verbis Domini Dei sui, Psal. 106. v. 12.

Notanda hæc sunt contra Satanam, qui conatur no-

bis persuadere in tentationibus, Deum non fore memorem promissi verbi sui de peccatorum remissione, præferrim cum videtur nobis Deus iratus & mutatus in crudelem, Hiob. 30. v. 21. quando videtur nobis omnem præcludere aditum, Thren. 3. v. 9. Notanda contra propriam carnem, quæ conatur nos abstrahere à verbo Dei, ut tantum intueamur præsentia, in quæ incidimus mala: & existimemus Deum oblitum verbi sui, Psalm. 77. v. 8. & seqq.

L. II. Docet etiam Psalter, Deum interdum differre suum auxilium, & tum patienter expectandum tempus quod ipsi placuerit. In silentio & spe, Esai. 30. v. 15. Et sic hortatur semetipsum Psalter, expecta Dominum, Psalm. 27. v. 14. & 37. v. 34. &c. Vide etiam Psalm. 40. v. 1. & 52. v. 11. & Psalm. 69. vers. 7. & Psalm. 119 v. 166.

Debet hoc in nobis excitare patientiam, quando mortas neccere Deus, & non statim precibus nostris annuere videtur. Cogita, David à custodia vna ad alteram cogitur expectare, Iob. 7. aliquot menses expecta. *So wirdt dir Gott nicht gleich von stund an auffweisen.*

Deinde facit hoc, ne Deo tempus præscribamus auxili, quod Regulus fecisse legitur, Ioan. 4. v. 49. cum is sit adiutor in opportunitate, Habac. 2. v. 3. Si moram fecerit, &c. Vide Iudith 8. v. 13. Recte igitur canit Ecclesia: *Er weiß wol wanns am besten ist. &c. Item Gott ist nie weit: Er weiß die Rechte zeit. &c.*

Beati omnes qui expectant, Esa. 30. vers. 18.

Potest hoc in specie iam etiam accommodari ad eos, qui morbis diuturnioribus premuntur, & sæpè desiderant liberationem. &c.

F I N I S.

T H E M A VIII. CLASSIS V.

Syr. 30. v. 17.

Melior est mors quàm vita amara, aut languor perseverans.

DIS-

D I S P O S I T I O.

Quicquid viuit in terris odit mortem, & vitam diligit. Mortem enim malam, vitam autem bonam omnes iudicant. Nec mirum. Quia vita est à Deo autore omnis boni, Iac. 5. v. 17. Mors vero est à Diabolo autore omnis mali, vide Sap. 2. v. 24. At Syrach hoc loco monet, fieri etiam posse, vt mors sit melior vita, & vt viuens eligat mortem magis quàm vitam. Considerabimus igitur 1. qua ratione mors melior sit vita. 2. & quid ex hac cōsideratione vtilitatis ad nos redire possit, subiiciemus.

I. Pars.

Vitam alioquin vocamus nobilem vitam: sicut certè per se erat nobilissimum Dei donum. Ideoque non mirum quod omnis creatura diligit vitam. Et sanè si per nos staret, nemo optaret mori: si non essent quæ huius vitæ tædium possunt afferre.

Multa autem sunt quæ tædium vitæ afferunt, vt homo mori malit quàm viuere.

Ionas timens contemptum Niniuitarum optat mori, Ion. 4. v. 3.

Elias timens vitæ suæ, cum fugeret Isabelem, rogat, Tolle animam meam, 1. Reg. 19. v. 4.

Rebecca mauult mori quam videre nurus Gentiles, Gen. 27. v. 46.

Rahel mauult mori quam carere liberis, Gen. 30. v. 1.

Inter cætera autem vix est quicquam quod vitam magis faciat tædiosam quàm vita amara, vt est in Latina versione. Germ. *Ein siech Leben.*

Præsertim verò diuturnior, imo perpetua inualetudo vitam facit acerbam, vt homo eligat mori.

Et cum dolores sunt quotidiani, certè præstat mori semel quam sic viuere.

Quoties putas mulier illa incuruata, Luc. 13. menstruata illa, Matth. 9. paralyticus 38. annorum, Ioan. 5. & Æneas 8. annis claudus, Act. 9. optarunt mori?

Vide

Vide querelam Psalmi 38. v. 4. & seqq.

Numquid igitur verè dixit Syr. 41. ò mors quam dulcis es homini infirmo, & cui nulla melioris vitæ expectatio.

Intellexerunt etiam Ethnici nonnihil, dicentes, Mors si non bona, finis tamen malorum est.

Rectius autem Christiani intelligunt ex hoc loco, Mortem esse bonam interdum, cum vita est amara ægris. Taceo iam cætera, quod scilicet mortuus liberatus est à peccato, Rom. 6. v. 7.

Et sanè piis inprimis bona est mors, quia pretiosa mors illorum in conspectu Dei, Psalm. 115.

Estq; illis dulcis somnus, Marc. 5. v. 39. Ioan. 11. &c. & oprata quies, Apocal. 14. v. 13. Esa. 56. in fine.

II. Pars.

Ex hoc autem loco varias doctrinas petere licebit.

I. Discimus, quantum Dei beneficium sit sanitas & firma corporis valetudo: cum egritudo & morbi tantam secum ferūt molestiam, vt vita non tantum ægrotis sit amara, sed mortem etiam faciat chariorem vita, qua nihil ferè est charius in terris.

Pauci de hoc cogitant dum adhuc rectè valent, Syr. 30. Auro & diuitiis pretiosior sanitas corporis. Vide v. 14. & seqq.

Ideo sæpius experimur aduersæ valetudinis molestias, vt sic moneamur de hoc Dei beneficio: quod Hiskias expertus agnoscit, Esa. 38.

Gratitudinem itaq; suam Deo præstent, qui commodantur valetudine: & sic agant, vt corpore valenti Deo seruiant, nec sibi ipsi intemperantia aut aliis peccatis varia morborum genera accersant.

II. Non temerè iudicandum de piis, si illi maximè grauib; & diuturnioribus morbis premantur.

Quamuis enim certum sit, languores & morbos esse peccati stipendia, tamen Deus etiam pios morbis corripit,
finit,

Cait, & diuturnis interdum infirmitatibus premit, tum propter alias; tum etiam sæpius hanc ob causam, vt fastidire discant hanc vitam, & sese præparent in tempore ad mortem. Qui enim sanus exhorrescit mortem & horribilissimum omnium malum esse iudicat (quæ infirmitas nonnunquam etiam in pios cadit, quia est via quæ ducit quò non vis, Ioan. 21. v. 18.) is æger & infirmus multò facilius patitur sibi persuaderi, mortem esse meliorem vita amara. Vide Hiob. 10. v. 20. Tum cogitant illi, meliorem esse diem mortis ipsa die natiuitatis, Eccles. 7. quod caro aliòquin negat.

Et sanè magis optant mori, qui tristi lectulo sunt affixi, quàm qui rectè valent. Vnd tan sic Gott sein willig vnd demütig machen. qui alioquin vix potuerunt ferre vel leuissimam mortis mentionem.

III. Apparet ex hoc loco Syracidis, insanire eos, qui licet cum aduersa valetudine diu multumque conflentur, tamen nollent mori, si penes ipsos staret optio: quod multi faciunt. Non intelligunt illi cum Paulo, quod sit melius esse cum Christo, Phil. 1. v. 23. Et sanè bifariam peccant homines hac in parte. Alij malunt perpetuò viuere ægri quàm mori. Alij vocant mortem, antequam tempus sit. Vtrique errant.

Monendi autem pij, ne ex impatientia doloris aut ægritudinis, tali ratione optent mortem, sicut Iob. 7. v. 15. sibi optat suspendium. Multò minus ipsi sibi manus afferre violentas tentent, quod Herodes fecisse legitur, sed voluntati diuinæ sese patienter submittant, & tempus liberationis à Deo expectent. Orare quidem & ingemiscere licet, pro liberatione (quam omnis creatura desiderat, Rom. 8. v. 22.) at semper hoc addatur, Fiat voluntas tua, Matth. 26. v. 42.

IV. Tandem agnoscere discamus, vnde sint morbi & omnis generis infirmitates: sc. pœnas esse peccati. Vide Leuit. 26. Deuter. 28. & 1. Corinth. 11. multi sunt inter vos infirmi. Caueamus igitur peccata, & inobedientiam, præfer-

præsertim si ex morbo aliquo conualuimus, memores illius dicti, Ioan. 5. Noli amplius peccare, &c.

F I N I S.

THEMA. IX. CLASSIS V.

Psalm. 119. vers. 83.

Factus sum sicut pellis in fumo: præceptorum tuorum non obliuiscor.

D I S P O S I T I O.

Mirum absq; dubio videbitur vobis, charissimi, quare in huius funeris deductione de pelle in fumo sim verba factururus. Et nihil aut parum vtilitatis, ex cõcione de pelle in fumo, ad vos rediturum existimabitis. At cum hæc sint verba Dauidis (de quo 2. Sam. 23. Spiritus Domini loquutus est per me) certum est, quod non caritura sint suis doctrinis: præsertim cum immiscuerit hæc rebus grauissimis, & maximè seriis, in hoc Psalmo, qui prolixitate omnes alios superat, & de verbo Dei multa tractat.

Nos itaque primum pellem ad fumum suspensam intentis oculis acerrimè contemplabimur, & genuinum horum verborum sensum inuestigabimus. Deinde etiam, quid hæc similitudo nos moneat, notabimus.

I. Pars.

Precatur hoc loco Psaltès ardentissimè pro auxilio diuino contra hostes suos, qui ipsum miris modis excrucient. Et se ærumnis & calamitatibus variis consumi queritur. Inter cætera verò in hoc versu attenuationem virium suarum egregia atque appositissima similitudine, de pelle in fumo, depingit.

1. Sicut enim pellis fumo exsiccat, ita ærumnæ quoque & calamitates exsiccant omnia hominis ossa, ut corporis atq; animi vires deficiant, perpetuò scil. mœrore exhaustæ.

2. Fumus non exsiccat tantum pellem, sed etiam in-

durat illam, si diutius ad fumum suspensa sit. Ita diuturniores afflictiones videntur etiam nostrum animum indurare, ut abiecta spe bona, interdum vix amplius admittat consolationem.

3. At licet pellis fumo exsiccata & indurata sit, mollescit tamen denuò opera coriarij aut pellionis, adhibitis iis mediis, quæ huic rei conueniunt. Ita David addit hoc etiam, quod licet planè videatur de ipso actum esse, tamen se præcepta Domini nunquam obliuisci. Quid velit his verbis, ostendunt ea quæ sequuntur vers. 92. Nisi legem tuam meditatus essem, periissem in calamitate. Et addit verba his, quæ pro manibus habemus, similia, In æternum non obliuiscar mandatorum tuorum, v. 93. Quodiam viuificor in iis. Hæc sunt quæ cuti resiccatae & induratae mollietatem & lenitatem adferunt.

4. Intellexit namque Psalter, quod sicut pellis ad fumum (quemadmodum etiam carnes & multis in locis pisces) suspendatur, non ut consumatur & planè fiat inutilis, sed ut hac ratione aliquantisper præseruetur à vermium & tinearum corrosione: sicut scimus etiam cineribus adhuc calentibus pelles ceruorum recens detractas ad tempus præseruari, ne putrescant, & à vermibus arrodantur.) Ita ærumnas & calamitates bonum adferre remedium, ne caro putrefiat, & reddatur inutilis Deo. Hoc est quod hoc eodem Psalmo v. 71. agnoscit: Bonum est mihi Domine, quod humiliasti me, &c.

II. Pars.

I. Discimus ex hac similitudine, quod Deus suos Electos quoq;, & pios homines fumo maceret, & quasi arefaciat. Hoc fit per varias calamitates, ut sunt paupertas, ægrotudo, morbi, ignominia, &c. quæ exsiccant & exhauriunt omnē vigorem animi & corporis. De qua ariditate etiam alia scripturæ loca sonant, Ps. 22. v. 16. Aruit sicut testa. Esa. 21. v. 4. Emarcuit cor meum. Psal. 102. v. 5. Aruit cor meum. & v. 12. arui sicut fœnum, Esa. 17. v. 4. Emarcescet venter Iacob. &c.

Juxta

Iuxta tamen tenendum & hoc, Dominum hac ariditate non velle suos perdere, sed conseruare, ne pereant cum mundo I. Cor. II. & putrescant in voluptatibus huius mundi, vt Deum suum non amplius curent.

Sicut enim bonus Oeconomus carnes, pisces &c. quæ asseruare vult diutius, sale aspergit & in fumo torret, ita Deus fumo tentationum pios exercet & probat, tanquam in camino ignis, & ne putrescant cauet.

Consoletur igitur fumo afflictionum siccatos hæc Dei Oeconomia. Et discant quomodo cum suis agere soleat Deus.

II. Sed est nobis hic fumus alia quoque ratione considerandus. Fumus aliàs etiam significat iram Dei. Psalm. 18. v. 9. Fumus ascendit ab ira eius. Idem. 2. Sam. 22.

Ideoque fumat mons in promulgatione legis. Ex. 19. v. 18. Et Esa. 6. domus repleta est fumo. Vide etiam de fumo iræ Dei in puniendis hominibus, Esa. 9. v. 18. & 14. v. 31. & 34. 10. Nah. 2. v. 13.

At sicut fumus est oculis intolerabilis, Prou. 10. v. 26. ita ira Dei nobis intolerabilis erit, obscurabit omnes consolationes, nisi placetur intuitu meriti Christi. Cauiendum itaque ab ira Dei, ne hunc fumum in nos concitemus, alioquin prorsus conficiemur. Quia ira Dei ignis consumens Deut. 4.

III. Docent etiam paucula verba Daudis, (Præceptorum tuorum non obliuiscor) quod non propterea debeamus deficere à Deo, & ipsi mox omnem amicitiam renunciare, si maximè ad fumum nos aliquantisper suspendat. Man muß mich nicht als bald den Sack vor die Thür wollen werffen. Quin potius verbo illius omnem fumi huius molestiam depellendam & leniendam sciamus. Hoc est vno verbo, in omnibus afflictionibus quærendam consolationem ex verbo Dei, quod est instar instructissimi pharmacopolii: imprimis Psalterium.

Vide huius 119. Psalmi v. 50. & 92. & 143. Vide etiam
Psalm.

Pfal. 77. v. 2. & seqq. Summa, Quia ego viuo & vos viu-
tis, ait Christus, Ioan. 14. v. 19.

Weil Christus lebt / leben wir auch /
Ob uns schon vbel beist der Rauch.

F I N I S.

T H E M A X. C L A S S I S V.

Matth. 9.

Historia de muliere hamorrhousa.

Extat eadem Marc. 5. & Luc. 8.

Legitur aliàs Dom. 24. Trinitatis.

D I S P O S I T I O.

Petrus mulieres etiam consortes gratiæ vocat, 1. Pet. 3.
Id verum esse, Christus ipse demonstrat, non tantum in-
signi miraculo sanans mulierem afflictissimam, sed etiam
fidem illius commendans, & consternatam blandissimis
verbis erigens.

Nos primum de morbo & calamitate huius mulieris
dicemus.

Deinde quis huic malo medicinam fecerit, audie-
mus.

I. Pars.

Muliercula hæc multis modis misera est.

1. Laborat enim morbo graui & difficili.

2. Et tali quidem, cuius pudet ipsam. Ideoque non
vult prodire in conspectum Christi. Et tandem coacta
cum tremore refert de sua calamitate.

3. Grauior morbus quanto est diuturnior. Nam 12.
annis passa est hoc malum. Longum sanè tempus.

4. Accedit quod hic morbus omnē illius substantiam
absumit: & tamen augetur malum quotidie, Marco teste.

L. Multæ & magnæ sunt mulierum infirmitates. Et
fatendum est, illas omnes habere originem à peccato
primæ mulieris.

Z

Et hoc

Et hoc persæpè multum angit pias matronas, quæ tentantur hoc nomine, quod Deus ipsis minus sit propitius. (Impiæ enim de his non cogitant, & cum illis hoc loco nihil nobis negotij.) Auge hæc tentationes Satan, qui singulariter odit hunc sexum, propterea quod semen mulieris caput suum contriuisse nouit. Nec dubium quin variis modis tentata fuerit hæc mulier.

At solatium capere possunt ex hoc loco maximum, quod Christus illorum etiam curam suscipere velit (quia tam blandis verbis hanc mulierem alloquitur, Confide Filia, Luc. 8. Et hoc omnibus mulieribus dictum putent, quod sint filiæ dilectæ) quodq; ex semine mulieris natus, multum mulieribus conuersatus uiuus. Et post mortem mulieri primum apparuerit, Ioan. 20. vers. 14. Et quod in Christo neque mas nec femina. Gal. 3. v. 28. Mulieribus autem salus in specie promissa 1. Pet. 3. 1. Timoth. 2. v. 15. Ita tamen si fidem habeant, quod etiam exemplo huius menstruata secunda pars docebit.

II. Pars.

I. Misera mulier quærit Medicos, sed frustra. Partim quod maior vis morbi, quam ut Medici potuerint iuuare: partim quod non nisi à Medico omnipotente debebat sanari.

Imò omnem substantiam suam in Medicos profundit, & tamen semper sunt posteriora deteriora prioribus.

L. Antequam pergamus, videmus ex hoc loco, licet Medicina insigne sit donum Dei, Syr. 38. tamen interdum illam planè nihil facere contra morbos. Sicut Sap. 16. nec herba nec emplastrum.

Causæ sunt duplices. Aliæ etiam externæ.

I. Vel quod imperiti sæpè quærantur, (Rälsberars get) & negliguntur veri Medici: quod vulgo solenne est, partim ut sic nummis parcant, partim quia veram medicinam ex imperitia contemnunt, & magis delectantur anicularum, opiliorum, rusticonum & quorumcunque cerdo.

terdonum atque præstigiatorum coctionibus atq; nugis. Quod vehementer est contumeliosum in artem Medicam: nec ferendum Magistratui.

Taceo iam eos qui Magos & quosuis incantatores potius quàm Medicinæ Doctores consulunt.

2. Vel, quod vi quasi extorquere à Medicis sanitatem conantur, & id absque omni mora: Multi etiam pecunia valetudinem redimi posse putant. Aliqui mox, ubi non prima die vim phar­maci sentiunt, alium post alium quærunt Medicum, dummodò quid adhibeatur, quod confestim abigat morbum. Stulticia hæc est, si non insania.

Aliæ verò sunt causæ internæ. 1. vel quod Deus non vult sanari ægros, certo consilio, ideoque vim adimit medicinæ. 2. vel quod animus ægri non est syncerus, nec fide Deo, sed plus confidit in Medicis, sicut Afa. 2. Par. 16. Qua Methodo autem procedendum, vt sanitatem recuperare possimus, porro docebit mulier menstruata.

II. Videns hæmorrhousa frustra adhiberi omnem medicinam, tandem (quod primo loco fecisse debebat) vera fide ad Christum accurrit. Magna autem & commendatione digna est fides illius: quod non tantum à Christo sanitatem sperat, sed hoc sibi habet persuasissimum, quia non audeat de suo morbo apud illum in conspectu virorum conqueri, sanam se tamen fore, si modo possit tangere fimbriam vestimenti illius. Christus autem & fidem & cogitationes, atque id etiam quod à tergo factum, videt, quia *ἡ ἀποδοχὴ τῆς πίστεως* est. Ideoque virtute à se exeunte iuuat. Nec vult occultari miraculum, nec fidem mulieris, quam commendat. Recita totam historiam ex tribus Euangelistis.

Locvs. Videmus quis verus Medicus, qui omni morbo, quouis tempore & loco medicinam facere possit: Filius scilicet Dei, qui idem operatur quod pater, qui se Medicum profitetur Deut. 32. v. 39. Exod. 15. v. 26. Sic etiam filius Matth. 9. v. 12.

Et hic quidem primò omnium quærendus piis precibus, Syr. 38. Iac. 5. Hiskia, Esa. 38. v. 2. Deinde etiam legitima media adhibenda, exemplo eiusdem. vers. 21.

Sicut autem in hominibus Medicis, & in arte medica nunquam est confidendum: Ita vicissim firma fide huic Medico adhærendum, neq; de illius omnipotentia quicquam dubitandum. Exemplo huius mulierculæ.

Et certò statuendum, præsens auxilium paratum ab ipso credentibus. Si non quo ad salutem corporis, tamen quantum ad salutem animæ. Ideoq; semper precibus addendum, Fiat voluntas tua. Sic leprosus, Domine, si vis, potes, Marc. I. v. 40.

De superstitiosis Reliquiarum cultibus, quibus ex hoc loco fundamentum, quærunt Pontificij, non est hîc dicendi locus.

F I N I S.

T H E M A X I. C L A S S I S V.

Matth. 9. Marc. 2. Luc. 5.

De sanato Paralytico.

Legitur historia Dominic. 19. Trinitatis.

D I S P O S I T I O.

Non vulgarem nec contemnendam historiam hanc esse quam prælegimus, inde facîle colligitur, quod illa à tribus Euangelistis accuratissimè cum omnibus circumstantiis descripta extat. Et confirmatur nobis hîc articulus fidei, De remissione peccatorum. Proinde nos illam examinabimus diligentius, & Primum varias circumstantias, quæ circa hoc miraculum notandæ sunt, considerabimus.

Deinde Pharisæorum murmur, & Christi Apologiam audiemus. Tertiò, spectatorum iudicium observabimus. De posterioribus autem partibus, quia minus serviunt instituto, quàm prima pars, brevius etiam dicemus.

I. Pars.

I. Pars.

1. Designatur locus, vbi factum miraculum, scil. Capernaum. Illa vocatur Christi ciuitas, quia sæpè hîc fuit, & multos ibi habuit familiares, Centurionem, Regulum, &c. licet aliàs non habeat quo caput reclinet, Matth. 8. v. 20. Multa etiam & ingentia hîc miracula edidit. Hîc censum etiam soluit, Matth. 17. Ingratis autem minatur vā, Matth. 11. v. 23.

2. Morbus hominis notatur, qui Christo est oblatuſ, paralyſis ſcilicet. Homo miſerrimus, cuius nec pedes nec manus faciunt officium, ideoq̃ue aliorum opera portandus eſt in lecto.

3. Baiuli quidam viri boni & credentes in Chriſtum, apportant paralyticum. Et per tectum demittunt, vide Marc. 2. Magna charitas erga proximum. Magna fides, quam vidille Chriſtum, author eſt Matthæus.

4. Nec baiulorum tantum fidem, ſed & ipſius Paralytici fidem, & tentationes de peccatis, quæ cauſa huius morbi ſunt, videt. Ideoq̃ue primùm de remiſſione peccatorum illi ſpem facit Chriſtus.

Quod enim tentatus fuerit durante morbo, hinc patet, quia Chriſtus ipſum erigit, confide.

Et quod in Chriſtum crediderit, inde videtur rectiſſimè colligi, quod Chriſtus ipſum vocat filium. Confide fili. Impoſſibile enim eſt placere ſine fide, Hebr. 11.

5. Sublatis cauſis morbi, Chriſtus oſtendit facilè etiam poſſe tolli effectum. Quia verò difficilius hoc apparebat priori, ideoq̃ue etiam paralyſin curat Chriſtus. Sic qui modò in lectulo portabatur, iam ipſe lectum tollit, & domum reportat.

Inſigne miraculum, inſignis Chriſti bonitas, qui corpori & animæ ꝛ medicinam facere ſtudet.

Singulæ ſanè circumſtantiæ ſingulas poſſunt exhibere doctrinas. Nos præcipuas tantum delibabimus.

L. I. Quia ciuitas Capernaum, licet à Chriſto ſummis laudibus & honoribus cumulata, tandem tamen

maledictioni sit obnoxia, docemur, propter hominum ingratitude[m] erga Ministerium, verbum Domini transferri ab vna gente ad aliam, & maiorem fore condemnationem eorum, qui verbum Dei aliquando habuerunt, quàm qui eodem planè caruerunt. Seruus enim sciens. Luc. 12. v. 47.

L. II. Cauenda intemperantia, iracundia, & cætera peccata, quæ paralyfin & similes morbos accersere solent. Et hoc agendum si propter nostram culpam his morbis sumus castigati, vt remissionem consequamur peccatorum. Beati. Psalm. 32. v. 1. licet non semper externa corporis membra sanentur. Dummodò Deum habeamus propitium, Psal. 73. v. 25. & dummodò animæ benè sit. Dicendum illud, Hic vre, hic seca Domine, ibi autem parce.

L. III. Hi Baiuli docent illud Rom. 12. v. 13. Necessitati sanctorum communicandum. Quod autem hi faciunt externo opere, nos faciamus precibus. Sic ægros & afflictos deportamus in conspectum Christi. Ideò Paulus frequentes vult esse intercessionem. 1. Tim. 2. v. 1.

L. IV. Principalis locus hic est, vnde morbi & ægritudines. Alij tantum dependent à causis secundis, alij veneficis, &c. & hominibus tribuunt hoc. Pauci de peccatis cogitant: quæ sunt Christo teste potissima causa, non paralyseos tantum, sed omnis morbi. Ideò primò omnium à peccatis liberat hunc miserum paralyticum.

Qui igitur cupit recuperare sanitatem, hoc agat vt reconcilietur Deo. Et vitet peccata. Vide Syr. 38. Tunc anima illius sanabitur. De corporali valetudine non sit sollicitus. Peccatis enim remissis etiam sanabitur corpus, nisi Deus intelligat, diuersum homini magis prodesse.

Et tum perfectam sanitatem largietur Dominus poenitentibus & credentibus, vbi nulla recidiua metuenda. Beati illi qui in Domino moriuntur. Apoc. 14.

II. Pars.

Christus bonus est. Pharisei nequam sunt. Ideoque quod

quod bonum est student calumniari Sed non audent hoc profere, quod Christi absolutionem a peccatis habeant pro blasphemia. Christus autem *καπεδ' οζνωσ'ης* prodit illorum cogitationes, & refutat paucis. Difficile vobis videtur, homini posse remittere peccata, quod Dei est.

At longè difficilior vobis, sanare paralyticum. Vtrumque ego possum. Quia filius sum hominis, habens omnem potestatem in cælo & terra. Matth. 28. v. 18.

Vtque hoc intelligatis, Ecce sano hic paralyticum vno verbo: Surge paralytice, de porta lectulum.

L. I. De omnipotentia Christi hominis. De qua non nisi Turcis & Arianis potest esse dubium. Habemus præter verba Matth. 28. in hoc loco ipsam *αὐτρεψ' ιαν*.

L. II. De calumniis & calumniatoribus dici posset.

L. III. De Christo scimus quod sit *καπεδ' οζνωσ'ης π' α'ν-
των*. Nemo igitur conetur illi fucum facere. Soletur autem pios, quod innocentia ipsorum nota sit Christo, si maximè prementur ab impiis, ad tempus. Huic commendent causam, sicut is patri. I. Pet. 2. v. 23.

III. Pars.

Spektatores huius miraculi pij agnoscunt diuinum esse miraculum. Gratias agunt Deo, quod in terris etiam annuntiari sinat remissionem peccatorum.

Loc. v. s. Et nos grata mente agnoscamus ingens hoc Dei beneficium, quod pœnitentibus peccatorum remissionem etiam per homines vult annuntiari: & quod ipse in cœlis ratam vult habere absolutionem istam Matth. 16. Ioan. 20. Magna hinc ægris, & morituris imprimis, accedit consolatio.

F I N I S.

T H E M A XII. CLASSIS V.

Luc. 13. vers. 11. ad 14.

De muliere incuruata.

DISPOSITIO.

In conspectum nostrum introducit Lucas mulierem infirmam & incuruatam, quæ sic à Satana ligata est, ut cælum intueri non possit. Triste sanè spectaculum. At quia Christum accedit tempore opportuno, cum doceret in schola die Sabbato, benè habent res eius, & discedit illa cum gaudio. Ingrediamur ergo & nos illam scholam, non videndæ tantùm mulieris, sed magis discendi causa, & erit nobis hæc historia iucunda atq; utilis.

Primum autem hanc mulierculam ægram & incuruatam, deinde etiam sanam & erectam contemplabimur, ut sic collatione contrariorum magis illustris fiat historia.

I. Pars.

Misera est hæc mulier, non vno tantum nomine.

1. Infirma est, & spiritum habet infirmitatis. His verbis ostenditur, illam à spiritu maligno fuisse afflictam. Sic enim Christus postea dicit, fuisse illam ligatam à Satana.

2. Cumque Deus os homini sublimè dederit, ut possit cælum tueri, & erectos ad sydera tollere vultus, illa cum animantibus cæteris terram pronaspectare cogitur. Est enim incuruata, ut non possit sese erigere.

3. Duravit autem hæc miseria 18. annis, atq; multo tempore. Quod si maximè in re lauta fuit, misera tamen est, & derisa ab omnibus. *Der Kinder Spott.* Sin verò paupercula fuit, magis est misera, quia non potest laborare manibus, & victum sibi parare. Quoties igitur optavit mori? At 18. annis sic affligitur.

4. Sed forsitan fuit impia, saga & venefica. *Ein alte Weibhold/ die der Teufel also geritten vnd gezeichnet:* Negatur hoc. Christus enim vocat ipsam filiam Abrahami. Iudæos alioquin filios Abrahami esse negat, quod non faciant opera Abrahami. Ioan. 8. Piam igitur fuisse non est dubium. Interim tamen verisimile est, quod coram hominibus visa fuerit peccasse præ multis aliis, quod tam grauius affligitur.

5. Et

5. Et quod pia fuerit, vel hinc patet, quod Sabbato reprat ad synagogam, vt sc. audiat verbum Dei, & consolationes inde sentiat, cum haud dubiè sæpè fuerit tētata.

Et ad Christum quidem tum in schola docentem & sanātem accedit, vt animæ & corporis remedium inueniat.

DOCTRINA. Videmus variis & grauissimis morbis obnoxios esse homines,

1. Vnde autem illi? A Deo. Non cadit capillus de capite, Matth. 10. Ego percutiam, Leuit. 26. Deut. 28. Mortificat & viuificat Deus, 1. Sam. 2. Deut. 32. Bonum & malum ab ipso, Thren. 3. Esa. 45. Amos 3.

2. At variis modis immittit morbos.

Vel immediatè, vt Ieroboami manus arida, 1. Reg. 13.

Lepra Vsiæ, 1. Reg. 15. 2. Par. 26.

Vel mediātè, aut per Angelos, bonos aut malos.

Angelus occidit primogenita Ægypti, Exod. 12. Sanhe-ribil exercitum, Esa. 37. Disseminat pestem tempore Dauid, 2. Sam. 24. Herodem percussit Angelus, Act. 12.

Vel per homines, vel per contagionem, vel per aëris infectionem, &c.

3. Nec impios tantum sic affligit, sed & Iobum & mulierem hanc, per Satanam. Sic etiam Paulus à Satana colaphizatur, 2. Corin. 12. Hoc tamen permittit Satanæ aliquando, cum hac conditione, ne noceat vel vitæ, vel animæ. Exemplum Iob. Vel aliis morbis visitat pios, vt Hiskiam, propter certas causas, vt ardentius orent, Esa. 26. v. 16. vt probetur illorum spes, fides, patientia, Tob. 2. v. 12.

4. Quid igitur faciendum ægris, à Deo percussis, vel Satanæ malitia, vel contagione, vel aliis causis mediantibus? Numquid opera Diaboli (vel Magorum, & incantatorum, quod idem est) vtendum? Minimè verò. Tum enim curasse videretur Satanus, cum cessat affligere. Num hominum medicina ante omnia vtendum, & in Medicis confidendum? Nequaquam. Peccat enim Afa hac in parte, 2. Paral. 16. Suo tempore adhibeatur medicina, si prius, iuxta exemplum huius mulierculæ, accefferis

ad Christum & Synagogam : hoc est, si prius Deum precibus tuis compellasti. Ad eum enim respiciendum, qui percussit & sanabit, Hof. 6. v. 1. Deut. 32. v. 39. Non Diabolo, nec hominibus, aut causis secundis hoctribuendum, sed Deo, in cuius manu vita & mors est, Sap. 16. Et sine cuius voluntate nec Satan, nec totus mundus quicquam nocere potest.

Iob dicit, Deus abstulit, non inquit, Diabolus hoc fecit, licet non ignoret, Diaboli malitia ipsum vexari. Sic mulier hæc Christi auxilium in corde suo vera fide, etiam tacens, implorat. Nec frustra, ut sequitur.

II. Pars.

Christus videt miseriam mulieris, & intelligit etiam cogitationes cordis ipsius: ideoque illam nihil adhuc perentem ipse compellat, & ad se vocat: Ego solvam te à vinculis maligni Spiritus, inquit. Et quamprimum manu sua Christus tangit mulierculam, erecto corpore incedit. Illa verò non mox ad sua reuertitur, non ad choreas, salutationes, ludos, &c. accurrit, sed celebrat Deum, ait Lucas, hoc est, gratias agit Deo, atq; filio ipsius Iesu Christo, pro insigni hoc beneficio restitutæ sanitatis, &c.

L. I. Rogabimus Dominum, quicumque sumus ægri & afflicti, ut manum suam etiam extendat ad nos.

Et sciendum, manum illius non esse abbreviatam, Esa. 59. At non semper ad primum gemitum iuuat, sed 18. prius anni hîc elapsi sunt, quàm sanetur misera, cum sanè citius etiã iuuare potuerit. Habet eius rei suas causas, de quibus aliàs. Sic Æneas 8. annis, Actor. 9. Paralyticus ille Ioan. 5. triginta octo annis, Vñas ad mortem vsq; miser, 2. Chron. 26.

Hic patientia opus erit, Thren. 3. v. 26. Hebr. 10. Luc. 22. Interim verò accede ad Synagogam, id est, templum, & ex verbo Dei pete consolationem, additis Sacramentis. Et vide ut sis & mancas filius Abraham, hoc est, fidelis.

L. II. Si quis Dei beneficio pristinæ sanitati restitutus

tus est, gratus sit erga Deum, exemplo huius mulierculæ. Et porro vitet peccata, ne quid deterius accadat ipsi. Vide Ioan. 5. v. 14. Et non agat iuxta Prouer. Wann der Kranc genasere.

L. III. Multi sunt erecto corpore, & habent tamen Spiritum alterius infirmitatis. Alius Spiritū habet ebrietatis, auaritiæ, inuidiæ, &c. Hos incuruat Satan, vt terræ tantum quærant, Phil. 3. v. 19. Hi dent operam, vt soluantur ab istis vinculis: alioquin ligatis manibus & pedibus præcipitabuntur ad inferos, in lacum ardentem, Matth. 22. Apoc. 21.

F I N I S.

T H E M A XIII. C L A S S I S V.

Ioan. 5. vers. 5. ad 10.

De languido 38. annorum sanato.

D I S P O S I T I O.

Insignis hoc loco calamitas boni alicuius viri describitur, & insigne simul miraculum, quod Christus in sanando illo edidit, annotatur. Notandum autem, quod cum eodem loco plures simul iacerent ægroti, Christus hunc delegerit, qui & diuturnitatis & vehemētiæ morbi ratione, planè erat desperatæ valetudinis, vt in ipso ostenderet exemplum potentiæ. Da hat er sein Meisterstück wöllem beweisen/quod Magister ad saluandum sit, Esa. 63.

Nos primùm personam ægram decumbentem: Deinde Christum sanantem considerabimus.

I. Pars.

Erat Hierosolymis in piscina, vbi oues sacrificiis destinatæ abluebantur, domus pauperum νοσθημεῖον, valetudinarium, (Hebræis Bethhesda vocatur, quod ibi benefiat pauperibus) Ein Spital / Seelhaus / Lazareth / vbi iacebāt miseri (habebat enim illa colymbethra quinque porticus) & ægroti, cœci, atque claudi, &c. homines, qui & à prætereuntibus ad templum, eleemosynam acci-

accipiebant, & motum seu turbationem aquæ, quæ certo tempore ab angelo fiebat, exspectabant, vt sanitatem recuperarent. Ibi inter alios est homo miserrimus.

1. *Æger*, & vt putatur paralyticus. Non enim ipse potest descendere in piscinam.

2. *Pauper* absque dubio. Quia neminem habet qui ipsum demittat in piscinam. Non potest alere famulos.

3. *Contemptus & neglectus* ab aliis iacet. Nemo illum 38. annis in piscinam demisit.

4. *Infelix* præ aliis, qui illum semper anteuertunt.

5. Idque durat longo tempore, annis 38. Tempus sane longum ægro, si supputauit 456. menses, quibus exspectat, vt Iob. 7. v. 3. aut hebdomadas quæ maiorem producant numerum, sc. 1824. septimanarum. Nox vna vel dies vna, quæ ægritudinem habet, videtur esse instar anni: at hic 12768. diebus languidus est.

Quid mirum igitur si ex impatientia maledixisset diei Natiuitatis suæ, vt Hiob. cap. 3. Et Hieremias cap. 20. Poutuit enim sibi imaginari, quod à Deo & hominibus sit desertus, cum multi alij abierint sani, ipso post se semper relicto ægro.

At patiens est, non murmurat aduersus Deum, nec inuidet aliis sanitatem. Qued vel hinc patet, quia Christo (quem tamen nondum nouit) percontanti, num vellet sanus fieri, tam placidè respondet, Nemo me demittit. Non imprecatur aliis mala, neminem accusat, non murmurat, &c.

Locvs. Talia exempla diuturnæ ægritudinis non in hoc tantum paralytico, sed & in claudio ab vtero, & Ænea, & in muliere incuruata, atque in hæmorrhousa, & in cæco aliisque proponit scriptura, Act. 3. & 9. Luc. 13. & 8. Ioan. 9. vt fidem & patientiam discant, quibus eadem eueniunt à Deo.

Nihil enim ferè magis ad desperationem & impatientiam sollicitat, quàm morbi grauioris diuturnitas. Putant enim hi se à Deo & hominibus abiectos.

Hinc

Hinc indignatio, murmur Iob. 3. & 6. v. 11. & 19. v. 6. Ex hac ægri morositate etiam domestici, vxor, liberi, famuli, & qui curam ægrotorum habent, ad eandem impatentiam incitantur. Iob. 19. à vers. 13. vsque ad vers. 20. & cap. 6. vers. 15.

At hæc & similia exempla proponit Deus, vt intelligant pii, se non tantum sic affligi, sed eadem euenisse aliis. Hic fides & patientia sanctorum. Ap. 13. v. 10. Habet Deus huius rei causas quas ipse probè intelligit.

1. Sic exercet & probat fidem, spem, patientiam, Esa. 48. Electum & probatum te faciam in fornace. Syr. 2. v. 5. 1. Pet. 1. v. 7.

2. Sic auocat à peccatis, quæ alioqui committeret sanus. 1. Pet. 4. v. 2.

3. Excitat desiderium alterius vitæ 2. Cor. 5. v. 2.

Ideoque hoc patienter ferant, scientes hanc ægritudinem cooperari in bonum. Rom. 8. v. 28.

Non inuideant sanis. Prou. 14. v. 30.

Non murmurent aduersus Deum: sed expectent auxilium Christi, qui propè est, vt sequitur hoc loco.

II. Pars.

Languidus ille post 38. annos haud dubiè iam omnem spem recuperandæ sanitatis abiicit. Ecce autem nihil tale expectanti Christus adest, & opportunè venit. Quærit ex illo, Num velit sanus fieri, vt scilicet sic illius animum exploret, quid sit factururus, & vtrum non indignè hanc quæstionem accepturus. Cumq; humiliter respondisset, & desiderium sanitatis explicasset, quo iam multis annis tenebatur, Christus iubet ipsum, tollere lectulum & abire. Et hoc simul dicto sanat ipsum vt validus abire possit. Deportat lectum suum die Sabbato. Et nescit quis sit is qui sanauit ipsum, donec post dies aliquot compellatus à Christo in templo (vide vers. 15.) intelligit esse Iesum

L. Magnum hinc ægri capere possunt solatium, quod
sc. nul-

sc. nullum sit malum tam inueteratum, cui non possit mederi Dominus, Non est manus illius abbreviata, Esa. 59.

Quamuis autem non omnes credentes corporaliter sanare velit, discimus tamen hinc affectum illius, qui est perpetuus & immutabilis.

1. Quò grauior est morbus, eò propior est Dominus. Propè enim est Dominus, Psal. 145. v. 18. Phil. 4. v. 5.

2. Et audit preces antequam clamemus, Esa. 65. Sana hîc antequam compelletur ab ægro: vt & Luc. 13. Ideoq; nunquam desperandum. Veniens enim veniet, Habac. 2. v. 3. Psal. 130. A custodia. Et veniet opportuno tempore: vel iuuans hîc, vel beans illic. Scit enim optimè quid animæ & corpori sit salutare.

L. II. Omnibus ferè tentationibus ex hoc loco obuiam ire potest homo in diuturnis morbis. Vt cum cogitat:

1. Dominus oblitus est mei: aut ignorat me: Imò verò nouit hunc, cui ille erat incognitus, Esa. 49. Numquid potest mulier obliuisci, &c. Non cadit capillus, Matth. 10.

2. Nemini utilis sum æger: omnibus molestus. Imò, Tu alios debes docere fidem, spem, patientiam, tuo exemplo, Tob. 12. v. 12.

3. Morbus planè desperatus est. At non est abbreviata manus Domini, Esa. 59. Abundanter potest facere ultra quam nos intelligimus, Eph. 3. v. 20. Magister ad saluandum, Esa. 63. v. 1.

4. At miseria hæc videtur indicare Deum iratum. Minimè. Quem diligit filium, castigat, Hebr. 12. Et oportet nos conformes fieri imagini Christi, Rom. 8. v. 29. Si compatimur, 2. Tim. 2.

5. Non possum diutius sustinere. At virtus mea in infirmitate perficitur, 2. Corinth. 12. v. 9. Non ultra vires, 1. Cor. 10. v. 13.

6. Fortassis non satis ardentè oro. At spiritus intercedit, Rom. 8. v. 26. 27. Lauat Christus hîc non orantem,

Audis

Audit etiam gemitus Deus, Esa. 38. v. 14. Excitauit mortuos nihil petentes.

F I N I S.

T H E M A XIV. C L A S S I S V.

Luc. 21. vers. 19.

Possidete animas vestras in patientia.

D I S P O S I T I O.

Paucula sunt hæc verba Christi, sed carni & sanguini tam grauiataq; difficilia obseruatu, vt nihil supra. Quid enim grauius quàm patientiam præstare in aduersis. Hinc ipse Iobus patientiæ alioquin nomine celebris exclamat, cap. 6. v. 11. quis finis meus, vt patienter agam. At licet hoc carni aut sanguini difficilimum videatur, animam tamen in patientia possideri seu teneri vult Christus. Et valet hic etiã ista régula, Marc. 13. v. 37. Quod vobis dico, omnibus dico. Pertinent enim hæc non ad discipulos tantum, sed ad omnes Christianos, qui volunt esse Christi discipuli.

Primum igitur considerabimus, qualem patientiam Christus a nobis requirat.

2. Quam illa sit necessaria.
3. Vnde illa sit discenda.

I. Pars.

Ex præcedenti colloquio cum discipulis habito, intelligi potest, quam patientiam Christus requirat à nobis: eam scilicet, vt calamitates atque tribulationes omnes, easque potissimum, quæ præter meritum nostrum, & vel maximè propter nomen Christi & veritatis professionem, nobis accidunt, forti & patienti animo sustineamus, vt non insurgamus aduersus Deum, neq; etiam erga homines (quantumuis inimicos) spiremus minas, aut vindictam quæramus, sed rem omnem in silentio & spe Deo commendemus, exemplo Christi, 1. Pet. 2. v. 23.

Egregiè autem Christus loquitur hîc de patientia, vbi animam teneri vult. Nouit enim, carnem nihil minus posse,

posse, quàm patientiam præstare in adversis. Ideoque animam vult in patientia detineri. Et si videatur patientia fugere velle, (sicut patientia Davidis videtur aufugisse ab eo, cum irasceretur Nabalo, &c. 1. Sam. 25.) tum tenenda est. *Nu muß jr nachlauffen/ sie fahen/ fassen vnd auffhalten.* Si igitur maximè caro murmuret, fremat, modo anima sit patiens & vincat carnem.

Et hoc quidem præstabit vera & firma fides. Fidem enim & patientiam coniungit Apostolus. 2. Thess. 1. v. 4. Etenim qui credit se Deum habere placatum, feret patienter id, quod non ab irato Deo provenire nouerit. Qui credit hanc esse viam ad gloriam æternam, & corregnaturos eos qui compatiuntur. 2. Tim. 2. facile superabit aduersa. Sic Ap. 14. Coniungitur fides & patientia sanctorum. Sic etiam 1. Tim. 6. Tit. 2, semper cum fide coniungitur patientia.

II. Pars.

Est autem patientia omninò necessaria homini Christiano, Heb. 10. v. 36. causa additur, vt faciatis voluntatem Dei. Hæc autem perpetua Dei voluntas est, quam Christus hic exprimit, vt possideamus animas in patientia. Hinc illud Esa. 30. In silentio & spe. Et tot admonitiones Prou. 3. v. 11. & 14. v. 29. Et Syr. 2. v. 4. Thren. 3. v. 26. Rom. 12. In tribulatione patientes.

Est enim patientia fructus fidei. Iacob. 1. vers. 3. Hinc Christus de his qui recipiunt semen verbi testatur, quod fructum ferant in patientia. Luc. 8. Heb. 12. per patientiam curramus in certamine, &c. v. 1. Vide etiam 2. Pet. 1. v. 6. Estque fructus Spiritus sancti inter alios. Galat. 5. Et pertinet ad charitatem. Hinc 1. Tim. 6. v. 11. 2. Tim. 3. v. 10. coniunguntur.

Multumque confert homini Christiano patientia utilitatis. Vide Rom. 5. v. 4.

Rom. 8. v. 25. Per patientiam exspectamus, quod non videmus. Heb. 6. v. 12. Per fidem & patientiam hæreditarunt promissionem.

Contra verò impatientia vehementer offendit Deum ,
& grauitèr fuit punita sæpius. Vide Numer. 11. v. 1. & 10. &
Num. 14. v. 1. & 26. & Num. 21. v. 5. & 6.

Vide etiam Syr. 2. v. 16.

Frænanda igitur impatientia ex loco Hebr. 10. vers. 8.
& seqq. Iac. 1. v. 4. & 5. v. 8.

I I I . P a r s .

Quia verò difficilima ars , patientiam præstare in ma-
gnis aduersitatibus , ideoq; operæ pretium erit , conside-
rare , vnde patientia sit addiscenda.

I. Ex verbo Dei , quod semper paratam adfert secum
consolationem in tribulationibus. Et illa sumitur : A
præsentia Dei in angustiis , Psal. 91. 50. 54. 56. 142. Esa. 41.
& 43. & 49. Ab vtilitate crucis , 1. Pet. 4. v. 2. Psal. 119. v. 71.
& 67. Hos. 6. v. 1. A bonitate Dei , qui non tentat vltra vi-
res , 1. Cor. 10. v. 13. Thren. 3. v. 22. Esa. 54. v. 7. Esa. 28. in fine.
A compensatione largissima , Rom. 8. v. 18. & 17. 2. Cor. 4.
v. 17. 2. Tim. 2. v. 11. Esa. 25. v. 8. Apoc. 21. v. 4. Et infinita a-
lia. Videatur Manualis pars 5. cap. 4.

II. Exemplum ipsius Dei imitandum proponitur fi-
liis Dei , cuius hoc est Epitheton , quod sit patiens , Exodi
34. v. 6. Numer. 14. v. 18. Psalm. 86. v. 15. & Psal. 145. v. 8. Imò
Deus patientiæ Rom. 15. v. 5. vocatur.

Præsertim verò exemplum patientiæ Christi imitan-
dū proponitur. De qua Esa. 53. v. 7. Act. 8. v. 32. 1. Pet. 2. v. 23.

III. Discenda patientia ab exemplis Sanctorum. De
quibus Iac. 5. v. 10. Tob. 2. v. 12. Syr. 2. v. 11.

Et in specie ponenda ob oculos patientia Hiobis , Iob.
1. Davidis , 2. Sam. 15. v. 26. Iosephi , Gen. 50. Eli , 1. Sam. 3.
v. 18. Hiskia , Esa. 39. v. 8. &c.

T H E M A X V . C L A S S I S V .

Esa. 30. vers. 15.

In silentio & spe erit fortitudo vestra.

Aa

DIS

DISPOSITIO.

In hoc capite Eſaiæ reprehendit Dominus populum Hebræum, quod in anguſtiis & periculis auxilium petant, non à Deo, ſed ab impiis gentibus, vicinis Ægyptiis & aliis. Minatur itaque illis ruinam & exitium: oſtendens ſimul qua ratione potuiſſent effugere indignationem illam Dei grauiffimam, & vnde potuiſſent firmum habere præſidium contra omnes hoſtium inſultus. Vitur autem in oſtendendis iſtis mediis breui hac, ſed valde emphatica ſententiola: In ſilentio & ſpe erit fortitudo veſtra. Hæc quia non huic tantum propoſito Prophetæ accommodata eſt, ſed & in omnibus calamitatibus, maximè vero morbis diuturnioribus, contra impatientiam & quæuis vana carnis præſidia vtiliter inferuire poteſt, iam paucis tractanda erit.

Hoc autem breuiter oſtendemus:

1. Quod fortitudo & magnanimitas (*Dapfferteit / daß er ſtark vnd behertzt ſey*) in omnibus aduerſitatibus requiratur ab homine Chriſtiano.

2. In quibus illa fortitudo conſiſtat: vel, Qua ratione Chriſtianus ſeſe virum fortem præſtare poſſit. *Womit er ſem Dapfferteit beweifen ſolle.*

I. Pars.

Commendatur alioquin à prudentibus & ſanioribus quoque Ethnicis fortitudo & magnanimitas: & vocatur à Philoſophis is vir fortis, qui in bellicis & ſimilibus periculis ſubit & perfert quod honeſtum eſt: & qui labores atque moleſtias atque adeò mortem non fugit, ſed magno animo ſubit.

At hæc fortitudo non cadit in omnes, ſicut etiam non omnium conditio fert, pugnare in bello &c.

Deinde multi habentur pro viris fortibus, qui magis temerarii & audaces ſunt dicendi: & hi periculis creſcentibus plerumque animum abiiciunt: & pedem referunt.

Præterea nonnulli putantur fortes quod ſunt robuſti
& pu-

& pugnaces (sicut milites nonnulli) extra periculum. Ac imminente periculo mox terga vertunt. De tali fortitudine nihil hoc loco.

1. Christianum autem decet fortitudo hæc & magnanimitas, vt in aduersis & calamitatibus quibusuis à Deo immixtis, non despondeat animum, nec Deo suo valedicat, sed intrepidè ferat vocationis molestias, atque sanctam crucem & morbos, & mortem denique ipsam: & de paterna Dei cura atque prouidentia minimè dubius, tristitia siue secunda fluant, totus pendeat à voluntate Dei, & stet intrepidus contra Diabolum, mundum & propriam carnem.

2. Hæc fortitudo requiritur in scriptura.

Pf. 27. Confortare, viriliter age, & exspecta Dominum. Hoc est ipsius Domini verbum, Esa. 41. v. 10. Ne declines. Tu ne cede malis sed contra audentior ito.

Esa. 35. vers. 3. & 4. Confortamini & confortate &c. 1. Cor. 16. vers. 13. Viriliter agite, estote fortes. Ephes. 6. Estote fortes, in potentia virtutis, 2. Tim. 2. vers. 1. Tu ergo fili esto fortis per gratiam Iesu Christi.

3. Et hæc quidem fortitudo ad omnes pertinet, non tantum ad eos qui sunt robusto & valido corpore, nec tantum ad viros, sed ad eos etiam qui sunt corpore agro atque inualido, & ad mulieres etiam.

Etenim non consistit illa in externis viribus corporis sed in animo. Et potest fieri vt caro trepidet in angustiis atque timida sit, interim tamen animus est intrepidus. Ideoque in Psalmis notanter dicitur, confortetur cor, Psalm. 27. suprà. Et Psalm. 31. v. 25.

Idem vult Christus Ioan. 14. Ne turbetur cor vestrum.

4. Hæc est illa animi fortitudo in Dauide cum toties repetit: Non timebo: Psalm. 23. 27. 49. 56. & alibi.

Sic enim Dominus sapius, Ne timeas. Esa. 41. 43. & 44.

5. A Domino est hæc fortitudo, (non ab hominibus: Dann menschen hülf ist kein nutz. Pf. 60.) qui per verbum, quod firma fide Christianus amplectitur, sic confortat.

Ideo quæ de sanctis Apostolus Hebr. II. Fide facti sunt fortes in bello. Non autem tantum in militia aduersus homines, sed in omni illa militia, de qua Hiob 7. vers. 1. & Paulus Eph. 6. nos per verbum fortes reddimur à Domino.

Hinc illud Psal. 18. 31. & 120. Dominus fortitudo mea. Et Paulus, Christus me confortat, &c. Phil. 4. v. 13. 1. Tim. 1. v. 12. & 2. Tim. 4. v. 17.

Et propterea in Domino fortes esse vult, Ephes. 6.

II. Pars.

Diximus Christianum decere Fortitudinem: & qualis illa, atque vnde sit, audiuius. Nunc autem porro dispi-ciendum, quomodo Christianus fortitudinem suam demonstrare debeat.

Consistit autem illa fortitudo, quæ ostendit hominem fortem, in duobus, teste Esaia, imò Domino.

I. In silentio. At hoc planè contrarium videtur opinionì vulgi. Illud enim non existimat eum fortè, qui tacet, sed qui tumultuatur, qui vociferatur. *Der sich hören läßt.* E contra timidus habetur, qui silet & tranquillo est animo. *Der dörrff sich nicht wehren.* At coram Deo planè est diuersa ratio, qui animum respicit, non externos gestus.

Is non vult Christianum muliebriter eiulare & vociferari in calamitatibus, neq; etiam tumultuari, indignari, maledicere Deo & hominibus, sed vult ipsum silere ad castigationes ipsius. Hoc silentium nihil aliud est quàm patientia: sicut hoc explicat scriptura. Psal. 39. obmutui, &c. Esaia Christi patientiam per ouem silentem describit, cap. 53. quod Actor. 8. v. 32. repetitur. Et Esa. 42. Non clamabit nec audietur vox.

Sicut vir cordatus premit dolorem nec eiulat, ita Christianus suam fortitudinem probat patienter ferendo & silendo.

Wann er sich nicht vngeberdig / wild / vnstellig erzeigt /
quod nonnulli impatientes faciunt.

potest ille nihilominus gemitibus seriis Deo conqueri
suum

suum dolorem. Is audit & intelligit suspiria, quæ sunt apud ipsum, vox clamans. Patet exemplo Moïsis & Hanne, quorum vox non audiebatur, Exod. 14. v. 15. & 1. Sam. 1. v. 13.

2. In spe consistit etiam fortitudo, vt sc. Christianus non mox desperet de gratia, de auxilio Diuino, &c. sicut nonnulli ægroti, qui Deo valedicunt, Magorum & ipsius Satanæ opem implorant, &c. Fortitudo est sperare in Deo, licet ipse videatur oblitus nostri.

Etiam si occiderit me, sperabo in eum, Iob. 13.

Hinc illud Psal. 42. Spera in Deo, &c. In Domino confido, Psal. 7. & 11.

Etiam contra spem in spem, exemplo Abrahami, Roman. 4. v. 18,

Spes illa ex scripturis alitur, Rom. 15. v. 4. Et non pudefacit, Rom. 5. v. 5.

Væ his qui desperant, Syr. 2. v. 14. Apoc. 21. v. 8.

F I N I S.

T H E M A XVI. C L A S S I S V.

Ioan. 9. à v. 1. ad 4.

Dè cæco à natiuitate, & iudicio Apostolorum.

In funere cæci tractari potest perquam commodè.

D I S P O S I T I O.

Quamuis Christus seriò edixerit, Nolite iudicare, & non iudicabimini, Luc. 6. tamen nihil ferè est in hoc orbe communius. Patet id exemplo ipsius Christi Discipulorum ex hoc loco, qui videntes cæcum statim iudicant, ipsum, vel parentes huius mali fuisse causam, quos tamen Christus aliter instruit, & diuersum sentire iubet.

Quia verò hæc historia nostris temporibus est conuenientissima, ideoque in præsentia illam excutere lubet, præferim cum de hoc casu etiam funus illud, quod huc deduximus, nos moneat.

Tres autem personæ nobis potissimum considerandæ

Aa 3

veniunt.

veniunt. 1. Cæcus. 2. Discipuli. 3. Christus. Singulæ poterunt nos docere, præsertim verò (qui est Magister noster) Christus.

I. Pars.

Sedet ad viam, quâ Christus transit, homo cæcus. Et quidem à natiuitate cæcus. Homo sanè miser. Nam oculi sunt homini quod Sol est mundo. Tenebræ tristes & molestæ. At lux oculis grata, Eccles. 11.

Miser itaq; cæcus est, qui non potest intueri magna illa Dei creatoris opera. Nec etiam ea, quæ sunt charissima, parentes, fratres, liberos. Neque alia etiam, quæ huic mundo afferunt delectationem. Et tantum inanes phantasias concipit cæcus de rebus, præsertim qui à prima natiuitate cæcus est, vt hic.

L. Talia & tam tristia spectacula sæpe Dominus nobis statuit ante oculos, vt agnoscamus, quantum Dei sit beneficium, quod sensibus & membris corporis nobis vti licet integris.

Pauci de hoc cogitant. De his igitur sæpius nos commonefieri vtile est.

1. Vt pij sint grati erga Deum, & rectè vtantur integris sensibus & membris, ad promouendum (quantum in ipsis est) honorem Dei & vtilitatem proximi. Sicut in genere Paulus hortatur, vt membra sint arma iusticiæ, Rom. 6. Sic qui acie oculorum valet, is ambulet tanquam in luce, caueat opera tenebrarum, Ioan. 3. Rom. 13. Ne sequatur illa excecatio, Esa. 6. v. 10.

2. Vt compatiantur omnes miseris illis hominibus, & non indignè tractent eos, sed iuuent quacunque possunt ratione, præsertim si sint pauperes, ne cogantur miseri ostiatim emendicare victum. Leges certè pro talibus tulit magna sollicitudine Pater cœlestis: Cæco non ponendum offendiculum. Surdo non maledicendum. Et non sit mendicus, Leuit. 19. v. 14. Deut. 15. v. 4.

3. Quo loco etiam Magistratus suum debet fideliter exsequi officium, prouidendo, ne egeant hi miseri, ne cogantur.

gantur passim oberrare, præsertim in conspectu gravidarum matronarum, ne qui vitiis corporis deformati sunt, ipsas terreant, vt ex consternatione vel similes fœtus edant, vel abortus faciant. Magna hac in parte quorūdam est negligentia, vel ἀσροπία, aut præpostera tenacitas.

4. Caueant parentes, ne liberis suis imprecantur tales defectus sensuum vel membrorū, *Das du erblindest/ ersahmest/xc.* Sæpè enim hærent in liberis: sicut imprecatio Elisæi in Gehasi, quæ tamen iusta fuit, ex zelo diuino orta: at nobis non imitanda. 2.Reg.5.

II. Pars.

Vidimus cæcū, nunc accedamus ad videntes. Videt cæcum Christus. Vident eundem Discipuli: qui licet oculis sint videntes, tamen cæcū est rationis iudicium apud illos. Mox enim iudicant, vel proprium huius cæci peccatū vel parentū esse causam cœcitat. Christus verò vtrumq; negat esse verum. Sicq; grauiter hallucinari discipulos.

L. Frequens est mundi iudicium tale, quale hîc est Apostolorum: quod iudicat eos, qui infelices sunt in his terris, aut singulari aliqua miseria afflicti, præ cæteris Deo esse exosos, & insigniter peccasse, certisque peccatis sibi has pœnas attraxisse.

Tale erat iudicium Eliphaz (vt & cæterorum) de Hiobe, vt patet cap. 4. & 22.

Tale erat iudicium illorum, qui referunt Christo de oppressis in Siloah, & Galilæis occisis, Luc. 13. v. 1.

Tale erat iudicium Melitensium de Paulo, Act. 28.

At nō probantur Christo temeraria & præpostera hæc hominum stultorum & carnalium iudicia, ideoq; & hîc & Luc. 13. hæc iudicia refutat, imò planè prohibet, Luc. 6. v. 37.

Sunt enim plerumq; impij felices in hoc mundo, & contra pij infelices. Vide Psalm. 73. Hierem. 12. & Hiob. cap. 21. v. 7. & seqq. Et hinc versus isti, Careat successibus opto, Quisquis ab euentu facta notanda putet.

Nescit enim homo an odio vel amore. &c. Eccl. 9. v. 1.

III. Pars.

Christus non tantum redarguit Discipulos sinistrè iudicantes, sed insuper docet, quæ sit causa huius cœcitatæ, videlicet, ut manifestentur in ipso opera Dei. Voluisse enim Deum paulisper sic affligere cœcum, ut in ipso filius Dei insigne faciat miraculum, & is miser tanto post maiori honore & felicitate cumuletur, atque simul omnes hoc miraculum considerantes dent gloriam Deo.

L. Docemur quomodo calamitates & pœnas omnes rectè debeamus intueri.

Notandum.
In pœnis &
afflictionibus respicit
Deus, aut

Peccata:
eaq; vel

Gloriam suam, ut illa
manifestetur, vel
per

1. Præterita, ut puniat. Exemplum David, 2. Sam. 12. v. 10.
2. Præsentia, ut originale, &c. Ut admoneat, Iob.
3. Futura, ut præcaueat, Luc.
13. Nisi pœnitentiam.

1. Probationem fidei, 1. Pet. 1. v. 7. Ioseph in carcere.

2. Patientiam sanctorum. Stephanus. Martyres, Apoc. 14. vers. 12.

3. Inuocationem nominis sui, Psalm. 91. & 116. Et Psalm. 50. Glorificabis me. vers. 15.

4. Liberationem ex periculis. Daniel inter Leones. Socij in fornace, Dan. 3. Paulus in carcere, Actor. 16.

F I N I S.

THE-

T H E M A XVII. C L A S S I S V.

Act. 3. à vers. 1. ad vers. 9.

Historia de claudo mendico sanato.

In funere claudi tractari potest.

D I S P O S I T I O.

Esa. 35. sic legitur, Deus ipse veniet & saluabit vos. Tunc aperientur oculi cæcorum, & aures surdorum patebunt, Tunc saliet claudus sicut ceruus.

Hoc impletum esse tempore Christi prædicantis Evangelium, patet ex Matth. 15. v. 30. & multis aliis locis.

Sed & post Christi ascensum in cælos, hoc loco videmus salientem & exultantem claudum. Quia cooperabatur Apostolis Dominus (qui à dextris Dei sedet) vbique, & confirmabat sermonem illorum talibus signis atq; miraculis, Marc. 16. in fine. Sicut autem illustre hoc miraculum præsentis historiæ factum est in nomine Domini Iesu Christi, ita quoque id ipsum in nomine eiusdem explicandum suscipiemus, occasione præsentis funeris. Videbimus igitur primùm querulâtem claudum miserum sedentem & sellæ vel humo affixum: deinde verò mox eundem erectum, salientem, & exultantem atque lætantem contemplabimur.

I. Pars.

Hierosolymis est vir claudus, & quidem ab vtero. Cuius pedes planè non faciunt officium, ita vt ab aliis gestari ipsum necesse sit.

Triste sanè spectaculum. Et tanto grauior miseria, quod vltra 40. annos durauit, Act. 4. v. 22. Adeoque de omni corporali auxilio, diuino & humano iam desperauerat. Quod si fuisset diues, potuisset forsitan cum aliis lætus conuersari, tempus cõuiuiis & ludis consumere, & sic aliquantò tolerabilior fuisset hæc infirmitas. At pauper est, & vsq; adeò tenuis fortunæ, vt mēdicando victum

& amictum quærere cogatur. Deportatur autem ad ianuas templi, vt sic more mendicorum opportunitate loci frctus, ab illis, qui ingressuri templum tum maximè religiosi & liberales videbantur, facilius impetret eleemosynas. Et suam stationem quotidie occupat, apud eam templi portam, quæ Speciosa dicebatur: vbi forsan maior hominum copia ascendit in templum.

Cum itaque Apostoli duo, Petrus & Ioannes, per eandem viam ingressuri erant templum precationis causa, circa horam nonam, (hoc est, nostram tertiam pomeridianam) rogabat ipsos pro eleemosyna. Et iussus ipsos aspicere (vt scilicet attentus reddatur, quid sit de ipso futurum) ille præter eleemosynam nihil expectat. Et absq; dubio tristis audit illud Petri verbum: Argentum & aurum non habeo, &c.

Antequam autem pergamus & audiamus quid acciperit, miseriam huius hominis considerare operæ erit pretium.

Locvs I. Docet miser hic claudus & simul mendicus, quantum Dei beneficium, membris posse vti integris. Quare enim tam tristia interdum spectacula Deus nobis ante oculos statuatur, de hoc vide præcedent. Dispos. partem I.

Possunt enim illa omnia huc referri non incommode. Præsertim verò ea, quæ Numero 3. illic habentur, De cura & prouidentia Magistratus, hæc recurrunt.

Erat enim magna negligentia Legis illius Deus. 15. hoc loco. Non erit mendicus inter vos. Quia benedicet tibi Dominus. Ergò certè maledicet Dominus, vbi mendicorum est copia, & nulla illorum cura habetur. Sodomitis exprobratur illud, pauperi non porrigebant manum, Ezech. 16. v. 49. Pauper fui, Esuriui, & non cibastis. Abite, Matth. 25.

Quod si verò Magistratus hoc nomine suum fecit officium, commendandi erunt, &c. De his aliàs.

L. II. Discimus porro ex præsentī loco, cohibere præposte-

posterum illud & temerarium iudicium nostrum, de huiusmodi miseris hominibus: de quibus interdum dicimus vel cogitamus, Ah quare Deus illum finit vivere in hac miseria, cum sit Deo & hominibus planè inutilis. *Er ist doch niemaud nutz auff Erden.*

Imò videtur hic suis molestus, qui coguntur ipsum bauiare, & aliis inutilis, qui coguntur ipsum enutrire, &c.

Atqui licet abiectissimus, pauper, miser & inutilis videatur, tamen Deus nouit, quantæ utilitatis homo sit. *Warzu er ihne kômme gebrauchen / Das weiß er wohl: wir aber nicht.* Numquid hic claudus seruit gloriæ Dei? Pet ipsum enim nomen Christi sit gloriosum in tota Hierosolyma. Sic ille paralyticus; 8. annorum, Ioan. 5. Christo est utilissimus, per quem illustret gloriam nominis sui. Idem de cæco Ioan. 9. Christus expressè statuit.

Neminem itaque, ne pauperrimum quidē mendicum, fastidiamus, abiiciamus, contemnamus, aut extinctum optemus: Sed tanto maiori cura ipsum complectamur, propter Deum, cui ille seruire cogitur. Et si alioquin nihil videtur prodesse, tamen sciamus, ipsum esse Dei seruum, cuius opera vtatur, tanquam concionatoris, vt scilicet in nobis illius miseria excitet gratitudinem erga Deum, & exemplum illius patientiam doceat, vbi pius est, &c. Et multa alia ex ipso discere poterimus. Ergo non est inutilis coram Deo.

II. Pars.

Videamus etiam salientem claudum, quod mirum est. Petrus defixis in claudum oculis ipsum alloquitur, & attentum reddit, vt intelligat, vnde & in cuius nomine saninitatem acceperit. Non habeo argentum, sed quod habeo, & accepi gratis, gratis tibi do, in nomine Iesu, surge & ambula. Et apprehensa dextera illius erigit ipsum.

Ibi tum surgit, exultat, & templum cum ipsis ingreditur, atque grata mente Deum celebrat, &c.

L. Ingens sanè & omni laude celebrandum miraculum

lum in hoc claudum factum: quod docet nos omnipotentiam Domini nostri Iesu Christi. Qui enim habet potestatem in cœlo & in terra, is dedit hanc potestatem Petro, ut in nomine Christi sanare possit claudum. Illius igitur omnipotentiae fidamus, & credamus ipsum in dextra Dei patris sedentem non longè abesse: sed præsentissimum adesse omnibus miseris in ipsum credentibus & ex fide inuocantibus. Matth. 28. & 18. Licet autem non omnibus ad eundem modum vel ipse Christus vel Petrus porrigat manum, ut sanitatem corporalem consequantur, certum tamē est, Christum omnibus piis & credentibus porrigere manum, ut æternam sanitatem & felicitatem consequantur. Iuxta id, omnes ad me traham. Ioan. 12. v. 32. Et, venite omnes, ego reficiam. Matth. 11. Spiritualiter sc. si non corporaliter.

L. II. Desperandum nemini, etiam in diuturnis & grauib. morbis, docet exemplum præsens, & illud etiam Ioann. 5. de paralytico, & hæmorrhoidæ Matth. 9. & incuruata. Luc. 13. Qui hîc non sanatur, illic tamen saluus erit.

L. III. Ægri sanitati restituti, exemplo huius ingreditur templum, grati sint Deo. Vide Ioan. 5. v. 14. Contra ingratos sanatos reprehendit. Luc. 17. At plerumq; Prou. obtrinet, Wann der frantz genast/ &c.

F I N I S.

THEMA XVIII. CLASSIS V.

Actorum 3. v. 16.

De claudum sanato Petrus.

Per fidem nominis eius, in hoc quem videtis & nostis, consolidauit nomen ipsius. Et fides, qua per eum est, dedit ei integritatem istam, in conspectu omnium vestrum.

DISPOSITIO.

Quando nouum aliquid, insolitum & inusitatum accidit, magnus plerumque populi fit concursus. Et alii quidem

idem mirantur, alii obstupescunt, alii aliter agunt. Plerique verò interrogant quid, quomodo, à quibus, quare factum, nec quiescunt donec rem omnem, ut acta est, cognoscant. Idem accidit hoc loco, cum Petrus & Ioannes ingens edidissent miraculum, sanato scilicet eo, qui ab utero matris, ultra 40. annos claudus fuerat. Accurrente itaque omni populo, ut de miraculo cognoscant, Petrus occasionem arripit prædicandi Christum crucifixum. Et inter cætera paucis ostendit verbis prælectis, qua ratione claudus ille sanitatem acceperit. Quia verò nullum est dubium, quin multi cupiant scire, quo pacto olim agroti plurimi miraculosè sint restituti sanitati, (cum hodie idem non fiat apud nos) agite hæc Perri verba excutiamus primum, ubi de his rebus nos edocet: postmodum ex illis etiam doctrinas non inutiles extruamus.

Paraphrasis.

Claudus, quem Hierosolymitani iam complures annos ante portam templi Speciosam sedentem & mendicum viderant, iam præter omnium hominum expectationem in templo sanus & validus oberrat, & cum Apostolis Petro & Iohanne hinc inde discurrit, lætus & incolumis, glorificans Deum. Concurrit populus totus stupefactus ad porticum Salomonis.

Mirantur claudi huius subitam & insperatam felicitatem. Ibi tum Petrus eleganti & aculeata simul oratione populum compellat.

Quid miramini super hoc? Quid nos intuemini? Nostra virtute non est factum, ut claudus hic ambulet, sed virtute illius quem vos tradidistis Pilato, & negastis esse Regem vestrum. Hic, hic author vitæ, sanctus hic & iustus Iesus Nazarenus, quem vos latroni postposuistis, hic inquam, effecit ut hic claudus sanaretur. Quomodo?

Per fidem in nomen illius, hoc est, Quia nos credimus Iesum esse filium Dei omnipotentem (quod vos negastis) dedit nobis miseris hominibus potestatem, ut
posse-

possemus sanare hunc claudum, & alia facere miracula: Ideoq; in nomine Iesu iussimus illum surgere & ambulare:

Per fidem etiam hic claudus, quem omnes nostis ab utero matris ultra 40. annos miserum, consequutus est sanitatem in conspectu vestro: hoc est, Quia miser hic (audiens à nobis sanitatem illi conferri in nomine Iesu) ipse etiam credidit in nomen Iesu, ideoque hanc consequutus est, ut videtis.

Si nos non crederemus in Iesum omnipotentem, non potuissemus hunc sanare. Si ipse etiam claudus fuisset incredulus, sanitatem non fuisset consecutus.

Quare autem Christus Iesus hanc virtutem sanandi Apostolis, sanitatem verò claudus, in conspectu ipsorum dederit, ostenditur, scilicet, ut hac ratione nobilitaret per totum orbem nomen suum sanctum, quod ipsi Iudæi calumniis gravissimis conspurcare conati erant. Habebat hoc nomen magnum in utero ab angelo, quod sit filius Altissimi. Luc. 2. v. 32. Et hoc est nomen supra omne nomen gloriosum. Phil. 2. Ipsi verò Iudæi eum Samaritanum, Dæmoniacum, fabrum, Impostorem &c. vocitabant. Voluit itaque filius altissimi gloriam nominis sui vindicare ab iniuriis & contumeliis Iudæorum, edito hoc insigni miraculo in claudus, per Apostolos suos.

L O C I.

I. Debet etiam nobis nomen Christi Salvatoris esse gloriosum, adorandum & sacrosanctum. Non est enim aliud nomen sub cælo datum. Act. 4. vers. 12.

Fidem itaque in cordibus nostris semper habeamus in nomen Iesu Christi, in quod etiam sumus baptizati Gal. 3. Rom. 6. in quo etiam filii Dei (Ioan. 1. v. 12.) erimus & vitam habebimus. Ioan. 20. v. 31. si quidem crediderimus, Ioan. 3.

Ideoque toties iubemur credere in nomen Iesu. Ioan. 1. & 2. 1. Ioan. 2. & 5. Act. 16. v. 31. & petere in nomine Iesu sancta, Ioan. 15. & 16. & glorificare nomen illius, Eph. 5.

v. 20. Coloss. 3. v. 17. 2. Thess. 1. v. 12. & in nomine illius flectere omne genu, Phil. 2. v. 10.

Mirum itaq; hodie reperiri inter Christianos, qui indignè ferunt nudari capita ad mentionem sacrosancti nominis Iesu, & prohibent externam reuerentiam, ut genuflexionem &c. ad nomen Iesu Saluatoris. &c. quæ tamen homini mortali sæpè etiam impiissimo exhibetur.

II. Docemur etiam ex hoc Petri loco, qua ratione (vel quo medio applicatiuo, si ita dicere licet) sanati sint pluri, in quibus facta sunt ingentia miracula: sc. per fidem. Per fidem enim claudum sanatum apertè testatur Petrus. Licet enim causa principalis huius sanationis sit omnipotentia & clementia Saluatoris, in cuius nomine edita sunt miracula ab hominibus, (præter ea quæ ipse fecit visibiliter obambulans in terris) tamen illa omnia mediante fide, utpote causa instrumentali apprehendente gratiam Seruatoris, facta esse, ipse testatur passim. Est enim fides medium applicationis, ex parte ægroti. Hinc aliquoties his verbis sanatos à se dimisit, Fides tua saluum te fecit. Matth. 9. Marc. 10. v. 52.

Fiat tibi sicut credis, Matth. 8. v. 13. Tantum crede & salua erit, Luc. 8. v. 50. Magna est fides tua, fiat tibi sicut vis, Matth. 15. v. 28. &c.

Hinc fidem stupenda opera facere posse Christus auctor est, Matth. 17. & 21. Et nihil impossibile credenti, Matth. 17.

Constat autem fides non tantum noticia sed etiam fiducia misericordiæ Dei per & propter Christum. Et fidei proprium est, contra spem in spem Deo promittenti credere, etiam cum nihil minus cernitur in natura, quam id cuius spem nobis sua promissione facit Dominus. Exemplo sit Abrahamus. Rom. 4. Simus igitur imitatores illius & insittamus vestigiis fidei illius, & veri Israelitæ erimus. De quo etiam nonnihil supra 1. parte diximus. Fidei verò contraria est illa hæsitatio de qua Iacob. cap. 1. v. 6.

QVÆRITVR autem hoc loco, cum adhuc sint fideles in his terris, quare non hodiè etiam fides miranda faciat opera? aut quare credentibus non detur sanitas vt olim? Respondeo. 1. Fides ex verbo nascitur & huic tanquam fundamento innititur. Nisi itaq; verbum Dei & certa promissio adsit, frustra concipitur fiducia alicuius rei.

Et proprie dicendo, hæc non est vera fides, quæ non vnicè respicit verbum Dei & certas promissiones de re aliqua: sed adhuc in dubio versatur. Et claudus hic iubetur aspicere Apostolos & in nomine Christi accipere sanitatem.

Huic verbo tutò inniti debet: & sanatur. Deinde, quia abundè confirmata est signis doctrina cœlestis, non iubemur hodie noua expectare miracula. Conueriant autem ægri sese vera fide & precibus ad Deum, cuius manus non est abbreviata Esa. 59. Qui hodie etiam non sine miraculo multos sanat, licet illud non animaduertant omnes.

F I N I S.

THEMA XIX. CLASSIS V.

Act. 9. v. 32.

Historia sanati Æneæ paralytici.

DISPOSITIO.

De Apostolis emissis in totum orbem terrarum ad prædicandum Euangelium de Christo scribit Euangelista Marcus in fine Euangelii sui quod Dominus vbique cooperatus fuerit & sermonem illorum confirmauerit per signa subsequencia. Eius rei euidens habemus exemplum in hac historia quam prælegimus, vbi Petrus sanauit Paralyticum in lecto decumbentem.

Tria autem considerata veniunt hoc loco:

1. Æneæ paralytici miseria.
2. Miraculum quò sanatur paralyticus.
3. Populi occasione huius miraculi facta conuersio ad Dominum

L. PARS.

I. Pars.

Peragrauit Petrus Apostolus omnes Ecclesias in Iudæa, Galilæa, & in Samaria. Vbique prædicat Christum crucifixum, & prædicationem suam confirmat miraculis. Proficiscitur itaque Petrus etiam Lyddam, ad sanctos, (non mortuos sepultos) viuos scilicet qui ibi habitabant. Christiani sic vocantur, non quod per se sancti, sed quod sanctificati per nomen Domini Iesu, 1. Corin. 6. v. 11.

Ecce autem inter sanctos Lyddæ reperitur homo miserimus, nomine Æneas. Is est paralyticus, affixus lectulo. Et quidem octo annis continuis.

L. Videmus etiam sanctos Dei homines affligi variis morbis & ægritudinibus, interdum admodum grauibus atq; diuturnis. Exempla passim sunt obuia, Iob, Hiskia, Elisa, 2. Reg. 13. v. 14. &c. Est hæc piis infirmis & graui morbo distentis magna cōsolatio: quod Deus illos nihilominus reputat pro sanctis, si maximè affligat, & sic carnem illorum mortificet. Intelligant, se Deo esse charos & filios Dei, Prou. 3. Hebr. 12. v. 6. Ideoq; Dauid Psal. 119. v. 71. Bonum est mihi Domine, &c. Et 1. Corin. 11. Si iudicamur. Atq; simul etiam fidem, spem, patientiam illorum probat, & exemplo vult esse aliis. De his sæpius supra.

Possset etiam ex hoc loco dici de peregrinatione ad Diuos superstitiosa: Cum sancti in terris potius inueniantur. Item, qua ratione Christiani & pij homines in scripturis dicantur sancti, iusti, &c. scilicet 1. vel quia Christi sanguine sanctificantur. 2. vel quod absit ab illis hypocrisis. 3. vel respectu cæterorum impiorum. 4. vel ratione nouæ obedientiæ. 5. vel tandem, quod Christianismum bonis operibus ornare student. Hæc autem propriè ad præsens institutum non faciunt.

L. II. Habemus etiam hîc exemplū diuturnæ infirmitatis, sicut & Ioan. 5. Matth. 9. Luc. 13. Act. 3. & 14. Quibus sese pij Dei homines diuturnis afflictionibus consumpti sustentare debent. De his etiam supra, in tractatione locorum, modò allegatorum.

II. Pars.

Petrus Lyddæ paralyticum Æneam sanitati restituit, his verbis: Iesus Christus sanet te. Non inquit, Ego tibi sanitatem concedo, nec vult suum nomen nobilitare, sed Christi gloriam quærit, quem passim prædica-uit. Is enim est qui potestatem sanandi Apostolis concessit, Mar. 16.

Vt autem constet Æneam Paralyticum virtute Christi Omnipotentis sanatum, addit Petrus, Sterne tibi ipse lectum, in quo scilicet hæctenus decubuisti, propter paralyfin. Imitatur Petrus Dominum suum, qui & ipse olim paralytico dixerat, Matth. 9. Tolle grabatum tuum & ambula.

Æneas porro mox surrexit sanus atque validus. Tam fuit vox illa Petri efficax in nomine Christi. Estque planè eadem ratio sanationis in his verbis, Iesus Christus sanet te, quæ suprâ Act. 3. In nomine Iesu Christi dico tibi, surge & ambula.

Locvs. A Christo sanitas petenda. In nomine enim illius sanari oportet spiritualiter & corporaliter ægros, si volunt verè restitui. Nihil hîc reliquiæ sanctorum, nihil statux possunt. At Apostolis viuis tanquam instrumentis vsus est Dominus. A Christo autem virtus exiuit. Mar. 5. v. 30.

QVÆSTIO. Quare non hodie etiam in nomine Christi paralytici possunt sanari? Aut numquid non sunt pij qui non accipiunt in nomine Christi sanitatem corporalem? Minimè sic sentiendum. Non enim omnes miraculis sanari voluit Dominus, sed paucos tantum, vt his exemplis cæteri edocti bonam spem concipiant, quod infirmitas illorum sit ipsis adiumento futura in bonum. Rom. 8. & quod omnipotens Deus omnes sic possit sanare, si velit.

Sic pauci sunt à mortuis resuscitati, pauci leprosi sanati (quod ipse Christus innuit Luc. 4.) vt illis confirmaretur potentia Euangelij de Christo, & vt in promptu
essent

essent exempla futuræ resurrectionis, &c. Quare autem non velit Dominus omnibus sanitatem corporalem largiri, ipse nouit. Forſitan multis eſſet hoc obſtaculo, quo minus pietati ſtuderent. Simile aliquid videtur colligi ex verbis Chriſti, ſatius eſt &c. Matth. 5. v. 29. & 30. Ita non omnes ad hanc vitam reſuſcitati ſunt, qui pij fuerunt: quia reſeruantur maiori fœlicitati. Sic de cæteris.

III. Pars.

Ambulantem atque validum Æneam vident plurimi, qui ipſum hæcenus paralyticum multis annis nouerant, & conuerſi ſunt ad Dominum, non tantum qui Lyddæ, ſed & qui in vicinia, Aſſarone habitabant. Et viſo hoc inſigni miraculo, credunt concionibus Petri, atque creuit numerus fidelium, qui antea valdè fuerat exiguus.

L. Deverò miraculorum uſu dici poſſet. Is eſt, teſte Ioanne cap. 20. hic, vt credant homines & per fidem vitam habeant. Et in hunc finem non tantum a Chriſto ipſo, ſed & ab Apoſtoliſ ſunt edita, vt ad veram fidem perducantur homines. Si enim hortatur Petrus auditores ſuos, vt credant in eum, cuius ipſi ſint teſtes, quod miracula fecerit, &c. Vide Act. 5. & 10. Et Paulus, Act. 16. Crede in Dominum Ieſum, &c. At quæ hodiè ſunt miracula (ſi tamen verè ſunt) ad ſtatuas & reliquias Diuorum, non hoc volunt vt conuertantur homines vera fide ad Chriſtum filium Dei, ſed vt honos habeatur defunctis illis, quos Diuos eſſe volunt, vel ſuperſtitioſi homines, vel qui lucrum ex illorum miraculis ſperant. Taceo quod multi in numerum Diuorum relati ſunt, hominum mortalium

interceſſione, qui partim nec viui vnquam, nec Di-

ui fuerunt, & multi etiam, quorum a-

nimæ torquentur in inferno.

F I N I S.

THEMA XX. CLASSIS V.

Actor. 14.

De claudo Lystrensi sanato per Paulum.

In funere claudi ab vtero tractari potest.

DISPOSITIO.

Terræ demandauimus hodie membrum Ecclesiæ huius, hominem ab vtero miserum & claudum, nunc verò ab omni infirmitate per Dei gratiam liberum. Viderur itaq; præsens historia huius funeris deductioni, in qua ad audiendum verbum Dei funus congregati, esse conuenientissima: cum de claudo per Paulum Lystris sanato mentionem faciat. Licet enim claudus defunctus non sit sanatus in vita sua, tamen per mortem accepit sanitatem veram: & quem Paulus non iuuit, eum tamen Christus iam liberauit: quique corporaliter non est sanatus, animæ tamen ratione spiritualiter, & in æternum sanus est. Considerabimus autem breuiter tres personas hoc loco. 1. Claudum. 2. Paulum. 3. Spectatores Lystrenses.

I. Pars.

In omnibus ferè locis, præsertim populosis, inueniuntur homines miseri, qui membris corporis integris vti non possunt. Sic Petrus Lyddæ Æneam, & Paulus hoc loco Lystris alium claudum inuenit. Et hic quidem illo est miserior. Æneas octo annis claudus est.

Hic verò Lystrensis ab vtero claudus, qui per omnem vitam suam pedibus insistere non potuit.

Quamuis autem pedes illius officium nō faciant, animus tamen est integer, & facit officium. Audit n. conciones Pauli Apostoli: vel deportatus à suis ad locū, vbi Paulus prædicabat, vel quod Paulus ad ipsum & domesticos accesserit. Nec audit tantum, sed & fidem ex auditu concipit: & credit, Paulum virtute illius, quæ prædicat, posse ipsum sanare. Animo itaq; integer est, qui corpore mutilus.

Lo-

LOCVS I. Multi nascuntur deformati vitiis corporis, non quod illi præ cæteris sint peccatores maximi, (Ioan. 9.v.3. Luc.13.v.2.) sed vt cæteri agnoscant, quantum sit Dei beneficium, membris posse vti integris. De hoc supra aliquoties.

II. Qui non nascuntur, vel fiunt successu temporis mutili, sed Dei beneficio rectè valent, cæteris non exprobrent vitia corporis, quæ ipsis sine propria culpa adhærent, vel accidunt. Quo nihil ferè est vsitatius apud malignos huius sæculi homines.

Sicut autem qui pauperem ridet, ita qui subsannat eum, quem natura corporis vitio notauit, Deum creatorem contumelia afficit, Prou.17.v.5. Is enim est, qui mutum, surdum, claudum nasci permisit, quem loquentem, audientem, &c. potuisset creare. Leges itaq; pro his tulit seuerissimas, Leuit.19.v.14. Et grauissimè punit pueros Prophetæ exprobrantes caluitium, 2.Reg.2.v.24.

III. Qui verò naturæ aliquo vitio deformati sunt, illi r. non sint impatientes, nec maledicant Deo creatori suo. Numquid enim dicet vas figulo, quare me sic finxisti? Esa.45.v.9.

2. Sed cogitent, quod Deus ipsos singulari consilio destinârit, vt in ipsis ostendatur gloria illius, Ioan.9.v.3. sicq; vitia illa ipsis non esse probrosa, sed honorifica: aut tamen Deum ipsorum vitiis benè velle vti sciant, sicq; se Dei esse Ministros, qui aliis debeant suo exemplo concionari, sicut Propheta vulneratus, 1.Reg.20.v.37.

3. Et studeant animi integritate, pietate, &c. hos defectus naturæ supplere, quod faciliè fieri poterit. Sicut plerumque Deus ingenij felicitate, aliisq; dotibus animi vitia corporis compensat.

Solet quoque Deus singulari consilio talibus prospicere de victu, quod exemplum Mephibosethi testatur, 2.Sam.9. Neque etiam Magistratus hoc loco suo officio deesse debet.

Nota. Qui delectatur allegoriis, posset hinc occasio-

nem sumere tractandi hoc argumentum, quomodo omnes simus naturâ claudi ad faciendum bona opera. Et quomodo debeamus ad concionem Pauli esse attenti, ut aliquando surgamus ad faciendum opera vocationis, & ut ambulemus coram Deo, sicut decet Christianos.

I I. Pars.

Paulus animaduertit claudum esse attentum auditorem, & concepisse fidem ex auditu verbi prædicati, siue hoc ex peculiari Spiritus sancti reuelatione, siue ex nutu & gestibus claudi, aliâve ratione intellexerit. Ideoque dignum iudicat, in quo glorificetur nomen Christi crucifixi, in cuius virtute hunc sanare proposuit, his verbis, clara voce prolatis, Surge super pedes tuos rectus. Quod si omnes ciues Lystrenses, imo tota Lycaonia hoc pleno ore clamitassent, nihil effecissent: at Pauli vox id præstat, ut confestim surgat & ambulet, qui per omnem vitam hactenus non ambulauerat, & ne pedibus quidem suis ab vtero insistere vnquam poterat. Facit hoc Paulus in nomine Iesu Christi, qui ipsum fecit Vas electum, Act. 9.

L. Videmus nullum esse morbum tam inueteratum, qui non possit sanari, si Deus id velit. Nunquam enim est abbreviata manus illius, Esa. 59. Et Magistrum se profectur ad iuuandum, Esa. 63. v. 1. Estque ipse verus Medicus, Exod. 15. in fine. Deut. 32. v. 39.

Nunquam igitur desperandum cuiquam. Testantur id exempla eorum, quorum sanationes iam percurrimus, in præcedentibus Dispositionibus.

Iuxta tamen & hoc notandum, Deum non velle semper agere miraculosè: nec velle etiam omnes sanare corporaliter, quia multi suam salutem negligerent, si rectius valerent. Sic enim de pœnitentia, precibus, de fide, imò ne de Deo quidem cogitarent.

Dicendum igitur semper, Fiat voluntas tua. Et sciendum, multos saluari ægros, qui damnarentur sani.

Cæteri loci qui hîc recurrunt, ex similibus historiis, supra sunt tractati.

III. Pars.

Lyſtrenſes videntes miraculum, Paulum & Barnabam pro Diis, hunc quidem pro Ioue, illum verò pro Mercurio habent. Quibus etiam Sacerdos Ethnicus ſacra vult facere. Prohibentibus id Paulo & Barnaba & concionantibus de Deo, Lyſtrenſes malam referunt gratiam. Lapidarunt enim Paulum, ex inſtinctu Antiochenorum & Iconiorum Iudæorum.

L. I. Hominum ingenium repræſentant Lyſtrenſes, qui creaturas pro creatore honorant. Sic olim factum in Papatu, ubi coluerunt ſanctos, & Deum neglexerunt. Vide Rom. I. v. 23. & 25. De his aliàs.

II. Magna vulgi inconstantia & ingratitude. Lapidant quem modò adorarunt.

Nemo confidat in applauſu vulgi.

III. Ingritudine vulgi nemo moueatur, vt propterea aliquid remittat de officio vocationis. Mercedem in cœlis repositam ſciat: Luc. 6. v. 35. & cætera.

F I N I S.

T H E M A X X I. C L A S S I S V.

Rom. 18. verſ. 8.

Non reputo eſſe pares afflictiones præſentis temporis ad gloriam, quæ reuelabitur erga nos.

D I S P O S I T I O.

Inter cætera hominis Chriſtiani officia requiritur etiam patientia in tribulationibus, Roman. 12. Hac autem nihil videtur durius & grauius carni & ſanguini: adeò vt Hiobus ipſe patientiæ nomine celebratiſſimus tandem defecerit. Ideo quæ Paulus cap. 8. ad Romanos multis argumentis nos inuitat ad patientiam, inter quæ non minimam vim habent paucula verba prælecta, quibus Paulus (inſtituta collatione afflictionum huius temporis ad gloriam reuelandam) pronunciat, gloriam lôgè ſuperare

afflictiones. Et potest Paulus dexterrimè iudicare de utroque. Etenim is & passiones huius vitæ & gloriam Paradisi est expertus, ut patet 2. Cor. 11. & 12. cap. Experto itaque credendum. Utque id possimus facilius, nos etiam subducamus rationes ipsi, & utrumque, afflictiones scil. & gloriam, præsentis & futuræ vitæ perpendamus: ut si idem cum Paulo senserimus, postea etiam usum huius loci accuratius pensitemus

I. Pars.

I. Primum, nulla est calamitas, nulla tribulatio, nulla afflictio tam magna, cuius non extent exempla. Nihil enim accidit cuiquam, quod non aliis acciderit ante ipsum: id ipsum audit auris, vidit oculus, & in cor hominis ascendit.

Exempla paupertatis. Lazarus, Iob, Christus, Luc. 9. Captiuitatis. Iechonias, 2. Reg. 25. v. 27. Ioseph, Genes. 39. Ægritudinis. Iob, Lazarus, Iob. 2. v. 7. Luc. 16. v. 20. Diuturnæ afflictionis. Paralyticus, Ioan. 5. Menstruata, Matth. 9. Incuruata, Luc. 13.

Crudelitatis Diaboli. Dæmoniacus puer, Marc. 9. Filia Chananeæ, Matth. 15. Obsessi, Marc. 1. & 5.

Cæciritatis tristissimæ. Tobias, Bartimæus, Marc. 10.

Afflictionis quotidianæ. Moyses, Num. 12. v. 3. Paulus, 1. Cor. 15. v. 31.

Persequutionis. Daud, Apostoli, Martyres, &c.

At gloriæ reuelandæ non extant exempla perfectissima. Paulus & Petrus tantum gustum aliquem perceperunt. Gloriam autem reuelandam oculus non vidit, auris non audiuit, in cor non ascendit, Esa. 64. 1. Corin. 2. Ideò Paulus vocat ἀπρὸς, 2. Cor. 12.

Centuplum recipietis, ait Christus, Matth. 10. Vnam Moysis faciem Israëlitarum propter splendorem non poterant aspicere, Exod. 34. Solis obtutum nemo potest ferre si splendet: at quantus splendor, ubi omnes electi splendebunt sicut Sol? Dan. 12. v. 3.

II. Quod

II. Quod si verò afflictiones huius vitæ, numero, pondere, qualitate, quantitate, &c. essent pares gloriæ reuelandæ; tamen vel hoc vnum facit discrimen inexplicabile, quod afflictiones huius vitæ sunt temporales, gloria verò æterna erit.

Ideo quæ momentanea afflictio dicitur. 2. Cor. 4. Breue tempus. 1. Pet. 1. v. 6. Momentum ira. Psal. 30. v. 6. In momento dereliqui te. Esa. 54. v. 7.

Quid enim sunt centum anni ad æternitatem collati? Certè non vnum momentum. Mille anni aliàs coràm Deo sicut vna dies. Psal. 90. & 2. Pet. 3.

Gloria autem reuelanda æternum gaudium vocatur Psal. 16. v. 11. quod nemo tollet. Ioan. 16. v. 22. & tantò perfectius, quia non miscebitur dolore, sicut in hac vita, sed longè aberit mors, dolor. Apocal. 21.

II. *Vsus.*

Numquid ergo Paulum rectè subduxisse rationes fatebimur? Numquid verè pronuntiauit, non esse pares afflictiones? &c. Maximè.

Hæc verò non scitu tantum necessaria, sed ad vsum nostrum transferenda sunt, quod Paulus tribus his verbis innuit, dum vocat, 1. gloriam, 2. eamq; reuelandam, 3. & quidem in nobis.

Quibus omnibus ceu validissimis argumentis patientiam in nobis excitare studet, & desiderium vitæ alterius.

I. Primum enim tantò grauior est omnis afflictio, quod coràm mundo videtur non nihil nobis esse ignominiosa. Sic etiam Rex Iehiskia de sese. Esa. 38. v. 15. Leniter incedam super amaritudine animæ meæ, per omnes dies vitæ meæ.

At cogitandum, tribulationem non tantum in vita honorificam, si patiaris vt Christianus. 1. Pet. 4. v. 16. sed etiam æterna gloria compensandam. Sicut extant promissiones. Rom. 8. v. 17. 2. Tim. 2. 1. Pet. 1. v. 6. 2. Cor. 4. vers. 27.

II. Deinde cogitandum illam gloriam esse mox reuelandam: non post multas annorum myriades.

Spe iam sumus in gloria & salui. Rom. 8. v. 24. Illa autem spes non fallit, sed reuelabitur. Est enim gloria iam parata ab æterno. Matth. 25. v. 34. Estque iam reposita. 2. Tim. 4.

III. Et reuelabitur gloria in nobis. Non de longe videbimus sicut Moses terram Canaan, Deut. 34. sed in nobis erit gloria. Non erimus tantum inanes & famelici spectatores, sicut qui pauperes admittuntur ad spectandum Comœdiarum lusus, aut conuiuia & pomposa Magnatum spectacula.

Nobis gloria erit, nobis corona imponetur immarcescibilis, 2. Timoth. 4. vbi patienter tulimus tribulationes & spe vicimus. Vincenti dabitur. Apocal. 2. Iacob. 1. vers. 12.

Hic vsus est, Charissimi, Paulinæ supputationis, de qua in prima parte diximus. Hæc spes omnes alit afflictos. Hæc patientiam excitat, vt in mediis tribulationibus exclament pij, Scio quod redemptor, & cætera. Iob. 19. Hæc faciunt vt omnia terrena pro stercorebus reputentur. Phil. 3.

Qui verò eligunt huius vitæ gloriam, & auersantur tribulationes, nec magni faciunt reuelandam gloriam, illi similes sunt Esauo, vendenti nobilissimum ius primogenituræ pro pulte. Gen. 25. Unde geben ein Koff vmb ein Pfeiffen/2c.

F I N I S.

T H E M A XXII. C L A S S I S V.

2. Corinth. 4.

Momentanea leuitas afflictionis nostræ mire supra modum æternum pondus gloriæ parit nobis, dum non spectamus ea quæ videntur, sed ea quæ non videntur.

Nam

Nam quæ videntur, temporaria sunt: at quæ non videntur, æterna.

D I S P O S I T I O.

Magnas in his terris esse Apostolorum, vt omnium piorum, tribulationes, refert Paulus hoc capite 4. Epistolæ secundæ ad Corinthios. Premimur, inquit, laboramus, persecutionem patimur, deiicimur, semper mortificationem Christi in corpore nostro circumferentes: In mortem tradimur & mors in nobis agit. Interim verò ipsos non defatigari asserit. Licet enim externus homo corrumpatur, internum tamen renouari per dies singulos. Obsecro autem te, qua ratione fuit renouatus & erectus animus Apostolorum, tam miserè laceratorum? Hac scilicet, quam verbis prælectis recitauimus, insigni consolatione quod maior ipsis expectanda gloria, quam quæ possit comparari cum huius vitæ tribulationibus. Ideoque se non spectare terrena sed cœlestia, asserit. Congruit hæc sententia cum ea quam Rom. 8. vers. 18. habet. Quia verò insignis hic locus est, ideoque etiam ad nostrum vsum accommodabimus.

Primum itaque videamus, quomodo Paulus inter se conferat tribulationes huius vitæ & gloriam alterius.

Deinde etiam expendamus, quibus Paulo teste cœlestis illa gloria sit parara: vel qui illius gloriæ possint esse capaces.

I. Pars.

Collationis Paulinæ duo sunt membra.

I. Leuitatem afflictionis terrenæ cum pondere siue grauitate cœlestis gloriæ comparari posse negat. Ideoque extenuat afflictiones huius vitæ: quæ si maximè grauissimæ videantur, tamen si conferantur cum immensa & ineffabili gloria, leuissimæ sunt.

Notanda autem vocabula in hac collatione appositissimè vsurpata. Leuitatem enim afflictionis exprimit *πελαφῶν*, hoc est, *καφὸν*, & denotat id quod est portatu fa-

tu facile. Quia non finit Deus ultra vires tentari ququam. 1. Corinth. 10. Et ipse semper supponit manum & alleuat onus. Hinc Christus, Onus meum leue. Matth. 11.

Gloriam verò copiosam descripturus, pondus gloriæ vocat. Et quidem pondus mirè supra modum. Tanta enim est gloria, vt oculus non viderit, nec auris audiuerit: Esa. 64. & 1. Cor. 2. quam etiam lingua non potest effari. Paulus enim vidit ἀπὸ πρὸς πρὸς 2. Cor. 12. Ideoq; exuberantiam gloriæ vocat Apostolus.

2. Deinde temporis etiam ratione nulla potest esse collatio. Nam afflictio est momentanea & temporaria (exprimitur id per voculam *ὡδὸν*,) atque exigui temporis spatium durat. Si enim maximè duret centum annis, tamen coram Deo vix est vna horula, cum mille anni sicut dies vna. Psal. 90. 2. Pet. 3. Itaque Psal. 30. Momentum ira eius. Et Esa. 54. In momento dereliqui te.

At pondus gloriæ dicitur æternum. Etenim non habebit finem. Et gaudium nemo tollet. Ioan. 16. Psal. 16. In æternum abundantia gaudiorum.

Magna hinc nobis accedit CONSOLATIO, quod afflictiones omnes respectu æternæ gloriæ sint leues atque momentaneæ. Queritamus alioquin omnes de gravitate tribulationum, cum Hiobe cap. 6. Si appendatur dolor meus in statera, grauior esset arena maris. Sic de duratione aduersitatum queritur Dauid, Psal. 13. Vsq; quò Domine obliuisceris mei in finem. Numquid oblitus est miserationum suarum. Psalm. 77. At ex schola Spiritus sancti diuersum nos oportet discere, scilicet. nec tam graues, neque tam diuturnas esse calamitates, vt non possimus ferre. Nā quod graue videtur, alleuari poterit collatione futuræ gloriæ abundantissimæ: respectu cuius non pares iudicat Paulus afflictiones huius vitæ. Rom. 8.

Considerata etiam æternitate gloriæ fatendum erit, afflictionem multorum annorum tantum esse momentaneam. Ideoq; patienter ferenda omnia, & dicendum, Bonum est mihi Domine. Psalm. 119. Et orandum pro auxilio

xilio Spiritus sancti confortantis nos, sicut confortat Angelus Christum, Luc. 22. & Paulum. Act. 27.

Notandum etiam responsum Paulo datum. Sufficit tibi gratia mea. 2. Cor. 12.

Semperque tenendum id, Fidelis Deus. 1. Cor. 10.

Vide elegantem similitudinem. Esa. 28. in fine, vers. 26.

II. Pars.

Porro addit Paulus, quibus hæc gloria copiosa sit parata. Leuitas inquit afflictionum pondus gloriæ parit nobis. Quomodo? Tamen in illa afflictione vobis pereundum, & nihil nisi ignominia cernitur? Ita sanè mundus iudicat. Nos autem non spectamus ea quæ videntur, non præsentia, quæ in oculos incurrunt, respicimus, sed ea quæ non videntur. Nam quæ videntur temporalia sunt, euanida & mox peritura. At quæ inuisibilia sunt æterna sunt.

DOCEt hic locus longissimè à via veritatis aberrare, & æternæ gloriæ nunquam participes fieri eos, qui tantum respiciunt terrena, & hoc vnum agunt, vt gloria, honore & omni felicitate fruantur in his terris. De his Paulus Philip. 3. quod terrestria curantes Deum habeant ventrem. Et finis illorum perditio. Sunt enim inimici crucis Christi. *Zarte Christen/ die nichts leiden wöllen*

Ad illos etiam non pertinet gloria æterna, quia non volunt compati Christo, quod omninò requiritur, Roman. 8. v. 17.

Quod si Apostoli & Martyres ita fuissent affecti & voluissent subterfugere afflictiones huius vitæ, nullam etiam gloriam futuram & reuelandam Rom. 8. sperare potuissent.

Semper itaque hoc tenendum, per multas tribulationes. Act. 14. v. 22. Et quicumque piè viuere volunt. 2. Tim. 3. Atque multò satius est leuiter hîc affligi, & perpetuò ibi gloria frui, quam hîc momentum lætari & ibi perpetuò cruciari. Dicendum potius, Hîc vre, hîc seca, ibi parce.

Reiici-

Reicienda omnia terrena post tergum, Phil. 3. v. 13. & respicienda bona inuisibilia, quæ possidemus in spe. Rom. 8. 1. Ioan. 3. v. 2.

F I N I S.

T H E M A XXIII. C L A S S I S V.

Heb. 10.

Ne abieceritis fiduciam vestram, quæ magnam habet præmii retributionem.

Nam patientia vobis opus est, ut ubi voluntatem Dei peregeritis, reportetis promissionem. Adhuc enim perpusillum temporis, & qui venturus est, veniet, & non tardabit.

D I S P O S I T I O.

In hoc capite author Hebræis in memoriam reuocat magnam illam fidei constantiam, quam Deo probarint in summis difficultatibus, quando & varia probra & pressuras, & direptionem quoque suarum facultatum æquissimo animo pertulerunt. Quia autem perseverantia in maximis ærumnis videtur esse difficilis, ideo verbis hisce prælectis tribus argumentis firmissimis consolatoriis ipsorum animas munit, quæ singula cum suis doctrinis iam excutere animus est.

I. P a r s.

Fiduciam vestram ne abieceritis. Hactenus semper fuistis magno animo in aduersis. Quia spes vobis erat in Deo vestro. Nolite igitur quicquam remittere de fiducia semel concepta.

Sic enim magna accipietis præmia à Deo: ita ut intelligatis vos non frustra omnem fiduciam in Deo collocasse. *Ihr dürftes nicht vergebens thun.* Qui enim manent fideles, his rursus fidelis erit Dominus remunerator.

L O C V S. Discimus non satis esse, si quis bene cœperit
in fe-

in ferendis afflictionibus, sed requiri perseverantiam. Neque enim qui in medio cursu subsistit, brabeum accipit, sed qui ad metam præfixam tendit.

Neque enim dignus est regno cœlorum, qui manum posuit ad aratrum & retrospicit. Luc. 9.

At qui perseverauerit saluus erit. Matth. 24.

Certandum itaque & fides seruanda, his reposita est corona. 2. Tim. 4. Vincenti dabitur de ligno vitæ. Apoc. 2.

Spe itaq; huius præmij amplissimi semper pergamus, nec abiiciamus fiduciam nostram. Væ enim his qui cedunt.

II. Pars.

At inquis, Quomodo poterimus perseverare in tantis difficultatibus? Quam graue est carni & sanguini nihil nisi probra, ærumnas, dolores, &c. experiri? Sed quis homines, non sumus ferrei aut saxei. Quomodo tot mala poterimus sustinere?

Responderet Apostolus, Patientia opus est.

Vnde autem patientia animis hominum instillari & quomodo in cordibus eorum ali atque foueri possit, mox addit, paucis verbis, hoc innuens scilicet, voluntatem hanc esse Dei clementissimam vt cruce exerceantur electi. Ideoque non posse ipsos voluntati Diuinæ reluctari. Semper enim oramus, Fiat voluntas tua. Neque etiam potest voluntas Dei esse non bona.

Ideoq; patienter ferenda omnia, quæ Deus imposuerit.

D I S C I M V S, in hoc patientiam consistere, vt nos subiiciamus voluntati diuinæ. Et cum certi simus sine illius voluntati non cadere capillum de capite nostro, Matth. 10. Certò etiam statuere debemus, nihil nos calamitatis experiri ipso nolente aut nesciente. Quod si is ita voluerit, quò possumus aliter quàm cum Christo dicere, Non sicut ego volo, sed sicut tu vis. Matth. 26.

Ita Dauid, 2. Sam. 15. Si dixerit, non placet, præstò sum. Faciat de me quodcunque voluerit.

Sic

Sic Eli tristissimum audiens nuncium, patienter accipit id, dicens, Ipse Dominus, faciat quod vult. I. Sam. 3. Sic Hiskia Esa. 39. Bonum est verbum Domini. &c.

Est hæc patientia magnus Dei cultus, & habet promissiones amplissimas. Commendabitur etiam in nouissimo die fides & patientia illa sanctorum. Apoc. 14. v. 12. Sic leuior fit omnis tribulatio. Imitandum exemplum Christi. Esa. 53. vers. 7. Contra qui impatientes sunt, contra Deum insurgunt, tanto grauius ferunt onus, & dum calcitrant contra stimulum, sibiipsis accelerant interitum. Simile. Sicut equus excussurus fessorem durius tractatur, &c. Ita. hîc.

III. Pars.

At quis semper & in omnibus præstet patientiam, si non graues sint tantum afflictiones, sed etiam tam diuturnæ? Respondet Apostolus, nõ vltra quam par sit differendam liberationem diuinam. Allegat dictum Prophetæ Habacuc cap. 2. Adhuc per pusillum temporis veniet qui venturus est, & nõ tardabit. Estq; is adiutor in opportunitate.

L. Magnam ex his verbis afflicti CONSOLATIONEM capere possunt, quod crux non sit multo tempore duratura. Hoc enim ferè maximè remoratur patientiam, quod videtur Dominus diutius quam par sit differre auxilium.

Hinc illæ querelæ, Psalm. 6. vers. 4. Vsquequò Domine. Et Psalm. 13. 79. 89. vers. 47. Vsquequò, &c.

Et sicut aliàs omnis mora longa est, ita hîc maximè. At sciendum, Dominum non morasnectere, sed coram ipso mille annos loco vnus diei esse. Psal. 90.

Præterea, si conferantur dies afflictionis cum æternitate gloriæ reuelandæ, vix vnum momentum sunt. Ideoque momentanea afflictio vocatur 2. Corin. 4.

Quæ huc pertinent præterea, pleraque in duabus præcedentibus Dispositionibus (quarum Themata ad eundem finem tendunt) sunt annotata.

THE-

T H E M A XXIV. CLASSIS V.

Hebr. 12. vers. 7.

Si castigationem sustinetis, ut filiis sese offert vobis Deus. Quis enim filius quem non castigat pater? Quod si alieni estis à castigatione, cuius participes sunt omnes, spurii estis, non filii.

D I S P O S I T I O.

Innuit Psaltes Psal. 51. v. 7. Deum nonnunquam in ius vocari ab hominibus: & iustificari sapientiam Dei à filiis suis, author est Christus, Luc. 7.

At vix est aliud, de quo magis litigent homines cum Deo, quàm hoc, Quare Deus affligat pios, impiis verò parcat? Super hac quæstione ipse etiam magni nominis Propheta Deo litem intendere non veretur, Hierem. 12. vers. 1.

Hunc verò nodum egregiè soluit Apostolus in verbis prælectis. Hanc itaq; bimembrem quæstionem examinabimus: audituri, 1. Quos Deus affligat & quare? 2. Quos vicissim non castiget, & quæ causa, cur illis parcat.

I. Pars.

Principiò, cum quæritur, Quos Deus affligat plerumque & præ cæteris? Respondet Apostolus, Filios suos dilectos. Et quidem omnes. Sequitur enim mox, Quod castigationis participes sint omnes. Est itaque castigatio illa diuina signum paterni animi erga filios.

Hoc enim volunt verba Apostoli, si castigationem sustinetis ut filiis sese vobis offert pater.

Sed instat aliquis: Quare filios præ cæteris affligit, & quidem germanos atque Christianos filios?

Respondet Apostolus ex Salomonis ore, Proverb. 3. Quia diligit illos. Et quis est pater prudens atque cordatus, qui non interdum castigat filium errantem? Ratio est: Quia cupit ipsum euadere in virum bonum, Deum

timementem, & felicem. Er wolt gern ehr an ihm erleben. Ideoque sapius corripit, atque diligentius etiam obseruat & seuerius castigat filium germanum, quam vel priuignum, vel quemuis alium peregrinum.

Notanda autem phrasis scripturæ, quæ ad filios Dei pertinet. Non inquit de filiis, quod puniantur, quod lædantur, affligantur, contundantur, & percutiantur, &c. sed quod castigentur. Sic enim innuit quæ sit differentia inter virgam patris erga filios, & inter plagas quibus puniuntur improbi: ea sc. quæ est inter virgam parentis & carnificis. Vatters Nut vnd henckers Nut sind sehr vngleich. Elegantissimè itaque loquitur de castigatione diuina, vocans hoc loco *παίδευσις*. Sic I. Cor. 10. ait corripimur à Domino, *παίδευομεθα*.

Et Tit. 2. Apparuit gratia, *παίδευστι* nos, &c. Quo simul vocabulo etiam vsum castigationis paternæ exprimit, quod scilicet per hanc disciplinam erudiamur, vt simus cauti in omni vocatione, ne offendamus patrem. Sic enim Erasmus locum illum Tit. 2. exprimit, quod gratia Domini sit erudiens nos. Idem autem vocabulum ibi quod & hîc & I. Cor. 10. extat.

Vsv huius loci docet ipse Salomon sapientissimus, verbis quæ ab ipso Apostolo ex Prou. 3. allegantur, his scilicet, Fili mi ne neglexeris correptionem Domini, neque deficias cum ab eo argueris. Est itaque duplex admonitio. 1. Non negligendam illam castigationem. Erudire enim illa debet de peccato, quod hæret etiam in renatis. Et de inobedientia quam Paulus deplorat Rom. 7. Hanc mortificare cupit Dominus illa disciplina paterna. Hoc agnoscendum, cum Dauide, Psal. 119. vt correpti & disciplinati discamus iustificationes Domini.

2. Deindè verò non propter illam paternam castigationem deficias à Deo. Cauenda impatientia, quæ sollicitat ad defectionem à Deo. Estque illa impatientia imago vxoris Hiobis, quæ iubet maledicere Deo. Iob. 2. v. 9. Muniendi autem animi piorum hac Apostoli doctrina,
contra

contra murmur illud carnis, cum pedes ipsorum commouentur, Psal. 73. vers. 2. aduersa illa piorum fortuna. De qua Hierem. 12. v. 1. & Iob. 21.

Respicendum I. ad Consilium Dei, qui castigat simul & erudit paternè, ne cum mundo pereamus.

1. Cor. 11. vers. 32. Ideoque, Bonum est mihi. Psal. 119. vers. 71. *Es geschieht um des besten willen.* Vide & v. 67. Psal. 119.

2. Deinde notanda differentia illa inter *ἡμεῖς* Dei, atque inter *παῖδες*, quæ propriè ad electos Dei filios pertinet.

Illà ultio & pœna venit à Deo irato super impios. Disciplina verò à Deo pacato, & ab animo paterno erga filios.

3. Et sciendum, Castigationem hanc esse paternam. Non in æternum comminabitur. Psal. 103. *Er kan auch wider auffhören.*

Cum iudicio castigasti eos. Esa. 27. v. 8. Ier. 30. v. 11. & 46. v. 28. Momentum ira eius. Psal. 30. v. 6. 2. Cor. 4. vers. 17. Non ultra vires. 1. Cor. 10. *Er machts nit zu grob. Man dreschet es nicht gar zu nicht.* Esa. 28. v. 28.

I I. Pars.

Non omnes à Deo castigari suprà ex Hiobe & Hieremia audiuius, sed quosdam non flagellari cum cæteris hominibus affirmat Psalmus 73. v. 5.

Quinam verò sunt illi, quibus non est eadem sors cum piis? Spuriis sunt & nothi. Sunt quidem etiam hi filii Dei, si creationem spectes. At sunt filii degeneres, de quibus Esa. 1. Filios enutriui &c.

Ideoque non pro germanis agnoscit Deus, sed pro nothis. Quare autem illos non castigat? Quia non pro dilectis filiis agnoscit: & quia scit illos non esse frugi, ideoq; non paterno amore prosequitur, sed ad tempus liberos dimittit, indignos videlicet paterna castigatione: iuxta id Prophetæ. Quid ultra percutiam vos? Esa. 1. v. 5. & Ier. 2. v. 30. Frustrà percussi filios vestros, Disciplinam non receperunt.

Tandem verò tarditatem pœnæ grauitate compen-
sat, & ad internecionem cædit impios.

Sic Hierem. 12. Reseruas ipsos vt mactentur, v. 3. Et Psal.
73. prosterne ipsos, facti sunt in desolationem subitò.
v. 18. & seqq. Et sunt sicut paleæ coram facie venti, Hiob.
21. v. 18. & seqq.

Non enim hæc est sententia Apostoli, quod omninò
parcat illis Dominus, & quod liberi sint futuri ab omni-
bus aduersitatibus: sed quod paternas quidem non sen-
tiant castigationes, & interdum exigui temporis inter-
uallo pro lubitu viuant, at tandem seuerissimis pœnis co-
hercentur, & digna factis accipiunt præmia. Ibi tum non
virgam patris, sed carnificis experiuntur, non castigantur
paternè, sed percutiuntur in furore, non patrem, sed vl-
torem Deum sentiunt, qui est ignis consumens.

Rogemus itaque ex Psalm. 6. Domine, non in furore
tuo arguas: & patienter virgam patris feramus. Vide Ie-
rem. 10. v. 24.

Errant autem grauissimè, qui malunt esse nothi & spu-
rii magis, quàm filii germani, vt sint immunes à casti-
gatione paterna. Imminet enim ipsis præsentissimus in-
teritus.

Pari impietate laborant hi, qui cum (ab iis qui conso-
lationis causa ipsos accesserunt) audiunt, ægritudinem
vel alias afflictiones esse Dei visitationem, [de qua Chri-
stus Luc. 19. v. 44.] respondent interdum vel per iocum, vel
ex impatientia, Vtinam me Deus domi non offendisset,
&c. Aut qui similes nugas tractant. Absit hæc impietas à
Christianis. Deus non irridetur, Gal. 6. vers. 7.

F I N I S.

THEMA XXV. CLASSIS V.

2. Timoth. 2.

*Certus sermo. Nam si commortui sumus, & conui-
uemus. Si sustinemus & correignabimus.*

DIS-

DISPOSITIO.

Quamuis nihil in hoc orbe Christianis magis sit commune, quàm pati & mori, tamen nihil etiam his duobus videtur esse grauius. Et licet spiritus interdum promptus sit, caro tamen semper est infirma.

Ideoque Spiritus sanctus hoc vnicè agit passim in scripturis, vt variis argumentis muniantur animi Christianorum, ne eximpatientia crucem (iugum illud Christi Matth. II.) excutientes Deum abnegent, sicut id Paulus hoc ipso capite vocat.

Talis autem hic locus Pauli est, vt si præter hunc non extaret alius, vnus sufficere posset homini Christiano, ad excitandam patientiam, in omni aduersitatum genere. Singula penè verba singulare pondus habent. Illa itaque accuratius examinanda erunt, vt argumenta Pauli intelligamus, quæ potissimum tria sunt, ordine tractanda.

1. Argumentum Consolationis.

Dixerat in verbis immediatè præcedentibus Paulus, se omnia sufferre propter electos, vt ipsi salutem consequatur, quæ est in Christo Iesu: cum gloria æterna.

Et addit: Si commorimur, scilicet huic, quem modò nominavi, Iesu Christo.

Hoc verbum [commorimur] habet in recessu hanc consolationem: Si maximè Christiano sint perferendæ plurimæ afflictiones, adeò, vt vitam etiam propter nomen Christi perdat, nihil tamen illi euenire nouum aut insolitum. Nec ipsum propterea angi & tristari debere, Quia moriatur cum Christo.

Cum Christo pati nos inquit, non cum mundo. Hoc omnem mortis acerbitatem lenire potest.

Qui cum mundo, vt Iuda, Saule, &c. patitur nihil habet consolationis. At qui cū Christo patitur, cum ipso etiam sentit consolationem diuinam. Gemina est hæc consolatio. 1. Quia Christus ante nos mortuus est, non sit nobis graue sequi ipsum. Non est seruus supra Dominum, Matthæi 10.

Si me persequuti sunt, persequentur vos etiam Ioan. 15.
Si caput moritur, cur non etiam membra.

Si Dominus gloriæ crucifixus, cur nos miseri homines fugeremus crucem.

2. Deinde quam gloriosum est occumbere cum Christo Duce huius militiæ. Quam gloriosum est militi gregario occumbere a latere Imperatoris & Ducis belli. Perpetuum inde nomen acquirit, qui alias perpetuo esset ignobilis. Et si gloriosum Ionathamo occumbere in pugna pro patre, pro patria, quod David prædicat, 2. Sam. 1. v. 23. non minus gloriosum Christiano pati, & mori cum Christo Domino gloriæ.

Ideoque Petrus hortatur 1. Pet. 4. Non pudeat vos sed Deum honorate. Qui cum Christo patitur non propter scelera patitur.

Gloriatur Paulus se stigmata Christi circumferre: Gal. 6. v. 17. & supplere quod deest passionibus Christi: his scilicet quæ quotidie patitur in suis membris. Col. 1. vers. 24.

II. Argumentum Consolationis.

Non obiiicimur tot passionibus & morti, ut nihil inde nisi miseriam reportemus, sed magna sunt proposita præmia vincentibus in hac militia, & fortiter pugnantibus. Nam qui sustinent, illis promittitur regnum, qui mortis pericula fortiter adeunt, illis promittitur vita.

En tibi compensationem & largam remunerationem. *Wie können wir mehr gewinnen.* Moriendo vitam acquirimus, & sustinendo siue perseverando regnum.

Miles aliquis sese obiiicit tot vitæ periculis, perfert & obdurat, ut vel stipendium amplum, vel honoris augmentum à Duce suo acquirat: is nihil curat omnes aduersitates spe alicuius præmii, & id tamen adhuc dubium est: si vel Martis aleam vel Ducis ingenium spectes.

At miles Christianus propositum habet præmium, & præbeum amplissimum, regnum, vitam. Et id certum est.

Certus

Certus sermo, ait Paulus. Non enim homo est mutabilis qui promisit. Nec dubia pugna fortibus.

Pater enim promisit regnum & disposuit. Luc. 12. v. 32. Et dicet Matth. 25. hæreditate regnum, vobis paratum.

Plurimi certè pro regno dimicarunt vitæ cum periculo, (consulantur historiæ sacræ & prophanæ) nec pauciores pro vita sua pugnant fortissimè. Quid igitur non faciat Christianus? Paulus certè deserere fert: Certavi, fidem servavi. (2. Tim. 4.) reposita est mihi corona. Ecce regnum. Item, occidimur, in mortem tradimur, sed vita Iesu manifestatur in nobis. 2. Corin. 4. Ecce vitam moriendo servatam.

III. Argumentum Consolationis.

Quod si pro regno terreno vitæ subeunda pericula: si vita corporalis tanto sudore, tanto studio conservanda, quid non sustinendum pro vita æterna, pro regno æterno?

Latet itaq; maior vis consolationis in vocabulo, Conuiuemus, & corregnabimus. Quo Paulus innuit non tantum vitam corporalem (quæ non tanti esset facienda) non regnum mundanum & terrenum tantum nobis obtingere, si commoriamur & compatiamur Christo, sed cum Christo nos regnatos, cum ipso victuros in æternum. Sicut enim Christus non viuit tantum, non regnat tantum, sed viuit & regnat in gloria, & quidem in æternū regnat (ideò Regni illius nullus esse finis Luc. 1. Dan. 7. dicitur) & in æternū non moritur (ideò Rex immortalis 1. Tim. 1. dicitur:) ita quicumque cum ipso moriuntur & patiuntur æternam gloriam & vitam propter ipsum & cum ipso hæreditabunt. Rom. 8. v. 17. &c.

Conformia enim reddet nostra corpora suo glorioso. Phil. 3. Hæc gloria tanta erit, quam humanus animus non potest assequi, (1. Cor. 2. Esa. 64.) in his terris.

Et hæc tam sunt vera, ut nihil sit dubitandum cuiquam. Certus sermo, Non enim Paulus vultu spem simulat,

lat, premit altum corde dolorem: Sed certò Christianos hoc sperare vult. Spes autem hæc non fallit, Rom. 5.

VSVS HVIVS LOCI GENERALIS.

Quia fidelis & certus hic sermo, adeò vt ipsam filium Dei oportuerit per passionem & mortem intrare in gloriam suam, Luc. 24. quis non volet conformis fieri imagini Christi? Rom. 8. v. 29. vt etiam gloriæ eiusdem fiat particeps. Maximè verò considerandum, quod omnia huius mundi regna, quantumuis florentissima, nulla ratione possint comparari cum regno illo eterno, parato credentibus & viuentibus, in hac militia super terram, de qua Iob. 7.

Si potuit Agag vincere mortis amaritudinem fortitudine quadam externa, ceu militari, 1. Sam. 15. v. 32. cur non possit Christianus vincere omnem mortis & crucis acerbicatem his promissionibus amplissimis. *Da freylich nichts zu verlieren ist/ &c.*

F I N I S.

T H E M A X X V I. C L A S S I S V.

2. Timoth. 4.

Eripiet me Dominus ab omni malo, seruabitque in regnum suum cæleste, cui gloria in secula seculorum, Amen.

D I S P O S I T I O,

Cum Paulus hanc posteriorem scriberet ad Timotheum Epistolam, Romæ captiuus detinebatur, imperante ibidem crudelissima illa bestia Nerone, cui homines occidere tantæ voluptati fuit, vt fratres, coniugem suam, & matrem etiam trucidare non fuerit veritus. Cum autem Epistolam finiret Paulus, nouit iam sibi esse propediem moriendum: quia tum secunda vice sistendus erat Tyranno illi truculentissimo, cuius ingenium Paulo satis erat

erat cognitum. Ideoq; cap. vltimo scribit: Instat tempus resolutionis meæ, & ego iam immolor, innuens scilicet se gladium Neronis exspectare. Hæc audientes charissimi, putabitis Paulum vicinum ignominiosæ mortis in magna fuisse trepidatione, in magnis angustiis & horrore mortis. At verò paucis verbis prælectis Paulus coram omnibus Christianis publicè testari voluit, Quid ipse de morte sua sentiat, docens scil. quomodo ad imitationem ipsius, Christiani omnes mortem (etiam violentam, si ita ferat tempus confessionis) nullo modo debeant exhorrescere.

Hæc itaque Pauli verba sigillatim excutiemus primùm, Deinde ad nostram vtilitatem quid faciant, audiemus.

Paraphrasis.

Cum primùm sisteretur Paulus Neroni, talis erat rerum facies, vt nemo hominum ipsi assisteret. Omnes etiam amici deseruerunt ipsum. Altera vice sistendus, adhuc in maiori versatur periculo. Tum enim ipsum extremo supplicio affectum perhibent scriptores Ecclesiastici. Factum anno Christi 70. Conuersionis verò anno 37.

Non latent hæc Paulum, diuinitus procul dubio admonitum, quod instet tempus supplicij & immolationis. Quid verò Paulus? Olim Philippenfis scribens, cupere se dissolui aiebat, Phil. i. At plerumque quando finis imminet vitæ, tergiuersantur homines: Præsertim hi qui extremo supplicio sunt afficiendi.

Vt trepidant illi, vt moras nectunt? Paulus verò à priori sua sententia dimoueri se non est passus. Ratio.

Quia aliter de morte sua iudicat, quàm caro & sanguis nos iubet. Quomodo igitur?

i. Primùm mortem suam vocat liberationem ab omni malo. Dominus me liberabit, inquit.

Et quidem per mortem. Finem ille malorum facit, apud pios saluandos, per mortem.

2. Quod si verò nulla accederet consolatio maior, non essemus multò feliciores Ethaicis, qui & ipsi dixerunt, Mors si bona non est, finis tamen illa malorum est.

At Paulus meliora etiam post mortem sperat. Ideoque addit: Dominus seruabit in regnum suum cœleste. Hæc demum magna est consolatio Pauli, quod scit restare post mortem aliam vitam beatam. Et paratum ipsi locum in regno, ac regno quidem cœlesti. Ideò loco suprà allegato, nō dissolui tantum cupit, sed addit, cupere se esse cum Christo. Nunc verò latus animam suam Christo seruatori reddere cupit: parum sollicitus quid de corpore fiat. Mortem non timet, quia vitam sperat. Terram non curat, quia cœlum petit.

3. Inquat aliquis, interim tamen graue est gladio finire vitam. Decollatus enim est Paulus. Graue mori sub carnifice, & perire morte ignominiosa. At Paulo hoc tam non est graue, vt Deo dicat pro tanto honore gratias. Addit enim, cui gloria in secula seculorum, Amen. Et meritò quidem. Gladius hic carnificis Martyrii coronam capiti Pauli imponit. Ideoq; gratias agit Domino, quod tanto illum dignetur honore. Licet enim coram mundo hic Pauli obitus videatur ignominiosus, pretiosa tamē mors sanctorum coram Domino, Psal. 116. v. 15. Sic Apostoli læti abeunt, cum virgis caderentur, quod digni essent pati pro nomine Iesu, Act. 5.

LOCI COMMVNES.

I. Sicut Paulus paratus est mori, animo promptissimo, quia mortem scit esse liberationem ab omnibus malis, ita Christiani omnes mortem non debent exhorrescere, sed illam subire læti atq; alacri animo, cum Simeone, Nunc dimittis, &c. Luc. 2. Phil. 1. Cupio dissolui.

Qui verò vel ad nudam mortis mentionem trepidant, (quod multi faciunt delicatuli) illi sanè stulti sunt & sibi ipsis contrarii. Etenim cum quotidie orant, Libera nos à malo, & interim illam liberationem auersantur, quid faciunt

ciunt aliud, quàm quod Deo illudunt? Nulla enim in his terris perfecta potest fieri liberatio ab omnibus malis, nisi per mortem. Tum cessat paupertas, ægritudo, infamia, sollicitudo, metus, & cætera, de quibus Syr. 40. vers. 1. quod per omnem vitam durent. Videantur exempla Gentilium quàm magno animo illi sæpè contempserint mortem.

At Christiani non tantum per mortem se liberari ab omni malo, sed & seruari in regnum cœleste norunt. Ibi pauper fit diues, æger fit sanus, ignobilis celebris, tristis hilaris, & infelix felicissimus. Quare igitur non magis diligerent cœlestia quàm terrena? Cum *πλῆθμα* nostrum in cœlis sit, Phil. 3. Desideramus superindui, & volumus exui, quia domicilium non manufactum expectamus, 2. Cor. 5.

Patriarchæ meliorem expetierunt patriam, hoc est, cœlestem, Hebr. 11.

Hæc qui fideli animo perpendit, non potest mortis horrore tantopere concuti, cum credat, mortem esse transitum ad vitam meliorem, Ioan. 5.

Et si Paulus violenta morte occidendus tam magno est animo, ut gratias insuper agat Deo, quare non potius qui naturali morte decedunt, gratias agunt Deo pro clementissima illa liberatione, & hæreditate cœlestium bonorum?

II. Si Deus voluerit nos cum Paulo mori, propter veritatis professionem, non sit hoc graue nobis. Sic enim Deus honoratur, 1. Pet. 4. Et Deo potius gratiæ agendæ, qui nos dignos iudicauit, Act. 5. v. 41. Etenim his reposita est corona vitæ, Iac. 1. 2. Tim. 4. immarcessibilis, 1. Pet. 5. Centuplum recipiet & vitam etiam æternam, Matth. 19. v. 29.

F I N I S.

T H E M A XXVII. CLASSIS V.

1. Petr. 4.

Charissimi, ne miremini, dum per ignem exploramini,

mini, quæ res ad experimentum vestri sit, quasi nouum aliquid vobis obtingat. Imò in hoc, quod consortes estis afflictionum Christi, gaudete, vt in reuelatione quoque glorie eiusdem, gaudeatis exultantes.

DISPOSITIO.

Mandatum Christi est ad omnes Christianos perti-
nens, Qui vult me sequi tollat crucem suam quotidie, &
sequatur me. Luc. 9.

At tam durus est hic sermo, vt caro & sanguis vix pos-
sit capere. Est enim tale iugum, cui ægrè colla subdunt
homines carnales.

Hortatur itaque Petrus Christianos regeneratos, ne
grauentur crucem Christi portare. Egregiè autem hanc
rem tractat: Ostendens sc. primum, Quid de cruce sit
fentiendum, & quomodo animus hominis assuefacien-
dus cruci. Deinde subiungit rationes, quare æquo ani-
mo ferenda. De his dicendum.

I. Pars.

Primum non de leuissimis afflictionibus spem facit
Christianis, quæ facilimè possint superari, sed vult ipsos
animare ad grauem pugnam.

Ideoque calamitates varias & interdum satis graues
vno vocabulo complectitur, ignem sc. vocans, vel πῦρ-
ον, (quæ incendium, vstionem & concoctionem signifi-
cat) non tantum eam ob causam hoc loco, quia sit ignis
probationis (de quo in 2. parte) sed quod afflictio Chri-
stianum adurat, & dolorem carni pariat. *Es brennet
vnd schmerzet.* Sicut alias ignis adurens corpus, grauissi-
mum excitat dolorem.

Sic etiam 1. Pet. 1. vers. 7. fidem per ignem tribulatio-
num explorari asserit, sicut aurum igne probatur. Ita Psal.
66. Transiuimus per ignem. De grauissimis & vrentibus
calamitatibus loquitur. Ita etiam 1. Cor. 3. per ignem pro-
babitur, hoc est, tentationibus grauissimis.

Neq;

Neque verò hæc ideò proponit vt sic terreantur hominēs, & refugiant propter afflictionum grauitatem: Sed quia tela præuisa minus ferire dicuntur, præmunit animos Christianorum, ne mox resiliant, si maximè æstus tentationum ipsos obruat. *Es soll wehe thun / sonst were es kein Creutz.*

Et ne nouum aut peregrinum aliquid sibi accipere patient, ideo prædicitur illis hoc. *Mὴ ἔσθις*, hoc est, crux non à vobis accipi debet, tanquam nouus aliquis & inexpectatus hospes, sed scitote quod hæc sit quotidianus cibus Christianorum. *In der Christen Hauss soll das Creutz kein gast sonder das täglich brot seyn.* Quotidie enim vult nos Christus tollere crucem. Luc. 9. v. 23. Non debent mirari super hoc Christiani, ait Petrus.

Docet hæc prima pars, Christianos semper esse debere paratos, ad excipiendum hunc hospitem à Christo missum, ignem sc. tentationum.

Oportet per multas tribulationes ingredi. Act. 14. Qui piè viuere volunt illos oportet pati 2. Timoth. 3. *Es will vnd kan nicht anders seyn.* Oportebat enim Christum per eandem viam ingredi in gloriam. Luc. 24. v. 26. Calicem meum bibetis. Matth: 20. Calicem in manu habet Dominus omnibus propinandum. Psalm. 75. v. 9.

Ideoq; mox vbi Christo nomen dedimus oportet nos assuescere cruci. Ne miremini inquit Petrus. Facit hoc contra delicatulos quosdam Christianos, qui volunt p-
mimò esse immunes ab omni tribulatione: & vbi sentiunt vel leuissimas calamitates, insurgunt aduersus Deum, & mirantur tãquam super re admodum peregrina. *Stellen sich les / vnd meinen es soite ihuen kein Creutz zu hauss kommen* Hi sunt, de quibus Paulus Philip. 3. inimici crucis. At illorum finis est interitus.

II. Pars.

Porro quia grauis est afflictio carni & sanguini, ideo Petrus rationes addit, quare æquo animo ferenda.

1. Ex-

I. Exploratio illa fit ad vestri experimentum. Sic enim probat Deus fidem vestram, tanquam aurum in igne. Huc pertinet etiam illa similitudo ignis. Eadem habentur etiam Prouerb. 17. v. 3. Sapient. 3. v. 6. Syr. 2. v. 5. Ier. 9. vers. 7.

DOCET hæc prima ratio, Non perniciosam sed utilem esse homini crucem & calamitatem, sicut omnia adiumento sunt in bonum diligentibus Deum, Roman. 8. Sic enim mortificatur vetus Adamus, excitatur homo ad preces ardentiores, Esa. 26. vers. 16. &c. Itaque non ægrè ferenda.

II. Non nouum aliquid & inusitatum aut insolitum accidit vobis, si tentet vos Deus variis calamitatibus. Est enim hæc communis fors Christianorum.

Imò sic consortes estis afflictionum Christi. Idem ferè Rom. 8. v. 29. imagini filij eius conformes.

Ipse filius Dei passus est tentationes & calamitates varias. Non igitur discipulus melioris esse debet conditionis quam Magister, Ioan. 13.

Ita I. Pet. 5. Eandem afflictionem fratres habent. Phil. 1. v. 10. Idem certamen sustinete quod ego.

DOCET hæc secunda ratio, magnam esse eorum insolentiam, qui velint meliori vti fortuna, quam omnes ipsorum confratres per totum ubiq; mundum. Cogitandum potius, non decere Christianum ut secus tractetur, quam ipse filius Dei, Apostoli, Prophetæ, Martyres, & omnes pii. Ich wills nicht besser haben dann andere. Unser HERR Gott soll mir rein besonders machen. Non sum melior patribus meis, ait magnus ille Propheta Domini, 1. Reg. 19.

III. Ideò vos consortes facit Dominus afflictionum Christi, ut in reuelatione quoque gloriæ illius exultetis. Gaudete itaque potius propter afflictiones, quia magnam habent compensationem. De qua Roman. 8. v. 17. 2. Tim. 2. v. 11.

DOCET hæc tertia ratio respiciendum potius ad futu-

ta, quàm ad præsentia, quod & Paulus vult, 2. Cor. 4. v. 18. Superna quæramus, non terrena, Phil. 3. v. 19. Coloss. 3. In cælis *πολίτευμα*, Phil. 3. Sicq; muniendi animi, quod non sint pares afflictiones gloriæ reuelandæ, Rom. 8. Et quod iam spe salui simus, Rom. 8. v. 24. Ideoq; desiderio teneamur alterius vitæ, 2. Cor. 5. v. 2. vbi reuelabitur gloria, & cessabit spes.

F I N I S.

T H E M A XXVIII. C L A S S I S V.

Iac. 5. vers. 10.

Exemplum accipite fratres mei afflictionis ac patientiæ, Prophetas, qui locuti sunt in nomine Domini. Ecce beatos dicimus eos, qui sustinent. Tolerantiam Iob audiuitis, & finem Domini vidistis, quod valde misericors sit Dominus ac commiserans.

D I S P O S I T I O.

Patientiam in afflictionibus admodum esse necessariam, Epistola ad Hebræos cap. 10. disertè testatur. Sice enim voluntatem Dei facere decet. Eadem quoque sententia est Iacobi in capite quinto, vbi ad patientiam hortatur eos, qui Christo nomen dederunt, sumpto argumento à præsentissimo aduentu Domini, quod simili de agricultura illustrat. Quia autem nouit Apostolus Iacobus, vix quicquam magis facere ad persuadendum, quam exempla aliorum, ideoq; in his verbis primū sanctissimorum veterum Prophetarum: Deinde etiam optimi & patientissimi Hiobis exempla Christianis imitanda proponit. Hæc duo nos exempla figillatim tractabimus, & quid in singulis consideratu dignum iudicet Iacobus, expendemus.

I. Pars.

Fratres considerate exempla afflictionis & patientiæ Prophetarum.

Et

Et hæc quidem illustriora fient, si consideraueritis.

1. Primum quales illi fuerint homines, legati scilicet Dei omnipotentis. Loquuti enim sunt ad vos in nomine Domini. Non propria autoritate quicquam vel fecerunt vel dixerunt, teste Petro, 1. Pet. 1. sancti illi Dei homines.

2. Deinde considerate etiam quanta mala fuerint ab ingratisimo hoc mundo perpeffi.

Contumeliam & ignominiam. Mose. Num. 12. v. 3. Esaias. cap. 28. v. 10. & 57. v. 4.

Egestatem & inopiam. Elias. Micha. 1. Reg. 22. vers. 27.

Verbera & carceres. Micha. 1. Reg. 22. Jeremias. Ier. 20. & 27. & 28. Hanani. 2. Par. 16. Exilia. Elias. 1. Reg. 19. Jeremias. Vide cap. 43. Imò mortem ipsam crudelissimam. Zacharias lapidatus. 2. Par. 24. Gladio Vrias occisus. Ierem. 26. Esaias ipse ferra dissectus legitur.

Et, quem Prophetarum patres vestri non occiderunt? Act. 7. v. 52. Vide Matth. 23. v. 37.

3. Tertio verò loco considerabitis illorum patientiam propè incredibilem. Mose quem toties lapidare voluerunt adeò non succensuit aduersariis, ut pro illorum salute anathema fieri optârit. Exod. 32. Zacharias iam moriturus tantum hæc verba protulit, Videbit Dominus & requiret. 2. Par. 24. Et non tantum benè ceperunt, sed sustinuerunt, id est, ad mortem usque in patientia perseverarunt. Hos itaque meritò pronuntiamus beatos, qui omnem impatientiam vicerunt.

Docet Iacobus, sanctorum exempla non tantum id eò proponi ut admiremur illos, sed ut imitemur illorum fidem, spem & patientiam. Stultum enim est, illos quidem prædicare beatos, interim verò non velle ipsorum exempla sequi, neque cum illis inter beatos numerari.

Et quis quæso bona conscientia detrectabit patientiam, qui hæc sanctissimorum hominum exempla expendit? Numquid enim illis sumus meliores? Minimè. Aut grauiora illis patimur? Nequaquam. An non eandem

cum

cum illis mercedem in cœlis repositam scimus? Maximè. An non cum illis beati esse cupimus? Etiam. Quare igitur non eandem cum illis patientiam præstamus in afflictionibus: Et arrogantis ingenij argumētum est, meliori vel le esse loco, quàm ipse filius Dei, cum omnibus Prophetis & Apostolis. De hoc supra etiam. Facit hoc contra tene-ros quosdam Christianorum animos, qui putant indignum esse, si subiiciantur calamitatibus & ipsi, quibus Deus (nescio ob quam simulatam pietatem) debebat parere: qui tamen ne vel cum minimo eorum, quorum exempla sunt supra allegata, comparandi sunt: imò indigni, qui aquam illis porrigant, quod dicitur prouerbio.

I I. Pars.

Proponit Iacobus etiam exemplum Hiobis considerandum.

1. Quantæ fuerint illius calamitates, ex cap. 1. & 2. illius historiæ omnibus constat.

Concurrunt ibi innumera penè mala, Paupertas, liberorum orbitas, ægrotudo, vxoris & amicorum atq; etiam famulorum malignus erga ipsum animus, contemptus, &c. Vide querelas ipsius cap. 19. 29. 30. &c.

2. Admiranda tamen ipsius fuit patientia, cum & bonis exutus, & liberis quoq; orbatus fuisset omnibus. Sic enim exclamat, Dominus dedit, Dominus abstulit, sit nomen Domini benedictum.

Cumq; omnes vires nocendi intendisset, & à capite ad plantam vsq; pedis ipsum percussisset malignus ille Spiritus, tamen æquo hoc animo Hiobus tulit, dicens, Si bona suscepimus, &c.

Debetis igitur hoc exemplum (id enim vult Iacobus) imitari omnes.

3. Tantò autem magis præstanda patientia, quia finem etiam Domini vidistis, in affligendo Iobe. Vbi satis probata fuit patientia, fides & spes illius, Satanæ frenum iniecit Dominus, & abundè compensauit Hiobo omnia. Videatur finis historiæ Hiobis.

4. Nec potest aliter facere Dominus, cum sit misericors valdè & commiserans.

L. Præterquam quod exemplum patientiæ Iobis nobis hîc imitandum proponitur, docemur etiam 1. ex hoc loco, spectare finem calamitatum, quibus Deus sanctos illos homines exercuit. Non enim perpetuò affligit, sed & finem facit. Est enim *πολύσπλαγχνος*, vt habetur hoc loco. *Das Herz bricht jme.* Jer. 31. v. 20. *Er kan nicht zu lang zusehen.* Ad vesperam fletus, Psal. 30. Non finit tentari ultra vires, 1. Corin. 10. Magna hæc est consolatio.

2. Expectandus autem finis Domini, & terminus, qui Deo videbitur opportunus: cum sit adiutor in opportunitate, Psalm. 9. v. 10. Non licet illi præscribere tempus, sicut Maria conatur facere Ioan. 2. Audit autem, Nôdum venit hora. *Er weiß wohl wans am besten ist / vnd brauchet an vns kein argen list / das solln wir jhme vertrauen.* Finem Domini videbimus, si non in vita, in morte tamen, vbi perfecta sequitur liberatio. Et finem quidem optatum atq; optimum:

Nota. Alij aliter exponunt verba hæc, [Finem Domini vidistis.] Mihi placet hæc sententia, quæ à scopo verborum non defleat.

F I N I S.

T H E M A XXIX. CLASSIS V.

Apocalyp. 2. v. 10.

Esto fidelis vsque ad mortem, & dabo tibi coronam vita.

Posset hoc Thema referri ad Classẽ I. perquam commodè, & in funere fidelis & benè de Ecclesia meriti alicuius Ministri tractari. Sed & ad omnes Christianos in afflictionibus constantes pertinet.

D I S P O S I T I O.

Magnam continent hæc verba Ioannis promissionem,
factam

factam Angelo, hoc est, Legato Domini, siue Ecclesiæ Smyrnenfis Pastori: qui tum temporis ibi creditur fuisse optimus & constantissimus ille Martyr & confessor Christi, Polycarpus, Discipulus Ioannis Euangelistæ. Hic cum annis 86 fideliter Christo seruiisset, tempore quartæ persecutionis, sub Imperatore Commodo Vero, Anno Christi 170. rogo ardenti impositus, nec tamen à flamma absumptus, tandem verò ferro transfixus est. Vide histor. Ecclesiast. Euseb. lib. 4. cap. 15. Quia autem scriptura nos exempla sanctorum considerare iubet, ideoq; iam hæc verba diligentius excutiemus.

1. Audiemus promissionem factam Smyrnenfis Ecclesiæ Antistiti de corona vitæ.

2. Qua verò conditione corona hæc illi promittatur, subiiciemus.

I. Pars.

Christus, qui à Iohanne vocatur cap. 1. v. 13. similis filio hominis (sicut & Dan. 7. v. 13.) & Apoc. 2. v. 8. dicitur mortuus, qui reuixit, per Ioannem Euangelistam, cui in visione apparuit, promittit Angelo, id est, Antistiti Ecclesiæ Smyrnenfis (illi scilicet, quem supra diximus, Polycarpo) coronam vitæ.

Huius coronæ non semel fit mentio in scripturis. 1. Corinth. 9. mentio fit coronæ incorruptibilis. & 2. Tim. 4. Coronæ iusticiæ. Iac. 1. Coronæ vitæ. & 1. Petr. 5. immarcescibilis gloriæ.

Per coronam autem vsitatissima Metonymia, (vbi signum pro signato accipitur) intelligitur regnum. Sicut etiam in lingua Germanica eadem vtimur Metonymia, vt cum dicimus, *Die Cron Behem*, intelligimus Regnum Bohemiæ, &c. Promittitur ergo Polycarpo, vno verbo regnum cœleste, & æternum. Cuius etiam se consortem fore Paulus sperat, 2. Tim. 4. v. 18. Et corona vitæ pro vita æterna dicitur.

Locus. Antequam pergamus, charissimi, sciendum

amplissimam hanc promissionem de corona & regno cœlesti, non Paulo tantum & Polycarpo factam esse, sed & omnibus Christianis fidelibus. Sic enim ipse Paulus 2. Tim. 4. Non solum mihi sed & omnibus qui diligunt aduentum eius. Sic Christus non Apostolis tantum dixit, Edetis & bibetis mecum in regno & sedebitis super thronos, Luc. 22. sed & omnibus electis se parasse regnum hæreditandum, ipse author est Matth. 25. v. 34. Iac. 1. Coronam vitæ promisit Deus diligentibus eum.

De infantibus etiam Christus pronunciat, quod ipsorum sit regnum cœlorum. Marc. 10. v. 14. Ita nos omnes etiam iubet quærere regnum Dei & iustitiam eius. Matth. 6. v. 33. Sumus enim vocati ad regnum & gloriam. 1. Thess. 2. v. 12. Et translati illuc. Col. 1. v. 13. vt accipiamus immobile regnum. Heb. 12. v. 28.

Magna hæc gloria Christianorum, magna consolatio, quod Christus fecit nos Reges & sacerdotes Deo & patri suo. Apoc. 1. v. 6. & 5. vers. 10.

Gratias itaque ipsi debemus immortales, vt dicamus cum Ioanne, Apoc. 1. Ipsi gloria & imperium, &c.

Omnia enim huius mundi regna collata cum regno cœlesti electis parato, non vnus assis æstimanda sunt. Turpe igitur relinquere cœlestia, immobilia & incorruptibilia, & eligere caduca, vana & momentanea, &c.

Quærenda quæ supra sunt. Col. 3. vbi *πολίτευμα* nostrum. Phil. 3.

II. Pars.

Secundo autem loco iam notandum, Quæ conditione Polycarpo Antistiti Smyrnenfi promissum sit hoc regnum & corona hæc vitæ, de quibus iam diximus.

Esto fidelis. Fac officium & constanter asserere nomen Christi Seruatoris, contra omnes Iudæorum & Gentilium furores. Et licet maximas sis experturus persecutiones, & capitis etiam supplicium, ad mortem tamen fidelis esto. Respice coronam vitæ æternæ, & facile relinques

ques hanc vitam terrenam. Vide etiam vers. 10. huius capituli, Apocal. 1. Hæc animo suo perpendens Polycarpus, teste Eusebio, nec bestiarum dentes, nec ignis flammæ tanti fecit, ut vel hoc vno verbo [Iuro per Cæsaris fortunam] vitam voluerit redimere: sed magno animo minitanti Proconsuli respondit, Voca bestias: Infer ignem & quicquid lubet. Et rogam ardentem lætus pertulit, atque ad mortem fidelis mansit.

DOCEMVRE ex hoc loco, Non ignavis, non delicatulis, non certamen detrectantibus, non deficientibus tempore afflictionum, sed certantibus, currentibus pro brabeo, fidem seruantibus & fidelibus ad mortem usque, paratum esse regnum vitæ.

Nemo coronatur nisi qui certauerit. 2. Tim. 2.

Non qui deficit in cursu brabeum accipit. 1. Cor. 9. Sed vincenti dabitur. Apoc. 1.

Ideoque Paulus de se, certaui, fidem seruauit. 1. Tim. 4.

Qui enim non tollit crucem & sequitur Christum, non est dignus ipso. Matth. 10. Luc. 14.

Nec qui posuerit manum ad aratrum, & retrospexerit, aptus est regno cælorum. Luc. 9. At qui perseuerauerit, saluus erit. Matth. 10. & 24. Qui fidelis ad mortem usque coronam accipiet.

Sciendum autem hoc loco, Deum vires subministraturum, ut possimus ferre mortem & omnia propter nomen ipsius. Ego tecum, ne timeas. Esa. 43. v. 2. Cum ipso sum. Psal. 91. v. 15.

Hoc agnoscit Polycarpus, nolens clavis affigi & dicens: Qui ignem ferre posse dabit, dabit etiam ut sine vestra clauorum cautione immotus in hoc rogo permaneam.

Non est itaque detrectanda conditio, sub qua promissio facta est de corona vitæ, scilicet si fidelis maneat ad mortem.

Hoc est id ipsum quod Paulus habet 2. Timoth. 2. Si commorimur conuiuemus. Qui autem vitam hanc terrenam magis diligit, quam cælestem, & æternam atque immarcescibilem, coronam illam non cupit accipere.

Dicamus ergo (si vel ignem tribulationum de quo 1. Pet. 4. v. 12. vel rogam etiam ardentem experiri cogamur) cum Polycarpo: Ignem minaris ad horam arsurum, ac paulò post extinguendum: ignoras enim ignem illum futuri iudicii & æterni supplicij impiis reservatum.

Item, dicamus cum ipso, Christianus sum. Et gratias ago tibi Pater, quod me hac hora dignatus es, ut partem accipiam in numero Martyrum, in populo Christi, ad resurrectionem vitæ æternæ, &c.

Faciunt hæc ad patientiam in omnibus afflictionibus & morte etiam, apud eos, qui non respiciunt præsentia & visibilia, 2. Cor. 4. v. 18. sed coronam vitæ promissam.

APPENDIX

CLASSIS V.

CONTINENS THEMATA

QVÆDAM IN FVNERIBVS
leproforum tractanda.

THEMA I.

Ex 2. Paralipom. 26.

Historia de Vfia seu AZaria Rege Iuda leproso.

DISPOSITIO.

Sepeliuimus hodiè leprosum quendam, hominem multis annis (si corporis qualitatem spectare velimus) sanè miserum. Est enim lepra propter contagium horribile & abominandum malum. Et plures hoc malo infectos olim etiam in populo Israëlitico fuisse, Christus author est, Luc. 4. v. 27. Et scriptura quidem exempla viginti leproforum ob oculos statuit, quorum alij, 14. scilicet numero, singulari Dei beneficio mundati, cæteri verò ad finem vsque vitæ leprosi fuisse leguntur. Neque hi tantum ex vulgo hominum fuerunt, sed in his etiam Vfiæ siue Azariæ Regis, & quidem inter Reges Iuda nec minimi nec

im-

impiissimi exemplum iam recitari audiuius. Occasione itaq; præsentis funeris audiemus. 1. Quis ille Vſias Rex ante quàm leprosus fieret. 2. Quomodo lepra infectus fuerit. 3. Et quid poſt de ipſo factum.

I. *Pars.*

Fuit Vſias ſiue Azarias Rex Iuda filius Amasie, qui inter pios Reges numeratur, licet Idololatria & ſuperbia peccauerit aliquando, & ſatis graues eo nomine pœnas dederit. Inſiſtit veſtigiis patris filius, fecit rectum coram Domino, quamdiu Zachariam Prophetam habuit Doctorem, & fuit feliciffimus in omnibus actionibus, omni tempore quo quæſuit Dominum, 2.Par. 26.v.5.

Debellaui Philiftæos auxiliante Domino, Ammonitas habuit tributarios, & fama illius celebrata fuit paſſim uſque in Ægyptum.

Ædificauit etiam ciuitates, arces, diues agri, pecoriſque: & creuit illius potentia Deo proſperos ſucceſſus dante, verſ. 15.

Potentior autem factus, peccauit ſuperbia & arrogantia, & neglexit Dominum Deum ſuum. *Zu ſeinem Verderben.* habet Textus, v.16. Quid autem mali designarit, de eo in ſpecie in ſecunda parte diceretur.

L. Videmus quam faciles ſint lapſus humani, & quam verum illud ſit, Prauum (*truſig*) eſt cor hominis, Ier.17. præſertim ubi omnia ex voto ſuccedunt. Tum enim plerumq; illud pronuntiatum pro ſymbolo habetur: Secundas res decent ſuperbiæ.

Eodem modo Amazias pater Vſie peccauerat, elatus victoria quam ab Edomitis reportauerat, bellum denunciâns vicino Regi Ioas, 2.Paral. 25.v.17. Certè ipſe etiam Dauid proſperiori uſus fortuna incidit in adulterium, 2.Sam.11.v.2. Hoc intelligens Sapiens deprecatur diuitias, Prou.30.v.9.

Hæc ideò dicuntur, ne graues ſint nobis afflictiones & miſeriæ, quæ certè hunc uſum habent, quod in humilitate detinent Chriſtianum.

Bonum est mihi Domine, quod humiliasti, Psalm. 119.
Antequam humiliarer, erravi, Psal. 119. v. 67.

Corripit Dominus, ne cum mundo condemnemur, 1.
Cor. 11. Scit enim quid sit in corde hominis, qui cor & re-
nes scrutatur, Jerem. 17. & 20. Rom. 8. v. 27.

Non facile (imò carni & sanguini propè impossibile)
est, æqua commodamente pati.

II. Pars.

Superbiam Regis punit Deus morbo graui, scædo, & in-
curabili, lepra scilicet. Etenim cum Vias ex arrogantia,
posthabitis fidelissimis admonitionibus Sacerdotum, A-
saria & 80. Collegarum, arrepto thuribulo incensum ad-
olere conaretur, & Sacerdotibus reprehendentibus i-
psum (quod contra manifestam legem Domini peccet, &
pœnas Deo daturus sit grauissimas) superbè indignare-
tur, & minas etiam spiraret, è vestigio in ipso templo, su-
per altare thymiatis, publicè est lepra in fronte (vt omnes
agnoscerent iudicium Domini) notatus, quæ adhæsit ipsi
omnibus diebus vitæ. Et post mortem etiam sepultura
Regum Iuda caruit, quia lepra à Deo percussus erat.

Loci possent tractari hic aliquot.

I. Deum etiam Magnatum peccata videre & punire
velle.

II. Ne Regum quidem superbia Deo placet. Minus
priuatorum.

III. Nemo sit ἀνομιόπεικων, 1. Petr. 5. nec Mini-
stris Ecclesiæ præripere conetur, quod illis à Deo est com-
missum.

IV. Man kan sich an armen Psaffen auch versündi-
gen. Sed qui sequitur locus, ppriè instituto nostro seruit.

DISCIMVS hic, lepram, vt & omnia alia morborum
genera, pœnas esse peccati. Sicut enim mors, ita etiam
nuncii mortis sunt stipendia peccati, Rom. 6. Præterea
etiam interdum certa peccata certis morbis puniuntur;
sicut exempla leproforum in scripturis testantur.

Miriam

Miriam arrogans eadem plaga punitur qua hîc Rex Vſias, Num. 12. v. 10. Gehaſi mendacium & auaritia lepra punitur, 2. Reg. 5. Ioabi crudelitas in poſteris lepra puniendi prædicitur, 2. Sam. 3. v. 29. Sicut ſcortatio ſcabiæ maligna, quæ interdum à lepra parum abeſt, puniendi dicitur, Syr. 19. v. 3.

Audiui ego à leproſis, qui ingenuè confeſſi ſunt, quod nimia ingurgitatione, &c. hoc malum contraxerint.

Et ni exempla eſſent odioſa, poſſent plura adduci, ubi in primis ſuperbia ſædis morbis punita fuit. Sicut etiam propter ſuperbiam Herodes factus eſt *σκληρόβρωτος*, Act. 12. Cauenda itaq; talia & ſimilia peccata.

Quod ſi quis præter ſuam culpam tali inficiatur plaga, patienter ferre debet: cum teſtentur exempla etiam leproſos fuiſſe Deo curæ: licet non omnes liberati fuerint ab illis ſædis morbis. Leproſi 4. 2. Reg. 7.

Vide commiſerationem Chriſti ſuper leproſo, Matth. 8. Marc. 1.

Animæ enim hic morbus non nocet: ſicut Vſias nihilominus eſt ſaluatus. Interdum hic morbus eò ſeruit, vt afflicto corpore, anima ſalua ſit: Inuitat enim ad pœnitentiam. Et ideò magis ſint ſolliciti de cura animæ, quam corporis, quod in terram reuerſurum eſt. Anima autem ad Deum redit, qui dedit, Eccleſ. 12. In reſurrectione enim illorum corpora erunt *ἀφθάρτα*, quæ hîc fuerunt *φθάρτα*, & quod ſeminatum eſt in *φθορᾷ*, reſurget in *ἀφθαρσίᾳ*, 1. Corinth. 15.

III. Pars.

Vſias lepra notatus eiicitur ex templo, quod non erat polluendum. Et ipſe quidem agnoſcens iudicium Dei feſtinat exire de templo. Regno ineptus cēſetur, & priuatus viuit in domo ſeparata. Pie tamen moritur cum patribus.

L. Leproſi & alij morbidi, ſcabiæ maligna, &c. infecti agnoſcant, plagam ipſorum eſſe à Domino, & ideò ferant patienter iſtam ſeparationem à cōſortio hominum.

à Deo prrudenti consilio mandatam. Leu. 13. Deut. 17. & 24. Nec cupiant esse molesti aliis: dicentes illud Mich. 7. Iram Domini portabo, Quia peccavi illi.

Ipse Rex Vñas habitat in domo separata: Et leprosi illi decem stant à longè. Luc. 17.

Et hoc agant, vt, cum vident corpus quotidie emori, anima tamen illorum viuat in æternum, & corpus reddatur gloriosum post hanc vitam. Phil. 3. v. 21.

Magistratus etiam hac in parte faciat officium, cum hîc ne Regi quidem potentissimo patcatur: & segreget infectos à consortio hominum, absq; personarum respectu. Prospiciat autem ipsis de victu & necessariis, ne cogantur hinc inde oberrando aliis esse molesti, & victum emendicare vaticum, &c.

F I N I S.

T H E M A II.

In funeribus Leproforum.

Ex 2. Reg. 5.

Historia de Nahamano leproso sanato.

D I S P O S I T I O.

Introducitur in conspectum nostrum præsens historia virum magnum & honoratum apud Regem Syriæ, prædiuitem etiam atque militiæ Principem, Nahamanum, qui cor oculusque Regis fuit, per quem salus toti regno Syriæ hætenus contigit: & cui præter corporis prosperam valetudinem, ferè nihil felicitatis defuit. Erat autem fædo & abominabili morbo infectus, lepra scilicet. Sed & anima illius horribili labe Idololatriæ polluta erat. At mirabili Dei consilio factum, vt salutem animæ & corporis acceperit, mediante Propheta Elisæo. Cum igitur historia sit ad modum iucunda & utilis, placuit illam in præsentem leprosi defuncti funere explicare, summatim præcipua tantum illius capita tractando.

Dice-

Dicemus I. Qua occasione Nahaman peruenerit in Israel.

2. Quid circa illius mundationem acciderit.
3. Quid restitutus sanitati fecerit.

I. Pars.

Magna est calamitas Nahamani, quod tam fœdo & incurrabili morbo infectus est. Nec dubium quin pro redimenda sanitate omnem suam substantiam (quæ sanæ magna erat) profudisset lubens. At nulla nec arte nec virtute humana morbus potest abigi. Diuina igitur prouidentia illi consulere vult, & quidem occasione mirabili, per puellam famulam captiuam: quæ de miraculis Prophetæ Elisæi ipsum edocet, & persuadet ei, vt acceptis à Rege suo literis intercessoriis (sicut vocantur) magno cum comitatu, magnisque cum diuitiis, proficiscatur in Regnum Israelis, vt ibi restituatur sanitati.

Loc I. I. Docet exemplum Nahamani, nihil ex omni parte beatum in rebus humanis. Ecce enim qui honoribus, diuitiis, authoritate, fauore Regis & aliorum, magnaue felicitate est cumulatus, morbo tamen fœdo est correptus & sanitatem non habet. Vicissim puella famula captiua, paupercula quidem sed tamen corpore sana est.

Sic enim Deus solet partiri sua bona, vt Nahaman habeat diuitias & honorem, sanitatem autem non habeat: vicissim famula ratione sani corporis sit diues, licet diuitias non habeat. Nec vni omnia, nec omnibus vnum dat. Et habet huius rei suas causas, vt scilicet alius sic alteri cogatur seruire, & tam Nahamanus indigeat opera puellæ, quæ illi fuit loco magni thesauri, quam puella indiget opera heri.

Vnusquisque ergo suam baiulet crucem, sciens à Deo ita esse prospectum ipsi.

L. II. Videmus heros interdum opera famulorum suorum magis indigere, quam famuli Dominorum. Certe

tè hæc famula plura contulit Nahamano, quàm Rex Syriæ, qui ipsum multis cumulauit diuitiis.

Sint itaque famulis æquiores. Ephes. 6. Coloss. 3.

L. III. Multi tantum diuites putant esse beatos. Simile ferè iudicium Psalm. 73. v. 12. Et Ierem. 12. v. 1. At plerumque Deus illis diuitias amaritudine aliqua solet condire, vt & ipsi habeant, quod illos exerceat. Vel si diuites sunt, hæredes ex se natos non habent: Et id Abrahamum prædiuitem torquet multo tempore. Genes. 15. v. 2. Vel liberos habent inobedientes, vt Iacobus.

Vel deest illis ingenium & prudentia, vt Nabalo. 1. Sam. 25. v. 25. Et quid prodest stulto habere. Prou. 17. v. 16. Vel sanitatem corporis non habent, vt Nahaman, Afa. Ideoque tu non optes tibi illorum diuitias, sed viue tua sorte contentus. Prou. 30. v. 8. Et cogita, Magnus quæstus pietas. 1. Tim. 6. v. 6.

Inprimis verò qui est corpore valido, habet de quo gratias agat Deo, plus quam de multis diuitiis.

Salus corporis est patrimonium pauperis, ait Augustinus super Psalm. 76. Tom. 8. pag. 578. Nec commutasset puella captiua suam sanitatem cum Nahamani diuitiis.

Pergamus autem cum Nahamano ad Regem Israelis, vt tradamus illi literas Regis Syriæ & audiamus, quid circa mundationem ipsius Nahamani factum.

II. Pars.

Rex Syriæ Idololatra nullam aut exiguam habet cognitionem miraculorum diuinorum, quæ per Prophetas fiunt in Israele. Ideoque audiens esse qui in Israele possint sanare leprosos, non intelligit, quomodo id fiat, aut per quem, & propterea nescit informare stylum suarum literarum.

Sed & ipse etiam Rex Israelis Ioram, non minus impius & idololatra, qui nec miracula nec Prophetam Dei hætenus multum curauit, nescit, quid velint literæ Regis Syriæ,

Syriæ, cum ipse leprosos sanare non possit: nec credat virum Dei id posse præstare. Neq; enim tantum scit (quod ad cognitionem veri Dei) quantum puella illa captiua. Ideoque malè suspicatur de Rege Syriæ. Elisæus verò audiens Regem valdè literis illis perturbatum, Nahamano ad se mitti iubet, vt omnes intelligant esse in Israele Domini Prophetam. Et venienti magno cum comitatu Nahamano non ipse obuiam procedit, (ne videatur captare velle munera) sed nuntios mittit qui dicant ipsi, Lauare septies in Iordane, &c. Ibi Nahamanus suam prodit infirmitatem & indignabundus vult secedere in Syriam. Instantibus autem seruis, vt obediat monitis Prophetæ (cum nihil quicquam, quod vel difficile factu vel planè impossibile sit, præceperit) imperata facit Nahaman, & lauatur septies in Iordanis flumine, & confestim recipit sanitatem.

Locvs. Cæteris plurimis breuitatis causa hoc loco omisissis, elegans sese offert allegoria, quæ ex hac historia potest tractari.

1. Lepra est horribile malum & tanto grauius, quod contagiosum, & hereditarium. Ideò leprosi è consortio hominum segregantur.

Sic peccatum est malum horribile, & à Protoplastis in omnes deriuatum homines. Rom. 5.

Et propter illud Protoplasti cum hæredibus Paradiso eiecti sunt.

2. Lepra est morbus incurabilis. Ideoque omnibus thesauris suis Nahaman sibi non potest comparare sanitatem.

Peccatum nemo hominum vel Angelorum à nobis potuit tollere. Solus Deus id potuit.

3. At sicut Nahamano videntur media partim præpostera, partim contemptibilia: quod Propheta non ipse apparet, manus non imponit, sed ad aquas Iordanis ablegat, &c.

Ita nobis videntur media, quibus Deus in mundandis nobis

nobis utitur, valdè esse contemptibilia, quod neque ipse per angelos nobiscum agit, neque de cœlo nos mundos pronunciat, sed ministros verbi cum mandatis, quæ ridicula interdum videntur, mittit, & ad aquas Baptismi ablegat. Ridet hæc Sacramenta nostra ratio, sicut Nahaman aquas Iordanis.

4. Attamen Nahamanus verbis suorum seruorum persuasus, ut non contemnat mandatum Prophetæ (licet id videatur ridiculum) experitur lauacrum admodum salutare esse, Iordanis illas aquas: Ita certum est Baptismi aquam, mediante verbo & Spiritu sancto, esse lauacrum regenerationis, quo mundamur ut salui esse possimus. Eph. 5. v. 26. Tit. 3. v. 5.

Quicumque baptizati estis Christum induistis. Galat. 3. Est stipulatio bonæ conscientiae coram Deo. i. Pet. 3. Ideoque nulla ratione contemnendum. Et si rem grandem præcepisset Dominus, facere debebamus, quanto magis si nos lauari vult.

Et profectò si rectè consideramus, summum mysterium & rem grandem habet Baptismus: ubi non Regnum mundanum sed cœleste confertur baptizato. Ideoque etiam est magni faciendus. Maius debet esse gaudium apud baptizatum, quàm apud Nahamanum mundatum, qui multo auro & argento illud beneficium cupit compensare. De quo in 3. patte.

L. II. Videmus etiam quis sit usus calamitatum: idque exemplo puellæ captivæ & ipsius Nahamani patet. Si Nahaman non fuisset leprosus, nunquam peruenisset ad cognitionem veri Dei. Lepra autem facit illum in scriptura celebrem, & occasio est quod æternam consequitur salutem.

Sic captivæ puellæ miseria & captivitas non tantum seruit Nahamano. sed & gloriæ Dei, & facit ut in notescat nomen Israel's toti Syriæ. Et quam largam putas illam puellam accepisse ab herode domum reuerso compensationem? Cum is fuerit valdè liberalis erga prophetam,

ram, & Gehasi famulum. Sie ist gewiß ein Reiche frau worden durch ihne.

Itaque æquo animo ferendę calamitates diuinitus immissę, quę si nihil afferrent secum commodi præterquam quod impellunt ad Deum & ad preces, (de quibus Esa. 26. v. 16.) tamen abunde compensarent dolorem ex illis natum.

Possunt hæc illustrari exemplo Chananę, Matth. 15. Reguli. Ioan. 4.

L. III. Seruorum etiam & infimę sortis hominum monita non esse contemnenda, patet ex hac historia, vbi serui Nahamani multo rectius sapiunt hero suo.

Sed hic locus vt & alii quamplurimi proprię ad institutum nostrum non pertinent.

L. IV. Plures leprosi in Israële erant sub Elisæo Propheta, & tamen nemo eorum mundatus est nisi Nahaman Syrus (ait Christus. Luc. 4.) Atque hoc dicto docere voluit, diuina beneficia non contingere nisi petentibus & gratis, qui Deum agnoscunt, & precibus suis apud ipsum instant. Itaque qui cupiunt experiri bonitatem Dei, tendant ad limina Prophetarum Domini, in Israëlem: id est, conferant se ad ea loca, vbi sonat syncerum verbum Domini, vbi est Ecclesia, vbi preces funduntur ad Deum. Ibi se in medio affuturum Christus promisit. Matth. 18. Et qui salutem corporis non consequuntur, animę tamen salutem eternam ex auditu verbi Dei certò sunt consequuturi.

III. Pars.

Agnoscit Nahaman beneficium planè diuinum, & singulare miraculum. Ideoque iam restitutus sanitati non mox domum abit, sed reuertitur ad Prophetam, & confessionem edit de Deo Israëlis.

Promittit etiam se non amplius adoraturum Idolum Rimmon sed verum Deum Israëlis.

Et quia nec officii nec familiar ratio permittit, vt perpetuò

petuò in Israëlè hæreat, sed necesse est, vt sanus suo Regi seruiat, qui illum tulit leprosum, ideò petit portionem aliquam tantum de terra Israëlìs, vt super illam stans vel orare vel Deo sacrificare possit: & sic semper memor sit terræ Israëlìs, in qua illi benefactum fuit.

Deinde protestatur, si maximè officij causa comiteretur suum Regem in templum Idoli Rimmon, se tamen ibi verum Deum adoraturum. Ideoque vult prophetam suas coniungere preces, ne Deus ipsi irascatur.

Sed & erga Prophetam suam vult testari gratitudinem & offert illi amplissima munera. At Propheta penitus respuit, vt intelligat Rex Syriæ & hic Neophytus Nahamanus, atque omnes alii, ipsum Dei gloriam, non nummos quærere. Dimittit autem illum in pace, & iubet bono esse animo, si maximè officium politicum præstet Regi idololatæ, (cum aliter non possit) tamen Deum illi fore propitium, si ipse abnegata idololatria vero Deo adhæreat.

LOCVS I. Gratitudo placet Deo, sicut in Samatitano, Luc. 17. Tot enim sunt beneficia Dei, pro quibus nunquam condignas possumus agere gratias. Placent autem Deo sacrificia labiorum, Heb. 13. v. 15. Psal. 50. v. 14. & Psal. 116. v. 12. Qui autem non agit gratias pro datis, non est dignus dandis. Certè & nos omnem sanitatem corporis debemus Deo ferre acceptam, non minus quam ipse Nahamanus. Sed & erga homines, quorum opera Deus vtitur in promouenda nostra salute (tàm corporali quàm æterna) gratos nos esse decet. Vide exempla. Gen. 14. v. 21. Ios. 6. v. 18. Iud. 8. v. 22.

QVÆRITVR hoc loco: Vtrum Nahaman potuerit salua conscientia ingredi cum Rege in templum Idoli? Respond. Quod sic.

1. Quia protestatur se non religionis sed officij causa ingredi templum.

2. Extra casum confessionis hoc fit. Si autem Rex quærat, vtrum velit colere Rimmon, ibi requirit necessitas, vt edat confessionem.

3. Non

3. Non iam primum offert Regi suam operam, sed pristino officio fungitur.

4. Non consulit illi Propheta vt deserat vocationem, & potest etiam alios conuerrere. Idem in simili casu potest fieri. Valentinianus comitatur Iulianum ad sacra. Sic & socii Daniel. At non sunt hæc latius extendenda.

F I N I S.

T H E M A III.

In funeribus Leprosorum.

Ex Matth. 8. vel Marc. I. aut Luc. 5.

De leproso sanato per Christum in ciuitate.

D I S P O S I T I O.

Non inconueniens præsentis funeris deductioni erit tractatio historiæ quam prælegimus, de leproso mündato in ciuitate quadam: quod quidem defuncto etiam contigit, sed nec in ciuitate, quia extra illam mortuus, nec viuo quoque: quia placuit Domino illi non nisi per mortem largiri sanitatem.

Poterit autem hic noster leprosus Euangelicus non morbidos tantum, sed & sanos atq; valentes erudire. Videamus igitur 1. illius miseriam & preces pro restitutione. 2. Christi operam medicam. 3. Et sanati gratitudinem.

I. Pars.

Christum in ciuitate quadam commorantem, Luca referente, conuenit vir quidam plenus lepra. Est autem hic sanus fide & credens. Ideoque prostratus ad pedes Iesu, submisè rogat, Domine, agnosco, te posse me sanare. Nescio autem an velis, & an hoc conducatur animæ meæ. Si voluntas tua est, & mea utilitas, restitues mihi sanitatem, scio. Magna fides, magna etiam ars precandi.

L. Egregiè autem monstrat nobis hic leprosus, quem Medicum quærere debeamus in omni morborum ge-

E c

nere:

nere: etiam in desperatissimis: & modum simul docet, quomodo illius opem implorare debeamus.

1. Non implorandum auxilium Magorum, incantatorum & similium. Nam hoc est consulere Diabolum, quod facit Ahasias consulens Baalsebub. 2. Reg. i.

Nec confidendum in opera Medicorum, quod facit Asa. 2. Paralip. 16. Non tamen plane reiicienda medicina. Syr. 38. Quarendus Dominus, verus Medicus. Exod. 15. Deut. 32. v. 39. Idque piis precibus faciendum. Syr. 38. v. 9. Iac. 5. v. 14.

2. Preces autem ita informandę exemplo leprosi. i. vt nihil dubitemus de ipsius potentia. Domine tu potes. Potest occidere & sanare. Deut. 32. i. Sam. 2. Sap. 16. 2. Deinde verò ipsius voluntati hoc permittendum. Domine si tu vis, Fiat voluntas tua i. Sam. 3. v. 18. Eli. 2. Sam. 15. v. 26. Dauid. In corporalibus bonis enim, quibus absque iactura salutis possumus carere, semper annectenda hæc conditio, Fiat voluntas. Exemplum Christi. Matth. 26. v. 39. In spiritualibus autem & ad salutem necessariis, absolute petendum sine omni conditione: vt Psalm. 51. Munda me, laua me, redde mihi, non auferas spiritum. &c. Luc. 18. Esto propitius. Luc. 17. Adauge fidem.

II. Pars.

Christus videns miseriam huius boni viri, Marc. i. *σπλαγχνισθεῖς* mox extendit manum suam omnipotentem, & annuit precibus illius, Volo, inquit, mundus esto. Et confestim discessit ab eo lepra & mundatus est.

L. Videmus promptitudinem Christi in iuuando, si impleretur ipsius auxilium, si nihil de ipsius potentia dubitetur: si voluntati ipsius res omnis permittatur. Ibi mox ipse respondebit, volo. Et cum manus ipsius non sit abbreviata iuuabit etiamnum hodiè.

Quia enim Deus semper audit ex fide orantes ad utilitatem, (si maximè non ad voluntatem ipsorum) ideoque dicet nobis vt hîc, Volo.

Etc.

Etenim voluntatem timentium se faciet. Psalm. 145.

Si autem dixerit, Nolo, hoc est, si non annuit nostris precibus, tum id firmissimè credendum, non futurum fuisse è re nostra quod petimus.

Et huc pertinent sententiæ illæ veterum: Sæpè negat Deus propitius, quod daturus esset iratus. Item: Plures sunt gratiæ priuatiuæ quàm positiuæ.

III. Pars.

Christus sanans leprosum prohibet ne istud diuulget ipse, sed accedat sacerdotes (penes quos erat iudicium leproforum, ex lege Leuit. 13. & 14. & Deut. 17.) & offerat sacrificium in lege expressum: vt sic ipsi cogantur agnoscere miraculum Christi: aut si non agnoscant, sit hoc testimonium obstinatæ illorum malitiæ, qui oculis videntibus cæci esse volunt, ne cogantur gloriam dare Christo. Leprosus autem non potest se continere quin passim diuulget miraculum, & sic Christo gloriam tribuat.

Loc vs. Danda gloria Deo pro omnibus beneficiis in nos collatis. Reprehendit enim Christus ingratos mundatos nouem. Luc. 17. Maximè verò agnoscant singulare Dei beneficium, qui sunt restituti sanitati: exemplo Regis Hiskia. Esa. 38. v. 9. & 19. 20.

Notent hoc illi qui plerunque sanitati restituti sunt deteriores, contra mandatum Christi Ioan. 5. v. 14.

T H E M A IV.

In funere Leproforum.

Ex Luc. 17.

Historia de decem leprosis.

D I S P O S I T I O.

Occurrunt nobis hoc loco decem viri miserrimi, morbo fædo & abominabili correpti: leprosi scilicet: qui hoc vnum quærunt vt sanitati restituantur. Et certè rectè atque opportunè veniunt, vt & ipsi sanentur, & nos

erudiant de nostra infectione, vt sic etiam nobis medicinam faciat Dominus.

Licet enim nos sani simus corpore (per Dei gratiam) tamen spiritali quodam veneno infectos esse, docebit huius historiæ tractatio. Quia autem tria potissimum sunt, quæ ad recuperandam sanitatē faciunt, sc. 1. vt æger agnoscat morbum. 2. vt medicum peritum quærat. 3. vt caueat recidiuam, vbi restitutus fuerit, agite hæc tria ab his leprosis discemus.

I. Pars.

Agnoscent hi decem leprosi suam miseriam & rauco gutture de illa declamitant. Stant a longe, quod non liceat ipsis inter cæteros viuere. Magna miseria.

Quod si verò considerauerimus, quo nos simus infecti morbo spiritaliter, fatebimur nos magis miseros, non corporis sed animæ ratione, propter peccatum, quod non vno nomine cum lepra corporali potest conferri.

1. Lepra est morbus fœdus, quem omnes abominantur, & quem studiosè cauere iubet ipse Dominus, Deuter. 24. v. 8. Ita peccatum est malum abominabile coram Deo, Psal. 5. v. 5.

2. Sicut lepra transit omnes partes corporis, ita peccatum postquam ad omnes penetrauit, Rom. 5. singulorum corpus & animam inficit: vt ipse Adamus velit se subducere à conspectu Dei, Genes. 3. Stat à longè sicut hi. Iusticiæ nostræ immunda vestis, Esa. 64.

3. Et quemadmodum lepra est morbus contagiosus, ideoq; leprosi eiiciendi extra castra, Leuit. 13. 14. & ipsi etiam Miriam non parcutur, Num. 12. imò ne Regi quidem 2. Par. 26. Ita peccatum est malum contagiosum & hæreditarium à parentibus. Psal. 51. v. 8. Per vnum ad omnes, Rom. 5. v. 12. & 3. v. 25. Ideoq; fermento comparatur quod penetrat, 1. Corin. 5. & Gal. 5.

4. Tantoque grauius malum quod inutilem reddit hominem ad omnia munia obeunda. Rex Vsias regno
in-

ineptus censetur, 2. Par. 26. Omnia membra paulatim emoriuntur. Mortuis quàm uiuis magis similes. Ita peccatum inueteratum sic corrumpit totum hominem, ut omnis cogitatio mala sit, Gen. 6. 8. Et tandem planè excæcat, ut non videant nec intelligant, qui mortui sunt in peccatis, Ezech. 12. v. 2.

5. Et quod omnium maximum est, lepra est incurabilis si inualuit, ut non nisi per mortem tollatur. Ita peccatum nullius Angeli aut hominis opera potuit tolli, nisi per mortem vnigeniti filii Dei.

Agnoscentia igitur & seriis gemitibus deploranda hæc nostra miseria, quæ ex consortio beatorum eiicit ipsum Protoplastum cum omnibus posteris. Et oportuisset nos stare è longe, si non interuenisset, qui iam in secunda parte ostenderetur Medicus.

I I. Pars.

Leprosi solliciti sunt de recuperanda sanitate, nec immeritò. Quia autem ab hominibus non possunt sperare ullum remedium, accurrunt ad Christum, & illius implorant opem. Vocant Magistrum, & rectè quidem, qui vnus & solus potest saluare. Miseriam suam explicant, & Misere-re clamant. Non dubitant de potentia: quia Magister.

Non de voluntate, qui sciunt ipsum misereri pauperum. Viderunt exemplum in leproso, Luc. 5. ante ipsos sanato. Et sanat etiam ipsos Christus inter eundum, &c.

Agite hunc etiam nos quæramus Medicum, qui est Magister ad saluandum, Esa. 63. v. 1. ut is medicinam faciat morbo spirituali.

Constat de ipsius omnipotentia, Matth. 28. De voluntate etiam & promptitudine. Matth. 11. Venite omnes. 1. Timoth. 1. Saluos facere venit. Is potest mundare lauacro singulari, Ephes. 5. v. 26. Tit. 3. v. 5. imò sanguine, 1. Ioan. 1. v. 7. Act. 20. v. 28.

Ut autem in nobis etiam ostendat exemplum omnipotentia, legitimè vocandus. Docent id leprosi.

1. Primò clamandum Miserere, cum Dauide, Psal. 51. & Daniele, cap. 9. v. 18. & 19. Nihil gloriandum de nostra sanitate, hoc est, meritis operum.

2. Deinde nihil præscribendum ipsi (sicut Naaman volebat præscribere Elisæo, 2. Reg. 5. v. 11.) sed omnia ipsius voluntati & miserationibus humiliter & corde prænitenti permittenda. Exemplo publicani, Luc. 18. Et sanabit nos, Esa. 44. v. 22. Mich. 7. v. 19. Esa. 54. v. 8. & 60. v. 10.

III. Pars.

Mundantur decem. Nouem properant ad suos, ne agnoscunt beneficium planè diuinum. Christus reprehendit ingratitudinem. Et manet illos grauis recidui ratione animæ, vt satius fuerit nunquam fuisse mundatos corpore. Pereunt ingrati.

Vnus Samaritanus gloriam Deo dat, & benè audit, quod anima & corpore sanus sit. Fides saluum facit.

DOCENT nouem illi, Multos quidem implorare misericordiam Christi, & impetrare remissionem peccatorum, qui tamen incidant in reciduiam pessimam. Hi scilicet, de quibus Petrus 2. Petr. 2. v. 22. Satius viam veritatis non cognouisse, v. 21.

1. Non igitur peccandum, vt gratia abundet, Roman. 6.

2. Cautè ambulandum, Philip. 2. v. 12. Psalm. 2. v. 11. 2. Pet. 1. v. 10.

3. Non enim sufficit benè cœpisse, & in medio cursu cessare, Luc. 9. v. 62. 1. Corin. 9. v. 24.

4. Strenuè pergendum & orandum, Psalm. 51. v. 13. & 119. v. 34.

5. Sic cum Samaritano testabimur gratitudinem nostram, quæ vehementer placet Deo. Psalm. 50. v. 14. Psal. 69. v. 32.

6. In primis hoc notandum his, qui ex grauioribus morbis vel animæ, (vt pote tentationibus,) vel corporis sunt liberati. Hiskias, Esa. 38. v. 19. Vide Ioan. 5. v. 14.

Ma-

Magnificandus Deus cum Samaritano, & cæco, Luc.
18.v.42. Luc.8. Narra quanta tibi Deus fecerit,

F I N I S.

S E Q V I T V R

C L A S S I S V I.

C O N T I N E N S T H E M A T A

T R A C T A N D A I N F V N E R I B V S

eorum, qui subitanea & improuisa morte
abripiuntur.

T H E M A I.

Ex Psal. 39. vers. 6. & 7.

*Notum fac mihi Domine finem meum, & numerum
dierum meorum, qualis sit, vt sciam, quod desiturus sim.
Ecce enim palme instar posuisti dies meos, &c.*

D I S P O S I T I O.

Vix quicquam est, de quo sapius nos admonuit Deus,
quàm ipsa mors. Nec tantum in libro scripturæ id fit:
Terra es, Genes.3. Et mortuus est, Gen.5. Cinis & puluis,
Gen.18. Syr.10. Sed etiam in libro naturæ, dum ostendit
nobis gramen & fœnum, flores agri, quam citò pereant,
Esa.40.v.6. 1.Pet.1.v.24.

Interim tamen vix est quicquam, de quo vel cogitamus
minus, vel magis tamen inuiti: adeò amara est mortis il-
la recordatio, Syrac.41. Psaltes igitur suo exemplo docet
nos orare, ne obliuiscamur hæc duo.

1. Quod vita nostra sit habitura finem.

2. Et quod citius opinione nostra sit desitura.

Quomodo igitur pro huius rei diligenti meditatione
orandum, & quid illa meditatio profit, iam brevibus ex-
plicabimus.

I. Pars.

Singula Prophetæ verba sunt accuratè ponderanda.

Ec 4

1.V3

1. Varia solet animus humanus agitare consilia, varia sibi proponit, ac si perpetuo ipsi datum esset vivere. *Die anschlåg gehn oft für den Jünsten tag hinaus.* Et ideo maxima pars hominum hoc agit, ut multos corradat nummos, ad multorum annorum futuros euentus. &c.

Diues Luc. 12. reponit bona in multos annos. imò ipse etiam Hiskias fatetur, se multos sperasse annos re-fiduos. Esa. 38. v. 10.

Has cogitationes omnes, hæc consilia omniadissipat mors: iuxta id Psal. 146. v. 4. Contrà verò crebrior meditationis finis nostrā abstrahit ab illis mundanis, & ad meliora nos impellit: ideoque orat Psaltes, *Doce me finem habiturum.*

2. Quod si maximè de fine & termino vitæ nostræ cogitamus, tamen imaginamur nobis, nos longè adhuc abesse ab illo termino, quem nos ponimus in extrema senectute, si prius liberis prospexerimus &c.

Alii sibiipsis terminum breuissimum tum solent præfigere, vbi non omnia ex animi sententia fluunt & ex voto succedunt. Tum enim confestim mori volūt, sicut Rachel Gen. 30. v. 1. Et Elias I. Reg. 19. v. 4. & Hiob. 7. v. 15.

Vtrinque peccatur. Ideoque orat Psaltes, ut doceat ipsum Dominus de hoc termino, quem ipse constituit, quem præterire nemo poterit. Hiob. 14. *Daß ich dauon muß; siue placeat siue non.*

LOC. Faciunt hæc ad DOCTRINAM: ut cum sciamus hanc vitam finem habere, cogitemus de altera vita, quæ finem non habebit: utque non omnia consilia tantum dirigantur ad terrena, sed magis ad cœlestia: & sic non frustraneæ sint tam multæ sollicitæ cogitationes, ratiocinationes, calculationes &c.

Semper alioquin aspiramus ad meliora. Magis id hoc loco faciendum. Vide 2. Cor. 5. v. 2. Hebr. 11. v. 16. Paulus vbi se dissolui optat, statim addit melioris vitæ conditionem. Phil. 1. v. 23. De hac sumus solliciti.

II. Facit ad patientiam. Quia finem habitura hæc
vita,

vita, finem simul etiam habebunt omnes miseria. Ideoque exigui temporis molestias non agere feramus. 2. Cor. 4. v. 17. 1. Pet. 1. v. 6. *kleine zeit.*

III. Quia Deus singulis certum vite terminum posuit, non decet nos alium velle terminum pro lubitu nostro vite nostre præfigere. Quod faciunt qui contemplantur sydera & supputant menses, ut annuncient futura, ut habet Esaias cap. 47. v. 13. Genethliacos intelligit.

Hinc Stoica sequitur & fatalis necessitas apud quosdam. At mediatè Deus agit ut plurimum.

Sed nec ante tempus cupiamus mori: nec cum adest finis reluctari debemus. Placeat nobis terminus qui Deo placet.

II. Pars.

Rogat Psaltes non tantum ut sæpè admoneatur de fine, sed etiam ut finem propè esse discat. Breuissimam enim vitam, & instar palmæ esse, ait. Pauci cogitant quàm brevis, caduca & euanida sit hæc vita. Putant homines securi vitam 60. aut plurium annorum, (quæ tamen paucis contingit) esse admodum diuturnam. At palmæ instar est. Huc pertinent similitudines illæ, ubi vita comparatur fumo, bullæ, vapor, gramin, floribus, torrenti &c. Vide appendicem 6. Classis in Manuali pag. 510. Anni in excellentia sunt 80. & mille coram Deo, sicut vna dies. Psal. 90. 2. Pet. 3.

Locvs. Quid profit huius rei diligens meditatio, ipse Psaltes expressit Psal. 90. v. 12. ut sc. ambulemus corde sapienti. Et Syr. 7. v. 40. Memorare. &c.

Semper differunt securi pœnitentiam, de die in diem. Quia non cogitant instare finem.

Cras, Cras dicunt. At hæc est corui vox: Ipsa res est quæ multos occidit cum dicunt Cras, Cras, & subito ostium clauditur: ait Augustinus, De verb. Dom. in Matth. sermon. 16. Tom. 10. pag. 48. Contra Syr. 18. v. 22. Eccles. 12. Memento creatoris in iuuentute tua.

Vigilate, Nescitis quando, Marc. 13. v. 33. Væ seruo negligentī, Matth. 24. v. 48.

Philippus quotidie moneri voluit, quod mortalis sit. Nonnulli biberunt ex cranio hominis mortui. Ægyptii in conuiuiis circumtulerunt effigiem hominis mortui.

Nos sæpius monet pulsus campanarum, & quotidiana experientia. Hodie tibi, Syr. 38. v. 23.

Notent hoc securi: præsertim illud, Qualem te inuenio, talem te iudico. Et Eccles. 11. v. 3.

F I N I S.

THEMA II. CLASSIS VI.

Ex Psalm. 90. v. 7. & 8.

Consumimur in ira tua, & in indignatione tua abolemur.

Pone iniquitates nostras coram te, occulta delicta in lucem vultus tui.

D I S P O S I T I O.

Ingens esse discrimen inter diuinam & humanam Philosophiam, vel ex hoc vno Psalmo 90. apparet, in quo vitæ humanæ breuitas & miseria nobis accuratissimè depinguntur. Licet enim & humana Philosophia de iisdem magnas possit proferre querelas, & has calamitates non minus acerbè deploret, tamen causas earum nobis aperire non potest, vnde proueniant. At Spiritus sanctus nobis has proponit verbis paucis prælectis ex hoc ipso Psalmo, & superioribus statim attexit.

Quoniam verò duas potissimum ait esse causas breuitatis & instabilitatis vitæ humanæ, de illis ordinè dicemus, & quid istæ nos monere debeant, subiiciemus.

I. Causa.

Principalem causam mortis Psaltes refert esse iram Dei iustissimam & vehementissimam. In ira tua consumimur.

Est

Est enim ira Dei ignis consumens. Cui Dominus irascitur, ille non potest consistere ante faciem eius, Hebr. 12. v. 29. Idem mox aliis verbis repetit, ut solet spiritus plerumque hoc facere in Psalmis, amplificationis & exaggerationis causa.

Et in indignatione tua abolemur. Quod tam citò abripimur ex hac vita, & planè in nihilum redigimur, putrefacti & consumpti à vermibus abolemur, ex indignatione Domini fit. Idem repetitur infra in hoc Psalmo vers. 9. In ira tua transeunt dies nostri. Et tandem v. 11. Quis novit vim iræ tuæ?

Cui enim indignatur Dominus, hic mox absorbetur, & in nihilum redigitur.

Testantur exempla, Mundi originalis, vastatio Sodomorum, captiuitas Assyriaca & Babylonica.

Iratus Dominus Exod. 32. perdidit Israëlitas gladio (vide vers. 28.) & singulari plaga ad sepulchra concupiscentiæ, Num. 11. v. 33. Et in factione Corah, Num. 16. Serpentibus ignitis, Num. 21. & passim alibi.

II. Causa.

At quæ causa iræ & indignationis Domini, quod vitam abbreviat hominibus? Et estne indignatio Dei iusta? Maximè. Sequitur enim: Iniquitates nostras ponis coram te.

Est itaq; peccatum causa istius indignationis diuinæ, & sic causa subordinata, mortis atq; omnium calamitatum.

Quando enim nostra peccata in conspectum ipsius veniunt, (sicut ante oculos ipsi sunt omnia) tum non potest non irasci & indignari. Est enim inimicus peccatorum, Psal. 5. v. 5.

Quia itaque indies cumulantur peccata, idcò mox finem facit peccandi, & morte absumit.

Huc illa ipsa exempla, quæ supra allegata sunt, repeti possunt, & explicanda peccata, causa istius indignationis diuinæ.

At non ea tantum peccata, quæ incurrunt in oculos nostros, ut sunt atrocia scelera, Deus in conspectum suum ponit, sed etiam occulta delicta in lucem producit ante se, quæ nos vel non iudicamus esse peccata, vel non fecimus. Quale in primis est Originale illud peccatum, quod ab Adamo transit in omnes. Rom. 5.

De quo grauius Paulus conqueritur Rom. 7. Et. Psal. 51. vers. 8.

LOCI.

I. Cum morte absumuntur homines, præsertim si improvisa & subitanea morte intereunt, solemus inuestigare causas mortis, easque vel in diæta, vel in astrorum potum, & influentis cœlestibus, vel in fortunæ aduersæ causis, vel fatali ac Stoica necessitate &c. quærimus.

Was mag er gessen oder getruncken haben: Er hat nit aut glück / Ein bösen Aspect gehabt. &c. Sed audi. Ira Dei, quam peccatis nostris in nos concitamus, consumit & abolet nos ante tempus.

Primum enim ita conuenit inter Deum & Protoplastum, Quacunque die peccaueris, morte morieris. Gen. 3. Nec potest Deus salua iusticia sua hanc reuocare sententiam.

Errant itaque qui causam mortis vel Stoico fato, vel cœli constitutioni, vel temperamento hominis, vel cæcæ fortunæ tribuunt. In nobis enim illa quærenda. Vide Leuit. 26. & Deut. 28. quæ causa mortis. Et hæc etiam est causa omnium aliarum calamitatum, & morborum quoque qui sunt mortis nuncii. Vide præter loca allegata etiam Syr. 38. v. 15. Et Psal. 107. v. 17. 18.

Agnoscamus ergo vim iræ diuinæ, & caueamus peccata, & seria pœnitentia conuertamur ad Dominum, & sic prolongari poterunt dies vitæ nostræ. Exod. 20. v. 12. & 23. v. 26. Deut. 30. v. 16. & 20. Prou. 3. v. 2. & 16. Quemadmodum Iehiskia adduntur anni 15. Esai. 38. Quod si id non fiat, habet Deus suas causas, de quibus
videre

videre est 2. Par. 24. v. 28. Sap. 4. v. 10. & 14. & properat ad meliorem vitam Esa. 56. in fine. De impiis autem illud valet Psalm. 55. v. 24. Et Hiere. 17. v. 11. Hiob. 21. v. 21.

II. Videmus etiam occulta peccata in conspectum Dei venire, & producentur illa quoque in extremo iudicio, Christo affirmante. Matth. 10. v. 26.

Itaque non dicamus ut illi, Nemo videt. Esa. 29. v. 15. Psalm. 94. v. 7. Syr. 23. v. 26.

III. Facile ex hoc loco intelligimus quare decreseat ætas hominum, cum olim fuerint tam longæui: quia scilicet peccata crescunt, ea verò Deus ferre non potest: ideo mox finem facit viuendi

T H E M A III. C L A S S I S VI.

Ex Psalm. 90. v. 12.

Doce nos numerum dierum nostrorum, vt ambulemus corde sapienti.

D I S P O S I T I O.

Non laudabilis tantum consuetudo & honesta defunctorum memoria, sed & necessitas atq; vtilitas nostra requirit, ut frequenter habeantur conciones funebres. Ideoque nos Salomon ex domo conuiuij ablegat ad domum luctus, ut in illa finem cunctorum hominum ad animum nostrum reuocemus. Eccl. 7. v. 3. Idem quoq; volunt hæc verba Psalmi excellentissima, quibus docet Propheta:

1. Quam necessaria sit crebra mortis meditatio.
2. Quam vtilis sit eadem.

I. Pars.

Meditationem mortis crebriorem omnino esse necessariam, ex eo patet, quod Propheta Deum ardentissime orat, ut edoceat ipsum hac de re, & ut frequenter hoc animo ipse infigat.

Primum autem vult Propheta, ut sapius admoneatur de morte, & quod sit mortalis.

Dein-

Deinde numerum dierum certum iam esse in libro Domini annotatum, Psalm. 139. v. 16. & terminum hunc præteriri non posse, Hiob. 14. atq; viuendi tam citò finem adesse, de his Psaltes cupit edoceri à Deo.

Dicat aliquis, cur petit à Deo doceri, cum id omnibus constet? Quis enim tam sit stupidus, qui hæc nesciat?

Respondeo. Tantò grauius est quod scimus, & interrim de his parum cogitamus.

Sicut scimus Deum odisse peccata: & tamen dum singulis pene momentis peccamus, non de hoc cogitamus. Ideoq; seruus sciens voluntatem, Luc. 12. Idem etiam hoc loco notandum.

Facit enim huius vitæ blanditia & rerum terrenarum continua tractatio, & longioris ætatis propria imaginatio, vt vel nunquam vel rarò de morte cogitemus. Est enim carni & sanguini amara mortis meditatio, Syrac. 41. præsertim vbi est affluentia bonorum & terrena felicitas.

Ideoq; necesse est vt admoneamur, quia inuitos subit illa cogitatio.

Testatur ipsa diuina sapientia, necesse esse nos his de rebus admoneri: ideoque variis modis id nobis inculcare studet Spiritus sanctus.

1. Verbo & sacris oraculis. Gen. 3. Terra es. Antiquum fœdus, Syr. 14. v. 18. Omnibus constitutum, Heb. 9.

2. Variis creaturis. Gramine, Floribus, fœno & cæteris. Esa. 40. v. 6. Psal. 90. v. 5. 1. Pet. 1.

3. Exemplis eorum qui longæui, (Gen. 5. v. 5. & seq.) fortes, vt Samson, (Iud. 14. vers. 6.) sapientes, vt Salomon, 2. Reg. 3. v. 12. formosi, vt Absalon, (2. Sam. 14.) pii, vt Noë, Moyses, Dauid, Daniel, Iosia, fuerunt, & tamen mortui sunt omnes.

4. Quotidiana experientia aliorum vicinorum, &c. Et variis casibus mortis repentinæ, Syr. 38. v. 23. hodiè tibi.

5. Morbis in proprio corpore, qui sunt mortis nuntij. Atque variis modis aliis. Testantur hæc, necesse esse, vt infigatur animo mortis meditatio.

Quia

Quia tamen caro tantum inhiat huic vitæ & mortem odit, fugit, ideoque etiam meditationem illius intermit- tit, Psaltes exemplum suum imitandum proponit, ut pij orent ad Dominum, ne vnquam elabatur animo mortis memoria.

Vfus huius loci inter alios hic erit, ne ita trepidemus, vbi hora mortis aduenerit. Piis enim nihil præter exspe- ctationem euenit, cum id semper fuerint meditati. Tela præuisa minus feriunt. Veteres dixerunt, Quis sis, quis fueris, quis eris, semper mediteris. Soliti etiam fuerunt cantare, *Erden trågstu/Erden drittstu/ zur erden wirstu.* Picturas semper ante oculos habuerunt, vel imaginem mortis, vel horologium, vel similia alia, plerumque cum hac vel simili inscriptione: Respice finem. Et sunt hæc san- nè laudanda, si etiam animis id inscribatur,

II. Pars.

At, inquis, quorsum necessaria mortis illa meditatio? Numquid non satis citò de illa cogitatur, cum instat ho- ra mortis? Quid opus nos tristioribus illis cogitationi- bus torqueri? Possemus magis iucunda interim tractare, quæ animum oblectarent, & exhilararent? Respondet Psaltes, ideò necessariam mortis crebram meditatio- nem, quia illa sit utilissima. Solemus autem commodum spectare ut plurimum in omnibus. Ad quid igitur utilis? Ut ambulemus corde sapienti: ut prudenter agamus in o- mni vita nostra. Non sapientiam coram hominibus in- telligit, quæ in impios interdum cadit, ut in Ahitophe- lem. 2. Sam. 16. Et Herodes vulpes est, sciens uti foro. Luc. 23. At intelligit Psaltes sapientiam coram Deo, cuius ini- tium est timor Domini. Prou. 1. Syr. 1.

1. Docebit igitur mortis meditatio cautè ambulare, quia post mortem sequetur iudicium. Heb. 9. v. 27. Et id vult sapiens Syr. 7. Memorare nouissima & non peccabis in æternum.

Eccl. 12. v. vlt. Fac quod lubet, ac cogita, &c. Exemplis res fiet planior.

Auarus cogitans illud, Luc. 12. Hac nocte auferetur anima tua, prudentius aget. Et perpendet illud Nudus, Iob. 1.v. 21. Eccl. 5.v. 14. 1. Tim. 6.v. 7.

Superbus de morte cogitans, ad animum reuocabit illud Syr. 10.v. 9. Gen. 18.v. 27.

Epulo de morte cogitans, ob oculos sibi statuet exempla Nabalis, 1. Sam. 25. v. 38. & Epulonis, de quo Luc. 16. Mortuus. Et cum esset in inferno.

Inuidus cogitabit id, Matth. 5. Dum in via es, reconciliare. Sic de cæteris. Vtile igitur id, Memento mori.

2. Deinde mortis meditatio faciet ad patientiam, (quæ etiam est sapientia coram Deo, & hominibus, Proverb. 19.v. 11.) Cum sciamus, finem malorum tum instare. Etenim quia dies sunt mali, optimum est, quod sunt pauci, Gen. 47.

Maximè autem hoc recreabit, quod mors piis est transitus ad vitam, Ioan. 5.

Stulti igitur, imò insani sunt, qui non volunt ferre, ut coram ipsis sermones instituantur de morte: & vel ad pulsus campanæ, cum signum funeris datur, exhorrescunt. Nunquam illi sapienter agunt.

T H E M A IV. C L A S S I S VI.

Prouerb. 27. vers. 1.

Ne glorieris in crastinum, nesciens quid superuentura pariat dies.

D I S P O S I T I O.

Breuis hæc est, at insignis & Salomone digna sententia: qua Rex sapientissimus mortales, ut plurimum sibi futuros euentus felicissimos promittētes, hortatur, ne gloriantur de futuris, quia incerta sit hominum fortuna omni tempore. Multum autem prodesse poterit hæc sententia paulò accuratius expensa: ideoq; primum verba excutiemus, deinde vsum illorum subiiciemus.

Para-

Paraphrasis textus.

Noli, inquit Salomon, gloriari de crastino. Primum omnes homines alloquitur: non cum aliquibus loquitur, quos hæc non deceat gloriatio, cum cæteris non pari ratione vitio verti possit. Sed omnibus, tam indignitate & autoritate constitutis, quàm vilissimis concionatur hoc loco. Imò potius illis quàm his: quia plura agitant illi consilia.

Deinde neminem, cuiuscunque sit conditionis, vult gloriari de crastino. Gloriari autem de crastino, est iactare, & superbè de his vel apud se gloriari vel apud alios declamitare, quæ homo proponit sibi, venturis temporibus efficienda: siue magna sint siue parua.

Exemplum talis iactantiæ refert Iacobus cap. 4. v. 13. Cras ibimus in ciuitatē & lucrum ibi faciemus. Et addit, exultatis in superbiis vestris, at talis exultatio mala est. Deterior autem est ista gloriatio, si proposuimus apud animum nostrum aliquid mali, & de his superbè gloriamur: sicut Ahab gloriatur, si in pace reuersurus sit ex bello Syriaco, tum se mendacij velle arguere Prophetam qui illi semper infelicia prædixerit hæctenus. I. Reg. 22. v. 27.

Rationem autem addit Salomon, quare non gloriari debeat quisquam de crastino. Quia scilicet nesciat, quid hodie ipsi sit euenturum. Varij enim sunt casus humani, & magna atque improuisa sæpè rerum vicissitudo. Nescimus enim quid serus v sper vehat. Multa cadunt inter calicem supremaque labora. Nostrates dicunt: *Es lauffe viel zwischen Kugel vnd Ziel.*

Ahabus prius sagitta ictus perit, quàm reuertatur ad Micheam Prophetam, &c. Vbi supra v. 34.

L O C I.

I. Docent hæc Salomonis verba, nunquam nos debere obliuisci fragilitatis & inconstantiae vitæ humanæ, quæ tot est obnoxia periculis, vt lingua effari singula non possit.

F f

Etenim

Etenim quot testum habet regulas, tot minitatur transeuntibus mortes. Potest te vel in via extra domum occidere canis rabidus, bos cornupeta, equus indomitus, homo obuiam factus ebrius, &c. In ædibus non ab araneis, imò ne à muscis quidem tutus esse poteris. Nihil de ruinis ædium, terræ motibus, incendiis, bellis, seditionibus, poculis venenatis dicemus. Dicunt nostrates, *Es tan einer wohl vber ein Gans den Hals abfallen.*

Cum Hadrianus Pontifex fortè cum suis expatiatus refrigerandi gratia Anagninæ aquam ex fonte hausisset, musca in os illius inuolâs gutturi ita adhæsit, vt cum nulla Medicorum arte eximi posset, miserè suffocatus interiret. Fabius Senator hausto pilo cum lacte suffocatur. Anacreon Teius poëta, dum aliquando liberius Baccho indulgeret, acino vux passæ strangulatus est.

Ideoq; semper nos decet vigilare, & paratos esse cum lampadibus, Matth. 25. v. 4. Quia nescimus, quando venturus est Dominus, & nos auocaturus, Matth. 24.

1. Peccant itaque qui vel tantillum proponunt sine Dei voluntate. Vide Iac. 4. v. 15. Et Psal. 146. v. 4.

2. Peccant quibus nulla vnquam mortis recordatio in mentem venit: & qui se non prius morituros credunt, quam vbiopes, multaq; diuitias corraferint: aut magnos honores consequuti fuerint. Contra vide triste illud exemplum, Luc. 12. v. 20. Vide etiam Syr. 11. v. 19.

3. Peccant qui prosperis successibus elati perpetuam sibi pollicentur felicitatem: incerti quid hodie sit de ipsis futurum. Ideò veteres: Diciq; beatus ante obitum nemo supremaque funera debet. Et qui diues pauper fit. Citò. Ante vesperam. Syr. 18. v. 25. Fortuna vitrea est, &c. Vide Syr. 11. v. 27.

4. Peccant etiam procrastinatores, vitæ emendationem post multos demum annos promittentes; cum nesciant, an hodie sit moriendum, Syr. 18. v. 22.

II. Admonitionem ex iisdem verbis Salomonis petere debent, quicunq; aliquid mali proponunt: Sub quocunq; id fiat prætextu.

Ut sunt, qui minitantur aliis interneccionem post multos annos: qui vel seipsos vlciſci, vel poſteris quoque ſuis id demandare volunt. Dicunt nonnulli, *Wann mir deine Schuch gerecht werden/ ſo wil ich mich einmahl rechnen.* Et neſciunt an hodie ſint victuri. Contra Matth. 5. ver. 25. Minatur Rex Aſſyrius dira Regi Iuda & ciuibus, at neſcit ſe tam citò periturum, Eſa. 37. v. 7. Inſignis hiſtoria eſt de Benhadado, 1. Reg. 20. Et notanda illa ſententia Regis Achabi, quantumuis impij Ibidem, verſ. 11.

Non canendum *ἐπὶ νίκῃ* ante victoriam. *Es heißt ſonſt die Haut verkaufft ehe der Beer geſtochen iſt.*

III. Conſolationem etiam pij capere ex his ipſis verbis poſſunt, ne terreantur minis aduerſariorum. Fortaſſis prius peribunt quàm noceant, ſicut Achabus & Sanheribus, de quibus paulò ante.

A Deo pendeamus, in cuius manu ſunt ſortes noſtræ. Illi omnia commendanda. Et ſicut de craſtino non gloriari, ita nec de eodem ſoliciti eſſe debemus, Matth. 6. v. 34. vltrà quam vocatio noſtra requirit.

F I N I S.

T H E M A V. C L A S S I S V I.

Eccleſiaſt. 9. verſ. 12.

Nescit homo finem ſuum, ſed vt piſces capiuntur hamo, & ſicut aues laqueo comprehenduntur: ſic capiuntur homines in tempore malo, cum eis extemplò ſuperuenerit.

D I S P O S I T I O.

Salomon author libri, qui Eccleſiaſtes dicitur, in illo varias generis humani milerias recēſet paſſim, per totum ferè libellum, & inter alias hanc non minimam iudicat, quòd neſcia eſt mens hominum fati ſortisq̃ futuræ: & proinde homo interdum ſubitò variis malis circumuentus neſcit modum, quomodo ſeſe in illis gerere debeat.

Vt itaque tela præuisa minus nos feriant, duabus similitudinibus hanc miseriam nobis depingit. Nos singula Regis sapientissimi verba primum excutiemus, & deinde ad usum nostrum accommodabimus.

Textus explicatio.

Nescit homo tempus suum. Per vocabulum (tempus) primum intelligitur dies supremus, & nouissima hominis hora seu tempus nouissimum. Hoc sensu dicitur Mar. 13. v. 33. Nescitis quando tempus sit. Et 1. Sam. 26. v. 10. Venit dies eius.

Deinde per tempus intelligitur status rerum in tempore. Sic hic per tempus hominis intelliguntur varij casus hominis aduersi. Hinc Ephes. 5. v. 16. Tempora mala sunt. Et Luc. 19. v. 43. Venient dies in te. Germ. *Es wird die Zeit über dich kommen.*

Siue itaq; hoc loco intelligamus tempus hominis de hora mortis, siue de temporibus aduersis, de utroque pronunciat Salomon, Nescit homo tempus suum. Venit enim mors citius opinione nostra: sic quoque casus aduersi. Cum dicitur pax, repente adest interitus. 1. Thess. 5.

Illustrat autem institutum duabus similitudinibus aptissimis.

1. Sicut auiculę dum querunt cibum, laqueo obruuntur & capiuntur: ita Christus etiam Luc. 21. vers. 35. affirmat, sicut laqueum superuenturum nouissimum diem. Id etiam de nouissimo die hominis intelligi potest.

2. Sicut pisces dum auidè vorare escam volunt, hamo latenti attrahuntur: Ita homines vel improuisa morte vel casibus inopinatis obruuntur, dum nihil tale metuunt, aut cogitant.

Tempus autem malum vocat, quia tale est hominum opinione.

Et hæc quidem quę dicta sunt piis pariter & impiis accidunt: at diuerso fine. Piis enim licet videatur malum tempus, bonum tamen est, quia omnia in bonum cedunt.

cedunt. Rom. 8. De impiis alia est ratio: vt mox sequetur.

L O C I.

I. Hæc quæ diximus ad studium pietatis debent impellere, vt vitemus securitatem carnalem, quæ innata ferè omnibus est, ita vt necesse sit illam huiusmodi sententiis & similitudinibus pellere.

Omnia enim sunt incerta, & omnia sunt hominum tenui pendentia filo.

Ideò semper vigilandum. Matth. 24. 25. 26. I. Cor. 16. 1. Pet. 4. & 5. Securitas perdidit Sodomam & vicinos, Gen. 19. Chore, Dathan, Abiram. Num. 16.

Et plerumque impiorum casus sunt inopinati. Sissera. Iud. 4. Athalia. 2. Reg. 11. v. 16. Iesabel. 2. Reg. 9. Baalithæ. 2. Reg. 10. v. 25. & I. Reg. 18. v. 40. Philistæi oppressi à Samson. Iud. 16. v. 30. Non desunt exempla eorum, qui dum cibum caperent, exanimati sunt.

Nec eorum qui in latrina perierunt.

Quod si impiis accidant talia, væ illorum animæ. Quia sicut ceciderit arbor, iacebit. Eccl. 11. v. 3. De piis alia est ratio. Quia illi vigilarunt cum virginibus prudentibus. Matth. 25. vers. 6. Et rectè Hieronymi exemplum imitantur pij quibus semper in auribus sonare videtur vox Domini, Surgite mortui, venite ad iudicium. De his itaque non sinistrè iudicandum. Licet enim videantur capti hamo noxio in tempore malo, hominum tamen hæc est opinio. At scriptura aliter de his iudicat, quod scilicet festinet Deus liberare illos ex hoc mundo peruerso. Sap. 4. v. 14. Esa. 56. in fine.

Cæteri verò quoties vel aues vel pisces capi viderint, meminerint huius dicti Salomonis, & nunquam sint securi: nec dicant pax, pax. 1. Thess. 5. v. 3.

Fur in nocte. 2. Pet. 3. Apoc. 3. 16. 1. Thess. 5.

II. Pij semper præmeditata habere debent & mortem & omnis generis calamitates, vt nihil accidat inopinatò. Nihil noui obtingit illis. 1. Pet. 4. v. 12. Hiob in vtrumque paratus est. Hiob. 2. v. 10.

III. Nemo efferatur animo rebus secundis, quia tam crebra & dispares sunt rerum vicissitudines. Posset huc referri historia Regis Ægyptiorum Sesostris, qui victus fuit curru, quem 4. Reges victi traxerunt. Cum autem vnus ex illis subinde respiciens rotam intuitus esset, interroganti Sesostris cur toties respiceret, respōdit: Considerans ea, quæ summa fuerunt in rota, mox ima fieri, cogito de mutatione fortunæ celerrima. Hac cogitatione Sesostris mitior factus Reges liberauit.

Quem igitur fortuna facit insolentiorē, semper cogitet de hamo & laqueo Salomonis hoc loco.

F I N I S.

T H E M A VI. CLASSIS VI.

Esa. 38.

A die vsque ad noctem consummabis me. Posui vsque ad mane: quasi Leo sic contriuit omnia ossa mea: à die vsque ad noctem consummabis me.

D I S P O S I T I O.

Verba quæ prælegimus pars sunt illius scripturæ (sic enim appellatur ab Esaia) Ezechia Regis Iudæ, quam cōfecit cum ægrotasset & conualuisset de infirmitate sua. Describit autem optimus Rex in illa scriptura, siue Cantico Eucharistico, quæ fuerint ipsius cogitationes, cum triste illud mortis nūcium accepisset ab Esaia, Morieris, & non viues: & gratias simul agit Deo non tantum ob impetratam vitæ prolongationem, sed omnium maximè pro remissione peccatorum, de qua multum erat sollicitus, v. 17.

His autem paucis verbis, quæ prælegimus, conqueritur de fine vitæ celerrimo, & quod præter expectationem de repente ita sint omnes illius vires attritæ, vt nulla vis vigorque viuendi superfuerit. Loquitur enim tanquam moriturus propediem: hoc enim ipsi iam erat denuntiatum. Nos verba paucula primum examinabimus, deinde quid isthæc nos moneant addituri.

Para-

Paraphrasis Textus.

Vehementer Rex noster conqueritur in hoc suo Canticò, quòd tam citò viuendi finis adsit. Suprà enim versu primo Cantici innuit, quòd multos adhuc sperauerit annos vitæ residuos. At vitam illius abrumpi sicut filum à texente, & sicut tabernaculum pastorum conuolui, doler. Atque his subiungit verba prælecta; Ante vesperam diei finire vitam ipsius: idque bis reperit. Ego, inquit, cogitabam in corde meo, & hunc posui terminum: ò vti-
nam liceat tibi, vel tantum vsque manè aut in crastinum viuere. At metus erat, ne illa ipsa die ante vesperam finis vitæ adueniret.

Et quare non potuerit longiorem huius lucis vsuram sperare, addit: Quia sicut Leo contriuit omnia ossa mea: Sic confregit Deus simul, vno quasi momento, omnes vires meas, ac si Leo in me iruisset & confregisset me.

Erat autem ista ægritudo à Domino, vt sic conciderent ipsius vires.

Etenim nec aduersa valetudine diuturniori nec annis aut senio confectus erat: sed corpore adhuc vegeto & valenti: cum annum ætatis 40. nondum esset ingressus. Idcoque cum in florē ætatis moriendum sibi audit, non mirum quod de breuitate vitæ conqueritur. Angebat quoq; sine dubio & hoc piissimum Regem, quod hæredem masculum nondum habebat, Regni successorem. Mortuo enim ipso, Manasse 12. annorum puer est. Inde euincitur, ipsum biennio post hunc casum demum fuisse natum.

Taceo quod metuit suo Regno, Ecclesiæ & Politicæ Iudaicæ.

L O C I.

I. Videmus etiam sanctis Dei viris mortem interdum obrepisse improuisam: & quod illis tum fuerit graue mori: si residuum annorum expectarunt cum Hiskia. Et hoc imprimis accidit illis, qui adhuc sunt iuuenes, de quibus alij dicere solent: *Man sollt den Todt hinder sie*

fliehen. At quia nec iuuentus, vel flos ætatis, quicquam potest contra vim mortis: ideoque in tempore de morte cogitandum, ne postea incautos obruat, & inuitos cogat, Eccles. 12. Memento creatoris in iuuentute tua. Sic etiam, Memento mori in iuuentute tua. **So viel Rälberheit ds Rüeheit.** Iosias, Alexander, Iuuenis in Nain. Et Leo ille ante vesperam omnes vires frāgere potest. Non enim annos respicit Dominus, sed qui pius est, satis est senex Deo, Sapien. 4. v. 13. Contrā etiam, qui impius, nō dimidiabit dies, Psal. 55. v. 24. **So seyn wir alle Tag alt genug zu sterben.** Nec cuiquam firmum est in omnibus temporalibus rebus præsidium contra mortem. Non regnum aut diuitiæ mortis vim depellere possunt. Alioquin Alexander non fuisset mortuus. Non pulchritudo Absalonis, vel Daudidis. Non sapientia Salomonis. Non iuuentus Iosia, & pietas. Ante vesperam succidi potest arbor. Omnis caro scænum, Esa. 40. Præmeditata itaque diu mors facit, ne tam inexpectatus & nouus videatur accedere hospes. Cum via sit omnis carnis, nihil nobis accidit noui. De his sæpè cogitandum, præsertim iunioribus.

Nemo itaq; vanis cogitationibus indulgeat: de quibus Psal. 146. v. 4. Nec in crastinum sis sollicitus, Matth. 6. Cogita, Ante vesperam finiri potest vita. Ergo cum Deo redi in gratiam, vera fide, Rom. 5. v. 1. Et dispone domui tuæ in tempore. Animam commenda Deo manè & vesperi.

II. Sicut cætera, de quibus diximus, omnia non possunt nos munire contra vim mortis: ita nec corpus robustum & validum. Etenim si in nos irruat Leo ille conterens, de quo Hiskias hîc, tum omnes iacent prostratæ vires. Moritur etiam Samson robustus, & Gigantes illi, 2. Sam. 23. Vana itaque spes multorum in corpore valido. Dicunt irrisores: **Ich hab noch ein harten Kopff. Ich stirb noch nicht.** Mox concidit flos agri, Psal. 90. v. 6. Leo contriuit.

III. Videmus quæ sint sollicitæ ægrotorum cogitationes, vbi suspensi tenentur à manè ad vesperam, & vicissim;

cissim; vt hîc & Iob 7.v.4. & seq. Pij autem resignant terminum vitæ in manum Dei, in qua sunt sortes nostræ, Psal.31.v.16.

F I N I S.

T H E M A VII. C L A S S I S VI.

Matth. 24. Et Luc. 12.

Vigilate, quia nescitis, qua hora Dominus vester venturus sit. Illud autem scitote, si scisset paterfamilias, qua hora fur venturus fuisset, vigilasset vtique, & non fuisset perfodi domum suam. Ideò & vos estote parati, quia qua hora non putatis ea filius hominis venturus est.

D I S P O S I T I O.

Hæc verba quidem Saluator de extremo aduentu suo ad iudicium locutus est: at de cuiusque etiam hominis nouissima die possunt & debent intelligi: ideoque etiam in funeribus non incommodè tractantur, præsertim in casu subitanæ mortis. Etenim teste Augustino [Epistola 80. ad Hefychium Tom.2. pag. 226.] in quo quemque inuenerit suus nouissimus dies, in hoc eum comprehendet mundi nouissimus dies. Quoniam qualis in die ista quisque moritur, talis in illo die iudicabitur.

Videamus itaque 1. quàm incerta sit hora nouissimi diei. 2. Et quare nobis Dominus illam voluerit esse incertam & incognitam.

I. Pars.

Certissimum fore aduentum Christi ad iudicium in Nouissimo die, de hoc nemini Christiano dubium esse potest. Quia hic est articulus fidei nostræ, extractus ex verbis ipsius Christi Matth. 25. qui est veritas.

At tempus omninò incertum esse, idem & hoc loco & alibi disertè docet. Nescitis qua hora venturus sit Domi-

nus. Simili rem illustrat: sicut paterfamilias nescit quando fur venturus sit, & perforaturus domum suam. Et repetit idem: Veniet ea hora qua non putabitis venturum.

Docet Christus vanas esse hominum coniecturas de tempore aduentus Christi ad iudicium, cum nihil certi habeamus. Alij constituunt annos sex mille, vt Burgenfis. Improbatur illam opinionem August. Super Psalm. 89. Augustinus super Psalm. 6. Tom. 8. pag. 21. sic ait. Aduentus computatis annis ab Adam post septem millia annorum futurus creditur. Hæ quidem sunt coniecturæ humanæ, sed prorsus incertæ & fallaces. Ideoque addit ibidem: Neminem sibi oportere arrogare scientiam illius temporis computatione aliqua annorum. At studiosè Deus occultauit terminum, vt nec annum, nec Mensem, nec diem aut horam sciamus. (Augustinus quidem sperat Christum venturum die Dominico. Sermon. 154. De temp. Tom. 10. pag. 673.)

Et ne Angeli quidem in cœlis sciunt tempus. Matth. 24. Et pater seruauit suæ potestati. Actor. 1. Cumque ferè alias semper posuerit certum terminum, vtpote Mundo Originali annos 120. Genes. 6. v. 3. Liberationi ex Ægypto 400. annos, Gen. 15. vers. 16. Captiuitati Babylonicæ 70. annos Ierem. 25. v. 11. Primo aduentui Christi in carnem 70. hebdomades: Dan. 9. v. 24. tamen hoc de Nouissimo die nullibi factum legitur.

Ex quo apparet quàm stulti, imò quàm sint impij, nonnulli ex nostris, qui contra expressam Christi mentem Actor. 1. vers. 7. inuestigare conantur tempus iudicij extremi. Quorum alij ex ridicula quadam literarum compositione, & numerorum calculatione, alij ex Naometria, alij ex aliis propriis imaginationibus id facere tentant.

Quia verò non minor est incertitudo cuiusque hominis nouissimi diei, ideoq; pari impietate laborant hi, qui vel ex Chiromantia, vel ex astrorum positu, vel aliis diuinationibus fabulosis vitæ terminum inquirunt. Cum sortes nostræ in manu Domini sint, Psalm. 31. vers. 16.

& ipse

& ipse longitudo dierum nostrorum, Deut. 30. qui omnes dies in libro suo annotavit antequam nasceremur, Psal. 139. vers. 16.

Nemo itaque vel seipsum decipiat, aut per alios se decipi sinat.

Quo loco illa etiam notanda, quæ Esa. 47. vers. 13. habentur.

II. Pars.

At quare Deus nobis occultavit diem nouissimum? Numquid non fuisset satius reuelare nobis terminum certum, ut sic possemus nos præparare? Resp. Nouit Dominus cor hominis, ideoque etiam hoc nouit, quod si sciremus certum terminum, nunquam in tempore acturi fuissetis poenitentiam, sed semper procrastinatores mansuri. Ideoque ut semper vigilemus, occultavit nobis terminum. Sicut paterfamilias quia nescit quando fur sit venturus, ideoque non vna tantum nocte sed semper custodire domum & excubias agere debet. Propterea hortatur tam sollicitè, Vigilate quia nescitis. Parati estote.

D O C E M U R quàm sit necesse ut semper vigilet cor nostrum ad Dominum, si maximè corpus dormiat, Hinc toties repetitur, Vigilate. Marc. 13. 14. Mat. 25. 1. Pet. 5. ut sc. omni tempore simus parati ad nuptias. Mat. 25. v. 6. Luc. 12.

Quod si iam sumus securi, ubi terminum ignoramus, quid putas futurum fuisse, si de certo termino nobis constaret. Certè reiecissemus omnia ad finem & ita cumulassemus peccata, ut nunquam potuissemus reuerti. Gratiæ itaque agendæ Deo, quod abscondit nobis tempus, nostræ salutis causa, ut in timore ambulemus.

Idque nostro tempore tantò magis est necessarium, quod, licet tempus exactè non sciamus, tamen finem imminere scimus certissimè. Si enim Petrus, Finis omnium rerum imminet, 1. Pet. 4. Et Ioannes, Nouissima hora est, 1. Ioan. 2. suis temporibus dixerunt, quid nobis cogitandum?

Et

Et hoc quoque de nouissima die vitæ nostræ est intelligendum. Quia nescimus horam mortis, ideò nunquam stertendum, nunquam securitati aut peccatis indulgendum, ne incauti vel minus parati opprimamur. Si sciremus post multos demum annos nobis moriendum, non mirum nos securos esse, at quia nescimus, quid hodie sit futurum, mirum nos esse securos.

Semper illud cogitandum Eccles. II. v. 3. Et quotidiana exempla præter illa scripturæ exempla ad animum reuocanda, quæ docent, quomodo sapè ex improviso mors abripiat. Præparemus nos vera pœnitentia.

F I N I S.

THEMA VIII. CLASSIS VI.

Matth. 25. v. 1. ad 14.

Parabola de decem virginibus.

DISPOSITIO.

Elegans admodum est hæc Parabola, qua Christus de mystico connubio cœlestis sponsi & Ecclesiæ nos docet. Et simul monet, quid faciendum, vt cum sponso ad æterna gaudia intromittamur, sumpta similitudine de virginibus decem.

Duo potissimum nobis erunt notanda.

1. Virginum præparatio ad nuptias.
2. Sponsi aduentus, & dispar virginum conditio.

I. Pars.

Desponsauit sibi filius Dei Ecclesiam, Ephes. 5. Psal. 45. Matth. 22.

Nuptiarum solennitas summa, & perfecta hilaritas erit in nouissimo die.

Interim verò nuptiales omnia vult præparare, vt obuiam euntes sponso possint mox ad ipsius aduentum ad nuptias intromitti.

Procedunt itaq; sponso obuiam decem virgines. Quinque prudentes, & quinque fatuæ.

Pru-

Prudentes assumunt secum lampades, vt si sponsus in-
tempesta nocte veniat, ipsæ nihilominus possint ipsum
sequi, prælucente lampade, & in tenebris non impingant.

Lampades verò non vacuas ferunt, sed oleo instructas,
vt non deficiat lucis splendor.

Stolidæ autem virgines lampades quidem assumunt,
sed oleum non habent. Ideoque vacuæ lampades nihil
profunt postea.

1. Vbi notandum, per decem virgines intelligi totum
cætum vocatorum, & eorum, qui obuiam procedunt,
hoc est, qui Christiani volunt videri. Nam de his tantum
sermo est. Cæteri enim gentiles & Iudæi planè non cu-
rant sponsum.

2. Prudentes virgines sunt, qui veram habent & sa-
lutarem cognitionem rerum cœlestium ex verbo Dei,
Ioan. 17.

3. Fatuæ sunt, qui verbum quidem & ipsi audiuerunt,
sed Diabolus rapuit semen ex cordibus, Luc. 8. vt obliui-
scentur eorum, quæ sunt maximè necessaria ad salutem.

4. Lampades oleo instructæ & ardentes sunt vera fi-
des in cordibus hominum, quæ lucet instar flammulæ ar-
dentis. Siciubet Christus, Matth. 5. Luceat lux vestra.

5. Lampades oleo carentes sunt fides mortua, de qua
Iacob. 2. v. 17. quæ nullum splendorem habet, & vera fides
non est dicenda.

Sed quid est illud, quod dicitur, Tardante sponso ob-
dormiuisse prudentes simul & fatuas? Hoc scilicet intelli-
gitur, In hac vita dum exspectatur aduentus Christi spon-
si, neq; pios etiam semper ea qua debebant fidei atque o-
perum alacritate seruire Deo, sed interdum à peccatis,
tanquam à somno obrui. De infirmitatibus intelligitur,
quæ fidei lucem non prorsus extinguunt.

Fatuæ verò, etiam si sciant, sibi oleum deesse, tamen
stertunt: hoc est, securi dum peccatis indormiunt, planè
obliuiscuntur sponsi sui. In diem viuunt. Deus est venter,
Phil. 3.

[Scio alios aliter exponere hanc parabolam, mihi verò hæc etiam expositio à verò scopo nihil videtur aberrare: in quo Theologi omnes conueniunt.]

DOCTRINA. Docemur, hoc agendum; vt inueniamur in numero quinque virginum prudentum, & non lampades tantum habeamus, hoc est, non externam tantum speciem pietatis, 2. Tim. 3. v. 5. sed oleo fidei saluificæ sumus instructi. Istud verò oleum non nisi ex auditu verbi Dei comparatur, Rom. 10. v. 17. eodemq; & vsu sacramentorum sustentatur & fouetur: vt licet interdum sopor (humanarum infirmitatum) animum occupet, tamen homo pius mox expergefiat vera pœnitentia, & contra conscientiam non peccet, fidem (flammulam ardentem) non extinguat.

Et hic piis precibus opus. Psalm. 51. v. 13. & 14. Atque tum valet illa consolatio Esaia 42. v. 3. Non extinguet.

II. Pars.

Dum dormiunt (hoc est, quando dicunt, pax, pax, 1. Thess. 5.) virgines omnes, subitò, & media nocte:

1. Venit sponsus. Excitatur clamor, Egrediuntur virgines prudentes cum lampadibus ardentibus ad excipiendum ipsum. Et assumuntur ad nuptias celebrandas.

Ostenditur aduentus Christi inopinatus. Vbi qui parati inuenientur, ad æterna gaudia admittentur.

2. Porro fatuæ cum oleum non habeant, nondum sunt expeditæ. Cupientes mutuo accipere, audiunt, quod non sufficiat vtrisque. Dum autem abeunt empturæ, ianua clauduntur.

Sera enim erit tum pœnitentia eorum, vbi Christus inuenerit imparatos, vel in hora mortis nouissima, vel mundi nouissima. Et de suo oleo, non de alieno, instruat lampadem, qui vult ingredi cum sponso: Sua fide viuet iustus, Hab. 2. Nihil aliorum proderunt opera.

3. Pulsantibus fatuis respondet sponsus: Non noui vos. Sicq; excluduntur à nuptiis. Imparatum enim inue-

niet

niet dies ille, quem imparatum inuenerit suæ vitæ vltimus dies: ait August. Ep. 80. ad Hefych.

DOCTRINAM huius loci ipse Christus subministrat, Vigilate. Nescitis enim diem aut horam, qua venturus est filius hominis. Siue enim nos inueniat mundi, siue vitæ, nouissimus dies, certè sicut arbor casura est, ita iacebit, Eccles. II.

Cum itaq; tam incerta sit hora mortis, vigilandum omni tempore corde ad Dominum. Lampades sint instructæ, ardentes. Tantum enim illi cum sponso ingredientur, qui erunt parati.

Nemo seipsum decipiat. Non omnis qui dicit Domine, Matth. 7. Non noui vos, dicetur.

Non procrastinanda pœnitentia, Syr. 18. Non in misericordiam Dei peccandum, Quærite Dominum dum inueniri potest, Esa. 55. Ianuis clausis nemo intromittetur amplius. Clausa autem est omnibus impœnitentibus, securis.

F I N I S.

T H E M A IX. CLASSIS VI.

Marci 13.

Cauete, vigilate, orate. Nescitis enim quando tempus sit. Sicut homo, &c. vsque ad finem capituli.

D I S P O S I T I O.

Hoc loco Christus vna concione simul & semel de Nouissimo die mundi & vitæ humanæ loquitur: vel de die nouissimo generali & speciali. Quod n. erit mundo dies extremus, hoc est homini illa dies, quæ tibi supremum tempus in orbe fuit. Huc pertinent illa dicta Augustini, quæ in præcedentibus Dispositionibus sunt annotata.

Vtrumq; certò venturum Christus affirmat, terminum autem vtriusque nemini reuelat.

Dicemus autem I. De incertitudine nouissimi diei & mortis nostræ,

2. Qua.

2. Quare Deus horam illam voluerit nos ignorare.
3. Quid agendum, ut omni tempore nouissima dies opportunè adueniat.

I. Pars.

Omnia alioquin habent suum tempus Eccles. 3. Et quidem certum atque præfinitum tempus pleraque habent, quod sciri potest.

Astrologus potest calculare horam Eclipsis. Mercator scit nundinas. Seruus terminum suum. Prægnans scit tempus partus.

Imò ciconia nouit suum tempus. Ierem. 8.

At tempus extremi diei nemo hominum nouit, imò ne angeli quidem in cœlis. Matth. 23. Marc. 13. Ratio. Quia hoc pater reseruauit suæ potestati. Act. 1. v. 7.

Eadem est ratio de hora mortis. Ad vtrumque pertinent verba Christi: Nescitis quando tempus. Nescitis quando venturus sit Dominus, an circa galli cantum, an mane, an vespere, an media nocte. Eccles. 9. Nescit homo tempus.

Et plerumq; inexpectata est hora mortis. Venit sicut fur. Et improuisa sapius abripit, sicut laqueus.

Casus sunt varii & dubii, piis & impiis. Exempla. Eli. Filii Iob. Fossores Siloah. Ananias & Sapphyra. Ammon. Ioab. Herodes. Et præter hæc quotidiana experientia.

V S V S.

Tamen pleriq; sunt securi & dicunt Pax, pax. 1. Thess. 5.

Alii dum curiosè terminum inquirunt, vel ex astorum positu, vel aliis rationibus, semetipsos turpissimè decipiunt. Vel timent ubi non est timor, cum à signis cœli nihil debeamus metuere, Ierem. 10. v. 2. vel planè sunt securi & incauti obruuntur, promittentes sibi ipsi longæuitatem.

II. Pars.

At quare non reuelauit terminum nouissimi diei, vel
tamen

tamen mortis horam, vt possemus nos præparare in tempore? Videtur Deus hac ratione nobiscum non agere paternè? aut stultè agere? Resp. Stulticia Dei sapientior est, 1. Corin. 1. v. 25.

1. Et bonitatis Dei hoc est, quòd occultat tempus, ne procrastinemus pœnitentiam, & cumulemus peccata peccatis.

Haymo: Ideò Deus voluit latere vltimum diem, vt dum ignoratur vnus, obseruentur omnes.

Sic semper vult nos in timore & tremore operari salutem, Psal. 2. v. 11. & nouissimorum recordari, vt abstineamus à peccatis, Syrac. 7. v. 40. Huc pertinet similitudo Christi de patrefamilias, qui propterea dissimulat tempus aduentus, vt omni hora faciant singuli officium.

Alioquin de die in diem reiicerent operas vocationis. Et satis est, scire nos quod tempus breue sit, 1. Cor. 7. Si enim longè sit dies iudicij, tamen vniuscuiusque hominis dies vltimus longè esse non potest, quia brevis est vita. August. De verb. Dom. in Matth. Sermon. 16.

2. Deinde occultauit Deus horam mortis, ne omni hora trepidaremus, si certus esset præfixus terminus. Est enim metus mortis ipsa morte grauior. Et naturaliter omnes horrent mortem: quia à Diabolo introducta. Sapient. 2. v. 24. Ideò satis esse iudicat, scire quod sit tempus moriendi, Eccles. 3.

De hoc sæpius doceri cupit Psaltes, Psal. 39. & 90.

III. Pars.

Si opportunè aduenit vel mundi vel vitæ hora nouissima, parum refert quandocunq; veniat. Docet ergo quid faciendum, vt omni tempore opportunus sit aduentus Christi, & tria requirit:

1. Videte: siue caute, βλέπετε. Quid videndum? Figuræ cœli tantùm iudicanda? Matth. 16. Non. Sed cauendum, ne corda grauentur, Luc. 21. v. 34. cauendum à Pseudoprophetis, Matth. 7.

Videndum ne aberremus à via arcta, Matth. 7. v. 13.

Videndum ne quis palmam interuertat, Coloss. 2. v. 18. Præluceat autem lucerna verbi Psalm. 119. quæ in caligine huius mundi lucet, 2. Pet. 1. v. 19. Et non ambulandum in tenebris, Ioan. 8. v. 12.

II. Vigilate, ἀγρυπνεῖτε. Hoc repetit in similitudine illa, ubi paterfamilias iubet ianitorem vigilare. Et repetitur tertia vice, Quod vobis dico, omnibus dico, vigilate. Ne scilicet dormientes opprimat aduentus Domini. Vigilandum Magistratui. Oculi vigiles à Domino. Prouer. 20. v. 12. Prouideant Ecclesiæ & Reip. Vigilandum Ministris Ecclesiæ super animabus, Hebr. 13. v. 17. & super gregem, Act. 20. v. 28. Et omnibus, 1. Cor. 15. v. 34. Euigilate iuste ne peccetis. Dies illuxit. Filij lucis sumus. Arma lucis induamus, Ephes. 5. 1. Thess. 5. Rom. 13.

III. Orate, προσεύχεσθε. Et debet quidem nostra προσεύχη esse ἐν τεινῇς. Act. 12. v. 5.

Quid orandum? 1. Pro remissione peccatorum, Psalm. 32. v. 7. Et Psalm. 51. v. 3. & 4. Et Pl. 143. v. 2. 2. Pro fidei augmento, Luc. 17. v. 5. Marc. 9. v. 24. 3. Pro auxilio diuino, Psalm. 22. v. 12. & 35. v. 2. Et 27. v. 9. Et 38. v. 22. Et 71. v. 9. & 18.

4. Pro spiritus sancti in habitatione, Psalm. 51. v. 14.

5. Pro felici fine vitæ. Domine suscipe spiritum. Psalm. 31. v. 6. Luc. 23. v. 46. Act. 7. v. 59. &c.

THEMA X. CLASSIS VI.

Marc. 14. v. 38.

Vigilate & orate, ne intretis in tentationem. Spiritus promptus est, at caro infirma.

DISPOSITIO.

Solemus verba hominum piorum in extremo mortis agone accuratius obseruare, & memoriæ altius insigere: quia plerumq; sunt tincta sensu, & singularem quandam habent emphasin. Erunt itaque hæc verba Christi ad discipulos, in grauissima illa lucta mortis, & inter sangui-

neum

neum sudorem in monte Oliueti prolata, diligentissimè pensitanda: Quibus ipsos de carnis infirmitate in tentationibus admonet, & hortatur ad preces atque ad vigilantiam.

[Notabunt Theologiæ Studiosi (coram rusticis enim hæc non sunt tractanda) Augustinum in illa fuisse opinionione, Christum de seipso hæc dixisse, & de sua carne pronuntiasse, quod sit infirma. Lib. de salutaribus documentis. c. 64. Tom. 4. pag. 771. At diuersum ab ipso non tantum nostrates Theologi, sed ipsi etiam Pontificij statuerunt. Et ad quos pertinet id, Orate, ne intretis in tentationem (quod certè de Christo intelligi non potest) ad illos etiam pertinet, Est caro infirma. De Christo igitur accipi non debet. Potest itaque ipso Augustino teste (De peccat. Orig. lib. 2. cap. 29. cont. Pelag. & cœlest. in aliqua quæstione, homo dubitare vel errare salua fide. Hæc hæctenus. Nec sine causa.]

Hæc Christi paucula quidem, sed prægnantia admodum verba, tractanda suscipiemus.

1. Sensum primò inuestigabimus.
2. Deinde locos subiiciemus.

Paraphrasis Textus.

Pollicitis valdè diuites fuerant Apostoli, & maximè quidem Petrus. Cum enim Christus prædixisset, fore ut omnes ab ipso deficiant. Ibi præsumptuosè Christo pollicentur magnam constantiam, etiam in mortis præsentissimo periculo. Iam verò cum Christus in monte Oliueti cum morte & peccatorum nostrorum mole grauissimè colluctatur, & instat hora, qua captiuus tradendus erat potestati hostium, discipuli omnes trepidant, Et hi, quos secum esse in illo agone voluit, tam sunt ex consternatione quadam singulari (Luc. 22. v. 45.) somno grauati & quasi sepulti, ut secunda vice excitati vix possint vigilare, nec Christo ad mortem vsque perturbato quicquam afferre solatii.

Admonet autem ipsos imminentis periculi, cum sciatis ipsos passuros defectionem. Et ostendit, Spiritus quidem vester promptus est, quo constantiam mecum moriendi estis polliciti. At ego scio vestram carnem infirmiorum esse, quam quæ gravem illam luctum possit sustinere. Vbi enim caro vestra senserit vim & crudelitatem hostium, qui in propinquo sunt, certe non sustinebit, sed cor in pedes decedet.

Itaque non stertendum iam, tempore hoc periculosissimo: quin potius orandum vobis esset, ne in gravem illam incideretis tentationem, (quam ego iam prævidi & prædixi) vbi me deserto & in manibus hostium relicto, omnes rugam capietis, partim etiam planè abnegabitis. De hoc vobis esset cogitandum, & ardentius orandum, quia iam ex Prophetia Zachariæ cap. 13. v. 7. prædixi id futurum. At surdis hæc auribus audiunt, nec prius verbis Saluatoris fidem habent quam eventus veritatem illorum comprobauerit. Mox autem sese in pedes coniciunt. Tanta carnis illorum est infirmitas, quam Christus ipsis his verbis ob oculos posuit.

Vbi idem repetendum quod cap. præced. Mar. 13 dixerat, *Quod vobis dico, omnibus dico.*

L O C I.

I. Videmus magnam vim esse Tentationum, cum Deus permittit Satanæ, ut nos aggrediatur. (Deus enim tentator ad malum non est. Iac. 1.) Tentat enim cribrare nos, ut Apostolos, Luc. 22. Tentat irritum facere in nobis verbum Dei. 1. Thess. 3. v. 5. Hiob exemplo esse potest.

Tentat variis peccatis, ut auellat à Deo. Sic tentavit Adamum & Euam.

Estque hoc ipsius Epitheton, Tentator. Matth. 4.

Requiritur itaque primum (Christo monente hoc loco) ut vigilemus & caueamus, ne Satan nos seducat. 1. Cor. 7. v. 5. Idem est quod Petrus hortatur ad sobrietatem, ne Satan leo rugiens deuoret. 1. Pet. 5.

Incautos enim facile Satan decipit.

II. Dein-

II. Deinde videmus magnam esse carnis infirmitatem in tentationibus. Licet enim spiritus (hoc est, quatenus homo renatus) promptus sit, tamen in grauioribus tentationibus sæpè succumbit spiritus, & superatur a carne.

Sic Dauid in tentationem inducitur a Satana, vt numeret populum. 1. Paral. 22.

Sic & Hiskias tentatus 2. Par. 32. v. 31. succumbit.

Nemo itaque quicquam sibi ipsi tribuat, cum Petro. Matth. 26. v. 33. De hoc 1. Cor. 10. Non nisi humana vos tentatio cepit. Qui stat videat. &c.

Requiritur ergo secundo loco (Christo docente hîc) vt oremus frequenter, ne Satana nos permittat Dominus. Hinc iussit orare, Ne nos inducas in tentationem: hoc est, ne a Diabolo nos iuduci patiatur ad perniciem nostram.

Et quia Satan præsertim in hoc occupatus est, vt morituris nobis palmam interuertat (Colos. 2. v. 18.) omni tempore studendum sobrietati, & orandum ardentè manè & vesperi, ne Satana concedat Dominus potestatem tentandi vltra vires. Vigilantibus, & orantibus valet id 1. Corin. 10. Fidelis Deus, Securis non item.

F I N I S.

T H E M A X I. C L A S S I S V I.

Luc. 12. v. 35.

Sint lumbi vestri præcincti, & lucernæ accensæ, & vos similes hominibus expectantibus dominum suum, quando reuertatur à nuptiis, &c. vsque ad vers. cap. 39.

D I S P O S I T I O.

Admodum sollicitè Christus, pluribus locis, Christianos hortatur, vt semper sint parati, ad aduentum Domini. Siue autem aduentum intelligat ad iudicium, siue aduentum ad euocandum hominem ex hac vita, perinde

est. nam sicut in extrema die vitę morietur, ita in extrema mundi die iudicabitur.

Estque hora mortis cuique dies nouissima.

Hanc verò ob causam Christus saluator noster toties repetit suas admonitiones, vt carni innatum istum veternum & securitatem excutiat. Vtque ista hæreant diutius, similitudinibus appositissimis subinde rem proponit. Talis etiam est præsens, de Seruis expectantibus reditum Domini à nuptiis: & quod sit illis præmium repositum. Nos primùm parabolam excutiemus, atque ad institutum Christi accommodabimus. Deinde addemus doctrinam, seu vsum huius parabola. —

Expositio Parabola.

1. Peregrè profectus ad nuptias vir magnus & illustris, post se relinquit famulos, custodes domus.
2. Serui interim sollicitè expectant ipsius aduentum: vt vel media nocte aduentanti obuiam procedant & ædes aperiant.

3. Vigilant itaque præcincti lumbis. *Sie ziehen sich nicht auß.* Non vino somnoque sepulti iacent.

4. Lucernas atque lampades habent ardentes, vt possint faces præferre Domino, si noctu veniat.

5. Neque tantum ad primam vsque vigiliam sic præstolantur aduentum heri, sed & ad secundam & tertiam vigiliam parati sunt.

6. At graue est sic semper vigilare, in multam noctem? Respondet Christus. Beati serui illi. Quia non laudem tantum, sed amplissima quoque inde ferent præmia. Discumbere faciet illos Dominus in mensa sua, & ministrabit eis.

Accommodatio.

1. Christum Deus fecit Dominum nostrum. Act. 2. v. 36. Phil. 2. v. 11.

Is post ascensum in cœlis ad nuptias, h. e. ad cœlestia gaudia transiit.

2. Chri-

2. Christiani serui ipsius sciunt ipsum sic rediturum sicut discessit. Matth. 26. v. 64. Act. I. v. II.

Quia autem incertus aduentus, vult nos semper expectare ipsum, quandocunque veniat siue ad iudicium, siue vt nos ex his terris auocet. Nescitis quando tempus. Mat. 24. Mar. 13. Parati simus vt pulsanti mox aperiamus. (Er floßft auch an durch Krankheit vnd Tod.)

3. Vigilandum itaq; omnibus. Non indormiendum peccatis, ne inueniat Dominus imparatos & securos.

Hoc sapè audimus, Matth. 24. 25. Mar. 13. 14. I. Pet. 5.

4. Luceat lucerna, hoc est, alenda vera fides in cordibus, quæ est instar flammulæ, vt non tum primum necesse sit fidem discere, quod idem esset, ac si veniente Domino, candelam mutare vellent serui à vicinis.

5. Idq; in prima & secunda atq; tertia vigilia faciendum: hoc est, in omnibus ætatibus. Iuuentus est prima, virilis ætas secunda, senectus autem tertia vigilia. Nescimus enim in qua ætate Dominus pulsaturus sit fores.

6. Et quamuis videatur graue, sic semper studere pietati, sobrietati, & numquam indulgere genio: Beati tamē qui sic inueniuntur. Iam enim Christus se præcinxit ad ministrandum illis, cū formam serui assumpsit. Phil. 2. v. 7.

Et collocabit illos ad mensam suam in cælis, vt edant & bibant in regno ipsius. Luc. 22. v. 30. cæteri imparati eiicientur foras in tenebras. Matth. 25. v. 30.

L O C I.

Possent hoc loco plures tractari Doctrinæ, De sedulitate quæ decet famulos, &c. Sed hæc ad institutum præsens minus pertinent.

Hoc considerandum nobis ex hac parabola:

1. Quamuis nesciamus, quando venturus & pulsaturus fores nostras, & dicturus, Dispone domui, Morieris & non viues. Esa. 38. tamen scimus, ipsum in propinquo esse, omni tempore.

Est enim brevis vita nostra, si maximè longè absit dies Domini.

2. Decet itaque nos semper vigilare, orare, Marc. 14. vt non viuamus sicut hi, qui pactum cum morte fecisse videntur, Esa. 28. v. 15. Sed antiquum pactum est, Moricris, Syr. 14.

3. Ardeant nostræ lucernæ. Multi enim sunt similes fatuis virginibus oleo destitutis, Matth. 25. Non est in illis vera fides: quia negligunt verbum Dei. Vt autem nunquam extinguatur lucerna, frequenter infundamus oleum verbi & sacramentorum. Et non extinguet linum etiam fumigans, Esa. 42.

4. Accincti sint lumbi, vt habeamus bonam semper conscientiam, & caueamus à peccatis, quæ licet non possimus deponere, cingere tamen debemus ne regnent, Rom. 6. v. 12. I. Cor. 9. *ἀεὶ λαλῶν τὸ σάμμι.*

5. Et omnibus vigiliis, hoc est, ætatibus, hoc dictum esto. Iuuenibus tam quàm senibus. Memento creatoris, Ecclef. 12. v. 1. Iosias puer quærebat Dominum, 2. Paral. 34. v. 3.

6. Qui ita parati sunt, non metuant pulsum Domini, quouis tempore. Beati, Apoc. 14. v. 13.

Et qui hîc sumus serui fideles, ibi erimus Domini. Patienter igitur ferendi labores. Qui in minimo fidelis, Matth. 25. v. 23. Luc. 19. v. 17. Cupiamus etiam dissolui, Philip. 1. & manumitti.

F I N I S.

T H E M A XII. C L A S S I S VI.

Luc. 21. vers. 34.

Cauete, ne corda vestra grauentur crapula & ebrietate, &c. vsque ad v. 37.

D I S P O S I T I O.

Paucis verbis multa vult docere Christus. Primum enim de nouissimo die nos instruit, quod sit venturus subito.

Dein-

Deinde quid tum de hominibus futurum innuit, vno quasi verbo.

Tertiò. Quomodo nos præparare debeamus, docet. De his ordine dicemus: quia utilis erit hæc admonitio, non tantum vt præparemus nos ad nouissimum iudicij diem, sed etiam ad vitæ nouissimum diem.

I. Pars.

De die illa loquitur. Emphasin habent verba paucula. Non enim multis disputat, qualis sit futura dies. Satis est dicere, illa dies, quam scilicet omnes intelligunt fore diem Domini, 2. Petr. 3. v. 10. magnum & terribilem, Malach. 4. v. 5. vbi omnia destruentur opera per ignem, 2. Petr. 3.

De hac die pronunciat, quod venturus sit subitò, & inopinatò. Et illustrat hoc simili: de illa queatis auibus, dum escam vorare cupiunt, & nullum metuunt periculum.

Idipsum aliis similitudinibus expressit scriptura. Sicut fur de nocte, Matth. 24. 1. Thess. 5. 2. Petr. 3. Apocal. 3. & 16. Sicut dolores parturientis, 1. Thess. 5. v. 3.

Eadem est ratio de nouissima die, vbi nobis erit moriendum. Sicut pisces hamo. Eccles. 9. v. 12. Mirum ergò nos non sæpius cogitare de morte: Psaltes orat, Doce nos Domine numerum dierum, Psal. 39. & 90. Scit enim, carnem nihil minus quàm de hora mortis cogitare, cum illa recordatio sit amara, Syr. 41.

Potius quærimus residuum annorum, Esa. 38. vers. 10. Et nemo tam senex, qui non putet se adhuc annum viuere posse.

Ideoque tanta est hominum & tam perniciofa securitas, vt non aliter viuant, ac si pactum fecissent cum morte, Esa. 28. v. 15.

Quotidiana exempla diuersum nos docere possunt.

Quam autem sit perniciofa illa securitas, docebit hoc, quod sequitur.

II. Pars.

Si nouissimus dies tantum faceret finem omnium re-

rum, & nihil præterea nobis expectandum, pòssemus v-
trique in diem vivere.

At Christus innuit, tum standum coram filio homi-
nis. Et sanè qui digni erunt stare ante ipsum, cum his non
malè agerur. At qui indigni reperientur, malè stabunt.
Das wird ihnen ein harter Stand seyn.

De hac statione sæpè cogitandum, Charissimi. Hoc
verò nihil est aliud, quàm id quod Paulus 2. Corin. 5. ha-
bet, Omnes manifestari oportet. Reddetur ibi unicuique
secundum opera sua. Et indigni sanè multi iudicabun-
tur, qui stent ante filium hominis. Ideoque dicetur illis,
Abite. Matth. 25. vers. 41. Non estis digni qui videatis
faciem meam. Hi scilicet (vt ex sequentibus patet) indi-
gni censentur, qui sunt auari, & proinde etiam immise-
ricordes erga pauperes, quod Christus ipsis est exprobra-
turus. Matth. 25. vers. 45. Item, ebriosi: & quorumcun-
que corda sunt grauata peccatis contra conscientiam.
Sic & hi, qui non vigilarunt & orarunt, stabunt sicut pa-
leæ à facie venti. Psal. 1. v. 4.

Vt igitur digni habeamur, in tempore de his rebus co-
gitemus. Et agnoscentes illud, Psal. 130. v. 3. Domine quis
stabit? Et Hiob. 9. v. 3. ad mille non vnum &c. quæramus
aduocatum simul & propitiatorem, 1. Ioan. 2. v. 1. & 2. qui
& intercedat, Rom. 8. v. 34. Esa. 53. & *ἀντὶς* pro nobis sol-
uat, & dignos faciat consortio. Colos. 1. v. 12. Nisi enim
is dignos faciat, perpetuo erimus indigni.

III. Pars.

Sed & nos ipsi sic etiam parari esse debemus quouis
tempore, ne incautos obruat dies Domini subitus. Ideo
quid faciendum Christus præscripsit.

1. Cauete. A quibus? 1. Ab ebrietate. 2. Ab auaritia
& immodica cura victus. 3. Et ab omnibus quæ possunt
grauare cor: vt sunt omnia peccata.

2. Vigilate omni tempore. Non sitis securi, sed cum
Deo reconciliamini in tempore vera pœnitentia. 2. Cor.
5. v. 20.

3. Ora-

3. Orate. Deprecantes sc. culpam, & rogantes remissionem peccatorum, cum omnibus sanctis. Psalm. 32. v. 7. Orate vt digni efficiamini per meritum Christi stare ante filium hominis: & possitis effugere pœnas.

Et hæc, Charissimi, altè animis nostris infigenda. Siue enim dies mundi, siue vitæ, extrema super nos veniat, parati esse debemus. Nam qualis quisque in die illa moritur, talis in die illa iudicabitur.

Non itaque peccandum in misericordiam Dei.

1. Sed potius cauendum à peccatis & maximè talibus, quæ grauant cor. Vt sunt ebrietas quæ corpus & animam grauari solet: in qua est *αὐωτία*. Ephes. 5. v. 18. Facit homines ineptos. *Jose leut.* Prou. 20. v. 1. Imò cor planè aufert, sicut & scortatio. Hof. 4. v. 11.

Ita etiam auaritia radix malorum est. 1. Tim. 6. Et laqueis Diaboli irretitur auarus, 1. Tim. 6. v. 9. vt cor non possit eleuare ad Dominum. Sed & alia etiam peccata grauant cor. Explica latius.

2. Vigilandum. Nam qualem te inuenerit, iudicabit. Sicut ceciderit arbor. Eccl. 11. v. 3.

3. Orandum. Propitius esto mihi peccatori. Luc. 18. Non inducas. Vide Dispositionem Them. 9. in fine.

T H E M A XIII. C L A S S I S VI.

2. Pet. 3. v. 10.

Veniet autem dies Domini sicut fur in nocte, quo cœli cum stridore transibunt, &c. vsque ad versum 15.

D I S P O S I T I O.

Quantò magis necessarium est, de aduentu Nouissimi diei sæpè multumq; cogitare: tantò maiori studio Saran hoc agit, vt illius meditationem vel penitus ex animis nostris euellat, vel tamen nos securos reddat, vt terminum longissimum constituamus, & diem iudicii post multa demum secula aduenturum putemus. Et hoc Sata-næ studium iuuant illusores isti, de quibus nos Petrus
hoc

hoc ipso capite monet: utque non cum ipsis sentiamus hortatur. Simul etiam verbis prælectis hæc tria docet.

1. Inopinatò aduenturum diem nouissimum.
2. Et cœlum tum atque terram transitura.
3. Quid hominibus hæc expectantibus faciendum, ut reperiuntur parati.

I. Pars.

Licet rideant & illudant securi, tamen certò est venturus dies Nouissimus. Hunc vocat diem Domini: quia Dominus ad iudicium venturus, ut confitemur in symbolo. De quo tot extant scripturæ testimonia apertissima, in veteri & nouo Testamento.

Esa. 65. 66. Dan. 7. 12. Matth. 24. 25. 1. Thess. 4. 5.

Venturus autem est inopinatò. Eadem Christus confirmat: horâ quâ non venturum putatis. Matth. 24. Similitudine rem illustrat, quam etiam à Christo (ibidem) mutuauit. Sicut fur venit, non clara luce, nec cum adhuc vigilant homines & lucernas accensas habent, sed media nocte, cum dormiunt, & nihil tale expectant. Sæpè hac similitudine vtitur scriptura, ut Matth. 24. Apoc. 3. & 16. & 1. Thess. 5.

L. Caueamus ne reperiatur inter illusores, quorum sanè multi sunt, extremis his temporibus, iuxta Petri prædictionem. Et qui non verbis hoc profitentur, illi tamen sic viuunt, ut palam ipso opere testentur, se non credere iudicium extremum. At nostris semper vox illa in auribus sonare debet, Ad iudicium. De quo Hebr. 9. v. 27. Eccl. 12. v. 14. 2. Cor. 5. v. 10.

Eadem quoque meditatio nos semper de mortis hora monere debet: quæ in hac vita cuique est dies nouissima, iuxta quam iudicabitur, & mox iudici sistetur, ut experiatur quomodo vixerit Syr. 11. vers. 29. Huc pertinent Augustini dicta insignia, suprâ sæpius repetita. Et cætera etiam quæ in præcedente & aliis multis Disposit. sunt annotata.

II. Pars.

II. Pars.

Aduentum diei nouissimi finem cœli & terræ facturum, iam secundo loco Petrus docet.

1. Cœli cum fragore ingenti præteribunt.
2. Elementa æstu soluentur.
3. Terra cum omnibus quæ in illa sunt operibus exuretur.

Et repetit idem denuò certitudinis causa. Idque in hoc capite supra vers. 7. etiam habetur, igni reservata cœlum & terram.

Idque ex Esa. 66. v. 16. videtur desumptum, vbi dicitur Dominus iudicaturus per ignem. Et Esa. 51. vers. 6. Cœli ut fumus liquefcent.

Addit autem, Nouum cœlum & nouam terram esse nobis expectanda, in quibus non peccatum (ut in his terris) sed iusticia habitabit.

Et hoc quidem expectamus iuxta promissionem Domini factam Esa. 65. v. 17. & 66. 22.

[Nota. Vtrum cœlum & terra peritura sint igni secundum substantiam, an tantum secundum qualitates vel accidentia, de hoc coram rudi plebecula non est disputandum. Satis est scire certò (ex verbis Christi Luc. 21. v. 33.) cœlum & terram transitura.] Cætera curiosè inquirenda non sunt. Melius est dubitare de occultis, quàm litigare de incertis. August. de Genes. ad literam. lib. 8. c. 5.

L. Stultè agunt qui his rebus terrenis sic inhiant, ut interim cœlestia negligant. Contra Matth. 6. v. 19. 1. Tim. 6. v. 6. 18. atque 19.

Quorsum autem opus tam splendida parare ædificia, & magnam vim auri atque argenti & supellectilem pretiosam corrudere, cum hæc omnia sint igni peritura? Quærantur itaque cœlestia nunquam peritura. Matth. 6. v. 33. Solatium hinc pauperes: Doctrinam, verò diuites habent.

III. Pars.

III. Pars.

Quid faciendum, vt transeuntibus cœlo & terra, nos tamen consistamus cum gaudio. Et hoc Petrus docet.

1. Expectare & precibus accelerare debemus aduentum Domini: rogantes, Veni Domine Iesu. Ap. 20.

2. Vt autem digni simus stare ante ipsum, oportet nos in sanctis conuersationibus ac pietate expectare. Et id repetitur. Date operam vt immaculati & incontaminati ab illo reperiāmini, in pace, scilicet conscientia, quæ est fructus Spiritus. Gal. 5.

DISCIMVS. Piis non extimescendum diem nouissimum. Imò læti extollere debēt capita, quia instat redemptio, Christo dicēte Luc. 21. v. 28. Et tum videbimus retributionem impiorum, de qua Psal. 91. v. 8. Ier. 20. v. 12. Sap. 5. v. 1. Orandum semper, Adueniat regnum tuum.

Interim in sancta conuersatione pij & immaculati patienter expectent liberationem, pro qua omnis creatura nobiscum ουγενάξαι Rom. 8. v. 22. Hab. 2. v. 3. Psal. 27. v. 13. & 14. Psal. 62. v. 9.

At hoc agendum, ne inueniat Dominus pollutos variis peccatis. Forās enim illi mittentur. Apoc. 22. vers. 15. Nouum cœlum enim & Noua terra novos habitatores requirunt, innouatos in iusticia Christi. 1. Cor. 1. v. 30. Rom 5. v. 1. Demus operam vt simus mundati sanguine Christi, 1. Cor. 6. v. 11. & 1. Ioan. 1. v. 7. vt candidi inueniamur. Esa. 1. v. 18. absq; abominatione. Apoc. 21. v. 27.

F I N I S.

T H E M A XIV. C L A S S I S VI.

Iacob. 4. vers. 13.

Agite nunc, qui dicitis, hodie & cras eamus in ciuitatem hanc, & faciamus ibi annum vnum, & mercemur, & lucrum faciamus, qui ignoratis, quid futurum sit postero die.

Et

Et cætera quæ sequuntur vsque ad vers. 16. Seclusa illa parenthesi de vapore, quæ peculiariter tractatur infra in appendice huius classis, sub Num. 25.

D I S P O S I T I O.

Devanis hominum consiliis & cogitationibus. (germ. *Unschlâge*) multum scriptura differit. Sap. 9. v. 14. Cogitationes mortalium fallaces, & incertę providentię nostrę. Quamvis enim homo varia proponit, Dominus tamen omnia pro suo arbitrio disponit. Ideoque etiam D. Iacobus hoc loco vana hominum quorundam consilia dissuadet, & vt nos omninò Deo subiiciamus hortatur.

Et primum quidem hominum sermones per elegantem prosopopœiam citat, illosque sermones insolentiores retundit, &c.

Deinde addit quomodo sint corrigendi. Hæc duo videamus.

I. Pars.

Proponit Iacobus hominum consilia & sermones, maximè quidem accommodatos ad mores istius temporis, vbi auaritia & sceleratus amor habendi inualescebat.

Dicitis, hodie vel cras proficiscemur in hanc vel illam ciuitatem: ibi subsistemus aliquandiu, & vel integrum ibi annum commorabimur. Quid acturi? Negotiabimur aliquo genere mercaturæ, & lucrum faciemus haud exiguum. Sic apud vos iam est constitutum. At quam stulta sint hæc consilia, quàm insolentes sermones, quàm vanæ gloriations, ipsi cogitate. Constituistis aliquid facere post vnus anni curriculū, & nescitis an hodie sitis superuicturi. Vultis cras abire, & forsitan hodie moriendū erit.

Cic. de senect. Quis est tam stultus (quamvis sit adolescens) cui sit exploratum, se ad vesperum esse victurum.

Dicat aliquis: Et quis non possit annum viuere? Nemo, Cicerone teste, tam est senex, qui se annum non putet posse viuere? De senectute. *Es stirbt einer nicht so gleich/* dicunt nonnulli. Audi, inquit Iacobus, quī possis tibi

tibi promittere annum, & vel crastinum: cum nihil sit vita vestra? Quid enim est vita? Vapor exigui temporis, mox euanesceus: ita ut ne vna quidem hora de vita certi esse possitis.

L. Videmus (primùm quidem generaliter) Deo displicere nostra consilia, & proposita, quibus diem mortis in multos annos reiicimus, & interim pro lubitu nostro varia proponimus, quasi verò Deus cogatur eò usq; differre mortis tempus. *Wir machen all vñsere Anschläge für den jüngsten Tag hinauß.* Ideoq; Deus communiter nostra illa consilia dissipat, & disturbat inopinato mortis interuentu. De quo egregiè Psalm. 145. Exhibet Spiritus hominis, & perierunt omnes cogitationes illius.

Quin igitur potius omnes actiones nostras sic instituiamus, tanquam cras morituri: & de his cogitamus, quæ ad salutem æternam faciunt. Agnoscamus tempus visitationis, Luc. 19. v. 44. Nunc dies salutis, 2. Cor. 6. Quærite Dominum, dum inueniri potest, Esa. 55. v. 6. Comparandum oleum antequam claudatur ianua, Matth. 25. v. 11. Hodie, hodie si audieris, Psal. 96. Heb. 3. v. 7. & 15. At de his nemo ferè sollicitus est, aut pauci tamen. Ideoque multi inveniuntur imparati. His graue est mori, quia multos sperant annos residuos, Esa. 38. v. 10. Et consilia sua in multas annorum decades iam struxerunt, sed frustra.

In specie verò reprehenduntur hi, qui vtile sollicitis computant articulis, & variis artibus student corradere nummos, & lucrum facere, agitantés consilia quantũ lucri post annum vnum & plures sint facturi, de morte & anime cura parum solliciti. His autem dicetur illud, Stulte. Luc. 12. v. 20. Quid respondebunt? Quomodo stabũt morituri, qui cum Deo non redierunt in gratiam? Numquid ipsos liberabunt nummi: Neutiquam. Prou. 11. v. 4.

Quid prodest lucrari mundum, Matth. 16. v. 26. Et quid dabis pro redemptione animæ. Ibid. Psal. 49. v. 9. Igitur quære thesauros, Matth. 6. vers. 19. & primùm regnum Dei, vers. 33.

II. Pars.

Secundo loco Iacobus aliam formulam loquendi præscribit, si Dominus voluerit & vitam concesserit, hoc vel illud faciemus: Sic nos voluntati diuinæ per omnia subiiciamus, & ab illa toti pendeamus, in omnibus consiliis nostris.

L. Egregiam doctrinam hic locus præbet, vt nihil vnquam statuamus aut proponamus, simpliciter & absolute, sed semper cum hac supposita conditione, Si Deus voluerit, si ipse vitam & vires clementer concesserit, si ipsi hoc placuerit. Hoc est quod Christus iussit orare, Fiat voluntas tua. Et ipse sic orauit: Non mea sed tua voluntas fiat. Luc. 22. v. 42.

Dauid abiens in exilium ait, Si placuero Domino reducet. 2. Sam. 15. v. 25. Non, inquit, reuertar huc, & hoc vel illud faciam.

Quin imò Angelus Domini hac formula loquendi (quæ hominibus, iuxta Iacobi regulam, vsitata esse debet) vtitur: Vita comite reuertar, & Sara habebit filium. Gen. 18. v. 10.

Debent autem hæ voces non tantum ex consuetudine loquendi nobis esse vsitatae, sed cor hoc loqui debet, ex vera erga Deum humilitate.

Hæc enim serio cogitans nihil statuet, quod Deo displicere possit.

Deinde videmus licere quidem negotiari, lucrum facere, sed ita sicut Deo placuerit. Absit iniusticia & iniquitas illa, de qua Amos 8. v. 5. Prou. 20. v. 23. Deut. 25. v. 13. 14.

T H E M A XV. C L A S S I S VI.

Apoc. 3. vers. 3.

Si non vigilaueris, veniam ad te tanquam fur, & nescies qua hora veniam ad te.

D I S P O S I T I O.

Hæc sunt verba Christi Saluatoris, quæ Ioannes Apo-
Hh stolus

stolus audit in visione, & iubetur scribere Angelo, hæc est, Ministro Ecclesiæ quæ erat Sardis. [Sardes autem fuit olim sedes Regia Cræsi Regis Lydorum, & postea præsidium Persicorum, alioquin celebre emporium, ubi omnes famulæ leguntur fuisse meretriculæ, & magnus populi luxus, sicut in illis locis fieri solet. Ideoque tandem propter peccata fuit deleta.] Hortatur autem ipsum Ioannes, ex ore Christi ad vigilantiam. Quia verò hæc admonitio non tantum ad ipsum, sed etiam ad omnes omnino homines pertinet, ideoq; hæc paucula verba examinabimus, & quid illa nos etiam erudire possint, videbimus.

Paraphrasis Textus.

Reprehenditur Pastor Sardenfis, quod hætenus non rectè operatus fuerit coram Deo. Ideoque resipisce, inquit Iohannes. Et additur, in superioribus, esto vigilans. Vult saluator, ut in tempore corrigat id, quod hætenus neglexit, ne antequam pœnitentiam egerit, à Deo auocetur. Sequitur enim, si non vigilaueris, veniam ad te tanquam fur; & obruam te in securitate tua.

Nec procrastinanda pœnitentia, quia nescis qua hora venturus sim & te auocaturus. Sicut nescit pater familiars qua hora (imò nec quo mense aut die) venturus sit fur. Ideoq; si non omni tempore vigilat & domum custodit, magnū illi à furibus imminet periculum (solent enim fures captare occasiones, & tum domum perfodiunt cum dormiunt domestici.)

Ita nisi tu vigilaueris & securitati valedixeris, de improviso te abripiam, & facies iacturam animæ tuæ. Ergo vigila, ora, caue à peccatis omni tempore.

L O C I.

I. Vfitata hac similitudine de fure, qui de improviso domum perfodit, Spiritus sanctus hoc loco (ut & I. Thess. 5. v. 2. & 2. Pet. 3. & Apoc. 16.) voluit nobis excutere veternum istum securitatis, ubi homines peccatis ita indormiunt, ut de morte & iudicio extremo nihil planè cogi-

cogitent. Hinc fit, vt inueniantur imparati, cùm illis est moriendum, & similes quinque fatuis virginibus Matth. 25. Sicque excluduntur a regno cœlesti. Ibidem. v. 12. Sicut enim ceciderit arbor, ita iacebit. Eccles. 11. Et quem dormientem (id est, securum & peccatis deditum) seruum inuenerit Dominus, eum dissecabit. Matth. 24. vbi eadem similitudine de fure Christus idem docet.

Ad vigilantiam itaque toties hortatur, Matth. 24. & 25. Mar. 13. & 14. Luc. 21.

Et idem Apostoli vrgent. I. Cor. 16. v. 13. Eph. 6. v. 18. Col. 4. v. 4. I. Pet. 4. & 5.

Non autem hoc vult, vt nunquam somnum capiamus: (Quod enim caret alterna requie durable non est) sed vt cor vigilet ad Dominum, & nunquam sit securum, sed quodcumque cogitauerit se Deum offendisse (cogitabit autem de hoc omni tempore Psal. 51. v. 5.) hoc agat, vt absque mora cum Deo redeat in gratiam, per seriam pœnitentiam. Id hoc loco etiam requirit Ioannes, Resipisce. Atque non prius in dulcem declines lumina somnum, omnia quàm præteriti diei peccata apud Deum seriò deprecatus fueris. Si enim te in peccatis dormientem inuenerit hora vitæ suprema, iacturam facies animæ. Quoties igitur te componis ad quietem, cogita de hoc fure, qui de improviso veniet. Quod si remissionem peccatorum (pro qua vna tecum omnes sancti orant Psal. 32. v. 7.) fueris consequutus, beatus eris, Ibid. v. 1. 2. & tum non dulcis tantum erit quies, sed ipsa mors somnus erit: sicut vocatur Ioan. 11. I. Thess. 4. Marc. 5. De his autem sermo est, qui in Domino (cum quo in gratiam redierunt per fidem, Roman. 5. v. 1.) moriuntur. Apoc. 14.

II. Videmus etiam, quod vigilantibus & pœnitentibus aduentus Domini vel ad iudicium, vel in morte, (si maximè id de improviso fiat) non sit damnosus, ideoque non debet esse terribilis. Quin imò illi hoc vnice optant. Veni citò Domine. Apoc. 22. in fine. Sciunt tum instare redemptionem. Et optant, Nunc dimittis. Luc. 2.

Cupio dissolui, Phil. i. Quia semper sunt parati, Matth. 25. vers. 10.

THEMA XVI. CLASSIS VI.

Apoc. 16. v. 15.

Ecce venio vt fur. Beatus qui vigilat & custodit vestimenta sua, ne nudus ambulet, & videant turpitudinem eius.

DISPOSITIO.

In his verbis primum continetur vaticinium, de subito & inopinato aduentu Christi ad iudicium. Deinde verò additur, quid faciendum hominibus, qui in illo aduentu voluerint sic inueniri, vt beati possint pronuciari.

De his duabus partibus iam erit dicendum.

I. Pars.

Ecce venio sicut fur. Verba sunt Christi, sicut etiam in præcedenti Themate. Et mutuata ex ore Christi, Matth. 24. Demonstratur hoc simili inopinatus Christi aduentus ad iudicium, in nouissimo die, vt supra dictum suo loco.

Breuitatis causa remitto lectorem ad Dispositiones præcedentium Thematum, in primis VII. XIII. & XV.

Inde etiam Loci peti poterunt, huc pertinentes. Quia materia planè est eadem.

II. Pars.

Quia verò inopinatus venit dies Domini, vix illis qui imparati inueniuntur. Illos enim dissecabit, Matth. 24. Itaque videndum vt digni inueniamur, Luc. 21. Quid ergò faciendum?

I. Vigilandum. Beatus qui vigilat. Idem plane Luc. 12. Beatus seruus, quem Dominus inuenierit vigilantem.

Hinc extrui potest locus idem, qui in præcedentis Thematis dispositione numero primus est, si incipiatur à paragrapho, Ad vigilantiam, &c.

Eadem suprà etiam inueniuntur ferè in Disposit. Them.

mat.

mat. VII. parte 2. & VIII. parte 2. & IX. parte 3. & aliis etiam.

2. Vestiti inueniantur, & vestes custodiant: ne nudi reperiantur, & videatur turpitudine illorum.

Non de vestibus corporis loquitur, sed de spiritualibus. Vfitata enim hæc similitudo est scripturæ passim in veteri & nouo Testamento: Et sicut spiritualis est nuditas illa, de qua Apoc. 3. v. 17. ita spirituales etiam requirit vestes. Requiritur itaque illa vestis nuptialis, de qua ipse Christus Matth. 22. quæ est iusticia Christi: & induitur fide. Credenti enim imputatur iusticia Christi. Illa tegit nostram turpitudinem, peccatorum scilicet, ne veniant in conspectum Dei.

Loc vs. Sæpè sumus solliciti de vestibus, non tantum ne nudi, sed ne vel sordidi & incompti appareamus in cœtu hominum. Et hac in parte plurimi excedunt modum.

At de his vestibus, quibus tecti comparere possimus coram cœtu omnium Angelorum & Electorum, imò coram facie ipsius sanctissimæ Trinitatis, nemo ferè est sollicitus.

Causa est, quia nuditatem nostram non agnoscimus. Tàm autem nudi corpore non nascimur, quàm sumus nudi animæ ratione, à natura. Caremus enim omni iusticia & gloria, Rom. 3. v. 23. Apocal. 3. v. 17. Ezech. 16. vers. 7. Sicut autem turpe est, post lapsum incedere nudato corpore, ideoque sese abscondunt Protoplasti. Genes. 3. v. 8. ita turpissimum est, coram Deo apparere sine omni iusticia & sanitate, &c. Hinc Paulus hortatur 2. Corinth. 5. ne nudi inueniamur. Nostram enim turpitudinem auersatur Deus. Et non habens vestem nuptialem, eiicitur in tenebras, Matth. 22.

Primum itaque curandum, vt habeamus vestes. De his magis sumus solliciti, quàm de externo vestitu, quem Deus non curat, imò auersatur luxum. Esa. 3. vers. 16. Sed non tegent nos illa perizomata, Genes. 3. vers. 7. nec etiam

iam vestis illa immunda propriæ iusticiæ, Esa. 64. v. 6. Deo placet. Vestes enim candidas requirit, Apocal. 3. v. 4. & 18. Zach. 3. v. 4. & 5. & nuptiales, Matth. 22. Esa. 61. v. 10. Hæc est iusticia Christi, qua tecti coram Deo possumus comparere. Hinc Rom. 13. v. 14. Induite Dominum Iesum.

1. Induitur illa vestis primum in Baptismo. Quicumque baptizati estis, Christum induistis, Galat. 3. v. 27.

2. Deinde est etiam custodienda, ne polluatür peccatis. Sic enim hîc, Beatus qui custodit, &c. Et si polluta fuerit, curandum, vt mox iterum sicut nix dealbetur. De quo Esa. 1. v. 18.

APPENDIX.

CLASSIS VI.

CONTINENS SIMILITVDINES, EXEMPLA, METAPHORAS,
 Comparationes, quibus scriptura sacra, in illustranda &
 depingenda miseria, fugacitate & breuitate
 vitæ humanæ, passim vti
 solet.

NOTANDVM.

Notabit Lector, nos porrò in hac appendice, breuitatis causa, ne nimium excresceret libellus, concordantia scripturæ dicta, quæ eiusdem planè argumenti sunt, licet diuersis locis legantur, vna dispositione absoluisse, ne idem toties recurreret, quod lectori molestum esse posset.

APPENDICIS CLASSIS VI.

THEMA I. II. & III.

Psal. 39. v. 7.

Psal. 144. v. 4.

Esa. 40. v. 17.

Homo & vita hominis NIHIL.

DIS.

DISPOSITIO.

Vix quicquam in his terris iudicatur esse pretiosius ipsa hominis vita. Hinc solemus nobilem vitam vocare, (*Das Leben ist Edel*) & vitam omnibus aliis antepone-
re. Sic nihil pluris æstimat quisquam quàm seipsum. Ho-
minem enim cæteris omnibus creaturis præstantiorem,
nullo pretio æstimari posse putamus. At longè secus in
verbis prælectis iudicat Spiritus sanctus, qui vitam ho-
minis N I H I L, & ipsum hominem N I H I L esse disertè
affirmat. Ne itaque nos ipsos & vitam pluris æstimemus
quàm par est, agite, Quare homo & vita hominis nihil
esse dicatur, & quid nobis ex hac vilissima æstimatione
discendum proponatur paucis.

VIDEAMVS.

Primum sciendum, cum Propheta hominem nihili fa-
ciendum asserit, non id intelligi vel de vno aliquo homi-
ne prorsus inutili, aut de pluribus talibus: quos nos ipsi
etiam homines nihili, &c. Sed de toto genere humano, &
celebratissimis etiam hominibus loquitur. Sicut Esa. cap.
40. Omnes gentes nihil vocat. Et Psal. 39. Omnes homi-
nes. Quomodo autem homo dicetur N I H I L, qui est
creatura Dei præstantissima, anima rationali donatus, &
primum ad imaginem Dei conditus, per mortem filij Dei
redemptus, & ad vitam æternam electus?

Primum itaque sciendum, quod de homine hic sit ser-
mo, qualis est in se & per se, & vno verbo, quatenus post
lapsum deformatus peccato tantum est caro & sanguis.
Gratia quidem Dei est quicquid est, (1. Cor. 15.) per se ve-
rò nihil est nisi massa carnis damnatæ. Licet itaque ma-
gnus sit coram hominibus, coram Deo nihil est.

Secundò, nihil esse in scriptura intelligitur, pro, non
magis pretij aut valoris esse, & opponitur huic, aliquid
esse, id est, aliquid magnum esse. Patet hic sensus ex Gal.
6. v. 3. Si quis existimat se aliquid esse cum nihil sit.

Terriò. Quare & quomodo dicatur esse N I H I L, vi-

detur nobis omnium rectissimè explicare Esaias, addens, Nihil sunt omnes gētes (v.17.) coram eo, hoc est, comparati cum Deo, planè sunt nihil omnes homines. Nulla enim finiti ad infinitum potest esse comparatio. Comprobat id Daniel, 4.v.32. Siue dicas, ante ipsum, hoc est, coram facie Dei omnipotentis, æterni, creatoris, &c. nihil sunt homines, nisi pulvis exiguus, vt præclare hoc Esaias illustrat cap.40.

Ideo quæ is etiam in nihilum facilè potest redigere. Vide Esa. 30.v.28. & Ezech. 26.v.vlt. de Tyro.

1. Eadem ratione vita nostra nihil est, Coram te ait Psalm. 39.v.7. Quia coram Deo mille anni sunt sicut dies, quæ præterit, & non est amplius, Psalm. 90.v.4.

2. Equum in nihilum redigit vitam, verè nihil est omnis hominum gloria, actio, &c. Esa. 41.v.24.

Ideo quæ vana dicitur, quæ nihil est nisi vanitas.

3. Quia quod pretiosum est in tota vita nostra, nihil habet præter laborem & dolorem, Psalm. 90.v.10. idèò verè N I H I L est. Vanitas vanitatum, & omnia vanitas, Psalm. 144.v.2.

DOCTRINÆ. I. Quia nihil est homo, cur superbit cinis & cinis? Syr. 10.v.9. Cur tam est superciliosus? Deipsum, Gal. 6.v.3. qui putat se aliquid esse, cum nihil sit.

Humilitatem itaque discat ex hoc loco. Paulus de se: Nihil sum, 2. Cor. 12.v.11. Abraham Gen. 18.verf. 27. de se, Pulvis & cinis sum.

II. Insignis Dei bonitas & φιλευθροπία inde patet, quod propter hominem, qui N I H I L est, ipse solus omnipotens & æternus tam fuit ab æterno sollicitus, vt crearetur, redimeretur, saluaretur, &c. Grata mente id agnoscendum: & magnum inde capiendum solatium, quod curam nostri non sit abiecturus. Gratus agnoscit hoc David, Psalm. 144. Quid est homo, quod reputas eum?

III. Impium est obloqui velle Deo, cum coram ipso nihil simus. Quis es qui ex aduerso respondes? Roman. 9. Num-

Numquid dicet lutum figulo? Esa. 29. v. 16. & 45. v. 9. & 10. v. 15. Hoc faciunt omnes qui murmurant contra ipsum.

IV. Cum verè nihil sit vita nostra, stulti sunt qui eam tam pretiosam æstimant, vt nolint illam relinquere, etiam cum Dominus ipsos ad meliorem vitam cupit perducere. Stultum est, non velle relinquere tugurium pro palatio æterno, in quo non dolor. Vide 2. Cor. 5. v. 1.

F I N I S.

APPENDICIS CLASSIS VI.

THEM. IV. V. VI. VII. VIII. IX. & X.

Hiob. 8. v. 9.

Hiob. 14. v. 2.

Psal. 102. v. 12.

Psal. 109. v. 23.

Psal. 144. v. 4.

Eccles. 7. v. 1.

1. Paral. 30. v. 15.

His locis omnibus (vt & aliis quibusdam) dicitur vita hominis transire sicut VMBRA.

DISPOSITIO.

Charissimi, ex occasione textus præsentis de vmbra sumus vobis dicturi. At nō existimabitis, nos de rebus futilibus & inanibus ad vos verba facturos, sicut alioquin in prouerbium abiit, vt de rebus vanis & futilib. verba faciētes dicantur disputare de vmbra asini. (huius prouerbij ridiculam originem vide in Chiliadibus Adagiorū Erasmi.) At nos de vmbra, quam Spiritus in scripturis sepius nobis inculcauit, dicemus, quia certū est, plurimum doctrinæ, admonitionis & consolationis sub illa vmbra latere.

Etenim vitam hominis, quæ alioquin nobis res maxima & præstantissima, nobilissima & pretiosissima esse

videtur, Spiritus sanctus plurimis, (vt diximus) & decem ad minimum locis, comparat vmbra. Quare autem & Quomodo vita hominis vmbrae similis dicatur, & quid hac similitudine nos erudire voluerit, audiemus.

I. Pars.

Primam rationem comparisonis ostendit Hiob cap. 14. Sicut vmbra fugit (siue euanescit) sic homo etiam natus de muliere. Idem Psalm 144. vers. 4. sicut vmbra transit, ita dies hominis. Idem Eccles. 7. vers. 1. Quid enim fugacius vmbra? Ita homo interdum vix natus obit, subitoq; tanquam vmbra dispareret, vt omnis illius memoria pereat. Quid sunt dies hominis collati cum æternitate? Vbi mille anni sicut dies quæ præteriit. Psal. 90. Quæ igitur proportio decem, viginti aut etiam 60. annorum? Et infans recens natus, mox verò extinctus, vix potest dici vno momento vixisse. Vide Sap. 2. v. 5. & 5. v. 9.

Deinde sicut vmbra cum iam longissima apparet, mox dispareret declinante & occidente sole. Et sicut vmbra serotina assidue fit maior, & inclinante die tenebris propinquior: ita homo dum crescit annis, atate, prudentia, &c. semper vergit ad occasum, & tandem cum videtur perfectissimus, subito dispareret & per mortem abripitur. Huc respicitur Iob. 8. Psal. 109.

Tertio. Sicut vmbra non potest comprehendi & teneri, vel affigi vt cogatur subsistere, dum sole occidente euanescit, (hinc Syr. 34. v. 2. pro stulto habetur, qui vmbraam apprehendere vult) quia est imago rei, non res: ita vita hominis nulla hominum arte aut industria potest præseruari à morte, vbi hora constituta aduenerit, quæ ipsum ad occasum perducit. Et sicut vniuersus orbis coniunctis viribus vmbraam euanescentem non potest detinere, ita nec hominem moriturum. De hoc Psal. 102. & 1. Par. 30. v. 15. *kein auffhalten ist da.*

II. Pars.

I. Docet autem hæc similitudo vmbrae, primum quam

quàm misera, caduca, fragilis & euanida sit hæc nostra vita, quam adeò impensè diligimus, ac si illa perpetua esset, nec de morte cogitamus prius, quàm vmbra illa euanescere incipit.

Cum tamen scriptura hac & similibus vtatur comparationibus, de vmbra, somnio, fœno & floribus &c. ne nobis diuturniorem vitam temerè (vt solemus) promittamus. Inde enim securitas illa nascitur. Esa. 28. v. 15. & procraftinatio. Syr. 18. v. 22.

Et cum inopinatò vmbra vitæ humanæ euanescit, multi certè incauti obruuntur.

Quoties igitur cernimus vmbra, quæ corpus comitatur, toties de vitæ instabilitate cogitemus, & optemus potius graram illam vmbra, quam desiderat & præstolatur mercenarius. Iob. 7. v. 2. Hæc est quies illa, de qua Esa. 56. in fine. & Apoc. 14. v. 13.

II. Admonitionem etiam secum fert hæc vmbra meditatio, de qua ipse Psalmus 144. v. 3. nos docet, ne ingrati obliuiscamur insignem illam Dei *φιλανθρωπίαν*, qui tam paternè sollicitus est de vmbra & puluere. De hoc etiam in præcedenti Dispos. dictum. Vide Psal. 103. v. 14.

III. Consolationem hinc petere licet aduersus hostes & inimicos, Tyrannos, & alios quoscunque: ne nimium ab illis metuamus. Quid enim sunt nisi vmbra euanescens, si maximè Reges sint? De Tyranno persecutore Iuliano Athanasius dixit: Nubecula est, citò transibit. Ita tu cogita, vmbra est, citò euanescet.

Quid igitur times, quid trepidas? Vmbra pueros quidem terret, eam verò cordati homines non timent, &c.

APPENDICIS CLASSIS VI.

THEMA XI. & XII.

Hiob. 7. vers. 6.

Psal. 78. v. 39.

His locis vita hominis comparatur VENTO.

DIS.

DISPOSITIO.

Juxta antiquum prouerbium, Nauita de ventis, de tauris narrat arator: Enumerat miles vulnera, pastor oues. At licet nos neque maris aut ventorum, neque etiam nauigationis habeamus cognitionem, tamen ex occasione verborum, quæ vobis prælegimus, de vento sumus dicturi, neque verò (quod speramus) cum amicis Hiobi, Job. 6. v. 26. in ventum verba proferemus. De eo namque dicemus, quod vita hominis à spiritu sancto vento comparatur. Huius rei audiemus rationes, & doctrinas inde principales extruemus.

I. Pars.

Si secundum varia significata venti, quæ vel habet per se, vel ratione adiunctarum vocum, velimus ventum cum vita & actionibus humanis comparare, in procliui istud esset facere. Paucula tantum & huic loco conuenientia delibabimus.

1. Ventus est spiritus, atque à Deo est, qui producit ipsum ex locis occultis. Ierem. 10. v. 13. & Ier. 51. v. 16. Is vocat ventum quando vult, Amos 4. v. 13. Ion. 1. v. 4. & 4. v. 8. Ita quoque spiritus hominis, vel vita hominis, à Deo est: qui vocat quæ non sunt, vt sint, Roman. 4. v. 17. & format in abscondito terræ Psal. 139. vers. 15. & dicit, Reuertimini filii hominum. Psalm. 90. v. 3. Eccles. 12. Deus dedit spiritum. Inspirat spiraculum vitæ. Gen. 2. v. 7. Et per spiritum viuificat ossa arida. Ezech. 37. v. 9.

2. Ventus in scripturis etiam pro rebus vanissimis accipitur, quæ nihil sunt.

Esa. 41. in fine: Idola, ventus & vanitas. Esa. 57. vers. 13. Iterum coniunguntur ventus & vanitas. Sic Ose. 8. v. 7. seminant ventum. Et Ose. 12. v. 1. pascuntur ex vento. Ier. 22. vers. 22. Ventus pascit tuos pastores.

Ita vita hominis propter perpetuas misérias nihil est nisi vanitas vanitatum. Eccles. 1. vers. 2. Hinc vmbra & rebus vilissimis comparatur, putredini, vapor, fumo &c.

Hæc

Hæc omnia habet appendix Classis VI. in Manuali. Vide tibi.

3. Hanc autem potissimum ob causam vitam hominis vento comparat scriptura, quam ipse Psalmus 78. vers. 39. addit, ventus transiens & non reuertens. Nam sicut ventus auditur quidem, & sentitur, & videtur interdum omnia suo impetu velle prosternere: tamen mox transit, vt nemo sciat vnde veniat & quo vadat Ioan. 3. v. 8. Ita licet homines interdum in vita sua cum pompa & quasi cum impetu quodam res magnas videantur moliri (*Ist ein groß wesen vnd groß gescharr vmb sie*) tamen mox, & vno quasi momento transeunt in locum suum, vnde non reuertuntur, (Iob. 10. vers. 21.) in hoc mundo scilicet. Sicut tenuis aura mox euanescunt. Ideo Iob. 7. v. 7. Non reuertetur &c. Exigui enim temporis spatium ita putrescunt & in nihilum rediguntur, vt nemo amplius agnoscere possit ipsorum vestigia.

Sehrt dahin geschwind wieder Wind.

4. Huc pertinet illud etiam quod sicut ventus transiens detineri aut comprehendi & sisti non potest [iuxta id Prou. 27. v. 16. Syr. 34. v. 2.] ita vita hominis nulla vi, aut arte humana potest prorogari aut detineri, cū hic ventus transit ad sepulchrum. Idem quoq; suprà præc. Dispos. in similitudine de vmbra tractauimus. Eadem hîc est ratio.

II. Pars.

Locvs I. Semper in his similitudinibus omnibus recurrit idem locus, qui iam est suprà annotatus, quod videlicet nullum nobis sit firmum contra mortem præsidium: Sed inopinata illa sæpè abripiat obuium quemque. Nec possit homo resistere aut morasnectere.

1. Ideoque semper inueniamur parati. 2. nec procrastinemus pœnitentiam. 3. nec diuturnam nobis ipsis polliceamur vitam. 4. nec vanis cogitationibus & propositis nosmetipsos decipiamus, Quia cum exit spiritus vanæ sunt omnes cogitationes hominum. Psal. 146. vers. 4.

Nec

Nec existimemus aut nobis persuadeamus nos similes vento cuncta prosternti, Syr. 22. v. 21. hoc est, non insolenter, temerè aut arroganter & iniustè quicquam agamus: quia tantum sumus spiritus aut levis aura, transiens & non reuertens.

II. Quia sumus nunquam reuersuri in has terras, iuxta id Iob. 7. v. 7. & Psal. 78. v. 39. Primò omnium simus solliciti, vt cuncta exsequamur & perficiamus, quæ ad salutem nostram pertinent, antequam hinc transeamus. Cogita, non reuertemur huc, Iob. 16. v. 22. Ergo, &c. Sed & domui nostræ in tempore præcipiendum, Esa. 38. v. 1. antequam ventus transeat.

III. Calamitates non ægrè feramus, quia ventus vrit Ier. 4. v. 11. & siccat, Ose. 13. v. 16. & dissipat, Sap. 5. v. 24. & congelat aquas, Syr. 43. v. 22. & mouentur ligna sylvarum à facie venti, Esa. 7. semperque inconstans est. Ita omnis vita nostra talis est. Cogita, Wind thut ihm nit anders! & in hoc sit tibi solatium, qui cum aduenerit, faciet vt custodiatur vnusquisq; sicut à vento. Esa. 32. v. 2. & colliget electos à quatuor ventis, Matth. 24. v. 31.

F I N I S.

APPENDICIS CLASSIS VI.

T H E M A XIII. & XIV.

Hiob. 13. v. vlt.

Quasi cadauer putrefactum consumendus sum.

Quasi vestimentum quod comeditur à tineis.

N O T A.

Quia duæ similitudines vna sententiola comprehenduntur, vna etiam Dispositione, sic tamen absoluemus: vt qui voluerit, in duas conciunculas possit parti: & singula similia singulariter tractare: quod & in sequentibus quibusdam forsitan fiet, ne libellus iusto maior sit.

D I S P O S I T I O.

Absurdum forsitan & turpe videbitur nonnullis, coram auditoribus honestis in Ecclesia sermonem institueret, de re parum alioquin naribus & oculis grata, cadauere scilicet putrefacto, cuius obtutum & foetorem vix ferre possumus. Atqui apud vos auditores charissimi, metus esse non debet, ne vel aspectus vel odor huius, de quo dicturi sumus, cadaueris, nares vestras aut oculo offendant: quin imò si attentis auribus hæc audiueritis, gratum inde odorem Doctrinæ, admonitionis & consolationis capere poteritis.

Nos primum verba Hiobis examinabimus. Deinde locum vnum & alterum addemus.

I. Similitudo. Expositio Textus.

De se & corpore suo dicit Hiobus, quod sicut cadauer putrefactum consumatur, & in nihilum redigatur. Notatu digna est hæc Hiobis querela, non minus vera quam miserabilis.

Etenim qui viuus vel ipso aspectu potuit exhilarare faciem nostram, (vt sit in elegantibus puerulis aut puellis) is vbi animam exhalauit exigui temporis interuallo ita foetere incipit, vt nares offendant foetor, vt oculos auertamus, nec vltra possumus aspicere, &c. In terram defossus intra quatrimum ita foetet, vt charissimi fratris Lazari foetorem nolit ferre soror, Ioan. II.

Nec est (Augustino teste) quisquam hominum, qui vel vnanocite in sepulchro accubare velit huic, quem oculis chariorem habuit viuum, siue coniunx, siue filiulus, siue frater fuerit olim iucundissimus.

Vbi verò à vermibus corroditur, & omnis caro consumitur, quam triste exhibet spectaculum, vt agnosci amplius non possit forma.

Ossibus tandem quoque consumptis, in terram, imò in nihilum ita redigitur, vt ne vestigium vllum humani corporis appareat.

Quia

Quin ipse testatur Augustinus, se vidisse serpentes & corpore humano natos.

Atq; quod est omnium maxime miserabile, ratione corruptionis, inter cadauer hominis & bestiae nullum est discrimen. Vtrumque sic corrumpitur & in nihilum tandem redigitur.

L O C I.

Non fuerit hæc meditatio apud Christianos vana, & inanis, sed plurimum afferet utilitatis, si velint attendere.

I. Docet hæc meditatio corruptionis nostræ, inuestigare causam illius, quare adeò sumus post mortem etiam miseri, ratione corporis. Causa est peccatum, quod sicut mortem, ita etiam corruptionem inuexit. Agnoscamus itaque & detestemur peccatum, cuius causâ, sanctus Hiobus capite 17. v. 14. corruptionem vocat patrem, & vermes fratres atque sorores. Vide etiam Hiob. 4. v. 13. & 19.

II. Iuxta tamen hanc etiam consolationem addamus, quod hæc corruptio non possit nocere piis, qui sic in puluere terræ consumpti dormiunt Dan. 12. v. 2. sed quod sequutura sit innouatio per eum, qui non vidit corruptionem Psalm. 16. v. 10. Act. 2. v. 27. sed sepulchra sanctificauit, & corpora putrefacta renouabit, glorioso corpori suo conformia reddet. Phil. 3. v. 21. itaque propter illam corruptionem, mortem & sepulchrum non exhorrescamus. Semen non viuificatur nisi prius moriatur. Et quod seminatur in *φθορᾷ*, resurget in *ἀφθαρσίᾳ*. Vide 1. Corinth. 15. v. 36. & 43.

III. Quid superbit cadauer putrescens? Quid serico & holoserico contegis cadauer foetidum? Cogita quis sis futurus? Et depone supercilium. Syr. 10. Quid superbis terra & cinis, imo cadauer putridum?

Et hæc communis est fors Regum & pauperum mendicorum. Hiob. 21. v. 26. Simul dormient. &c.

IV. Non tam delicatè tractanda caro, quæ futura est esca vermiū. Quorsum enim opus tantis delitiis pascere

ver-

vermes? Carnis curam agere licet Rom. 13. v. 14. Sed non ad concupiscentiam. Deus non fit venter. Phil. 3. vers. 19. Natura paucis contenta est.

II. Similitudo. Expositio textus.

Vestis à tineis consumpta aliquin abiicitur & extra ciuitatis mœnia in locum fœdum deportatur. At Iobus in conspectum nostrum producit vestem illam laceram & à tineis consumendam, suum videlicet corpus mortale. Illud enim comparat vesti consumptæ. Nec incommodè, ex his rationibus.

1. Sicut vestis noua, belle confecta, suam habet non tantum elegantiam sed & vtilitatem, vt regat nuditatem nostram, & corpus contra frigus & æstum defendat. &c. at progressu temporis fit lacera & à tineis ita consumitur, vt nec tegere amplius, nec ornare possit corpus: Ita homo aliquantisper videtur & vtilis & iucundus aliis: at cum crescentibus annis marcescit atque tandem moritur, planè inutilis fit & à vermibus corrumpitur.

2. Sicut vestis dum recens est confecta, gestatur in corpore (*Man prangt mit*) vbi verò à tineis consumpta est, abiicitur: Ita hominem dum vitam habet magnificamus: at vbi anima hominis à corpore separata est vermes illum arrodunt, & propterea mox ille in terram defossus absconditur & è conspectu hominum subducitur.

3. Sicut autem alia vestis citius à tineis arroditur, àlia tardius: ita hominum alii citius, alii tardius per mortem abripiuntur,

4. Tandem verò vestis quæcunque consumitur: nec tineæ parcunt magis vesti principis quàm rustici, (Imò contrarium sæpius euenit.) Ita mors nemini parcit. Via omnis carnis. 1. Reg. 2. Ios. 23.

L O C I.

1. Fragilitatis nostræ nos admonet hic locus, dum homo non comparatur ferreo thoraci, quem sclopeto frangere & perfodere necesse sit: sed vesti faciliè con-

Ii

sumen-

sumendæ, vel à tinea. Hoc ideò fit, nè promittamus nobis multos annos, nec securi simus & procrastinatores. *Wir sind nicht stahl vnd eisen.* Quoties vestem induis, cogita te sic esse aliquando consumendum. Memento mori: & caue à peccatis, Syr. 7. v. 40.

II. In vestitu non superbiendum. Quia quod tegit & ornat atq; quod tegitur & ornatur, consumitur, Syr. 10. Ne extollaris in vestibus. Vide etiam Esa. 3. v. 16. & seqq. vestes sunt signa peccati, & inopiæ, Gen. 3. v. 7. & 21.

III. De tinea, quæ nos & omnia nostra aliquando corrosura est, sæpè cogitandum, sc. de morte & vermibus, Iob. 4. v. 19. & 17. v. 14. Esa. 14. v. 11. & 50. v. 9. & 51. v. 8. Itaque non superbiamus, sed quæramus quod tinea non corrumpit, Luc. 12. v. 33.

F I N I S.

APPENDICIS CLASSIS VI.

THEMA XV.

Hiob. 7. v. 7.

Dies mei velocius transierunt, quam nauicula textoris, (vel, radius textorius) & consumpti sunt sine mora.

DISPOSITIO.

Hiobus noster, cum à Satana, permittente Deo, ulcere maligno, à planta pedis vsque ad verticem capitis, percussus, & sua quidem opinione morti vicinus esset, sæpè multumq; in omnibus ferè capitibus, quibus ipse loquitur, querelas grauissimas effundit, quibus breuitatem & fugacitatem vite transactæ deplorat. Et solet plerumque variis similitudinibus uti, quibus rem istam quasi depingit. Qualis est illa de umbra euanescente, cap. 8. de caduere putrescente, cap. 13. de vestimentis à tinea consumptis, Ibid. De cursoribus, nauibus, aquila volante, cap. 9. &c. Talis est etiam præsens illa de nauicula textoris.

Quia autem tales similitudines plerumque singula-
rem

rem aliquam habent Emphasin, nos hæc verba Hiobis excutiemus, & quid nos moneant paucis ostendemus.

Paraphrasis Textus.

Velociter, inquit Hiobus, transierunt dies mei, scilicet annis præteritis, quibus sensit diuinam benedictionem, & circumuallata fuit domus ipsius, vt Saran refert, & ægre fert. Iob. I. y. 10.

Fuit enim felicissimus, diues, & in autoritate constitutus, quod patet ex cap. 29. & vt plerique sentiunt, Rex aut persona illustris.

Reperit idem: Consumpti vel absumpti sunt dies vitæ antea actæ sine mora. Ach wie geschwind ist die zeit herum gelassen. Ehe ich mich vmb gesehen / ist die zeit hin gewesen.

Idem simili illustrat. Quemadmodum qui textoriam exercent, radium quo subtegmen stamini inmittunt, velocissimè ab vna extremitate ad alteram agitare solent, idque sine mora, vt volare quasi videatur inter radius textorius, de manu dextra ad sinistram, & vicissim: ita dies mei transierunt, vt auolasse videantur: sicut Psalm. 90. vers. 10. legitur. Hiskias etiam delectatur similitudine è textrina mutuata: Sicut filum à texente, sic abrum-po vitam meam. Esa. 38. v. 12.

Sed & aliam huius comparationis rationem habet Lyra, sic super hunc locum scribens: Comparatur vita humana telæ.

1. Quia sicut textitur addendo fila filis, sic humana vita deducitur addendo dies diebus.

2. Et sicut perfecta tela succiditur à texente, sic humana vita à Deo, de vita præsentis: Hactenus ille. Qui delectatur hisce similitudinibus, potest pluribus hanc telam pertexere, & plures rationes comparationis inuenire. Hæc iam sufficiant.

L O C I.

I. Videmus quàm verum sit illud, Dulcia præcipiti

buntur tempora cursu. Volare (Psalm. 90.) videntur anni quibus datur suauiter viuere.

Contra verò vbi variis premimur aduersitatibus, ibi vnus mensis videtur æquare aut superare spatium integri anni. Vide Iob. 7. habui menses vacuos & multas noctes laboriosas. *Hie ist die zeit zu lang: Dort zu kurz.*

Iacobus Patriarcha septem annos pro septem diebus habet, quia iucundam transigit vitam, dum impensè amat Rachelem. Gen. 29. v. 20.

At vbi focerum inimicum habet, & affines ipsum ode-runt, tum vnus annus septem annorum priorum spatium superare videtur.

Et sic semper habet homo de quo conqueri possit. Vel nimis citò abeunt anni felices: vel nimis diu durant anni afflictionis.

Quid faciendum igitur? Hiobis consiliū cap. 2. vers. 10. erit optimum, cui si obtemperauerimus, dicemus, Si bona suscepimus, mala cur nō sustineamus? *Man muß sein mit einander umbwechßlen.* Nostrates dicunt: *Es senn nicht lauter Ostertag; Man muß den Charfreitag auch fur gut annemen.*

Et ne quid nobis præter expectationem eueniret, de hoc dudum monuit Salomon Ecclesiast. 7. v. 11.

Ne dicas, Quare priora tempora fuerunt meliora præ-sentibus? Insipienter hoc quæris. Et cap. eod. v. 15. eleganter admodum ait: In die bona frui bonis, & malā quoq; diem sustine, sicut enim hanc, sic & illam fecit Dominus.

Item Syr. 18. v. 25. Memento paupertatis in tempore abundantiae. &c. Et vicissim cogita: Nube solet pulsa candidus ire dies.

Sic fiet vt rebus secundis non simus insolentes: In aduersis non abiiciamus animum. Et vno verbo: Timor Domini in prosperis, spes in aduersis, nos nunquam à pietatis tramite patietur aberrare.

II. Locus de fugacitate & breuitate vitæ humanæ iam sæpius est annotatus, qui hîc recurrit.

III. Si

III. Si quis fortè hanc Iobis sententiolam in funere alicuius Textoris velit explicare, posset non incommode tractare hunc locum, Quod Deo etiam placeant istæ operæ manuariæ. Probat ex Exod. 35. v. 35. &c.

APPENDICIS CLASSIS VI.

THEMA XVI. XVII. & XVIII.

Hiob. 9. vers. 25. & 26.

1. *Dies mei velociores fuerunt cursore: fugerunt & non viderunt bonum.*
2. *Pertransierunt quasi naues desiderabiles, vel celos.*
3. *Sicut aquila volans ad escam.*

DISPOSITIO.

Sicut Hiobus noster supra cap. 7. conquestus est, quod multas numerauerit noctes laboriosas, & menses habuerit molestos plurimos, eo scilicet tempore, quo à Satana fuit flagellatus & repletus doloribus, vt habet textus: ita vicissim dum recordatur dierum præteritorum, quibus in magna felicitate vixit, rursus conqueritur de breuitate istius temporis. *Die guten Tag sind ihm zu kurz / vnd die bösen zu lang worden.* Et sicut in descriptione temporis calamitosissimi vsus est variis similitudinibus, de militia, mercenariis, &c. ita in descriptione velocissimi decursus prosperitatis suæ, similitudinibus variis vtitur passim.

Et hoc quidem loco tribus similitudinibus hanc rem proponit. Nos singulas ordinè tractabimus.

I. *Dé cursore.*

Dies mei velociores fuerunt cursore. Loquitur de vita antea acta, quam in magna felicitate transegit, cumulatus à Deo variis bonis.

At quid dulcedinis (inquis) fuit in diebus illis, cum

tam citò præterierint, ut vix vno momento durasse videantur? Simili hoc illustrat.

Sicut cursor, hemerodromus, &c. citò festinat ad ciuitatem, ad quam missus est, ita cito pede labitur tempus prosperum, & festinamus ad mortem, ad quam contendimus sine subsistentia, ut etiã si aliquid boni occurreret, non vacaret id rectè intueri vel salutare: sed mox transcendendum est sine mora.

Addit, Fugerunt à me. *Sie ließen sich nicht aufhalten.* Et tam velociter abierunt, ut non videar quicquam vidisse boni: properarunt dies mei, ad hoc malum, quod iam sentio.

Loc. I. Varia docere potest hæc de cursore similitudo.

I. Quia hæc vita nihil est aliud, nisi ad metam mortis properantissima festinatio, ideò nec rebus secundis effexamur animo, nec aduersis desperemus. Quia qualescunque sint dies nostri, citò transibunt. De his vide supra Dispos. præced. Locum Salomonis Eccles. 7. & Syr. 18.

II. Sicut cursor non patitur se detineri dum est in itinere, nec implicat se quorumcunque aliorum negotiis, sed strenuè pergit ad locum præfinitum: ita non nimium sumus de his solliciti, quæ sunt huius mundi, sed pergamus ad patriam.

De his Phil. 3. v. 13. & 14. Hebr. 12. & 13. v. 14.

III. Cursor varias cogitur experiri tempestates, sed tamen pergit ut exsequatur quod in mandatis habet, &c. Ita & nos nihil moueamur his calamitatibus terrenis, sed strenuè pergamus, & patienter expectemus illam liberationem, de qua Rom. 8. v. 21. De hoc cursu Paulus 2. Tim. 4. Cursum consummaui, fidem seruaui, &c.

Reposita est mihi corona. *Ein gut Bottenlohn soll uns werden.*

II. De nauibus transeuntibus.

Pertransierunt dies mei sicut naues celoces. *Tagschiff.*
Vel sicut naues apportantes res pretiosas.

Alia

Alia similitudo est, qua Hiobus ostendit, quàm præcipiti cursu tempora olim dulcia fuerint elapsa.

Sicut enim tam citò transeunt naues in vasto mari vētis impulsæ, vt in momento non amplius vllum prioris loci extet vestigium, Prou. 30. v. 19. sic velociter transeunt tempora secunda, vt nubila cum venerint, priorum non recordemur amplius.

Poterit hæc etiam similitudo varia monere.

I. Tanta est carnis humanæ infirmitas, & corruptio, vt, licet multo tempore fruamur diuinis beneficiis, tamē tempore afflictionis sic aduersus Deum murmuremus, ac si is vix vno momento benignè fecisset. Wir werffen jme gleich den sack für die Thür. Agnoscenda hæc perversitas, & compescenda dictis illis, Hiob. 1. v. 10. Si bona suscepimus, &c. Et Ecclesiast. 7. v. 15. Etiam malum diem sustine. Et similibus aliis.

II. Alia etiam docebit similitudo de nauibus transcuntibus. Qui in mari nauigant, illi desiderant portum: & qui domi sunt, nauigantium reditum cum desiderio expectant. Ita qui nauigamus in mari huius mundi, desiderio teneamur vitæ æternæ, quæ vera est patria, vbi nostrum πολιτεύμεν. Phil. 3. De hoc 2. Cor. 5. v. 2.

Sed & angeli in cælis cum desiderio expectant, vt compleatur numerus electorum. Gaudent enim de his Luc. 15.

III. Sicut qui in mari nauigant variis sunt obnoxij periculis & tempestatibus: De his vide Psal. 107. v. 26. Exemplum vide Actor. 26. v. 20. Ibi orare discunt etiam mali iuxta Prouerbiū. Sic nobis euenit in hoc mundo, qui est mare malorum.

Orandum itaq; pro liberatione, sicut illi Psal. 107. v. 28. Sic iubet Christus. Libera nos à malo. Stulti ergo qui non cupiunt liberari & mori, vbi Deo ira visum est. Contra quam Phil. 1. v. 23. & Luc. 2. v. 29. Hi non agnoscunt periculum, & tantò facilius pereunt.

III. De aquila volante.

Sicut aquila præpeti ad escam volatu contendit, ita

dies mei felices transierunt, & ad mortem properarunt, velocissimè. Est enim volatus aquilæ velocissimus. Hinc illæ similitudines crebræ in scriptura de aquilis. Deut. 28. v. 49. 2. Sam. I. v. 23. Ier. 4. v. 13. Habac. I. v. 8. Videntur etiam dies nostri auolare, Psal. 90. v. 10.

Docet I. hæc similitudo, ut nihil procrastinemus, quia tam citò finis viuendi adest. Non enim possumus quicquam differre in annos, quos speramus residuos, de quibus Iehiskia, Esa. 38. v. 10. In tempore itaq; prouideamus animæ nostræ, & quæramus iusticiam regni Dei, Matth. 6. v. 33. Sed & circa familiam nostram omnia ritè disponamus, Esa. 38. v. 1. ne morte præuenti, relinquamus materiam litis posteris.

II. Sicut aquila sursum tendit (hinc via illius in cælo esse dicitur, Prou. 30. v. 19.) & oculos contra solis radios dirigit: Ita Christiani superna quærant, Coloss. 3. v. 2. & cœlestia. Solem iusticiæ, Mal. 4. aspiciant. In sublime nidum collocat aquila, Obad. v. 4. ita & nos quæramus in cælo patriam & πόλισμά, Phil. 3. v. 14. & 20.

III. Vbi cadauer ibi aquilæ, Christo teste, Matth. 24. Ita nos ad Christum, qui pro nobis factus est execratio, Galat. 3. magno studio feramur, &c.

APPENDICIS CLASSIS VI.

THEMA XIX. XX. & XXI.

Psal. 90. vers. 5. & 6.

1. *Sinis illos decurrere instar torrentis.*
2. *Sunt quasi somnium manè.*
3. *Et sunt instar graminis quod mutatur: quòd manè efflorescit & mutatur, vesperti succiditur & arescit.*

DISPOSITIO.

Psalmus nonagesimus, qui Mosi viro Dei inscribitur, continet magnam & deuotam querelam de miseria, breuitate

uitatē & fugacitate vitæ humanæ, eamque Propheta septem similitudinibus illustrat, desumptis à rebus prorsus caducis, euanidis, instabilibus & vanissimis: comparat enim vitæ decursum, 1. diei elapsæ, 2. vigiliæ nocturnæ v. 4. 3. fabulæ. v. 9. 4. volatui. v. 10. Tres præterea similitudines prælecto versu quinto continentur, 1. de torrente, 2. de somnio. 3. De gramine.

[Singulas sigillatim tractabimus, vt qui voluerit ex singulis singulas possit extruere conciunculas, sicut & in præcedentibus id obseruauimus]

I. De torrente decurrente.

1. Sicut torrens tumidus ex nimbo & aquis pluuiaribus, magno cum strepitu decurrit & celeriter abripitur: Ita homines qui iam viuere & strepere (hoc est, in hoc mundo sese oblectare & aliis negotium facessere) cœperunt, mox abripiuntur per mortem. Et ipsa mors vicissim illis est instar torrentis. Sicut enim torrens rapax obuia quæque secum fert atque abripit, ita mors abripit omnes sine discrimine.

2. Quanto autem maiori cum impetu decurrit torrens, tanto citius aqua delabitur. *Je grösser der Strudel je eher verlaufft.* Ita quanto maior est hominum potentia, conatus, tanto finitur citius. Exemplum. Iulius Cæsar fahet ein gross Gereusch an. At spatio biennij abripitur 23. vulneribus in senatu confossus. Alexander Magnus. Et cæteri. Nebucadnezar. Pharao, &c.

L. I. DOCE T hic locus inter cætera, Non tinendos homines impios, quantumuis magnam præ se ferant potentiam, &c. Citò enim transibunt & decurrent instar torrentis. Quid faciat mihi homo? Psal. 56. v. 12. Exhibet Spiritus. Psal. 146. v. 4. Athanasius pulsus in exilium à Tyranno Iuliano dicebat: Nubecula est, citò transibit. Nostrates dicunt, *Es ist nur ein Übergängelein.* Et sanè possent illi torrentes nos abripere nisi Deus in nobis. Sic dicat Israel. Psal. 124. v. 2. & 4. At si Deus pro nobis. Rom. 8. v. 31.

L. II. Nemo moliatur grandia, nec promittat sibi successum si audeat maiora viribus. Cogitet de torrente qui strepitum quidem excitat, sed mox siccatur. Sic Dominus solet talibus dissipare consilia. Psal. 2. v. 5. Esa. 8. v. 9. & 10. Non enim est consilium contra Dominum. Prou. 21. v. 30. **Nec inuito illo quicquam proficies.**

II. Somnium.

Vita nostra comparatur etiam somnio. Somnio autem quid potest esse vanius? Talis tota vita nostra.

1. Sicut enim per somnium homo sibi interdum videtur assidere mensæ & splendidè viuere, aut possidere vel inuenire aurum & argentum, &c. At vbi euigilauerit esurit atque eget. Esa. 29. v. 8.

Sic qui videtur in his terris splendidè viuere, mox nudus egredi cogitur. Nihil enim in his terris Beatum. Exemplum diuitum in promptu est, de quibus Luc. 12. & 16. Item Nabalis 1. Sam. 25. v. 36. & 38.

2. Et sicut qui somniauit somnium vbi euigilauerit sæpè planè istius est nescius, sicut Nebucadnezar. Dan. 2. Ita vbi mortuus fuerit homo, sublata est illius memoria. *It eben als wann vns von ihme getraumet hätte/ vnd er were nie da gewesen.* Præsertim vero impiis hoc accidit. Hiob. 20. v. 8. Psal. 73. v. 20.

Loc. I. Recurrit hic idem locus, qui primus est in priori similitudine de torrente. Sic enim Dominus docet per Esaiam cap. 29. v. 7. Idem vult Psal. 37. v. 36.

II. Quia tota vita nostra est instar continui somnij, non timeamus mala, neque efferamur lætis: quia tantum somnia sunt. Stulti obseruant somnia. Syr. 34. v. 1. Ita stulti pollicentur sibi felicitatem multam & diuturnam: & falluntur tanquam per somnia. Syr. 34. vers. 7. Contrà somnia mala terrent quidem Iob. 7. & Syr. 34. v. 5. Sed tamen nihil sunt, nisi imago sinere. Sic omnes calamitates licet videantur graues, tamen piis non nocent, nec perdere possunt, quia momentaneæ 2. Cor. 4. v. 17. & quasi somnium transibunt.

III. Gra-

III *Gramen arefcens.*

Gramen dum in campo nascitur non elegantiam tantum habet, sed dum efflorescit viuere putatur. At quamprimum succiditur, arefcit æstu solis. Et spacio trium horarum planè mutatur, vt habet Textus, & in fœnum conuertitur. Ita homo viuens vno quasi momento marcescit, vel lethali morbo correptus, vel per mortem abreptus. Exempla. Alexander Magnus. Belsazer Monarcha Persicus. Mors enim est instar falcis fœnariæ, quæ demerere solet flores iuuentutis, fortitudinem virilem & prudentiam senilem, &c.

LOCVS. Nemo quærat præsidium contra mortem; nec confidat vel in viribus corporis, ætate, diuitiis, pulchritudine, robore, &c. Gramen est, non ferrum, non chalybs, non saxum, non æs, &c. Flos agri, vel herba, vt sapius hoc inculcatur. Psal. 37. Esa. 40. I. Pct. I. Iacob. I. V. II. Exempla. Asahel velocissimus. Samson fortissimus. Absalon pulcherrimus. Salomon sapientissimus, ditissimus, felicissimus. Methusalah vetustissimus, Moses ratione virium corporis integerrimus. Ist alles vmbgehaunwen verdorret.

LOCI GENERALES, QVI TRIBVS HISCE
similitudinibus accommodari possunt.

I. Docemur, Stultè agere eos, qui sibi in his terris vitam vel diuturnam vel perpetuam pollicentur: cum tanta sit fragilitas & instabilitas huius vitæ.

Semper itaque dum funus comitamur, id cogitemus, Syr. 38. Heri mihi, hodie tibi. Et inquiramus vitam meliorem. 2. Cor. 5. Heb. II. 13.

II. Frustrà multis curis nobis inetipsis sumus molesti, dum studemus multas opes corradere, cum illas mox relicturi & nudi egressuri simus. Ecc. 4. 5. I. Tim. 6. Psal. 39.

III. Malè rebus suis consulunt procrastinatores, qui non cogitant citò exeundum. Ideo non inueniuntur parati. Excludentur iuxta Parabolas. Matth. 24. & 25.

APPENDICIS CLASSIS VI.

THEMA XXII.

Psalm. 90. vers. 9.

Consumimus annos nostros vt confabulationem.

DISPOSITIO.

Inter cæteras similitudines, quibus breuitatem vitæ humanæ Moses vir Dei hoc Psalmo depingit, etiam hanc habet, quod decursum annorum nostrorum comparat fabulationi.

Quamuis autem videri possit, ex illius fabulationis meditatione non plus ad nos vtilitatis rediturum, quam ex vaniloqua aut inani fabula: Attamen quia non est dubium, quin varia nos docere voluerit Spiritus sanctus hoc ipso vocabulo, ideoque iam primum rationem comparationis inuestigabimus: Deinde etiam subiiciemus vsum huius loci.

I. Pars.

Primum notandum non comparari decursum vitæ nostræ sermoni puro, concinno, graui, prolixo, vel orationi suaui, conditæ, liberali, admirabili, politæ, quæ conspersa sit verborum sententiarumque floribus, iuxta Cicero- nem. Sed comparatur vita nostra fabulationi, aut colloquio breuissimo. *Einem Geschwätz.* Nec dicitur pars aliqua vitæ similis confabulationi, sed annos nostros, inquit, consumimus vt confabulationem. Tota vita perpetua est quasi fabula.

1. Etenim sicut cessante colloquio verba euanes- cunt, ita & nos vbi aliquantulum viximus, tandem plane euanesчимus. *Man weiß bald nit mehr wovon man erst geredt hat.* Et sicut alias volat irreuocabile verbū: ita hic volat irreuocabilis annus. Sic Magnus ille Alexander hodie cum omnibus suis rebus gestis inter homines nihil aliud, nisi fabula quædam inanis est. *Es ist dahin.*

2. Sicut sæpe instituuntur confabulationes illæ, non
ob res

ob res magnas, sed fallendi temporis causa: (hinc comes facundus in itinere pro vehiculo esse dicitur) ita dum viuimus anni nostri sic prætereunt, inter varia negotia, vt perueniamus ad metam mortis, antequam id sentiamus. Sicut enim in via duo amici inter se mutuò colloquentes multarum horarum iter emensi, vix videntur vnum milliare confecisse, & ita inter confabulandum (nescij quasi itineris) deueniunt ad locum præfinitum: sic tempora labuntur, tacitisque senescimus annis, & fugiunt fræno non remorante dies.

3. Sicut colloquium aut confabulatio interdum interuenientibus aliis subito abruptitur; ita morborum & mortis interuentu sæpè vno momento abruptitur vita, sicut filum à texente. Esa. 38. Et præsens certam vix habet hora fidem.

4. Et sicut plerumque in talibus confabulationibus tristitia miscentur lætis: ita fit in omni vita nostra. Semper extrema gaudij luctus occupat. Prou. 14. v. 13.

5. Tandem sicut in talibus confabulationibus plerumque plura audiuntur & proferuntur futilia, vana, obscena, iocosa, aut tamen inutilia, quàm (vt Paulus requirit Ephes. 4. & 5.) quæ ad ædificationem bona & gratiosa atq; vtilia sunt: ita in omni vita nostra plura reperiuntur mala quàm bona opera. Et sic sæpè inutiliter consumimus annos nostros. Plura addi possunt. Hæc iam sufficiant.

II. Pars.

Audiuimus rationem comparisonis, quare vita nostra similis esse dicatur confabulationi.

Hæc iam ad vsum accommodanda erunt.

I. Docet hic locus de breuitate vitæ humanæ, quæ finitur citò, & sæpius ex improviso sicut confabulatio aliqua.

De hoc satis suprâ: quia subindè recurrit hic locus in omnibus eiusmodi similitudinibus.

II. Tolerabilior esset vitæ breuitas, si non huic adesset

esset tanta infelicitas, vanitas & afflictio spiritus, ut non possis in illa confabulatione quicquam proferre, quod non pariat tristitiam. Quod pretiosum labor est & dolor, Psal. 90. v. 10. Utque perpetua narratur in vita fabula, ita cōtinua etiam institui querela potest, in omni vita hominis, de nostra miseria, in omnibus etatibus. Infantilis etas planè est vagitu, eiulatu, & infirmitatibus repleta. Puerilis & iuuenilis ætas mille mortibus & periculis obnoxia. Virilis ætas præter laborem & dolorem nihil habet. Senilis redit ad principium, & infirmitatibus atq; morte tandem finitur tota vita. Mirum itaq; multos nondum per-tæsos huius vitæ aliam appetere, & meliorem: cum alioquin ingrata confabulatio de casibus tristioribus mox afferat tædium, ut audire amplius nolumus. Imò odio habemus congerronem tantum mala & tristia referentem, sicut Ahab suum Prophetam, qui nunquam illi bonum nuntiare poterat, 1. Reg. 22. v. 8. At hanc vitam, miseram confabulationem homines stulti sic amant, ut plerumq; videatur surdis planè narrari hæc (de vitæ miseria) fabula, quia mundum hunc inuiti relinquunt.

III. L. Non tanti facienda vita & omnes conatus aut actiones hominis, quia tantum sunt fabula quædam inanis coram Deo. Et sicut loquutio licet multum habeat flatus & ampullarum, tamen in tenues abit auras, ut nihil supersit, sic omnes nostræ actiones inaniter consumuntur, & tandem evanescunt. Itaque tractandum verbum Dei, quod manet in æternum, Psal. 119. Luc. 21.

F I N I S.

APPENDICIS CLASSIS VI.

THEMA XXIII.

Psal. 102. v. 4.

Consumpti sunt, ut fumus, dies mei.

DISPOSITIO.

Occasionem nobis præbent verba Psalmi prælecta, (ad
des

deductionem funeris præsentis) aliquid dicendi de fumo. Neq; verò est quod metuatis, ne hic fumus oculos vestros offendat, quib; alioquin (teste Salomone Prou. 10. & communi experientia) ingratus est. Quin imò si aures pateant & fumus hic ad cor penetret, certum est, gratum vos inde percepturos odorem. Etenim inscriptio Psalmi docet, contineri in illo precationem afflicti, qui suas preces & querelas effundit coram Domino. Is inter cætera de miseria & fugacitate huius vitæ conqueritur, sumpta similitudine illa de fumo. Nos itaq; primum rationem comparationis inuestigabimus. Deinde subiiciemus doctrinas.

I. Pars.

Transferunt dies mei sicut fumus.

Fumus aptissimam præbet similitudinem, qua decursus annorum nostrorum depingi potest.

1. Sicut enim in fumo nihil est solidi, sed mera aëris inanitas: ita in omni vita nostra nihil est perfecti, firmi ac solidi. Est enim à prima origine & natiuitate vanitas vanitatum. Eccl. 1. Infirmitas & imbecillitas.

2. Iuxta verò sicut fumus licet planè nihil sit solidi, grauissimè tamen offendit oculos, fuliginem parit, parietes denigrat, multamq; in domo molestiam exhibet: ita hæc vita misera homini viuenti, quamdiu hanc domum ruinofam inhabitat, (de qua Iob. 4. vers. 19. 2. Corinth. 5. vers. 1.) mare molestiarum & dolorum est. Etenim quod pretiosum labor & dolor, Psalm. 90. Et Syrach. 40. *Esend jâmmërlich Ding.*

3. Sicut autem fumus ascendit in altum, & quando in sublime venit, vno momento dissipatur à vento, vt non remaneat vllum de ipso vestigium, sed penitus euanescat: ita homo natus cum peruenit ad aliquot annos, & cum iam videtur esse in hoc mundo conspicuus, subito per mortem abripitur, disparet, & planè euanescit, & ipso post exiguum moram in puluerem redacto, nullum apparet humani corporis vestigium.

Et

Et hinc Sap. 2. v. 2. Spiritus noster fumo comparatur, quia ubi defecerit, actum est de vita hominis.

II. Pars.

I. Hæc quæ diximus de fumo, varia nos debent monere. Et primum quidem de breuitate & fugacitate vitæ humanæ erudimur, vt intelligamus quam facilè eueriri possit hominis vita: sicut fumus transit dissipatus à vento, Iob. 34. v. 20. De his sæpius supra.

II. Docentur tamen pij hac etiam similitudine, quia dies huius vitæ transeunt, sicut fumus, vt appetant & inquirant vitam meliorem. Et sicut fumus alta petit, ita illi non adhæreant his terrenis, sed superna quærant & cœlestia, Coloss. 3. v. 2. Et contendant ad eum qui præsentiam suam patefecit haud semel per fumum: quod de Deo habetur Gen. 15. v. 17. Exod. 19. v. 18. Esa. 6. v. 4. Apoc. 15. v. 8.

III. Non graue sit nobis si dies vt fumus transeant, quia etiam cœli, opificium illud Dei excellentissimum, vt fumus liquescent, secundum id Esaia 51. v. 6. At nouos cœlos & nouam terram expectamus, Esa. 65. 2. Pet. 4.

Consolatio hæc est. Sed pro piis tantum. De impiis enim alia est ratio, vt iam sequitur.

IV. Licet hoc cōmune sit piis & impiis, quod dies illorum transeunt sicut fumus, singulariter tamē minatur scriptura impiis, quod illi tristi fumo iræ Dei sint consumendi, cū piis hic fumus quasi suffitus bonus sit, qui ipsos deducit in conspectum Dei, sicut olim incensum adolebatur Domino, & gratū illi præbebat suffitum. Illis enim mors est transitus ad vitam, teste Christo, Ioan. 5. v. 24. Et Dominus super illos excitabit fumū & splendorem ignis gratiosum, Es. 4. v. 5. hoc est, proteget ipsos ab omni malo.

De impiis verò Psal. 37. Quemadmodum fumus deficient. Psal. 68. v. 3. Dispelles eos sicut fumum. Spes impij vt fumus transit. Sap. 5. v. 15. Quia impietas illorum coram Deo ascendit vt fumus. Esa. 9. v. 18. Ideoque minatur Esa. 65. v. 5. Fumus erunt in furore meo.

Ose.

Ose. 13. v. 3. sicut fumus dissipabuntur. Nahum. 2. v. 13. Succendam usque ad fumum. Interneccionem & exitium significat. At, quod horribilissimum est, tandem proiciuntur in eum locum, ubi fumus tormenti eorum ascendit in secula seculorum, Apoc. 9. 14. & 19.

APPENDICIS CLASSIS VI.

THEMA XXIV.

Iac. 4. vers. 14.

Quæ est vita vestra? Vapor est, qui ad exiguum tempus apparet, & deinde evanescit.

DISPOSITIO.

Vix quicquam est, quod scriptura frequentius inculcat, quam brevitatem vitæ humanæ: idq; non verbis tantum vulgaribus, sed plurimis etiam appositissimis similitudinibus facit. Quia scit Spiritus sanctus, tantam esse corruptionem ingenij humani, ut ad ea etiam quæ lucem non fugere possunt, claudat oculos. Iuxta quoq; intelligit quàm pernitiōsa sit illa hominum securitas, ideoq; nihil intentatum reliquit, ut quibuscunque possit rationibus miseriam & instabilitatem huius vitæ ob oculos statuat.

Idq; etiam præsens locus docet, ubi vita nostra comparatur vapor. Ratio etiam cōparationis ab ipso Apostolo annectitur, ut faciliō sit explicatio. Verba itaq; Apostoli primum excutiemus. Deinde quid isthæc nos moneant, audiemus.

Textus explicatio.

Quid est vita vestra? Singularem vim habet interrogatio, ubi Apostolus prouocat ad conscientiam & iudicium auditorum: & sermonem dirigit ad homines superbos & præsumptuosos, qui sibi mirè placent, & varia consilia agitant de rebus futuris. Respondet autem Apostolus ad interrogationem: Vapor est, & nihil præterea.

Est autem vapor, qui vel ex aquis & materia humenti,

K k

vel

vel ex caliditate & humiditate in terra, vel ex leui flamma oritur, & extollitur. Licet autem videatur aliquid esse, reuera tamen nihil est, nihilq; habet soliditatis, sed inanis aer est, vel calidus, vel humidus.

Quare autem vaporì comparet vitam nostram, ipse ostendit: Quia sicut vapor ad exiguum tempus apparet, & deinde prorsus euanescit, ita etiam vita nostra post exiguum tempus euanescit. Et sicut nemo tenere aut affigere vaporem potest, ne euanescat: ita vitam hominis nemo potest sustentare, vbi Spiritus Domini illum vaporem dispulerit.

L O C I.

I. Docet Iacobus, insolentis & superbi animi indicium esse, si homines mortales & euanidi sibi ipsis vitam longiorem & diuturnam polliceantur, & multa post aliquot annos conficienda proponant: cum nesciant, quid illâ futurum sit de ipsis vesperâ. Itaque operæ pretium est, sæpè multumq; cogitare, quod vita nostra nihil sit nisi vapor inanis & euanesceus. Nemo sibi crastinum potest promittere. Et præsens certam vix habet hora fidem. Hoc negligunt securi, & propterea deprehenduntur minus parati, magno cum suo malo. Quia sic iudicabuntur, vt fuerint inuenti, iuxta id Eccles. II. vers. 3.

Ideoq; precatur Psaltes, Domine doce nos, Psal. 39. v. 6. & 90. v. 12. vt ambulemus corde sapienti, Ibid. Quia quidem in parte Dominus officium facit sedulo, admonens in scripturis per varias similitudines, fumi, Psalm. 102. somnij, Psal. 90. v. 5. herbarum, Psal. 37. v. 2. & 90. v. 5. & 103. v. 15. & Esa. 40. I. Pet. I. v. 24. Et infinita alia.

Idem etiam docent, quæ Psal. 39. v. 8. de imagine & simulachro, & Psal. 9. v. 9. habentur. Pauci hæc meditantur dignè. Signum id est corruptionis nostræ.

II. Peccant, qui tanto perè diligunt vaporationem ferè nunquam aliàs gratam, id est, vitam caducam & miseram, vt Deo potius valedicere, quam mundum hunc re-

inquere velint. Quales multi sunt, similes diuiti, Luc. 12. qui tantum de hac vita sollicitus, de altera minimè. Die lieffen Gott sein Himmel/wann er sie nur leben ließ. Stulti homines nesciunt, hanc vitam tantum esse vaporem.

III. Peccant, qui timent homines (vaporem euani- dum) magis quàm Deum, qui est ignis consumens, Exod. 24. Vide Matth. 10. v. 28.

F I N I S.

A P P E N D I C I S C L A S S I S V I .

T H E M A X X V . & X X V I .

Psal. 102. v. 12.

Psal. 103. v. 15. & 16.

*His locis vita hominis comparatur gramine & flori-
bus agri.*

D I S P O S I T I O .

Saluator noster Christus Matth. 6. mandat, vt confide- remus gramen & flores agri: & sic quidem illa nos vult intueri, vt ab iis erudiamur. Dum itaq; Psalmus hic nobis gramen & flores agri proponit, certè erudire nos vult de re omnium maximè necessaria scitu, vitæ scilic. humanæ miseria & fugacitate. Ideoq; has similitudines excutere diligentius operæ erit pretium. Dicemus autem 1. de gra- mine. 2. Deinde etiam de floribus.

I. De gramine.

1. Primum constat, gramen non iucunditatem tan- tum afferre oculis, dum virent campi, sed & singulare es- se Dei donum, & ab ipso singulari prouidentia produci. Patet id ex multis scripturæ locis. Deut. 11. v. 15. Psalm. 104. v. 14. Psalm. 147. v. 8. Ideoque colligi gramen vult Salomon, Prou. 27. Et inter pœnas numeratur graminis læsio. Psalm. 105. v. 35. Apoc. 8. & 9.

Ita hominis procreatio, & quod vitam habet, singulare

est & planè diuinum opus. Iob. 10. 12. Psal. 139. Nec miraculo carer. Psal. eod. v. 14. Et iucunditatem magnam habent pueri tenelli, qui sicut gramē in campo florent atq; vident. Hinc illud, In plateis ludent pueruli. Zach. 8. v. 5.

2. At sicut gramen dum maximè viret, à messorum succisum flaccescit & marcescit: ita homo interdum in flore (ætatis,) interdum in herba, id est, cum nondum ad iustitiam peruenit ætatem, succiditur à morte, vt vno momento quasi arescat. Sicut hoc Psalm. 103. Esa. 40. Iacob. 1. v. 10. describitur.

Estque vel morbus aliquis grauior, vel etiam tristitia, æstus adurens & exsiccans. Psal. 102. v. 5.

3. Quamuis autem communis sit sors piorum & impiorum quo ad hæc, de quibus diximus: tamen in hoc differunt, quod pii sunt gramen quod colligitur & reponitur in horreo, & in pretio habetur propter utilitatem: impij verò sunt illud gramen in tectis (tœnum rectorum Psalmus 129. vocat) quod ira Dei succiditur, vt ex Esa. 37. v. 27. & 2. Reg. 19. v. 26. Esa. 42. v. 15. & Psal. 37. v. 2. & Iob. 8. v. 12. patet. Atque illud est in clibanum abiiciendum. Matth. 6. Luc. 12.

I. **Locvs.** Quotiescunque vel in campum virentem egredimur, vel in gramine recubamus (sicut illi qui à Christo cibantur. Matth. 14. Mar. 6. Iohan. 6.) de vitæ nostræ miseria & instabilitate cogitemus. De his sæpius hactenus.

II. **Quia** verò impij etiam interdum sicut gramen efflorescunt, Psal. 92. v. 8. non superbiant propter illam felicitatem: quia mox succidet illos ira Domini. Psal. 37. v. 2. Pii verò ipsorum felicitate nihil moueantur. Ibid. v. 1. & 7. sed dent operam vt ipsi ferant bonum & Deo gratum fructum & colligantur in horreum Domini. Matth. 13. vers. 30. & efflorescant denuo. 1. Cor. 15. v. 36. in magna gloria v. 43. Vide Esa. 26. v. 19. Ros campi virentis.

Plura vide supra De Gramine ex Psal. 90. In Disposit. Thematicis XXI. in hac appendice VI. Classis.

II. De-

II. *De floribus agri.*

Floribus comparatur hominis vita non incommode.

1. Quid enim floribus agri iucundius, quippe à Deo sic vestitis plus quàm Salomon. Mat. 6. v. 29. Aspectus iucundissimus. Syr. 50. v. 8. Odor suauissimus. Syr. 40. v. 18. vt reficiat hominē. Cant. 2. v. 5. In vere sic efflorescit. Cant. 2. v. 12. Hinc ferta conficiuntur & capiti imponuntur. Sap 2.

Ita quid iucundius homine, qui in flore ætatis sic viget, sic viret, vt bona de ipso spes sit, quod gratus, quod charus, quod vtilis Ecclesiæ, vel Reipublicæ sit futurus. Et sicut flos in delitiis habetur.

2. At vbi flosculus vel à messorie succiditur, vel decerpitur, & manibus teritur, vel vento vrente percutitur, vno quasi momento omnem & iucunditatem & suauitatem amittit, & mox abiicitur. Ita homo leui correptus morbo marcescit, & interdum vno momento concidit, & mox ita foetet, vt ex oculis atque aspectu hominum remouendus, & in terram abiiciendus sit. Neque tam gratus atq; suavis est matri puer tenellus, vt postquam mortuus est, vel vna post nocte cum illo dormire optet.

I. *Locvs.* Vide miseriam tuam, ô homo, qui iam videris tibi flosculus gratissimus omnibus. Nec potes tibi crastinum promittere. (Quia nascentes morimur finisq; ab origine pendet.) Quid igitur superbis, vel in forma corporis, vel ingenij dotibus? Cras forsitan ita foetebis, vt omnes te sint abominaturi, & auersuri oculos. O vanitas.

II. Tu verò quisquises qui in homine confidis, cogita quam stultum sit confidere in flosculo perituro. Itaque considerata quæ Psal. 146. vers. 4. & 118. v. 8. & Ier. 17. vers. 5. extant.

III. Stultum etiam est in terris sibi promittere vitam perpetuam vel diuturnam. Flos agri facile perit. Cogita ergo de hoc, quoties flosculum inspicis. Si hoc fieret multi non essent adeò securi. Syr. 7. Memorare nouissima.

APPENDICIS CLASSIS VI.

THEMA XXVII. & XXVIII.

Esa. 40. v. 6. ad 9.

Et I. Pet. I. v. 24.

Omnis caro fœnum, &c.

DISPOSITIO.

Nemini debet esse dubium, quin hæc quæ ex Esaia prælegimus verba, singularem contineant doctrinam & admonitionem, cum peculiariter ad hanc prædicationem instructus fuerit Esaia cœlitus. Ideoq; etiam hæc verba à Petro repetita sunt.

(Nota. Si quis ex Petro velit prælegere hæc eadem verba, Exordium sic variari poterit, vt ostendatur, Petrum hæc verba mutuatum ab Esaia. Quia ipso teste, 2. Petr. I. Spiritu sancto impulsus loquuti sunt sancti Dei homines.) Quia igitur à Deo Esaia dictata fuit hæc concio, operæ pretium erit illi diligenter attendere.

Duo autem principaliter tractat hæc Spiritus sancti conciuncula.

Primum ostendit fragilitatem & instabilitatem omnis carnis: sumpta similitudine à gramine & floribus arefcentibus.

Deinde, è contrario eternitatem & durabilitatem verbi Diuini nobis commendat. Vtrumq; nos tractabimus breuiter.

I. Pars.

Iussus Propheta Esaia palàm edicere omnib. quid sint omnes homines, in hæc diuinitus inspirata erupit verba: *Omnis caro fœnum, &c.* Singula verba Emphasin habēt.

1. Primum de carne loquitur, intelligit homines, qui carnem & sanguinem habent. Estque hæc vsitata loquutio ipsius Dei, Gen. 6. v. 12. *Omnis caro corruerat viam.* Ibid. v. 3. *Sunt caro.* Et Ioan. 3. *Quicquid ex carne natum est, caro est.*

2. De

2. De carne autem pronunciat, quod sit fœnum: vel gramen arefcens. Sicut enim gramen ipſo aſpectu iucundum eſt in campo virenti, ita homo eſt (præſertim in flore ætatis) creatura Dei elegans, ornata variis donis, corporis & animi.

Alius formoſus, robuſtus, eloquens, prudens, &c. Vt Abſalom, Samſon, Apollo, Salomon.

At ubi falx meſſoria abſumit gramen, ibi tum breui temporis interuallo areſcit & amittit omnem venuſtatem, colorem, odorem, ſaporem, &c. Sic cum homo morbo corripitur & moritur, vno quaſi momento pereunt omnes animi & corporis dotes.

3. Notandum autem, quod hoc pronunciat de omni carne, tam Regum quàm Ruſticorum, tam diuitum quàm pauperum. Eſt enim mors via omnis carnis. Ioſ. 23. 1. Reg. 2.

4. At inquis, eſt tamen forſitan in viris magnis & illuſtribus aliquid excellentius & ſublimius atque durabilius? Nihil planè inquit. Nam gloria omnis carnis eſt ſicut flos agri. Sunt quidem in hoc mundo nonnulli propter dotes conſpicui, & tanquã flos inter gramen. At ſicut flos cum gramine ſucciditur, ita quicquid vel ſublime vel excellens eſt in mundo ſimul perit.

5. Quare autem tam facili momento omnia pereunt? Spiritus Domini ſufflauit in ea. Ira Domini omnia proſternit & in terram deiicit. Quia caro ſunt peccato infecta. Pſal. 90. verſ. 7. & 9. Et nemo poteſt illi reſiſtere.

6. Et ne videantur hæc temerè prolata, denuò repetit. Populus fœnum. Emarcuit flos, &c.

Loc i plerique in Diſpoſit. præced. & XXI. ſunt tractati; ideoque hic tantum paucis attingendi.

I. Quia omnis caro fœnum & nullum priuilegium magnatum, non debent illi deſpicere inferiores. Cum vana omnium fortuna. Hiob. 21. v. 26. Omnis illorum gloria ſicut flos. Exempla. Samſon. Baſazer. Alexander Magnus. Iulius Cæſar. Salomon. Tranſierunt ſicut flos, nec

de illis quicquam restat. Sic enim Psal. 103. v. 16. Non cognouit (flos) locum suum, ubi emarcuit.

II. Hæc verò est consolatio pro pauperibus, quod mors æquo pede pulsat pauperum tabernas, regumque turres. Hiob. 34. v. 19.

III. Non superbiendum in donis. Flos perit, arescit. Syr. 10. v. 9.

IV. Non confidendum in hominibus. Quia euani- di, mortales.

V. Non timendum ab hominibus, propter eandem causam, quia sicut scænum arescent. Hunc locum communem ipse Esaias hinc extruit. Esa. 51. v. 13.

I I. Pars.

Quid igitur faciendum cum omnia sint euanida? Adhærendum his quæ perpetua & æterna sunt. Quid illud? Verbum Domini manet in æternum. Idem Psalm. 119. v. 89. & Luc. 21. v. 33.

Locvs. Monent hæc verba, non esse inhiandum bonis huius mundi, quia mox relinquenda: nec grauandum cor curis non necessariis, nec cogitationibus vel factis onerandam conscientiam, quia brevis & incerta vita nostra: sed potius quærendum thesaurum, qui nunquam nos relinquit. Matth. 6. v. 20. Hic thesaurus est verbum Domini. Luc. 10. v. 42. nunquam auferetur ab ea, verbum scilicet auditum. Nam cum moriendum est, & nulum nobis nec ex opibus, nec ex dignitate, nec ex omnibus rebus terrenis solatium accedit: ibi tum verbum Domini quod animis altè infixum erat, firmum præstat præsidium contra peccata, Satanam, mortem & infernum. Explicari possunt hæc latius.

Malè igitur rebus suis consulunt qui magis amant peritura & caduca quàm æterna. Sed quid proderunt illa. Matth. 16. v. 26. Pij ergò delectentur verbo Dei, Psal. 1. quod obryzo pretiosius. Psal. 119. v. 127.

F I N I S.

AP-

APPENDICIS CLASSIS VI.

THEMA XXIX.

Psal. 103. v. 14.

Ipse cognouit figmentum nostrum. Recordatus est quoniam pulvis sumus.

DISPOSITIO.

Insignis ille Psalmus centesimus tertius, (ex quo pau-
cula hæc verba prælegimus) continet gratiarum actio-
nē, pro omnibus beneficiis à Deo in nos collatis, tam cor-
poralibus quàm spiritualibus. Cumq; inter cætera I ro-
pheta gratias egerit Deo pro remissione peccatorum cle-
mentissima, duas subiicit causas istius condonationis.
Vnam Dei φιλοστοργίαν & misericordiam plusquam pater-
nam. Alteram hanc ponit, in nobis scilicet, miseriam &
imbecillitatem, quam Dominus clementer respicit. Co-
gnouit enim figmentum, & recordatur nos nil nisi pulue-
rem esse.

Hæc verba animis nostris altius erunt infigenda, vt in
nosmet ipsos descendamus, & originem nostram medi-
temur.

Sensum itaq; verborum primum inuestigabimus, dein-
de locum vnum & alterum subiiciemus.

Textus.

Novit Dominus quale simus figmentum. Vocabulum,
quo Propheta vtitur, significat vas fictile, vel testaceum,
aut ex limo factum.

Respicit ad primam creationem, vbi Protoplastus ex
limo terræ factus legitur, Genes. 2. v. 7. Non ex nobili ali-
qua aut pretiosa, neq; etiam ex solida & durabili materia
sumus facti, non ex auro, argento, gemmis, ferro aut cha-
lybe, aut ex saxo: sed ex limo terræ. Et quia sumus lutei,
ideò etiam fragiles & infirmi. Hoc Deus clementer re-
spicit & condonat aliquid nostræ infirmitati.

Kk 5

Imò

Imò inquit, Nouit Dominus & facile recordatur, quod sumus puluis terræ.

Res sumus vilissima, puluis & in puluerem redigendi, Gen. 3.

Estque aptissima comparatio vasis testacei (quod fit ex puluere siue terra infusa aqua quæ simul faciunt materiam lutosam) cum corpore humano.

1. Sicut enim ex illo luto vasculum aliquod formatur, quod si non propter materiam, tamen propter formam gratum est & vsui certo destinatum: ita homo egregiè à Deo formatus est, & propter formam insignis Dei creatura.

2. Et sicut vas ex limo factum fictumve aliquantisper durat, ita corpus humanum.

3. At sicut vas fictile faciliè frangitur, & deinde prorsus fit inutile & abiicitur: ita faciliè franguntur vires corporis humani & moritur atq; in puluerem redigitur homo.

L O C I

I. Sicut Deus perpetuò memor est nostræ infirmitatis, ita nos decet crebrò recordari originis nostræ. Quod si illam inspicimus, lutum, terram, puluerem inuenimus. Nec in melius mutatur illa prima materia, dum viuimus. Terra enim & puluis semper adhærent corpori, vt vel in vnguibus digitorum tuorum originem possis deprehendere.

Estque tanta corporis fragilitas, quanta vix vasis testacei. Et inhabitamus domos luteas teste Hiobe cap. 4. v. 19. estque fundamentum terrenum, sicut habent verba illius. Atque tandem in puluerem redigimur. Sic enim propter peccatum sententia lata est contra Adamum & posteròs. Genes. 3. v. 19.

1. Hæc facere debent ad doctrinam, vt studeamus humilitati, nec superbiamus.

Paulus agnoscit hoc & comparat se atq; collegas vasis fictili atque testaceo. 2. Cor. 4. v. 7. Abraham, puluis & cinis

cinis sum, Genes. 18. v. 27. Quid superbit terra & cinis?
Syr. 10.

Hinc versus: Cum fex, cum limus, cum res vilissima
simus: Vnde superbimus? ad terram terra redimus. Et
Psalm. 2. v. 9. superbis minatur, Tanquam vas figuli con-
fringet. Vide Esa. 30. v. 14. & Ier. 19. v. 12.

2. Admonitionem etiam continent hæc, ne resista-
mus voluntati diuinæ, sed in omnibus nos illi subiicia-
mus. Sumus enim lutum in manu figuli. Cuius nos ad-
monet ipse Dominus, Esa. 29. v. 16. & 45. v. 9. Ierem. 18. v. 6.
Rom. 9. v. 21. Syr. 33. v. 13.

II. Docemur etiam, non debere, imò non posse nos
confidere in viribus corporis & membris integris, vt pu-
temus nos immunes ab omni mortis periculo. Id verò
plurimi, præsertim iuuenes robusti & valentes opinan-
tur. Ich hab noch ein harten Kopff / Ich sterbe noch nicht /
inquiunt. At cogita te esse puluerem, quem ventus facile
dissipat. Cogita te esse luteum, & vas fictile atque fragile.
Non es ferreus. Et si Goliathum superares robore, cogita
illum periisse sicut vas fictile ictu silicis, 1. Sam. 17.

F I N I S.

APPENDICIS CLASSIS VI.

T H E M A X X X.

Genes. 18. v. 27.

Abraham de se.

*Ecce queso, ausus sum loqui ad Dominum meum, et si
sim puluis & cinis.*

D I S P O S I T I O.

Verba sunt hæc Abrahami, colloquentis cum Domi-
no Deo suo, quibus ex vera animi humilitate indignita-
tem suam, si cum diuina maiestate ipsi sit negotium, a-
gnoscat & profiteatur. Sicut enim qui in colloquium
cum magnatibus admittuntur, solent protestari de suæ
personæ vilitate, & verba honoris præmittere, quibus
reue-

reuerentiam suam erga personas illustres testantur, ita Abrahamus hoc loco agit cum Deo.

Digna autem sunt hæc verba optimi & sanctissimi Patriarchæ, quæ probè excutiantur. Itaq; primum occasionem huius dicti & sensum eius inuestigabimus: Deinde locos communes breuiter annotabimus.

Textus.

Hospitio excepit Abrahamus tres (vt ipse quidem putat) viros peregrinos: sicque inscius Angelos, vt habet Epistola ad Hebræos cap. 13. v. 2. Et erat (quod textus euincit) in his ipse filius Dei. Et is quidem in conuiuio promittit Abrahamo ex Sara filium. Deinde cæteris duobus Angelis digressis & tendentibus Sodomam, Dominus (hîc Iehoua dicitur) solus substitit apud Abrahamum, & de malitia Sodomitarum atque excidio illarum ciuitatum Abrahamum instruxit. Quamuis autem in forma humana apparuerit Abrahamo, & humano more quædam loquutus fuerit (scilicet, si vixero, redibo, &c. vers. 10. & 14.) tamen Abrahamus tandem agnoscit, Dominum esse eum, qui ipsi loquatur, præsertim cum diceret, clamor Sodomorum venit ad me, descendam, & videbo, &c. Ideo quæ etiam tanquam cum Domino loquitur. Et propius ad ipsum accedens, pro Sodomitis intercedit: & si tantum sint quinquaginta iusti in illa ciuitate, non fieri posse salua iusticia ipsius, vt illi pereant cum cæteris, asserit. Cumque annuisset primæ illius petitioni Dominus, & Abraham vellet instare diutius, & numerum etiam abbreviare, ibi tum præmittit verba hæc quæ prælegimus.

1. Quibus primum veniam petit impudentiori postulato, & quod admissus in colloquium istud non erubuerit loqui cum Domino suo.

Ne igitur ægrè ferat, si pergat intercedendo, rogat: sicut & vers. sequent. 30. 31. & 32.

2. Deinde simul agnoscit, quanto ipse sit inferior Deo,

Deo, vt iustissimè Dominus ipsius colloquium & intercessionem repudiare possit.

Non enim esse vllam comparisonem creatoris ad creaturam. Et originem suam considerans pronunciat se esse puluerem, hoc est, terram, lutum, &c. & ex limo formatum. Quod si finem vitæ consideret, nihilo esse exitum meliorem principio, quia denuò sit redigendus in cinerem. Cinis autem nil nisi puluis est. Et frequenter puluis & cinis in scriptura coniunguntur, interdum etiam cinis pro puluere ponitur. Vt patet ex Iob. 16. v. 15. & 30. v. 19. & 34. v. 15. & Syr. 10. v. 9. & 18. v. 4. iuxta Germ. vers. at secundum vers. vulgat. Latin. cap. 17. v. 31.

L O C I.

I. Hic primùm recurrunt iidem planè loci, qui in Dispositione præcedenti sunt annotati. Quò breuitatis causa lectorem remittimus.

II. Præter cætera autem docent hæc quæ diximus, in orationibus nostris humiliter agendum, & agnoscendum, (sicut & alias semper in omnibus actionibus nostris) nullam esse posse hominis comparisonem cum Deo. Idque sedulò inculcat Esaias cap. 40. v. 15. & sequent.

Hinc illæ voces Dauidis Psalm. 51. v. 3. & Danielis cap. 9. v. 7. Tibi iusticia, nobis confusio, &c. Non in iustificationibus nostris, &c.

III. Docemur autem ex eodem loco, Dominum non in ius vocandum à nobis, si videatur iniquè agere: quia nemo illi consiliarius est, Esa. 40. v. 13. & Rom. 11. v. 34. Ideoq; vincit cum iudicatur, Psal. 51. v. 7. Ier. 12. v. 1.

Nec quicquam ipsi præscribendum. Stultitia enim Dei sapientior, 1. Cor. 1. v. 25.

Si quis velit hoc loco digredi paululum ab instituto, posset etiam tractare locum, de Intercessione pro aliis apud Deum, &c. & quod nostræ intercessionες multum possint, &c.

F I N I S.

APPENDICIS CLASSIS VI.

THEMA XXXI.

Syrach. 10. vers. 9. ad 14.

Quid superbit terra & cinis? Quia etiam dum viuit, proiecit intestina sua, (vel materiam foedissimam egerit.) Et quamuis medicus multum laboris in curando morbo corpore insumit, tamen Rex est hodie, & cras moritur. Cumque moritur homo, deuoratur à serpenti- bus & vermibus.

Nota. Licet in Manuali tantum initium huius loci ponatur, hac classe: tamen quia hic locus integer infra Classe 10. recurrit, hoc loco ipsum tractare voluimus: cum iam in præcedentibus illa similitudo de puluere & cinere sit explicata.

DISPOSITIO.

Insignis est hic locus Syracidis, in quo miseria huma- ni corporis secundum quatuor (vt ita dicam) status homi- nis exquisitissimè depingitur, & ante oculos statuitur.

Nos ordinè illa tractabimus, sicut Sapiens nobis re- censet, & dicemus:

1. Ex qua materia constet humanum corpus.
2. Quid toto vitæ curriculo accadat circa illud.
3. Quomodo illud tandem planè destruatur.
4. Quid de illo fiat post mortem.

Singulis singulas subiiciemus doctrinas.

I. Pars.

Materia, ex qua constructum est corpus humanum, cinis & puluis est. Cinis enim pro puluere ponitur in scriptura, vt in præcedenti Disposit. ostensum est: Et v- trumq; pro terra siue terrena materia vsurpatur, sicut ve- rè nihil aliud est. Respicit autem Sapiens ad primam creationem, vbi homo ex puluere terræ siue limo fuit factus.

factus. Respicit quoque ad finem hominis, quia homo in puluerem & cinerem redigitur, iuxta id, Terra es & in terram reuerteris. Vide Genes. 2.v.7. & Genes. 3.v.19. Hæc in præcedentibus sunt explicata.

Locum communem ipse sapiens extruit, eundem scilicet qui in Dispositione præcedenti 29. annotatus est: Non esse superbiendum homini, cum sit luteus &c.

Er soll nuhr hinder sich gedencen / woher er komme / wer er sey &c.

II. Pars.

At licet ex puluere factus sit homo, tamen ubi vitam accipit & hanc lucem aspicit, atque vires acquirit, fit nobilior & præstantior creatura, dicat aut cogitet aliquis. Vide enim quanta pulchritudo corporis viui, ubi nihil videtur apparere lutosum. At descende in teipsum ô homo: considera sceditatem corporis tui viui. Numquid talem quotidie ex diuersis corporis partibus, ore, naso &c. egeris materiam, quam ne ipse quidem coram honestis auribus ausis nominare.

Præterea corpus tuum tam est morbidum, vt subinde opus tibi sit cura medica. Man muß immer an dir flicken / wie an einem alten Hauf.

MONENTVR hoc loco vt cristas deponant, qui sibi propter insignem (vt ipsi quidem opinantur) corporis elegantiam & venustatem mirificè placent: quales sunt comptuli multi, instar pauonum sese exornantes, & magnam corporis munditiem præ se ferentes. (Fuco etiam interdum pingentes faciem, Isabelem imitantur nonnulla: 2. Reg. 9.v. 30.) At cogita de intestinis tuis, de quibus hîc sapiens. Dirschandlicher Kaatsack / was machstu auß dir selber? was prangstu mit dem Kaat?

III. Pars.

Sed neque sollicitâ curâ Medici corpus humanum potest præseruari, quin planè tandem concidat istud tabernaculum, diu multumque fulcitum.

Ec

Et tam nulla est corporis humani firmitas, vt totus mundus coniunctis viribus crastinum tibi non possit pollicere diem : sed qui hodie Rex est, cras morte peremptus nihil est, nisi cadauer foetens.

L. I. Notare hoc debebant Magnates, qui sibi longè aliud, & nescio quam immortalitatem videntur imaginari, immemores illius Psalm. 82. sicut filii hominum moriemini.

II. Stultè agunt qui nimium confidunt in arte Medicorum, cum tamen non sit in Medico semper releuetur vt æger, sed sapius medica plus valeat arte malum. Non enim ipsi mortales aliis immortalitatem procurare possunt. Ideoque Asa reprehenditur. 2. Par. 16. v. 12. Vide Sap. 16. v. 12. Certè multi rectius consulerent rebus suis, si & sibi ipsis & medicis interdum parcerent & non contra Dei voluntatem salutem corporis ab ipsis extorquere conarentur: sed potius iuxta doctrinam Syracidis cap. 38. v. 9. curam corporis susciperent. Estque magna pars sanitatis, non velle nimium esse sanum.

IV. Pars.

Sed & post mortem non cessat miserum esse corpus humanum, licet illud non sentiat. Etenim tum demum à vermibus & serpentibus consumitur. Imo ex corpore putrefacto quoque enascuntur serpentes, Augustino teste. Et de vermibus res manifesta est.

L. O miseriam deplorandam & agnoscendam. Sed vnde illa? A peccato: creauerat enim Deus hominem vt perpetuo viueret, Sap. 2. v. 23.

Peccatum itaque, quod corruptionem illam inuexit, & Satanam authorem mortis detestare. Et caue mortem secundam. De qua Apoc. 20. v. 14.

Hoc autem age, vt corpus consumptum resurgat non *ἀφ' ὧν* tantum, sed ad gloriam, quæ piis promissa est. Phil. 3. vers. 21. Et hæc sit consolatio simul piorum Ex 1. Corinth. 15. vers. 43. Iob. 19. vers. 25.

APPENDICIS CLASSIS VI.

THEMA XXXII. & XXXIII.

Esa. 38. vers. 12.

1. *Generatio mea ablata est, & conuoluta est à me quasi tabernaculum pastorum.*

2. *Abrupi quasi texens vitam meam.*

DISPOSITIO.

Nota est historia, quomodo Esaïas Propheta, mandante Domino, mortis nuncium attulerit agrotanti Regi Iuda Iehiskia, atque ut domui suæ præcipiat, iusserit. Quamuis autem ad preces piissimi Regis Dominus addiderit vitæ ipsius annos quindecim, tamen ut primum conualuit, cantico quodam insigni descripsit Hiskias, quæ fuerint ipsius cogitationes, cum audiret sibi moriendum. Cumq; quadragesimum annum ætatis tum nondum excefferit, inter cætera verbis prælectis conqueritur, quod inopinatum & inexpectatum fuerit tale mortis nuncium, quia (quod ipse fatetur) sperauerit multos annos residuos, quibus potuisset viuere secundum naturæ ordinem. Erat enim adhuc in flore ætatis.

Duabus autem similitudinibus eleganter rem omnem describit, quarum 1. vna sumpta est à tabernaculo pastoris destructo. 2. Altera à filo textentis rupto.

De his ordinè dicemus. Qui vult, ex vna tantum similitudine conciunculam potest extruere. Habetq; pars posterior suum peculiare Exordium.

I. Pars. De tuguriolo.

Loquitur Rex tanquam propediem moriturus, & inopinata morte præuentus, sicque ait; Conuoluitur vita mea sicut tabernaculum pastorum.

Similitudo à re notissima, sed iuxta tamen huic accommodatissima instituto.

Sicut enim pastores vel in sylvis, vel in campo aliquo patienti, aut valle spatiosa, ad tempus aliquod, pro grege pascua quæerunt, & cum aliquem commodum locum pascendo gregi aptum inuenerunt, ibi tabernaculum aliquod extruunt leuissima opera fabrefactum, stramine, terra vel asseribus tectum, adificium exigui temporis: idque ubi locum mutare constituunt, spatio vnus quadrantis horulæ destruunt, & alium in locum deportant, quæ huic operi accommodata sunt, ita cum vita hominis comparatum esse asserit.

[Nota. Videntur autem illis temporibus vti fuisse tentoriiis, quæ ubi locum mutant, potuerunt vno momento conuolui (sic enim habent verba) & aliorsum deportati: sicut apud nos fit cum papilionibus vel tentoriolis, quibus vtuntur milites.

Opiliones apud nos tale aliquod tabernaculum, ex asseribus constructum duabus rotis impositum, singulis noctibus ex vno loco ad alium prouehere solent.]

Ita vita nostra subito & præter expectationem nostram abruptitur, & vel destruitur sicut tabernaculum pastoris, vel concidit, aut conuoluitur, ita vt mox ex his terris sit migrandum. Atque hanc ob causam vita nostra tabernaculo non semel comparatur. 2. Corint. 5. v. 1. 2. Pet. 1. v. 13. & 14. Quia sicut tabernaculum tale vel destruitur, vel tempestatibus frangitur & concidit, ubi aliquantisper durauit: ita vita nostra vel præter expectationem abruptitur, quod fit in iuuenibus, vel per se vi morborum aut annis fracta concidit, & tandem deficit, quod in senibus fieri videmus. Wann es lang fracht so fället es; u lezt gar vber ein hauffen.

L. Quia tam incerta est hora mortis, vt sepè præter expectationem adueniat subito, demus operam vt simus parati omni tempore, ne opprimamur incauti. Huc pertinent illæ similitudines de seruis præstolantibus aduentum Domini sui, Mar. 13. Luc. 12. De fure Matth. 24. De virginibus Matth. 25. Et cætera quæ supra in Classe VI. habentur plurima. Vide ibi.

H. VI.

II. Videmus etiam, eos, qui in flore ætatis sunt, non esse à mortis periculo immunes.

Exempla scripturæ de filio in Nain, filiolo Daudis, filia Iairi, puero Sunamitidis, & multa alia passim sunt obvia. Vigilandum itaque etiam iuuenibus. Et memento Creatoris in iuuentute, Eccles. 12. v. 1. Et puer quære Dominum cum Iosia, 2. Par. 34. v. 3. Nihil vnquam procrastinandum. Syr. 18. v. 22.

II. Pars. De filo textentis.

Non existimandum hæc pertinere ad textrinam, non ad Ecclesiam: quia sint viliora, quam vt auditores illis rebus fatigentur. At si tantum Regem non piguit de his rebus loqui, non pudeat nos de his audire. Et similitudines de rebus vilissimis tamen magnam habent utilitatem. Testantur id parabolæ Christi.

Hic autem Rex, qui se inexpectata morte in flore ætatis abripiendum putat, vitam comparat filo rupto à textente. Sicut enim textor dum strenuè in opere suo pergit, de improviso cogitur cessare, dum inter texendum unicum abruptit filum, quod faciliè etiam inuito fit: ita dum his mundanis negotiis sumus occupati, & nihil tale cogitamus, de improviso mors abruptit vitam sicut filum. Sicque vt Psalmus 146. v. 4. habet, pereunt omnes cogitationes nostræ.

Loc. I. Præter ea quæ supra part. I. iam sunt annotata, & huc quoq; referri possunt, Discimus nihil esse procrastinandum, aut reiciendum in multos annos venturos, quia incertum quando filum sit rumpendum.

De hoc ipse Dominus monet Hiskiam nostrum, Præcipe domui tuæ. Esa. 38. v. 1. Quicquid igitur disponere volueris, in tempore expediendum, ne ista te post sollicitum teneant, cum hinc discedendum est. Soll nit warten bis; die Seel vff der Jungen hißffet. At stulti homines putant se citius morituros, si de his rebus disponant. Idcircoque plerumque differunt vsq; ad extremum halitum.

Magis hoc notandum de his, quæ ad salutem animæ pertinent. At de his docent loci primæ partis.

Sæpè autem vel dum in textrina es, vel dum fila tractas, cogita de filo rumpendo. *Sihe zu/dasß dir das trum nicht zu kurz werde. Dann du wirst nicht mehr daran knüpfen/wie der Weber.*

F I N I S.

APPENDICIS CLASSIS VI.

THEMA XXXIV. & XXXV.

Sapient. 2. vers. 4.

1. *Transibit vita nostra tanquam vestigium nubis.*
2. *Et sicut nebula dissoluetur, quæ fugata est à radiis solis, & à calore illius consumpta.*

D I S P O S I T I O.

Sapiens in hoc capite libri sui describit voces hominũ impiorum & Epicuræorum, innuens, quomodo illi considerantes vitæ humanæ fugacitatem cohortentur inuicem ad indulgendum luxuriæ & voluptatibus, vt sic breuem vitam transigant in hilaritate. Horum illud est symbolum, ede, bibe, lude, post mortem nulla voluptas. Simile huic 1. Cor. 15. v. 33. Edamus, bibamus, cras moriemur. Quamuis autem homines securi hoc loco, multa partim falsò, partim etiam impiè dixerint, dum resurrectionem mortuorum & extremum iudicium eludere conantur, tamen falsis etiam vera miscent. Vera enim sunt quæ de vitæ humanæ instabilitate & breuitate proferunt, quam non ineptis similitudinibus depingunt. Licet autem illi hinc malè concludant, ergò indulgendum genio: tamen nos rectius subsumemus, & propterea similitudines illas de nubibus & nebulis (quia cum aliis scripturæ plurimis locis, præsertim illis Hiob. 7. & 30. conueniunt) tractandas suscipiemus, vt à malis boni aliquid discamus.

Similitudines istas sigillatim tractabimus.

I. De

I. De nube.

Quid nubes sint, omnibus ferè constat, nimirum vapores ex aqua & terra euecti sursum (Psal. 135. v. 7.) in mediam aëris oram, qui ibi in aquam rursum coëunt. Nec carent miraculo. Describit hoc Iob 26. vers. 8. Colligit aquas in nubibus suis, nec erumpunt. Vide etiam Hiob. 36. v. 27. & seqq. & Hiob 37. Expandit autem Dominus nubes vt tentorium, Hiob. 36. vers. 29. & his obducit terram. Gen. 9. v. 14.

Sed de his non loquitur Sapiens, ast tantum de rapidissimo motu nubium. Ideoq; scriptura velocissimum cursum comparat nubibus: vt Ier. 4. v. 13, & Esa. 60. v. 8.

De his etiam Hiob. 7. v. 9. Transít nubes & consumitur, ita vita nostra transít & euanesceit.

Iob. 30. v. 15. Sicut nubes velociter abiens ablata est felicitas mea.

Nubes enim agitata à vento (vt Petrus innuit, 2. Pet. 2. v. 17.) præsertim vbi tempestates & pluuiæ impendent, celerimè feruntur ab vna cœli plaga ad aliam, vt mox vestigium nubis dispareat. Ideoq; volare videtur. Esa. 60. v. 8. Volant sicut nubes. Syr. 43. v. 15. Euolauerunt nubes sicut aues. (Hinc etiam Lucretius nubes volantes vocat.) Ita vita nostra comparatur nubibus, quod postquam variis ærumnarum tempestatibus agitata fuit, mox euanesceat, vt de homine nullum amplius extet vestigium.

Loc. I. Nota, Principales locos communes, quia communes sunt vtriq; parti, vide in fine.

Nunc alia tantum *ὡς παρήγα*, & obiter, de nubibus notabimus.

I. Maiestatem suam Dominus in nubibus ostendit. De quo Psal. 68. v. 35. & 147. v. 8. Deuter. 33. v. 26. Prouer. 3. v. 20. Syr. 43. 16. Et tamen transeunt, dissipantur. Ita vita nostra & creatio singularem Dei omnipotentiam demonstrat. Si igitur maximè & illa transeat, hoc non sit nobis graue. Quia Christus venturus in nubibus, Matth. 26. 1. Thess. 4. vitam reducet.

II. Sicut aquæ in nubibus singulari Dei potentia seruantur: ita diuina prouidentia in vitæ nostræ conseruatione abundè conspicitur.

Agnosendum id cum Hiobo cap.... & Dauide Psal. 139.

III. Nube solet pulsa candidus ire dies. Ita quoties tristitia animo intuemur nubes, cogitemus id, Post nubila phœbus. In die mala cogita de bonis. Syr. 11. v. 28. Eccles. 7. vers. 15.

II. De nebula.

Nebula est secundum Physicos imperfecta & sterilis quasi nubes. Educitur à Deo ex terræ sinibus. Ierem. 10. v. 13. & 51. v. 16. Huic etiam comparatur vita nostra. Et ratio comparationis additur. Quia sicut nebula à splendore solis dissipatur & pellitur, atque ab æstu solis consumitur: ita vita hominis, quæ in miseria tanquam nebula tenebrosa oritur, ab æstu solis vrentis, hoc est, à vi morborum & mortis pellitur, destruitur & consumitur tandem, ut nihil supersit amplius sicut nebula planè absumitur.

Loci minus principales (cæteri enim in fine sequuntur) huius partis possunt esse hi.

I. Sicut nebulæ caliginem afferunt & propterea sunt ingratae: ita in scriptura significant tristitiam hominis. Sophon. 1. v. 16. Dies nebularum. Simile aliquid Ezech. 30. v. 18. Et Ioel. 2. v. 2. At mox calore solis dissoluuntur. Ita Deus facilè potest nos reficere. Thren. 3. v. 23. Orandum itaq; Psal. 90. v. 15. Et Psal. 51. Redde læticiam. Et sicut propter nebulas euandidas nemo de solis splendore desperat, ita non abijciamus animum in aduersis. Mich. 7. vers. 19.

II. Sol pellens & dissipans nebulam, moneat de peccatorum abolitione & remissione. De qua Esa. 44. v. 22. Sicut nebulam deleui peccata tua. Pro hac orandum cum omnibus sanctis. Psalm. 32. v. 7.

LOCI PRINCIPALES, ET VTRIQUE PARTI communes.

I. Intueri debemus hæc Dei opera, nubes & nebulas

las (licet vilissima appareant propter assiduitatem, sicut omnia Dei miracula, Augustino teste) ut aliquid inde discamus. Ob hanc causam scriptura hæc ob oculos ponit. Wir sollens nicht nur ansehen wie eine Ruhe ein new Schewrenthor. Et certè, si rectius considerauerimus ista hæc, patebit inde Dei creatoris potentia, sapientia, bonitas & prouidentia. Licet enim causas habeant naturales, tamen non carent miraculo, ut patet ex Hiob. 36. v. 28, & 37. v. 11. Psal. 104. v. 3. Dicendum cum Psal. 104. v. 24. Omnia in sapientia fecisti.

II. Quia iussit Deus erectos ad sydera tollere vultus, nos certè quoties intuemur nubes, de vitæ nostræ celeri decursu cogitemus. Hæc meditatio facit nos ambulare prudenter, Psalm. 90. v. 12. & cauere peccata, Syr. 7. v. 40. & nihil procrastinare. Syr. 5. v. 8. & 18. v. 22. Eccles. 12. v. 1.

III. Sicut nubes & nebula transeunt, & redeunt alia, ita licet hæc vita transeat, alia tamen restat. Ad consolationem facit.

F I N I S.

S E Q V I T V R

C L A S S I S VII.

CONTINENS THEMATA
EXPLICANDA IN FVNERIBVS HOMI-
num piorum, qui aduersis & tristioribus casibus
perempti obierunt.

T H E M A I

I. Sam. 3. v. 18.

*Ipse Dominus est, faciat quod bonum est in oculis
suis.*

D I S P O S I T I O.

Paucula sunt hæc verba, & brevis sententiola est, vix decem syllabarum (in versione german.) at continet pondera doctrinarum, admonitionum & consolationum.

Ll 4

Quia

Quia igitur singula verba ferè peculiarem habent emphasin, illa primum diligentius enucleanda & pensitanda erit sententiola: Deinde quantum omnibus ad funus hoc (quod tristis sanè casus nobis fecit) congregatis utilitatis adferat, ostendendum.

Textus.

Fuit Heli summus Sacerdos & Iudex Israelis vsque ad feram omninò senectutem. Annis itaque confectus & viribus exhaustus filios duos, Hophni & Pinehas Ecclesiæ præfecit, vt ipsi summo sacerdotio fungerentur, loco parentis. Quamuis autem ipse Eli fuerit vir bonus, tamen filij nequam sunt, & peccat ipse in hoc, quod licet nouerit ipsorum sceleratam impietatem, tamen est indulgentissimus pater. Quamuis enim semel ipsos leniter obiurgauit, 1. Sam. 2. vers. 24. hoc tamen illi vitio vertitur, quod non seuerissimè ipsos corripuerit, sed nec contraxerit frontem contra illos, vt habet vers. 13. Quia autem illi in causa erant, vt detraherent homines sacrificio Domini cap. 2. v. 17. ideò non tantum ipsos constituit Dominus occidere, & id prædixit parenti: sed & ipsi parenti per Samuelem puerum grauissimam denuntiat pœnam, quod omnem domum & posteritatem ipsius sit deleturus, &c. Vide vers. 11. & seq. Hæc audiens Eli subiicit illa quæ prælegimus verba.

1. In quibus primum patientissimè se subiicit voluntati diuinæ. Faciat, inquit. *Ich laß es geschehen / er thue es*/ quicquid minatus est.

Non indignè fert. *Hab ich nicht mehr verdient dann diß.*

Non excusat se. *Was kan ich für meine vngerahene Kinder.*

Non filios. *Es ist ihrer Jugendt vnd Vuerstandt etwas zugumessen.*

Non muliebriter eiulat, Heu mihi. O me infelicem. sed patienter vult omnia ferre: Ipse faciat.

2. Sed

2. Sed nec pœnam deprecatur, nec mitigari petit. Agnoscit enim quantum dederit offendiculum. Et audit Deum non posse placari victimis, vt parcat, vers. 15. quia iurauerit Dominus. Ideo inquit, Faciat quod placet.

3. Nec parci sibi petit, vt Hiskias Esa. 39. v. 9. sed addit, quemadmodum ipsi placuerit. Vel, faciat quod bonum est in oculis suis. Non inquit, sicut nostrates, *Es geschehe was gut ist/ vnd bleib nicht lang auß.* Sed quod Domino placet, etiam si malum sit & grauissimum quidem, placeat etiam mihi, vult dicere. *Es sey gut oder böse/ so will ichs auffnehmen vnd tragen.* Etiam aduersissima feram patienter.

4. Rationem addit Heli, quare tam humiliter & patienter aduersissima quæque ferre sit paratus. Ipse Dominus est, inquit: quasi dicat, Ipse Dominus, ego seruus. Ipse creator, ego creatura. Ipse Deus, ego homo, limus terre, vas fragile & testaceum. Ipse iustus, ego peccator & iniquus. Agnoscit itaque peccatum, & contentus est quod scit, Deum pœnitentibus æternam non denegare vitam. Ideoque licet miserè perierit, tamen de salute animæ nulum est dubium.

D O C T R I N A.

Docet insignis hæc vox Heli, patienter ferenda aduersa quæcunque Dominus immiserit. Patientia opus est, inquit Hebr. 10. v. 36. Præsertim vbi nos pœnam attraximus nostris peccatis.

Exempla. Dauid. 2. Sam. 15. v. 26. & 2. Sam. 24. Incidam in manus Domini. Et Hiskia Esa. 39. v. 9. Bonum est verbum Domini.

Mich. 7. v. 9. Iram Domini portabo, quia peccaui illi. Dan. 9. Tibi iustitia, nobis confusio.

Sed si maximè videatur indignè venire pœna, quam non certis peccatis commeruerimus, tamen non murmurandum, quia coram Deo innocens non est innocens. Cœli non mundi. Iob. 15. v. 15. Nemo innocens co-

ram Deo, Exod. 34. v. 7. Ideoq; Ierem. 30. v. 11. ait, ne videaris tibi innocens, castigabo te, at in iudicio. Omnes enim destituimur gloria. Omnes peccauimus, Rom. 3. v. 23. & 10. Psal. 14. v. 4.

Et semper cogitandum: Ipse Dominus est.

Non est iniquus nec iniustus. Iustus es, Psalm. 119. v. 137. Matth. 20. v. 13.

Nec quicquam nobis debet, Rom. 11. v. 35.

Et insuper fidelis Dominus, 1. Cor. 10. v. 13.

Quod si omnes damnaret, non possemus quicquam iuste conqueri. Numquid enim dicet lutum figulo, quid facis? Esa. 45. Ierem. 18. Rom. 9.

Iple Dominus æternus, creator, nos cinis & pulvis, Gen. 18. v. 27. Syr. 10. v. 9. & stilla situlæ, Esa. 40. v. 15. Carnis murmur compescet hæc meditatio seria: Ipse Dominus, Tu vermis.

A D M O N I T I O.

Monemur exemplo Heli, ne peccata nostra negemus. Ne simus mendaces, 1. Ioan. 1. v. 8. & 10. ne contabescant ossa, Psal. 32. v. 4. & c. Vide Esa. 29. v. 15.

Neque extenuemus coram ipso, vt Aharon, Exod. 32. v. 24. Neq; etiam fuco pingere conemur, vt Saul, 1. Sam. 15. v. 21. Neq; culpam reiiciamus in alios, vt Adam (Gen. 3.) in mulierem, & Eua in serpentem. Aharon in populum, Exod. 32. v. 23. Saul in populum, 1. Samuel. 15. v. 24. Humiliter nos subiiciamus pœnæ. Culpam fateamur cum Dauide, Psal. 51. v. 5. & Daniele cap. 9. 1. Ioan. 1. v. 9. Et licet quidem nobis deprecari pœnam, & petere mitigationem. Hiskia, Esa. 39. in fine.

At vbi Deus omninò nos vult subiicere pœnæ, (Ier. 46. v. 28. in fine.) voluntati ipsius nos subiiciamus. Mich. 7. Portabo iram. Et tantum oremus, vt parcat animæ, Psal. 51. v. 14. Hic vire, hic seca Domine. Ibi verò parce.

C O N S O L A T I O.

Ab exemplo Heli hanc licet petere consolationem,
quod

quod licet Dominus corporalem infligat pœnam, nec remittat, tamen animam non simul velit perdere. Sufficit tibi gratia, respondet Paulo, 2. Cor. 12. v. 9. Ideò non malè sperandum de salute piorum, aut tamen pœnitentium peccatorum, licet miserè pereant sicut Heli, qui cervicem fregit, 1. Sam. 4. v. 18. Sic sæpè caro mortificatur ut Spiritus saluus sit.

Et virtus Domini in infirmitate perficitur, 2. Cor. 12.

F I N I S.

T H E M A II. C L A S S I S VII.

Psal. 4. v. 4.

Cognoscite tandem, quod mirabiliter ducit Dominus sanctos suos.

D I S P O S I T I O.

Apoc. 15. v. 3. audit Ioannes Angelos in cœlo cantantes inter cœtera, Magna & mirabilia sunt opera tua, Domine Deus omnipotens. Illud verò iam ante etiam in terris à sanctis Prophetis decantatum fuisse, testatur præsentis Psalmi quarti versus quartus.

Licet enim nec sanctis datum sit omnia Dei mirabilia enarrare, Syr. 42. v. 17. quia illorum non est numerus, Job. 9. v. 10. ea tamen non possunt reticere, quæ incurrunt in oculos, & ascendunt in cor hominum. Ut autem cœtera Dei mirabilia taceamus, hoc loco Dauid tantum de his loquitur, quæ cernuntur in mirabili sanctorum gubernatione. De hoc nobis erit dicendum.

Ordinis autem & memoriæ causa tria notabimus.

1. Quinam sancti illi, de quibus hoc loco.
2. Quæ circa illos accidunt mirabilia.
3. Quomodo nos illa debeamus considerare vel in-
queri.

I. Pars.

De sanctis sæpè scriptura loquitur, maximè verò Psalterium, Psal. 12. v. 2. Defecerunt sancti

Psal.

Pfal. 16. v. 3. In sanctis complacitum mihi.

Pfal. 30. v. 5. Laudate Dominum sancti.

Pfal. 31. v. 24. Diligite Dominum omnes sancti.

Pfal. 34. v. 10. Timere Dominum omnes sancti.

Pfal. 79. v. 2. Carnes sanctorum dederunt escam volatilibus.

Pfal. 86. v. 2. Custodi me quia sanctus sum.

Pfal. 97. v. 10. Custodit Dominus animas sanctorum.

His locis, vt & aliis plurimis sancti vocantur, non sancti defuncti vt Prophetæ, Apostoli, multò minus illi canonisati ab hominibus, & multi quos Pontificij sanctos vocant in cœlis, sed sancti in scriptura etiam vocantur homines viui in terris. Non quod careant peccatis, sed quod fide in Christum (qui est sanctificatio nostra 1. Cor. 1. v. 30.) sint sanctificati & mundati. 1. Cor. 6. v. 11. Et vno verbo sancti sunt fideles & credentes in Christum. Hoc liquidò constat ex Psal. 12. v. 2. & 31. v. 24. vbi post vocabulum [sancti] statim additur, [Fideles aut credentes] vt scilicet ostendatur, quos ipse sanctos appellet. Ideoque & David semetipsum Psalm. 82. suprà vocat sanctum, & scriptura Noham atque Lothum iustos & perfectos atque sanctos vocat, quos tamen omnes constat fuisse peccatores. Et immotum manet id Psalm. 32. vers. 7. Pro remissione peccatorum orabit ad te omnis sanctus. Ex his constat, quod Psalmus hoc loco loquatur de piis atque credentibus, qui in his terris militant.

II. Pars.

De piis itaque & credentibus, adeoque propter Christum in oculis Dei sanctis, pronunciat Psalmus, quod mirabiliter Deus agat cum ipsis.

Non enim loquitur de miraculis, quæ per illos sanctos Dei homines fuerunt edita, sed quod illi ipsi à Deo mirabiliter regantur atque ducantur. Idque partim in vita, partim in morte obseruatur.

I. Etenim quos vult euehere & rebus magnis præficere,

cere, illos prius ita abiicit, ita deprimat, ut videantur nunquam emerfuri. Exempla sunt obuia. Iosephus in exilium eiicitur, venditur, imò in carcerem detruditur. At deinde Regis fit vicarius. Dauidem prius exulare & mille mortis pericula adire oportet, quam euehatur ad regnũ.

Sic de cæteris. Moses ex aquis educitur, &c. Exod. 2.

2. In spiritualibus eadem est ratio & crebrior ferè mutatio. Nam quos vult Deus sanare, illos prius vulnerat, quos viuificare, illos occidit, & quos in cælum collocare vult, ad inferos prius detrudit.

Hinc illæ voces. 1. Sam. 2. Mortificat & viuificat Dominus, &c. Deut. 32. v. 39.

Psal. 71. Ostendisti mihi tribulationes: Sed reduxisti me Psal. 116. v. 3. Vincula mortis, &c. At Deus audiuit.

3. Et quam mirabile est hoc, quod impij plerumque sunt felices. Pij verò infelices in hoc mundo. De hoc Psal. 73. Ierem. 12. & Hiob. 21.

4. Nec minus mirabile est hoc, quod pij citò interdum abripiuntur morte, impij viuunt ad multos annos. Hiob. 21. v. 7. Impij placida sæpe morte decedunt. Hiob. 21. vers. 13. Sie erschrecken kaum ein Augenblick vor der Hölle. Pij verò diu torquentur, sæpè etiam tristi casu percutiunt, ut Iosias, & triste sui desiderium relinquunt.

Verè hoc est mirabile in oculis nostris, sicut id de quo Christus Matth. 21. v. 42.

III. Pars.

Quo animo igitur hæc omnia accipienda? Wie müssen wir uns drein schicken? Quomodo hæc ad vsum nostrum accommodanda?

Scitote hoc, & cognoscite, inquit Psalmus. Nisi enim hæc exactissimè cognoscamus, offendet nos mirabilis illa gubernatio Domini. Sicut patet ex Psal. 73. Hierem. 12. vers. 1.

Docet itaque hic locus, ne offendamur, si videamus hunc peruersum modum (ut quidem rationi humanæ vide-

videtur) tractandi sanctos: Neq; Deo tribuamus iniquitatem, vel accusemus ipsius gubernationem. Mirabile enim consilium eius, Esa. 28. v. 29. *Und er führets herrlich hinaus.* Hunc igitur Dei morem obseruare debemus, nec erremus.

Patientiam hæc excitabunt in animis nostris. Et dicemus, Gratum est mihi Domine, Psal. 119. vers. 71. Et sciendum, quod cogitationes Domini distant à nostris, quantum distat cælum à terra, Esa. 55. v. 9.

ADMONET etiam hic locus, ne temerè & sinistrè iudicemus de his, cum quibus Deus videtur malè agere. Sicut illi de cæco iudicant, Ioan. 9. v. 2. & de oppressis atque Galilæis, Luc. 13. vers. 2. Iudicium hoc Christus reprehendit. Cogita autem, si sanctis hoc accidit, quid de impiis fiet. Si hoc in viridi fit, Luc. 23. v. 31. Et 1. Petr. 4. v. 8. Rom. 11. v. 21.

CONSOLATIONEM etiam habet locus, ne desperemus in afflictionibus. *Dann vnser HERR Gott macht nicht anderst mit den Seinen.* Quem diligit, castigat, Hebr. 12. Prouer. 3. Quem deprimit, exaltat, quem humiliat, magnificat, Psal. 18. v. 35.

Sciamus, non perpetuam fore fluctuationem iusti, Psal. 55. v. 23. Sed qui seminant in lachrymis, Psal. 126. v. 9. Huc pertinent etiam illa 2. Corinth. 4. v. 17. 2. Tim. 2. v. 11. Rom. 8. v. 17. & 28. Ecce quam necesse sit scire, quod mirabilis Deus in sanctis suis.

F I N I S.

T H E M A III. C L A S S I S VII.

Psal. 56. v. 9.

Dinumeras fugas meas, collige lachrymas meas in vultum tuum, absque dubio sunt in numero tibi.

D I S P O S I T I O.

Psalmus 84. v. 7. vocat hanc terram, vallẽm æruminatam, & alludit ad vallẽm Bochim, id est, lachrymarum, ficut

sicut Iudic. 2. appellabant locum propter fletum populi. Tot enim & tantæ hîc sunt miseriæ, quæ homini etiam cordato lachrymas possunt exprimere. Quàmuis autem videatur nihil esse inanius lachrymis, vel quod citissimè arefcant, vel quod nihil moueant quenquam, aut tamen nihil efficiant, tamen Dauid de lachrymis piorum hîc aliter sentit, & Deo curæ esse testatur, non minus quàm fugam & exilium suum. Quia igitur fieri potest, vt nos etiam aliquando solum vertere cogat necessitas, aut tamen calamitas aliqua lachrymas exprimat, agite quæ Dauidis fugientis & lachrymantis fuerit consolatio, videamus.

1. De fuga Dauidis.

Nota vobis est historia Dauidis, quem Saul integro fere decennio persequutus fuit, vt perpetua quasi fuga vitam seruare coactus fuerit. Neque enim semel atque iterum fugam arripere cogitur, sed toties, vt vix ipse numerare possit præ angustiis. Nam ad minimum viginti quatuor vicibus fuga sibi consuluisse legitur. Primum enim Saulem furiosum fugere cogitur, cum vellet

1. Ipsum lancea traicere & affigere parieti, i. Sam. 18. vers. 12.

2. Idq; secunda vice factum legitur. Prima itaq; hæc & secunda fuga est Dauidis. Licet enim non fugerit protul, tamen fuit in summo vitæ discriminè; quis enim non metueret ab homine furioso?

3. Fugit in campum, & abscondit se ex consilio Ionathani, i. Sam. 19. v. 2.

4. Fugit Dauid cum denuò peteret ipsum Rex lancea, i. Sam. 19. v. 10.

5. Eodem cap. v. 12. per fenestram demissus fugit ad Samuelem in Naioth.

6. Ex Naioth fugiens venit ad Ionathan, cap. 20. v. 1.

7. Post fugit ad Ahimelech in Nobe, cap. 21. v. 1.

8. Dehinc fugiens venit in Gath, simulans insaniam, cap. 21.

9. Ex Gath fugiens venit in specum Adullā, cap. 22.
10. Et inde venit in Munitionem quandam, Ibidem.
11. Monente Propheta Gad, ex præsidio secedit in syluam Hareth.
12. Proditus à Doëgo venit in Kegila.
13. Et inde in desertum fugit in Siph.
14. A Siphitis' proditus Sauli.
15. In Maon descendit.
16. Inde in præsidium Engedi.
17. Inde in speluncam, in qua Saulē offendit, cap. 24.
18. Ex spelunca in præsidium, v. 23. ibid. & post
19. In desertum Paran.
20. Inde in Hachila.
21. Et inde in desertum.
22. Et post colloquium cum Saule ad Philistæos in Gath. cap. 27. Et tandem in Ziklag secedit. Ibiq; non sine periculo fuit vsq; ad mortem Saulis.

Sed & Rex factus fugit à filio Absalōne, 2. Samuel. 15. Summa, tot sunt fugæ, vt amplius fugere nolit, cum daretur illi optio, 2. Sam. 24. v. 13. Quæ autem consolatio Dauidis, cum toties locum mutare cogitur? Vna hæc, quod Dominus nouit & numerat fugas illas. Sicut & Iob 14. v. 16. Dominus numerat gressus meos. Ideoq; etiam sperat, Dominum facturum finem, & liberaturum, atque compensaturum hæc omnia. Quod & factum est, & multis Psalmis decantatum.

Locvs I. Videmus, verum esse id Psalm. 4. v. 4. quod mirabiliter ducat Dominus sanctos suos. Quem enim regno donare vult, illum eodem toto regno pellit, & exulare facit. Interim tamen toties ex præsentissimo periculo vitæ liberans ipsum Dominus, docere vult, nullum esse tantum periculum, ex quo ipse non possit liberare suos. Nemo itaque desperet. Quin potius sciamus, hunc esse morem Dei, vt non prius iuuat, quam vbi de omni auxilio humano desperauerimus. Hinc adiutor in necessitate dicitur, Psal. 9. ver. 10. & 46. vers. 2. Dum nescimus igitur quid

quid faciendum, oculos ad ipsum attollamus. I. Par. 20. v. 12. Psal. 121. v. 1.

II. Qui vel religionis causa, vel oppressi ab aliis, locum mutare coguntur, nec fixam habere possunt in patria sedē, consolentur sese, quod Dominus numeraturus fugas, & comes sit ipsis futurus, & reducturus suo tempore, vel ad hanc, vel ad cœlestem patriam. Qui dixit Iosepho Matth. 2. Abi, dixit etiam, Redi.

LOCVS III. Quod si maximè fixam in his terris ad tempus sedem concedit, sciendum tamen, nos hic non habituros manentem ciuitatem. Heb. 13. v. 14. sed aliquando hinc etiam fugiendum & migradum. Patienter autem istud iter ingrediendum, quia Dominus iam parauit locum Ioan. 14. quia fugæ tempus nouit.

II. De lachrymis.

Inter tot miseras & tot exilia non est dubium Dauidem non semel profudisse lachrymas, quamuis fortissimus fuerit. At inquis, quid prodest lachrymari? Lachryma nihil citius arefcit, prouèrbio dicitur. Quis est qui lachrymas curet? Imò maximè, inquit, Deus est qui colligit, tanquam res pretiosissimas, in vtre suum. Imò sicut fugas, ita & lachrymas omnes, in numero habet. At quid tum postea, si maximè numeret & colligat? Hoc vult, sollicitam Dei curam & prouidentiam in tantis afflictionibus non fore frustraneam: sed Dominum suo tempore absterfurum illas lachrymas, & abundè compensaturum illas ærumnas, si maximè nemo hominum illis moueatur, vel compatiatur ipsi.

I. CONSOLATIO ingens ex hoc loco peti debet, ab omnibus qui sunt afflicti & derelicti ab hominibus, quorum interdum vnicum hoc est refugiū, vt lachrymis apud Deum suum dolorem exprimant. His miseris est flere quædam voluptas. Expletur enim lachrymis egeriturque dolor. Deo certè lachrymæ istæ cor feriunt, sicut de lachrymis viduæ habetur Syr. 35. v. 18. Lachrymanti

Mm

His

Hiskie viram prorogat, Esa. 38. v. 3. Flentem viduam Christus consolatur, Luc. 7. v. 13. Imò absterfurus est lachrymas ab oculis in nouissimo die, Esa. 25. Apoc. 21.

Si igitur aliter non potes, quisquis afflictus es, effunde lachrymas tuas coram Deo. Is colliget, numerabit, & absterget, vel hic vel illic. Vide Psalm. 126. Qui seminant in lachrymis, in exultatione metent.

II. Errant qui putant turpe esse flere virum, etiam in casu aduersissimo. At Christus Dei filius fleuisse legitur, Ioan. 11. Luc. 19. Flet Dauid, 2. Sam. 15. miles fortissimus. Et Hiskia Rex optimus, Esa. 38. Et nescio, an laudandi illi ^{450p291}, qui flere non possunt.

III. Peccant qui illudunt flentibus: quin imò flere cum flentibus iubet Paulus, Rom. 12. v. 15. Afflicto autem non addas afflictionē, Syr. 4. v. 3. His dicitur, vae, qui ride- tis, Luc. 6. v. 25. Vide Psalm. 137. v. 1. & 3. At sequitur vltio, v. 8.

I V. Cauendum autem à lachrymis Crocodili, vt vocantur prouerbio. Quales erant illæ Iud. 14. v. 16. Et Saulis, 1. Sam. 24. v. 17. Certè enim illas etiam Deus numerat, at non colligit, sed punit suo tempore. Odit enim omnem hypocrisin.

F I N I S.

T H E M A IV. C L A S S I S VII.

Psalm. 75. v. 9.

Calix in manu Domini vini meri plenus infusus, & effundit ex eo: Veruntamen feces eius sorbebunt, & bibent omnes impii terra.

D I S P O S I T I O.

Dilecti, ex Ierem. 16. v. 7. patet, veteribus in more fuisse positum, vt ad deductionem funeris his, qui illud comitabantur, & sic lugentibus darent potum, ad recreationem & depulsionem luctus immodici, sicut hodiè etiamnum in locis quibusdam id in vsu esse, historię referunt. Quamuis autem hoc apud nos non soleat fieri,

samen

tamen nos vobis, qui praesentes adestis, haustum aliquem ex calice Spiritus sancti propinabimus, de quo Psalmi verba, quæ legi audiistis, mentionem faciunt, & quod vino meracissimo hic calix plenus, & à Domino infusus sit, docent. Quia igitur pauci alioquin abhorrent & rugiunt, ubi calices vino generoso pleni sunt, accedite cordibus vestris huc, ut potum accipiatis: quia ad omnes hic haustus poterit pertingere.

Ut autem rectius intelligamus quid hic dicatur:

1. Ostendemus qualis hic calix, & qualis haustus.
2. Quibus hic haustus propinandus à Domino.
3. Et quomodo sapiat, aut conducat bibentibus.

I. Pars.

Calicis frequens fit mentio in scriptura, & ut plurimum Metonymicè & Synecdochicè usurpatur, pro eo, quod in calicem funditur, aut è calice bibitur. Sicut autem ex calice bibitur, vel quod gratum & iucundum, vel quod amarum est: ita scriptura duplicis calicis facit mentionem.

1. Vel enim calix sumitur pro læticia, Psal. 23. v. 5. Calix meus inebrians. Et oleum additur, quod læticiam denotabat.

Psal. 116. Calix salutis, pro læticia.

2. At sæpius calix in scripturis significat afflictionem & tristitiam, crucem & amaritudinem. Sic hoc loco calix vino meracissimo infusus significat haustum crucis amarissimum. Ita Matth. 20. v. 23. & Matth. 26. v. 39. calix passionem significat.

Ideoq; interdum additur, calix ira plenus, Ier. 25. v. 15. Esa. 51. v. 22. Calix furoris, Ezech. 23. v. 33. Calix tristitiæ & miseriæ.

Vinum illud meracissimum significat haustum amarum, quia facit tristes; Et ideo sæpè vocatur calix titubationis, quia sicut ebrij titubare solent, ita afflicti præ defectu virium interdum solent titubare. Vide Esa. 51.

V s v s huius loci erit (inter cætera) hic, vt qui calices & pocula frequenter manu versare solent, de hoc etiam calice Domini sæpius cogitent, & ita bibant, ne in *äwrtian* Ephes. 5. v. 18. incidant, & calicis Domini obliuiscantur. Cogitent non omnia vasa euacuanda. Prouerb. 23. v. 30. *Mögen sich wohl auff ein Trunck sparen; & expectent calicem de manu Domini.*

II. Pars.

At quibus ex hoc calice bibendum? Omnibus tam piis quam impiis. [*Es ist ein Umstrunck / oder Xentrunck / Haustus circularis, vt vocât.*] Nemo poterit hoc recusare, quia calix est in manu Domini. Nemo facillè recusat accipere poculum de manu principis. Magis ex manu Dei accipiendus calix vbi propinauerit. Ier. 25. v. 17. Infunde omni populo. Vide illic. Habac. 3. v. 16. Calix dexteræ Domini vocatur.

Impios igitur quod attinet, coguntur illi bibere, velint nolint.

Ier. 25. v. 28. Si nolunt accipere calicem, dic, Bibite, &c.

Ier. 49. v. 12. Oportebit te bibere. *Du must.* Thren. 4. v. 21. Et te bibere oportet.

Ezech. 23. v. 32. Calicem sororis bibes: & ibi sæpius repetitur. *Du must trincken / sauffen.*

Pij verò quoq; bibent, & à Deo affligentur. Sunt enim illi etiam peccatores.

Illi quidem non inuiti bibent. Propinatus est hic calix etiam filio Dei Matth. 26. Et Ioanni atque Iacobo dicitur Mat. 20. Calicem meum biberis. Nec parceret suis Dominus, licet certis peccatis non sint promeriti pœnas: Vide Ierem. 49. v. 12. Et Iesem 25. v. 29.

V s v s huius loci erit, vt impij videntes affligi pios, non gratulentur sibi ipsis, ac si ipsos iam præterisset calix, memores istius loci Thren. 4. v. 21. *Es wirdt baldt an dich kommen.* Huc pertinent illa quæ Luc. 23. v. 31. I. Pet. 4. v. 18. habentur.

De piis mox iam sequetur.

III. Pars.

III. Pars.

At quomodo sapit hic haustus? Ad quid conducit? De piis primum dicemus. Est quidem illis etiam hic haustus amarus, ideò Christus precatur, Transeat à me. Et calix titubationis Esa. 51. ipsis est. Ideò conqueritur Psalm. 60. v. 5. & Psalm. 80. v. 6.

1. At salutaris ipsis est haustus, non exitialis. Quia calix Domini. Et Matth. 20. Meum calicē bibetis. Christus præbibens sanavit. Hinc, Bonum est mihi quod humiliasti, Psalm. 119. v. 71. 1. Cor. 11. ne cum mundo pereamus. *Wie eine gesunde Purgation/wanns gleich bitter ist.*

2. Non infundit nimium Dominus, 1. Cor. 10. Non ultra vires, 2. Cor. 4. Momentanea afflictio, Psalm. 30. Momentum ira, Esa. 57. v. 16. Non in æternum. Hinc id Esa. 51. Auferam calicem de manu tua, v. 22. *Sie trincken das lauter oben herab / non feces, hoc est, Gott machts nicht zu grob.* Non perdere sed sanare vult ipsos.

3. Et additur calix consolatorius. Ierem. 16. v. 7. Prophylacticon verbi Dei additur, ne noceat calix.

Vsvs. Patientiam docet hic locus, vt non murmuremus si affligimur. Mich. 7. Iram Domini portabo.

Huc pertinent illa Rom. 8. v. 17. 28. 2. Tim. 2. v. 11. *Thue eben als trinckestu ein Purgatꝛ.* Explica simile.

De impiis alia est ratio. Illis est calix furoris Domini, & exitialis. De hoc Psalmus noster, feces bibent. Ezech. 23. v. 33. *Nein außsauffen/rc. Scherben lecken.*

Vide etiam Ier. 25. v. 27. Hab. 3. v. 16. Ier. 49. v. 13.

Hoc est illud Ier. 12. v. 3. Et Psalm. 73. v. 18. Iob. 21. v. 18.

Vsvs. Vides differentiam inter afflictiones piorū & impiorum. His venenū, illis pharmacum. Pietati ergo stude.

T H E M A V. CLASSIS VII.

Psalm. 73. v. 1.

Profecto bonus (germ. Consolator) Israeli Deus, his qui mundo sunt corde.

DISPOSITIO.

Ex inscriptione huius Psalmi patet, hæc quæ legimus, esse verba Prophetæ illius & Musici excellentissimi Asaphi, de quo 1. Par. 16. 17. & 26. & 2. Par. 33. plura habentur, scilicet quod non tantum Musicæ sacræ apud tabernaculum fuerit præfectus, sed dono Prophetiæ insigni ornatus, ut ipse plures Psalmos conscripserit, sicut & illi digni habiti sunt qui cum Daudicis coniungerentur. Nos verò iam initium Psalmi & versum primum tractare constituimus, ubi paucis verbis ostenditur, quanam piorum in omnibus afflictionibus firma & certa possit esse consolatio. Nos verba ipsa primum excutiemus diligentius: Deinde etiam ad usum nostrum accommodabimus.

Textus.

1. Primum ostendit disertis verbis Propheta, se non loqui de impiis, de gentibus, quæ non nouerunt Deum: sed de Israël, & de populo Dei electo, atque peculiariter vocato, cui Dominus notas fecit vias suas. Psalm. 103. v. 7.

Per Israël autem hodiè etiam intelligi debent omnes sancti vocati & electi homines.

Paulo enim teste Gal. 4. sunt omnes pii veri Israëlitarum. Et Gal. 3. Omnes filii Dei estis eo quod credidistis Christo Iesu. Non est Iudæus neque Græcus. Et mox: Si vos estis Christi, igitur Abrahamæ semen estis, & iuxta promissionem hæredes.

Sic Christus etiam Ioan. 8. Qui faciunt opera Abrahamæ, filii Abrahamæ sunt.

Explicat id Paulus Gal. 3. v. 7. Qui credunt filii Abrahamæ sunt.

Quicquid ergo de Israël dicitur hîc ad credentes pertinet.

2. De Israël pronunciat, Quod bonus Israël Deus. In germ. Israël hat Gott zum Trost.

Et respicit his verbis ad sequentia Psalmi, ubi de infelicitate piorum & felicitate impiorum disserit. Et hoc vult:

vult: Licet videantur pii à Deo deserti & impii ipsi magis curæ & cordi esse, quia abundant bonis: tamen certum est, piis omnem in Deo esse firmam consolationem, licet iuxta externam faciem Deus inimicus illorum esse videatur.

Et illam consolationem intrinsecus in corde sentiunt, si maximè foris appareant perturbatissimi. Declaraturus etiam est Dominus suo tempore paternum animum erga ipsos, facto & opere.

3. Hoc tamen addit, His qui mundo corde sunt, bonus & consolator est Dominus.

Multi sunt Christianis admixti mali & hypoëritæ, sicut inter Israelitas multi non veri Israelitæ, sed Abrahami nothi & spurii erant, ideoque Christus negat Iudæos illos esse filios Abrahamæ. Ioan. 8. His Dominus erit severus Iudex. Psal. 7. v. 13. At beati mundo corde, quia ipsi videbunt Deum. Matth. 5.

Non quod pii carere debeant omni peccato: sic enim nemo hominum potest dicere, mundum est cor meum. Prou. 20. v. 9. sed quod mundati sint sanguine Christi. Ioan. 1. v. 7. iusti per fidem. Roman. 5. v. 1.

L O C I.

I. Docemur non ab externo euentu iudicandum de benignitate & paterna Dei erga nos cura. Alioquin sequeretur, Deum omnibus ferè piis fuisse inimicum, quia multis illi aduersitatibus fuerunt circumuenti. Ioseph. Moses. David. Daniel. Iosia. Iosaphat. Iehiskia. Prophetæ. Apostoli, Martyres. Et hodie piissimi quique, quos odit mundus. Ioan. 15. Veteres dixerunt:

Careat successibus opto,

Quisquis ab euentu facta notanda putet.

Respiciendum autem ad verbum Dei, hoc ipso reuelatum Psalmo, & Ierem. 39. v. 18. Hiob. 27. v. 6. & 33. v. 28. Psalm. 37. v. 37. Prou. 3. v. 11. Hebr. 12. v. 5. & seqq. Ioan. 16. v. 33. pressura. Rom. 8. v. 29. conformes.

Ideoque propter aduersitates non despondeamus animum, sed dicamus cum Iobe, cap. 13. Etiam si occiderit me, salus tamen mea erit. Et 19. Scio, quod redemptor. Memores compensationis, Rom. 8. v. 17. 2. Timoth. 2. v. 11. 2. Cor. 4. v. 17. Esa. 25. v. 8. Apoc. 21. v. 4.

Et altè animis nostris infigamus illud Esa. 49. In manu signaui te. Esa. 41. 43. Ego tecum. Ioan. 10. v. 28. Nemo rapiet. Quis separabit? Rom. 8. v. 35. & seqq.

II. Nihil firmæ consolationis in hominibus, in diuitiis, in nobis ipsis aut nostris meritis, inueniri potest. Ier. 17. v. 5. Psal. 146. v. 4. Prou. 11. v. 4. Esa. 64. v. 6. At in Deo spes nostra. Psal. 7. v. 2. & 11. v. 2. & 31. v. 2.

III. Etiam tum prædicanda Dei bonitas cum affligit. Quia bonum est & hoc, Psal. 119. v. 71. 1. Corin. 11. v. 32. Rom. 8. v. 28.

IV. Cauenda hypocrisis & purificanda corda fide, Actor. 15. v. 9. Et orandum Psal. 51. v. 13. Cor mundum. Beati hi, Matth. 5. v. 8.

F I N I S.

T H E M A VI. CLASSIS VII.

Psal. 116. v. 15.

Pretiosa in conspectu Domini mors sanctorum eius.

D I S P O S I T I O.

Mortem omnes ideò horrent, detestantur, & si possunt, fugiunt, quia mala esse videtur.

Et sanè per se bona esse non potest, quia à Diabolo inuecta, Sap. 2. v. 24. qui malus est. Quia etiam stipendium peccati est, Rom. 6. bona esse non debet.

At licet hæc ita sint, tamen hoc loco multorum mortem nō malam sed pretiosam esse, asserit Spiritus sanctus verbis prælectis. Quod quia in oculis hominū magnum videtur paradoxon, diligentius erit nobis pensitandum.

Dicemus ergo 1. Quorum mors pretiosa esse dicatur. 2. Quomodo & quare talis sit.

I. Pars.

I. Pars.

Non indifferenter de omnibus loquitur Psalmus, quod omnium mors sit pretiosa. Psal. 34. v. 22. Mors peccatorum pessima.

Mors enim impiorum & impœnitentium certè non pretiosa esse potest, quia ipsis non tantum amara, Syr. 41. sed & iter est ad inferos. Quia cum moritur homo experitur quomodo vixerit. Syr. 11. v. 29. Et de Epulone statim vt mortuus est, legitur quod fuerit in inferno. Luc. 16. v. 23. Et grauiissimum est, quod illi non semel tantum moriuntur, (vt pii) sed bis. Secunda mors expectat ipsos Apoc. 20. vers. 14. grauiorque multo est prima, quia perpetuò moriuntur, & non possunt emori. Hinc Psalm. 49. v. 15. Mors depascet eos, *Der Tod naget sie ewiglich.*

Ideo secundum Augustinum hoc, quod sequitur mortem, ipsis malam facit mortem.

Certè hoc pretiosum non est: nisi fortè per accidens cæteris hominibus viuentibus mors malorum sit pretiosa, quia sic purgatur morte illorum prouincia. *So kumpt man der losen Leut ab/ wann sie sterben.* Iphis verò morientibus non pretiosa sed pernitiola mors est.

At sanctorum mors pretiosa est. Sancti qui sint & dicantur in scriptura, vide supra in hac Classe septima, in Dispositione Thematici 2. partem 1.

Hi sunt iusti illi, de quibus Esa. 56. Iustus perit. Et Prou. 14. Etiam in morte sperat iustus. Hi non moriuntur propriè dicendo sed obdormiunt. De Stephano dicitur Act. 7. v. 60. Et de Lazaro. Ioan. 11.

Vsvs huius loci erit hic inter cætera, vt, quia tam magna est differentia inter mortem pii & impii, nos sic agamus, vt computemur inter sanctos. Sap. 5. v. 5. & inter iustos, vt mors quoque nostra sit pretiosa. Sic enim salui erimus.

Sed quomodo possumus fieri sancti & iusti?

Sit cor purificatum fide Act. 15. v. 9. Tunc fide iustificabimur. Iustificati autem fide pacem habemus cum Deo.

Rom. 5.v.1. Quia imputatur nobis iusticia Christi, qui factus pro nobis sanctificatio 1. Corinth. 1. vers. 30. etiam nos sanctificauit. 1. Corinth. 6. vers. 11. per nomen suum & spiritum Dei nostri. Inde in nouitate vitæ ambulandum, iuxta id, Sancti estote, quia ego sanctus sum. Leuit. 19.v.2. Et hæc est voluntas Dei sanctificatio vestra. 1. Thes. 4.v.3. Quicquid autem in nobis hæret immundi, illud omne Christus mundabit sanguine suo. 1. Ioan. 1.v.7. ut appareamus sancti coram Deo.

II. Pars.

At inquis, Non video quomodo mors sanctorum sit pretiosior quàm impiorum, vterq; perit, & pius & impius, & eadem eueniunt vtriq; Eccl. 9.v.2. Perit quoque memoria vtriusque, & ambo in puluere iacebunt. Hiob. 21.v.26.

Respondeo. Verum est quod coram hominibus nec sanctorum mors videatur magni pretii. Per se enim mors pretiosa non apparet, quia est separatio animæ & corporis.

Et multi sanctissimi homines perierunt in magnis tormentis, Prophetæ, Apostoli, Martyres.

Ideoque nec coram aliis apparet pretiosa, quia sic videntur perire sancti in ignominia.

Deinde etiam boni eos amittunt, quos viuos habuerunt in magno pretio, ideoque his vita illorum magis videtur pretiosa. Nec ipsis forsitan morientibus interdum videtur pretiosa, quia amara mors non sine dolore corpus & animam separat.

Atque simul interit omne quod alicuius erat pretii in ipsis, corporis elegantia, ingenium, eruditio, dexteritas, diuitiæ.

Nihilque restat præter factorem & putredinem, quæ nullius pretii æstimantur.

At notanda verba Psalmi, qui dicit mortem pretiosam non coram hominibus, sed in conspectu Dei, coram Domino. Aliæ enim sunt cogitationes Dei, Esa. 55.v.9.

Coram insipientibus videtur mors piorum esse afflictio. Sap. 3. v. 2. At coram Deo pretiosa est. Is enim obseruat illorum vitam & mortem. Et sicut non cadit capillus sine ipsius voluntate, ita nemo illorum Deo nesciente moritur.

Et licet nemo sit qui ad animum reuocet (Esa. 56. in fine) Deus tamen numerat illorum gressus & lachrymas colligit. Psalm. 56. v. 9.

Inter sua *καμήλια* Deus asseruat eos. Hinc 1. Sam. 25. vers. 29. fasciculus viuentium. Et viuunt coram ipso. Mat. 22. vers. 32. Redempti enim pretioso sanguine Christi 1. Pet. 1. quod auro pretiosius est.

Et quam pretiosa sit mors illorum inde potest intelligi, quod seuerissimè vindicat mortem, si quando ab alijs inferatur. Patet exemplo Zachariæ. 2. Par. 24. v. 25. Mat. 23. Gibeonitarum à Saule occisorum, 2. Sam. 21. v. 5. & Israëliitarum qui ab Amalechitis trucidati. Deut. 25. v. 17. 1. Sam. 15. vers. 2. Sed & omnium piorum mors pretiosa coram eo, hac ratione.

Primum quod animas illorum suscipit. Sap. 3. vers. 9. Quod patet Exemplo Lazari. Luc. 16. v. 22. Vide Psal. 34. v. 23. Deinde quoque omnia illorum ossa custodit, Psal. 34. v. 21. & viuificabit ossa arida, vt Eze. 37. Tertiò. Memoriam quòque iusti post mortem in benedictione conseruat. Psal. 112. v. 6. Prou. 10. v. 7.

Et posteris quoque benefacit. Generationi rectorum benedicetur. Psalm. 112. vers. 2. Non vidi semen iusti. Psal. 37. v. 25. Benefaciens in mille generationes. Exod. 20. vers. 6.

Quarrò. Sequitur compensatio omnis doloris 2. Cor. 4. vers. 18. & 2. Tim. 2. v. 11. & absterio lachrymarum. Esa. 25. Ap. 21.

CONSOLATIO pro morituris pijs & afflictis hæc est maxima, præsertim si mundi contemptus, odia, ludibria, vel supplicia sustinuerunt: Sed & ad hos pertinet, qui fideles in officio serui Domini, vel immatura aut acerba
mor-

morte abripiuntur, vel tristi casu pereunt: Quod Deus mortem illorum sic in pretio habeat, vt animam, & corpus, & memoriam quoq; seruare velit, sicut diximus.

Patienter itaq; se subiiciant voluntati diuinæ, memores coronæ repositæ, 2. Tim. 4. 1. Pet. 5. Dan. 12. v. 3. Merces in cœlis, Luc. 6. Ego merces tua magna, Gen. 15.

F I N I S.

THEMA VII. CLASSIS VII.

Esa. 54. v. 7. ad 9.

In momento dereliqui te, sed aternis miserationibus assumam te, &c.

DISPOSITIO.

Consolatur Esaias his verbis ex ore Domini Ecclesiam, quæ in tribulationibus videtur derelicta à Deo suo. Estque tanta vis horum verborum, vt si alia nulla per totum vetus Testamentum extaret consolatio, tamen Ecclesia in hac posset tutò acquiescere. Quod autem de tota Ecclesia dicitur, illud in specie de omnibus illius membris intelligi debet.

Primum itaq; verba ipsius Domini, qui caput est Ecclesiæ & membrorum eius, examinabimus. Deinde locos etiam principales subiiciemus.

Textus.

1. Dereliqui te, inquit Dominus. Sic n. tibi videtur in afflictionibus, vbi non sentis meum auxilium, licet ego nūquam tibi desim, quia in manu mea signaui te, Esa. 49.

2. Quomodo autem dereliquerit, aliis verbis exponit clarius. Abscondi faciem meam. Simulabam me à te discessisse: sicut solent interdum parentes ludere cum filiis, vt experiantur, an discessum ipsorum ægrè velint ferre. Ibi tum querulantur, eiulant, & hinc inde discurrentes inquirunt locum, vbi lateant parentes. Sic Deus interdum ludit cum suis dilectis filiis.

3. Quan-

3. Quando autem dereliquerit Ecclesiam suam, & quando simulauerit absentiam, hîc additur. In momento indignationis meæ. Tum enim videtur DEVS irasci Ecclesiæ suæ, cum illam sinit affligi, & vel hostium potestati subiicit, (sicut tempore Iudicum factum erat) vel verbum paulisper subtrahit, (sicut tempore Eli carum erat & rarum verbum Domini, 1. Samuel. 3. vers. 1.) vel aliis calamitatibus premit: partim vt sic castiget illius nœuos, partim vt fidem, spem & patientiam suorum probet, & preces faciat ardentiores, Esaia 26. vers. 16.

4. At (inquis) grauißima est hæc tentatio, vbi multi possent desperare de auxilio diuino: si Deus videatur irasci, & premat grauius. Hinc Psal. 77. v. 10. Oblitus est Dominus misereri?

Verum non tanta est hæc indignatio, vt perire sinat Dominus, sed mox manum supponit & iuuat, nec vltra vires tentari sinit. Hoc est, quod dicitur, In momento. Et quidem paruo momento dereliqui. Et repetit, quod indignatio etiam tantum sit momentanea.

5. Mox enim solatium & auxilium præstò est. Post vnum paruum momentum magnis miserationibus congregabo te. Et post momentum indignationis æternis miserationibus respiciam te. His verbis non tantum gloriosam liberationem promittit, sed simul ostendit, quare tempus afflictionis, quod interdum videtur esse longissimum, vocet momentum, quia scilicet collatum ad æternitatem vix potest dici momentum. Mille anni coram Deo, Psal. 90. v. 4. 2. Pet. 3. v. 8.

Et quantò videtur maior afflictio, tantò gloriosior erit liberatio. Hæc æterna, illa momentanea.

6. Atque ne quis existimet, verba dari Ecclesiæ, & ipsam vana spe lactari, addit, Hæc dicit, non homo, sed Dominus. Nec Dominus iratus & iudex, sed Dominus Redemptor tuus. Qui totus in eo est, vt redimat, liberet, & tandem glorificet te.

L O C I.

Quia ex dictis loci facile surgunt, breuiter illi tantum erunt attingendi, & coram Ecclesia ex pharaphrasi illa amplificandi.

I. Animis nostris infigenda hæc consolatio, quia veniet tempus, vbi Deus videbitur dereliquisse & abscondisse faciem, atq; indignari nobis. Experti hoc referunt Dauid & Iob, Psal. 13. Vsq; quo obliuisceris mei?

Psal. 10. v. 1. Recessisti longè. Abscondis faciem.

Psal. 22. Deus meus vt qui me dereliquisti.

Iob. 30. v. 21. Mutatus es mihi in crudelem.

Thren. 3. v. 9. Aures obturauit, & lapidibus quadris.

Hæc etiam ignita tela in nos Satan torquet.

At sciendum, 1. Deum tantum simulare absentiam, Esa. 49. Non potest mulier obliuisci infantem.

2. Non esse furorem Domini, sed paternam tantum indignationem, 1. Cor. 11. v. 32. Sic orat Psal. 38. v. 2. & 6. v. 2.

3. Et momentum ira eius, Psal. 30. v. 6. Non ex corde affligit. Thr. 3. v. 33. Non vltra vires. 1. Cor. 10. Esa. 28. in fin.

4. Gloriosior erit liberatio. Quia redemptor nomen illius, Iob. 19. v. 25. Psal. 19. in fine. Et passim in Psalmis.

II. Videmus verum illud Pauli, Rom. 8. v. 18. Non reputo pares. Momentum indignatio. Misericordia æterna. Sic 2. Cor. 4. v. 17. Momentanea leuitas. Hæc facient ad excitandam in animis nostris patientiam sub cruce. Quia maior gloria, quam afflictio, liberalior compensatio quàm pressura, Ioan. 16. At non calculo humanæ rationis tempora computanda, sed calculo verbi diuini.

III. Magis pronus est Dominus ad iuuandum quàm ad opprimendum & perdendum.

Hinc non Iudex, Vastator, Perdens, sed Redemptor gaudet dici. Consolationem hæc præbent. Huc pertinent ea etiam quæ Thren. 3. v. 33. Ier. 31. v. 20. & 25. At propriis hæc dicuntur. Impiis iudex erit, Psal. 7. v. 12.

F I N I S.

THE

T H E M A V I I I . C L A S S I S V I I .

Psal. 118. v. 17.

Non moriar, sed viuam, & narrabo opera Domini.

D I S P O S I T I O .

Hæc verba plena gaudii & tripudij Propheta refert in persona Domini & Seruatoris Christi. Etenim cum ipse Dominus locum de lapide angulari ex hoc Psalmo de se alleget, Matth. 21. Luc. 20. constat illum de Christo intelligendum. Quia autem omnes Christiani sunt membra Christi, Ephes. 5. v. 30. pertinent hæc verba ad omnes; Et conuenit omninò, vt Christiani in ipsis mortis præsentissimæ periculis Christum, vtpote suum caput, his verbis præeuntem sequantur.

Primum itaque hæc verba excutiemus: Deinde quomodo hanc Christi vocem corde fideli repetere & imitari debeamus atque possimus (*Wie wir ihm nachsprechen sollen*) ostendemus.

Textus.

Non moriar, sed viuam, inquit Christus. Vox est hæc triumphantis & exultantis Christi, aduersus omnes hostium conatus. Ipsum enim oppugnabant Satan & mundus, & extinctum volebant, ex antiquo illo vaticinio, Infidiaberis calcaneo eius, quod de serpente Diabolo Dominus prædixerat, Gen. 3. v. 15.

At in medio inimicorum suorum dominari debet iuxta Psalm. 110. Quamuis igitur de torrente in via biberit, hoc est, omnis generis tribulationes senserit, tamen caput extulit, secundum Psalm. 110. v. 7. & triumphauit, Ero tibi mors ò mors, Ose. 13.

Sed nunquid mortuus est, inquis, & sepultus? Sic enim confitemur in symbolo. Respondeo: Vere quidem mortuus est, sed quia mox reuixit, & animam Deo patri in manus commendauit, nec periit iuxta Psalm. 16. vers. 10. ideoque mortem illam pro morte non habendam,

dam docet: quia fuit ipsi transitus ad gloriam Luc. 24. vers. 26.

Non enim inuitus reliquit vitam Ioan. 10. Sed sua sponte, & mox recepit illam. Ibid. vers. 18. & propterea sic exultat.

Neque enim mors potuit impedire quin viueret in æterna gloria.

Licet itaque in oculis hominum visus fuerit mortuus, trucidatus & peremptus, de quo etiam conqueruntur Emauntini Luc. 24. tamen coram oculis Dei patris vixit.

Addit autem, Et narrabo opera Domini. Excitatus enim per gloriam patris Ephes. 1. vers. 20. Rom. 6. vers. 4. ipsius maiestatem deprædicaui, & omnibus manifestari voluit, per prædicationem Apostolorum. Et gentibus nescientibus Deum Ephes. 2. vers. 12. hoc etiam innotuit. Eaque gloriosa operum Domini narratio adhuc durat & in æternum (sicut verbum Domini Luc. 21.) durabit.

L O C I.

I. Et nos in vita & morte hanc Christi exclamationem imitari discamus, vt non terreamur vlllo periculo (quod in vocatione nostra est subeundum) nec ipsa morte acerbissima.

Quia enim Christo non obfuit mors, ita nec nobis membris illius. Ioan. 11. Qui credit non morietur. Et certum est quod piis non sit mors, sed somnus, Ioan. 11. Marc. 5. Act. 7. & quies dulcissima. Esai. 56. in fine.

Apocal. 14. vers. 60. Quid igitur horremus mortem? cum post mortem demum vere incipiamus viuere, scilicet apud Deum, cum Abrahamo. &c. Quia viuorum Deus non mortuorum. Matth. 22.

Huc pertinent etiam illa Psal. 16. v. 10. & 17. v. 15. & 68. v. 21. & 56. v. 14. Esa. 38. v. 17. Iob. 19. v. 25. & 13. vers. 15. 2. Cor. 4. v. 9. & Rom. 8. v. 37.

II. Con-

II. Consoletur etiam nos hoc, quod vita nostra (sicut olim Christi) non est in manibus inimicorum nostrorum, sed in manu Dei. Cui viuimus & morimur, Rom. 14. vers. 7.

Capillus non cadit, Matth. 10. v. 30.

Is viuificat & mortificat, Deut. 32. v. 39.

In manu ipsius vita & mors, Sap. 16. Syr. II. Exemplis patet, Dauid, Psal. 129. v. 2. Athanasius, Lutherus.

III. De morte & interitu piorum, Sic etiam de tribulationibus eorundem aliter spiritus sanctus iudicat, quam homines. Hi putant, sic perire hominem & enecari in ignominia. Mors habetur pro cruciatu & afflictione, Sap. 3. v. 2. & seq. At aliter Deus pronunciat, quod uiuant, quod probentur, quod electi reddantur in fornace, Esa. 48. v. 10. quod conformes fiant imagini, Rom. 8. v. 29. Aliter itaque ipsi etiam sentiant de sua morte & afflictionibus Christiani.

IV. Propositum viuendi in sanctis in eo consistit, vt celebremus opera Domini, Psal. 146. v. 2. & Psal. 69. v. 31. Hoc sit nostrum studium: non quærere opes, propriam laudem.

F I N I S.

T H E M A I X . C L A S S I S V I I .

Ecclesiast. 9. à vers. 1. ad 3.

An dilectio sit, an odium, nescit homo, &c. quæ sequuntur ad vers. 3.

D I S P O S I T I O.

Salomon in libello isto, cui titulus Ecclesiastes, varias huius mundi vanitates, & in his multiplicem generis humani miseriam egregie nobis descripsit.

Et inter cætera capite octauo conquestus est, quod iustis eueniant mala, quasi opera egissent malorum (sic enim habent verba) & quod impiis eueniant talia, quasi iustorum facta habeant: hoc est, vno verbo, quod piis malè

N n

& im-

& impiis benè sit, Quod rationi humanæ valdè videtur iniquum.

His verò verbis illam vanitatem alia vanitate vult corrigere, hoc innuens: scilicet si non semper & apud omnes id eueniat, de quo dixerit, tamen vt plurimum hoc contingere, vt eadem iusti & impii sit fortuna, quorum nostro iudicio sicut studia diuersissima, ita etiam dispar debebat esse conditio.

Hinc haud rarò mundi iudicia aberrare à vero concludere voluit Salomon diuersam nobis ostendens sententiam.

Primum igitur quæ sint de Euentibus & communiter accidentibus mundi iudicia:

Deinde verò quam ista sint peruersa & planè fallacia, ostendemus.

I. Pars.

Quia homines plerumque ad ea respiciunt, quæ sunt ante oculos, solent illi, & de fortuna hominum, & de Dei erga ipsos voluntate iudicare ab Euentibus externis & ferre tale iudicium, quod possit esse cæci de coloribus, sicut dicitur Prouerbio.

Etenim hunc pium esse iudicant, qui Dei benedictionem sentit, & qui sælix est in hoc mundo. Hinc Psalm. 144. Beatum dixerunt cui sunt hæc, sc. promptuaria plena, oues fatosæ, boues crassi, abundantia &c.

Sic Hiob. 21. v. 7. Impii sunt felices. Vnde scis? Quia abundant diuitiis.

Contra vbique iacet pauper. Et qui pauper est non videtur esse pius. Imò nonnulli hodie (ô impietas) pauperem nomine hominis vix dignum iudicant, sed pauperem Diabolum vocant. Es ist ein armer Teuffel.

Ira etiam de Dei amore vel odio erga homines iudicat mundus, ab euentibus externis.

Quem enim afflictum cernimus, illum Dei indignationem propter singulare aliquod scelus incurrisse omnes

Contendunt: Sic de cæco & parentibus eius iudicant Apostoli, Ioan. 9. Sic de Paulo Melitenses. Actor. 28. Et in hoc totus est Eliphaz, disputans contra Hiobum. Iob. 4. vers. 7. Sic iudicant illi referentes Christo de occisis Galilæis & oppressis in Siloah. Luc. 13.

Hinc Nabal, Haman, Epulo Luc. 16. & Diues Luc. 12. Ahitophel, Saul &c. quoad vixerunt pro felicissimis & Deo charissimis amicis sunt habiti.

Vicissim Apostoli habentur pro desertis, pro abiectissimis & vilissimis hominibus. 1. Corinth. 4. vers. 13. *supplicantes &c. & fugam.*

II. Pars.

Quanta autem sit iudicii humani peruersitas, vel ex hoc constare asserit Salomon, quod in hoc mundo eadem eueniant iusto, bono, Deum timenti atque colenti, quæ accidunt iniusto, malo, Deum atque sacra negligenti. Exemplis res manifesta erit.

In bello perit Ionathan pius. Pereunt in eodem Hophni & Pinehas impii. 1. Sam. 4. v. 31.

Sagitta percussus perit Ahab impiissimus. 1. Reg. 24.

Eodem mortis genere occubuit Iosias piissimus. 2. Par. 35.

Lapidatur Achan nocens Ios. 7. v. 25. Lapidatur Stephanus innocens. Actor. 7. Naboth innocens. 1. Reg. 21. Testes Susannæ nocentes.

Sed & in vita par vtriusque fortuna, bona & aduersa. Ager est Ioram rex impius 2. Par. 21. Ita & Lazarus pius. Diues est Abraham. Diues est Epulo.

In carcerem traditur pistor nocens & Iosephus innocens. Genes. 39. & 40. Captiui abducuntur Daniel & socii pii, & Iudæi impii. Et infinita alia. Quod si ab externo euentu iudicandum, non melior fuit Iosephus pistor suspensus, non Abraham Epulone, non Ioram Lazaro deterior, non melior Stephanus quam Achan. Sicque DEVS non minus amat Epulonem quam Abrahamum,

hamum, non minus irascitur Nabotho quàm Achano. &c.

Quæ hæc erit absurditas & impietas?

I. Docet itaq; Salomon ipse, Ab externis euentibus de odio vel amore Dei erga homines non posse nec debere iudicari. Ideoque iudicia nostra in his casibus planè esse suspendenda. Alioquin damnamus omnes filios Dei Psalm. 73. vers. 15. Nolite igitur iudicare, inquit Christus Luc. 6. v. 37.

Neq; verò curanda etiam peruersa ista hominum iudicia de nobis: Sed dicendum cum Paulo, Parum mihi est. Deus me iudicat. Vide 1. Cor. 4. v. 3. & seqq.

II. Sicut autem nec iudicare alios, nec aliorum de nobis iudicia multum curare debemus: ita etiam nec Deum redarguere, aut impius vocare, vel iniquitatis nomine ipsi dicam scribere debemus. Quod Hierem. 12. & Psalm. 73. volunt cogitationes humanæ. Habet enim Dominus facti sui causas, nobis vt plurimum incognitas. Ideò vincit cum iudicatur. Psalm. 51. Ierem. 12. Du behest dennoch Recht.

Sciendum, Occultum esse iudicium Domini, iniquum esse non posse, iuxta Augustinum.

Malis benefacit vt inuitet ad pœnitentiam. Rom. 2. v. 4.

Piis malefacit (si externam fortunam spectamus,) vt castiget, probet & maiori gloria ornet. 1. Corinth. 11. I. Pet. 1. v. 6. Rom. 8. v. 17.

III. Quia hîc eadem eueniunt piis & impiis, certum est restare aliam vitam, vbi singuli accipient digna factis suis. 2. Cor. 5. v. 10.

Ibi dispar erit ratio. Dan. 12. vers. 2. Ioan. 5. v. 29.

IV. Non itaque desperent pii, non murmurent, sed patienter omnia aduersa ferant, vt faciant voluntatem Domini. Heb. 10. v. 36.

Impii verò non promittant sibi perpetuitatem felicitatis suæ, sicut Psal. 10. vers. 3. sed sciant tantò grauiorem restare pœnam, & tarditatem grauitate compensandam,

dam, si bonitate Dei abusi fuerint, & pœnitentiam non egerint.

V. Pontificij hoc loco abutuntur pro stabilienda sua dubitatione. Contrarium ex correctione translationis, iuxta fontem non tantum, sed & ex sequentibus locis patebit. Phil. 1. v. 6. Rom. 8. v. 38. & 26. & 16. 1. Pet. 1. v. 5. 1. Cor. 1. v. 8. Iesus Christus seruabit ad finem. 1. Pet. 5. v. 10. Qui vocauit, consummabit, confortabit & fundabit.

F I N I S.

T H E M A X. C L A S S I S V I I.

Ezech. 24. v. 15. ad 19.

De morte coniugis Prophetæ Ezechielis.

D I S P O S I T I O.

Tristis admodum & luctuosa est hæc Domini concio ad Prophetam Ezechielē, qua denunciatur illi inopinata mors cōiugis charissimæ. Licet autem tum Dominus populo suo, tam per defunctam, quàm per superstitem Prophetam singulare exemplū futurę calamitatis proponere voluerit, tamen hæc historia nobis etiam varias poterit subministrare doctrinas. Ideoq; illam in præsentī funere, quod tam marito defunctæ, quam multis aliis bonis admodum luctuosum est, breuiter excutiemus. Sunt autem hæc duo consideranda: 1. Denuntiatio mortis coniugis. 2. Mandatum Domini quomodo sese Propheta in hoc casu gerere debeat.

I. Pars.

Factum est ad Prophetam verbum Domini tale: Fili hominis. Frequenter Dominus sic appellabat hunc Prophetam, vt patet non hoc tantum capite, sed penè singulis aliis à secundo vsq; ad finem, vbi penè centies sic eundem compellauit.

Idq; haud dubiè hanc ob causam factum, vt Prophetæ agnosceret, se hominem infirmum esse, licet præclarissimas diuinas reuelationes habuerit. Sed videamus, quid filio hominis nunciatum fuerit.

1. Tollam à te aliquid. At dummodò non sit tale aliquid, quod gratum & charum est. Dann verlieren ist für lachen gut. Keiner läßt jme gern etwas nehmen.

2. Imò inquit Dominus, tollā id quod charissimum est: Desiderabile oculorum tuorum. Quid hoc sit post ipse Propheta explicat: Cum concionem haberem ad populum manè, vesperi mortua est vxor mea. Vxorem ergo Dominus vocat, Desiderabile oculorum. Non quod propter formæ elegantiam oculis tantum illius placuerit, sed quod charissima ipsi & gratissima fuerit vxor. Die ihne erfreuet/ wann er sie nur an gesehen hat. Nam quod per desiderabile oculorum intelligat Dominus id, quod gratum & charum est, patet ex hoc ipso capite, vbi dicit quod ablaturus sit gloriam ipsorum, gaudium dignitatis, super quo eleuetur & in quo delectetur anima ipsorum, filios item & filias, &c. Ihres Herren Wunsch. Charissimam igitur coniugem auferendam à Propheta ostendit.

3. At si illa fuisset verula, & plena dierum (quod alioquin de Patribus dicitur. Gen. 25. 35. Iob. 42) vt non desiderasset vltra viuere, aut si multo tempore cum aduersa valetudine fuisset confictata, fuisset id vtique tolerabilius. Præstat enim mori quàm perpetuò ægrotare. Syr. 30. Et iucunda mors, cui melioris vitæ nec spes nec expectatio est. Syr. 41. in fine.

Sed nihil horum hoc loco mortem coniugis Prophetæ accelerat: verum singulari plaga, sicque valentem, & inopinata morte se Prophetæ (nihil tale metuenti hoc tempore) erepturum coniugem prædicit Dominus. Hoc demum grauissimum est.

4. Neque verò hoc fit propter singulare aliquod delictum huius mulieris, quod vitæ dies alioquin abbreviat, (si enim fuisset impia, certè Prophetæ optimo non fuisset desiderabile oculorum, sed verius putredo in ossibus. Prou. 12.) sed propter populum Israel, cui hoc pacto Deus volebat concionari, vt in 2. parte sequetur.

LOCVS. Videmus sæpè pias matronas per mortem auct-

auelli à latere maritorum, qui impensè, vt debent, illas amarunt. Estque hæc non minima pars calamitatis dimidia sui parte carere. Boni hoc intelligunt, quod desideratissimum amiserint adiutorium, vita charius, auro & margaritis pretiosius. Prou. 12. & 31. Syr. 7. Piæ enim mulieres respondent his Spiritus sancti encomiis, vt sint desiderabiles in oculis mariti: non propter formam, quæ bonum fragile est, & nonnullis negatur, sed propter animi dotes, Sic etiam deformes desiderabiles esse possunt.

Quid igitur cogitent pij mariti? Cui culpam huius mali imputabunt? Est quidem plaga lethalis, quæ vitam ademit. Sed quis illius author? Deus. *Der hats gethan.* Qui conuertit hominem in contritionem & dicit, reuertimini filij hominum. Psal. 90. vers. 3. Qui viuificat & occidit. 1. Sam. 2. Qui vitam & mortem in manu sua habet. Sap. 16. Syr. 11. vers. 14. Is hoc loco dicit, ego tollam à te desiderabile.

At quare hoc facit? Hic multi Deum accusant quod auellat charissimos ab inuicem, & contra vnà viuere permittat qui cane peius & angue se mutuo oderunt. Videtur sic vel iniquè vel imprudenter agere. Certè Propheta hoc loco non quærit, quare id faciat Dominus, & quare non potius parcat ipsi, & aliam tollat vxorem, quæ suo marito non sit desiderabilis. Tu igitur quis es qui ex aduerso respondes Deo? Numquid enim Deus dedit vxorem in sinum tuum? Imò vero. Sic ipse dicit Dauid 2. Sam. 12. v. 8. Ego dedi. Is idem hîc quoq; dicit, ego tollo. Quin igitur dicis: Dominus dedit, Dominus abstulit. Sit nomen Domini benedictum. Job. 1. v. 21. Alioquin respondebit, numquid licet mihi facere de meo quod libet.

Facere debent hæc ad excitandam patientiam, si talis casus contingat. Sufficiat hoc vnū, quod Deus fecit hoc, Deus abstulit. Et sciendum quod is habeat sui propositi causas, iustas quidem semper, occultas verò plerumque. Sæpè etiã viuus per mortuos vult concionari, sicut hoc loco: vt cogitèt alij, si hoc sit in viridi quid fiet in arido. Luc.

Non dicemus iam de iis, qui sibi hanc plagam Dei optant, vt auferatur ab illis, quæ non amplius est desiderabilis in oculis ipsorum. Plerumque tales postea magno cum suo damno agnoscunt quàm fuerint erga Deum & coniuges ingrati.

Neque verò dicemus etiam de his mulieribus, quæ sic viuunt vt non possint esse desiderabile oculorum: cum sint putredo in ossibus mariti, vt supra ex Prou. 12. De piis coniugibus nobis sermo est, quales fuerunt Ezechiel & coniunx hoc loco,

II. Pars.

Tristissimus sanè erat hic casus inopinatus. Sed grauius videtur id, quod Deus ipsi iniungit, ne signum luctus det ullum. Mandat enim ipsi Dominus, ne plangat aut ploret coram populo, nec publicum instituat luctum ad funus coniugis: nec cibos lugentium apponat amicis, qui funus comitaturi sint, quod alioquin in more positum habebant. Et quod maius est, iniungitur ipsi vt incedat non lugubri vestitu, sed tanquam festiuitatem agens. *Er soll sich Feiertäglich anziehen/ als ob er zur Hochzeit wolte gehn.*

Erat autem singulare hoc Dei consilium, vt populus rem nouam & miram videns erudiatur à Propheta, quid sibi hæc velint, vtque sic factum Prophetæ ipsis viuæ sit concio. Sequitur enim quomodo admirantibus hoc factum & interrogantibus, quid facis, Dei consilium explicauerit. Sicut mihi desiderabile oculorum abreptum, nec permissum à Domino vt fletu & lachrymis meum dolorem exprimam: sic vobis desiderabile oculorum vestrorum, Templum Hierosolymitanum auferetur ab oculis, in quo tantoperè fuistis gloriati. Similiter filij & filiæ vestræ abducentur, quæ fuerunt chara pignora. Nec licebit vobis flere & dolorem exprimere, coram hostibus vestris. *Ihr werdet nicht sauer darzu sehen dürfen.* Hoc docere vos debet meum exemplum. At vide-

videretur impossibile vt propheta oculis chariorem coniugem relinquens, sibi temperet à lachrymis & dolore?

Respondeo. Scit hoc fidelis Deus, ideoque permittit, vt ingemiscat tacitè & in domo sua. Coram populo autem contineat lachrymas, vt id exsequatur quod Deus vult ostendere hoc facto.

Locvs. Non vult docere Dominus hoc loco, maritos debere esse ἀσπύγες, qui morte coniugum nihil moueantur: cum ipse intelligat, non posse Prophetam cohibere gemitum & premere omnem dolorem. Cum humanum sit hoc, lugere mortuos, præsertim coniuges. Sic Abrahamus deplorat mortem Saræ. Genes. 23. Et si quemuis mortuum amicum lugere debent Christiani, iubente Syracide cap. 38. magis certe coniugem charissimam mariti.

Hoc autem innuit Dominus, Modum in luctu esse seruandum, ne lugeamus sicut gentes non habentes spem resurrectionis. 1. Thess. 4.

Non nimium tristari debent Christiani, cum sic non possint in vitam reuocare mortuos, sibi verò damnum dent immoderato luctu. Syr. 38.

Cogitandum, non amissas sed præmissas pias coniuges, quas sint recepturi & agniture in altera vita cum maximo gaudio: quod tum demum erit perfectum.

Sed quid de liberis nondum educatis & matre orbatis fiet? Respondeo. Patrem habent & tutorem in cœlis. Et si mater obliuiscatur infantem (sicut defuncta sanè facere cogitur) ipse tamen non obliuiscitur, Esa. 49.

Reprehendendi ex hoc loco nonnulli mariti, quibus non opus erat hac Dei prohibitionem, ne nimium lugeant: si moriantur coniuges. *Er wirdt inen sauer das Lachen zu halten.* At hi non sunt digni hominum nomine, cum bestiis sint deteriores. Pertinent ad illos ἀσπύγες, de quibus Paulus 2. Tim. 3.

F I N I S.

N n 5

T H E-

THEMA XI. CLASSIS VII.

Sapient.2.v.1.2.&3.

Iustorum anima in manu Dei sunt, & non tanget illos tormentum mortis.

Visti sunt oculis insipientium mori, & aestimata est afflictio exitus eorum.

Et ab itinere iusto abierunt in exterminium, & quod à nobis est iter exterminii, illi autem sunt in pace.

DISPOSITIO.

Egregius est hic locus, docens, quid fiat de animis hominum post mortem; de quo imperiti homines, ipso Sapiente teste, admodum peruersum solent ferre iudicium. Cum itaq; nemo nostrum sit, qui non cupiat scire, quid de ipsius anima sit futurum post mortem, vbi ex hoc ergastulo liberata fuerit, ideoque hæc verba Sapientis attentis animis audiemus. Quia verò Sapiens notanter addit, se de animis iustorum loqui, non indifferenter de omnibus, ideoque

1. Ostendendum quinam illi sint iusti.
2. De iustorum animis quid fiat post mortem, ex ipsis verbis Textus iudicandum.
3. Peruersum illud mundi iudicium de obitu iustorum (quod Sapiens refert) expendendum. Singulis partibus vsus subiicietur.

• I. Pars.

Iustorum frequens est mentio in scriptura, præsertim in Psalmis. Exempli causa:

Iustus vt palma florebit, Psal.92.

Iustus in memoria æterna erit, Psal.112.

Iustum non vidi derelictum, Psal.37.

Iustorum multæ tribulationes, Psal.34.

Prou. 14. Iustus etiam in morte sperat.

Esa. 56. Iustus perit & nemo est.

Ecclef. 7. Iustus perit in iusticia sua.

Hi autem iusti dicuntur in scriptura, non quod sine absque peccato & perfectè iusti, aut per se iusti.

Sic enim non est iustus, ne vnus quidem, Rom. 3. v. 10. Ex Psalm. 14.

Nemo enim potest dicere, mundum est cor. Prou. 20.

Iusti igitur etiam sunt & dicuntur peccatores, (sic enim Iustus cadere dicitur septies, Prou. 24.) at iustificati fide per Christum, propter quem pacem habent cum Deo, Rom. 5.

Hinc Hab. 2. Rom. 1. Gal. 3. Iustus sua fide viuere dicitur. Hi sunt iusti constituti per Christum, Roman. 5. v. 19. Hic enim factus est iusticia nobis, 1. Corint. 1. v. 30. Vnde 1. Cor. 6. v. 11. iustificati estis. Et hi aliàs etiam dicuntur sancti: Vide Disposit. Them. II. in hac Classe VII. Hinc Noha dicitur iustus, Genes. 6. Lothi anima dicitur anima iusti, & ipse iustus, 1. Petr. 2. De quibus constat fuisse illos peccatores iniustos.

Dicuntur etiam hi iusti, 1. comparati cum impiis: vt Noha iustus in generationibus suis, Genes. 6. v. 9. Deinde iusti dicuntur ratione nouæ obedientiæ: quia iustificatis iniusticia non imputatur, &c. Hæc alibi.

V s v s. Videmus quomodo iusti esse possimus & debeamus, licet omnes iusticiæ nostræ vestis immunda, Esa. 64. Antè omnia danda opera, vt veram habeamus & acquiramus fidem ex verbo Dei, Rom. 10. v. 17. qua iusti simus coram Deo propter Christum. Studendum deinde iusticiæ, quæ ad integritatem Christianismi pertinet, si quidem ad omne opus bonum instructos esse decet, 2. Tim. 3. Quod autem nobis deest, id Christus impleuit, Rom. 8. v. 3.

II, Pars.

De iustis quid fiat post mortem, docet Sapiens. Nec sanè quid de corporibus illorum fiat, sollicitus est. Nam illa etiam in terram reuertuntur, ex qua facta sunt: vt sic
abo-

aboleatur peccatum & quicquid est corruptibile, vt tandem resurgant in *ἀφθαρσία*. I. Cor. 15. At quid de animabus ipsorum interea fiat, (donec corpus purgetur in terra & resurgat) paucis, sed emphaticis verbis demonstrat: quod scilicet illis benè sit, quia sint in manu Dei. Manus autem Dei hoc loco, vt & aliis, significat curam & tutelam Dei. Vt cum Christus animam commendat in manus patris. Luc. 23. Sic. Psal. 31. v. 6. Ita Ioan. 10. v. 29. Et quid sit in manu Dei esse, mox his verbis explicat: Non tangit illas tormentum. Sunt in cœlesti, æterna & ineffabili beatitudine, & viuunt coram Deo, qui illas coronat gaudio & felicitate.

V s v s. I. De animæ immortalitate, de qua Christianis dubitare nefas, aliàs dicitur. Vide.

II. Hic locus facit contra eos, qui statuunt animas iustorum dormire, vbi è corpore exierint, vsque ad nouissimum diem, nec frui conspectu Dei ante resurrectionem mortuorum. Contrarium patet ex hoc loco. Et Luc. 23. Hodie mecum eris in paradiso. Polycarpus solatur se, quod ea die, qua flammis exustus sit, repræsentandus sit Domino. Hist. Eccl. lib. 4. Viuunt itaque & vigilant, & statim sentiunt gaudium animæ piorum, atque Dei consuetudine fruuntur.

III. Pars.

Iam recenset Sapiens quid sentiant homines imperiti de obitu piorum. Illi putât hos planè interire. Et si quando contingat ipsos violenta morte abripi, quod Apostolis, Prophetis, Martyribus, &c. accidit, existimant insipientes, ipsis hoc fieri à Deo in pœnam. Et sic putant actum de ipsorum temporali & æterna felicitate. Non enim credunt ipsos post mortem frui solatio: *sonder haben hic am Karren gezogen/ vnd müssen dort im Wagen ziehen.* At illi sunt in pace, scilicet corporis atq; animæ ratione. Corpus enim quiescit à laboribus Apoc. 14. v. 13. Anima autem in conspectu Dei solatio fruitur. Luc. 16. v. 25.

V s v s.

V s v s. Non graue sit mori, quia licet insipientibus videamur mori, tamen in oculis Dei viuimus. Corpus quiescit in pace. Anima cœlesti gaudio fruitur. Hic pressuram habemus, Ioan. 16. Ibi non tanget tormentum. Hinc illud: Cupio dissolui, Phil. 1. Nunc dimittis, Luc. 2.

A D M O N I T I O addenda hæc in fine. Quia iustorum animæ in manu Dei, impiorum autem mox in inferno torquentur. Luc. 16. v. 23. Syr. II. v. 29. ideoque studendum pietati & iusticiæ, de quibus parte 1. dictum. Væ cæteris.

F I N I S.

T H E M A XII. CLASSIS VII.

Sapient. 3. vers. 9.

Gratia & misericordia in sanctis eius, & inspectio in electis eius.

D I S P O S I T I O.

Neminem vestrum arbitror fore qui non scire percipiat, quid de ipso sit futurum post mortem, ubi anima è corpore egressa fuerit. De hoc alij dubitant, alij & imperiti quidem, (quorum opinionem Sapiens hoc capite 3. refert) putant eos, qui hîc fuere miseri, illic etiam nihilo fore feliciores. *Wer hie am Karren gezogen / müsse dort im Wagen ziehen.*

Atqui Sapiens hoc capite totus in eo est, vt ostendat benè agi cum animis defunctorum. De his enim verba prælecta (licet de viuis etiam intellecta nihil habeant incommodi) intelligenda esse, videtur colligi posse ex præcedentibus, ubi de Beatis dixit, quod sint iudicaturi gentes, &c. & quod illos nemo sit erepturus Domino. Estque planè (meo quidem iudicio) eadem sententia horum verborum, quæ superiorum, quando dixit: Animas esse in manu Dei: item, sunt in pace. Hunc enim videtur nobis propositio huius capitis, quæ versu primo continetur, dictare sensum.

Videamus itaque 1. quàm sit felix status animarum
post

post hanc vitam. 2. Deinde verò ad quos hæc pertineant, ostendemus.

I. Pars.

De defunctis, quorū animæ è corporis vinculo solutæ sunt, pronunciat, 1. quod sint in gratia. Magnum videtur, si quis sit in gratia principis alicuius, qui tamen homo est mortalis. Hunc omnes honorant, huic gratulantur omnes, hunc felicem putant omnes. At interdum concidit in puncto gratia longa breui. Quod si eadem ratio esset de animabus nostris, quæ est apud homines, tunc metuendum illis, ne aliquando exciderent illa gratia.

At sunt in gratia apud Deum, qui est veritas, & quem non pœnitent suorum bonorum, Rom. xi. ideoque non est metus, ne illi excidant hac gratia.

2. At vnde illis hæc gratia? Numquid sibi promeruerunt hanc gratiam? Non sanè. In misericordia sunt, additur. Quo docet, ex misericordia Dominum illos recepisse in gratiam. Idq; propter Christum mediatorem. Misertus enim Dominus nostri non vult perire animulas illas.

3. Inspectionem habet super eos. Sunt illi semper in conspectu Domini, & nunquam patitur illos turbari, aut rapi de manu sua in æternum, Ioan. 10.

Sicut pater intentis oculis filiolum, quem impensè diligit, subindè aspicit: (*Er laßt ihn nicht auß dem Gesicht* / dicitur) ita Deus elementissimis oculis semper aspicit animulas illas, quas in sua manu habere dicitur. Et sic non potest vnquam illas tangere tormentum, vñ suprà vers. 1. habetur, hoc capite.

[Nota. Si quis velit hæc verba de viuis & defunctis simul intelligere, & sic apud populum vtrumque tractare, poterit id facere, absque incommodo auditorum. Sicut enim sancti & electi mortui, ita etiam viui sunt in gratia & misericordia, &c. Domini.]

Docet hic locus, quàm benè agatur cum defunctis. Corpus quiescit in terra, Apoc. 14. Animæ verò sentiunt

grat.

gratiosam Dei præsentiam & conspectu illius beatissimo fruuntur. Quis igitur non cupiat mori & esse cum Christo, cum Deo, cum Angelis. Certè hoc melius esse Paulus docet, Phil. 1. v. 23.

De his etiam Disposit. præcedenti dictum.

II. Pars.

Bene igitur, inquit aliquis, habent res nostræ, si de omnibus id pronunciet Sapiens. At de impiis altum hic silentium. Etenim de sanctis hoc affirmat Sapiens. De cæteris longè diuersum cap. 2. & 3. habet. Sancti qui sint, & iusti, vide Disposit. Themat. præcedentis, & Themat. II. Classis VII. Quos hic intelligat per sanctos, altero vocabulo explicat, dum eosdem etiam vocat Electos. Intelligit credentes & fide iustificatos, vocatos atq; electos. Hæc enim plerumq; à Paulo etiam coniunguntur. Vocati sancti, Rom. 1. 1. Corinth. 1. Vel sancti credentes, Ephes. 1. Electi sancti Dei, Coloss. 3. v. 12. & Apocal. 17. v. 14. Vocati, electi & fideles.

DOCEMUR I. toto cælo errare eos, qui existimant, omnes homines saluos futuros, & tandem consecuturos gratiam & misericordiam apud Deum.

In hac enim opinione multi sunt, (etiam inter nos Origeniani) qui putant, Misericordiam Dei maiorem esse, quam vt possit condemnare quenquam. At non misericors tantum, sed & iustus est, Syr. 5. v. 6. Et impij non manebunt cum ipso, Psal. 5.

Ideoq; sanctitati & pietati studendum, vt inueniamur inter electos. Qui enim non est scriptus, Apoc. 20.

II. Quid autem faciendum, vt inueniamur sancti, vide Disposit. præced.

III. Magnam consolationem habent electi, quod & maximè in hac vita pressuram habeant, Ioan. 16. tamen illic sint in gratia & misericordia. Ideoq; non cum timore & dubitatione ipsis moriendum, nec dicendum, sicut impij hoc pro symbolo habent,

Ich fahr vnd weiß nicht wohin /
 Mich wundert daß ich frölich bin.

Contra dicant electi:

Ich fahr vnd weiß Gott lob wohin /
 Mich wundert daß ich trawrig bin.

THEMA XIII. CLASSIS VII.

Matth. IO. V. 28. ad 32.

Nolite timere ab iis qui corpus occidunt, animam autem non possunt occidere.

Et quæ sequuntur vsque ad vers. cap. 32.

DISPOSITIO.

In hoc capite Matthei Christus discipulis dixerat: Mitto vos sicut oves in medio luporum, vers. 16. Quæ autem sit fortuna ouiculæ inter lupos, facile fuit coniicere. Et sanè id apertius Christus prædixit: Statuent vos ante Reges & Principes. Et plus etiam: Flagellabunt, odio habebunt. Nec satis. Occident tandem. Quare? Propter nomen meum, à vobis prædicatum.

Poterant itaq; Apostoli obiiicere, tacebimus ergo, & immunes erimus ab his periculis. Christus verò contrà vult illos prædicare in tectis, hoc est, publicè. Nec metuendos homines, ait. Ecquis verò non metuat occisores? dicant illi. Quis non metuat indignationem Regum & Principum? Christus itaq; ostendit causas, quare non sic metuendum ab hominibus, vt propter illos veritatis professio abiicienda.

Hæc verò quia non tantum ad Apostolos (Marc. 13. v. 37.) sed & ad omnes Christianos pertinent, atq; etiam in genere contra metum mortis faciunt, & consolatione abundant, à nobis diligenter erunt consideranda.

Duas autem huius propositi causas affert, de quibus ordinè dicendum.

I. Pars.

Quare metuitis ab hominibus? Quia occidunt. At
 quid

quid occidunt? Corpus tantum, quod alioquin mortale est, & in terram reuerti debet. Præterea illi nihil iuris in vos habent. Animam illi (quæ nobilissima pars est hominis) nec trucidare neque affligere possunt.

At ego dicam, Luc. 12. quis vobis metuendus, ait Christus. Est qui corpus & animam in gehenna potest perdere. Is metuendus. Stultum itaque est, timere eum, qui potest id tantum occidere, quod per se mortale est. Interim verò non metuere eum, qui corpus & animam potest damnare. Et magis stultum, perdere animam immortalem vt conseruari possit corpus mortale. O insaniam.

Locvs I. De immortalitate animæ.

Contra Epicuræos, qui corpus & animam perire putant. Et contra eos, qui existimabant animas cum corpore mori & resurgere. De quibus Niceph. lib. 5. cap. 23.

II. Quia anima nobilior pars hominis, quæ immortalis est, & propter illam corpus vel gaudium vel cruciatum sentiet, atque corpus sequetur animam quocunq; illa deueniat. Ideoq; potior semper habenda ratio animæ quàm corporis. Hoc plerique inuertunt.

Neque verò parcendum corpõri cum animæ periculo. Quod faciunt qui vel in casu confessionis, vt vitam redimant, vel extra casum confessionis in gratiam Magnatum, &c. malè agunt vel abnegando Dominum, qui mercatus est ipsos, 2. Pet. 2. v. 1. Vel contra conscientiam peccando, vt corpori benè sit. Hi sunt quorum Deus est venter, Phil. 3. v. 19. Quid autem proderit, si vel totum mundum lucrentur, & iacturam faciant animæ. Matth. 16. v. 26. Quid enim dabit homo pro redemptione animæ? Psal. 49. v. 9. Huc pertinent exempla fratrum, 2. Machab. 7. & 40. Martyrum apud Basilium.

I L Pars.

Aliam causam subiicit Christus, quare non metuendi homines: Quia non tantum non possunt occidere animam, sed neque etiam corpus Deo inuito & nesciente

possunt lædere aut occidere, si maximè crudelissimè se-
uiant. Hoc demonstrat Christus, prouidentiam Dei il-
lustrans duplici comparatione.

1. Passeres aues vilissimæ, quorum duo assè minuta
veneunt, sic Deo curæ sunt, vt nec capiatur nec occida-
tur vnus ex illis, sine Dei voluntate.

2. Quid capillis capitis vilis? Illos tamen sic curat,
sic numerat Deus, vt ne vnus quidem cadat de capite ve-
stro sine Dei voluntate.

Numquid igitur existimatis Deo vos minus esse curæ,
quam passeres vel capillos? Ideoque nemo vos occidere
poterit Deo inuito & nesciente. Quod si ille sic voluerit,
patienter alacri animo subeunda mors, quæ non separat
à dilectione Dei, Rom. 8. Et quia is vitam dedit, eam re-
stituet, & compensabit vestra martyria gloria æterna.

Locvs I. De prouidentia Diuina clementissima,
quæ tanta est, vt etiam sese ad auiculas & capillos capitis
extendat. Certè volucrum mirabilior est creatio ex ouis,
quam cæterorum animalium. Et patet cura Dei pro au-
culis ex lege, Deut. 22. v. 6. & 7. Atque memorabilis est ex-
perientia, de nido Halcyonis. vbi Deus mare reddit tran-
quillum illis diebus, quibus incubant alcedines, vt exclu-
dantur pulli. Capillos certè ita curat Deus, vt colorem in-
ducatur illis pro suo beneplacito. Facit Esau hirsutum, Ge-
nes. 25. v. 25. Elisæum caluum, 2. Reg. 2. v. 23. Absolonem
capillatum, 2. Sam. 14. v. 26. Et pilos Nabuchodonosoris
sicut pennas Aquilæ, Dan. 4. v. 30. Quanto magis homi-
nes curat, ossa custodit, lachrymas colligit & numerat,
Psal. 34. v. 21. & Psal. 56. v. 9. Hinc colligere & nos consola-
ri debemus, quod sine illius voluntate nihil possit nobis
accidere. Si illius autem voluntas est, bona est semper, li-
cet contrarium videatur rationi humanæ. Ideoque iussu
sumus orare, Fiat voluntas tua. Et diligentibus omnia,
Rom. 8. v. 28.

Hæc consolatio non tantum tempore persecutio-
nis, sed & in omnibus miseriis & periculis vocationis vsu
veni-

venire debet. In bello, in mari, tempore pestis, & in omnibus casibus aduersis.

I I. Non timendi homines, imò nec Diabolus, quia nihil possunt nisi Deus permittat, Iob. I. v. 10. Marc. 5. v. 12. Et Psal. 118. Quid faciat mihi homo? Esa. 51. v. 13.

F I N I S.

T H E M A XIV. C L A S S I S VII.

Rom. 14.

Nostrum nemo sibi viuit, moritur sibi nemo,

Non fas est nobis viuere, siue mori.

Viuius aſt Domino, Domino morimurq; redempti,

Vt viuendo Dei, ſic moriendo ſumus.

D I S P O S I T I O.

Plerique hoc agunt homines, & omnes ferè suas actiones eò dirigunt, vt sui iuris eſſe poſſint & non ab aliorum nutu pendere cogantur. Hinc illud, Alterius non ſit qui ſuus eſſe poteſt. Paucis verò hoc contingit, quantum attinet ad Iuriſdictionem humanam. Quantum verò ad Diuinam iuriſdictionem attinet, nemo hominum ſui iuris eſſe poteſt, ne ipſe quidem *αὐτοκράτωρ*. Docet enim Paulus, neminem ſibi vel viuere vel mori, ſed Domino Deo noſtro omnes viuere, omnes mori debere, vt viui & mortui Domini ſimus. Et ò felices eoſ qui hæc agunt, vt in vita & morte non auellantur à Domino. Vt itaque hæc rectius intelligamus, & ad vſum noſtrum transferre poſſimus commodius, de his tribus nobis erit dicendum:

1. Primum, quid ſit, Sibi viuere aut ſibi mori. Et viſſim, quid ſit viuere & mori Domino.

2. Deinde, quid faciendum, vt Domino viuamus & moriamur.

3. Quid inde ſentiant commodi qui Domino viuunt & moriuntur, vel Quare ipſi viuendum, &c.

I. Pars.

Neminem Christianum sibi viuere asserit Paulus. At sunt impij, de quibus dicipoteſt, quod aut viuant Diabolo, aut tamen ſibi viuant.

1. Primum enim ſibi viuere dicuntur hi, qui non cogitant quod vitam aliundè habeant quàm à ſeipſis: ſicut illi, Sap. 2. fortuito caſu nati ſumus. &c. v. 2. & ſeqq.

Ideoque illi in diem viuunt & faciunt quod lubet, quia nec de Dei voluntate neque extremo iudicio quicquam ſunt ſoliciti. Sic illi, Edamus, bibamus. Eſa. 56. i. Cor. 15. v. 33. De bibulo quodam Bonſo dicebant, Ipſum natum non vt viueret ſed vt biberet. Pepigimus cum morte Eſa. 28. De his Paulus Phil. 3. Deus eorum venter.

Et de his verè dici poteſt, quod viuant Diabolo, qui illos ducit ab vna iniquitate ad aliam. 2. Theſ. 2. v. 10. 2. Tim. 3. v. 13. Ipſius enim voluntatem faciunt, & ductum eius ſequuntur.

Contra verò viuere Deo, eſt ad nutum Dei viuere. Ipſi non tantum ortus noſtri cauſam grata mente adſcribere, ſed & omnes noſtras actiones iuxta ipſius voluntatem patefactam inſtituere, & vno verbo ſic viuere, vt oſtendamus nos Dei præſentiam & conſpectum ferre poſſe. De Zacharia & coniuge dicitur, Luc. 1. Ambulabant iuſtè coram Deo. Sic Abrahamo dicitur, Ambula coram me. Gen. 15.

2. Sunt etiam nonnulli qui nemini volunt inſeruire ſuis domis, licet id poſſent, ſed tantum ſua quærunt, vel otium amant, aut hominum reprehentiones & odia timent. Hos ipſi Ethnici pro inutilibus terræ ponderibus habent, quia hominem non ſibi ſed alijs natum recte dixerunt.

De his verè dici poteſt quod tantum ſibi viuant.

Et ſcriptura illos vocat ſeruos ignauos & nequam, qui defodiant talenta ſua. Matth. 25.

Deo enim non viuunt, quia ipſi nihil lucrantur. Ibid. De his verò hoc loco non dicemus plura. Sed ad inſtitutum pergamus.

Ita sibi mori est sine vera Dei agnitione & sine fide decedere in impœnitentia. Atque Diabolo verè hoc est mori, quia ad illum morituri perueniunt. Inueniunt enim locum Diabolis paratum Matth. 25. v. 41. & in lacum sulphure ardentem mittentur. Apoc. 20. & 21. At vicissim Domino mori est piè & sic mori, vt à Domino per mortem & in morte non auellamur. Hinc notanter scriptura id vocat, mori in Domino. Apocal. 14. v. 13.

II. Pars.

Viuumdum Domino, Paulus docet, & eidem etiam moriendum. At quomodo id fiat ex prædictis facilè constabit. Ideoque erimus breuiores in tractanda hac secunda parte.

I. Scriptura autem aliis etiam verbis docet, Quomodo viuendum Domino. Seruire ipsi, facere voluntatem eius, hoc est Domino viuere. Nam qui fecerit voluntatem &c. huic non diceretur, Non noui, sed veniet ad Dominum. Matth. 7. v. 21. Psal. 2. v. 11. Seruite Domino. Et Phil. 2. Operamini salutem. Ita scriptura sæpè commendat pios, quod fecerint rectum & bonum coram Domino, & quod beneplacitum ipsi fuerit. Vide 1. Reg. 15. v. 5. & 11. & cap. 22. v. 43. & 2. Reg. 12. v. 2. & 14. v. 3. Sic etiam Domino viuatur, quando inseruitur proximo, propter Dominum. Quicquid enim huic sit id sibi factum putabit. Matth. 10. v. 42. & 25. v. 40.

Sic itaque Domino etiam viuunt qui seruiunt ipsi vel in Ecclesiæ, aut Reip. aut Oeconomiæ pia & diligent administratione. Explica latius, si placet.

Et quidem merito seruimus Domino. Quia Dominus. Is vitam dedit, & animam rationalem, & necessariis donis ornauit &c. vt ipsi & proximo possemus seruire. Quid enim habes quod non accepisti. 1. Cor. 4. v. 7. Omne bonum desuper Iac. 1. v. 17. Ingrati ergo sunt qui ipsi nolunt seruire. Simile. Qui à Principe accipit victum, amictum, &c. cogitur etiam illi seruire. Ita & hîc.

II. Sicut Domino viuendum ita ipsi etiam moriendum. Quomodo id fit? Si Deo animam nostram piis precibus & corde pœnitenti in morte commendemus. Et sicut in omni vita, ita & in morte humiliter nos subiiciamus ipsius voluntati: dicentes, Tibi vixi Domine, tibi moriar. Tu spiritum dedisti. Eccles. 12. v. 7. Ego tibi reddam illum corde pœnitenti. Hoc est mori Domino & in Domino. Ita Dauid & Stephanus, imò ipse etiam filius Dei Domino spiritum commendarunt & reddiderunt, Psal. 31. v. 6. Act. 7. v. 59. Luc. 23. v. 46.

III. Pars.

At Quare sic viuendum & moriendum Domino, aut quid inde accedit nobis emolumentum? Multum fanè per omnem modum, in vita & morte, de quo hîc paucis: Viuentes & morientes Domini sumus. Maxima enim hæc est consolatio in vita & morte, & maior quàm animus humanus possit expendere.

I. Primum enim si Domini sumus & ipse nos agnoscit pro suis (Noiit autem qui sint sui. 2. Tim. 2. v. 19) nihil iuris in nos habebit Satan. Quia vallabit Dominus omnia nostra. Iob. 1. v. 9.

Non præualebit contra nos mundus, nec ipsa etiam inferorum portæ. Si Deus pro nobis quis contra. Rom. 8. Si aduersus me castra consistant Psal. 27. v. 3. Psal. 23. Non timebo, quia TV MECVM ES.

Quid faciat mihi homo. Psal. 118. v. 6. Sic ipse Dominus solatur suos, Cum ipso sum: Sequitur, Eripiam, Psal. 91. v. 15. Esa. 41. & 43. Noli timere quia ego tecum. Gen. 26. v. 24. Ego tecum, noli timere.

II. Et quæ potest esse maior consolatio morituris, quàm hæc ipsa, quod mortui etiam sumus Domini. Mors non separabit. Rom. 8. v. 38.

Hinc illud Psal. 73. v. 25. Dum modo te habeam. Et si deficiant corpus & anima, tu eris consolator. Et hoc ipsum est quod Christus Saluator Ioan. 10. affirmat, Cognosco oues, Do eis vitam, nemo rapiet.

Ex contrario patet iam quam malè animæ & corpori consulant, qui sibiipsis vel Diabolo viuunt & moriuntur. Hi neque in vita nec in morte quicquam solatii sentiunt, & audient tandem.

Non noui vos. Matth. 7. v. 23. & 25. v. 12. Ideoq; A B I T E, v. 41. ô dolor, ô gemitus, ô miseria.

F I N I S.

T H E M A X V. C L A S S I S V I I.

I. Corinth. II.

Si nos ipsos iudicaremus, non iudicaremur. At cum iudicamur, à Domino corripimur, ne cum mundo condemnemur.

D I S P O S I T I O.

Memorabilis est hæc sententia Pauli, qua de Iudicio humano & diuino loquitur, innuens sc. quod illud sæpè intermittatur, hoc verò sinistrè accipiatur, interdum etiam utrumque ab hominibus negligatur. Nec sine magno nostro damno.

Vt itaque possimus euitare damnum, agite verbis Pauli diligenter attendamus.

Primum autem quid hic Paulus intelligat per iudicium nostrum, & per iudicium Domini, inuestigabimus.

Deinde qua ratione iudicium Domini possimus effugere docebimus.

Tertio, Quo animo iudicium Domini ferre debemus, notabimus.

I. Pars.

Variè in scriptura accipitur vocabulum iudicii, de hominis atque Dei iudicio. Quantum ad iudicium humanum attinet, interdum iudicamus de aliis, at hoc nostrum iudicium temerarium reprehenditur. Luc. 6. v. 37. Rom. 14. v. 4. Quis es qui iudicas.

Hic autem de proprio nostro iudicio loquitur, quo non alios, sed nosmetipsos iudicare debebamus.

Et hic iudicare significat seipsum accusare & agnoscere peccata, errores, atque delicta, atque reum sese sistere coram Deo. Hinc enim sequitur culpæ deprecatio, sicut Psalm. 143. v. 2. Ne intres &c. atque vitæ emendatio. Id eleganter exprimitur Hoseæ 6. v. 1. & seqq.

Vicissim etiam iudicium Domini significat ipsius accusationem & pœnam, quam infligit propter peccata. Et hoc sensu iudicium pro pœna accipitur, ut 1. Pet. 4. vers. 17. Tempus est ut incipiat iudicium à domo Dei. Atque hoc ipso loco dixit Paulus, quosdam à Deo morbis & immatura morte punitos fuisse. Ex quo intelligitur quid per iudicium Dei intelligat.

De pœnis autem temporalibus & corporalibus principaliter hic sermo est.

Itaque eos qui à Domino sint puniti dormire ait.

II. Pars.

Quia intelligimus iudicium Dei esse pœnas diuinas propter peccata: iam porro dicendum erit, Quo pacto iudicium Domini possimus effugere.

Hoc paucis docet Paulus, Si nosmetipsos iudicaremus, non iudicaremur à Domino.

Hoc est, si agnosceremus peccata nostra & pœnitentiam ageremus, possemus utique fatales illas Dei pœnas & calamitates antevertere.

DOCEMUR itaque ut emendemus vitam in tempore, nec procrastinemus pœnitentiam, si velimus pœnas & iudicia Domini praevenire. Hic notandum illud Ier. 18. v. 8. Si pœnitentiam egerit gens illa, agam & ego pœnitentiam super malo. Exemplo sunt Niniuitæ. Ion. 3. v. 10.

Sic enim potest restringi furor Domini qui est instar ignis absumentis.

Vide Esa. 1. v. 16. & 17. Ioël. 2. v. 12. & seqq. Psalm. 7. v. 13. Syr. 5. v. 8.

Imò ipse Dominus de hoc conqueritur, quod non sit qui stet oppositus contra ipsum, & ruinam minitanti

mace-

maceria subueniat, Ezech. 13. v. 5. & 22. v. 30. Man soll vnserm Herren vnd Gott in die Ruten fallen. Amos 4. v. 12. præparare in occursum Deo.

III. Pars.

Quia verò pleriq; etiam inter Christianos de his non prius cogitant, quam vbi iam Dominus ad iracundiam prouocatus est & cœpit affligere, tandem etiam docet Paulus, Quo animo iudicium Domini ferre debeamus. Vbi enim exarsit ira ipsius, hoc vnum restat vt dicamus, Iram Domini portabo. Mich. 7. v. 9, Et solatur nos Paulus vt patienter & æquo animo feramus, estque gemina consolatio hoc loco.

I. Quod affirmat, castigationem hanc tantum esse paternam. Corripimur, inquit, leniter. Ist Watters Rute/ nit Henders Rute. Temporalis est non qua afferrat exitium. David Psalm. 6. v. 2. non deprecatur omnem pœnam, sed hoc tantum, ne in furore, aut in ira corripatur. Fidelis enim Deus non ultra vires tentat. 1. Cor. 10. Er wils nicht zu grob machen. Vide Esa. 28. v. 26. similitudinem egregiam. Item Esa. 27. v. 7. & 8. Ierem. 30. castigabo te in iudicio. Esa. 54. vers. 7. In momento indignationis dereliqui.

II. Altera consolatio est hæc, quod sicut omnia alia diligentibus Deum cedunt in bonum Rom. 8. ita etiam hæ paternæ castigationes Domini diriguntur ad eum finem, ne cum mundo pereamus. Si enim absque castigatione liceret nobis semper viuere pro lubitu, non cogitaremus de peccatis, sed securi periremus. Psalm. 119. Bonum est mihi Domine quod humiliasti Psalm. 94. vers. 12. Beatus quem tu castigas.

Esa. 27. v. 9. Sic cessabunt peccata illius.

Psalm. 119. vers. 67. Postquam humiliatus sum. Vide Ierem. 31. v. 18. Notanda hæc in omni genere afflictionum & aduersis casibus piorum.

F I N I S.

O o 5

THE-

THEMA XVI. CLASSIS VII.

2. Corinth. 12.

Sufficit tibi gratia mea. Nam virtus mea in infirmitate perficitur.

DISPOSITIO.

Verba sunt hæc ipsius Dei optimi Max. ad Paulum electum organon dicta. Quamvis igitur sint brevissima, tamen nullum est dubium, quin singularia multa habeant in recessu. Quia Diuinæ Maiestatis sunt verba. *Grosse Herren machen wenig wort. Aber es steckt viel dahinder.*

Ita certè sentiendum de his verbis, præsertim quia ad magnum illum Doctorem Gentium facta sunt.

Operæ itaque erit pretium, occasionem primum horum verborum & sensum eorundem inuestigare diligentissimè: Deinde etiam quid in recessu nobis relinquant, paucis annotare.

Textus Paraphrasis.

Postquam Paulus à Domino in tertium cœlum atque Paradisum raptus, vidit & audiuit *ἀόρηται*, metus erat, ne magnitudo reuelationum ipsum extolleret. Ideoque datus fuit ipsi *σάτολ*, angelus Satane colaphizans. Grauem Satanæ tentationem & frequentem intelligunt Theologi sinceriores. Hanc continuam afflictionem cum seriis atq; profundis gemitibus deprecaretur, hoc tulit responsum Apostolus, Sufficiat tibi mea gratia.

1. His verbis primum ostendit Dominus, se non ablatum stimulum istum à Paulo, quamcumque pro hoc ipse orauerit ardentem.

Intelligit enim istud non futurum è re Pauli, si careat tribulationibus. Ideoque patienter id quicquid sit aduersitatis ferat.

2. Interim verò solatur ipsum, quod hæc afflictio non sit signum irati Dei. Etenim se sua gratia ipsi non defuturum: neque ipsum derelicturum unquam.

3. Cum

3. Cum itaque de gratia Dei & salute æterna sit certus, non debere ipsum omnis expertem esse temporalis calamitatis. Contentus sit gratia illa, & sufficiat ipsi quod habeat Deum propitium. *Darumb soll er nicht weiter begeren.*

4. Et ne Paulus cogitaret vel obiiicere posset, sed ve-
reor ne continuis illis tentationibus (Satan enim vix ad momentum vnum cessat. Id enim *σάλοψ* denotat) tandem à Satana vincar & succumbam: solatur illum Dominus, quod magna sit Dei potentia & virtus. Fortior enim qui in nobis, quàm qui in mundo. 1. Ioan. 4. Et nunquam maior potentia Satanæ quàm Dei.

5. At ego magnam sentio infirmitatem in carne mea, diceret Apostolus. Fides mea nonnunquam infirmior fit, tot Satanæ ictibus impugnata. Subindè enim de sua infirmitate verba facit Paulus. Hoc voluit anteuertere Dominus, addens hoc loco, In ipsa illa infirmitate sese contra Satanam ostensurum suam potentiam: quæ plerunque sese magis exerat in infirmioribus, quàm in cæteris. Et tum demum maximè se sua vti potentia, cum homines videntur planè impotentes. Vt sic gloria deuicti Satanæ non sit hominum, sed Dei omnipotentis.

L O C I.

Considerate, obsecro, charissimi quanta sit vis verborum Dei omnipotentis. Cumulus enim solidissimarum consolationum sese nobis offert.

[Breuitatis causa hîc de precibus nihil dicemus, quod Deus interdum non audiat secundum nostram voluntatem, sed ad vtilitatem nostram.]

I. Videmus autem primùm amicos Dei charissimos nunquam immunes esse à tribulationibus & tentationibus. Ideò Syr. 2. v. 1. Si vis esse seruus Dei. Et quantò maioribus à Deo sunt ornati donis, quantò maioribus affecti beneficiis, tantò etiam grauiori calamitatum mole premuntur.

Ioseph, Iacob, Moses, Dauid, Daniel, Paulus, Hiskias, Quem enim diligit filium Dominus castigat. Prou. 3. Heb. 12. Interim verò hoc solamen additur multiplex.

I. Quod nihilominus sint in gratia apud Deum. Idcoque probat eos & se dignos inuenit. Sap. 3.

II. Atque hoc est signum gratiæ ipsius, quod ideo tantum flagellat ipsos, 1. ne pereant & condemnentur in mundo 1. Cor. 11. vers. 32. 2. Et ne incidant in securitatem carnis. 1. Thes. 5. v. 3. 3. ne uè extollantur donis. 2. Cor. 12. v. 7. 4. neque relinquant preces Esa. 26. v. 16. 5. & ne existiment se innocentes Ierem 30. v. 11. 6. Sed ut sciant se esse peccatores, & sic peccatum in ipsis mortificetur, 1. Pet. 5. v. 2. 7. atque ut sint aliis exemplum spei, fidei & patientiæ quod imitentur illi. Iac. 5. capite exemplum fratres. Et Syr. 2. v. 11. Tob. 2. v. 12.

III. Interim nunquam illos deserit nec abiicit, si maximè interdum infirmi fiant, ut Hiob. 3. v. 11. & 6. v. 8. Moses Nu. 11. vers. 12. & Paulus 2. Corin. 11. vers. 29. Ier. cap. 20. vers. 7.

Hæc scitu admodum sunt necessaria, propter nos & propter alios. Propter nos, ne simus impatientes in aduersis, aut dubitemus de gratia Dei, Dixi in excessu. Psal. 31. v. 23. Aliter enim se res habet.

Propter alios, ne temerè de illis iudicemus, quos videmus cruce premi. Sicut illi amici Iobis, in primis Eliphaz. Iob. 4. & 5. Ioan. 9. v. 2. Luc. 13. v. 1. Sed nec ipsi aliorum sinistra de nobis iudicia curare debemus.

II. Nemo desperet propter suam infirmitatem. Quia quanto maior infirmitas, tantò maior Dei potentia. Non enim nos sumus qui pugnamus contra Satanam, sed Deus pro nobis. Rom. 8. Calamum quassatum Esa. 42. v. 3. Orandum autem, Adauge fidem, Luc. 17. Succurre, Marc. 9. v. 24. Fidelis Deus, 1. Corinth. 10. &

1. Thessal. 5. v. 24. Roman. 8. vers. 26.

F I N I S.

SE.

S E Q V I T V R

A P P E N D I X C L A S S I S V I I.

Cōtinens

1. *Varia exempla eorum, qui aduersis casibus perierunt: de quorum tamen salute vt plurimum benè sperari debet.*

2. *Dicta quoque scriptura nonnulla his casibus accommodanda complectitur Appendix eadem, ceteris exemplis permixta.*

C A S V S I.

De Ruina ædificiorum oppressis.

E X E M P L V M I.

Iudic. 16.

Samson ruina domus, in qua Philistæi congregati erant, oppressus moritur.

A vers. capitis 23. ad 31.

D I S P O S I T I O.

Occasionem huic funeti præbuit tristis ille casus, qui hisce diebus accidit, cum defunctus ruina ædium oppressus miserè interiit, quoad corporis & vitæ conditionem. Hanc itaque Historiam de Samsonè oppresso (quamvis ratione quarundam circumstantiarum planè dissimilis sit casus) iam placuit vobis proponere, quia in hoc conuenit cum præsentī casu, quod vterq; ædificii ruina oppressus, vterque miserè, vt nobis quidem videtur, attamen in officio piè mortuus, & vterq; apud Deum saluus est, absq; dubio. Historiam autem Samsonis non omnem iam tractabimus, sed ea tantum, quæ de illius occubitu referunt, paucis delibabimus primum. Deinde quid de hoc facto ipsius iudicandum sit, subiiciemus, & quid de aliis autopho-

phoneutis sentiendum. Tertio, Doctrinam vnam & alteram hoc loco obseruandam breuiter annotabimus.

I. Pars.

Non prolixè hic repetam, Quomodo Samson Iudex Israël, ad hoc excitatus à Domino (& ab vtero materno sanctificatus Nazaræus) vt perdat Philistæos & liberet Israël, postquam in scortationem incidisset, temerè arcana Dei in ipsum collata dona (roboris scilicet admirandi) Meretrici Dalilæ prodiderit. Hinc à Deo aliquantisper derelictus, in potestatem hostium Philistæorum cum deuenisset, exoculatus & in carcerem detrusus, ibique etiam (vt afflicto alia adderetur afflictio) molere coactus est. Et ne quid miseriarum deesset cæco, ludibrio expositus fuit omnibus hostibus, quorum erant aliquot millia, qui conuenerant ad sacra facienda Idolo Dagon, quod hostem ipsorum in manus tradiderit, à quo amplius (ipsorum quidem opinione) nihil timendum.

Educitur autem miser ex carcere & sistitur (ducente illum puero) inter duas columnas palatii illius, in quo congregati erant Philistæi, vt deridendus ab omnibus possit conspici.

Dissimulans autem quid in animo habeat, deductus à puero complectitur columnas duas, quibus domus innitebatur.

Et inuocato nomine Diuino, vt liceat sibi perdere hostes, paratus est mori Samson ille olim heros fortissimus, cum ipsis. Sicq; istam domum subuertit, vt pereant vltra tria millia vtriusque sexus hominum, & in his Principes Philistæorum & ipse simul occumbit fortissimè.

II. Pars.

Operæ pretium erit paucis etiam considerare, quid de hoc casu Samsonis sit iudicandum: & vtram de æterna illius salute quicquam dubitandum.

Certum alioquin est, eos qui sibiipsis manus inferunt (nisi id ex Melancholia & defectu rectæ rationis fiat)

pro

pro desperatis habendos, & nisi in extremo halitu resipiscant, (de qua tamen resipiscencia nemo quicquam certi pronunciare potest) in æternum damnari: quia proprii corporis homicidæ de gratia Dei desperant. Quales erant Saul (de quo expressè dicitur quod mortuus sit in peccatis suis 1. Paral. II. v. 13.) Ahitophel, Iudas.

Tractat hanc quæstionem eleganter D. Augustinus De Ciuitate Dei lib. 1. cap. 16. & sequentibus multis. Vide etiam Epistolam 61. Aug. ad Dulcitium. Tom. 2.

Item Tom. 7. Contra secundam Epistolam Gaudentii libro. 2. cap. 23. ubi improbat illud factum Raziæ 2. Mac. 14. inquit, Non fuit vir iste eligendæ mortis sapiens, sed ferendæ humilitatis impatiens.

De Samsonе autem longe alia hîc fuit ratio.

1. Fuit enim singulari spiritu heroico præditus, & ad id excitatus vt perdat Philistæos.

Fuitque Iudex & Magistratus sui populi. Ideoq; pro illis vt olim videns, sic iam cæcus pugnat.

2. Pœnitentiam egit in carcere de peccatis suis.

Quia hoc pia illius oratio ad Dominum indicat. Et scilicet remissionem peccatorum consequutus est. Ideoque Dominus audit preces illius.

3. Nec priuatam vindictam sed gloriam Dei, liberationem sui populi, & interitum hostium Dei quærit. Neque nisi inuocato nomine diuino quicquam agit.

4. De vita sua non est sollicitus: quia melior illi mors. Et sic pro patria lubens occumbit.

Neq; alia est huius facti ratio ac si quis pius Princeps aut Dux militiæ pro patria & nomine Christiano sese obicit periculo, quod à Turcis in bello imminet Christianis, & fortiter dimicans occubit. Is moritur in vocatione.

De æterna itaque salute Samsonis non est dubium.

III. Pars.

I. Singulare hoc & heroicum factum Samsonis ab aliis nunquam hac ratione trahendum in exemplum,

vt extra vocationis metas sese vel periculis obiciant temerè (qui enim amat periculum, peribit, Syr. 3. vers. 27.) multò minus vt sibiipfis mortem consciscant, Syr. 2. v. 14. Hoc enim est desperationis signum, non fortitudinis, sicut opinabantur Ethnici. Huc Augustini dictum referendum. Cont. 2. Epist. Gaud. libr. 2. cap. 23. Non debemus quicquid in scripturis etiam Dei testimonio laudatos homines fecisse legerimus, consentiendo approbare, sed considerando discernere, adhibentes iudicium non sanè nostræ authoritatis, sed scripturarum diuinarum. Et post: Samson mortem perpeffurus non sua id sponte fecit, sed hoc spiritui Dei tribuendum est, qui vsus est eo, vt faceret, quando illi affuit, quod facere non poterat, quando idem spiritus defuit.

II. Si pij in sua vocatione vel ruina ædium opprimantur, vel aliis tragicis casibus pereant, non temerè de illis iudicandum, nec propterea condemnandi. Mors enim & afflictio non separat à dilectione Dei, Rom. 8.

Exempla piorum miserè coram mundo pereuntium sunt Iosias, Vrias Hetthæus, Zacharias, &c. His ad pœnitentiam Deus vult cæteros vocare, teste Christo, Luc. 13. Vide Disposit. illius Thematis mox sequentem in hac Classe, in fine.

APPENDICIS CLASSIS VII.

CASVS I.

De ruina adificiorum oppressis.

EXEMPLVM II.

Hiob. I. à vers. 18. ad finem cap.

Historia de liberis Hiobis sic oppressis.

DISPOSITIO.

Miserabilis est hæc historia, & triste patri Hiobo numerum, de liberis ruina ædium primogeniti filij & fratris oppressis. Cum itaq; hisce diebus ferè simile aliquid acciderit,

derit, & funeri præfenti casus ille tristis occasionem dederit, agite historiam prælectam iam in manus sumemus, vt ex illa doctrinam & consolationem petere possimus.

Audiamus itaque I. nuncium de ruina illa dicentem.

2. Quo animo aduersum hunc casum tulerit Iob, videamus.

I. Pars.

Omnibus constare arbitror, quomodo Satan impetrata venia à Domino bonum illum & piam Hiobem, vna die omnibus bonis exutum, etiam liberis charissimis orbem reddiderit. Fuit autem casus ille admodum miserabilis.

1. Habuit Iob filios septem & filias tres. Erant hi liberi Hiobis, vt decet fratres & sorores, admodum concordēs, & filii singuli per vices statis temporibus sua agebant conuiuia, atque inuitabant fratres & sorores omnes. Erantque hilari animo, & nihil metuebant mali, nec forsitan de morte cogitarunt iam.

2. Interim parens domi pro ipsis orat ad Dominum, & ne quid mali accadat petit.

3. Cum autem in domo primogeniti filii omnes adessent conuiuio, ecce subito ruina domus oppressi pereunt.

4. Nec præter eum seruum, qui hoc retulit parenti, quisquam euasit ex omnibus liberis boni Hiobis, ceterisque domesticis.

5. Etenim Satan malignus optimi viri hostis horribili excitato vento, ita concussit ædes, vt penitus subuerterentur & corruerent.

Loc vs I. Docet tristis hic liberorum Iobis casus, nunquam nos debere esse secutos, ac si nullum immineat à morte periculum. Quia nescimus quando perimus. Sicut flos agri, sicut filum textentis, sicut radius textorius, sicut nebula, nubes, vmbra &c. transit vita nostra. Vide Class. VI. similitudines Biblicas.

Hortatur itaq; Syrach. 7. Memorare nouissima. Christus,

stus, Matth. 24. 25. Marc. 13. & 14. Vigilate, orate, Nescitis quando tempus. 2. Pet. 3. Apoc. 3. & 16. Sicut fur veniet.

Semper itaque debemus esse parati cum virginibus prudentibus. Matth. 25. Satan enim insidias vitæ nostræ fruit. 1. Pet. 5. v. 8.

II. Non iudicemus aut condemnemus eos temerè, qui aduersis casibus pereunt: præsertim si pii fuerunt. Non est verisimile Deum filios optimi Hiobis anima & corpore simul voluisse perdere. Alioquin & preces ipsius fuissent irritæ, & nimis grauis hæc tentatio. Nec dubium quin in timore Domini fuerint educati à parente. & c. Et sicut Satanæ nulla fuit potestas in animam Iobis, ita nec animæ liberorum potuit nocere ἀπολύων.

Mors itaque licet tristissima & improuisa à dilectione Dei non separabit. Rom. 8. v. 38.

Neque etiam ab euentu extèrno de pietate & salute hominum iudicandum. Quia eadem iusto & iniusto eueniunt. Eccles. 9. v. 2. Et multæ tribulationes iustorum. Psalm. 34. Non vt pereant sed vt probentur. Syr. 2. Sap. 3. Prou. 17. v. 3.

II. Pars.

At quid bonus Hiobus tot pressus calamitatibus? Numquid maledicit Deo? Numquid expostulat cum ipso, quod ne vnum quidem ex liberis reliquerit? & c. Nihil horum.

Perturbatur quidem vehementissimè, vt signa doloris, euulsio crinium (hoc maximus illi dolor extorsit) laceratio vestimenti (hic enim erat mos gentis) testantur. Et quid ni perturbatus sit? Graue relinquere chara pignora, tam tristi casu extincta.

At non peccauit, teste scriptura, Hiobus contra Dominum, ne vno quidem verbulo.

(De facultatibus non iam dicemus, quibus exutus fuerit & quàm patienter tulerit, Nudus egressus & c. Sed de eo quod ad vtrumque potest referri, ad opes & liberos.)

Dominum adorat in terram procumbens, & nomen illius sit benedictum, ait. O magnam fidem & patientiam. Intelligit hæc prouenire à paterno Dei animo vt probetur, non vt pereat. Et agnoscit, Dominum non iniquè agere. Quia abstulit quod dedit. Liberi enim donum Dei sunt. Psalm. 127. vers. 3. Repetit ergò Deus iure quod suum est.

Locvs I. Piis concessus est luctus si tristitia accidunt. Non enim laudat scriptura Stoicos ἀσπυγες. Tempus lugendi. Eccles. 3.

Modus autem seruandus. Ne sicut gentes. i. Thes. 4. v. 13. Syrach. 38. v. 16. & 21.

II. Patienter ferenda aduersa quæuis, etiam acerbissima. Maximè mors charorum pignorum, coniugum, amicorum. Deus dedit. Et abstulit.

Nec insurgendum aduersus Dominum, si maximè miserabiles sint casus isti. Ipse Dominus est inquit Eli. Faciat quod vult. i. Sam. 3. vers. 18. Sit nomen benedictum. Non enim malè agit, qui bonus est. Non in ius vocandus. Vincit. Psalm. 51. v. 7. At nostrates multi maledicunt, blasphemant, accusant Deum iniquitatis, crudelitatis, & talia accidunt. Sed malè.

F I N I S.

APPENDICIS CLASSIS VII.

C A S V S I.

De ruina adificiorum oppressis.

E X E M P L V M III.

Luc. 13. à vers. 1. ad 6.

Historia de oppressis à turre in Siloah.

D I S P O S I T I O.

Tractata est historia in funere Nobilis viri, Sebastiani à Plieningen, &c. Qui per scalas delapsus periit. Anno 1597. Die 21. Aug. Typis excusa est Stutgardia Anno 1598.

Cuius hæc est summa.

Conuocauit nos hodie tristis ille casus, qui hisce diebus accidit. Quia autem conciones in funeribus defunctorum habentur ad informationem viuentium, præsertim in casibus aduersis, ideoque ex præsentī historia tractabimus hæc tria.

1. Quomodo de prouidentia diuina, quæ circa hominum actiones omnes, & imprimis circa mortem occupata est, rectè debeamus iudicare, ne vel ad dextram vel ad sinistram deflectamus, sed medium teneamus.

2. Quid sentiendum de salute eorum, qui subitaneis & aduersis casibus extinguuntur.

3. Quare Deus talia nobis interdum exempla ob oculos ponat.

I. Pars.

Circa diuinam prouidentiam bifariam errant homines.

I. Alij Epicuræi existimant Deum planè non curare res humanas. Similes ferè Sadducæis Act. 23. v. 8. Hinc illorum voces. 1. Cor. 15. v. 32. Esa. 22. v. 13. Sapient. 2. 6. ad 21.

At Christiani rectius sentire debent & scire omnino, quod creator cœli terræque omnia administret, & in manu sua habeat vitam nostram antequam hanc lucem aspiciamus, & deinceps vsque ad mortem & resurrectionem nostram dirigat omnia. Huc pertinent illa Ier. 1. v. 5. Psal. 139. v. 15. 16. Iob. 10. v. 8. Psal. 22. v. 10. Esa. 49. v. 16. Matth. 10. v. 30. Apoc. 14. v. 13. Sap. 3. v. 1. Eccles. 12. v. 7. 1. Cor. 15. v. 44. Iob. 19. vers. 25.

II. Alij declinant ad sinistram & non minus errant quàm præcedentes: Stoici scilicet illi qui fatalem necessitatem omnium rerum, atque hoc etiam statuunt, quod Deus absolutè & simpliciter singulis terminum vitæ & genus mortis constituerit, ut non aliter possit fieri, quidcunque homo tentet. At sic vanæ essent Dei, de vitæ prolongatione aut decurtatione, promissiones atque

com-

comminationes, quales sunt Exod. 20. v. 12. Eph. 6. v. 3. Ps. 55. v. 24. Irritæ essent etiam preces pro nobis & aliis: Vana omnium medicorum ars: contra illud Syrach. 38. v. 4. Idcoque medium tenendum erit.

Sicut autem à Deo omnibus constitutum est mori. Hebr. 9. Syrach. 14. vers. 18. 1. Reg. 2. vers. 2. sic etiam ipse tempus nouit, & modum, quo genere mortis homo sit interiturus.

Quia verò Hiobus dicit cap. 14. Terminum non præteribit, &c. sciendum, quod Deus vt plurimum agat mediâtè, vt homo secundum communem naturæ ordinem hinc suo tempore decedat. Sicq; media vel ad vitam longiorem, vel ad mortem destinat. Patet id exemplo Hiskie. Esa. 38. cui immittitur morbus: deinde etiam applicatur medicina. Ideoq; cum nesciamus terminum, media non sunt negligenda: sed & preces non intermittendæ.

Notandum verò quod Deus ad communem naturæ ordinem non est alligatus: interdum terminum prorogat, interdum decurtat.

Aliter etiam agit cum piis, aliter cum impiis.

Pios interdum citius abripit ex his causis, quæ Sap. 4. v. 11. allegantur. Item Esa. 56. in fine. Patet id exemplo Iosie. 2. Reg. 22. 2. Par. 34

De impiis alia est ratio. Vita illorum abbreviatur. Vide Psal. 55. v. 24. Deut. 28. v. 21. Exempla. Ger & Onan. Gen. 38. Hophni & Pinehas. 1. Sam. 4. Interdum etiam diutius vivere finit (Eccl. 7. v. 16.) vel vt inuitet ad pœnitentiam. Rom. 2. v. 4. vel vt condemnatio grauior sit, si tempus visitationis gratiosæ non agnoscant. Ierem. 12. v. 3.

II. Pars.

Porro quæritur quid sentiendum de salute horum, qui aduersis & nonnunquam tristissimis casibus, vel in igne, vel in aqua, vel aliis modis pereunt? Hoc loco plerumq; solent homines admodum duri esse in iudicando. Patet id ex historia quam prælegimus: vbi sinistrè iudicant de Galilæis, & oppressis in Siloah. Ita iudicant Apo-

stoli de cæco. Ioan. 9. Et Melitenfes de Paulo Actor. 28. Ita amici Iobis. Iob. 4. & 5.

At nolite iudicare ante tempus, ait Paulus. 1. Cor. 4.

Ab externis euentibus non iudicandum sed suspendendum iudicium nostrum. Quia iustorum multæ tribulationes. Psal. 34. Et eadem eueniunt pio & impio. Eccles. 9. vers. 2.

Non condemnandi igitur qui sic pereunt, præsertim ubi fuerunt pij. Mors non separabit. Rom. 8. v. 38.

Domini sumus viuentes & morientes. Rom. 14. v. 8.

Quis igitur es qui iudicas? Rom. 14. v. 4.

Numquid non Latro in extremo mortis agone in gratiam receptus est à Domino?

III. Pars.

Tandem sciendum etiam, quare Deus interdum ob oculos ponat exempla talium casuum aduersissimorum.

Nec dubium quin multæ sint causæ nobis incognitæ, quasdam tamen expressit in verbo, & Christus de his hoc loco agit.

Aliter autem sese res habet cum impiis, quàm cum piis, ut suprâ etiam dictum.

In impiis tales casus Tragici sunt poenæ diuinæ exempla singularia. De hoc Deut. 28. v. 59. 63. Ezech. 22. v. 20. Ezech. 23. v. 32. Ose. 13. v. 8. Sophon. 1. v. 17. Iob. 21. v. 30. Prou. 29. v. 1. Psal. 73. v. 19. Exempla. Hophni & Pinehas. 1. Sam. 4. Simri & Casbi Num. 25. Absolom & Adonia. 2. Sam. 18. 1. Reg. 2.

Piis verò cum talia accidunt, non sunt signa irati Dei, (Patet exemplo Iosifæ) sed hac ratione alios ad poenitentiam vult vocare Dominus, teste Christo hoc loco,

Huc pertinent Ierem. 25. v. 29. 1. Petr. 4. vers. 17. Luc. 23. vers. 31.

At pauci de hoc cogitant. Eccl. 8. v. 11. Cæteri dicunt id Esa. 28. v. 15.

F I N I S.

AP.

APPENDICIS CLASSIS VII.

CASVS II.

De interf. etis à bestis.

EXEMPLVM I.

1. Reg. 13. à vers. 23. ad 31.

Historia de Propheta occiso à leone.

DISPOSITIO.

Mirabilis hoc loco sed & miserabilis legitur historia, de Propheta occiso à leone. Et cum alioquin Deus prohibeat, Psal. 105. v. 15. Prophetis meis nolite nocere, mirum videri posset, quare hoc Deus permiserit leoni. Imò si rectè considerauerimus hanc historiam, videbimus, quod Deus præceperit id leoni: & quod leo mandatum Domini fuerit exsequutus. Hanc historiam in præsentī funere excutere libet. Tres autem sunt partes huius historiæ notandæ.

1. Quis hic Propheta, & quomodo à leone occisus.
2. Quæ huius violentæ mortis causa.
3. De sepultura & humatione Prophetæ.

I. Pars.

Fuit hic, de quo historia refert, verus Propheta Domini (vir Dei appellatur vers. 1. capitis) qui habitauit in regno Iuda. Is Dei mandato (v. 1.) venit in regnum Israël, vbi Ieroboam idololatriam instituerat, & contra altare in Bethel clamat, &c. Vide vers. 2.

A Rege comprehensus, Dei miraculo singulari liberatur, cum Ieroboami manus subito exaruerit. Inuitatus à Rege (cum ad preces ipsius restituta fuisset manus) non vult cum ipso conuiuari, sed pergit ad locum suum, sicut in mandatis dederat ipsi Dominus.

Postea verò in Bethel reuersus, ibi cum alio Propheta pransus est: Cum autem post sumptum cibum redire vellet domum, in itinere occiditur à leone.

Sunt autem quædam circumstantiæ notandæ.

1. Quod leo in publicam viam egreditur clara luce, id alioquin illis non est vsitatum, vt Psalmo 104. v. 22. legimus.

2. Quod tantum occidit, non autem deuorat aut dilaniat hominem.

3. Imò quod affidet cadaueri mortuo, tanquam canis custoditurus corpus vsque dum adueniant qui tollant occisum.

4. Quodque asino quo vectus erat Propheta parcit, cumque nec dilaniat nec deuorat, neq; sicut Prophetam occidit, cum tamen illi per aliquot horas astiterit. Hæc non frustra annotata leguntur.

Voluit autem his circumstantiis docere Spiritus sanctus, leonem non fortè fortuna in via hac offendisse Prophetam, nec fame impulsus occidisse, vt prædam venaretur, sed singulari Dei consilio & mandato ex syluis & latebris huc euocatum, vt occidat hunc Prophetam, & parcat asino.

Locvs I. Videmus quàm varij sint casus, & varia genera mortis; Et quod multa etiam mortis pericula à brutis & bestiis immineant. Alius ictu serpentis perit, alium equus sternax, alium bos cornupeta occidit: pueri 40. ab vrsis laniantur. 2. Reg. 2. Samaritani à leonibus infestantur, 2. Reg. 17. Hadrianus I V. Pontifex à musca perimitur. Mures etiam nonnullos leguntur occidisse, vt Hattonem Episcopum Moguntinum, & Wilderolphum Argentinensem Episcopum, Popiellum Principem Polonum, atque Nobilem quendam, quem per mare sequuti mures occiderunt. Anno 1056. Nec desunt exempla etiam Magnatum qui in venationibus ab apris aut ceruis occisi sunt. Alij à canibus lacerati perhibentur, vt Diogenes Philosophus, & Heraclitus Philosophus atque Euripides poëta. Et infinita alia extant de bestiis. Hæc dicuntur vt intelligamus, nunquam nos posse nobis polliceri vitam, ne ad momentum quidem. Ita semper orandum,

randum, vigilandum, & si peccauimus mox cum Deo redeundum in gratiam. De quibus aliàs sæpè.

II. Videmus quomodo bestię etiam Dei mandata exsequantur fidelissimè. Patet exemplo huius leonis & alterius. 1. Reg. 20. v. 36. Et vrsorum. 2. Reg. 2. Hinc dicit, ego præcipiam serpentibus. Amos. 9. v. 3. Sic præcipit ceto. Ion. 1. in fine & 2. v. II.

Hęc facient ad excitandum timorem Domini: ne ipsum exasperemus peccatis, alioquin omnes creaturas in nos potest armare. Vide Psal. 148. v. 8.

Et vide exercitum Dei mirabilem Ioël. 2. v. 25. Expertus est hoc Pharaö cum suis, quid vel per pediculos possit Dominus. Exod. 8. v. 16.

II. Pars.

At quæ causa mortis huius? Vno verbo inobedientia. Acceperat enim mandatum ne in Bethel bibat aquam aut manducet panem. Ideò recusât manere cum Rege, vers. 9. Seductus autem à Propheta Bethelano patitur sibi persuaderi vt edat, ideò punitur. Hoc agnoscit ille alter Propheta & pœnitentiam agit, quod patet ex versu capitis 32. At de salute Prophetę æterna benè sperandum: quia Deus contentus fuit pœna temporali, cum alioquin fidelis fuerit.

LOCVS I. Videmus quantoperè Deus irascatur his qui inobedientes sunt mandatis illius, vt ne Prophetę quidem aliàs fidelissimo seruo parcat. Videtur res esse non magni momenti prandere cum aliquo: sicut Eua putat non esse rem grandem, decerpere fructum arboris, &c. Saul putat non esse rem magnam parcere pecudibus. 1. Sam. 15. vers. 21. At inobedientia grande scelus coram Deo. 1. Sam. 15. vers. 23. Strictissimè itaque seruanda mandata Domini. Non ad dexteram. Deut. 5. v. 32. Non addas nec minuas. Deut. 4. v. 2. Si enim Prophetę non parcit, quid de aliis fiet? Vide 1. Pet. 4. vers. 18. Luc. 23. v. 31. Rom. 11. v. 21. Non itaque dicendum: Numquid irascetur Deus

propter rem tam vilem? &c. Obediendum etiam in minimis. Et seruus sciens. Luc. 12. v. 47.

II. Videmus quæ causa sit, quod Deus interdum finit bestias grassari in homines, vt occidant: Peccatum scilicet & inobedientia. Ante lapsum dictum erat, Dominamini. Genes. 1. vers. 28. & post Genes. 9. vers. 2. Hinc aliquid de eo restat, quod puer potest frænum iniicere equo: quod baculo taurum regere, quod colla boum iugo subdere potest homo, &c. Interdum verò talia exempla ob oculos statuit Dominus, vbi bestix non faciunt officium, vt intelligamus à Domino illis alioquin imperari, non ab hominibus. Et vt admoneamur de peccatis, &c.

III. Pars.

Malè egit Prophetes Bethelanus, quod mendacio suo bonum Prophetam seduxit. Hoc agnoscit & pœnitentiam agit. vers. 32. Et rectè facit quod posthabito periculo (quod imminere videbatur à leone) corpus occisi tollit, honestè sepelit, eumque luget, &c.

L. I. Lugendi hi qui aduersis casibus perierunt: Non autem temerè iudicandi. Non enim illi magis peccarunt quàm cæteri, Christo teste Luc. 13. v. 5. Ab euentu iudicari non debet. Eccl. 9. v. 2. De his suprà.

II. Non sequitur animas etiam illorum perire, quorum corpora miserè perierunt. Alioquin infelices essent Prophetæ, Apostoli occisi, Martyres bestiis obiecti. Et si maximè certis peccatis alij sibi has attraxerunt pœnas, vt propheta hoc loco: tamen carnem tantùm vult perdere Dominus, vt Spiritus saluus sit, sicut Paulus habet. 1. Cor. 5. v. 5.

Si igitur ipsi incidamus in tales angustias peccata agnoscamus & pœnitentes oremus ad Dominum. Et saluabit animam. Si in aliis hæc fiant piis, cogitemus id Luc. 13. v. 5. & 23. v. 31.

F I N I S.

AP.

APPENDICIS CLASSIS VII.

C A S V S I I.

De interfectis à bestiis.

E X E M P L V M I I.

I. Reg. 20. à v. 35. ad 37.

De percusso à leone, propterea quod Prophetam vulnerare nollit.

D I S P O S I T I O.

Admodum mirabilis prima fronte apparet hæc historia, in qua videntur quædam stulta & ridicula, quædam verò iniqua & nimis seuera Dei iudicia describi. Stultum enim videtur, quod Propheta vult vulnerari, & ridiculum quod hoc nomine compellat proximum, quæso, percutite me. Quod aliàs inuitis non rogantibus accidit.

Vicissim iniquum videtur, quod iram DEI minatur Propheta ei, qui ipsi pepercit, & planè iniustum, quod propterea à leone occisus fuit.

Videamus itaq; has duas quæstiones.

1. Quare hic homo occisus à leone, iure ne an iniuria id factum.
2. Quare bestiis permittat Deus, vt occidant homines.

I. *Quæstio.*

Occisus legitur vir quidam à leone in via.

1. Hic primum quæri potest, vtrum singulari DEI consilio occiderit leo hominem, an id fortè fortuna factum à leone, forsitan famelico, aut dum venaretur prædam? &c. Dicimus autem, hoc singulari Dei consilio & mandato factum. Alioquin leo in via publica non oberasset, & hominem clara luce aggressus fuisset. Patet id inde, quod prædicatur à Propheta, Domino ita mandante, Percutiet te leo. Estque hic leo exequutor mandati Diuini. Sicut is I. Reg. 13. v. 23. Et sicut vsq; 2. Reg. 2.

2. Qua-

2. Quare autem occiditur hic homo à leone? Quia noluit vulnerare Prophetam.

At inquis, Numquid non propterea laudandus esset, quod parcat viro Dei? Et si vulnerasset leoni tradendus, sicut pueri illudentes Prophetæ, 2 Reg. 2.

Respondeo. Inobedientia hæc erat erga Dominum, & illa punitur. Licet enim hoc nobis videatur ridiculum, tamen singulari consilio voluit DEVS vulnerari Prophetam, ut viuam daret concionem Regi Benhadado.

Ideoq; Prophetæ illi indicat, hoc esse mandatum Dei, ut vulneret ipsum. Sic enim Textus clarè dicit: In sermone Domini dixit vir Dei ad socium suum, &c.

Et nouit ipse, hunc esse Prophetam Domini, atque potuit facilè coniicere, Non sine graui causa & consilio Dei Prophetam hoc petere, & ipsum non insanire facilè vidit. Ideoque sicuti peccasset percutiendo ipsum inuitum sine Dei mandato, iuxta id Psalm. 105. vers. 5. Nolite tangere, ita peccat non percutiendo volentem ex mandato Dei. Nec peccat alter ille, qui postea ipsum vulnerauit. Ideoque reprehenditur tanquam non audiens vocem Domini. Et pœnas dedit inobedientiæ percussus à leone.

[Certè nostrates multi prompti essent hac in parte, si modò illis liceret vulnerare ministros Domini impunè. Sie weren willig/bnd thetens vngeweten/wann sie solten Pfaffen abschnieren / oder wohl gar todt schlagen. De hoc iam plura addere nolumus.]

LOCVS I. Hic verò locus docet, quomodo Deus sua mandata strictissimè velit obseruari. Ideoque non licet nobis illa vel curiosè prius examinare, vel iuxta rationis nostræ ductum exsequi, & facere quod nobis videtur rectum. Testatur historia Saulis, 1. Sam. 15. v. 20. quomodo Deus reiiciat nostra effugia. Quod ego præcipio, hoc tantùm facito, Deut. 12. v. 32. Non quod tibi rectum videtur, Deut. 12. v. 8. Non addas, nec minuas, Deut. 4. Licet
absur-

absurdum videatur nobis tamen parendum. Abraham nihil disputat cum Deo, cum filium iuberetur occidere, Gen. 22. v. 3.

Placet Deo obedientia, 1. Sam. 15. v. 22.

L. II. Quomodo omnes creaturæ Dei, & bestię etiam, exsequantur mandata Domini, vide Dispositione præcedenti, parte prima.

L. III. Variis casibus homines interire. Vide ibidem.

II. *Questio.*

Miserabilis sanè casus est, si contingat hominem animam rationali præditum, ad imaginem Dei conditum, sanguine Christi redemptum, & in æternum saluandum, occidi & vita priuari à bestia vel animali bruto.

Et repugnat ordinationi diuinæ, qui non tantum ante lapsum hominem iussit dominari omnibus animantibus, Gen. 1. v. 28. Sed & post Diluvium benedicens hominibus, hoc adiecit, Gen. 9. v. 2. Terror vester sit super cuncta animalia terræ.

Neque negari potest, Deo permittente, imò etiam mandante (ut patet ex loco Amos 9. v. 3.) bestias grassari in vitam hominis. Patet id ex hoc loco, & 1. Reg. 13. simili ferè casu.

Respondeo. Propter peccatum & inobedientiam hominum Deus interdum præter communem naturæ ordinem agit, & homines rationales irrationalibus animantibus perdit, docens, si bruta faciant mandatum Domini, magis hoc decere homines. Si verò sint inobedientes, dignos esse qui pereant à bestiis. Faciant ergo Christiani officium, & serviënt illis vicissim bruta animalia: quod est singulare Dei beneficium. Alias homines illas bestias nec domare, nec illarum opera utri possent. Deo id acceptum ferendum, & gratiæ agendæ pro hoc. Pauci de hoc cogitant.

F I N I S.

AP.

APPENDICIS CLASSIS VII.

CASVS III.

De igne suffocatis vel absumptis.

EXEMPLVM I.

Leuitic. 10.

Nadab & Abihu filii Aharon igne absumpti.

DISPOSITIO.

Pfal. 148. v. 8. dicitur inter alia, quod ignis etiam exsequatur verbum & mandatum Domini. Exemplum istius loci habemus hoc loco, vbi miserabilis casus describitur, quomodo scilicet duo filij Sacerdotis Aharonis absumpti & adusti fuerint flammis vlttricibus.

Primum autem refert historia, quid peccauerint duo hi filij Aharonis, & quomodo Deum irritauerint.

Deinde verò quàm horribili mortis genere perierint, additur.

I. Pars.

Aharoni quatuor erant filij, Nadab & Abihu, Eleazar, Ithamar. Hi consecrati erant in Sacerdotes singulari ritu, vt videre est Leuit. 8. v. 1. & id factum erat septē diebus, Ibid. v. 34. Octaua autem die initium debebant facere facrorum, quæ diuinitus erant instituta. Atque sacrificante Aarone apparuit gloria Domini, vt sic publicè ministerium ipsius & filiorum confirmaretur. Ibi verò iram Dei in se concitarunt (duo illi Num. 3. v. 2. maiores nati filij) Nadab & Abihu, hoc pacto. Thuribulis suis imposuerunt thymiana aromaticum, vt suffitum facerent coram Deo, quod quidem erat præceptum & pars cultus, Exod. 30. At in hoc transgressi sunt mandatū Domini, quod ignem alienum obtulerunt. Debeant enim adolere illud thymiana, sumpto igne, qui restabat de eo, qui cœlitus erat delapsus, & (non sine miraculo, vt quicumq; adolere vellēt thymiana, illud de eo incenderent) sacrificium Aharonis

his absumpserat, vt in fine cap. 9. habetur. Capite autem 6. supra Dominus ita ordinauerat, vt ignis ille in altari perpetuò foueretur.

Disputant hîc & Hebræi & alij Patres antiqui, quodnam fuerit peccatum horum filiorum, quod Deus seuerissimè ultus est.

Alij sentiunt eos fuisse ebrios & temerè ingressos tabernaculum. Idque inde coniiciunt, quia mox in hoc capite filiis Aaronis vino interdicitur, cum debent sacra facere. vers. 9.

Et non omninò reiicienda est hæc sententia.

Alij dicunt peccasse, quod non lauerint sese, sicut præceptum erat Exod. 30. v. 19. & quod non omnes vestes sacras induerint, &c.

Alij dicunt, in hoc peccasse quod noluerint accipere uxores. Quia legantur fuisse maiores natu, & non habuerint filios. Num. 3. Hoc verò ineptum est. Et carent hæc opiniones fundamento Textus. Sufficiat nobis hæc causa, quam Spiritus sanctus apertè refert, quod peccauerint offerentes ignem alienum. Id sæpè repetitur. Num. 3. & 26.

L O C V S I. Licet autem nobis non videatur tantimomenti esse transgressio, vt Deus propterea in ipsos tam grauiter debeat animaduertere, tamen sic voluit nos D O C E R E Dominus, quod sua mandata strictissimè velit obseruari, & non addi illis quicquam, nec etiam detrahi, vt Deut. 4. & 12. præcipit. De hoc etiam supra Dispositionibus duabus præcedentibus nonnihil annotatum est.

L. II. Videmus quàm faciles sint lapsus humani, & quod etiam viri Magni, consecrati, spirituales, &c. à peccatis non sint immunes. Erant hi duo assumpti cum patre in montem, vbi Dominus legem promulgare volebat, & viderunt Deum Israel, vt habetur Exod. 24. vers. 9.

Erant nuper consecrati singulari ritu & à Deo ordinati. Iam peccantes pereunt. Itaque omnes necesse habent

bent orare, Remitte nobis, Psal. 32. v. 7. Nemo securus sit, sed timeat, Rom. II. v. 20. Qui stat, I. Cor. 10. v. 12.

Orandum, Ne auferas, Psal. 51. v. 14.

II. Pars.

Grauiissimè autem puniuntur hi Sacerdotes.

Etenim dicitur ignis à Domino egressus illos consumpsisse, vt mortui fuerint coram Domino. Non autem intelligendum est, corpora illorum in fauillas & cinerem redacta fuisse. Nam mox iubet illos Moses deportari extra castra, atque dicuntur vestibus lineis induti exportati. Sic nec vestes quidem absumpsit flamma. At flamma exanimauit illos, & interiora magis quàm exteriora adussit membra, vt subitò fuerint extincti. Sic pœnas dederunt temeritatis: quæ non semel in scripturis, sed aliquoties repetitur, Numer. 3. vers. 4. & 26. vers. 61. & 1. Paralipom. 25. vers. 2. De salute tamen eorum benè speratur.

L. I. Videmus Deum etiam interdum vti igne, vel cœlitus demisso, vel aliundè accenso, ad puniendos homines. Sicut initio concionis ex Psalm. 105. dictum. Extant exempla plura igne absumptorum, Num. 16. v. 35. 2. Reg. 1. v. 10. Simri Rex impius igne perit, 1. Reg. 16. Ergò qui timet ignem, caueat peccata. Nam ignis etiam inextinguibilis æternus aduret impœnitentes, Esa. 66. Matth. 25. Apoc. 20.

L. II. Sicut filij Aharon non creduntur igni infernali cruciandi, propterea quod corporaliter perierunt, ita de piis, qui in igne pereunt, non iudicandum temerè. De impiis alia est ratio, Apoc. 21. v. 8.

L. III. Si Deus consecratis suis, filiis summi Sacerdotis, nuper vnctis, nepotibus optimi, &c. charissimi amici Mosi non parcit, vbi peccauerunt, quid fiet de aliis, Luc. 23. v. 31. De his alibi supra.

F I N I S.

AF

APPENDICIS CLASSIS VII.

CASVS III.

De igne suffocatis vel absumptis.

LOCVS II.

Psal. 66. v. 12.

Transiimus per ignem & aquam, & eduxisti nos in refrigerium.

DISPOSITIO.

Congregati sumus hodie in funere hominis pij, & Ecclesiæ nostræ membri, qui incendio & igne periit. Quia igitur admodum miserabilis est iste casus, ideoq; consolatione atque doctrina opus erit. Hanc verò ex scriptura petere possumus & debemus, teste Paulo, Rom. 15. vers. 4. Placuit autem charitati vestræ in hoc casu luctuoso explicare verba Psalmi, quæ audiuiſtis legi, in quibus Propheta primum docet, quod ignis & aquæ periculis expositi sæpius sint pij. Deinde etiam gloriosam Domini liberationem ex igni & aqua commendat.

De his duabus partibus iam dicemus.

I. Pars.

Vt autem mentem Prophetę rectius intelligamus, primum dicendum, quid hîc per ignem & aquam intelligatur.

Per ignem autem non principaliter & in specie intelligitur ignis materialis aut elementaris, vel combustio aliqua aut incendium, quo interdum homines pereunt, (vt casus præsens docet) Sed generaliter sæpè in scriptura ignis pro cruce & tribulationibus quibuscunque, & pro quauis re lædente atque noxia, interdum etiam pro grauissimis tentationibus (quæ hominem sicut ignis adurunt & exsiccant) sumitur. Patet id ex Esa. 43. v. 2. Si transieris per ignem. Esa. 29. v. 6. Visitaberis flamma ignis deuorantis.

Qq

Thren.

Thren.1.v.13. Misit ignem, & Thren.2. v.3. Amos 7.v.4. Zachar.3.v.2. torris de igne, & 13.v.9. Marc.9.v.49. 1. Corinth.3.v.13.

Similiter etiam per aquas intelliguntur tribulationes, præsertim in Psalmis.

Psalm.18.v.17. liberauit de aquis multis.

Psalm.69.v.2.16. & 17. Psalm.124.v.4. & 5.

Psalm.144.v.7. Esa.43.v.2.

Thren.3. v.54.

Vbi verò aqua & ignis coniunguntur, vt hoc loco, & Esaie 43. vers. 2. Omnis generis tribulationes cumulatæ & quasi tempestates obruentes homines pios intelliguntur.

Ridiculum admodum est, quod Pontificij hunc locum ad ementitum suum purgatorium referunt. Cum sancti in his terris habeant suum ignem purgatorium, in quo tanquam argentum & autum in igne probantur & examinantur. Quia verò hîc aqua cum igne coniungitur, quis vis videt de igne purgatorij, quod ab aqua facile restinguitur, nullum hic verbum dici: nisi fortè purgatorium suum etiam in aqua locum aliquem occupare fingant. Sicut fingunt (referente Bellarmino & aliis) animam cuiusdam in stillicidio, aliam in aqua feruenti, aliam in gelida, aliam in balneis fuisse purgatâ. Sed mittamus hæc mendacia, & ad doctrinas huius loci nos conuertamus.

DISCIMVS autem hinc, Nunquam sine tribulationibus esse pios etiam & sanctos Dei homines. Psalm.34. Multæ tribulationes iustorum. Idem Aëtor.14.v.22. 2. Timoth. 3. v.12.

Et vnusquisq; habet quod ipsum torquet. Alius ignem sentit, hoc est, tela illa ignita, Ephes.6. v.16. alius aquam, quæ absorbere vult. Et qui ex vna tribulatione euaserunt, aliam exspectare coguntur. Sicut qui ignem effugisset, & in aquam demergeretur, aut vicissim. Vide querelas Pauli, 2. Cor.11. v.29. & cæteris.

Hic verò ignis à Domino succenditur non ad perendum

sum pios, sed ad probandum, ut patet ex 1. Pet. 1. v. 7. Syr. 2. Prou. 17. v. 3. Sap. 3. v. 6.

Atque vult Deus suos igne tentationum vstulare, ut ab igni inextinguibili Esa. 66. v. 24. præferuentur. Huc referenda etiam illa corporalis calamitas, si quis incendio pereat. Grauis quidem est, sed non talis, quæ animam etiam possit adurere. Et tanto tolerabilior, quod plures Christiani in ignem (si non corporaliter, spiritualiter tamen, sicut modò diximus) deducuntur. At sequitur liberatio.

II. Pars.

Eduxisti nos & refecisti. Sic enim habet versio germanica, pro eo quod Latinus habet, eduxisti nos in refrigerium.

CONSOLATIO hinc peti potest maxima, quod in maximis tribulationibus Deus suos non finat perire, sed clementer liberet. Sic enim promisit, flammæ te non absumant & aquæ non submergent. Quia ego tecum. Esa. 43. Nouit enim suos de tentatione eripere. 2. Pet. 2. Eripiam. Psal. 50. & 91. Vide etiam Thren. 3. vers. 31. Ose. 6. v. 2. 1. Sam. 2. v. 6.

At inquis, Nescio quomodo hoc verum sit, apud omnes, aut omni tempore? Videmus enim multos perire in tribulationibus illis. Prophetæ, Apostoli, Stephanus & alii Martyres in tormentis illis miserè interierunt? Respondeo. Non vna tantum est Dei liberatio, temporalis scilicet, sed etiam alia, & multò illa gloriosior, cum ad æternam vitam transmittit suos. Nemo rapiet animas illorum. Ioan. 10. Interim custodit. Psal. 34. vers. 21. numerat, Psalm. 56. vers. 9. & absterget, Esa. 25. Apocalyp. 21. Patienter ergo feramus omnia expectantes refrigerium. De quo etiam Christus Mat.

thæi 11. Ego reficiam.

F I N I S.

Qq 2

AP

APPENDICIS CLASSIS VII.

CASVS I V.

De fulmine ictis, aut de cœlo tactis.

EXEMPLVM I.

Hiob. I. V. 16.

Ignis de cœlo oves puerosq₃ consumpsit.

DISPOSITIO.

In Prouerbum abiit, cum de tristi aliquo nuncio sumus dicturi, vt nuncium Hiobis vocemus. Nota enim est historia, quod vna die Iob acceperit nuncium de quatuor casibus aduersissimis: quod scil. hostes Sabæi boues & asinas arantes, Chaldæi verò camelos abduxerint, & vtrique seruos occiderint. His verò non contentus Satan, filios & filias Iobis ruina ædium fratris primogeniti excitato vento horribili oppressit.

Vtque omnibus simul bonis exuatur, igne de cœlo tactas oves simul & pastores peremisse legitur hoc loco.

Cum itaque his diebus simile aliquid acciderit, non quidem in multis sed vna tantum persona de cœlo tacta, (aut pluribus) cuius funus iam comitati sumus, ideoque ad doctrinam & consolationem nostram præsentem historiam considerabimus, & ostendemus:

1. Qualis ille ignis, vnde accendatur, & quomodo, quando item & quare de cœlo mittatur.

2. Quid de his sentiendum, qui igne cœlesti absumpti vel suffocati pereunt.

I. Pars.

1. Ignem cœlitus demissum non semel ex sacra historia patet. Ignis demissus à Domino incendit sacrificium Aaron, Leuit. 9. Et 1. Reg. 18. Ignis Eliæ sacrificium absumit. Sic Salomonis, 2. Paral. 7. Item 2. Reg. 1. absumit milites Ahasiæ. Sic hoc loco oves & seruos Hiobis.

Ignis etiam Gomorrhæ & Sodomæ, atq; vicinam regionem vastat, Gen. 19. [Sæpè

[Sæpè aliàs ignis à Domino egressus legitur, vt Leuit. 10. Num. 16. & 26. &c.]

Neque defunt exempla nostri seculi, vbi ignis cœlitus demissus visus est.

Sed & omnibus constat, quid possint fulmina, siue clara (vt vocant Physici) siue incendentia. Tria enim fulminum genera faciunt Physici: Clarum, fuliginosum, & incensum. Multos sic periisse compertum est.

Anno 1604. 31. Iulii propè Stutgardiam in campo duo pueri cum duobus equis, quos illi pascentes custodiebant, fulmine perierunt.

2. At vnde ille cœlestis ignis? A quo accenditur? Certè à Deo. Licet enim physici variè de his rebus disputare soleant, tamen quia Deus in sua manu habet ignem, glaciem &c. Psal. 148. Ideo Psal. 18. v. 15. dicit, Dominum mittere fulmina sua.

Nec semel ipse Dominus apparet in igne, vel in aut cum flamma, vt Exod. 3. & 19. & 24. v. 17. Psalm. 97. v. 3. In igne apparebit quoque Dominus, & igne mundum est absumpturus. Esa. 66. 2. Pet. 3.

3. Quomodo verò ignem demittit? Vel immediate vt Leuit. 9. 1. Reg. 18. 2. Reg. 1.

Vel mediatè excitatis tempestatibus. Interdum etiam Satanæ tantum permittit vt ciere tempestates & ignem elicere possit, vt hoc loco. Et eleganter exprimit Textus hanc rem. Licet enim Satanæ opera in deiiciendo igne vsus fuerit Dominus, tamen ignis Dei dicitur decidisse. Quia is in manu sua habet.

4. Quando ignem Dominus demittit & quare? I. Olim hoc modo signum gratiosæ præsentia ostendere voluit, vt Leuit. 9. 1. Reg. 18. 2. Paralip. 7. II. At eodem signa iræ suæ dedit, vt Gen. 19. delendo Sodomam, & 2. Reg. 1. perdendo milites. Olympius Episcopus Arianus, cum Trinitatem blasphemaret, ignito triplici iaculo cœlitus veniente, multis videntibus ictus est. III. Sed interdum etiam probaturus suos (aut alias etiam ob causas,)

Qq 3

Sata-

Saranæ, vt noceat igne, permittit, ei tamen terminum præfigit, vt hoc loco. Et quod hæc planè sint in ipsius arbitrio posita, hinc patet, quod in ictu fulminis mirabiliter agit contra & præter omnem rationis nostræ intellectum.

Interdum hominem necat fulminis ictu, vt ne vestigium vllum cœlestis iniuriæ appareat in corpore.

Exempla possent adduci, vbi monile aureum in collo nobilis mulieris liquefactum, & læsum fulmine, ipsa muliere nullatenus, nec læsa nec occisa.

Hieronymi Fracastorij mater, dum ipsum infantem in vlnis gestat, fulmine tacta perit, ipso infante illæso.

Martia Romanorum princeps, teste Plinio, cum grauida esset, fulmine icta est, exanimatoque partu citra omne aliud incommodum vixit. Quin & dolia fulmine claro exhauriuntur intactis eorum operimentis: aurum & argentum in sacculis liquatur, nec sacculi aliquo modo amburuntur, ne confuso quidem ceræ signo, quo erant obsignati, &c Miranda hæc exempla testantur mirabilem illum Dominum hunc ignem accendere, demittere & dirigere pro lubitu suo.

I. **DOCENT** itaq; Dei prouidentiam in his casibus considerare, vt intelligamus, neminem fortuito casu sic lædi, cum capillus capitis cuiusque Dei manu sit numeratus, Matth. 10. Luc. 12. Nemo itaq; sine Dei voluntate aut ignorante vel ipso de cœlo tangitur. *Dañ er ist tein blinder Schütz/ vnd weiß wohl wen er treffen will: Auf den zihlet er auch.*

II. Impij sunt, qui nec fulgura nec fulmina Dei tonantis timent vel curant: cum exemplis testetur, quid possint illa Dei tela.

III. Pari impietate laborant, qui non Deo sed sagis & miseris mulierculis tribuunt tempestatum & fulgurum atque grandinum simul & fulminum coctiones, vt ipsorum verbis vtar. Quamuis enim non negari possit, posse Diabolum Deo permittente (alias enim planè est impotens,

tens, ut patet exemplo Matthæi 8.) ciere tempestates, & damnum dare, sicut ex hac ipsa historia manifestum est, vicissim tamen certum est, miseros homines à Satana fascinosos, planè nihil horum suis herbis & verbis atq; coctionibus (quæ sunt gramina cocta Medæ) &c. efficere posse.

IV. Nec absunt ab eadem impietate hi, qui nescio quibus superstitionibus, aut Magicis artibus, ridiculis etiam interdum suis commentis (quæ referre pudet) fulmina & diuina illa tela posse auerti, & aliorum dirigi fabulantur. Cum apud Christianos extra omne dubium sit, non posse iram & supplicia Dei, nisi seria pœnitentia & piis precibus auerti aut inhiberi.

Legimus Anastasium Imperatorem, cum ex oraculo sibi fulmine pereundum didicisset, Tholotum ædificium construxisse, in quo degit, sed frustra. Quia fulmine ictus in eodem ædificio mortuusq; inuentus legitur. Sic enim ipsum pœnas suæ impietatis dedisse referunt.

II. Pars.

At quid de salute eorum sentiendum, qui vel fulmine icti, vel igne cœlesti absumpti sunt?

Duo genera hominum de cœlo tactorum nobis scriptura proponit.

Alij planè sunt impij & impœnitentes, de quorum impietate constat, ut Sodomitæ, Genes. 19. Tales sic pereunt corpore & anima. De his enim nulla spes superest. His ira Dei est ignis consumens & deuorans.

Et post hunc ignem sentient æternum illum & inextinguibilem. Cuius vult interdum signa ponere ob oculos, ut pœnitentiam doceat.

Sed & alij leguntur igne cœlesti absumpti, de quibus non constat, quod fuerint impœnitentes & reprobi. In horum numero sunt hi serui Hiob, igne absumpti.

Ita Nadab & Abihu igne à Domino pereunt, Leuitic. 10.

De horum salute benè speramus, quod Dominus corporali pœna sit contentus.

Quod si piis aliquid tale accadat, sciendum, Deum suos interdum igne tribulationum corporalium probare, & electos reddere, & ab igne infernali præservare velle.

His ignis etiam in bonum cooperatur, vtpote Deum diligentibus, Rom. 8. nec potest ignis separare à dilectione Dei, Ibidem.

Et nisi constet fulmine ictos omninò fuisse malos & impœnitentes, non sunt temerè iudicandi. Idque ex sententia Luc. 6. v. 37. Rom. 14. v. 4.

Huc pertinet id Christi, Luc. 13. v. 2. Et si pij fuerunt, cogita quid futurum de impiis, 1. Pet. 4. v. 17. Luc. 23. v. 31. Impiis alius ignis expectandus, qui Diabolo paratus est, Matth. 25. Apoc. 20. & 21.

F I N I S.

APPENDICIS CLASSIS VII.

C A S V S I V.

De fulmine ictis aut de cœlo tactis.

EXEMPLVM II.

Leuit. 10.

Historia de Nadab & Abihu igne egresso à Domino absumptis, potest huc etiam referri, sua quadam ratione. Etenim licet non per omnia respondeant presentis casus exempla, tamen doctrinæ ab instituto non sunt diuerse, aut alienæ. Historia autem hæc ex Leuit. 10.

capite supra tractata est in hoc Appendice, inter exempla casus

Tertii.

AP-

APPENDICIS CLASSIS VII.

CASVS IV.

De fulmine ictis aut de cœlo tactis.

EXEMPLVM III.

2.Reg.i.verf.10. & 12.

*De duobus Quinquagenariis igne cœlesti absumptis
propter Eliam.*

DISPOSITIO.

Horrenda est historia, qua describitur, quomodo duo SemiCenturiones singuli cum quinquaginta militibus igne cœlesti fuerint absumpti. Crudelis etiam videtur magnus ille Propheta Domini Elias, qui illis hoc malum fuit imprecatus. At si hanc rem paulò altius consideraerimus, patebit, nec inique egisse Prophetam, nec iniuriam factam militibus.

Primum igitur, Quinam hi fuerint milites, & quid a-
cturi venerint ad Prophetam.

Deinde quid illis acciderit, &c. videbimus.

I. Pars.

Paucis hoc loco recitanda historia ex 2.Reg.i. cap. Æger ex casu quodam Ahasias Rex Israël, mittit ad Idolum Baalsebub legatos, vt consulant oraculum, an possit sanitati restitui. Legatis obuiam fit Dei mandato Elias, & iubet illos Regi mortem denunciare, & eundem reprehendere grauissimè, quod Idolum vellet consulere. Legati domum reuersi referunt & verba Eliæ, & quo is sit vultu atque vestitu indicant.

Ex habitu agnoscit Rex, esse ipsum Eliam, quem cum patre Ahabo haud semel viderat.

Iratus itaque mittit SemiCenturionem cum cohorte, vtque Eliam captiuum ipsi sistant ilicò, mandat grauter in ipsum animaduersurus.

Cum quinquaginta igitur militibus egreditur Quin-

Q9 5

qua-

quagenarius, & cum Eliam offendisset sedentem in monte, ipsum compellat, Vir Dei, Rex mandat, ut descendas. Et nisi id feceris, ego te manu armata comprehendam atque regi sistam. Cumque primus periisset, secundus mittitur cum totidem militibus. Et is fere iisdem verbis compellat Prophetam. Inquit aliquis, Quid quaeso hi SemiCenturiones cum suis militibus peccarunt?

1. Exsequuntur sui Regis mandatum, Numquid faciendum quod Rex praecipit?

2. Non integrum illis erat disputare cum Rege, quid velit ipse statuere de Elia. Potuisset forsitan Propheta se Regi excusare.

3. Praeterea titulum honoris praemittunt, & vocant virum Dei. Numquid non rectè hoc? Quid igitur in illis desiderat Elias quod tantoperè ipsis irascitur, ut perdere velit?

Respondeo. Ex hoc ipso titulo cognosci potest, quod grauitèr peccarint hi milites.

Vel enim serio ipsum sic vocat primus & secundus Capitaneus, (*Dannes ist einer wie der ander*) & agnoscit (quod potuit ex miraculis quibus celebris erat Prophetæ) Dei Ministrum esse Prophetam. Ideoque malè agit, quod Dei Ministrum vult vi pertrahere ad necem, & in capitis discrimen adducere. Neque excusat ipsum mandatum Regis, Deo magis obediendum, quam hominibus. Act. 4. & 5. Et debuisset ipsum humiliter alloqui, sicut fecit Capitaneus tertius. At hic armata se ipsum manu comprehendere posse & inuitum ad supplicium rapere putat. Imò quia constitit ipsi Regem iratum Prophetæ, ideoque Regem potius mittigare debuisset, & hanc legationem detrectare aut deprecari. At miles est, qui Regi etiam impio pro offa seruit.

Aut si non serio sed per Ironiam, (ut plerique sentiunt) sic compellat Prophetam, impius est irrisor Dei. Qui enim vos spernit me spernit. Luc. 10. Et non leuius peccatum committit. Vult enim illius vaticinium de morte
fui

fui Regis irridere, quasi id Propheta non sciat, tanquam Dei oraculum.

L o c v s. Nihil hic de Rege dicemus, sed tantum de militibus & Capitaneis eorum.

Qualis autem capitaneus tales etiam sunt milites, qui nec ipsi in capiendo viro Dei suam obedientiam debuissent præstare. At sunt omnes prompti & parati, ut miserum Dei ministrum rapiant ad supplicium. *Sie haben eben ein guten Lust zum Pfaffen.* Sic plerumque fit. Quia ministri vaticinantur impiis quæ non placent, sicut Ahab de Michea queritur. 1. Reg. 22. vers. 8. Esa. 30. vers. 11. & Mich. 2. Si essem mendax. vers. 11. At discamus Deum sic irrideri Luc. 10. v. 16. Ideoque non procul abesse poenam: quod hi sunt experti. Et pueri deridentes Eliseum. 2. Reg. 2. Et illudentes Ieremiæ. 1. Thes. 4. vers. 2. Mandata dedimus per Iesum. Voluntas hæc Dei est. &c. Et vers. 8. Qui contemnit non homines sed Deum spernit.

Et si maximè non cadat ignis de cælo mox ubi peccasti, tamen ignis infernalis aduret te.

L. II. Impia nec Regum quidem mandata sunt exsequenda. Vide Ex. 1. v. 21. & 1. Sam. 22. vers. 17. Nec excusati erunt tales ylla ratione. Act. 5. v. 29. At nemo ferè est qui contradicat. Principem magis timent quam Deum.

II. Pars.

Intelligit Elias ipsos irridere Deum, ideoque ipso facto vult illos experiri, utrum sit Minister Dei. Si sum vir Dei, decidat ignis. &c. De repenti ignis absumpsit utrumque Capitaneum cum suis.

Quæritur, an non peccauerit Elias vindictæ cupiditate? Res. Fuit zelus diuinus. Et Propheta non suum, sed Dei honorem sic voluit asserere. Et diuinitus fuit excitatus Elias multaque eius facta sunt singularia & heroica, quale illud etiam 1. Reg. 18. v. 40. ideoque non imitanda. Et diuina fuit hæc poena, ideoque dicitur v. 12. de cælo ignis Dei cecidit. Neque verò quisquam debet ex cupiditate

vindictæ imprecari proximo malum, & ignem cœlitus (si posset) euocare. Ideò Christus reprehendit Apostolos, Lucæ 9. idem tentantes, v. 54.

Et non facta fuit iniuria illis militibus ex causis supradictis. Ideoque metuendum, ne corpore & anima simul perierint.

DISCIMVS autem, Ignem quoq; interdum seruire & militare Deo contra peccatores: vel cœlitus demissum, vel quoquo modo ad nocendum à Deo destinatum, Psal. 148. Exempla extant Leuit. 10. Num. 16. & 26. v. 10. Alia verò plura exempla supplicij per ignem extant alibi, vt Iosue 7. Achan. Ossa Prophetarum 2. Paral. 34. v. 5. Et Simri Rex, 1. Reg. 16. v. 18. Et qui sic in sua impietate pereunt, etiã perpetuo igni reseruantur, Esa. 66. Apocal. 20. & 21. Nec hi tantum, quos hîc ignis adussit, ibi sentient vstulationem (piis enim nec ignis damnum dabit animæ, vt supra ex Rom. 8. v. 28. & ibid. v. 39. sæpè dictum) sed quibus hic Deus parcat, illi maioribus flammis reseruantur.

Si itaque non times fulmèn, si non incendium, tamen metuas æternum illud gehennæ incendium. Si vis effugere, pœnitentiam age, &c.

APPENDICIS CLASSIS VII.

CASVS V.

De dolosè occisis.

EXEMPLVM I.

2. Sam. 3. à v. 26. ad 28.

Historia Abneri occisi à Ioabo.

DISPOSITIO.

Describitur nobis in hac historia tristis admodum & luctuosus casus, vbi Princeps quidam Israhëlis & Vir Magnus (ipso Rege teste, versu cap. huius 38.) occubuit.

Neq; verò id factum in bello & ab hostibus, quod fuisse

set tolerabilius, sed in pace nefariè occisus est à filiis iniquitatis, (vers. 34.) sub prætextu amicitiae.

Cum autem & occisus & occidens fuerint magni viri & Principes militiæ atque in aulis suorum Regum primarii, vtriusque personam considerabimus, vt sic 1. in Abnero iustum Dei iudicium, 2. in Ioabo autem exemplum hominis subdoli videamus, atque multa quæ in ipso concurrunt vitia vitare discamus.

I. Pars. De Abnere.

Abner fuit vir bellicosus & strenuus, Dux militiæ temporibus Regis Saulis, & vir magnæ authoritatis apud Israël. Et ipse verè est Rex. Isboseth tantum titulum gerit regis. Erant autem Saul & Abner patruces. At iuxta Psalm. 62. vers. 10. Viri magni etiam haud rarò hallucinantur grauissimè.

1. In hoc igitur peccauit Abner, quod contra Dei voluntatem conatur regnum Israël transferre ad Isbosethum cognatum suum, filium Saulis, quauis non ignoret, reprobata à Deo familiam Saulis, & electum Dauidem, quod ipse tandem coram senioribus fatetur. v. 17.

2. Deinde quod deficit à Rege & cognato suo, nec id quoque laudari potest. Quia non habet eius rei iustam causam. Satiùs fuisset primùm dehortari Isbosethum, ne regnum affectaret. Quia omnia erant in manibus Abneri, ipsum etiam cor regis. At reprehensus Abner propter scortationem cum Rizpa concubina Saulis, vindictam meditatur. Et iurat se translaturum regnum ad Dauidem. Quamuis igitur videatur rectè fecisse Abner, quod Dauidi regnum Israël à Deo destinatum restituit, tamen alium finem habet Abner, scilicet, vt reprehensionem Isbosethi iustam vindicare iniuste possit. Ideò hoc non fit amore Dauidis, sed odio Isbosethi.

Hæc ideò dicuntur, vt cum sumus audituri eadem Abneri, intelligamus Dei iudicium. Licet enim Ioabus malitiosè egerit: tamen Deus sic suum exsequitur iudicium.

cium. Joab hat nit recht gethan. Dem Abner aber ist nit vnrecht geschehen. So strafft Gott allzeit einen bösen Buben mit dem andern.

Sed & alia causa fuit quare Deus patiatur occidi Abnerum, hæc sc. vt intelligant omnes, non hominis Abneri scilicet (licet is multa prolixè de hoc polliceatur) sed Dei beneficio Dauidem regno Israël potitum fuisse.

DISCIMVS autem in Abnero, Neminem quiequam vel sibi vel aliis posse promittere de futuris euentibus, quia nesciat, de se quid futurum sit. Abner putat se in pace abiturum à Rege, & omne Regnum se ad Dauidem translaturum. At eadem die occiditur antequam Sol occidat. Notanda itaque in omnibus actionibus hæc scripturæ loca. Prou. 27. v. 1. Iac. 4. v. 13. Psal. 146. v. 4.

Et hanc quidem ob causam omninò necesse est, vt ad hunc scopum dirigamus omnia nostra consilia, vt seruiant gloriæ Dei, salutis proximi, & pacatam atque tranquillam nostram faciant conscientiam, vt quacunque hora, & quocunque mortis genere pereundum sit, nos habeamus Deum propitium, & relinquamus nomen bonum in terris, quod omnibus thesauris est pretiosius. Prou. 22. Syr. 42.

L. II. Quod si etiam alii cuidam viro honesto & pio idem accidat quod hic Abnero, non debemus de tali casu temerè iudicare. Semper enim Deus habet suas causas quare id permittat. Iudicium autem Dei, Augustino teste, occultum esse potest, iniquum esse non potest. Nec potest talis aliquis licet tristis & aduersus casus nocere salutis piorum. Quia mors non separat. Rom. 8. v. 38.

II. Pars. De Ioabo.

Pessimè cum Abnero agit Ioabus, & ipse vir magnus atq; cognatus Dauidis, Dux militiæ & magnæ authoritatis apud populum &c. propter peritiam belli & fortitudinem, quam demonstrauit 1. Chron. 12. v. 6. & alibi passim.

Peccat autem multifariam. I. Quod reuocat Abnerum,

rum, & quem Rex in pace dimisit, ipse in bellum (vt sic dicam) vocat. Et quod non parcit illi, cui Rex parcit.

2. Quod ex vindicta priuata occidit Abnerum, propter Asahelem fratrem. Cui tamen non erat facta iniuria. Vide 2. Sam. 2. v. 22. *Er wolt nit anderst.*

3. Meruit Ioab ne Abner ipsi præferatur à Dauide. Sicque ex ambitione peccat.

4. Pessimum est, quod simulat amicitiam, & non aperto Marte pugnat cum Abner, sed dolosè occidit.

Ideoq; etiam suo tempore pœnas dedit, 1. Reg. 2. v. 34.

Locvs I. Cauendum ne peccemus vindicta priuata. Mea est ultio. Ego retribuam, Deut. 32. v. 35.

II. Tuta frequensq; via est per amici fallere nomen,

Tuta frequensq; licet sit via, crimen habet.

Osculum Iudæ. Dolosi non dimidiabunt, Psal. 55.

III. Cauenda homicidia. Non tantum propter vindictam Magistratus, qui non potest nec debet parcere. Gen. 9. v. 5. Ab altari rapiendi, Ex. 21. v. 14. quod experitur Ioab, 1. Reg. 2. Sed & propter id 1. Ioan. 3. v. 15.

F I N I S.

APPENDICIS CLASSIS VII.

C A S V S V.

De dolosè occisis.

EXEMPLVM II.

2. Sam. 20. à v. 8. ad II.

Historia Amasæ occisi à Ioabo.

DISPOSITIO.

Syracides noster capite octauo de iracundis & audacibus pronunciat, quod illis fundere sanguinem humanum res nihili sit. Vide v. 19. Id profectò tanquam in speculo cernitur exemplo Ioabi Ducis militiæ Dauidis. Is enim cum pro re ludicra habuisset cædem viginti quatuor virorum, in Helcat Hazurim, 1. Samuel. 2. vers. 16. suaque

insu-

insuper manu magnum illum Abnerum (à quo Asahel frater interfectus erat) occidisset, iam etiam cognatum suum Amasam dolosè confodit, à quo ne vno quidem verbulo læsus erat. Parum enim ipsi est fundere sanguinem humanum.

Quia verò etiamnum hodiè reperiuntur homines ad eò cruenti aut crudeles, (quod præsens funus docet) historiam præsentem & factum Ioabi examinabimus, & doctrinas inde nostro tempore admodum necessarias extruemus.

Paraphrasis Textus.

Verè vir sanguinum erat Ioabus, vti scriptura tales vocat. Et sanè quod in bello est strenuus & hostes sui Regis necat, id ipsi vitio non vertitur. 1. At hoc nomine reprehenditur à Dauide morituro (qui ipsum propterea vult rapi ad supplicium 1. Reg. 2. vers. 5.) quod effuderit sanguinem belli in pace. &c. Et à Salomone, cap. eodem v. 29. quod occiderit meliores se.

2. Videturque scriptura hoc illi vitio vertere, quod gladium gestarit ad hoc fabrefactum (sunt verba scripturæ quæ sequuntur) vt leui motu egredi posset & percutere. *Sein Schwert stecke jhme gar lenß.*

3. Hoc verò demum intolerabile est, quod Amasam commilitonem suum, Ministrum Regis Davidis, à quo non erat læsus, occidit, dum in itinere est, vt exsequatur mandatum Regis, & insequatur Seba seditiosum.

4. Crudele est quod occidit eum, qui erat sanguine ipsi iunctus. Consobrini erant Ioab & Amasa. Erat enim Amasa filius sororis Davidis Abigailis. Sic & Ioab filius alterius sororis Davidis, Saruix.

5. Quodque aliam sui homicidii causam nullam habet, quam ambitionem & inuidiam. Metuit enim ne ipsi præferatur Amasa, quia in locum illius à Dauide erat surrogatus. 2. Sam. 19. v. 13.

6. Plane Diabolicum autem est hoc, quod simulat ami-

amicitiam. Salutat Amasam: Osculatur ipsum. Et interim subdole nihil talè metuentem aut cogitantem occidit, atque tanta vehementia ipsum configit, vt ex primo & vno hoc vulnere mox expirârit Amasa.

Quantum verò attinet ad Amasam, in ipso cernitur iudicium Domini: qui permisit ipsum occidi propterea quod sese Absolonî seditioso coniunxit. Ignouit quidem hoc illi David, vt patet 2. Sam. 19. v. 13. Et licet excusari sua quadam ratione videatur cum cæteris, quod Absolom ipsis furatus fuit cor, (vt est in 2. Sam. 15. v. 6.) tamen Deus illum punit. Quia verò ad Dauidem rediit, puto illum etiam agnouisse peccatum, & cum Deo quoque rediisse in gratiam, sicut cum Rege. Ideoque ipsum non condemnabimus.

L O C I.

I. Pauci cogitant quàm grande & inextinguibile scelus coram Deo sit, fundere sanguinem humanum. Patet id ex Gen. 9. vers. 5. Exod. 21. v. 14.

Vide quam execrandum sit, Gen. 4. v. 11. Exod. 21. v. 28. & seqq. Deut. 27. v. 24. Prou. 6. v. 17. Ezech. 33. v. 25. Patet inde etiam grauitas & atrocitas huius delicti, quod leges dedit de expiando homicidio, cuius author ignorabatur, Deu. 21. v. 1. & seqq. multis. Nec omninò immunis ab omni pœna est etiam qui homicidium inuoluntarium commisit. Exod. 21. v. 13. Num. 35. v. 22. Deut. 4. v. 41. & 19. v. 4. Tam pretiosus coram Deo est sanguis humanus.

Hoc pauci cogitant. Denen die Rappir so leich geschehen / wie dem Joab. Nec possunt excusari, qui hodie gladios gestant, fabrefactos ad perdendum homines promptu, in pace. [Nam in bello iusto & legitimo alia est ratio, ibi valet regula illa, Jerem 48. v. 10.] Nec excusat illos coram Deo quando dicunt, Es ist vor der Faust geschehen. Quasi verò propter leuē offensam liceat occidere hominem. Es sen vor der Faust / oder hinder der Faust / satis est to esse homicidam. Vita ergo æterna indignus

es. i. Ioan. 3. Quod si Magistratus non facit officium, tamen Deus puniet, vel in hac vita, ignominia & cæde, iuxta id Gen. 9. v. 6. vt Ioabum: vel tamen in altera, Apoc. 22. foris homicidæ, v. 15. Apoc. 21. v. 8.

II. Diabolicum illud vitium Ioabi & Iudæ, qui sub osculo fidem fallunt, caueant omnes. Etenim illos singulariter detestatur Dominus, Psal. 5. v. 7. & 55. v. 24.

Multò autem magis hodiè communia sunt illa homicidia, quæ sub prætextu amicitiae, & sub osculo plerumq; committuntur lingua [Ier. 18. v. 18.] quàm violenta illa. Quantò autem vſtatiora, tantò deteriora. Vide Ier. 18. v. 23. Væ illis.

F I N I S.

APPENDICIS CLASSIS VII.

CASVS V.

De dolosè & nefariè occisis.

EXEMPLVM III.

2. Sam. 4.

Historia Isbosethi, à Baena & Rehob fratribus perfidè occisi.

DISPOSITIO.

Miserabilis est historia, quæ docet, quàm miserè Isbosethus ille filius Regis Israel, atq; adeò vir illustris, & iustus (sicut Dauid ipsum vocat vers. 11.) à suis ministris in lecto dormiens, occisus fuerit. Facinus sanè auditu horrendum & crudele. Quia verò nonnullæ circumstantiæ principaliter sunt considerandæ, hanc historiam ordinè tractabimus, & memoriæ iuuandæ causa tres personas observabimus.

Primò, occisus miser Isbosethus considerandus.

Secundò, considerandi perfidi parricidæ & latrones.

Tertiò, Rex Dauid, mercedē dans parricidis pro nuncio, (vers. 10.) was er jhnen zum Bottenbrodt gegeben.

I. Pars. De Isbosetho.

Ex filiis Saulis vnus videtur superstes fuisse Isbosethus; vir regno parum aptus, qui forsitan istud non affectasset, si non Abneri consiliis & auspiciis res gesta fuisset.

Confidit autem in Abnero suo Duce & quasi prorege. At is iam deficit, & occiditur. Iam miser neminem habet qui ipsi ferat opem, præter Capitaneos illos fratres, Baena & Rehob. Illi sunt homines perfidi. Tandem itaque videt & experitur, Deum ipsi regnum non destinasse. Et debebat sanè iam ante illud in manus Davidis resignasse, quem sciebat regno magis aptum, & à Deo electum. Debebat exemplo parentis sui edoctus rectius sapere, & sceptrum tradere yncto Dei. At ipse Davidi bellum infert, & contra voluntatem Dei regnum paternum sibi seruare cupit.

Grauitè ergo Deum offendit. Ideoque etiam grauitè punitur. Occiditur miserè: At non in bello, sicut Ionathan, qui fratre multò est felicior. Nec ab hostibus, sed à seruis. Non pugnans, sed dormiens in lecto suo, ipsa meridie. Fortassis etiam ebrius, aut tamen de peccatis non pœnitens necatur. Verè igitur miser Rex fuit, & nunquam fœlix.

L o c v s I. Videmus verum esse istud Syracidis cap. 10. & 40. Cinerem & puluerem atque adeò mortalem & miserum atque omnibus miseris æquè subiectum eum, qui coronam gestat in capite, ac eum qui induitur cilicio.

Hoc si considerare possent personæ illustres, nobiles atque potentes, fortassis minus peccarent superbia, iniusta oppressione pauperum, voluptatibus, &c.

L. II. Videmus quàm incerta sit vita nostra & quàm inconstans: vt non semper de lecto surgat qui cubitum iuit in pace. Ideoque necesse, vt Deo animam corpore dormiente custodiendam piis precibus commendemus: & cum Deo redeamus in gratiam. Quia media vita in morte sumus.

III. Videmus Deo inuito neminem nec vitam, nec

regnum nec opes, &c. posse seruare. Nec valere consilium aduersus Dominum. Prouerb. 21. vers. 30. Itaque uiuat quilibet sua sorte contentus. Magnus quæstus pietas. 1. Tim. 6. vers. 6. Satiussuisset Isbosetho uiuere apud Dauidem, & haberi in honore & pretio, sicut Mephiboseth, quam Regem esse miserum duorum annorum & miserabiliter occidi.

Itaque rectè monet Syr. 3. v. 22. Altiora non quæsieris, &c. Et ibidem v. 19. Humili loco manendum.

IV. Hominibus non fidendum vltra quàm par est.

Nunquam autem in ipsis confidendum. Ierem. 17. v. 5. Abner erat cognatus, Baëna & Rehob custodes corporis Isbosethi: at perfidè agunt omnes, erga virum iustum, scilicet quantum ad ipsos attinebat, cum quibus non iniquè egerat Isbosethus.

II. Deparricidis

Filij Rimmon vocantur Baena & Rehob, & haud dubiè fratres fuerunt.

1. Connumerantur Beniamitis, atque adeò contribules Isbosethi. 2. Imò sunt ipsius serui: nec vilioris conditionis homines, sed officiis honestis ab ipso præfecti & Capitanei. 3. Atque his pater aditus ad Regem omni tempore. 4. Et iam hoc ipso tempore accipiunt sua stipendia, triticum è domo Isbosethi. 5. Patet ipsis aditus in cubiculum Regis. 6. Ipsum & dormientem & vigilantem debebant custodire. 7. Ecce hi perfidè occidunt Dominum suum. 8. Nec satis. Sed caput abscindunt. 9. Et quasi re benè gesta properant ad Dauidem: Ecce caput inimici tui, &c. Quæ causa huius cædis nefariæ? Sperant præmium, & locum honoris se apud Dauidem inuenturos opinantur: cum videant iam omnia ad Dauidem spectare. Itaque deficiunt à Domino suo, &c.

Locvs I. Videmus qualia sint ingenia humana, inconstantia & ad fortunæ nutum propendentia. Cum Isbosethi res adhuc viderentur benè habere, cum ipso
sunt

sunt Abnerus & hi Capitanei. Mox verò resiliunt, imò occidunt Dominum perfidi. Tempora si fuerint nubila, solus eris. Itaque non confidendum hominibus, ne quidem coniunctissimis. Psal. 118. vers. 8. 9. sed Domino, qui non fallit fidem. Aut enim non possunt homines iuuare, morte praeventi, Psal. 146. v. 4. aut non volunt perfidi. Ier. 9. vers. 4. & seqq.

II. Videmus nullum esse tam grande facinus, quod committere non ausint homines, ex cupiditate alicuius lucri, vel honorum aut gloriolæ, vel nummorum. At quid prode it homini lucrari mundum? Matth. 16. v. 26. Non itaque malè agendum propter lucrum terrenum. *Es wird dich zu thewer ankommen.* Psal. 49. vers. 9. *Nosset zu viel.*

III. De cauendis homicidiis supra suo loco. Vitam æternam an ittunt. 1. Ioan. 3. Magis id fiet de parricidis. Grande nefas. Dauid rectè sent. 1. Sam....

III. Pars.

Sperant parricidæ mercedem nuncij & præmium. Itaque cum præfatione pomposa tradunt caput Isbosethi Regi Dauidi. At is mercedem dignam se illis daturum promittit, quale dederit nuncianti, se occidisse Saulem. Truncatis igitur manibus & pedibus suspendi ipsos præcipit in Hebron, vt intelligatur quantoperè detestetur Dauid istud parricidium. Caput verò Isbosethi sepeliri curat. Et sic Deum sentit propitium.

Lo c v s. O dignum factis præmium. Exemplum imitandum omnibus Magistratibus, vt non tantum sanguinem effusum vindicent, sed & omnibus assentatoribus, & delatoribus, qui lingua occidere alios tentant, Ierem. 18. v. 18. talem reponant mercedem.

Si id fieret, multi boni viri de vita & honore non periclitarentur. Si id non fiat, iudicabit Dominus suo tempore omnes iniquos.

F I N I S.

Rr 3

AP.

APPENDICIS CLASSIS VII.

CASVS VI.

*Continens precipitatorum aut casu vel lapsu pereun-
tium exempla.*

EXEMPLVM I.

I. Sam. 4. à v. 13. ad 19.

Eli Sacerdos senex de sella cadens cervicem fregit.

DISPOSITIO.

Describitur hoc loco mors magni illius viri, qui caput
Israëlis erat, in Ecclesia & Politia, Heli videlicet. Is enim
simul & summus Sacerdos & Iudex, hoc est, Dux Israëlis
erat. Habet autem plerumque mors magnorum virorum
singulare aliquid, sicut etiam hoc loco cernitur.

Dicemus igitur primum de morte Heli.

Deinde, quæ huius violenti casus fuerit causa.

I. Pars.

Fuit Eli Iudex Israëlis annis quadraginta continuis:
Vir nonagenarius, atq; quantum in ipso, non malè ad-
ministrauit Rempublicam, vir bonus & iustus, neque in-
gratus Israëli. Indulgentior autem erga filios quàm par-
erat. Is hoc loco expirasse legitur, non subitò tantum, sed
etià miserè. Fracta enim ceruice cadens de sella mori-
tur, in loco publico, sedens ad ostium tabernaculi.

Locvs. Magnorum virorum haud rarò tragici sunt
exitus, & mortis violentæ tantum non desunt exempla,
si maximè inter impios non possint numerari.

Miserandus sanè est casus huius tanti viri, qui Iu-
dex fuit Israëlis, & tam senex est, vt videre non possit
præ senectute. Huic quietus & tranquillu exitus omni-
nò fuisset optandus. At miserè perit fracta ceruice. Iosias
optimus alioquin Princeps, & is quidem iuuenis, sagitta
confossus interiit. Sic Samson vnus ex prædecessoribus

Eli

Eli Iudex Israelis, sic & Jonathan, 1. Samuel. 31. Sic Iudas
Machabæus perit, 1. Mac. 9.

Ratio huius est, quod ipsi etiam magni viri interdum
hallucinantur, Psal. 62. v. 10. Suntq; illi etiam peccatores.
Et tantò conspectius est illorum peccatum, quantò illi
habentur maiores.

Quia autem apud DEVM non est respectus perso-
narum, ideoque illos interdum corripit, vt cæteri indè
exemplum sumant, & cogitent, si id sit in viridi, quid fiet
in arido? Luc. 23. v. 31. Et si iustus vix seruatur, 1. Pet. 4.
vers. 18. Si naturalibus ramis non pepercit, Roman. 11,
vers. 21.

Interim tamen aduersi isti casus corpori quidem
damnum dant: animæ verò non. Etiam angustia & pe-
ricula, & gladius, atque mors violenta non separant à
DEO, Roman. 8. De his autem loquimur, qui agno-
seunt peccata, & cum Deo per pœnitentiam in gratiam
redeunt. Sicut Eli corde pœnitenti suscipit illud triste
nuntium, 1. Samuel. 3, vers. 18. & respondet, Ipse Domi-
nus faciat quod vult. Itaque ex his casibus boni viri non
iudicandi temerè. Habet enim Dominus etiam alias cau-
sas, cur id fieri permittat, quod patet exemplo Iosif, 2.
Paralipom. 34. v. 28. Et tenenda hæc Regula, Roman. 8. in
talibus casibus, Diligentibus Deum omnia cooperantur
in bonum.

II. Pars.

Non immeritò quæri posset, quæ fuerit causa, quæ
mortem acceleravit tam violentam magno illi viro He-
li? Multæ quidem concurrunt causæ, sed vna princi-
palis est, 1. Senium. 2. Corpus prægrande. 3. Nun-
cium illud triste de occisis filiis, & fuga populi. 4. At
hoc imprimis illum de sella deiicit, quod de capta ar-
ca Domini audit. Hoc enim disertè innuit versu 18.
Pro hac etiam sollicitus est magis, quam de filiis, ver-
su 13,

Audit igitur gloriam Domini translata[m] ab Israël[e], quod & nurus illius conqueritur vers. 22.

Etiā[m] memor est verbi Domini ad ipsum facti, 1. Samuel. 2. vers. 29. & sequentibus. & capite 3. vers. 11. & sequentibus.

Quodque ipse sua lenitate & præpostera erga filios indulgentia causa huius mali fuerit, id bonus iam senex agnoscit, & hoc illi cervicem frangit, &c.

Locvs I. Nemo oneret conscientiam suam peccatis, ne illa, vbi conscientia mordere cœperit, negotium facessere possint viuenti, vel morituro. Quomodo enim peccatum angat & torqueat bonum hunc senem, omnibus patet. Beatus igitur quem non mordet conscientia. Iob. 27. v. 6. Iuge conuiuium, Prou. 15. v. 15. Beatus, Syr. 13. in fine. Studemus habere bonam conscientiam, Act. 24. v. 16. 1. Tim. 1. v. 19.

Locvs II. Inprimis cauenda peccata, quibus gloria Domini imminuitur aut conspurcatur. Hoc vitio vertitur Heli, quod propter malitiam filiorum ipsius blasphemetur sacrificium, Malachiæ 1. Vbi honor meus? Quod si is sic angitur, qui lenitate sua (erga liberos præpostera) occasionem dedit malo, quod post euenit, quid de his fiet, qui ipsi gloriam Domini volentes & scientes conculcant. Semper itaque hoc cauendum, ne gloria Domini per nosmetipsos, vel per nostram concessionem, aut offensionem ab aliis labefactetur. Nam qui gloriam Dei minuit, inglorius erit, 1. Sam. 2. vers. 30. Dauidi gladium minatur Dominus, quia spreuit gloriam Dei, & blasphemari fecit nomen Domini, 2. Samuel. 12. vers. 10. & 14. Ob hanc causam pereunt Hophni & Pinehas.

L. III. Parentes non nimium indulgeant liberis, sed asperius corripiant quàm Heli, si non eadem de illis audire voluerint, quæ hic miser senex.

F I N I S.

AP-

APPENDICIS CLASSIS VII.

CASVS VI.

Continens precipitatorum aut casu pereuntium exempla.

EXEMPLVM II.

Actor. 20. à vers. 7. ad 13.

Eutychus somno depressus, & è tertio cœnaculo delapsus, mortuusque sublatuS, à Paulo vita restitutus.

DISPOSITIO.

Casum primò mirabilem, post tristem, & lætum tandem narrat nobis Lucas, hoc loco. Mirabile enim videtur, quod audiens sacras conciones, in præsentissimum vitæ discrimen adducitur.

Tristissimum autem hoc, quod deuotus iuuenis, dum concionem audit, graui lapsu perit. At lætus euentus omne malum mitigat, in fide multos confirmat, atq; vitæ restitutus iuuenis magnam affert ceteris consolationem.

Hanc verò historiam vt diligenter excutiamus, operæ erit pretium. Itaq; hunc adolescentem i. viuum, 2. mortuum, 3. & resuscitatum considerabimus.

I. Pars.

Paulus Apostolus prædicauit Euangelium CHRISTI Troade. Illinc verò post paucos dies abiturus, concionem (vt ita dicam,) valedictoriam habet ad illos, vno quodam die Sabbatorum. Congregantur itaque ad ipsum Christiani, qui erant Troade, audiunt ipsius concionem in quodam cœnaculo sublimi. Et protraxit Paulus sermonem vsque in mediam noctem: ita vt lucernis illis opus fuerit in cœnaculo. Assidet autem inter cœteros auditores hic noster adolescens, nomine Eutychus, concionem Pauli audiens in mediam vsq; noctem, donec tandem somno degrauiaretur profundo. Quamuis autem

non sine causa Euangelista hoc loco videatur reprehendere dormientem in concione sacra, forsitan tamen posset aliqua ratione excusari hic iuuenis, quod post tot horarum spacium, quibus concioni interfuit, & post mediam noctem (vbi plerumque somnus irrepere solet etiam inuitis) somno (haud dubie contra voluntatem) fuit oppressus

Locvs. Condemnabit hic adolescens in nouissimo die plurimos ex nostris iuuenibus, quorum planè nullus est zelus in audiendis concionibus sacris: & qui dum conciones habentur abeunt ad potandum, ludendum, &c. His paulò sunt meliores cæteri qui in hoc vno imitantur Eutychem, quod dormire solent, dum conciones habentur: sed non post multas horas, aut post mediam noctem demum somno grauantur, verum ante mediam horulam, &c. Nullus enim apud plerosque zelus.

Contra monet Salomon, memento creatoris in iuuentute tua. Eccl. 12. Et commendatur Iosias quod puer adhuc quæsiuerit Dominum. 2. Par. 34. v. 3. sicut Christus puer in templo hæret aliquot diebus. Luc. 2. A teneris assuescere multum. Monendi itaque etiam parentes vt assuefaciant liberos ad sacras conciones, lectiones. Deut. 6. v. 7. Acue filiis. Et Exod. 10. Filiis tuis dices. Vide vers. 2. Gen. 18. v. 19. Scio quod præcepturus filiis.

II. Pars.

Somno profundo oppressus Eutyclus decidit è fenestra in qua federat, ex tertio cœnaculo deorsum in terram. *Er ist von dem obern Saal dreher Stock hoch herunder gefallen.* Atque ex illo casu subito expirauit.

Magna inde oritur apud omnes auditores tristitia: non tantum propter huius iuuenis pii casum, sed etiam propter aduersariorum calumnias, qui hoc nomine Euangelij doctrinam essent tractaturi, & conuentus ipsorum nocturnos magis exagitaturi. At mox refocillantur.

L. Monere voluit Dominus hoc casu, non esse dormiendum dum sacra tractantur. Estque hoc loco magna
& pla-

& planè inexcusabilis nostrorum hominum erga verbum Domini ingratitude, qui prius somno grauantur, quam vnus semihorulæ concionem audiuerint.

Imò magis dolendum hoc, quod non pauci quamprimum initium concionis factum est, sese ad quietem componunt, non aliter ac si propterea Ecclesiam ingressi essent, &c. Bone Deus, si omnes illi cum Eutycho ad terram præcipitandi essent, plures interdum in templis reperirentur mortui quàm viui.

Corrigenda ista somnolentia & excutiendus veternus. Non aures tantum feriat sermo sacer, sed penetret ad cor. De auditoribus Petri dicitur, puncti sunt corde. Act. 2.v.37. Custodiendum semen in corde puro. Luc. 8.v.15. Precibus itaque opus, ne Diabolus tibi claudat oculos, & in somnum declinet lumina tua.

II. Videmus quam necessarium sit vigilare, ne mors incautos obruat. Nam sicut hîc temporalis mors somnolentum Eutychem, ita æterna mors illos perdit, qui somnolenti sunt, dum animæ suæ prouidere debent. Hinc tot admonitiones, Vigilate. Matth. 24.25.26. Marc. 13.1. Cor. 16.1. Pet. 5. Id non de vigiliis nocturnis intelligitur, cum quod caret alterna requie, non sit durabile, sed de vigiliis cordis ad Dominum. De quibus Ps. 63.v.2. Esa. 26.v.9. Ne scilicet curis huius mundi, tâquam somno depressi negligamus salutem nostram. Ideo què Paulus monet Rom. 13.v.11.vt. surgamus de somno. Et cauendum ne quis inueniatur dormiens. Apoc. 3.v.3. & 16.v.15. Mar. 13.v.36.

III. Mors non parcit cuiquam, nec iuueni, nec seni, nec locus est, in quem non mors etiam irrumpat: nec cœnaculum superius vel inferius. Itaque semper & vbique memento mori, Syr. 7.

III. Pars.

Solatur Paulus mœstos, & ascendens exemplo Eliæ atque Elisæi 1.Reg. 17.2.Reg. 4. incumbit super puerum & precibus effusis (absque dubio) petit à Deo restitutionem vitæ

vita pueri. Et respondet euentus expectationi. Anima enim mox ad corpus redit. Ideoque inquit, anima ipse in ipso est: licet adhuc in deliquio iacente puero non appareat signum vitæ. Mox verò post adducitur iuuenis viuus. Atque ex hoc miraculo magnam Christiani acceperunt consolationem.

L. I. Sicut qui hîc turbati fuere, inexpectata morte iuuenis, magno cum gaudio illum recipiunt viuum: ita qui suos hîc per mortem amiserunt liberos, cognatos, &c. eosdem illic sunt recepturi, 2. Sam. 12. v. 23. Ergo non tumultuentur, quod hîc Paulus verat vers. 10. id est, in luctu non excedant modum.

L. II. Solatur hosce Christianos resuscitatio adolescentis. Sit & hæc nostra consolatio in vita & morte, 1. Thess. 4. v. 18.

F I N I S.

APPENDICIS CLASSIS VII.

C A S V S VII.

De hi qui sagittis vel telis confossi, aut vulneribus confecti pereunt.

E X E M P L V M I.

2. Paralip. 35. à v. 22. ad 25.

De Iosia Rege Iuda ex vulnere mortuo.

D I S P O S I T I O.

Psal. 4. v. 4. affirmat Dauid, quod Deus mirabiliter ducat sanctos suos. Id verum esse, præsens historia Iosia docet. Cum enim optimus Rex hætenus occupatus fuisset restauratione templi, & reformatione Ecclesiæ, ecce iam bello implicatur & perit. Est & aliud quod videtur mirabile in oculis nostris. Hoc scilicet, quod cum promississet Dominus Regi piissimo, [In pace infereris in sepulchrum tuum, 2. Par. 34. v. 28.] is iam in prælio vulneratur, & ex illo vulnere moritur.

Præ-

Præsentem itaque historiam considerabimus, & has duas quæstiones examinabimus.

1. Quo genere mortis Iosias abreptus fuerit.
2. Et quid de hoc illius casu aduerso iudicandum, Vtramque ad nostrum institutum accommodabimus.

I. Quæstio.

Pugnaturus Rex Ægypti Nechao contra Regem Assyrium, transit cum exercitu per fines regni Iuda. Huic armata manu occurrendum, & transitu ipsum prohibendum statuit Iosias. Quamuis autem Ægyptius missis ad Iosiam legatis significarit, se non petere bello regnum Iuda, sed Assyrium, tamen Rex Iuda illum aggreditur cum exercitu, prope Megiddo, & vult experiri Martis aleam.

Ibi tum Ægyptiorum telis petitus, vulneratur grauissimè. Sentiens vulnus lethale, mandat vt currui alteri impositus transfuehatur ex prælio. Mox ibi in Megiddo moritur ex illis vulneribus 2. Reg. 24. v. 29. & mortuus deducitur Hierosolymam, ibique honestè, at magno cum luctu omnium bonorum, sepelitur.

DOCEt tristissimus hic casus & toti regno Iuda luctuosus, non rarò etiam pios aduersis casibus interire. Et verum omninò illud esse quod Ecclesiastes habet cap. 8. vers. 14. & cap. 9. vers. 2. Euenire piis ac si haberent opera impiorum. Eandem etiam sæpè esse fortunam piorum & impiorum.

Telo configitur impius Ahab. Sic & pius Iosias. In bello occumbit impius Ioram. 2. Reg. 9. vers. 24. Occumbit pius Jonathan. Sagitta percussus Iulianus perit. Sagittis bonus etiam Vrias Herthæus petitus occubuit. 2. Sam. 11. Decollatur seditiosus Seba filius Bochri. 2. Sam. 20. Decollatur etiam optimus Ioannes Baptista. Marc. 6. Hęc dicuntur ne offendamur, videntes eandem esse fortunam iusti & iniusti, pij & impij, si casus externos spectemus. (Quare verò talia permittat Dominus sequens tractatio docebit.)

Vsùs autem huius loci duplex esse potest.

1. Ut intelligamus, restare aliam vitam, in qua piis benè, & malis malè erit: tum in hac vita eadem sit omnium fortuna. Interdum etiam melior impiorum.

2. Ut moneamur his casibus de illo Christi dicto; Luc. 13. Nisi pœnitentiam egeritis, v. 3. & 5. & Luc. 23. Si hoc fit in viridi, &c.

I I. *Quæstio.*

Quid autem de hoc aduerso casu Iosiaë sentiendum?

1. Numquid certo peccato, & temeritate sua, sibi hoc attraxit malum, & mortem accersuit? Hoc ego non lim credere. Quia repugnat id, quod Dominus promisit, se illum citius euocaturum ex hac vita, propter pietatem. Ne videant oculi mala. Vide 2. Paralipom. 34. Neque peccatum contra Deum velim ego vocare, quod occurrit (pugnaturus pro patria) Nechao. Velenim non fidem habuit ipsi, & arcere voluit hostem à civibus suis. Nec sciebat, ipsum à Domino iussu, (quod Textus quidem ostendit factum, 2. Paralipom. 35. versu 22.) quia idem etiam falsò prætendit Sanheribus, Esaia 36. vers. 10. Forsitan etiam in gratiam Assyrij, qui amicus erat Iosiaë, non volebat transitum concedere Ægyptio. Quicquid igitur peccauit optimus Iosias, errorem consilij vocare mallet, quam temeritatem. Fuerunt enim rationes in vtramque partem. At in delectu consilij errat Rex. Non itaque dicemus, ipsum à Deo punitum propterea.

2. Sed nec infelicem ipsius obitum dicere possumus. Etenim moritur pugnans pro patria & subditis. *Er stirbt als ein redlicher Kriegsmann.* Nec morte fœda perit, si maximè sit violenta.

Et certè felicius moritur, quàm si lectulo affixus, & graui morbo consumptus interiisset. Sic enim abbreviat Dominus ipsi dolores.

Ideoque nec impatiens est, nec indignatur hostibus.

Gibb

Gibte kein ungeduldig Wort auß. Sed agnoscit Dei consilium.

Et moritur quidem ex vulnere, sed cum recto iudicio rationis. *Er nimbt ein vernünfftig End.*

3. Ex quo consequitur, verum adhuc consistere verbum Domini, quod inferendus sit sepulchro patrum in pace.

Etenim in ipso est pax conscientiae, & pax Dei. De qua Gal. 5. v. 22. Phil. 4. v. 7. Habet Deum propitium, vt patet ex verbis Huldæ. 2. Par. 34.

Quod maturius moritur anno ætatis 39. Dei beneficio fit. Et in pace moritur, quia ad pacem transit, (Esa. 56. in fine) & quiescit in pace. Non videt lacerationem regni sequutam ipsius mortem. Moritur in honore. Sepelitur honorificè & anima quoque in pace seruatur, iuxta id Sap. 3. vers. 3.

DOCEMVR quomodo iudicare debeamus de piis si contingat (vt sæpè quidem fit, sicut in prima parte est dictum) illos aduersis casibus (ita nobis quidem videtur) perire.

Mundus quidem iudicat, sicut illi de cæco Ioan. 9. v. 21. & Melitenses de Paulo, Act. 28. v. 4.

At Paulus aliter iudicat: Diligentibus Deum omnia Rom. 8. v. 28. Non separat mors à dilectione Rom. 8. v. 38. qualiscunque sit vitæ exitus. Et felicius multi moriuntur, quorum videntur exitus esse tragici, quàm nonnulli qui placida morte decedunt in lectulis suis. De impiis Hiob. 21. v. 13. quod vix momento sentiant inferni terrores, dum hîc viuunt. Pij verò multas sentiunt angustias, teste Psal. 71. v. 20. At illi post hanc vitam cruciantur, hi verò fruuntur solatio. Luc. 16. v. 25.

Itaque non dicas: Modò non tam miserè interierit? Respond. Sic Deo visum est. Ergo non miserè. Quia stulticia Dei, &c. 1. Cor. 1. v. 25. At præmatura morte decessit? Et hoc Dei beneficio fit. Sap. 4. v. 10.

F I N I S.

AP.

APPENDICIS CLASSIS VII.

CASVS VII.

De telo confossis aut vulneribus confectis.

EXEMPLVM II.

2. Sam. II. vers. 24.

Nuncium Dauridi allatum, de quibusdam seruis Dauridis sagittis confixis, & in his occiso Vriæ Hetthæo.

DISPOSITIO.

Omibus constare arbitror, quomodo dolo & insidiis Dauridis Regis, Vriæ Hetthæus, mediante Ioabo Duce militiæ, in obsidione Rabba, obiectus fuerit periculo, & derelictus à suis commilitonibus, (qui sic edocti erant) vt occideretur. Neque verò hîc disputabimus de facto illo Dauridis, (welcher das thewer genug müssen bezahlen) & Ioabi ac cæterorum, sed quia audimus nuncium referentem Regi de obitu Vriæ & nonnullorum aliorum, agite de morte huius boni viri, telo confixi & sagitta confossi, quædam dicemus.

Dicemus autem 1. Quàm miserè occisus fuerit Vriæ Hetthæus.

2. Quare Dominus istud permiserit.

I. Pars.

Fuit Vriæ vir piissimus, & fidelis Domino suo. Cuius Hierosolymitanus, vir strenuus. Militat pro Rege suo contra hostes Ammonitas. Domum vocatus, non vult indulgere voluptatibus, licet iussus & compellatus à Rege: quia indignum iudicat, si Dux Ioabus & commilitones ipsius foris cubent sub dio, aut tamen in papilionibus, & ipse domi dormiat in lecto suo.

Destinatus à Ioabo ad pugnam, non detrectat pugnare contra bellicosissimos: nec recedit à sua statione etiam cum sentit vitæ periculum præsentissimum.

Telis

Telis itaque petitus occumbit cum nonnullis aliis, viris bonis & fortibus: quia ipsi non erant pares ferendo oneri, quod multis incumberebat. Erant enim à cæteris derelicti, ita mandante Ioabo Duce, ex instinctu Regis.

Innocens itaque & præter omnem culpam, atq; etiam sine causa vir bonus obiicitur periculo, nec est quem hoc perturbet, nec Rex, nec Ioab, nec vxor. Neque etiam legitur honestè sepultus. *Der gute mann muß entgelten dessen er nie genossen hat/ vnd weiß nit wie jme geschieht.*

L o c v s. Recurrit hic locus idem, qui in præcedentis Dispositionis parte I. tractatus est, videlicet, Non raro piorum exitus esse tragicos, si iuxta humanæ rationis ductum velimus iudicare: & idem accidere piis quod impiis. &c. Vide ibi.

L. II. Posset etiam tractari locus de officio pii militis. A quo requiritur.

1. Fortitudo. Non sit meticulosus sed strenuus.
2. Temperantia & abstinencia. Vt possit ferre & tolerare dura.
3. Promptitudo. Ne detrectet labores & pericula.
4. Obedientia. Etiam cum vitæ periculo coniuncta sui Ducis exsequatur iussa.

Hæc omnia cernuntur in Vria: imprimis verò pietas in Deum, honor erga Regem, & amor patriæ atque comilitonum, siue proximi. Rara sunt hæc in militibus nostri seculi.

L. III. Verum esse id Esaia cap. 56. Iustus perit & non est qui recogitet, exemplum Vriæ docet. Pars poenæ est, si Deus auferat fortes, bellatores, doctores &c. Vide Esa. 3.v.2. maximè si pios & cordatos, qui iram Domini auerunt, Num. 25.v.11. & sese opponunt ruinæ. Ezech. 22.v.30. At nemo propterea angitur, imò multi in sinum suum effusè gaudent, hi scilicet qui bonos auersantur.

Sed malè hoc. Quæ enim sublato Iosua, mortuo Samuele, defuncto Ioiada, extinctoque Iosia &c. sequuntur sint calamitates, sacræ historiæ docent.

II. Pars.

Quare autem permisit Dominus trucidari hominem innocentissimum? Resp. Deus pro infinita sua bonitate etiam mortem boni Viri ipsi voluit in bonum cedere. Rom. 8. v. 28. Et pro inscrutabili sua sapientia malum direxit ad bonum finem.

Nihilo enim infelicius est Viras quam si domi in lectulo suo & in sinu vxoris fuisset mortuus.

1. Is namque occumbit in bello pro patria, dum fortiter pugnat. Maior illi honor contingere non posset.

2. Quia semel illi moriendum, felicius hic moritur quam alibi, quia moritur in officio. Ideoque piè, & in Domino. Beatus ergo. Apoc. 14.

3. Non diu torquetur morbis acerbissimis, sed vno quasi momento mortis vim superat.

4. Et quia pius, anima in manus Dei assumitur.

Estque in memoria æterna cum iustis. Psalm. 112. Optime itaq; factum cum ipso, vt subtraheretur his quæ contingere potuissent malis.

1. Etenim domum reuersus inuenisset vxorem ab alio grauidam. Quæ maior potuisset illi accidere calamitas, cum salua esse non possit mulier amissa pudicitia?

2. Aut illa deferenda, aut perpetuo adulteræ cohabitandum. Infamia illa morte esset grauior.

Sic igitur benè actum cum ipso. *Er weiß nichts von denen sachen/ so thuts jme auch nicht wehe.*

D I S C I M V S Deum semper habere sui consilii certas & satis graues causas, si permittat bonos interire casibus aduersis. Quasdam nobis occultas esse vult Dominus, qui in ius vocari non debet propterea. Rom. 11. v. 33. Quasdam reuelauit in verbo, præsertim Esa. 56. in fine. Sap. 4. v. 10. & 2. Par. 34. v. 28. De his supra suo loco. Sicut itaq; Deus non accusandus, ita etiam sic peremptus non iudicandus. Et in hoc vno acquiescendum semper, si homines pii sunt, *Es geschicht jhme zu gnaden vnd gutem.* Manet enim regula: Rom. 8. v. 28. Diligentibus Deum &c.

APPENDICIS CLASSIS VII.

CASVS VIII.

Continens loca scripturæ tractanda in superibus submersorum, vel in aquis pereuntium.

LOCVS I.

Ionæ i. cap. v. 4. ad 16.

Historia Ionæ, propter quem mare nauigantibus reddebatur infestum, donec is eiceretur.

DISPOSITIO.

Insignis est hæc historia Ionæ, in qua præter cætera hoc admodum est mirabile, quod qui in aquis periisse videtur, in aquis viuus conseruatur. Nos hac vice non quidem integram historiam; neq; ea principaliter, quæ de vocatione Ionæ sonant, tractabimus, sed hæc tantum notabimus.

1. Quantum Ionæ & sociorum periculum fuerit in mari vel nauigatione.
2. Vnde illud periculum.
3. Quomodo mare sedatum & socij Ionæ periculo hoc liberati. De cæteris sequens Dispositio tractabit.

I. Pars.

Per mare nonnulli profecturi in terras longinquas, & cum his etiam Ionas filius Amithai de Geth, Propheta Domini (Ὀνάζου & Esaia, Osee, Amos, & Ioeli; &c. de quo etiam 2. Reg. 14. v. 25.) nauigaturus; in magnum adducuntur discrimen. Nam in mari tanta oritur tempestas subito, vt nil nisi mortem & naufragium expectare possint. Tantaq; est trepidatio nautarum & omnium, vt cum ad portum appellere non possint; omnia quæcunque in naui habent, merces scilicet, vasa & cætera, proiciant in mare, vt naus onere nonnihil subleuata tutius possit in mari consistere, vel ad portum venire. At frustra

omnia fiunt, nec tempestas cessat, sed de vita ipsorum actum videtur.

DOCTRINA. Videmus etiam ea interdum nocere & perdere posse, quæ alioquin sunt salutaria, & ad usum atque necessitatem hominis à Deo creata: ut est aqua, insignis certè Dei donum, & qua carere non possumus. Insignis creatura Dei est id mare magnum, teste Psal. 104. v. 25. Qui autem per mare naugant experiuntur insignia & magna illa Dei opéra, ut habet Psal. 107. v. 24. cum videntur vno momento ascensuri ad cælum usque & mox ad abyssos deiiciuntur, ut tabescat anima illorum.

Sed ubi Deus in aquis perdere vult, non necesse est ut semper utatur mari magno, verùm exempla testantur riuum quemcunque paratum ad suffocandum hominem, ubi Deus voluerit. Atque sicut omnia Elementa, imò omnes creaturæ Dei voluntatem exsequuntur, ita etiam mare non tantum sed & omnis lacus, omnis riuulus, & quodlibet vasculum aqua repletum. Sicut constat puerulos interdum in situla aqua repleta periisse, dum illi in aqua (spectaculum gratum) suam imaginem exprimi videntes, præcipitati fuere incauti, absentibus parentibus & custodibus. &c. Orandus itaque Dominus qui fecit mare & aridam, Ion. i. vers. 9. ut nos permittat uti creaturis sine noxa.

II. Pars.

Quæ autem fuit causa huius periculi? Primum quidem excitata tempestas. At vnde illa? Deus excitauit ventum illum, Iona teste. Sed nondum satis. Adhuc non habemus causam illius excitati venti. Est verò in naui dormiens, qui causa huius tanti mali. Idque hi qui in naui sunt non tantum sorte inquirunt, & deprehendunt, sed & ipse reus hoc postmodum fatetur vers. 12. Ionas scilicet, is sua inobedientia Deum offendit & eò adegit, ut excitaret illam tempestatem in mari.

L. I. Videmus iam secundò loco, quæ causa sit, quo d
crea-

creaturæ Dei bonæ (vt est aqua sicut supra dictum) & ad salutarem vsum hominum creatæ, in malum & ad perniciem cedant hominibus, peccatum scilicet. Illud certè tale est venenum, quod omnia inficit & exitialia nobis reddit. Discamus itaque detestari & vitare peccatum: & erunt nobis omnes Dei creaturæ salutare.

II. Discimus etiam, interdum propter vnius peccatum multos puniri: sicut hîc propter Ionam periclitantur omnes. Et propter Achan Ios. 7. cæduntur viri 36. Nec id iniuste fit. Quia cæteri etiam aliis peccatis Deum offenderunt, non minus quàm ille vnus suo peccato. Vicissim propter vnum pium Deus etiam malis aliquot parcit. Act. 27. propter Paulum seruantur in naui animæ 275. Et constat quod propter decem pios voluerit Dominus parcere toti populo. Gen. 18. v. 32.

Vsus huius loci est, vt vitemus consortium malorum, propter quos periclitari possemus facilimè, & aggregemur ad amicitiam bonorum, propter quos nobis etiam benefaciat Deus.

III. Pars.

At quomodo sedatur mare? Varia tentant nautæ. 1. Merces & vasa eiecerunt. Nec satis. 2. Clamant vnusquisque ad Deum suum. Excitatur etiam Ionas vt oret, Sed illorum preces non sunt gratæ, quia non ex fide profiscuntur, & quia verum Deum ignorant, quem Ionas non nescit. 3. Nec conquiescit mare donec eiiciatur, qui causa est huius mali. Itaque Ionas peccatum ingenuè fatetur, & ex charitate mauult solus perire, quàm cæteros etiam perdere. Tandem illi etiam Deum Ionæ agnoscunt, & non mox eiiciunt Prophetam (cui mallent parcere) sed vbi prius omnia tentarunt. Tandemque ad Deum conuersi gratias agunt & deprecantur culpam. &c.

Plurima hîc notanda, quorum nonnulla paucis attingemus.

L. I. Si quem contingat incidere in periculum aquæ, oret ad Dominum. Etiam ex aquis audit Dominus. De hoc Psal. 107. v. 28. egregiè. Sic & in omnibus angustiis. Esa. 26. v. 16. Atq; seruabit Deus Animam, si maximè corpus pereat. Maximè verò peccata confiteatur quisq; cum Iona. Et remittet Dominus, Psal. 32. v. 6. 1. Ioan. 1. v. 9.

II. Nemo manum Domini effugere potest, etiam si in alto mari sit, Psal. 139. v. 9. Amos 9. v. 3. Timendus itaq; Deus, & obediendum ipsi.

III. Nemo sibi consciscat mortem, si maximè videat sibi moriendum, vt Ionas cum esset proiiciendus in mare, sed exspectet voluntatem Domini.

IV. Magni æstimandam vitam hominis docent nauæ, vers. 13. huius capituli. Itaq; nemo vel seipsum vel alios sine grauissima causa in discrimen vitæ adducat. Et hoc agendum, si possibile est, vt vita hominis ad imaginem Dei conditi seruetur.

At multi suam & aliorum vitam vili pendunt.

F I N I S.

APPENDICIS CLASSIS VII.

C A S V S VIII.

Continens loca scriptura tractanda in funeribus eorum, qui in aquis perierunt.

L O C V S II.

Ionæ 1. & 2. capp. à v. 1. ad finem cap.

Ionas in mare proiectus excipitur à ceto, in cuius ventre ad Dominum orans seruatur, & tertia die ad litus eiicitur incolumis.

D I S P O S I T I O.

Meritò magnificienda & cum voluptate audienda hæc historia, quia non tantum grandia continet miracula, sed etiam à Christo allegatur Matthæi 12. Quodque

Ionas à ceto absorptus, in ventre illius seruatus, & tertia die ab eodem eiectus typus fuerit mortis, sepulturæ & resurrectionis Christi, ibi manifestè ostenditur.

Tria igitur notabimus.

1. Quomodo cetus Ionam proiectum in mare exceperit.
2. Quid in ventre ceti Ionas fecerit.
3. Quomodo cetus Ionam ad littus eiecerit.

I. Pars.

Multa hoc loco miracula concurrunt. 1. Quod in mare proiectus non suffocatur Ionas. 2. Quod à balena excipitur. 3. nec tamen ab ea consumitur aut concoquitur cum aliis cibis. 4. & quod in ventre piscis in magnis sordibus & tenebris viuit, cum spiritum non potuerit attrahere. 5. Quodq; integro triduo viuit & incolumis est, cum naturaliter vix vno momento viuere in ceto potuerit.

Vnde hæc omnia? Ab eo qui præparauit hunc cetum seu piscem magnum, & ad hoc iam destinauit vt exciperet & per profundum mare veheret Ionam.

DOCTRINA I. Rectè dicuntur mirabilia Dei esse innumerabilia. Iob, 9. vers. 10. Hinc autem non tantum omnipotentiam creatoris (quæ propter illa grandia ceterè singulariter commendatur Psal. 104. v. 26.) sed & singularem ipsius prouidentiam cernere licet: quod non tantum creaturas omnes in manu sua habet, vt ad nutum ipsius seruire cogantur, sed insuper crudelissimarum beluarum opera ad conseruationem suorum vritur.

Faciunt hæc 1. ad consolationem, vt nunquam etiam in aduersissimis casibus despondeamus animum, quia in ventre ceti & in medio mari seruare potest Deus nos. In fornace ardenti viuunt tres viri. Dan. 3. 2. Admonitionem etiam continent hæc, vt scilicet timeamus eum, qui omnibus creaturis præcipere, & vbi vult punire omnes in nos armare potest.

Vide quomodo omnia faciant voluntatem Domini, Psalm. 148. vers. 7. & 8. & quis exercitus eius, Ioëlis 2. vers. 25.

II. Pars.

In tantis angustiis, quas hominem posse eloqui impossibile, orat Ionas, & suspirat ad Dominum. Summatim autem illius precationem referre libet, breuitatis causa.

1. Miseriam suam recenset & proponit, quomodo in abyssu maris circumdatus fuerit aquis & procellis, vers. 4. 6. 7. Et quod se à facie Domini abiectum putârit, v. 5.

2. Nec tamen se omnem spem abieciisse, sicut faciant Idololatæ (v. 9.) sed recordatum Domini Dei sui, & clamasse ad ipsum gemitibus seriis, ex ipsis quasi inferni claustris, vers. 3. & 8.

3. Atque Dominum clementer audiuisse & iuasse, vers. 3. & 7.

4. Pro hac verò clementissima liberatione Dei se gratum fore omnibus diebus vitæ suæ.

Locvs. Docet Ionas methodum precandi in omnibus grauissimis etiam angustiis & tentationibus: cum maior vix esse possit, quàm quæ fuit Ionæ in ventre ceti. *Da saß er recht in der Höll*: Anima & corpus ibi cruciabantur. Tentatus erat propter peccatum de Dei erga ipsum animo. Et corpus ipsius intra viscera piscis coarctatum, non sine dolore erat.

Quid verò faciendum? 1. Arripiendæ preces, quibus Deo nostras angustias proponamus. Licet enim is antea nouerit: tamen consolationis loco est, si in sinum ipsius effuderimus miseriam nostram.

2. Firma fide teneamus Domini misericordiam. Qui vel corporaliter, vel tamen spiritualiter, iuuat, ne pereamus. Et sciamus, ex profundis ipsum audire clamantes, Psalm. 130. vers. 1. Et extrahere ex inferis, Psalm. 71. vers. 20.

3. Liberati autem gratitudinem non verbis tantum, sed ipso opere testemur.

Hanc methodum plerumque obseruat Dauid in Psalmis: Estq; vt Deo gratissima, sic nobis etiam vtilissima.

Locvs II. Non malè sperandum de salute illorum, qui in aquis pereunt, si prius pij fuerint. Quia illorum gemitus in aquis profundis DEVS audit & iuuat. Imò possunt & impij, & qui propter peccata sua in illas angustias coniiciuntur, in aquis sese ad Deum conuertere. Sicut non est dubium, quin in ipsis diluij aquis multi sint seruati (quoad animam) qui pœnitenti corde ad Dominum clamauerunt. Et cum aquæ intrauerunt ad animam (quod Psalm. 69. de omnibus aliis etiam angustis pronunciat) ibi tum ardentes sunt preces, Esaia 26. vers. 16.

III. Pars.

Quia opera Ionæ Dominus in conuertendis Niniuitis vti vult, ideò viuum ipsum ex ceto producit, post tres dies. Mandat ceto vt exspuat Prophetam incolumem, non in mare, sed ad littus. Miraculum sanè inauditum & ineffabile, de quo in prima parte. Et verè omnipotens is, qui pisci mandat, & cui piscis obedire cogitur. At de his alibi.

Locvs I. Docere voluit Dominus illos etiam, qui in aquis perierunt, & vel à piscibus consumpti sunt, iterum reuicturos in die nouissimo. Apocal. 20. Mare reddit mortuos. Ergo propter illos non simus solliciti. *Es wird keiner dahinden bleiben.*

Locvs II. Ionas typus resurrectionis Christi, à qua nostra etiam dependet resurrectio,
Paulo teste, 1. Corinth. 15.

Explica hæc latius.

F I N I S.

Ss 5

AP.

APPENDICIS CLASSIS VII.

CASVS VIII.

Continens LOCA scriptura, accommodanda funeribus eorum, qui in aquis perierunt.

LOCVS III.

2. Cor. II. v. 26.

In periculis fluminum.

Cui addendum id, vers. 25.

Noctem ac diem in profundo egi.

Ter naufragium feci.

DISPOSITIO.

Inter omnes mortales vix quisquam grauiora passus est Paulo Apostolo. Catalogum passionum suarum recenset hoc ipso capite vndecimo, ex quo verba prælecta desumpsimus.

Libet autem in præsentī funere N. qui hisce diebus in aquis suffocatus, & inde extractus, iam tetræ communi nostræ matri, Syrach. 40. demandatus est, charitati vestræ proponere verba Pauli, quibus nos docet, quanta etiam ipse in aquis passus mala.

De his periculis Pauli dicemus, qualia & quanta fuerint.

2. Quomodo ex istis fuerit liberatus. Atq; quid nobis inde discendum singulis partibus subiiciemus.

I. Pars.

Primum generaliter Paulus sua pericula exprimit, quæ ipsi imminebant ab aquis: Fui, inquit, in summo discrimine vitæ, dum flumina & mare transfretaui. Etenim ter naufragium faciens, quid fuerit perpeffus, facilè est conicere, vt de vita non semel desperârît, iuxta rationes humanas. Vnum ipsius periculum ex naufragio extat à Lu-

ea descriptum, Act. 27. vbi pluribus diebus neque Sol neque sydera apparuerunt, vt iam omnis spes salutis ablata esset. Vide v. 20. ibi.

De cæteris naufragiis nihil habet Euangelista. Neque tamen dubium est, quin vera sint, quæ Paulus hîc narrat. Nec minus etiam vitæ periculum tum erat.

In specie autem Paulus hoc loco singulare aliquod atque ingens periculum exprimit, dicens: Noctem & diem in profundo egi.

Hoc nonnulli ex Theologis factum putant, cum immineret naufragij periculum: & in alto atque profundo mari Paulum cum sociis, vitæ dubium, hæsisse existimant.

Alij secundum literam intelligunt, Paulum aquis immersum & obrutū in profunditate maris integram diem & noctem fuisse versatum. Quæ sententia mihi videtur propius accedere ad verba hæc Pauli, quibus singulare aliquod periculum, & à naufragij periculis diuersum, atque longè maius, (quo ipse solus non cum aliis implicitus fuerit) vult exprimere, &c.

L o c v s I. Videmus non impios tantum & inimicos Dei, sed & pios Deoque dilectos & charissimos homines, in aquis interdum ita periclitari, vt alij quidem euadant, alij verò suffocentur. De quibus non est iudicium ferendum tale, quale est Melitensum de Paulo, Actor. 28. Sed sciendum Deum variis modis suos exercere, dum alios in igne, alios in aqua interire sinit. Neque etiam existimemus pios infeliciores esse propterea, quia in aquis perierunt. Etenim Deus, qui in terris adest morientibus, etiam in aquis præsens est. Is audit preces Ionæ ex aquis, imò ex ceto in aquis, Ion. 2. v. 3. & 8.

Quocunque igitur modo aut genere mortis Dominus nos alio sive abripiat, non mæmurandum, sed humiliter in voluntate ipsius acquiescendum. Ipse Dominus faciat quod vult, ait Heli, 1. Sam. 3. v. 18.

L. II. Sciendum, etiam interdum aquas penetrare ad animam eorum, qui versantur in terra sicca & arida.

Spi-

Spiritualis illa suffocatio grauis est Dauidi. Ideò conqueritur, Intrauerunt aquæ ad animam, Psalm. 69. vers. 2. Libera me de aquis multis, Psalm. 144. vers. 7. Item Psalm. 18. vers. 17. & 124. v. 4. Denotant hæ aquæ graues angustias & tentationes. Et vt summatim dicamus omnia, Multæ sunt iustorum tribulationes, Psalm. 34. vers. 20. In his omnibus optimum medium emergendi est oratio ad Dominum seria & ardentissima. Et eripiet inuocantes, Psalm. 50. vers. 15. & 91. vers. 15. De quo sequitur.

II. Pars.

In maximis periculis liberatur tamen Paulus diuina prouidentia & omnipotentia, & extrahitur ex profunditate maris. Vide Act. 27. v. 23. quomodo ipsi astiterit angelus Domini, & consolatus fuerit.

Locvs. Etiam ex profundis liberat Dominus omnipotens, miserator & misericors. Id Ionas expertus grato animo agnoscit, Ion. 2. vers. 10. & Psalm. 107. v. 31. Inquis: Videtur itaque Dominus tantum eripere & liberare suos, quos diligit. Cæteros verò qui in aquis pereunt, non eodem amore prosequi videtur? Respon. Omnes inuocantes se liberat, Psalm. 145. v. 19. Et vel corporaliter, vt Paulum, Ionam, vel spiritualiter liberat, animam scilicet, ne pereat: Sicut credimus tempore diluuij pœnitentes liberatos, quoad animam. Et ipse Paulus iam liberatus, post occiditur. Tamen dicit se liberatum à Domino, 2. Timoth. 4. v. 18.

Non itaque dubitandum, quin Dominus etiam liberet animas seruorum suorum, Psalm. 34. versu 23. in aquis pereuntium. Quia illi verè cum Dauide clamant

de profundis, Psalm. 130. *Da gehts freylich*

von herzen. Audit ergo &

iuuat, Psalm. 66.

vers. 12.

F I N I S.

AP-

APPENDICIS CLASSIS VII.

CASVS VIII.

De his qui in aquis pereunt.

LOCVS IV.

Exod. 2. vers. 1. ad v. 11.

*Historia de Mose puero exposito ad ripam fluminis,
& inde extracto.*

DISPOSITIO.

Admirandam historiam de Mose in aquis singulari Dei consilio seruato, non Stephanus tantum Actor. 7. ver. 20. sed & Epistola ad Hebræos cap. 11. vers. 23. allegat, vt scilicet intelligeremus, illam non surdis auribus prætereundam esse hominibus Christianis. Etenim inde non tantum magna parentum fides, sed maior Dei prouidentia, & clementissima conseruatio eorum, quos magnis rebus præficere decreuit, conspicienda venit. Nos pauca tantum breuitatis causa delibabimus, ea scilicet, quæ potissimum ad præsens nostrum institutum spectant. Videbimus I. Mosen cum summo vitæ discrimine aquis expositum.

2. Deinde etiam inde extractum contemplabimur.

I. Pars.

Vt sequentia rectius intelligamus, sciendum id, quod in fine cap. præced. de Edicto regio extat, quo præceptum erat, vt omnes Hebræorum masculi abiicerentur in profluentem.

Natus igitur erat Amram & vxori ipsius Iochabed (ex familia Leui prognatis) filiulus admodum elegans, qui ab euentu postea Moses fuit nominatus. Iosephus antiquit. lib. 2. cap. 5. refert, fuisse puerum tam gratiosum & formosum, vt multi visa ipsius pulchritudine obstupuerint. *Sie haben sich an ihme vergafft*, Parentes itaq; non obstante edi-

edicto regio puerum domi clam nutriunt, nec in flumen abiiciunt. Id fidei tribuitur Heb. ii. vers. 23.

At quia (vt refert Lyra) tribus mensibus Ægyptii scrutabantur domos Hebræorum, & masculos inderaptabant ad necem, ultra tres menses occultare non possunt boni parentes puerulum dulcissimum. Itaque ipsum impositum fiscellæ scirpeæ [lectulum vocat Iosephus] bitumine illinitæ, (ne aqua ad infantem penetrare posset) exponunt ad ripam fluminis, diuinæ prouidentiae commendatum. Et iubetur soror Moïsis, Miriam scilicet, quæ maior nata, & iuuenula tum erat, obseruare ad ripam fluminis, quid de fiscella seu vasculo & puerulo fiat, & quo deportetur à flumine.

Quanto cum mœrore piissimi parentes puerum suauissimum inter iuncos & carices hærentem reliquerint, & quàm ardentibus suspiriis atque gemitibus ipsius vitam Deo commendarint, facilè quibus cordatus coniecturam facere potest.

L o c u s I. Hinc possunt parentes, quorum interdum liberi in aquis percunt, consolationem petere: quod non soli ipsi sint, quibus hæc à Deo immittatur calamitas. Neque se propterea Deum habere infensum cogitent. Fidem parentum Moïsis, quæ Hebr. ii. commendatur, imitentur omnes alii. Nec aduersus Deum murmurent, sed ipsius voluntati omnia committant: dicentes Iob. i. Dominus dedit & abstulit. Nec etiam propterea de salute suorum liberorum, & gratia diuina dubitent: cum Amram & Iochebed fuerint piissimi, & tamen coacti fuerint filium abiicere in profluentem. Quæ grauior fuit calamitas, quàm si, nescientibus parentibus, pereat in aquis vnus ex liberis.

Sciendum liberos à Deo datos, quos potuisset vtique is qui extraxit ex utero Psalm. 22. v. 10. statim ad se recipere, quàm primùm lucem aspexerunt. Quod paucis annis tibi reliquit, cogita, Moïsen tantum tribus mensibus, non sine ingenti metu & trepidatione in ædibus mater-

maternis occultatum, & mox vt in profluente periret, parentibus eripiendum fuisse ab Ægyptiis.

Et magis tenerè Deus amat ipsos, quàm vel parentes: Esa. 49. vers. 15. Cur autem sic perimat, habet suas causas: Vel vt cito finiatur vita, ne corrumpantur Sap. 4. vers. 11. vel vt ad beatiorē vitam transferat. Nec separat illa mors à dilectione Dei. Rom. 8.

L. II. Quomodo Deus etiam in aquis clamantes (vt hic eiulantem Moſen) audiat & iuuēt, in præced. vide.

II. Pars.

Vidimus Moſen aquis expositum. Extrahamus nunc illum, aut extractū ab aliis, mirabile Dei opus considerare. Nihil hic fortuitum. Omnia regit prouidentia Dei. 1. Circa ripam fluminis filia Pharaonis, (Iosephus Termuthin vocat) deambulans, vt lauaret in aquis, conspicata vasculum, iubet istud ad se deferri per ancillam. Videns puerulum elegantem & flentem, agnoscit esse puerum Hebræum. Non enim latebat illam patris edictum. 2. Miserata itaque fortunam pueruli tam elegantis, non vult ipsum perdere: sed lactari curat, & sibi postmodum ablactatum tradi. 3. Vbi mirabili Dei consilio factum, vt mediante sorore iuencula Miriam, traderetur matri lactandus puer. [Iosephus addit, quod Mose auersante mamas Ægyptiarum, tandē vocata fuerit, ita monente sorore pueri, mulier Hebræa.] 4. Ablactatus traditur filiæ Regis, quæ ipsum vocat Moſen, hoc est, Extractum, scil. ex aquis. Hunc filium adoptauit. Et Stephano teste Act. 7. eruditus est in omni sapiētia Ægyptiorum Moſes. [Addit Iosephus, quod filia Regis hunc successorē patris in imperio futurum parēti nunciauerit, & cum dicto patri infantem in manus imposuerit, quodq; Rex pectori appressum dilexerit, atque filiæ gratificaturus diadema suum capitū pueri imposuerit, illud verò Moſen detractū & in terram proiectum conculcasse pedibus refert. Hinc ipsum occidendum consuluisse sapientes. At à filia Regis liberatum.]

L. I. Sic.

L. I. Sicut cum gaudio recipit Iochebed puerum ex aquis extractum : Ita parentes etiam suos pueros cum maiori gaudio recipient in altera vita.

Vbi non denuò ab ipsis auellendi erunt, sicut hic Moses ab lactatus, sed perpetuò cum ipsis mansuri. Solatur se Dauid hoc argumento, 2.Sam.12.v.23.

L. II. Mirabilis Dei prouidentia in conseruandis infantibus etiam hodiè durat. Angelos adhibet custodes, Matth.18.v.10.

Quod autem interdum discedit à regula, singulari consilio fit, vt agnoscamus id Dei beneficium, de quo aliàs pauci cogitant, & vt diuinæ protectioni ardentius commendemus.

L. III. Omnes infantes sunt Moses, id est, Extracti, scil.ab vtero materno, Psal.22.v.10.& Psal.71.v.6.

F I N I S.

APPENDICIS CLASSIS VII.

C A S V S VIII.

De his qui in aquis pereunt.

L O C V S V.

Ex Psal.66.v.12.

Hic locus supra tractatus est in hac ipsa Appendice, Casu III. De igne absumptis. Illuc lectorem remitto, ne nimium excrescat libellus. Pergo itaq, ad tractationem loci sequentis.

L O C V S VI.

Ex Psal. 107. vers. 23. ad 33.

Qui descendunt mare in nauibus facientes operationes in aquis multis.

D I S P O S I T I O.

Commendat nobis hic Psalmus diuinam prouidentiam,

tiam, quæ ex omnis generis calamitatibus tam clementer liberat. Enumerat autem grauissimas calamitates, quæ ferè possunt accidere hominibus, vt sunt. 1. Exilium. 2. Carceres. 3. Morbi. 4. Pericula nauigantium in mari. 5. Sterilitas & fames. 6. Tyrannorum sæuitia. Et liberatos ex his malis ad gratitudinem erga Deum liberatorem & protectorem hortatur.

Nos in præsentia tantum de quarta calamitate aliquid sumus dicturi: scilicet de periculis nauigantium in mari. Seruabimus autem ipsius Prophetæ ordinem & dicemus 1. De periculis maximis. 2. De precibus afflictorum, atque clementissima Dei liberatione. 3. De gratitudine liberatorum.

I. Pars.

Inter maxima Dei opera & miracula numeratur mare. Psal. 104. v. 25. Estque hoc singulare quod Deus illud fecit nauigabile. Hinc viam in mari monstrare dicitur. Sap. 14. vers. 3. Et humanæ mentis acie inuestigari via illa non potest. Prou. 30. v. 15.

Ibi vero Dominus interdum ostendit suam maiestatem, quomodo scilicet mare vel tranquillum vel infestum nauigantibus reddere possit.

Hoc experiuntur illi qui in mari victum quærunt, & mercimonia faciunt in aquis multis. Vident illi quid possit Dominus, quando ex improviso ventus oritur, qui fluctus excitat, vt naus videatur tanquam in cælum conscensura, & mox iterum in abyssum demersura.

In his periculis certè anima fumeri tradenda videtur. Vacillant ibi & titubant hinc inde quassati in naui, tanquam ebrij.

Et sæpè vel nulla vel exigua spes vitæ superest. Exemplum videmus Ion. 1. v. 4. & Actor. 27. v. 20. & 41.

Locvs I. Videmus tempestates non oriri temerè nec ex meris causis naturalibus: sed à Deo excitari & sedari etiam. Testatur id historia Ionæ. Producit is ventos.

Pfal. 135. v. 7. & turbat mare. Ier. 31. v. 35. Et sicut securitatem potest præstare his, qui in aquis sunt, ita etiam periculum creare potest. Agnoscenda hæc opera Domini, ut innuit versus huius Psalmi 24.

II. Sicut hi, qui victus causa vel officij, vel peregrinationis, vel alia honesta & legitima ex causa, coguntur conscendere naues & experiri opera Domini in aquis multis, ut nautæ, piscatores, mercatores, &c. consolationem habent, quod cum ipsis etiam sit Dominus in mari & aquis, qui ipse navis structuram monstravit Nohæ Gen. 6. v. 14. & transeuntes per mare liberat, sicque facit, ut ligno credant homines vitam. Sap. 14. Ita vicissim qui (ut solet iuuentus petulans) vel ex malitia aut curiositate, vel tamen nulla necessitate cogente, sese committunt aquis, maximum sibi ipsis creant periculum. Et his sæpè accidit id, Qui amat periculum peribit in eo. Syr. 3. vers. 27.

II. Pars.

Porro, quid in periculis constituti facere debeant docet. Clamabunt ad Dominum. Non sanctum Nicolaum, non Castorem & Pollucem, de quibus Act. 28. v. 11. non varios Deos sicut illi Ion. 1. v. 5. non idola fragiliora nauigio, Sap. 14. v. 1. non Neptunum inuocabunt: sed Deum. Is audiet etiam (quod nec gentilium Diis nec Diuis illis Pontificiis conuenit:) & liberabit ex omnibus angustiis. Deus enim solus sedare potest mare & compescere fluctus. Quod patet exemplo Christi Matth. 8. v. 26. Psal. 89. v. 10. & 65. v. 8.

DOCET Psalter, Arripiendas preces, ut in omnibus aliis calamitatibus, sic etiam in aquis. Illas etiam ex aquis audit, sicut lachrymas Moïsis. Exod. 4. Et suspiria atq; preces Nohæ Gen. 8. v. 1. De quo recordatus est Dominus, &c. Nec maior misericordia filia Pharaonis extrahentis suum Moïse, quàm Dei, qui liberat ex aquis multis. Et sum demum preces dicuntur ardentissimæ, cum aquæ
intra-

Intrauerunt os hominis. Vide preces Ionæ. Ion. 2. Sic excitatur Dominus vt iuuet, qui videtur alias dormire, sicut Christus Matth. 8. excitatus à discipulis, &c. At quia tum ardentiores preces, ideoque Dominus etiam audit attentius. Hinc non malè sperandū de his qui in aquis pereunt. Certum enim quod tunc didicerint orare, iuxta Prouerbum. Neq; etiam existimādum irritam esse in ipsis hanc Psalmi particulam, vbi dixit, & de tribulatione exripuit. Si enim non ad hanc vitam seruantur, tamē ad meliorem, & nihilominus audit Dominus, si non ad voluntatem, tamen ad vtilitatem ipsorum. Neque profunditas [etiam in medio mari] separat à dilectione Dei. Rom. 8.

III. Pars.

Liberati ex illis angustiis lætantur, si ad portum potuerunt appellere. At non satis. Celebrent Dominum, &c. Vide vers. Psalm. 31. & 32.

Loqvs. De gratitudine pro Diuina liberatione ex omnibus malis, siue naufragiis, siue morbis, &c.

Estq; illud præceptum, Eripiam, & tu glorificabis me. Psal. 50. Sacrificium Deo gratum. Psal. 69. vers. 31. Hebr. 13. vers. 15.

APPENDICIS CLASSIS VII.

C A S V S IX.

De occisis vi & armis, vel in bello, vel in pace.

E X E M P L V M I.

Genes. 4. v. 8 & seqq.

Abel occisus à fratre Caino.

D I S P O S I T I O.

Diabolum Christus Ioan. 8. v. 44. vocat homicidam ab initio. Und der hats frehlich zeitlich angefangen. Cum enim dolo occidisset & perdidisset Protoplastos, mox etiam aperta vi homicidium committit. Is enim Caino auctor est eius parricidij, de quo hoc loco legimus.

1. Dicemus ergò de hoc casu crudelissimo.
2. Quæ huius causa. Warum es jugegangen.
3. Quomodo hæc cædes manifestata.
4. Quomodo parricida in ius vocatus, accusatus & condemnatus fuerit.

I. Pars.

Paucis verbis grande scelus explicat Moses.

1. Insurrexit Cain contra Abelem.
2. Contra fratrem Habel; cui debebat parcere.
3. Occidit fratrem Abelem.
4. Cum essent in agro, scilicet soli, absentibus parentibus & sororibus, qui vel pacem mandare, vel alterum impedire, alterum iuuare possent.
5. Et quod grauius est, Cain occidit fratrem nihil tale metuentem.

Obiurgatus enim à Domino, quod exandesceret erga fratrem, rursus cum illo familiariter conuersatur, sermones confert, ut nihil mali boni parentes suspicari potuerint.

Locvs I. Videmus interdum etiam piissimos occidi ab improbis. Habel enim ut fidelis commendatur, Hebr. II. Occiditur etiam Vrias pius, 2. Sam. II. &c. Non ergò infeliciores. Pretiosa mors illorum, Psal. II6. Animæ verò ipsorum hic casus non potest nocere, Rom. 8. v. 38. Itaque nec iudicandi temerè.

L. II. Videmus ingenium homicidarum, quod simulant amicitiam, & interim meditantur cædem. Exemplo est Ioab, Vide 2. Sam. 3. & 20.

L. III. Cauendum ab homicidio. Et homicidæ fugiendi atq; detestandi. Omnia autem homicidia vitanda. De hoc cogitandum nobis paulò accuratius. Neq; enim est quod quis dicat, ego non sum homicida, quid isthæc ad me? Plures enim Christo, Matth. 5. v. 21. & Ioanne, 1. Ioan. 3. testibus, sunt homicidæ: scil. qui Racha dicit, qui odit fratrem, & qui lingua percutit proximum, Ierem. 18. v. 18. homicida est coram Deo.

Neque

Neque melior Caino fratricida. Quia omnes sumus fratres, Ephes. 4. Hæc itaq; homicidia etiam cauenda. Et de hoc sæpè cogitandum, ne quis sibi persuadeat, quod Caino sit melior? Vide I. Ioan. 3.

II. Pars.

Quæ huius homicidij causa? Odium & æmulatio. Unde id? Quod Deus respexit sacrificium Abel. Vide vers. 4. cap. Quia scilicet ex fide obtulit, Hebr. 11. v. 4.

Loc. Qui vult cauere homicidium, caueat odium & inuidiam. Fratres Iosephi propterea occidere ipsum volunt, quia inuidet, Gen. 37.

Principiis itaq; obstandum. Odium & inuidia sunt opera carnis, Gal. 5. v. 20.

At plurimi odium pro peccato non habent, aut tamen pro leuissimo, sed malè.

Taceo, quod odium est homicidium. De quo iam in I. parte dictum.

III. Pars.

Cain cum fratre solus fuit in agro. Nec quisquam est, qui viderit, audiuerit, homicidium. Illud tamen fit manifestum, quamprimum fuit perpetratum. Clamat sanguis de terra ad Deum. Deus enim videt & audit gemitus innoxij Abelis. Et sicut omnis creatura ingemiscit, Roman. 8. ita sanguis hic clamat. Illos gemitus & clamores Deus intelligit, licet nos nesciamus quomodo fiat. Mox etiam Dominus ostendit Caino, quod ipse parricidium istud exactissimè nouerit.

Locvs I. Nemo cupiat vllum peccatum designare, multò minus occidere proximum, hac spe fretus, quod istud possit occultare. Etenim Deus videt, Psalm. 139. versu 11. si maximè fiat in angulo remotissimo. Et reuelabit id omne, Matth. 10. vers. 26. Sæpè etiam in his terris mirabili consilio in lucem producit homicidas, sicut hic Cainum.

Nota est historia Ibyci. Hinc Prouerb. Ibyci grues.
Es müſte es noch ein Vögelein auff einem Zaun ſingen.

L. II. Consolatio hinc peti potest ab his, qui tali cæde in magnum coniciuntur dolorem, quod Deus audit gemitus occisorum, videt scelus commissum in occulto, & suo tempore viciscitur grauissimè. Huic vindicta commendanda, Deut. 32. v. 35. si nesciatur latro, aut Magistratus non faciat officium.

I V. Pars.

Cum nemo esset, qui Parricidam posset rapere ad supplicium, tamen Deus hoc munere fungitur.

1. Accusat homicidam. Quid fecisti?
2. Negantem conuincit. Vox sanguinis clamat.
3. Conuictum condemnat. Maledictus tu de terra.

Indignus enim homicida, quem terra ferat. Quod non occiditur, causa est, ne genus humanum deficiat, & Adam atque Eua magis affligantur. Grauius autem punitur, quam morte tantum corporali.

Locvs I. Docet iustus ille iudex, quàm grande scelus sit homicidium, morte piandum, sicut expressum exstat mandatum, Gen. 9. v. 5. & 6. Peccant itaq; non tantum qui committunt homicidium, sed & omnes hi, qui tale factum excusant, defendunt, & quocunque possunt colore pingunt. Quia enim Deus maledicit homicidis, & à regno cœlesti excludit, 1. Cor. 6. Gal. 5. Certè etiam maledicti erunt, quicunq; homicidis benedicunt. Sic enim Deo in faciem contradicunt.

L. II. Docet ipse Dominus Iudex viuorum & mortuorum processum, qui debet obseruari erga homicidas, quod 1. Accusandi, 2. Conuincendi, 3. Condemnandi sint ad mortem. Et ab altari auellendi, Exod. 21. v. 24. Non parcendum cuicunq; personæ conuictæ. Terra enim inficitur. Si parcit Magistratus, ipsi non parceret Deus in iudicio extremo.

F I N I S.

AP.

APPENDICIS CLASSIS VII.

CASVS IX.

De occisis vi vel armis.

EXEMPLVM II.

2. Sam. I. v. 25.

Dauid deplorat casum optimi Ionathani.

Quia vers. 26. supra etiam in Classe IV. num. 2. tractatus est, paucula tantum hic notabimus ex vers. 25.

DISPOSITIO.

Hæc quæ legimus verba pars sunt illius Epicedij, quod Dauid composuit super obitum amici, & fratris sui integerrimi, Ionathani scilicet filij Saul, qui occubuit in prælio contra Philistæos. Et in his deplorat casum amici & fortissimi herois, atque viri piissimi, quem oculis chariorem habuit.

Audiemus itaq; 1. Quis fuerit ille Ionathan, quem hic luget Dauid defunctum.

2. Quomodo perierit,

I. Pars.

Fuit Ionathan filius regis Saul, impij patris optimus natus. Quem vno verbo Dauid vocat Heroem. Et repetit id iisdem penè verbis in fine capitis.

Quantus vir fuerit, colligi potest ex I. Samuel. cap. 14. vers. 13. & 14.

At non tantum fortis, sed & syncerus est atque candidus, qui veritatem asserit, etiam cum indignatione patris. Vide cap. 19. v. 4. & 20. v. 32. Estq; piissimus, qui humiliter agnoscit peccatum parentis, & quod ipse propterea regno priuandus sit. Vide caput 23. v. 17.

Sunt etiam alij fortes, sed iuxta subdoli & impij, aut superbi vel crudeles, vt Ioab, Abner, &c.

Huius verò pietas in Deum, (I. Sam. 14. v. 6.) fides erga

amicum, (1. Sam. 19. 20. & 23.) fortitudo aduersus hostes (1. Sam. 14. & 31. v. 2.) vix satis laudari potest.

Meritò itaque hunc Dauid luget peremptum. Idque ex sincero corde facit. Et quia aliter non potest, filio benefacit, (2. Sam. 9. v. 7.) atque laudes illius decantat, sicque nomen illius immortalitati consecrat.

L. I. Exemplum Dauidis imitari debebant omnes, & deplorare mortem virorum fortium & bonorum. Etenim pœnæ loco minatur Dominus, se ablaturum fortem. Esa. 3. v. 2. Et sunt pij instar muri, qui iram Domini auerunt. Ezech. 13. vers. 5. & 22. vers. 30. Illis occisis aut ablatis plerumque succedunt mali, & haud rarò etiam sequitur *πανολσθρία*, aut penuria illa, de qua Esa. 13. v. 12. Si de bonis & fortibus illud velimus accipere.

At hodiè id fit quod Esa. 56. in fine habetur, Iustus perit & nemo est qui recogitet. Pauci etiam sunt fortes & iuxta boni, qui super contritione Ioseph patiuntur Amos. 6. v. 6.

Multi hodie vel oderunt bonos, qualis Ionathan, vel contemptim habent, & defunctos calumniantur atque conuitiis proscindunt, pro eo, quod laudes illorum decantare debebant: imò nonnulli etiam mortuis insultant. Cum tamen lugere debebant istorum hominum casus. Lugete, Rom. 12. v. 15. Syr. 38. v. 16.

Pauci illorum posteris benefacere student.

Magna hæc est mundi ingratitudo, quæ interdum solet remorari etiam fortes, vt non faciant quod possunt, quia omnia sunt ingrata, &c.

Nos virtutes bonorum agnoscamus, prædicemus & imitemur. Et erit memoria nostra in benedictione Prou. 10. atque iustus in memoria æterna Psal. 112. cum Ionathano. Est hæc fama honesta auro pretiosior. Prou. 22. vers. 1. Syr. 42. v. 15. Beneficiamus posteris bonorum & quoquo possumus modo ipsos iuuemus. Hoc Dominus etiam compensabit.

L. II. Iuuentus inprimis nobilis, & filij Magnatum atque

que fortium, & magnis honestisque familiis orti, & quicumque alij, studeant imitari virtutem Ionathani: vt siue uiuant siue moriantur, audiant heroes, fortes, &c.

At non sint heroes siue fortes ad bibendum vinum, de quibus Esa. 5. v. 22. quales hodie plerique. Non potentes in blasphemando, scortationibus, &c. Non sapientes ad faciendum mala. Ier. 4. v. 22.

Sed heroum filij noxæ, & rari Ionathano similes heroes, qui veram pietatem sectantur.

II. Pars.

Quomodo tantus ille vir Jonathan perierit, paucis audiemus. Occumbuit heros. Occisus in excelsis. Cecidit fortis in prælio. Vide historiam. 1. Sam. 30.

L O C V S. Hic cum Dauide boni omnes & pii deplorant miserabiles hosce & luctuosos, atque infelices, (sic enim nobis videntur) virorum fortium & bonorum casus. Et id quidem rectè fit.

In hoc verò multi errant, quod vel aduersus Deum murmurant, & iniquè ipsum cum talibus egisse putant: vel quod hos aliis multò infeliciores iudicant, quos aduersis casibus periisse cognouerunt. Et plerique tum tantum de genere mortis disputant, & amicum infeliciter periisse dolent. Nonnulli etiam extinctos ab euentu iudicant, & scrupulosè admodum inquirunt in omnes ipsius actiones; imò Dei quoque arcana consilia scrutari conantur.

Hoc loco notanda sunt sequentia, de piis.

1. Sciendum omnes esse mortales. Et neminem mortuum qui non aliquando fuerit moriturus. Heb. 9. vers. 27.

2. Nihil interest quocumque genere mortis vita ista finiatur. Fiat igitur voluntas Dei.

3. Diligentibus Deum omnia cooperantur in bonum Rom. 8. Felicior mors Ionathani, quàm si superstes fuisset. 1. Non videt se excludi à regno. 2. non diu torquetur

tur morbo. 3. Gloriosè simul & piè moritur. Pugnat pro patria, pro parente, & occumbit vt heros. 4. Immortalis est famæ & salutis ratione.

4. Mortis genus quaecumq; fit, non separat à dilectione Dei, Rom. 8. Etiam in morte iustus sperat, Prou. 14.

F I N I S.

APPENDICIS CLASSIS VII.

C A S V S IX.

De occisis vi vel armis, in bello aut in pace.

E X E M P L V M III.

Ex 2. Sam. 3.

De Abnero occiso gladio Ioabi.

Huius Thematis dispositionem vide suprâ in hac appendice, Casu V. num. 1. Illuc remitto lectorem, & pergo ad sequens.

E X E M P L V M IV.

Ex 2. Sam. 2.

De Asabele occiso per Abnerum.

Potest hoc Thema accommodari funeribus eorum, qui sua temeritate perierunt, occisi ab aliis.

D I S P O S I T I O.

In historia 2. Sam. 23. & 1. Par. 11. numeratur Asahel inter heroes, qui tempore Daudidis sese fortiter opposuerunt hostibus. At is hoc loco miserè occisus legitur.

Quia verò illius casus ad nostram doctrinam descriptus exstat, operæ pretium erit de illo aliquid hoc loco differere.

1. Dicemus, quis ille Asahel.
2. Quomodo Abnerum persecutus.
3. Quomodo ab eodem hasta traiectus perierit.

I. Pars.

Asahel, qui hoc loco occisus legitur, ratione suæ propiæ

sapiae. honesto loco natus erat. Erat enim filius sororis Dauidis Zeruiae, atque sic Regis ex sorore nepos.

2. Fratres habet viros fortissimos, Duces militiae Dauidis, Ioabum & Abisai.

3. Sed & ipse insignibus corporis donis à Deo fuit ornatus. Dicitur enim fuisse velocissimus cursor, quasi vnus de capreis quæ morantur in syluis: versu capitis huius 18.

4. Habet quoque peritiam rei militaris: Et vir est fortissimus, inter triginta heroes non minimus, vt videre est locis initio citatis, Is tamen hic vno ictu perit & occumbit miserè.

DOCEr hoc exemplum Asahelis, neminem tam velocem, qui possit effugere mortis sæuitiam: neminem tam robustum, qui contra vim mortis sese possit tueri. Hic enim nec robur corporis, nec ceteræ dotes animi, nec illustris familia quicquam præsidij adferre possunt.

Magna hæc est & effusis lachrymis deploranda miseria, in quam coniecti sumus propter peccatum. Diaboli enim inuidia peccatum, & per peccatum mors intrauit in mundum vniuersum. Sap. 2. v. 24. Rom. 5. v. 12.

Detestandum itaq; peccatum, cuius stipendium mors est. Rom. 6. v. 23.

Deinde nemo promittat sibi longæuam vitam propter corporis agilitatem, fortitudinem siue robur, iuuentutis florem, valetudinis firmitatem, &c. Vana enim sunt hæc omnia. Terminum non præteribit. Hiob. 14. v. 5.

II. Pars.

Pugnat exercitus Dauidicus cum his qui stabant à partibus Isbosethi, & in fugam actos insequitur. Asahel itaque ipsum militiae Ducem Abnerum insequitur, & confidens in velocitate pedum ab ipso non vult discedere: ne monitus quidem. Videatur Textus à verl. 19. ad 23. Sperat se posse ipsum vincere.

LOCVS I. Plerumque pereant cum suis donis, quibus
à Deo

à Deo ornati sunt, homines illustres, fortes, docti & ceteri. Hinc Prouerbum apud nos: *Die beste Schwimmer ersaufen: Beste steiger fallen todtn.* In hoc enim plerique peccant, quod vel superbiunt suis donis, vel abutuntur iisdem, vel confidunt in eis. Hinc fit, ut ipsis non cedant in bonum, sed ad perniciem. Exemplo est Asahel, confidens in pedum velocitate: Ahitophel in sua sapientia, Benhadad in sua potentia & copiis instructissimis, 1. Reg. 20. v. 10. Sanherib in suis victoriis, Esa. 36. v. 18. & seqq.

Sic alius in viribus corporis, alius in diuitiis, alius in splendore familiæ suæ, alius in dignitatibus gloriatur aut confidit. Et sic seipsum perdit: atq; ita illis accidit, quod Ierem. 3. v. 25. extat.

Itaq; 1. studendum humilitati, 2. & agnoscenda dona merè gratuita, 1. Cor. 4. v. 7. & 3. cauendum, ne abutamur illis. Vide etiam Ierem. 9. v. 23.

Locvs II. Multi hodie Asaheli similes reperiuntur, qui amicum faciunt hostem, & ne moniti quidem à pugna desistere volunt. Abner nō cupit occidere Asahelem, quem cum fratre non sibi inimicum facere vult. Asahel autem vi quasi cogit Abnerum, ut occidat ipsum. Sic hodie multi ex amicis data opera sibi faciunt inimicos: si forsitan vno verbulo sunt offensi. *Da muß es mit der Alnagen außgetraßen seyn.* Nec audiunt rectè monentes. Et hi plerumque vel caduntur, vel pereunt. Vide historiam Amaziæ laceffentis Ioas, 1. Reg. 14. v. 9. & seqq.

III. Pars.

Quia renuit Asahel discedere ab Abnero, hasta traicitur. Et subitò ibi perit, qui modo victor & heros erat fortissimus. Sua autem culpa perit, quia non vult pace oblata frui & discedere, &c.

L. I. Qui amat periculum, peribit in eo, Syr. 3. v. 27. & 28. Potuisset Asahel honestè declinare hanc cum Abnero pugnam, præsertim toties monitus. Non enim cupit ipsi nocere Abner, nec se hostem declarat, sed amicum, qui

qui nolit offendere Ioabum fratrem. Sed dum nimium sibi tribuit, vincitur.

1. Ideoque nihil temerè suscipiendum, quod possit afferre damnum. 2. Nec maiora viribus audeat quisquam. 3. Et rectè monentibus obtemperandum semper. 4. Neque pacem oblatam respuat quisquam: sed potius persequatur eam, 1. Pet. 3. v. 11.

L. II. Nemo laceffet, aut etiam laceffitum contemnat aduersarium. Quia nescit quantum possit alter. *Es sind jenseid des Bachs auch Leut.* Asahel velox: sed nec Abnero deest animus. Videatur historia 1. Reg. 20. v. 10. & seqq.

F I N I S.

APPENDICIS CLASSIS VII.

C A S V S I X.

De occisis vi vel armis.

E X E M P L V M V.

Ierem. 41. v. 1. & 2.

De Godolia occiso ab Ismaele.

D I S P O S I T I O.

Tristis admodum est hæc historia, quæ nobis refert casum illum miserandum, quomodo scil. optimus Godolias à perfido & nequissimo nebulone Ismaele fuerit occisus. Vt autem historiam rectius intelligamus, nonnullæ circumstantiæ erunt considerandæ.

1. Quis. Personæ scil. occidens & occisa.
2. Quid. Ipsum factum seu homicidium.
3. Vbi. Quo loco istud fuerit commissum.
4. Quibus auxiliis. Quinam Ismaelem iuuerint, vel socij.
5. Cur. Quæ huius tam nefariæ cædis causa.
6. Quomodo. Occasio & modus huius latrocinij.
7. Quando. Quonam tempore acciderint hæc omnia.

Quia

Quia singulæ circumstantiæ aliquid poterunt monere, de singulis aliquid dicemus.

Qui vult in pauciores contrahere potest, & præcipuas tantum tractare.

I.

De personis initio dicendum, ut atrocitas facti clarius constet.

Ismael Iudæus erat, & de stirpe regia, agnatus scil. regū Iuda. At homo nequissimus, subdolus, perfidus, latro: qui neq; Deum neq; Magistratum timet, & bipedum sanè nequissimus. Vixit ad tempus in aula Regis Ammonitarum, cui suam addixit operam, contra propriam gentem:

Godolias verò Iudæus & ipse, vir eximie pietatis, amas iusticiæ, humanus & liberalis. Iam in magna authoritate constitutus, & vicarius Regis Babylonij (Statthalter) in Iudæa. Cuius virtus omni populo nota fuit, ideoq; dispersi omnes ad ipsum confugiunt. Vide Ier. 40. v. 7. & 11. Vide etiam ipsius orationem ad populum Israeliticum planè paternam, v. 9. Et sub ipsius tutela potuissent utiq; Iudæi superstites felices esse in patria. Ipso verò occiso omnis simul felicitas evanuit, ut ex sequenti historia Ieremiæ patet.

Locvs I. Non semper magno loco nati meliores sunt cæteris. Nec rarò Heroum filij noxæ. Exemplo Ismaelis patet, & Absalonis, &c.

Itaque viri magni maiori sollicitudine suos liberos educare, & ad pietatem assuefacere discant.

II. Godoliæ virtutes imitentur omnes, & erit ipsorum gloria immortalis. Quod si maximè non semper rebus magnis adhibentur, & exaltantur in his tetrīs, tamen suo tempore inter Angelos collocabuntur.

III. Bonis etiam hostes coguntur fauere. Vide Proverb. 16. v. 7.

II.

Bonus dux populi à sceleratissimo nebulone Ismaele per-

perfidè occiditur. Et cui parcit hostis, Rex Babylonius, eum necat sympatriota Iudæus.

L o c u s. Sæpè hostibus crudeliores domestici, & barbaris gentibus nequiores, qui volunt esse populus Dei & Christiani. Grauior erit horum damnatio.

II. Sæpè imò plerumque plus damni Ecclesiæ dederunt falsi fratres, quam aperti hostes.

III. Godoliæ quidem corpus perit: anima non item. Quia vir fuit pius. Si idem piis hodiè accidat, sancta crux erit. Pretiosa mors sanctorum. Psal. 116.

IV. Indignus erat populus ille tam bono principe, propter impietatem, quæ cernitur Ierem. 43. v. 2. & seqq. Ideoque orbantur tali principe. Magistratus itaq; bonus magni faciendus. Orandum pro illo. 1. Tim. 2. vers. 2. Hoc enim sublato, omnis disparet felicitas.

III.

Occiditur optimus Princeps in loco habitationis suæ, in Mispah, in domo sua, & eo in loco, vbi adhuc erat habitandi magna commoditas, vt patet Ier. 40. v. 10.

L. Nullus locus est, qui à perfidis & proditoribus nobis possit præstare securitatem. Ne quidem ipse lectus noster. Vide historiâ Isbosethi à suis occisi in Lecto. 2. Sam. 4. v. 11. Idem tentant duo cubicularij Ahafueri. Esth. 6. v. 2.

Quod si non violenter occidamur, tamen à morte imminet periculum vbique, in domo, in mensa, in lecto, in campo, &c. Semper itaque & vbique vigilandum & orandum. Matth. 24. Mar. 13. & 14. 1. Pet. 5.

Nec vnquam simus securi, ne incauti opprimamur. Luc. 21.

IV.

Socios etiam impietatis suæ habet Ismaël, viros decem, & præter hos, optimates quosdam regis Ammonitarum, cuius instinctu hæc omnia fiunt.

L. Nullum tam grande scelus à quoquam fuit tentatum, qui non inuenerit socios sceleris.

Cave-

Caveat autem vnusquisq; , ne sese aggreget malis, nec iuuet aut promoueat conatus sceleratorum, si non velit eiusdem cum ipsis particeps fieri pœnæ, Syr. 13. v. 1.

V.

Causa tam nefariæ cedis annotatur paucis vers. 2. propterea quod præfecerat eum Rex Babylonius terræ Iuda. Id ægrè ferebat non Rex tantum vicinus Ammoniticus, sed & ipse Ismael inuidebat Godoliæ hunc honorē, quem ad se potius pertinere opinatur, cum ipse de Regia stirpe natus sit. Ideò vt expleat inuidiam, faciliè paret mandato Ammonitæ. Vide Ierem. 40. v. 14.

L. Qui vult cauere scelera cuncta, caueat ab inuidia & æmulatione seu ambitione. Inuidus enim nihil curat pietatem. Vide exempla Ioabi, 2. Sam. 20. Adoniæ, 1. Reg. 2. Et alterius rebus marcescit opimis.

II. Non inuideamus his, qui in authoritate sunt constituti. Præsertim si pij sint. Imò veneremur ipsos, propter Deum, qui eos euexit, Rom. 13. Habent illi sua onera, nobis non optanda.

VI.

Quomodo aggressus fuerit suum parricidium Ismael, etiam annotatur. Simulat fidem & amicitiam, cap. 40. v. 8. & hoc loco. Fuit conuiuia Godoliæ. Is nil mali suspicatur, etiam monitus, cap. 40. v. 16.

L. I. Tuta frequensque via est per amici fallere nomen. At grande crimen habet. Dolosi abominabiles Deo. Psal. 5. v. 7. & 55. v. 24. Candor decet Christianos.

II. Non nimium fidendum omnibus. Benè monentibus obtemperandum. Quod vtinam fecisset Godolias.

VII.

Factum hoc mense 7. cum quarto esset vrbs capta: & cum iam hostes recessissent, & pax esset restituta Israelitis.

L. Vna superata calamitate, alia mox expectanda.

F I N I S.

AP.

APPENDICIS CLASSIS VII.

CASVS X.

De furiosis, & melancholicis.

EXEMPLVM I.

Daniel. 4. v. 13. &c.

Cor eius ab humano corde commutetur, & cor fere dabitur ei, &c.

DISPOSITIO.

Admirandam Metamorphosin descripsit Propheta Daniel in hoc capite, cuius simile exemplum non exstat. Legitur enim, Rex alioquin prudens & honoratus sic immutatus, vt & rationis vsus & dignitatem omnem amiserit, atq; vix formam humanam retinuerit. Quamuis autem talia hodiè non per omnia appareant spectacula, tamen videmus non rarò sensus hominum atque rationem ita turbari, vt sibi ipsis amplius non sint similes.

Ad nostram itaque doctrinam examinabimus præsentem historiam, & duo considerabimus in Rege.

1. Quomodo is furore correptus.
2. Quomodo mania liberatus fuerit.

1. Pars.

Nebucadnezar fuit Monarcha potentissimus, sed iam agnoscit se habere superiorem, videlicet Deum, qui ipsum humiliavit. Is enim audiit vocem de cœlo, quæ immutationem ipsi grauissimam minatur. Et hoc vult, ita explicante Daniele:

1. Cor humanum ab ipso auferendum. Et illum priuandum vsu rationis.
2. Furore correpto compedes iniiciendos, &c.
3. Cor bestiale ipsi dandum, vt eiiciatur ex consortio hominum. Idque septem annis duraturum. Hæc omnia sic accidisse sequens historia docet.

Causa huius iudicij est illa, quam Daniel refert vers. 22.

vt humilietur coram Deo, in cuius manu sunt regna mundi, qui hactenus Deum omnipotentem non rite coluit, sed superbè (in sua potentia confusus) gloriatus fuit de amplissima Metropoli.

Locvs. Videmus, vnde fiat, quod haud rarò sapientes fiunt amentes, & docti interdum stolidi, sani infani, hilares tristes &c.

Deus est qui immutat vel aufert cor, & distubat rationis iudicium, & pro corde humano dat bestiale. Qui enim dat sensus & membra integra, is etiam potest mutare & mutilare pro sua voluntate.

Et hac in parte variè agit Dominus. Vel enim Satanæ permittit, vt exagitet hominem & adigat ad insaniam, quod factum legitur Marc. 5. v. 2.

Vel quod frequentius accidit, per morbum aliquem turbat hominis rectam rationem. Sicut verè Melancholia ipsa morbus est. Nec rara est mania, vbi læsa imaginatiua facultate homo sibi persuadet diuersum apparere. Et sic de cæteris.

Causas autem habet Deus, quare sic agat cum hominibus, easque varias, pro qualitate hominum.

1. Vel sic punit superbiam, (vt hoc loco, v. 27.) aut abusum donorum Dei. De quo I. Corinth. I. v. 19.

2. Vel pios sic exercet sancta cruce, & simul his exemplis alios inuitat ad pœnitentiam, vt cogitent, si hoc fit in viridi. Luc. 23. v. 31.

3. Interdum pios sic corripit, & iudicium rationis turbat, vt sic alias & maiores calamitates non curent, &c.

Est verò hoc consolatione plenissimum, quod Dominus non tantum sic affligit, sed simul etiam terminum præfigit, quàm diu hæc afflictio durare debeat. Hoc loco septennium. Tempus sanè coram nostris oculis longum, at in conspectu Dei breue, coram quo mille anni sicut vna dies. Psal. 90.

1. Patenter itaque ferenda illa calamitas. 2. Et ro-
gan-

gandus Dominus pro miseris illis afflictis. 3. Condolendum illis ex animo. Non irritandi. 4. Media non negligenda, ut restituantur. 5. Custodiendi (sicut hic de compedibus dicitur) ne sæuiant in propria viscera. 6. Illorum exemplis moniti discamus Deum timere, & donis ipsius uti in vera animi humilitate.

I I. Pars.

Post septennium liberatur Rex Nebucadnezar à mania illa. Humiliat se coram Deo. Restituitur regno & sanitati. Quæritur à Consiliariis & Proceribus regni, & pristino honore atque ampliori etiam ornatur.

Locvs. Fidelis Deus non sinens tentari ultra vires, sed dans cum tribulatione euentum, 1. Cor. 10. Idem plerumque ante finem vitæ iudicium rationis restituit Melancholicis, ut possint cum Rege hoc loco Dominum agnoscere, & prædicare illius miracula.

Quod si id non fiat, tamen de salute piorum, qui furore correpti fuere, nihil dubitandum.

Non enim requireret Dominus ab iis, ultra quam dedit ipsis. Quod si loquantur vel faciant, quod Christianum non decet, non ipsis hoc sed morbo tribuendum. Facit hoc inhabitans malum, Roman. 7. Nec culpa furoris aut insanix ipsis tribuenda, sed Domino, qui cor immutat, prout vult. De piis autem loquimur. Illi infantibus similes sunt, & non imputatur illis delirium.

II. Non contemnendi aut irridendi, qui aliquando furore correpti ad se redierunt, nec illis exprobranda dicta aut facta: sed consolandi & erigendi, atq; exhilarandi. Sicut Principes regni suum Regem quærunt, venerantur restitutum, &c.

III. Restituti sanitati, & qui intellectum receperunt, exemplo Regis huius, laudent & glorificent Deum cœli, quia omnia opera eius veritas, &c.

Vide vers. 33.

F I N I S.

Vv 2

AP

APPENDICIS CLASSIS VII.

CASVS X.

De furiosis, insanis aut melancholicis.

LOCVS II.

2. Corinth. 12. v. 9.

Virtus mea in infirmitate perfcitur.

NOTA.

Explicatio huius Thematis suprà reperitur in Classe septima, numero 16. Placet tamen hoc loco paucula verba ad præsens institutum accommodare. Sequitur ergo hic alia

DISPOSITIO.

Multas & varias esse infirmitates, ægritudines atque afflictiones, vt cuique diei, Matth. 6. in fine, ita ferè vnicuiq; homini; nemo est qui negare possit. Inter illas non minimum locum obtinet illa animi ægritudo, quæ hominem mente captum & insanum reddit, & ferè totum immutat: quod in melancholicis & amentibus fieri videmus: vt ex sapientissimo fiat stolidus, ex doctissimo ineptissimus, & qui seipsum vix nouerit, &c. Cuius rei exemplum præsens funus nobis exhibet.

Hoc loco multi disputant, vnde sit talis affectus & corruptio intellectus hominis.

Deinde etiam multi sunt, qui de æterna salute talium minus benè sperandum putent.

Ad vtramque quæstionem nos iam respondebimus, ex dicto illo quod legi audiuius ex Corinthiis.

I. Pars.

Variè disputatur passim, à doctis pariter & indoctis, vnde fiat ista rectæ rationis & iudicij perturbatio.

Alij tribuunt hoc humoribus prauis: alij aliis affectibus corporis humani, & cerebri potissimum. Alij exter-
nas

nas causas quærunt, vt sunt, Philtra, venena, terror, confternatio, metus, casus aduersi & inopinati, & infinita alia.

Et habent hæc omnia suam quandam rationem. At verum principium inuestigandum est, à quo cætera omnia dependent.

Vnde igitur ista? Ab eo qui dixit Apostolo vasi electo, quod etiam circa infirmitatem sit occupatus, à Deo scilicet, à quo bonum & malum, sanitas & ægrotudo, vita & mors, Syra. II.v.14. Amos 3.v.6. Esa. 45.v.7.

Qui dat iudicium rectæ rationis, is etiam corrumpit quando vult.

Atqui variis mediis hoc perficit Dominus. Nec raro etiam Satanæ permittit vt sic affligat homines, siue per morbos varios, siue alia ratione. Is certè ligauit filiam Abrahami mulierem incuruatam. Luc. 13. Sic ligat intellectum hominis internum. Et Act. 10. dicitur, quod hi, quos Iesus Nazaræus sanauerit, fuerint oppressi à Diabolo. Patet exemplo Iobis Satanæ studium. Imò ipsius Pauli hoc ipso loco, quem colaphizat angelus Satanæ. 2. Corinth. 12.v.7.

Et illa infirmitas Deo non est incognita, quam etiam non vult auferre à Paulo, licet rogatus. Ibid. vers. 8.

Quæ autem causa est, quod Dominus hoc Satanæ permittit? Hoc loco probè tenenda est differentia, inter electos Dei filios pios, & inter impios. Fieri enim potest, vt vtrisque eueniant eadem. Eccles. 9. vers. 2. Impii sic puniuntur, idque vi legis Deut. 28. vers. 28. Percutiet te Dominus amentia & furore mentis. Et vers. 34. Adigeris ad insaniam. &c. Pii verò sic exercentur, vt aliis sint quasi viua concio, & inculcent illis id Luc. 23. vers. 31. Si hoc fit in viridi. Atque vt cognoscant omnes, quantum Dei donum sit, si vsum rectæ rationis concedat.

Exemplū vtriusq; libet proponere, vt res sit manifesta.

Saul turbatur & exagitur à Satana. 1. Sam. 16. Paulus sentit etiam colaphos Satanæ. 2. Corinth. 12. At huic est sancta crux. Illi vero *ὑπερβία* & vltio diuina.

II. Pars.

Ex his quæ diximus, iam facile erit colligere, quid de æterna horum salute sentiendum, qui sic affliguntur. Et de impiis quidem & impœnitentibus expedita est ratio, quod illi tandem perueniunt ad desperationem, sicut Saul. At de his nihil dicemus iam, quia cum ipsis nobis nihil est negotij.

De piis verò, & qui certis peccatis sibi talem non contraxerunt amentiam, nōnulli dubitant, an saluandi sint, si non redeant ad se, ante finem vitæ, cum non possint animas commendare creatori, nec admittant conciones sacras, nec audiant docentes, nec Sacramentis utantur, adeoq; mediis ad salutem necessariis careant.

Accedit huc, quod interdum loquuntur & faciunt indigna homine Christiano, qui mente planè alienati sunt.

At hoc non ipsis tribuendum, sed Satanæ & vi aut vehementiæ morbi. Non ipsi possunt consentire rectæ rationis iudicio, quo carent.

Similes sunt infantibus, quibus nulla tribuitur culpa, propter iudicij defectum. Sicut autem de salute infantum baptisatorum nemo dubitat, ita nec de his dubitandum. Nec abiicitur Paulus propterea, quod nunquam cessat Satan ipsum colaphizare. Nec permittitur Satanæ, ut possit nocere animæ, si maximè affligat corpus. Patet exemplo Pauli, 2. Corint. 12. v. 9. Gratia mea sufficit. Imò hîc sese exerit virtus Dómini in infirmitate illa. Quod licet nos non intelligamus, quomodo fiat, tamen Deo satis constat.

Nec irritæ sunt piæ aliorum preces pro talibus, sicut nec erant apud Christum, Matth. 9. v. 2. Potest in ipsis sicut in infantibus perficere suam virtutem. Et spiritus interne facit officium, Rom. 8. v. 16.

Ergo de salute ipsorum nihil quicquam dubitandum.

F I N I S.

AP-

APPENDICIS CLASSIS VII.

CASVS XI.

De subitanea morte abreptis, aut vi diuina occulta enecatis.

EXEMPLVM I.

I. Sam. 6. v. 19. ad finem cap.

De Bethsemitis occisis à Domino, propter arcam fœderis curiosè spectatam.

DISPOSITIO.

Luctuosus hac historia describitur casus Bethsemitarum, & aliorum, qui accurrerunt ad ipsos: vbi scriptura nobis ob oculos posuit exemplum subitanæ & improvisæ mortis: & quomodo extrema gaudij luctus occupet, Prouer 14. v. 13. Dum enim illi magno se gaudio perfusos putant, ecce magnus sequitur luctus, quod tanta populi multitudo subitanea & improvisa morte perit.

Nos duas tantùm historiæ partes notabimus, audituri.

Primùm de subitanea morte populi, & causa huius.

Deinde de luctu superstitem, &c. super defunctis contri-
bulibus.

I. Pars.

Repetenda paucis ex hoc capite historia, quomodo arca tempore Eli capta à Philistinis post septem menses (cum hostes sensissent grauem manum Domini) ablegata fuerit in Israel. Et quomodo peruenerit in fines ciuitatis Bethsemes, quæ erat Sacerdotalis vrbs, sita in tribu Iuda, Iosue 21. cap. v. 16.

Illi magno cum gaudio arcam recipiunt, & Deo sacra faciunt. Erat enim populus tum magno numero in agro, propter messem. At gaudium mox vertitur in tristitiam.

Etenim subitanea morte pereunt septuaginta viri de Bethsemitis, & ex reliquo populo, qui turmatim accurrebat, arcæ videndæ causa (quæ ab hostibus redierat) quinquaginta millia virorum.

Lyra sequutus Hebræos putat tantum septuaginta viros periisse, sed optimates, qui fuerint instar quinquaginta millium, sicut Dauid dicitur esse instar decem millium. 2. Sam. 18. v. 3. At Textus manifestus est, periisse primos spectatores arcæ 70. Et deinde ex populo 50000.

Et hos quidem subitanea morte periisse constat, qui non tantum erant ex Bethsemitis, sed ex omnibus finibus Israël confluerant eò.

At unde tanta strages? Non certè ab hostibus. Nec ex infectione aëris? Neque alia contagione. Hic exprimitur id: Percussi sunt à Domino. Deus subito illos extinxit. Quæ verò huius rei causa? Lyra aliquot refert causas. 1. ineptam læticiam. 2. holocaustum indebitè oblatum. 3. quod arcam nimis diu dimiserint sub diò, sine luminaribus & cultu debito. &c. At non opus sollicitè inuestigare causas, cum vera causa expresse addatur: eò quod vidissent arcam Domini,

Ergonè propter rem istam leuiculam sic iratus est Dominus, inquis? Quis non cuperet videre tale aliquod spectaculum, reductum ab hostibus? Numquid non iniquè agitur cum tot millibus hominum propter rem leuissimam? Respond. Propter transgressionem legis diuinæ sic puniuntur. Sub pœna enim mortis interdictum erat illis, ne quis arcam aspiceret nudam. Vide Num. 4. cap.

Non itaque propter curiositatem, sed ob violatam legem sic puniuntur; quæ non est res leuicula, sed coram Deo gravissima, morte æterna digna. Animas tamen horum saluatas non est dubium. Fuit enim Deus hac temporali plaga absque dubio contentus.

Locvs I. Posset hic prolixè tractari Locus hic, Quomodo omnia facta nostra non iuxta faciem externam, sed

sed iuxta Dei verbum sint exigenda: alioquin ex graui delicto nos facimus rem leuiculam. Vt exempli causa, aspicere arcam, vesci pomo, non videtur res grauis, at transgressio mandati diuini est grauissima. Et sic Deus exigit nostra facta. Ea examinanda sunt ad verbum ipsius. Et hoc est quod peccatum Saulis I. Sam. 15. v. 11. & V. 12. Par. 26. v. 18. facit grauissimum. Non ergò dicamus, quid tum, si maximè hoc feci, est res exigui momenti, &c. Minimè verò. Cogita de lege Domini, quam transgredi est peccatum æterna morte dignum.

L. II. Hic ad institutum propius accedit, qui est de morte subitanea & improuisa. Vbi variè solet disputari, vnde illa sit. At hîc vno verbo ostenditur, vnde mors subitanea, videlicet Domini esse plagam. Percussi sunt inquit textus. Deus est qui vno momento multa millia potest tollere è medio. Quare hoc?

1. Interdum quidem propter certa peccata sic punit, vt hoc loco & 2. Sam. 6. v. 7. Act. 5. v. 5. & 10. Leu. 10. v. 2.

2. Interdum verò etiam bonos & electos eodem mortis genere abripit.

3. Nec propterea dammandi qui sic moriuntur. Quia occulta sunt Domini iudicia. Et beati qui in Domino moriuntur, quocunq; mortis genere moriantur. Apo. 14.

4. Vel sic exempla aliis statuit ob oculos, vt cogitent id Luc. 23. vers. 31. vel corpus perdit vt anima seruetur: vel etiam sic pios abripit, ne diu torqueantur morbis &c. Et tenenda de piis hæc regula: omnia in bonum cedunt diligentibus Deum. Et neque periculum neque mors separatur à dilectione Dei Rom. 8.

5. Quia verò tam incerta est hora mortis, vt omni momento nesciamus quid futurum de nobis, semper vigilandum, semper orandum, semper anima Deo commendanda. Matth. 24. Mar. 13. I. Pet. 5. &c.

6. Sic vigilantibus subitanea & improuisa etiam mors mala non est. Imò gratiæ Dei tribuendum si citò faciat finem, & non diutius excruciet morborum vehementia.

II. Pars.

Breuitè etiam dicendum, quid populus tantam sentiens stragem fecerit. Textus sic habet: Luxitque reliquus populus. Rectè hoc. At quod sequitur, non laudari potest, quod sc. non acta pœnitentia ad Deum conuersi sunt, sed arcam relegarunt in Kiriathlearim: &c. similes Gadarenis, qui Christum, ut exeat ab illis, rogant, Marc. 5. v. 17.

Loc. v. s. I. Lugendum omnibus, si Deus plaga aliqua etiam alios punit. Nostrates dicunt, *Was nur niemand auß seinen Schuhen stirbt/ so frag ich nichts darnach.*

Indigna hæc sunt Christianis. Flendum cum flentibus, Rom. 12. v. 15. Et malè audiunt, qui nihil patiuntur super contritione Ioseph, Amos 6. v. 6. Cogitandum semper, Hodiè tibi, cras mihi, Syr. 38. v. 23.

L. II. Bethsemitis similes plerique sunt etiam ex nostris, qui non hoc agunt, ut per pœnitentiam seriam cum Deo redeant in gratiam, sed id tantum optant, ut Deus recedat ab ipsis, hoc est, ut cesset ipsos affligere. Et malunt viuere felices absque Deo, quam cum Deo aliquid pati.

F I N I S.

APPENDICIS CLASSIS VII.

CASVS XI.

De subitanea morte, vel vi occulta diuina enecaris.

EXEMPLVM II.

2. Sam. 6. v. 6. ad 9.

1. Paralip. 14. v. 9.

De Vsa percusso à Domino, & mortuo iuxta arcam Domini.

Potest tractari in funere magni alicuius viri subitanea morte abrepti,

DIS-

D I S P O S I T I O.

Proponitur nobis hoc loco exemplum subitanæ & improuisæ mortis, qua abreptus legitur vir alioquin pius & Deum colens, Vsa videlicet. Super cuius obitu Rex ipse Dauid vehementer perturbatus legitur: atque locus iste etiam cognomen ex hac Dei ruptura accepit. Quia itaque Deus etiam apud nos magnam quoque rupturam rupit (sic enim in Hebræo est hoc loco) subito scil. abripiendo virum magnum, cuius iam funus comitati sumus, agite hanc historiam excutiamus.

Videbimus 1. interitum Vsa.

2. Luctum Dauidis.

I. Pars.

Vsa filius est Abinadab, frater Ahio, cuius in Kiriath-Iearim, quò deducta fuit arca postquam rediit ex terra Philistinorum. 1. Sam. 6. & 7. Fuit autem arca reposita in domo patris Vsa annis 20. 1. Sam. 7. v. 2. Tempore Saulis etiam ibi relicta arca parum curabatur. Dauid itaque restauraturus cultum diuinum, arcam deducere vult in Metropolim regni, vt magis vigeat cultus.

Cum itaque ex domo Abinadab educeretur, Vsa filius ipsius cum fratre Ahio suas quoque operas volunt coniungere. Et Ahio præcedebat currum, Vsa verò regebat plaustrum.

Cumque à via regia declinassent boues, & currus ruiturus videretur, Vsa accedit sustentaturus arcam Domini, ne decadat ex curru in terram.

At tam ægrè fert Dominus hoc factum Vsa, vt subito illum extinxerit, in eodem vestigio.

Quæ verò causa huius indignationis diuinæ? Nunquid non bona intentione hoc fecit Vsa? Videtur itaque non iustè sic irasci Deus, cum Vsa potius videatur laudandus quàm culpandus. Respond. Meritò indignatur Dominus propter legis transgressionem, sicut & 1. Sam. 6. indignatur Bethfemitis, propter eandem causam. Illo

exem-

exemplo edocti alii rectius sapere debuissent. Sub pœna mortis enim prohibitum erat, ne quis contrectaret arcam Domini nudam, præter Sacerdotes ex familia Aharonis. Vide Num. 4.

Loc. I. Videmus quàm stricte Dominus sua velit obseruari præcepta. Ideoque iuxta ipsius verbum, non iuxta nostræ rationis ductum examinanda omnia nostra facta. Vide ea quæ Disposit. Præcedenti habentur, parte I. Loco Com. I. Sunt enim eadem hic etiam consideranda, quia planè similis casus.

II. Quàm vana sit bona intentio hominum, si nullo verbo Dei nitatur, hinc manifestè apparet. Quod ego præcipio, hoc facito. Deut. 12. Non quod tibi rectum videtur. Ibidem. Hinc Christus, Omnis plantatio. Matth. 15. v. 13. Et, frustra me colunt. Ibid. v. 9.

III. Nemo sese ingerat alieno officio. Vsa non erat commendata cura arcæ. Ideo hortatur Petrus, ne quis patiatut *ἄλλοτε τοιοῦτον ποιῶ*, I. Pet. 4. Et Paulus, Propria agite. I. Thess. 4. v. 11.

IV. Non rarò viri etiam pii & magnæ authoritatis hallucinantur grauissimè. Sicut hoc loco Rex ipse (vt mox sequetur) & bonus hic Vsa noster. Omnes enim sumus homines, caro & flos agri. Hinc illud Psalmi 62. v. 10.

Agnosendum hoc, & orandum omnibus, semper & vbiq; pro regimine spiritus sancti. Psal. 51. v. 13. plura Ps. 119.

Loc. v. s. principalis nostro instituto seruiens hic est, de morte subitanea. Quem suprà Disposit. præcedenti parte I. inuenies. Illa huc etiam possunt referri. Et de æterna salute Vsa meritò non dubitamus, quia hæc fuit castigatio temporalis, cum alioquin pius & bonus fuerit Vsa: quod docent omnes circumstantiæ, & sequens etiam luctus Davidis.

II. Pars.

Super obitu Vsa vehementer consternatur Rex David. Partim quod hunc boni viri casum dolet. Et hinc ad per-

perpetuam rei memoriam Perez Vsa vocat hunc locum, hoc est, Rupturam Vsa, quem Dominus subito abripuit.

Partim etiam dolet David propter se, quod non iuxta legem curauit gestari arcam. Id enim volebat mandatum Domini. Num. 4. Et hunc errorem agnoscit & corrigit Rex postea. 1. Par. 15. v. 13. Si hîc obseruata fuisset lex, Vsa non periisset.

Locvs. Dolendum ex animo, si proximus aliquid patiatur aduersi. Rom. 12. v. 15. vide Disposit. præcedentem, parte 2. Loco Com. 1. Etiam si inimico aliquid accidat mali. Samuel & David impium lugent Saulem, abiectum à Domino. 1. Sam. 15. v. 35. & 2. Sam. 1. vers. 17. Et Absolonis casum luget David. 2. Sam. 18. v. 33. Hanc enim *συμπάθεια* exigit charitas. 1. Cor. 13.

Præsertim verò dolendum, si talis ruptura bonorum virorum sit damnosa Ecclesiæ vel Reipublicæ, vt est plerunque: cum hi sint qui se opponunt ruinæ Ezech. 22. v. 30. & sustinent iram Domini. Exod. 32. v. 10. Maximè verò dolendum, si nos aliquando ipsos offendimus, vel si mortem promouimus vlla ratione, licet insciis vel inuitis nobis id factum sit.

At maior pars hominum de hoc parum cogitat. Sicut hic præter Regem nemo legitur perturbatus fuisse casu amici aduerso. Ita plerunque fit iuxta Prouerb. *Wer reit der reit / Wer leit der leit.* Sed malè hoc. Charitas aliud iubet. Et si Deus nobis remetiatur eadem mensura, quàm miserierimus. Corrigenda ergo hæc *ἀσorgία*.

F I N I S.

APPENDICIS CLASSIS VII.

C A S V S XI.

De morte subitanea aut vi occulta diuina enecatis.

EXEMPLVM III.

Actor. 5.

Ananias cum coniuge Saphira subito extinctus.

Tra-

Tractari potest in funere vnus vel duorum coniugum subitanea morte peremptorum, quorum vita non fuit laudabilis.

DISPOSITIO.

Horribile exemplum iudicii diuini cernitur in his coniugibus; de quorum subitanea morte nos docet præfens historia. Ad doctrinam autem & admonitionem nostram hæc omnia esse scripta, Apostolus author est Rom. 15. v. 4. & 2. Tim. 3. v. 16.

Videbimus itaque 1. interitum horum coniugum: 2. Causas inuestigabimus, quare illis hoc acciderit.

I. Pars.

Inter Christianos primitiuæ Ecclesiæ erant Ananias & Saphira. Baptisati erant & suis ornati donis. Cupiebant etiam partem aliquam bonorum suorum conferre in commune. Illorum tamen miserabilis & mirabilis simul est interitus. Ananias enim audiens grauem Petri reprehensionem, subito concidens in terram expirauit, ac si telo confossus esset.

Post trium horarum spacium, cum is iam esset remotus ex hominum oculis, & terræ demandatus; coniunx illius Saphira similem Petri obiurgationem audiens, & ipsa subito expirauit, & quasi fulmine icta corruit.

Locvs. Nonnunquam talia exempla iudicii diuini ob oculos statuuntur, vt discamus, in Dei manu vitam & mortem esse. Sap. 16. Syr. 11. Et vt sciamus quod Deus viuificet & mortificet. Deut. 32. 1. Sam. 2. Id potest verbum Petri, quia ex ore Dei prolatum.

Ecquis verò hoc negat; inquis? Multi certè, si rem rectè velimus expendere.

Hic. qui vitam nostram iuxta naturæ decursum necessariò ad metam iustæ ætatis deducendam opinantur; nec à Deo decurtari vitæ dies, neque prolongari existimantes, dummodo ipse homo suam non negligat valetudinem. Tales Stoici multi sunt hodiè. Quibus nihil va-

lens

valent vel promissiones diuinæ illæ, Ex. 20. v. 12. Ephes. 6. v. 2. Prou. 3. v. 2. & 9. v. 11. & 10. v. 27. vel etiam comminationes: Psalm. 37. v. 2. Psalm. 55. v. 24. & 58. v. 8. & seqq.

Ideo que pro lubitu viuunt. Nec est timor Dei ante oculos eorum. Psalm. 36. v. 2.

II. Quamuis etiam pios morte subitanea abtupi interdum contingat, quibus quidem illa (vt alia omnia) in bonum cedit, tamen grauis est impiis pœna & vltio, si sic moriantur, vbi nec cum Deo prius reconciliari, nec ipsæ animas commendare possunt.

Meritò itaque oramus, a subitanea & improuisa morte libera nos Domine.

Quia verò constat quàm fugax sit & instabilis vita, quàm incerta hora mortis, semper vigilandum cum quinque virginibus Matth. 25. & Deo anima semper piis commendanda precibus Psalm. 31. v. 6.

II. Pars.

At quæ causæ sunt huius tam repentini interitus horum coniugum? Multa quidem concurrunt peccata: hæc tamen sunt præcipua.

1. Hypocrisis. Quod pecuniam in commune conferunt, non ex sincera charitate, studio iuuandi pauperes fratres, sed vt laudem inde reportent, sicut viderant Barnabam consequutum fuisse. cap. 4. in fine.

2. Ambitionis igitur laborant vitio.

3. Accedit diffidentia, quod partem pecuniæ reseruant, si forte post aliquod tempus res aliter caderet.

4. Grauiissimum autem est, quod mentiuntur Spiritui sancto, negantes se pluris vendidisse agrum. Sic Deo fucum facere conantur. Idque potissimum illis exprobrat Petrus.

L. I. Posset tractari hic locus, Christianis semper admixtos esse hypocritas: scilicet zizania inter triticum. Matth. 13. v. 30. Cauenda autem hypocrisis. Syr. l. v. 36. & 38. vers. 23.

Locvs II. Caueant ab his peccatis, quicunque mortem subitanæ, imò æternæ effugere cupiunt. Quamuis enim non semper Deus in vestigio, & quod dicitur *ἐπιπλοφῶν* puniat tales, vtpotè ambitiosos, hypocritas, diffidentes, & Deo fucum facere tētantes (quot enim passim in omnibus angulis iacerent defuncti, quibus vix cæteri sufficerent, vespillonum vt officio fungerentur) tamen hæc omnia studiosè notare solet, vt producantur suo tempore in conspectum omnium angelorum & electorum. De quo Matth. 10. v. 26. 2. Cor. 5. v. 10.

Maximè autem cauendum, ne quisquam sibi persuadeat se Deo impunè velle aut posse imponere: quod hic conantur Ananias & coniunx. Est enim satis oculatus. Et qui fecit oculum, non videat? Psal. 94.

Possunt iam singula illa peccata amplificari & exaggerari.

F I N I S.

APPENDICIS CLASSIS VII.

C A S V S XII.

Tempore pestis tractanda themata continet.

T H E M A I.

Ex historia 2. Sam. 24. toto capite.

Et 1. Paralip. 21.

D I S P O S I T I O.

Horribilis nobis in hoc capite describitur historia, quomodo scilicet tribus diebus 70. millia hominum in regno Iuda peste fuerint correpti & absumpti. Quia autem omnia ad doctrinam & consolationem nostram scripta esse Paulus asserit, Roman. 15. non est dubium, quin præsens historia magnam nobis vtilitatem adferre possit: præsertim hoc tempore, vbi Dominus etiam nos in his locis peste affligere cœpit. Quia enim non omnes faciunt officium, hisce temporibus, & alij hæc mala stultè con-

contemnunt, alij contra nimium trepidant, alij verò au-
fugere tentant, ideoque occasione præsentis historiæ de
peste sumus dicturi sequentibus concionibus, audituri
Deo nos benè iuante:

1. Quale malum sit pestis, & vnde veniat.
2. Quibus mediis illa immittatur, vel infligatur.
3. Quosnam hoc malum tangat, aut corripiat.
4. Quibus mediis à peste præseruari possimus.
5. Quibus mediis peste correpti vti debeant.
6. Vtrum & quomodo tempore pestis liceat fugere.

[Hæc singula singulis & pluribus etiam concionibus
figillatim tractari possunt & debent, & populo inculca-
ri. Nos breuitatis causa tantum notas concionum bre-
uissimas hîc subiiciemus.]

I. Pars.

1. Pestem esse inter alias pœnas grauissimas nume-
randam, ex hac præsentis historia cõstat, vbi inter tres Da-
uidi optio datur, & fami atque bello pestis coniungitur.

Et fatetur Dauid, se in magnas angustias hanc ob cau-
sam coniici. vers. cap. 2. Sam. 24. v. 14.

Et magna calamitas sanè est, si quotidie tot funera fi-
unt, & parentes à liberis, hi à parentibus, coniuges à se
mutuo auelluntur, totæ domus vastantur. Quæ calami-
tas ipsum etiam Deum afficit. Vide vers. huius capituli 16.

Peccant itaque grauissimè audaculi nonnulli, qui se
hoc malum planè nihil curare asserunt, nec propterea
angi dicunt.

Etenim cum sit indicium irati Dei, meritò extime-
scenda hæc pœna.

2. A Deo autem immitti pestem propter peccata,
non tantum ex præsentis historia, sed innumeris aliis lo-
cis constat.

Minatur Dominus se missurum pestem, Leuit. 26. v. 25.
Deut. 28. v. 27. Amos 4. v. 10.

Testantur idem exempla harum pœnarum, Num. 14.

vers.12. Exod.9.v.3. Et hoc loco. Et Assyrios illos omnes peste extinctos esse, de quibus Esa. 37. & 2.Reg.19. legimus, Iosephus author est. Antiq. libr.10. cap.2. Exempla plura comminationis diuinæ passim sunt obuia. Hierem.14.v.12. Ezech.5.6.7.&14.

Non itaque fortuitum est istud malum pestis, sed immititur à Domino, à quo omne malum (pœnæ scilicet, non culpæ) est, ipso dicente Amos 3.v.7. Ego Deus creans malum. Esa.45.v.7. Thren.3.v.37. quis audet dicere hæc sine Dei mandato fieri?

Iuxta tamen & hoc notandum, pestem inter cæteras pœnas esse mitissimam, & paternam Dei castigationem, quæ pœnitentibus & Deum diligentibus in bonum cedit, vt omnia alia. Rom.8.v.28. Ideoque Dauid hanc eligit, & causam addit, quod melius sit incidere in manum Domini, &c. Quia multæ misericordiæ Domini: quietiam in ira recordatur misericordiæ suæ.

Neque sanè fefellit Dauidem hæc opinio, vt patet ex hoc capite Samuelis, v.16.

II. Pars.

Vtitur autem Deus in infligendâ hac pœna variis mediis: vel cœli constitutione inæquali, & influentiis cœlestibus, vel aëris infectione, vel contagione, &c. Sicut in sua manu habet omnes creaturas, quas puniturus contra nos armare potest. Vide exequutores mandati diuini Psal.148.v.8. & exercitum Dei Ioel.2.v.25.

Nec rarò tamen vtitur Deus ministerio angelorum, siue bonorum siue malorum.

Angelus vastator perdit primogenita Ægypti. Ex.12.

Hoc loco Angelus gladio euaginato apparuit Dauidi, & percussit illa 70000.

Angelus in castris Assyrij occidit 185000. Esa.37.

Monendi autem sumus, vt non tantum defigamus oculos in externa illa media, quæ in oculos incurrunt, vel alia: & causam mali adscribamus vel Angelis, vel aëris
infe-

infectioni aut contagio: sed semper respiciamus ad causam primam, Deum scilicet. Sicut Iob non Satanæ culpam tribuit, sed Deo omnia adscribit, eumque rogat pro liberatione.

Ipse enim est qui percussit & sanavit. Hof. 6. vers. 1. Qui ad infernum ducit & educit, mortificat & vivificat. 1. Sam. 2.

Sicut qui decollatur nullam culpam tribuit carnifici, &c. ita & hîc, &c. Vtitur quidem Deus suis instrumentis & mediis, tanquam exsequutoribus mandatorum: ipse tamen mandat quid fieri velit, & modum atque terminum præscribit: quod patet hoc loco vers. 15. & 16. Vbi dicitur pestilentiam durasse vsque ad tempus constitutum. Tunc dicit Dominus, sufficit, &c. Vide ibi.

III. Pars.

Nunc etiam quibus plaga illa pestis infligatur dispiciendum.

Certum autem est hac pœna non impios tantum sed & pios quoque inuolui.

Videtur nobis Deus iniquè agere, quod, tum pestis pœna peccati sit, non impij tantum hac pœna affliguntur, sed & pij corripuntur. Sicut certè etiam Iehiskia peste correptus legitur Esa. 38.

Et hoc ipso loco David numerando populum causam præbuit huic malo. Is igitur solus videtur puniendus. Oves autem illæ quid fecerunt? sicut ipse David fatetur, & propterea verti petit manum Domini contra se. Vide vers. 17.

Quin imò sicut hîc David incolumis manet, & cæteri pereunt, ita sæpe pij abripiuntur & impij superstites manent.

Quæ huius rei causa? aut numquid iniquè agit Dominus? Minimè verò.

Primum enim, coram Deo nemo est innocens, nec qui nobis innocens videtur. Exod. 34. v. 7. Ideo non David

solum peccauit, sed & oues illæ sua habent peccata, quibus iram Dei in se concitarunt. Semper enim manet peccatum, etiam in renatis, Rom. 7. v. 18. Ideoq; iudicium incipit à domo Domini, 1. Pet. 4. v. 17. Hierem. 25. v. 29. Calicē illi etiam bibent, Psalm. 75. v. 9. qui non sunt improbi, Ier. 49. v. 12. Est autem piis & pœnitentibus hæc tantum paternæ Dei castigatio, quæ seruit ad hoc, ne cum mundo pereant, 1. Cor. 11. v. 32. Et in bonum cedit illis, Rom. 8. v. 28.

Neque enim malè cum ipsis agitur, cum aliàs mori illos oporteat, etiam extra hunc casum.

Omnibus enim constitutum est mori, Hebr. 9. Et plerumq; etiam pii in hoc peccant, quod se non (tanta animi contentione, quanta omninò decebat) opponunt ruinæ, & tanquam murus stant oppositi, contra Deum quotidie minitantem, Ezech. 22. v. 30. & cap. 13. v. 5.

Interim tamen suos quos vult, eripit ex mediis malis. Signantur illi, Ezech. 9. v. 4. & 6. Vide etiam Psalm. 91. v. 7. At suo tempore moriendum illis, si iam maximè euadant.

Deinde verò impios quod attinet, vel abripiuntur illi in impœnitentia, & pereunt etiam æterna morte. Vel si superstites manent, hac Dei longanimitate ad pœnitentiam inuitantur: Rom. 2. v. 4. aut si non emendantur, maioribus malis referuantur, & indigni censentur, qui incidunt in manus Domini paternas.

Neque enim virga patris castigandi, sed carnificis gladio mulctandi sunt. Interdum etiam in desperatione pereunt: vt Saul, Iudas, Cain, Ahitophel.

IV. Pars.

Solent autem tempore pestis variæ præseruatiuæ (vt vocant) seu præseruantia medicamenta adhiberi, ne peste inficiantur homines sani. Neque improbamus medicinam, si quis ea vtatur legitimè, vel in curando, vel præseruando, &c. At illa non sufficiunt: alioquin ipsi Medici, & Pharmacopolæ, atque ditiores & Magnates immunes essent ab hoc genere mortis.

Optima autem & probatissima præseruatiua est vera pietas & timor Domini. Deut. 28. v. 3. Si obedieris, benedictus eris vbique. Exod. 15. v. 26. Si obedieris non inducam super te languorem, &c. Quando verò peccauimus (non enim est qui non peccet. 1. Reg. 8. v. 46.) mox arripienda est illa ad Dominum conuersio & seria pœnitentia: qua vel auertitur vel mitigatur ira Domini.

Hoc patet exemplo Niniuitarum, Ion. 3. v. 10. imò etiam Achabi quantumuis hypocritæ. 1. Reg. 21. v. 29. Sic enim Dominus. Ierem. 18. v. 8. Si pœnitentiam egerit gens à malo,agam & ego pœnitentiam, &c.

Idem Ioel 2. vers. 14. Conuerteretur forsitan & agnosceret Dominus. Etenim mox pœniter eum mali. Ibid. 2. Par. 12. v. 6. & 12. quia humiliarunt se pepercit ipsis Dominus.

Hierem. 26. v. 19. quia timuerunt Dominum, pœnituit illum mali.

V. Pars.

Quod si Dominus iam irritatus est, & peste percussit, sicut tempore Dauidis, quid faciendum, vt cesset plaga. Quibus mediis repellenda pestis? Hic parùm efficiunt experimenta illa Medica, & curationes, si non prius quærat medicamen, quod contra venenum peccati valeat. Exemplum Dauidis hoc loco multum docebit.

1. Is fateretur peccatum, ante & post sermonem Gad Prophetæ. vers. 10. Cor percussit eum. Et deprecatur culpam. Stultè egi. Et post etiam v. 17. Ego sum qui peccaui,

2. Accedit fides. Multæ misericordiæ Domini. Incidam in manus ipsius.

3. Fructus sequitur multiplex. 1. Patientia. Non fugit, non indignatur, sed patienter se subiicit sententiæ mortis. 2. Dilectio proximi: Rogat pro subditis. Conuertere manum aduersus me. Hoc vix quisquam alius fecisset. Dicunt alij: Wann iur niemand auß meinen Schuhen stirbt. 3. Sacrificium offert Domino. 4. Nec vult à subdito extorquere aream, nec offerre Domino quod sit alterius. vers. 24. Et multa alia.

Sic cessat plaga. Et misertus Dominus populi mandat vt Angelus contineat manum suam, vers. 16.

Ecce, hæc sunt media, quibus pestis curatur, pœnitentia scilicet, & fructus pœnitentiæ, Matth. 3. vers. 8. Hæc omnia Dauidica sunt imitanda. Si quis vult, singula iam latius deducere & accommodare potest ad suam Ecclesiam. Sic cessabit plaga. Quid da heist es/ Probatum est.

Sic etiam curatur Iehiskia. Vide Dispos. sequent. Hæc vbi obseruata sunt, tum etiam accedant media legitima, medicina videl. de qua Syr. 38. v. 1. & seqq. Hæc methodus medendi obseruatur in Hiskia, vbi postquam cum Deo in gratiam rediit, emplastrum adhibetur, Esa. 38. v. 21. Nostrates inuertunt ordinem, & primum cōfugiunt ad Medicos, & in illorum opera magis quàm in Deo confidunt: sicut Asa, 2. Paralip. 16. v. 12. Ideoque sæpè grassatur pestis diutius: nec mox miseret Dominum populi.

V I. Pays.

Mirum autem, quod Dauid non secedit ex Hierosolyma in aliam ciuitatem: aut si totum regnum affligitur peste, quod non in viciniam concedit, vbi aër salubrior. At scit Dauid, se manum Domini effugere non posse, etiam si trans mare curreret, Psalm. 139. v. 9. neque adeò meticolosus est, vt mortem ita exhorrescat, cum tamen mortalis sit natus: sicut multi ex nostris vix pulsum campanæ ferre possunt, & vel ad nudam mortis mentionem toti cohortescunt. Alij tantum fuga salutem quærunt, parum curantes, quid de cæteris fiat, quos post se relinquunt.

Licet quidem fugere his, qui officij ratione cum ægris nihil habent negotij: ita tamen vt charitatem suam erga ægros testentur liberalitate & eleemosynis.

At Ministris Ecclesiæ, Medicis, Chirurgis, & quibus cura ægrotorum commissa est, fugere non licet. Sed & alij magis gratum Deo obsequium præstarent, si visitarent, iuuarent, consolarentur ægros: iuxta id Matth. 25. v. 36. ne dicatur id vers. 43. Magistratus etiam hanc charitatem

tatem Davidis imitetur, vt non roget tantum pro populo, sed prospiciat etiam subditis de omnibus necessariis. Cætera ab aliis alibi tractantur fufius.

F I N I S.

APPENDICIS CLASSIS VII.

C A S V S XII.

Tempore pestis tractanda themata.

T H E M A II.

2. Reg. 20.

Esa. 38.

De Hiskia Rege Iuda egrotante.

D I S P O S I T I O.

Quia pars aliqua huius historiæ supra Classe I. tota verò historia infra Classe X. explicata reperitur, ideo hîc breuiter paucula tantum tractantur.

Verum omninò esse illud Syracidis cap. 40. scilicet tam miserum esse eum, qui coronam gestat in capite, quam est is, qui cilicina veste vtitur, præsens docet historia. Hic enim describitur lethalis morbus, & angustia atq; miseria magni illius & incomparabilis Regis Iuda Iehiskia. Quia verò non est dubium, quin hæc historia singulari consilio ad nostram doctrinam sit descripta, illam iam breuiter examinabimus.

Et ne longum fiat, tantum hæc duo in præsentia notabimus.

1. Qualis morbus, & vnde is.

2. Quibus mediis æger vsus fuerit, contra vim huius morbi.

I. Pars.

1. Ægrum videmus decumbentem Regem Hiskiam. Neq; verò talis est ægritudo, quæ nihil habeat periculi, sed expressè dicitur, ipsum lethali morbo correptum. Et sic etiam Propheta ipsi nunciat, Morieris.

Xx 4

2. Quis

2. Quis verò fuerit hic morbus, & qualis, ex fine historię colligitur, vbi vlceris siue apostematis fit mentio. Plerique putant ipsum peste laborasse. Et tale apostema non multum abest à peste. Quicquid fuerit, lethale fuit, periculosum & dolore plenum.

3. Vnde quæso hic morbus? Non ex aëris aliqua infectione, aut contagio. Nemo enim præter Regem sic correptus legitur. Vnde igitur? A Domino. Is enim per Prophetam ipsi dicit, Morieris, licet Rex tum fuerit adhuc in flore ætatis, annos 39. natus.

4. Quare autem Dominus hoc decreuerit, ignoramus in specie. In genere autem scimus, Deum sic fidem illius voluisse probare: ipsique & aliis insigni subsequuto miraculo testari suam omnipotentiam, & quod vitam habeat in manu sua.

Fingunt alij, illum propterea hoc morbo correptum, quod noluerit ducere vxorem. Nugæ hæ sunt Iudæorum.

LOCVS I. Videmus etiam pios & Deo charissimos peste affligi, ægritudine & mortis angustia premi. Filium enim quem diligit, castigat. Prouerb. 3. v. 12. Habet autem Deus huius rei causas plures.

1. Ne superbiant, qui Deum sentiunt propitium, sicut Hiskias post fugam Regis Assyrij, & liberationem illam gloriosissimam hinc affigitur. Hanc ob causam Paulus colaphisatur, 2. Cor. 12. v. 7.

2. Vt abiiciant amorem huius mundi præposterum, & desiderent vitam aliam, 2. Cor. 5. v. 2.

3. Vt cogitent, se mortales & peccatores. Ne videaris innocens, Hierem. 30. v. 11. Exod. 34. v. 7.

4. Vt intelligant, nihil esse constans in hoc mundo, sed magnam rerum omnium vicissitudinem. Ideò nec præsentī felicitati fidant, nec propter aliquam aduersitatem desperent, Prou. 14. v. 13. & Eccles. 7. v. 15.

L. II. Videmus, neminem Deo nesciente mori. Capillus non cadit de capite, Matth. 10. v. 30. Is est, qui dicit, Morie-

Morieris. Et is iubet etiam reuerti filios hominum, Psal. 90. v. 3.

Stulti igitur sunt qui sibiipsis terminum vitæ vel mortis præfigunt, & qui astrorum positum, aut alias inanes phantasias sequuntur. Vide Iob. 14. v. 5. In manu Domini sortes nostræ, Psal. 31. v. 16.

L. III. Neque verò simpliciter fatalis terminus statuendus est, quod nonnulli Stoici faciunt. Hieronymus super hunc locum: Simul fati quæstio soluitur, ac necessitatis vincula atq; causarum: quod nequaquam dies mortis singulis præstitura sit, sed voluntate Dei & ignotis mortalibus causis vel viuat aliquis, vel moriatur: præsertim cum & statuta nunc mortis necessitas differatur, & post mortem resuscitados plurimos legerimus. Hæc ille. [Qui plura hac de re scire cupit, legat Disputationem illam insignem D. Hunnij, p. m. de vitæ humanæ termino.]

II. Pars.

Sed quid æger ille Iehiskia noster? Flet & ingemiscit, sicut grus & hirundo, vers. Esaia 14.

1. Perturbatur inopinato hoc mortis nuncio, sicut omnes naturaliter horrent mortem; & quia non filio tantum successore carebat, sed & de Ecclesia atq; Republica sollicitus erat.

2. Sed nondum fatis. Orat ad Dominum, & remissionem peccatorum ante omnia quærit, vt patet ex versu Esaia 17.

3. A Domino itaque sanitatem & vitæ prolongationem impetrat. Vide vers. Esaia 5. & seq.

4. Licet Dei habeat promissionem signo confirmatam, tamen medicinam non negligit. Vtutur emplastro. Vide Esa. 38. in fine.

Locvs I. A Domino medicina, & sanitas, & longitudo dierum nostrorum, vita & mors, Sap. 16. v. 13. Syr. 11. v. 14. Deut. 32. v. 39. Itaq; ab ipso petenda sanitas piis pre-

Xx s cibis,

cibus, Syr. 38.v.9. Iacob. 5.v.14. Ante omnia remissio peccatorum quærenda. Hæc methodus medendi apud Christum cernitur, Matth. 9.v.2. Non confugiendum ad Magos, incantatores, &c.

Ego medicus tuus, Exod. 15. in fine. Et si non sanat corporaliter, addet tamen dies æternos in altera vita.

II. Iuxta tamen media non negligenda. Id enim est Deum tētare, cum nesciamus quid decreuerit, Syr. 38.v.2.

III. Naturalis est horror mortis, quia mors à Diabolo, Sap. 2.v.24. & stipendium peccati, Rom. 6. Vincendus tamen alterius vitæ beatæ gaudio, cum Paulo & Simone, Phil. 1.v.23. Luc. 2.v.29. Et mors pro lucro habenda, Phil. 1.v.21. Transitus enim est ad vitam, Ioan. 5.v.24.

F I N I S.

APPENDICIS CLASSIS VII.

C A S V S X I I.

Tempore pestis tractanda themata continens.

T H E M A I I I.

Psalm. 91.

Qui habitat in adiutorio, &c.

Nota. Qui vult duabus, tribus, aut quatuor etiam concionibus, ex hac vna Disposit. desumptis, hunc Psalmum explicare, & singula beneficia sigillatim tractare poterit.

D I S P O S I T I O.

Quamvis hic Psalmus sit ἀνεπίγραφος, & inscriptionem nullam habeat, tamen nemo dubitare debet, quin dictante Spiritu sancto sit conscriptus: quia Christus huius Psalmi locum, quem Satan Matth. 4. vers. 6. pervertere conatur, illustrat alio scripturæ loco. Ideoq; debet nobis esse commendatissimus. Est & consolatione plenissimus, & spiritum omnino Davidicum resipit. Et iudicant plerique, Davidem hunc Psalmum composuisse in laudem Domini, cum tempore pestis ipse fuisset in me-

media Hierosolyma conseruatus, 2. Sam. 24. Pestis enim singulariter hoc loco facit mentionem.

Summa huius Psalmi est, quod describit beneficia illa ingentia, quæ habeant à Deo, qui in tutelam ipsius recepti sunt. Duo autem nobis erunt tractanda potissimum.

1. Quid sit esse in adiutorio vel tutela altissimi: Et quinam perueniant in tutelam Dei altissimi.

2. Ordinè examinabimus beneficia, quæ à tutela Domini proueniunt.

I. Pars.

Loquitur Psalter de latibulo seu tutela altissimi. Et quid velit, aliis verbis explicat, vmbra omnipotentis vocans.

Quibus verbis diuinam protectionem & defensionem in omnibus malis intelligit. Sicut enim qui sub latibulo aliquo, seu vmbraculo tutus est ab iniuria tempestatum, ita quem Deus recipit in suam clientelam, omninò tutus est ab omnibus malis.

Idem clarius ostendunt verba sequentia. Talis enim verè dicere potest, Meum refugium, præsidium meum, arx mea est Dominus Deus meus, in quem confido. Sicut enim qui in arce munitissima est, aduersariorum minas & insidias non curat, ita qui Deum habet protectorem, nec Diabolum, nec mundum timet. Hoc est, quod Proverb. 18. vers. 10. habetur, Turris fortissima nomen Domini, &c.

Qui autem recipiantur in Dei clientelam, hinc colligere possumus, quod dicitur, Deus meus in quem speraui. Credentes intelliguntur, & qui sperant super misericordiam ipsius.

In his enim beneplacitum est Domino, Psal. 147. Psal. 18. v. 31. Protector omnium sperantium. Idem ferè Psalm. 28. v. 7. & 33. v. 20. & 21. Hi sunt iusti illi, de quibus Prou. 18. v. 10. ad illam currit iustus.

Vsvs huius loci is erit, vt, si ab omnibus periculis &
tem.

tempestatibus tuti esse volumus, omnem nostram fiduciam in solo Deo collocemus. Non in hominibus, qui sunt caro Ier. 17. v. 5. non in diuitiis Iob. 31. v. 24. non in quibuscunque aliis præfidiis. Quia nemo præter Deum gratam umbram præbet, nemo latibulum tutum præstat. Is enim solus altissimus, vt rectè ex hoc Psalmo canit Ecclesia, solus Dominus, solus omnipotens.

Illi etiam nunquam diffidendum; de voluntate & potentia illius nihil dubitandū, sed dicendum, non confundar in æternum, quia petra & refugium & protector est Dominus. Psal. 27. v. 1. & 28. v. 7. 8. Implorandum autem ipsius auxilium piis precibus, Esto mihi in Deum protectorem. Psal. 31. & 71. Currendum ad ipsum. Prou. 18. v. 10. Faciem meam quærat. Psal. 27. v. 8. Quærendus Dominus. Esa. 55. v. 6.

II. Pars.

Omnem protectionem tanquam in præsidio & arce munita habent à Domino, qui in ipso sperant.

Id generaliter iam initio Psalmi dixerat.

In specie autem recenset quædam singularia beneficia, quæ contingant his qui sunt recepti in tutelam Dei.

I. Tempore pestis non peribunt cum cæteris. De hoc eleganter loquitur Psaltes, similitudinibus rem proponens.

1. Pestem exitialem nominat. Illam vocat laqueum venantis. Post etiam sagittam volantem, quia peste infecti tanquam sagitta confossi mox pereunt. Et sicut laqueo feræ capiuntur, ita pestis ex improviso nunc hunc nunc illum abripit, atque vastat domos & familias.

2. At Deum suos tegere inquit, tanquam gallina alis suis pullos suos. Etiam similitudo ferè Deut. 32. v. 11. Estque illius tutela tanquam clypeus excipiens istas sagittas. Quia verax est, seruans promissa.

3. Cumque non tam ipse morbus pestilentialis affligat, quàm metus etiam & horror ille ceu panicus, vbi ho-

mo

imò Interdiu vix audet domo egredi: de nocte vero non securus quiescit, quia semper metuit ne sagitta ista pestilentiali & lethali pettutiatur, ideò promittit Psalter fide- libus, Deum etiam hunc metum & trepidationem (ipsa ferè morte grauiorem) animis illorum velle eximere, vt & interdiu & noctu nihil timeant, vt hilari vultu & alacri animo possint facere officium.

4. Et ne quis obiiciat, qui possum esse alacri animo, quomodo non trepidem, & vitæ meæ metuam, si videam circa me quotidie tot homines quasi à latere meo abripi? Numquid illud periculum præsentissimum non extimescam?

Respondit. Etiam si cadant à latere tuo mille, &c. ad te tamen non appropinquabit.

5. Nescio sanè inquis, vtrum me Dominus in istis turbis sit conseruaturus? Imò verò inquit, longiorem huius lucis vsuram fidelibus est concessurus Dominus, vel hanc vnam ob causam, vt videant retributionem impiorum oculis suis. Du must zübor deine Feind hinrichten/ vnd an jhnen deinen Lust sehen/ wie Gott mit jhnen vmbgehet/ &c. Repetit initium: Quia Domino confidis, ideoq; is est propugnaculum tuum. Es tan dir nicht fehlen. Dann dein Gott/ dem du vertrauest/ steht für dich.

L O C I.

Antequam pergamus, hîc de peste quædam erunt notanda.

I. Magnam esse calamitatem pestis, patet ex hoc loco, quod illa non tantum exitialis vocatur, sed laqueus venatoris & sagittis comparatur.

Et graue sane hoc, si tot funera parentum, liberorum, propinquorum quotidie efferantur.

Et nec noctu nec interdiu vel vno momento quisquam tutus est. Agnoscenda hæc.

III. Grauis quoque & non contemnenda Dei pœna est perpetuus ille horror & terror. Sap. 7.v.13.

Illius

Illius causam non longè debemus petere aut inquire, sed pœnam diuinam esse sciamus. Vide exemplum trepidantis Dauidis. 1 Paral. 22. v. 30. peccant itaque qui se hæc nihil curare temerè asserunt, vt solent nonnulli audaculi.

III. Sicut autem non audacter contemnenda est calamitas illa pestis, ita nec nimium trepidandum pijs & pœnitentibus, qui in sua vocatione ambulant, & vitam suam diuinæ voluntati committunt. Sciant enim se sub vmbra alarum Altissimi satis esse tutos, etsi cadant à latere decem millia. Nec morientur ante tempus constitutum, & descriptum in libro Dei. Iob. 14. vers. 5. Psal. 139. vers. 16.

IV. Quod si maximè & ipsi peste abripiantur, tamen pestis non erit noxia, quia Christus pestis est inferno. Ose. 13. Et moriuntur Domino, Rom. 14. vers. 8. atque in Domino. Apocal. 14. v. 13.

Beati itaque sunt. Ibid. Quibus valet illa consolatio Psal. 73. Dommodo te habeam. vers. 25. Et omnia coope- rantur in bonum diligentibus Rom. 8.

Et bonum incidere in manus Domini. 2. Sam. 24. v. 14. Quia multæ misericordiæ illius.

V. Beneficium eorum, qui recepti sunt in tutelam altissimi, est præseruatio ab omnibus aliis etiam malis. Non appropinquabit ad te malum. &c.

Imò super aspidem & basiliscum. &c. Hoc est, etiã ab ipsis feris bestiis tutus eris: Siue id iuxta literam, siue de Tyrannis persecutoribus aut maleuolis & aliis hostibus intelligatur, qui bestiis comparantur. Psal. 140. v. 4. Ezech. 19. v. 2.

Quomodo autem securitatem in his malis præstare velit Dominus, additur: 1. Angelis suis mandauit. 2. vt custodiant. 3. In omnibus viis Tui, hoc est, in vocatione tua legitima. Hoc enim omisit Diabolus mendax. Matth. 4. vers. 6.

4. Quomodo autem illi custodiunt? In manibus portæ

portabunt. &c. Sicut matres cum magna sollicitudine gestant infantulos tenellos in manibus & vlnis, ita spiritali sua potentia defendent angeli. &c.

L. De custodia sanctorum Angelorum. Sunt illi parati semper ad exsequendum mandata Dei. Psal. 103. v. 20. Spiritus Ministratorii fidelium. Hebr. 1. v. 14.

Castrametantur circa electos. Psal. 34. v. 8. & pueris etiam adhibiti custodes. Matth. 18. v. 10.

In illorum custodia magna nobis consolatio. Exempla passim sunt obuia. Gen. 32. Exod. 13. & 14. Gen. 19. 2. Reg. 7. &c. Pro illa etiam orandum manè & vesperi.

Ita viuendum ne Angeli spiritus mundi & sancti discedant, & ad faciem altissimi referant peccata. Non tamen adorandi. Apoc. 19. v. 10. Deus enim solus adorandus Mat. 4. vers. 10.

L. II. In vocatione sua quisque sit intrepidus & faciat officium animo præsentis, si maximè vocatio sit periculosa. In viis tuis custodient Angeli. Syr. 10. v. 31. In vocatione non desperandum.

III. Beneficium. Id multa simul complectitur & spiritalia maximè beneficia, quæ ex clementia Domini sentiunt pii. Vult autem summatim Propheta congerere omnia, & ipsum Deum introducit loquentem.

1. Liberabo. Protegam. Quia in me sperauit & nomen meum nouit. Recurrunt ea quæ in 1. parte sunt tractata.

2. Exaudiam inuocantem.

3. In ipsa tribulatione cum ipso ero, ne deficiat.

4. Eripiam non tantum, sed & glorificabo, vt ex diuina liberatione omnes sentiant, me ipsi fauere, quod illi futurum est gloriosissimum.

5. Longitudine dierum implebo, vel in hac vita longæuus erit, vel tamen assumam eum ad me, vbi æternum viuet.

6. Ostendam salutare. Saluum ipsum faciam in æternum.

L. Quid

L. Quid ultra desideras, ô Christiane, à Domino? Numquid non sat præmiorum pietatis? 1. Tim. 4. vers. 8. Numquid non abundans consolatio? Quam cum omnibus thesauris nemo commutabit pius. In mediis itaque tribulationibus ne desperes. Si Dominus tecum, quis contra? Rom. 8. Dummodo te habeam, Psalm. 73. At nihilominus dira patior miser?

Clama ad Dominum. Audiet, Eripiet, Glorificabit. Si non hîc, tamen æterna gloria restat. Reposita corona, 2. Tim. 4. Iac. 1. 1. Pet. 5. Apoc. 2.

F I N I S.

S E Q V I T V R

C L A S S I S V I I I.

C O N T I N E N S T H E M A T A

TRACTANDA IN FVNERIBVS EORVM,
qui licet aliquando non honestè vixerint, ante finem tamen vitæ per seriam pœnitentiam cum Deo in gratiam redierunt: vt sunt Manasses, filius perditus, latro in cruce, &c. quorum exempla hîc reperiuntur.

T H E M A I.

Deuteron. 30. v. 6.

Circumcidet Dominus Deus cor tuum, &c.

D I S P O S I T I O.

In hoc capite Moses populo varias promissiones proponit, quod Deus pœnitentes Israelitas in gratiam sit recepturus, pœnas mitigaturus si resipiscant, & in pristinam dignitatem eos etiam qui aliquando captiui abducti fuerunt restituturus. Inter cætera verò etiam hæc verba, quæ de circumcissione sonant, leguntur.

Dicemus itaque 1. Qualis hæc circumcisio. 2. Quis illius effectus, & quæ utilitas.

I. *Pars.*

Sæpius scriptura meminit circumcisionis, eamque duplicem facit.

Alia est circumcisio carnis, quæ fuit sacramentum initiationis, & signum fœderis, mandata seuerissimè, Gen. 17. v. 10. Illa tantum ad Iudæos pertinebat, & ad vetus Testamentum. Cui in nouo Testamento successit Baptismus. Coloss. 2. v. 11. De hac nihil dicitur hoc loco.

Alia est circumcisio cordis, vel spiritualis, quæ nec manu nec cultro fit. Et hæc pertinet ad omnes in veteri & nouo Testamento.

Est autem hæc circumcisio cordis immutatio & renouatio mentis, vbi abscissis peccatis nouitas vitæ instituitur.

Promittit itaque Moses Deum immutaturum cor populi, si ad ipsum conuertatur, vt non amplius incidant in peccata illa grauissima, quibus sibi ipsis accersant iram & ultionem Dei. Et idem promittit filiis ipsorum. Idque ad nos etiam pertinet. Estque eadem promissio hîc quæ etiam Ezech. 11. vers. 19. & seqq. Auferam cor lapideum & dabo carneum. Et quid velit ipse explicat, Dabo spiritum nouum. Idem Ezech. 36. vers. 26. Idem aliis verbis Ierem. 32. vers. 40.

Vsus huius loci is erit, vt cum sciamus Deum esse tam promptum ad dandum, nos etiam simus prompti ad petendum. Vtque oremus cum Dauide, Psal. 51. vers. 12. Cor nouum crea in me. Et conuerte me, tum conuertar. Ierem. 31. vers. 18.

Et dabitur spiritus sanctus omnibus petentibus. Luc. 11. Est enim Deus qui dat velle & perficere. Phil. 2. v. 13. Et qui abundanter facit vltra quàm petimus. Ephes. 3. v. 20. Maximè in his quæ ad salutem nostram pertinent. Ibi nihil denegatur petentibus. Ex me salus tua ô Israël. Ose. 13. v. 9. Tota die expandi manus. Esa. 65. v. 2. Quod igitur multi pereunt, sua culpa pereunt, quod non petunt cor aliud, nec volunt emolliiri. Sicut adamantem posuerunt

cor suum, ne audirent. Zach. 7. v. 12. Et Ier. 5. v. 3. Faciem peccata duriores habent, nec volunt conuerti. Matth. 23. Volui te congregare, sed tu noluisti. Nulla itaque culpa hæret in Deo, sed in hominibus, qui nolunt circumcidi.

II. Pars.

At quis effectus illius circumcisionis, quæ utilitas? Vt diligas Dominum Deum tuum ex toto corde & ex tota anima, quo viuere possis.

Sic immutabit, Dominus cor tuum, ut iam non amplius diligas peccata, sed Deum. Quod non futurum est, nisi ex corde abscindatur dilectio mundi, Satanae &c. Nemo enim potest duobus Dominis seruire. Matth. 6.

Dilectio autem illa tum erit vera & sincera. Licet enim ea non perfecta & omnibus numeris absoluta in hac vita sit, tamen conatus placebit Deo & pro perfectissima dilectione propter Christum reputabitur.

Quid autem sit ex toto corde diligere Deum, pater ex Ezech. 11. v. 20. & 36. v. 27. ubi idem effectus circumcisionis diuinæ ponitur aliis verbis: ut ambulent in præceptis. Hinc enim cognoscitur dilectio Dei. Et hinc etiam sequitur illud, de quo hîc, ut viuere possis. Hoc est: Sic Deum habebis propitium, ut non excidas iterum gratia ipsius, sed viuas hîc cum bona conscientia in spe saluus, & illic habeas per Christum vitam æternam.

L. Apparet hinc quàm necessaria sit illa, de qua supra diximus, spiritualis circumcisio, quia sine illa nec Deum verè diligere nec viuere possumus. Decipiunt itaque seipsos, qui verbis quidem profitentur se diligere Deum: interim tamen cor habent incircumcisum, ex quo nondum exciderunt amorem mundi huius, de quo i. Ioan. 2. vers. 15. non abiecerunt amorem pecuniæ, libidinis, vindictæ, superbiæ, & aliorum scelerum. Hi vere incircumcisi corde & auribus dici possunt. Act. 7. vers. 51. Requirit enim Dominus totum cor, & totam animam. *Allein mein/ oder laß gar seyn,*

Vt itaque Deum sincere diligere & viuere possis, non rogabis tantum pro illa circumcisione Dei, de qua supra in 1. parte, sed & ipse etiam facies officium; sicut vides, Deum velle exsequi quod suum est, ita tu fac quod tuum est.

Ipse etiam circumscindet cor tuum, Ier. 4. v. 4. & Deut. 10. v. 16. ne exeant illa, de quibus Christus, Matth. 15. v. 19.

Et omnia membra. Aures, Act. 7. v. 51. Ier. 6. v. 10. vt audiant, ne dicatur id Ier. 6. v. 10. Linguam, ne loquatur malum, Ephes. 4. v. 29.

F I N I S.

T H E M A II. C L A S S I S V I I I.

2. Paralip. 33. v. 12. ad 14.

Postquam coangustatus est Manasses, orauit, &c.

D I S P O S I T I O.

Describitur nobis his verbis poenitentia Manassis Regis Iuda, optimi illius Iehiskia filij impiissimi, qui multum fuit dissimilis patri in pietate. Imò vix est peior & sceleratior inter omnes Reges Iuda, quam Manasse, de quo scriptura testatur, quod fecerit abominationes pessimas super omnia, quæ fecerunt Amorrhæi in terra Canaan, & peccare fecerit omnem Israel, 2. Regum 21. Humiliauit autem ipsum Dominus, & per Regem Assyrium sic castigauit, vt tandem peccata sua agnouerit, & per poenitentiam veram & seriam cum Deo in gratiam redierit.

Videamus ergo 1. poenitentiam Manassis. 2. Illius effectum seu vtilitatem: hoc est, Quid sua poenitentia impetrauerit Manasses.

1. Pars.

Humiliauit sese Manasses, & orauit ad Dominum. Ecce regem pium;

At quando sic orauit? quando se humiliavit?

1. Hoc notanter addit scriptura, nec sine causa, cum esset in angustiis. Antea enim cum esset in sua maiestate, superbè contempsit omnes Dei admonitiones, fudit sanguinem innocentem. &c.

At captiuus abductus in Babylonem, & ferreis compedibus atque catenis vinctus, tum demum cogitauit de peccatis suis & humiliavit sese, & deprecatus est Dominum. Vide orationem Manassis inter fragmenta veteris Testamenti, in fine iuxta Bibl. German. Incuruatus sum grauissimis compedibus. &c.

2. Quod autem seriò se humiliauerit additur, Valdè humiliavit. Erat quoque angustia valdè magna. Quotidiè enim exspectabat sententiam mortis, à Rege Assyrio victore superbo.

3. Ita quod oratio fuerit seria inde colligitur, quod ter repetitur: Deprecatus est Dominum, & orauit, & obsecrauit intentè.

Et obseruandæ hîc partes veræ pœnitentiæ in Manasse. 1. Contritio. Hanc demonstrat illa humiliatio. Et in oratione ipsius apertius ista ponuntur. Maximè enim de remissione peccatorum est sollicitus. Interim tamen non desperat, vt Saul. Accedit etiam altera pars pœnitentiæ. 2. Fides. Orat enim ex fide. Quod inde patet, quia repetitur, orauit Dominum Deum suum. Item coram Deo patrum suorum.

Nec omittitur in sequenti historia fructus pœnitentiæ, noua obedientia Manassis, restauratio cultus diuini. &c.

Locvs I. Quia pœnitentia omnibus necessaria est, imitemur omnes exemplum Manassis. Et qui multum peccauit, multùm etiam pœniteat.

Quæ autem sint partes pœnitentiæ iam audiuius. Possunt illæ iam explicari latius, & illustrari exemplis, Dauidis, Petri, Latronis. &c. Vide precationem pœnitentialem Daniel. 9. v. 4. Et brevis formula extat Luc. 18. v. 13. apud publicanum.

Debet

Debet autem pœnitentia esse seria, & oratio intenta, non talis qualis erat Achabi. I. Reg. 21. v. 27. scilicet hypocritica.

L. II. Videmus etiam quàm necessaria sit peccatoribus illa Dei castigatio & angustia, quam sensit Manasses. Nunquam alias fuisset conuersus. *Gott muß ihn bey den Haaren herzu ziehen.* Sicut calamitate domestica impulsus ad Christum accurrunt, Regulus, Iairus, &c. Ioan. 4. Luc. 8.

Et hîc cernimus quàm verum sit illud Esa. 26. In angustia requisierunt te, & in tribulatione murmuris doctrina tua eis.

Diligenda itaque illa castigatio altissimi Prou. 3. Heb. 12. quæ tam necessaria quàm utilis est. Nam sic corripi-mur ne pereamus. I. Cor. 11. v. 32.

II. Pars.

At quid ista sua pœnitentia impetravit Manasses? Compeditibus & catenis vinctus in squalido carcere detinetur. Quid iuuat orare? Rident ipsum Babylonij im-
misericordes & superbi.

Atqui Dominus 1. audiuit orationem illius. Ideò etiam cor Regis, quod in manu sua habet [Prou. 21. vers. 1.] flectit, vt Manassi fauere cogatur. 2. Nec satis: Sed regno ipsum paterno restituit: quod ne per somnium quidem cogitare poterat Manasses. Ibi tum Manasses cognouit quod Dominus sit Deus, hoc est, & maiestatem de qua Dan. 4. in fine, & simul Dei insignem bonitatem agnouit, & vitam emendauit porrò, atque piè est mortuus.

Locvs. Agnoscamus & nos Dominum esse Deum nostrum, misericordem scilicet, bonum & multæ patientiæ, Ex 32. Psal. 86. & 145. & quem pœniteat mali, Ierem. 26. v. 3. & 18. v. 8. Si homines pœniteat peccati.

Et qui maximos etiam peccatores recipiat. Filius perditus. Luc. 15. 1. Tim. 1. quorum ego maximus sum. Ipsum enim Deum misericordia æquat, Syr. 2. in fine

ideoque maxima sit misericordia illius necesse est, cum is sit optimus maximus.

Neq; est manus illius abbreviata, Esa. 39. vers. 1. Et qui Deum habet propitium, illi cogitur etiam hostis truculentissimus fauere.

Is omnia mala potest conuertere in bonum, & ex captiuo facere Regem. Dauidem eiectum regno restituit, 2. Samuel. 19. Iechoniam in Babylone exaltat, 2. Reg. 25. vers. 28.

Sarius autem esset, prius agere poenitentiam, quam compedes iniiciantur Manassi. Et felicior fuisset is, si orasset cinctus catenis aureis, quã post catenis ferreis vinc-tus. Attamen vera poenitentia nunquam est nimis sera. Neque verò differenda, Syr. 18. v. 22. quia hora mortis incerta. Nec extant talia exempla, vt in misericordia Dei peccemus: sed ne poenitentes de illa desperemus.

F I N I S.

T H E M A III. C L A S S I S VIII.

Psal. 32. vers. 1. ad 6.

Beati quorum remissa sunt iniquitates, & quorum reſta sunt peccata, &c.

D I S P O S I T I O.

Ex titulo huius Psalmi non tantum de authore, sed & de argumento nobis constat. Etenim hic Psalmus Dauidi inscribitur, & Eruditium carmen vocatur. Estque insignis præ cæteris multis, quia in hoc Psalmo Dauid tractat materiam Iustificationis hominis peccatoris coram Deo, quæ est doctrina maximè necessaria.

Nos igitur iam huius Psalmi initium tractabimus, quod duo continet membra.

1. Ostendit Dauid, in quo consistat nostra iustificatio & beatitudo æterna.
2. Qua ratione iustificationem & salutem consequi possimus, demonstrat.

I. Pars.

Verba Daudidis sic habent, Beati quorum remissæ, &c. Beatus vir, cui Dominus non imputauit.

Vno verbo hoc vult, Nostram iustificationem & beatitudinem consistere in remissione peccatorum. Sic etiam Zacharias videtur loqui, Luc. i. v. 77. quod cognitio salutis sit in remissione peccatorum.

Et Paulus hunc locum nobis explicat Rom. 4. atque beatificationem hominis in hoc consistere ait, si non imputetur peccatum, allegando verba hæc Daudidis.

Non sine causa autem Dauid eandem sententiam ter reperit, vt causas iustificationis sic clarius demonstret & explicet.

1. Quarum prima impulsua est, Dei ineffabilis misericordia & bonitas (αλλάγχα ἐλέως Θεός vocat Zacharias Luc. i. v. 78.) per quam nobis remittuntur peccata. Et hoc est primum membrum versus primi.

2. Causa verò altera efficiens est Christi meritum & perfectissima obedientia, qua teguntur nostra peccata; quod alterum est membrum versus primi.

3. Quia verò causam instrumentalem (respectu nostri scil.) & apprehendentem accedere necesse est, ideoque versu secundo de non imputatione peccati, cuius oppositum est imputatio iustitiæ Christi, mentio fit. Cui enim peccatum non imputatur, illi imputatur iustitia Christi. Idque fit per fidem. Credenti imputatur fides ad iustitiam, Rom. 4.

Sic itaque iustus & beatus est, qui Dei misericordiam & Christi meritum vera fide amplectitur. Huic enim non imputatur peccatum, sed Christi iustitia, sicque à peccatis absolutus iustus atq; beatus erit.

Sed & fructus iustificationis hoc loco additur, his verbis, In spiritu eius non est dolus. Nouam obedientiam, quam præstant iustificati, intelligit. Non quod sint absque omni infirmitate, sed quod caueant à sceleribus & peccatis contra conscientiam.

LOCVS I. Videmus nostram doctrinam, de gratuita hominis peccatoris iustificatione, quæ consistit in remissione, & non imputatione peccatorum, non esse nouam & hæreticam, sed antiquissimam, Dauidicam & Paulinam, sicque planè diuinam.

Et hoc tenendum est contra illud pronunciatum concilij Tridentini, quo negant iustificationem esse solam remissionem peccatorum: cum tamen Dauid hic nihil requirat, præter remissionem, tegumentum, & non imputationem peccatorum. Videatur etiam hac de re Rom. 3. & 4. capp.

II. Videmus peccata in his terris sic tolli, non vt non sint & hæreant amplius in homine, sed vt non imputentur, vt tegantur, ne veniant in conspectum Dei. Agnus itaque Dei tollit peccata, Ioan. 1. & in se recipit, Esa. 53. v. 5. & 6. Chirographum delet, Coloss. 2. v. 14.

III. Necessarium videmus esse, vt ardentè oremus pro remissione peccatorum. Vt Deus illa non statuatur ante oculos suos, quod aliàs factururus est, Psalm. 90. vers. 8. Idque ex toto corde orandum. Exemplo Dauidis, Psal. 51. v. 3. & 9. & Danielis cap. 9. vers. 19. Sic omnes sancti orant, Psalm. 32. v. 6. Sic etiam omnes pœnitentes. Publicanus, Luc. 18. v. 13.

II. Pars.

Agnosco (inquis) beatitudinem & iustificationem consistere in hoc, si peccata deleantur, remittantur. At quid agam, nescio, vt id fiat? Hoc iam Dauid docet.

Primum autem suo exemplo ostendit, quod coram Deo non liceat nobis vel extenuare vel occultare peccata, sicut fecerunt Protoplasti, suam nuditatem foliis ficus tegere tentantes, Gen. 3. v. 7.

Hoc enim cum ipse etiam aliquando fecisset, sensit grauissimos animi & corporis dolores.

Dum tacui, ossa mea vetustate consumpta: hoc est, vires corporis consumptæ. Interim tacitè in corde meo rugie-

rugiebam. Mordebat enim me mala conscientia. Causam addit: Quia manus Dei grauata est super me. Deus enim me manu grauissima, non legis tantum, sed pœnarum & calamitatum etiam, ad ima tartara videbatur detrudere, vt defecerint omnes animi & corporis vires, nec potuerim me colligere.

Deinde verò addit, quo pacto ex hac lucta carnis & spiritus euaserit. Delictum meum cognitum, &c. Cum apud me non inuenirem remedium aduersus peccata, properaui ad Deum meum, hoc pacto.

1. Notum faciam peccatum. Significat peccati agnitionem in mente.

2. Non abscondi iniusticiam. Confessionem oris significat.

3. Dicebam, confitebor aduersus me iniquitatem. Hoc detestationem peccati ostendit. Tunc sequitur id quod quæsitum erat, Remisisti mihi, &c.

V s v s huius loci est, vt intelligamus, coram DEO grauissimum esse peccatum, occultare velle aut extenuare delicta. Vide 1. Ioan. 1. vers. 8. & 10. Et hac in parte etiam sanctos interdum peccare, patet exemplo Dauidis. Vide Ierem. 2. vers. 33. Ideoque necessaria ingenua confessio & contritio: qualis illa Psalm. 51. vers. 5. Daniel. 9. v. 5. Lucæ 18. v. 13. Et tunc sequitur id 1. Ioan. 1. vers. 9.

II. Discimus etiam, conscientia stimulos, si maxime aliquandiu non sentiantur, suo tempore exagituros esse peccatores: sicut hic versu 3. & 4. His occurrendum. At non exemplo Caini, Abitophelis, Iudæ;

quia sic non inuenitur remedium: Verum hoc pacto, sicut in Dauide cernimus: Dixi, con-

fitebor, &c. Accedit si-

des: Et remisisti,

&c.

F I N I S.

Yy 5

THE-

THEMA IV. CLASSIS VIII.

Ierem. 2. ante finem, iuxta vers. German.

Si dimiserit vir uxorem suam, &c.

Tu autem fornicata es cum amatoribus multis, tamen reuertere ad me, dicit Dominus.

DISPOSITIO.

Thren. 3. vers. 23. sic ait Propheta. Nouæ sunt miserationes Domini vnoquoque diluculo: & multa est benignitas tua. Hoc omnino verum esse, vel ex hoc vno loco Hieremiæ patet. Cum enim Dominus populum suum prolixè & vehementissimè quidem obiurgasset, adeò vt ab eo alienissimus esse, nec vllam reconciliationem vquam admissurus videri potuisset: mox suam tamen renouat misericordiam, & iis, à quibus ipsum magis rogari oportuerat, suam misericordiam & gratiam vltro offert, & omnia quasi miserationum viscera effundit: benignissimè ad hanc vltro oblatam gratiam recipiendum inuitans.

Quia igitur insignis est hic locus, nos primum illius genuinum sensum inuestigabimus, postea addituri doctrinam huius loci propriam, & consolatione plenissimam.

Textus explicatio.

Loquitur hic Dominus per Prophetam ad populum, & quod ipsi solenne est, similitudine quadam rem proponit, vt ipsi possint iudicare de insigni clementia Domini, quam nouo planè & nunquam alias vsitato exemplo ipsis ostendat.

Similitudine autem de adultera vtitur, quæ frequens est in scriptura, præsertim Ieremiæ. Quia defectio à Deo est adulterium spirituale, & in multis conuenit cum adulterio.

Arripit autem occasionem ex lege, Deut. 24. v. 1. Si accepe-

ceperit homo vxorem. &c. Videatur locus, qui hic breuiter à Hieremia repetitur.

Illa lex pro ratione temporis & personarum erat lata, propter duritiam maritorum, teste Christo. Matth. 19. vers. 8. sed ab ipso in Nouo Testamento abrogata. Voluit autem tum etiam Dominus ista lege publicam coniugii honestatem sancire, ne nimia leuitate coniugum tandem in fornicationem conuerteretur, vt quisque pro lubitu iam accipere, iam repudiare, mox iterum recipere repudiatam vxorem posset. Et voluit sic Dominus simul & mulierum importunitatem, atque virorum inhumanitatem præcauere. *Damit sie sich zuvor bedencken / vñnd nicht so gleich immer hin Weiber tauscheten / als wann man Pferd vertauschet.* Terra sic inquinatur.

Hanc legem iam Dominus ad suum institutum accommodat: & hoc vult dicere.

Tu mea olim dilecta Israëlita gens, quam mihi desponsaueram, & intimo amore vt coniugem complexus eram, à me non fuisti repudiata, sed à me vltro, & absque omni causa discessisti, & sequuta es Deos alienos, (sicut mulier alienum maritum sequitur) & fornicata es cum aliis, (illos Deos fictitios gentilium dilexisti, coluisti, inuocasti) & non cum vno & altero, sed cum multis amatoribus, hoc est multis Idololatricis cultibus polluisti te, nunc Baalim, nunc vitulos, &c. coluisti.

Du bist ein rechte außgelauffene Landthur worden / die sich an jeden gehengt. Itaque si stricto iure vellem tecum agere, nunquam amplius te vxoris loco recipe-rem, sed perpetuum esset inter nos diuortium. Quis enim alius prostitutæ pudicitiae mulierem iterum reciperet?

Sed ecce, habes ad me tutum & liberum regressum. Reuertere tantum ad me, per veram pœnitentiam te ad me conuerte, & ego obuiis vlnis te suscipiam. *Es sol alles vergessen / todt vñd ab seyn.* Et ego te pristino fauore plusquam coniugali complectar.

L O C I.

Verè Syracid. capite 2. asserit, Misericordia Domini super omnia opera eius. Quis enim illam satis dignè explicauerit? Hanc mirificè etiam commendat Psaltes, Psal. 103. vers. 8. 10. 11. & seqq. Patet vehementia dilectionis illius hoc simili de adultera. Est enim zelotypia vehemèntissimus affectus. Vide Prou. 6. v. 34.

Nec facilè quisquam, licet alioquin humanissimus sit, mulierem desertricem, quæ cum multis longo tempore fornicata sit, recipiet. Et tamen Dominus, qui & ipse alioquin Deus zelotes est Exod. 20. v. 5. tantæ bonitatis est, vt peccatores (qui sunt spirituales desertores & adulteræ) promptissimè in gratiam recipiat. Nec expectat, donec nos petamus reconciliationem, sed ipse semper nos sua gratia præuenit, & nobis gratiam offert. Hinc Ioannes 1. Ioan. 4. vers. 19. Ipse prior dilexit nos. Et quidem cum essemus inimici illius. Rom. 5. v. 10.

Hinc patet, quàm proiectæ impietatis sint illi, qui in peccatis perseverant, nec volunt ad Deum reuerti, & cum ipso redire in gratiam: cum tamen ipse post fornicationem multiplicem & peccata grauissima, viam salutis ostendat. Certè horum damnatio vt iusta est, Rom. 3. vers. 8. sic etiam erit grauissima. Nec vlla culpa damnationis in Deo, sed in ipsis. Ex te perditio tua, Ose. 13. Tu noluisti. Matth. 23. Tota die expandi manus ad populum incredulum, qui in via non bona. &c. Esa. 65. Conuertamur ergo ad Dominum, Esa. 45. v. 22. & quæramus dum inueniri potest. Esa. 55. v. 6.

Nec differamus poenitentiam, Syr. 5. vers. 8. sed hodiè cum audieris &c. Psalm. 95. v. 8. Hebr. 3. vers. 7. Ecce enim nunc tempus acceptum, nunc dies salutis. 2. Cor. 6. Antequam accedant anni. Eccles. 12. vers. 1. & 2. antequam claudatur ianua. Matth. 25. vers. 11. Vtinam de his cogitarem sapius. Si enim nunquam velit redire desertrix & adultera, nunquam etiam recipietur.

L. II. Ex eodem loco, vbi turpissimam meretricem se rece-

recepturum Dominus promittit, etiam maximi peccatores consolationem habent. Quales erant, Manasse, Lathro, Petrus, Paulus. 1. Tim. 1. vers. 15. Ita tamen si pœnitentiam agant & redeant ad Dominum. Ad cæteros enim hæc non pertinent.

F I N I S.

T H E M A V. C L A S S I S V I I I.

Ezechiel. 18. v. 27.

Cum auerterit se impius ab impietate sua, quam operatus est, & fecerit iudicium & iustitiam, ipse animam suam viuificabit. Considerans enim & auertens se ab omnibus iniquitatibus suis, vita viuet & non morietur.

Eadem ferè sententia extat in hoc ipso cap. vers. 21. Et additur ibi, Iniquitatem ipsius non recordabor. &c.

D I S P O S I T I O.

Christus Matth. 11. v. 19. ait, iustificata est sapientia à filiis suis. Etenim ex Psalmo 51. v. 6. pater, Deum sæpè in ius vocari ab hominibus, licet ipse semper vincat, etiam Hieremia teste, cap. 12. v. 1. Idem accidit Domino temporibus Ezechielis, ubi prouerbio quodam Israelitæ Deum suum notasse leguntur. Vide vers. 1. huius capitis 18.

Contra Dominus ostendit se æquissimè iudicare, [v. 25. & 29.] & condemnando impium, & iustificando pium. Quin imò tantam esse suam bonitatem, ut is quoque qui olim impius fuerit, in gratiam recipiatur, si pœnitentiam egerit. Idque volunt verba prælecta. Et hoc bis repetit in hoc capite, ut intelligatur seriò hanc rem agi.

Quia igitur insignis est hic locus, doctrinis & consolationibus abundans, singula verba diligentius erunt excutienda: iuxta id Rom. 15. v. 4. doctrinam & consolationem inde petamus.

Textus.

Textus.

1. De impio pœnitente & conuerso hîc loquitur Dominus, in genere, quicumque is sit, & quacunque impietatis specie peccauerit.

2. Omnia autem peccata illius vocat iniustitiam. Quia contra mandata & iura Dei committuntur, ἀμαρτία enim est εἰς δικαιοσύνην, 1. Ioan. 3. v. 4.

3. Sic autem pœnitentiam hominis impij describit, quod sit auersio ab iniustitia, & conuersio ad bonum. Idem Esa. 1. v. 17. Desistite à malo & facite bonum. Quid autem sit facere bonum vers. 21. explicat per verba, seruare omnia præcepta Domini.

4. De hoc Dominus pronunciat, animam suam viuificabit, vel vitam suam conseruabit. Id supra vers. 21. exprimit his verbis, Vita viuet & non morietur. Non condemnabitur vt sceleratus. Hieronymus super hæc verba: ipse prius mortuus viuificabit animam suam. Videnſque se interiisse in iniquitatibus, quas operatus est, credet in eum qui dicit, Ego sum veritas & vita: vita viuet & non morietur.

5. Imò additur vers. 22. Omnium iniquitatum eius quas operatus est non recordabor amplius. Non impurabuntur ipsi priora delicta.

6. Quod vt fiat, considerare ait impium sæpius iniquitates suas, & ante oculos statuere peccata, quibus Deum offendit, vt atrocitate illorum deterritus discat vitare malitiam. Er soll offt mit vnserm Herrn Gott abrechnen. Et sic non morietur: id est æterna morte non peribit. Hoc vult vers. 28.

D O C T R I N Æ.

I. Qui vitam non tantum temporalem sed & æternam diligit, pœnitentiam agat & conuertatur ad Dominum.

De hoc toties monet scriptura, quia omnis nostra salus in hoc consistit. Esa. 31. v. 6. & 45. v. 22. Ierem. 3. v. 12. & 14.

Ierem.

Ierem. 35. v. 15. Ezech. 14. v. 6. & 18. v. 30. & 33. Volentes itaque & scientes pereunt, quicumq; oblatam conuersionis gratiam non recipiunt: pro qua ardentissimè orare debebant iuxta id, Conuerte me Domine. Ierem. 31. v. 18.

Hoc autem non est conuerti ad Dominum, abstinere ab vno & altero peccato, quo hactenus Deum offendiſti, & nihilominus pollui aliis; vt, cauere ſcortationem & incidere in ebrietatem, aut ebrietate depoſita, conuerti ad auaritiam: ſed vera pœnitentia & conuerſio eſt auerſio ab omni impietate & iniquitate, vt facias bonum & rectum coram Domino. Quamuis enim non omnes infirmitates carnis, dum in hoc corpore viuimus, poſſimus deponere, tamen ſcelera & peccata contra conſcientiã omnino ſunt abiicienda. A malo deſiſtendum & faciendum bonum. Eſa. 1.

Nec ſufficit benè incipere, ſed qui perſeuerauerit ad finem ſaluus erit. Matth. 10. Simile de cursoribus. 1. Cor. 9. Et vide verſ. 24. huius capitis.

Inprimis verò cauenda hypocrifiſis. Syr. 1. verſ. 36. Exemplum Achabi ſimulantis pœnitentiam. 1. Reg. 21.

II. Diſcamus exemplo Dei nō exprobrare priora pœnitenti delicta. Si enim is non vult recordari amplius priorum delictorum, multò minus nos miſeri homunciones his qui aliquando turpiter vixerunt, at vitam emendarunt, priora peccata exprobrare, aut obductam, quod dicitur, cicatricem refricare debemus. Hoc præcipit Sapiens, Syr. 8. v. 6. Et huc pertinet etiam id, Qui ſtat videat ne cadat. 1. Corinth. 10. Aut ſumus, aut fuimus, aut poſſumus eſſe quod hic eſt. Et quod tibi non vis fieri, alteri ne feceris. Matth. 7. v. 12. Gal. 6. v. 1. Si præoccupatus, &c.

Nec Deus Dauidi adulterium poſt pœnitentiam, nec Chriſtus Petro abnegationem, aut ſcortationem Mariæ Magdalenæ exprobrauit, imò defendit ipſam. Luc. 7.

C O N S O L A T I O.

Maximam etiam pro pœnitentibus conſolationem
hic

hic locus continet: quod intelligunt, Deum non sentire cum Nouatianis, nec ianuam gratiæ claudere pœnitentibus. Exempla testantur. Manasses, Publicanus. Et hoc quidem maximè solari debet pœnitentes, quod audiunt sua scelera non producenda coram tribunali Dei, vt confundantur coram omnibus Angelis & electis: sed non recordabor amplius, inquit Dominus. Et id ipsum Michæas vocat demergi in profundum maris, Mich. 7. *Es soll verziehen und vergessen seyn bey Gott.* Sicut nebula deleta, Esa. 44. vers. 22. Ego deleo & non recordor, Esa. 43. v. 25. Psal. 103. v. 12. longè fecit iniquitates.

F I N I S.

T H E M A VI. C L A S S I S VIII.

Ezech. 18. vers. vlt.

Quare moriemini domus Israel? Quia nolo moriæm morientis, dicit Dominus Deus, reuertimini & viuite.

Eadem ferè habentur Ezech. 33. vers. 11.

D I S P O S I T I O.

Breuis est sententiola prælecta, ex ore Dei ipsius excepta per Prophetam, at multum habet in recessu.

Tria autem continet principaliter notanda.

1. Monet Dominus Israelem suum, ne sibi ipsi exitium afferat æternum.
2. Protestatur se interitu populi sui non delectari.
3. Viam monstrat, quomodo ab interitu præseruari possint. Hæc iam excutiemus breuiter, & ad nostram utilitatem transferemus.

I. Pars.

Verba Domini sic habent: *Quare moriemini domus Israel?* Dixerat in præcedentibus, Iudicabo vos, vnumquemque iuxta vias suas. At quid tum futurum sit, ipsos vult perpendere; quod scilicet propter varia & multiplicia peccata adiudicandi sint æternæ morti. Certè morie-

riemini, ait. Quare autem moriemini, vos Israelitæ, qui estis populus meus electus? Numquid non vitam potius eligitis, quam mortem? Numquid saluari potius vultis, quam damnari?

Per mortem enim non corporalis, sed æterna illa mors & damnatio intelligitur, quæ teste Apocalypsi Ioan. cap. 21. v. 8. est secunda mors.

L o c u s. Numquid non, charissimi, insanos existimatis fuisse Israelitas, qui perire maluerint quàm saluari, mori quàm vivere optarint? At multi hodiè eiusdem cum ipsis sunt sententiæ. Quis verò adeò demens sit, inquis? Audies.

Numquid idem nobis dictum est, quod populo Israel Moses dixit, Deuteron. 30. v. 15. & 19. Proposui tibi vitam & mortem, bonum & malum. Testes inuoco hodiè cælum & terram, quod proposuerim vitam & mortem, benedictionem & maledictionem. Elige ergo vitam, vt viuas, &c. Quid faciam igitur inquis? Quod ibi additur, Diligas Dominum, & obedias voci illius.

An non eadem quotidie vrgentur passim in omnibus concionibus? An non quisque nostrum est seruus, sciens voluntatem Domini? Lucæ 12. vers. 47. Quisquis igitur non facit illam, an non meritò vapulabit plagis multis? Ibidem.

An non igitur dicet nobis Dominus, quare morieris? Et illud Osee 13. v. 9. Du bringst dich in Vnglück. De hoc pauci cogitant. At quoties audis pro concione, te peccatis tuis tibi et ipsi æternum afferre exitium, & si hoc vel illud feceris, de quo Gal. 5. v. 21. habetur, futurum certò, vt pereas in æternum: toties cogita, tibi dici à Domino, quare morieris?

II. Pars.

Ne quis possit cogitare, Deum vtiq; posse saluare plures, sed nō velle: quia destinauerit nonnullos ad mortem & damnationem, vt haberet, in quibus declarare iusti-

tiam suam posset, sicut in colloq. Mompelgard. pag. 523. tales horrendæ voces sunt auditæ: ideoque Dominus hîc protestatur solenniter his verbis, Dicit Dominus Deus, [qui est veritas, & mentiri nescit, Hebr. 6. v. 18.] Non delector morte morientis. Et si delectaretur morte morientis, non toties præmonuisset, vt cauerent sibi à morte & damnatione æterna.

L. I. Hoc loco primum magna proponitur peccatoribus miseris, at pœnitentibus, consolatio, quod Deus sit futurus facilis in condonandis peccatis: quia non delectetur morte & interitu ipsorum.

Commendatur Dominus hoc nomine passim in scripturis, Exod. 34. vers. 6. Psalm. 86. 103. III. 116. 145. quod sit patiens & multæ misericordiæ miserator, &c. Nemo itaque de gratia Dei desperet, ne maximus quidem omnium peccator, qualem se fuisse Paulus fatetur, 1. Timoth. 1. vers. 15.

De his vide Dispositiones præcedentes in hac Classe.

II. Patet hinc, quam sit impia, blasphema, & in ipsum Deum contumeliosa doctrina eorum, qui docuerunt hactenus, Deum iusto suo iudicio quosdam destinasse ad mortem, quos non voluerit saluos fieri, &c. Vide Colloq. Mompelgartenf. & Locos Theologicos D. D. Hafenerferri, de prædestinatione. Contrarium patet ex hoc loco, vbi Dominus solenniter protestatur, se nolle etiam ipsius morientis (id est, impij & damnati) mortem. Quid posset dici apertius? Sunt enim illi etiam sanguine Christi redempti, qui pereunt: quod patet ex Roman. 14. versu 15. 1. Corinth. 8. vers. 11. 2. Pet. 2. vers. 1. Nec quenquam vult perire, sed omnes saluari Dominus, 1. Timoth. 2. vers. 4. 2. Petr. 3. vers. 9. Ideoque mundum dilexit, Ioan. 3. & filium dedit propitiationem pro totius mundi peccatis, 1. Ioan. 2.

III. Pars.

Non satis erat Domino Deo præmonuisse suos, ne
mor-

mortem eligerent magis, quàm vitam: nec protestatione tantum contentus fuerat, sed tertio loco etiam viam commonstrat, qua eundum, vt possint saluari. Vno verbo autem omnia voluit complecti, *Conuertimini*. Et quid velit, per totum eaput sæpius declarauit: *Desistant à malo, & faciant bonum, &c.* Et viuetis, non condemnabimini, non æterna morte moriemini.

L O C V S. Videmus quid agendum, ne mors æterna absorbeat. Pœnitentia opus est. Hæc frequens fuit Prophetarum, ipsius Christi, & Apostolorum concio. Vide præcedent. Disposit. & Ierem. 18. vers. 8. Matth. 3. & 4. Act. 2. v. 38. & 3. v. 19.

Partes verò pœnitentiæ sunt, 1. Contritio, quæ primò agnitionem peccati, eiusdemque deinde detestationem, & tertio serium dolorem, deniq; confessionem completitur. 2. Pars pœnitentiæ fides est. Has sequitur noua obedientia, fructus sc. pœnitentiæ: de quibus Matth. 3. v. 8. Hæc in omnibus Enchiridiis Theologicis reperiuntur.

F I N I S.

T H E M A VII. CLASSIS VIII.

• Ezech. 33. vers. 11.

Viuo ego, dicit Dominus, nolo mortem impii, sed vt conuertatur à via sua, & viuat.

Eadem sententia extat etiam Ezech. 18. v. 23.

D I S P O S I T I O.

Sicut gemmâ pretiosissima in annulo aureo, sic hæc sententiola scripturæ inter multa alia eiusdem loca meritò habenda est. Digna itaque, quæ non tantum gestetur in digito, sicut gemma in annulo, aut collo appendatur, ceu clinodion aliquod, sed quæ animis inscripta, memoriæ tradita, in corde gestetur perpetuò. Huius etiam maior vis atque virtus contra omnes Satanae tentationes erit, quàm potest esse gemmæ nobilissimæ aduer-

sus omnes difficultates morborum, & aliorum accidentium corporis. Excutiemus igitur hunc locum diligentius, audituri.

1. Quis affectus Dei erga miseros peccatores.
2. Quis vicissim noster debeat, esse affectus erga Deum, ut Deo gratum faciamus.

I. *Parti.*

1. Principio notandum, hæc non esse verba alicuius hominis prophani, aut Ethnici, vel Philosophi: imò nec Prophetæ verba sunt, sed ipsius Dei. Id patet ex verbis, Dicit Dominus Deus. Itaque ipse Deus hæc verba proloquutus est, & ex ore ipsius excepit noster Propheta.

2. At quid refert nobis Dominus? Nolo mortem impij. Eandem sententiam per interrogationem proposuit, Ezechiel. 18. v. 23. Numquid voluntatis meæ est mors impij? Per mortem non corporalis tantum, sed magis æterna & secunda mors. Apocal. 21. vers. 8. intelligitur.

3. Vbi notandum quod Dominus primum affectum suum prodit erga miseros mortales, quos nolit perire, etiam si ipsum suis peccatis sæpissimè offenderint. Deinde notanter inquit, se nolle mortem impij; & ut cap. 18. habetur, morientis. Quo innuit, se non tantum in genere peccatores non odisse, vel ad damnationem creasse, sed quod maius est, etiam pereuntium & sua culpa damnatorum, morte & interitu non delectari.

4. Et quia in cap. 18. huius Prophetæ, simpliciter & nudis verbis, hunc suum affectum declaravit: at verò animus humanus in nudis verbis rarò acquiescit, ecce hoc loco iureiurando id ipsum confirmat: Vivo ego, *So wahr als ich leb.* Grauiori iuramento sese non potest obstringere. Heb. 6. v. 13.

Locvs I. Possumus hîc idem dicere, quod alibi de Christo Augustinus ait, Felices nos, propter quos ipse Deus iurat. Infelices autem si ne iuranti quidē credimus. Quantam hic locus homini de peccatis suis tentato consolationa-

solationem præbeat, nemo satis explicare potest verbis. Quibus enim hæc sententiola profit, ex præcedentibus patet: vbi dicunt Iudæi, iniquitates nostræ super nos sunt, & in ipsis tabescimus, &c. His vult dici, ego nolo mortem, &c. Et non potest homo non acquiescere in verbis ipsius Dei iurantis, qui mentiri nescit. Heb. 6. Huc pertinent ea quæ Disposuit. tribus præcedentibus sunt annotata, ad Themat. ex Ieremia & Ezechiele.

II. Recurrit hic idem locus, qui Disposuit. præcedente proxima, parte secunda, numero secundus est.

Sufficienter enim hæc verba Dei ipsum contra omnem hominum blasphemorum iniuriam defendere poterunt: qui ipsam iustitiam non tantum authorem peccati facere, sed etiam omnem damnationis culpam in Deum conicere tentant. Ex his fructibus arbor qualis sit, cognosci poterit, iuxta id Matth. 7. v. 16. Lupus scilicet sub pelle ovina latens sese hic prodit, &c.

II. Pars.

Qualiter Deus erga nos affectus sit, audiuiamus, nec velle ipsum ut quisquam nostrum pereat. Nunc quid nobis vicissim faciendum erga Deum, ne ipsi salutem nostram negligamus, dispiciendum.

Conuertatur (inquit) impius à via sua & viuat, hæc est voluntas mea. Zach. 1. ait Dominus, conuertimini ad me & ego conuertar ad vos. Hic autem præuenire vult: Ego conuersus sum ad vos, vos igitur conuertimini quoque ad me. Ego meam gratiam & misericordiam omnem conuerto ad vos: Itaque vos vicissim conuertimini ex toto corde ad me. Sic non moriemini. *Um mir solls nit mangeln: Laßs nur an euch nicht erwinden.* Quid igitur faciendum? Conuertat se impius à via sua, & ingrediatur viam Domini.

Defleat à porta lata & via spatiosa ad viam strictam & portam angustam. Matth. 7. v. 13.

Hoc Esaias sic explicat: Desiste à malo, fac bonum.

Esa. 1. Et Propheta noster, vocat discedere ab iniusticia. Ezech. 18. Qui hoc fecerit viuet, ait Dominus. Hic vita æterna intelligitur, quæ vere vita est. Sicut supra mors æterna notatur, quæ verè mors est. Conuersus itaque non condemnabitur, sed viuet in æternum. Non quod sua pœnitentia & conuersione vitam sit promeritus: cum vita æterna gratuitum planè sit donum Dei Rom. 6. vers. 23, Eph. 2. v. 8. sed quod propter Christum fide (quæ est pars principalis pœnitentiæ) apprehensum placeat Deo noua illa obedientia, quæ fructus conuersionis & pœnitentiæ est: & peccata non imputentur, sed iustitia Christi credentium fiat propria imputatione. De qua 1. Cor. 1. vers. 30. Rom. 4. v. 5.

Locvs. Qui salutem suam non vult negligere, qui non ingratus reperiri erga Deum, conuertatur ad Dominum, à via sua. Licet enim via cuique sua placeat Prou. 16. vers. 2. tamen hoc attendendum quid Deo placet, quid non. Si igitur deprehendit, se ambulare in via non bona, (quod ex Decalogo cognoscere poterit) mox reuertatur ad viam monstratam in verbo diuino: hoc est, agat pœnitentiam, & quærat eum qui iustificare vult impium. Rom. 4. vers. 5. Vide Disposit. præcedentis, partem tertiam. Est enim pœnitentia & conuersio ad Deum ex nostra parte medium, per quod æternam possumus effugere damnationem, vt patet ex hoc loco, & aliis.

Non enim nisi pœnitentes & conuersos in gratiam vult recipere. Hinc id 2. Pet. 3. vers. 9. Non vult quenquam perire, sed omnes ad pœnitentiam venire. Petro dicitur, Luc. 22. v. 32. Si conuersus fueris, &c. Fuit itaque & Petro necessaria conuersio. Sic omnibus. Ier. 31. Postquam conuersus fui egi pœnitentiam. Wir müssen in ein andere Haut / sicut alias prouerbio dicitur: hoc est, Mente superiori opus omninò est. Sic Angelos exhilarabimus.

Luc. 15. Vide etiam exemplum filij perditionis.

E I N I S.

THE-

THEMA VIII. CLASSIS VIII.

Ezechiel. 33. v. 12.

Tu fili hominis, dic ad filios populi tui, Iusticia iusti non liberabit eum in quacunque die peccauerit: & impietas impij non nocebit ei, in quacunque die conuersus fuerit ab impietate sua.

DISPOSITIO.

Accusabant Dominum Deum suum Hebræi (vt patet versu huius capituli 17. & 20) iniquitatis, dicentes, Non est æqui ponderis via Domini, non est recta via Domini.

Quamuis autem Deus, qui est ipsa iusticia, non cogitur miseris homuncionibus reddere rationem factorum & iudiciorum suorum, tamen vt vincat cum iudicatur (Psal. 51. v. 6.) hoc loco per Prophetam denuntiari vult populo, (vt & cap. 18.) quod recta sit via Domini, & vicissim iniusta sit via populi, ostendens scil. quod non sine causa parcat pœnitenti quantumuis olim impio: & puniat olim iustum, qui postea in impietatem sit prolapsus.

Quia igitur hoc facere potest ad admonitionem, illud verò ad consolationem, vtrumque sigillatim expendere libet.

I. Pars.

1. Faciemus autem initium dicendi ab eo, qui vocatur iustus, quem tamen sua iusticia non liberat à morte.

2. Ne hoc mirum alicui videatur, seipsum explicat Dominus, quod loquatur de tali iusto, qui abiecta pietate peccauerit. Et in sequentibus repetit, vocans talem iustum, qui confusus in iusticia sua fecerit iniquitatem, v. 13.

3. De hoc pronuntiat, iusticia ipsius non liberabit ipsum, in quacunque die peccauerit.

Ratio videtur addi in sequentibus: non poterit viuere in iusticia, quia peccauit. *Er hat sein säch wider verderbet.*

Et additur vers. 13. Omnes iustitiæ eius obliuioni tradentur.

Et morietur in iniquitate sua, quam operatus est.

L. I. Discimus, non debere iustum considerare in sua iustitia, si perdidit negligenter, quod magno labore quæsierat. Nec enim præteritæ iustitiæ saluēt, si nouis sceleribus sit occupatus. Atq; simul etiam hinc luculenter patet, quantum absint à via veritatis, qui opinantur, se impietatem miscendo pietati, & mala opera compensando bonis sic velle coram Deo paria (quod dicitur) facere, vt non habeat, de quo iuste possit cōqueri. *Es sol also mit ein ander gleich auffgehn/ vnd wett sehn bey vnserm Herrn vñ Gott.*

Sic enim solent dicere homines prophani & illudores: *Ich hab viel gebettet/ hab ich widerumb schon viel gesuchet/ so ist es erst wett.*

Ich hab viel gestohlen/ oder gewuchert vnd geschunden: hab auch viel Almosen geben. Das ist wett. Et sic deinceps. Sic DEVM nihil posse requirere ultra putant. At si omnia fecimus, serui inutiles sumus. Et quod debui-
mus, fecimus, Luc. 17. Si itaque id omne malis operibus rursus fuit dehonestatum, quod benè factum erat, id verò non inutilis, sed nequam serui erit.

Etiam iustus, si iustitia abnegata peccauerit rursus, morte morietur.

Itaque non sic conemur Deo illudere. Non irridetur Deus, Gal. 6. vers. 7. Nec fucum facere ipsi tentemus, sicut Saul, qui se prædæ pinguiori cultus gratia pepercisse fabulatur, 1. Sam. 15. v. 15.

Er läßt nicht also mit ihme wett spielen/ vnd es erwehret sehn/ vt nostri loquuntur.

L. II. Videmus, quàm altè animis nostris infigenda illa regula, Non qui benè cœperit, sed qui ad finem perseuerauerit, saluus erit, Matth. 10.

Qui posuerit manum ad aratrum, & retrospexerit, Lucæ 9. Obliuisci enim vult Dominus priorem iustitiam, si illam excipiant, & subsequantur peccata.

Saul

Saul benè cœpit, modestus est, humilis, fortis, &c. at non perseuerat. Nil itaq; iuuant priora facta laudabilia. Pergamus itaq; in cursu bonorum operum. Tit. 3. v. 8. vsq; ad metam præfixam donec apprehendamus. Phil. 3. v. 14.

Vide tristitia illa exempla. 2. Tim. 4. Demas relinquit Paulum. Multi retrorsum eunt. Ioan. 6. v. 66.

II. Pars.

1. Sicut iustum non liberat iusticia à morte vbi peccauerit: ita impietas impij non nocebit ei, vbi pœnitentiam egerit. Hoc enim intelligit per conuersionem ab impietate sua.

2. Notandum autem quod pœnitens non propterea viuet, quia bonum operatus est (cum omnes iusticiæ sint sicut vestis immunda) sed ideò viuet (vt infra eleganter hoc v. 16. exprimitur) quia omnia peccata eius quæ peccauerit non imputabuntur ei. Deleta enim sunt pœnitentibus. Esa. 44. v. 22. & imputatur illis iusticia Christi. Rom. 4. Et viuet ille iustus (secundum verba Hieronymi super hunc locum) illa vitâ quæ Christus est.

CONSOLATIO ingens hic proponitur homini pœnitenti, si tentetur de peccatis admissis: quod scil. nullo pacto salutem desperare debeat (verba sunt Hieronymi) si agat pœnitentiam. Non n. antiqua perdēt peccata, si operib. iusticię veteres emendauit errores. Neq; præterita sed præsentia iudicare vult Dominus, &c. Exemplo Niniuitarum patet, & publicani, atque Zachari, Latronis, &c.

Et quæ potest esse maior consolatio, quàm hæc, quod omnia licet fœda & grauissima peccata (ad quorum nudam mentionem exhorrescit animus pœnitentis) perpetua obliuione sunt delenda Col. 2. v. 14. ac si in profundo maris essent demersa. Mich. 7. v. 19. Non recordabor amplius. Esa. 43. Plura vide in præcedentibus Disposition.

Hoc itaque agendum, vt cum Deo in gratiam redeamus, dum in hac vita sumus, antequam finis adueniat. Omnia tum bona sunt clausula quando bona est. Et

quia quisque iudicabitur sicut fuerit inuentus, demus operam, ut inueniamur acceptabiles, in cōspectu Domini, nec pudefiamus, quando sistemur ad tribunal Christi.

F I N I S.

THEMA IX. CLASSIS VIII.

Sapient. II. vers. 24.

Tu misereris omnium: quia omnia potes, & dissimulas peccata hominum, propter pœnitentiam. Diligis enim omnia quæ sunt, & nihil odisti eorum quæ fecisti.

DISPOSITIO.

Rectè Sapiens & piè Dominum Deum nostrum in fine huius capitis vocat amatorem vitæ: cuius tantam ait esse beneuolentiam & misericordiam, ut cum omnes creaturas, quæ in ipsius manu sint tanquam gutta roris (vers. 23.) vno momento in nihilum redigere, maximè verò homines, quos condidit, propter peccatum abiicere & perdere potuerit: tamen ille omnes suas creaturas clementer hætenus conseruarit, & omnium maximè in hominibus peccatoribus patientiam & amorem luculenter demonstrarit. Sunt autem singula scè verba emphatica & diligenter enucleanda.

Audiemus autem 1. de insigni illa erga peccatores misericordia atq; patientia creatoris.

2. Quæ illius causa sit, ex ore Sapientis subiiciemus.

I. Pars.

1. Magna & infinita est (inquit in præcedentibus) tua potentia, Domine. Nec est quisquam, qui tuam potentiam possit infringere, aut tibi resistere. Orbis terrarum est sicut lingula stateræ. Vide Esa. 40.

2. Licet autem alioquin in rebus humanis ita sit comparatum, ut potentes & Magnates rarò sint clementes & misericordes, ut plurimum autem duri, superbi & inhumani erga subiectos, maximè verò seueri & inclementes.

mentes erga hos, qui contra ipsos deliquerunt: tu tamen Deus omnipotens omnium misereris, & salute omnium, non autem interitu cuiusquam delectaris. Omnium misereris inquit. Idem Rom. II. v. 32.

3. Quod tantò magis mirum est, quanto maior est tua potentia & maiestas, qui omnia habes in tua potestate. Et posses omninò perdere si velles: vt non necesse sit te illis parcere.

4. Neque verò ideò parcis quod boni sint, & nihil in te peccent: sed peccata ipsorum etiam dissimulas, & ad illa conniues. Hoc demum infinite misericordiæ tuæ argumentum est. *Du must doch ein gedultiger Gott seyn/dass du jre Sünde so lang vertragen vnd nachsehen kanst.*

5. Hoc non ideo fit, quod delecteris peccatis, cum apud te non sit iniquitas: sed quod exspectes ipsorum pœnitentiam. Et sic vis tua longaminitate & patientia inuitare ad pœnitentiam, sicut & Paulus Rom. 2. v. 4. refert.

CONSOLATIONEM cum admonitione coniunctam nobis hic locus insignis exhibet. Magnam enim & inexhaustam Dei bonitatem erga miseros peccatores commendat: quæ quotidie innouari dicitur. Thren. 3. v. 23. Hanc etiam commendant nobis alia scripturæ loca plurima. Psal. 31. v. 22. Psal. 69. v. 17. Psal. 86. v. 5. & 15. Psal. 100. v. 5. & c. Et summatim omnia continentur in his, quod miserationes eius super omnia opera eius, & suauis Dominus vniuersis. Psal. 145. v. 9. Et Syr. 18. v. 12. Misericordia super omnem carnem. Et quod magnitudine ipsum Deum æquare possit misericordia illius, Syr. 2. v. 21.

Ideoque de misericordia Domini nemo hominum desperare debet. Et splendidè mentitur Cain, dicens, maius esse suum peccatum, quam quod possit remitti: cum maior sit Dei misericordia, quam omnium hominum miseria.

Nec minoris æstimandum sacrosanctum Christi meritum, quod sufficit ad saluandum omnes. De quo 1. Timoth. I. v. 15. 1. Ioan. 2. v. 2.

Hac consolatione tentati erigant animos suos, ne desperent.

MONEMVR iuxta rāmen, hanc consolationem non ad omnes pertinere, sed ad eos tantum, qui pœnitentiam agunt, ad quam sua longanimitate inuitat Dominus, vt supra dictum ex Rom. 2. Et idem Petrus 2. Petr. 3. v. 9. vult, omnes pœnitentiam recipere. Et 1. Timoth. 2. v. 4. Vult omnes venire ad agnitionem, &c.

VSVS huius loci is est : 1. vt nemo sibi blandiatur, si peccata non puniantur in vestigio. Patientiæ Dei est, expectantis pœnitentiam. Vide Syr. 5. v. 4.

2. Nemo offendatur, si Deus differat pœnam. Sicut plerumque fit, iuxta id Eccles. 8. v. 11. Tarditas enim grauitate pœnæ compensabitur.

II. Pars.

At quæ causa huius bonitatis & patientiæ atque longanimitatis diuinæ? Non certè meritum hominum vllum, quia nullum. Serui inutiles, Luc. 17. Vestis immunda, Esa. 64.

At vna causa est, dilectio illa Dei, qua complectitur omnes suas creaturas. Ideoque illa antegressa est omnes creaturas, & causa creationis fuit. Et quî possit Deus odisse suas creaturas? Nihil enim præparauit, quod odio habuerit. Alioquin non creasset. Et vidit cuncta, quæ fecerat, esse valdè bona, Genes. 1. vers. 32. quatenus illa sunt ab ipso creata. Ideoque nec hominem (qui ratione substantiæ est Dei creatura, etiam post peccatum) odisse potest. Peccatum quidem & corruptionem odit, at creaturam tamen suam non odit. Hinc Iob. 10. Manus tuæ fecerunt me: vitam & misericordiam tribuisti mihi. Eadem ferè Psalm. 139.

LOCVS I. Quia in tantum dilexit nos Dominus, vt non crearet tantum, sed & in peccatis iam mortuos sanguine suo Actor. 20. vers. 28. redemerit, & hætenus conseruaret: iussuper iustificatos nos etiam sit glorificaturus, Rom.

Rom. 8. v. 30. quis dignas vnquam ipsi referre poterit gratias? Numquid non omnes coniunctis viribus Deo laudes & gratias dicemus cum Dauide? Quid retribuam Domino, &c. Psal. 116. v. 12. Redamandus utiq; Deus. Diligam te Deus, Psal. 18. v. 2. Ingratissimi sunt, qui de his nihil cogitant, nec agunt gratias: nec afferunt fructum labiorum, Hebr. 13. v. 15. At non satis, diligere Deum verbis, sed ipso etiam opere testemur amorē. Quomodo? Sicut is requirit: Qui me diligit, sermonē meum seruabit, Ioan. 14.

Et Deut. 10. v. 12. Diliges Dominum Deum. Quomodo? vt seruias illi, & ambules in viis eius. Idem Deuter. 11. v. 13. & 22. Item Deut. 19. v. 9. Qui hæc facit, dicere potest cum Dauide: *Herglich lieb hab ich dich.* Psalm. 18. Et cum Petro, scis, quia amo te, Ioan. 21. v. 17.

L. II. Quam inconueniens huic loco sit doctrina eorum, qui negant, Deum omnes dilexisse, &c. quiuis potest colligere. Vide etiam supr. Disposit. Them. 6. in hac Classe.

F I N I S.

T H E M A X. C L A S S I S V I I I.

Syrach 5. vers. 8. & 9.

Ne tardes conuerti ad Dominum, & ne differas de die in diem. Subitò enim veniet ira illius, & in tempore vindictæ disperdet te.

D I S P O S I T I O.

Tota passim scriptura clamat, Conuertimini ad Dominum: Agite pœnitentiam. Et hæc omnibus nota sunt. Neq; est quisquam, qui hoc neget, pœnitentiam omninò esse necessariam. At in hoc plerique errant, quod tempus pœnitentiæ reiiciunt in multos annos: & plerique vel in tardam senectam, vel in ipsum mortis articulum.

Monet itaque Syrach his verbis, 1. de non procrastinanda pœnitentia.

2. Ad-

2. Addit etiam præsentissimum periculum, quod immineat procrastinatoribus.

Hæc duo iam excutiemus breuiter.

I. Pars.

Sapiens hoc loco anteuertit cogitationes, imò etiam dicta procrastinatorum.

Audientes enim agendam esse pœnitentiam, & necesse esse vt conuertamur ad Dominum, respondent, Ita sanè agendum. Et ego quoque conuertam me ad Dominum, plerique aiunt.

At quando incipies? Dicunt aut cogitant illi: *Es ist noch allezeit. Ich bin noch Jung. Muß zuvor noch ein zeitlang gut leben haben in der Welt.*

Et tum demum pœnitentiam agendam putant, vbi tarda senectus accesserit: *Da ist gut fromb werdē. Quando scilicet ipsos reliquerint peccata.* Hoc autem non est emendare vitam; tum cessare à peccando, vbi amplius non potes peccare; Quia vires corporis illud non amplius permittunt, quod senibus agris accidit. Ideoque Syrach. 18. emenda vitam dum adhuc peccare potes. Hoc autem loco sic ait: Ne tardes conuerti ad Dominum. Non reiicias pœnitentiam in multos annos: sed in iuuentute tua memento creatoris, antequam accedant dies illi, qui non placent. Eccles. 12. Iosias puer adhuc quaerit Dominum. 2. Paralip. 34. v. 3.

Quia verò plerique vitæ promittunt emendationem, & tamen nunquam seruant promissa: etiam qui ad senectam (aut virilem tamen & iustam ætatem) iam peruenerunt, & dicunt cras, cras, hoc est, mox emendabo vitam, post exiguum temporis interuallum, dum modò mihi liceat hoc vel illud prius exsequi, quod in animo habeo: Idcircoque addit Syracides, ne differas de die in diem.

Ne vna quidem die differenda pœnitentia: quia cras cras corui vox est, inquit Augustinus, De verb. Dom. in Matth. serm. 16. non hominis Christiani. Ideo scriptura
toties

toties inculcat, Hodie, hodie, cum audieris vocem Domini non obturabis aures. Psalm 95. vers. 8. Hebr. 3. vers. 7. & v. 13. Heb. 4. v. 4. Et in parabola dicitur filio Matth. 21. v. 28. Fili hodie operare in vinea.

Imò non hodiè tantum, sed nunc inquit Paulus, hoc est omni momento tempus est, vt conuertamur ad Dominum. Nunc tempus acceptum, nunc dies salutis. 2. Cor. 6. vers. 2.

Videmus itaque multum errare procrastinatores, dum sibiipsis alium & quidem remotissimum terminum pœnitentiæ præfigunt.

Peccant quoque contra eandem regulam, qui cum iam lectulis affixi sunt, & quibus iam mors ipsa ante oculos versatur, tamen differunt confessionem & absolutionis annunciationem, atque sacramenti perceptionem, ad extremum ferè vsque halitum: stultè opinantes, se citius morituros, si valedicentes huic mundo, ad Deum suum conuertantur, & viatico illo spiritali vtantur in tempore. &c.

II. Pars.

Quare autem pœnitentia & conuersio nullam patiatur moram, iam sapiens subiicit, ostendens grauissimum periculum imminere eiusmodi procrastinatoribus.

I. Ira Domini subitò venit. Cum Deus satis diu sua longanimitate inuitauit ad pœnitentiã. Rom. 2. v. 4. subitò tandem effundit iram suam super impœnitentes Non enim vel ad vnam horam certi esse possumus de vita nostra, & de hora iudicii, siue vniuersalis, siue particularis, cui statim post mortem sistenda est anima. Syr. 11. v. 29. Nescitis horam & diem. Mat. 25. v. 13. Hora qua non putatis veniet. Luc. 12. v. 40. Quod si Dominus deprehendat impœnitentem dissecabit ipsum in ira sua. Luc. 12. vers. 46.

Qualem enim inueniet talem iudicabit. Et sicut ceciderit arbor, ita iacebit. Eccles. 11. De hoc periculo sæpè cogitandum.

2. Additur hîc, Et vindicabit. Etenim arbor non faciens fructum, igni comburetur, Matth. 7. v. 19. Et iam securis ad radicem posita est, Matth. 3. v. 10. Si non ferat arbor fructus dignos pœnitentia, excindetur. Ibidem ver. 9. & 10. Ipsa res est, quæ multos occidit, cum dicunt, cras, cras, & subito ostium clauditur. August. vbi supra.

3. Neque est, ut quis blandiatur sibi, sperans Deum mitius acturum cum procrastinatoribus & impœnitentibus, ideo subiicit in fine: & disperdet te. Æterno adiudicabit exitio impœnitentes, quia thesaurizarunt sibi iram Domini, Rom. 2. v. 5. Vermis itaq; non morietur, Esa. 66. vers. ult. Nec vlla restat redemptio, Psal. 49. v. 9.

Hoc periculum, Charissimi, apud animos vestros quæso sæpius expendatis. Nemo seipsum decipiat. Res seriò agitur hîc. Videtis exempla mortis subitanæ, &c. Et impossibile est Christianum, qui de his seriò cogitat, moras neocere posse, &c. Plura vide infra in hac Classe, Dispos. Them. 13.

F I N I S.

T H E M A XI. C L A S S I S VIII.

Syrach. 17. vers. 20. ad 23.

Pœnitentibus concedit (Deus) reditum (ad gratiam) & consolatur viribus deficientes, ut sustinere possint.

Conuertere (igitur) ad Dominum, & relinque peccata tua, precare ante faciem Domini, & minue offensa-
dicula.

D I S P O S I T I O.

In verbis præcedentibus huius cap. dixerat Syrach, Omnia opera hominum sunt in conspectu Dei sicut sol: & oculi eius sine intermissione inspiciunt vias eorum. Non sunt occultæ iniquitates eorû, sed semper sunt in conspectu Dei. Et post pauca subiicit: postea euigilabit Dominus & retribuet unicuiq; super caput suum, iuxta merita sua.

Hæc

Hæc audientes miseri peccatores, non haberent spem ullam salutis. Si enim iniquitates obseruauerit Dominus, quis stabit? Psalm. 130. Itaque ne desperent pœnitentes, hanc subiicit sapiens restrictionem siue consolationem, in qua i. docet, ianuam salutis peccatoribus non esse clausam. *Die Gnadenthür sey nicht gesperret / sonder allezeit offen.*

2. Hortatur autem omnes, vt gratiam oblatam non respuant. *Sie sollen die Gnadenthür ihnen nicht selbs zusperren / oder die Gnad aufschlagen.* De his duobus iam erit dicendum.

I. Pars.

Eleganter loquitur Syrach, ne terreantur miseri peccatores & desperent. 1. Illis enim concedi (ait) reditum ad gratiam. *Er läßt sie zu Gnaden kommen.* 2. Ita tamen, si pœnitentiam agant. Ideoq; signanter loquitur de his, qui vitam emendant: non in genere de securis & impœnitentibus.

Neque etiam abiicit pusillanimes, & de peccatis sollicitos atque coangustatos; quin imo ipse Dominus oneratos & laborantes, Matth. 11. v. 28. & vt hic loquitur, deficientes (*die Müden; Ita etiam loquitur Ierem. 31. vers. 25. Die müden Seelen erquickten.*) solatur, erigitque verbo suo, ne desperent.

Loc vs I. Continent hæc verba primum insignem consolationem, quod pœnitentibus peccatoribus pateat ianua gratiæ; Contrà quam non hæretici tantum Nouatiani, sed & Satan, & caro nostra, atque omnes desperati cum Caino, Gen. 4. pronunciant, Maiora esse peccata, quàm vt remitti possint. Sic Saul, Iudas & Spiera, atque alij cogitant.

Contrarium non verba tantum, sed & exempla scripturæ testantur: neque tantum extant exempla eorum, qui antequam peccarunt, in magna fuerunt gratia apud Deum, vt sunt Dauid, Petrus: sed eorum etiam, qui

nunquam antea benè egerunt, & tamen recepti sunt in gratiam, vt Manasses, Latro, Paulus.

Id filij planè perditum exemplum demonstrat, Luc. 15. Magis autem hoc afficere debet miseros peccatores, quod pusillanimes & deficientes ipse solatur, ne desperent, vt loquitur sapiens.

Argumenta talium consolationum passim sunt obuia, Esa. 1. v. 18. Si peccata vestra fuerint vt coccynum, Esa. 42. calamum quassatum non conteram, Ier. 2. Tu fornicata es cum amatoribus multis, at reuertere, Ier. 29. v. 11. Cogitationes pacis habeo. Ezech. 18. & 33. Viuo ego nolo mortem peccatoris.

Dan. 9. v. 24. Propitiabitur iniquitas: aeterna iustitia: Ose. 13. De manu inferni redimam eos.

Ioël. 1. Patiens & multæ misericordiæ Dominus, poenitet eum mali, Mich. 7. v. 19. In profundum maris peccata abiiciam. Et maiora pondera habent sequentia, quibus solatur miseros. Non veni propter iustos, Matt. 9. v. 13.

Gaudium erit angelis, Luc. 15. v. 7. & 10. Venite ad me omnes, qui laboratis, Matth. 11. v. 28. Quicumque venerit ad me, eum non eiiciam, Ioan. 6. v. 37. Certus sermo & omni acceptione, 1. Tim. 1. v. 15. Et infinita alia. Nemo itaque desperet.

Hoc potius cogitent poenitentes, & propter peccata tribulati: quò maior sit ipsorum angustia, & imbecillitas: tanto esse Deum propiorem, iuxta id Esa. 66. vers. 2. Respicio. Et Psal. 51. v. 19. Esa. 57. v. 15.

L. II. Si Deus tam facilis est in recipiendis poenitentibus, turpe est, nos esse difficiliore. Ideoque hortatur Paulus, infirmum suscipite, quia Deus suscepit eum, Roman. 14. v. 1.

Nec exprobrari ipsi vult delictum sapiens, Syr. 8. v. 6. Consolari ipsos iubet Paulus, nec vult terreri, 1. Thess. 5. vers. 14.

II. Pars.

Cum hæc ita sint, neminem vult Syracides suam negli-

negligere salutem. Conuertere itaque ad Dominum. Quomodo autem fiat ista conuersio, exprimit paucis verbis. Duo requirit potissimum.

1. Relinque peccata. 2. Precare ante faciem Domini.

Loc v s. Videmus propriam salutem negligere, quicumque per pœnitentiam non cum Deo redeunt in gratiam: cum ianua salutis omnibus pateat.

Oblatam illi gratiam respuunt, cum toties ipse Dominus inuitet, conuertimini, conuertimini. Quare moriemini? Esa. 45. Ier. 3. Ezech. 18. & 33. Venite omnes. Matth. 11. v. 28. Agite pœnitentiam, Matth. 3. 4. Act. 2. Tota die expandi, Esa. 65. v. 2. Pereuntibus ergo dicet aliquando: Tu noluisti, Matth. 23. Ex te perditio, Ose. 13. v. 9. Ridebit in interitu ipsorum, Prou. 1. v. 26.

Cui itaque salus cordi atq; curæ est, is reuertatur à via sua in tempore: priusquam claudatur ostium, Matth. 25. vers. 11.

Et non est vt quisquam dicat, Nescio quid faciendum? Dictum tibi est, 1. Precare faciem Domini.

Primum deprecare culpam, & pro remissione peccatorum ora. Exempla in promptu habes, Psal. 51. v. 1. Dan. 9. v. 5. Luc. 18. v. 13.

Deinde roga pro Spiritu sancto, & vt ipse conuertat te, Ierem. 31. v. 18. & det cor carneum atq; circumscindat, Deut. 30. v. 6. Ezech. 11. v. 19. 2. Desiste à malo, & fac bonum. Minue offendicula. Eia. 1. Ezech. 14. & 18. Conuertantur sic iuuenes. Eccles. 12. v. 1. sic & senes magis. Quia satis peccatorum. 1. Petr. 4. v. 3. Ægri ad medicum, Matth. 9. v. 12. adulteræ ad maritum, Ier. 2. v. 1.

F I N I S.

T H E M A XII. C L A S S I S VIII.

Syr. 15. ab initio, iuxta vers. German.

Quam magna est misericordia Domini & propitiatio illius conuertentibus ad se.

DISPOSITIO.

Syracides noster non sine causa in oratione sua (quæ extat in fine libelli post cap. 50. versu penultimo) hortatur, Lætamini super misericordia Domini. Eam enim hoc loco, vt & alibi scriptura commendat, quod valdè magna sit. Quia igitur circa misericordiam Dei variè peccatur: dum alii de misericordia Domini dubitant aut planè desperant: alii malitiosè in misericordiam Dei peccant, iam de misericordia Domini occasione textus prælecti dicemus, vt in illa & nos rectè atque piè lætari possimus.

Dicemus igitur, 1. Quanta sit misericordia Domini, & quis fructus illius. *Marzu sie gut sen.*

2. Quibus illa sit fructuosa, vel non sit.

3. Quomodo nos misericordiam Domini imitari debemus.

I. Pars.

Indifferenter quidem scriptura vsurpat vocabula misericordiæ, bonitatis, gratiæ &c. Domini. Propriè tamen misericordia Dei dici potest, illa commiseratio, quod motus nostris miseriis impellitur ad succurrendum nobis. Et in hoc sensu etiam accipitur hoc loco. *Dass er sich vnsers Elends erbarmet.*

De hac exclamat Sapiens, ô quanta est misericordia Dei. Idem verò cap. 18. v. 4. ineffabilem vocat, quam nemo possit satis vel intelligere, vel verbis explicare.

Etenim tanta est quantus ipse Deus. Syr. 2. in fine. Infinita ergo sit necesse est sicut ipse Deus.

Tantoque est maior quod æterna est. Esa. 54. v. 8. Æterna misericordia assumam te. Et in Psalmis hoc frequens est: In seculum misericordia eius. Et quotidie innouatur. Thren. 3. v. 22.

Neque tantum in hac vita Deus suam declarat misericordiam: sed etiam in cœlesti illa & beata. De quo Sap. 3. vers. 9. & cap. 4. vers. 15. In misericordia sunt animæ sanctorum.

EST

Est autem misericordia Domini admodum fructuosa, in omnibus. Omnia enim reguntur misericordia Domini. Sap. 15. v. 1.

Et super omnem mundum misericordia ipsius. Syr. 18. vers. 12.

Sola enim Dei misericordia causa est principalis, quod non sumus relictī in peccatis & damnati. Misericordia Domini facit quod non sumus consumpti. Thr. 3. vers. 22. Hoc maximè dicendum de spiritali miseria.

Misericordia Domini conseruari sumus hactenus: & liberati ab omnibus malis. In tempore necessitatis autem maximè fructuosa misericordia Domini, iuxta id Syrac. 35. in fine.

Nec tantum in benefaciendo cernitur misericordia illa Domini, sed etiam in ipsis pœnis. Sapient. 12. v. 22.

Nec tamen semper conspicua est, verum interdum occulta etiam videtur misericordia Domini Psal. 77. vers. 9.

Nec tamen potest occulta manere sed erumpit. Tanta enim est, ut viscera & cor Dei rumpere dicatur. Ierem. 31. v. 20. Luc. 1. ἀλλὰ γὰρ ἐλέησ.

II. Pars.

Videmus verum illud Syracidis, quod magna imò infinita sit misericordia. Quamuis autem super totum mundum diffusa Syr. 18. vers. 12. & plena misericordia Domini omnis terra sit: Psalm. 119. vers. 64. tamen non omnibus fructuosa est, ut patet ex hoc loco. Non quidem Dei sed hominum culpa id fit.

Ostendit autem Sapiens, quod misericordia Domini fructuosa sit pœnitentibus, qui sua corda ad Dominum conuertunt & vitam emendant. His enim propitius est.

Eadem est sententia Sapientis Syr. 17. vers. 20. Hoc vult Ezech. 18. vers. 21. & 33. v. 14. Idem quoq; sensus dicti illius, quod toties repetitur, Misericors, bonus, patiens, miserator Dominus: Exod. 34. vers. 6. Psal. 86 v. 15. & 145. v. 8. Ioël. 2. v. 13. Ratio autem, quare pœnitentibus tantum fructuosa sit misericordia Dei, est hæc, quia hi implorant miseri-

cordiam Domini, iuxta id Psal. 25. v. 6. & 7. & Psal. 40. v. 12. Psal. 51. v. 3. & Psalm. 69. v. 17. Luc. 18. v. 13. Daniel. 9. v. 18. in miserationibus tuis multis.

Impœnitentes verò, vel de misericordia hac (sicut nec de ira Dei) non cogitant: vel securè in peccatis pergunt, & in misericordiam Dei peccant, sicq; cum illusoribus dicunt in corde suo, Manebimus in peccato (nec ad Deum conuertemur) vt gratia abundet, Rom. 6. v. 1. Hi dicuntur contēnere diuitias, gratiæ & misericordiæ Domini, Rom. 2. v. 4. Est igitur iusta illorum damnatio. Caueat itaq; quisque Christianus, ne se indignum reddat misericordia Domini, & ne salutem suam negligat audacter & confidenter peccando in misericordia Domini. Sicut enim nemo sanus venenum haurit, quia remedium contra venenum nouit: sic nemo Deum offendat sciens & volens, quia misericors est. Est enim ira quoque illius aduersus impœnitentes tam magna, quàm est misericordia, Syr. 16. v. 12.

III. Pars.

Quia tanta est Dei erga nos misericordia, hortatur Christus, vt imitemur patrem cœlestem, hac in parte. Estote misericordes, sicut pater, Luc. 6. v. 36. Opera misericordiæ ibidem, & Matth. 25. recensentur in specie, Remittere, Dare, &c.

Sicque Deo gratitudinem nostram probare debemus, Syr. 34. v. 4. Qui miseretur proximi, sacrificium Eucharisticum offert.

Et constituit Deus amplissima præmia his, qui misericordiam erga proximum exercent, Matth. 5. v. 7. Beati, Prouerb. 21. v. 21. Qui misericordiam, &c.

F I N I S.

T H E M A XIII. C L A S S I S VIII

Syrach. 18. vers. 22. ad 25.

Noli differre pœnitentiam vsq; ad ægritudinem, sed emenda vitam dum adhuc peccare potes.

Ne

Ne differas pietatem, & non extrahas vitæ emendationem vsque ad mortem.

Si Deum colere volueris seriò id agito, ne tentes Deum. Memento ira in die consummationis, & ultionis in die exitus tui.

D I S P O S I T I O.

Omniū hominū prima & potissima cura hæc esse deberet, vt cum Deo per pœnitentiam in gratiam redirent absque omni mora. At maior pars hominū, proli dolor, de hoc parum cogitat, & vel superuacaneum istud esse iudicat, (hi scilicet de quibus Ierem. II. vers. 15. in malitia lætantur) vel tamen in aliud tempus subinde reiicit. Hinc multi seipso decipiunt, & (quod metus est) in æternum pereunt. Ne igitur idem nobis quoque accidat, agite verba Sapientis prælecta, quæ de his rebus egregiè tractant, ad animum reuocabimus.

Vbi primū ea, quæ pœnitentiam remorari solent, remouet Sapiens.

Deinde causas quare pœnitentia non procrastinanda sit adducit grauissimas. Hæc videamus breuiter.

I. Pars.

I. Inter ea, quæ homines remorari solent, quo minus in tempore conuertantur ad Dominum, consuetudo peccandi inueterata plerunque principem locum obtinet. *Ich kan nicht davon lassen / Ich hab eben dessen also gewohnet.* &c. inquit. At vbi senuero, cessabunt illa peccata, & tum probus fiam. Expectabo donec ipsa me peccata relinquant. *Es wird mir selbs vergehen.* &c. At inquit Sapiens, tum non erit vera pœnitentia, si peccata te relinquant, tu verò non peccata dimittis. Emendanda vita, dum adhuc peccare potes, ait. Moriendum peccato dum viuis. Rom. 6. vers. 2. Crucifigenda caro cum adhuc concupiscit. Rom. 6. vers. 6. Gal. 5. v. 24. Nulla au-

rem tibi debetur gratia, si peccata te inuitum dimittant. Sic enim non Dei sed Diaboli martyres. Sic non in nomine Dei emendas vitam, sondern du must ins Teuffels Namen hindenach lassen / wann du nicht mehr tanst. Emendanda itaque praua illa consuetudo auxilio Spiritus sancti, qui dabitur petentibus, Luc. 11. v. 13.

2. Alterum, quod procrastinatores remoratur, illud est, quod confidunt in longanimitate Dei. Volunt illi quidem videri Christiani: & dum strenuè peccant, sibi tamen blandiuntur, *Es wird kein noth haben.* Ierem. 5. v. 12. Amos 9. v. 10. Contra Syrach: Si Deum vis colere, serid id agas. At peccare in Dei longanimitate, est Deum tentare. Non enim pro securis facit illius longanimitas, sed pro pœnitentibus. Inuitat enim ad pœnitentiam, Rom. 2. v. 4.

Sed nec longanimis tantum est, verum etiam zelotes & vindex scelerum seuerissimus. Vide Syr. 5. v. 7. Nec misericordia Dei tantum prædicatur, sed & ipsius iusticia & ira, atque indignatio etiam inculcatur passim. Iohannes hoc scribit quidem, qui credit, habet vitam, Ioan. 5. at idem, qui facit peccatum, ex Diabolo, 1. Ioan. 3. v. 8. Paulus quidem ait, certus sermo, &c. 1. Tim. 1. v. 15. at idem, Ne erretis. Neque adulteri, &c. 1. Cor. 6.

3. Plurimi pœnitentiam reiiciunt in finem vitæ. Quia ibi cum morbis, & cum morte conflictandum est, commodissimum tempus esse putant, ad agendam pœnitentiam. Quia tum nihil agendum, sed orationibus vacandum, &c. At dissuadet hoc Sapiens, nec pœnitentiam in ægritudinem & mortis articulum differendam asserit. Tum enim (quod tacitè hîc innuit author) tantum tibi erit negotij cum morbo, cum horrore mortis, cum temptationibus Satanae, &c. vt de pœnitentia non possis cogitare. Obuersabuntur tibi ante oculos vxor & liberi relinquiendi, & infinita alia.

Ideò memento creatoris antequam accedant anni illi, Eccles. 12. v. 1.

II. Pars.

Porro causas etiam alias easque grauissimas adducit Syrach, ob quas non procrastinanda pœnitentia.

1. Memento exitus tui. *Qaš du darvon must* / scilicet antequam tibi videbitur commodum. Non expectabit Dominus, vsque dum tibi multi transeant anni. Dicitur illi Luc. 12. Stulte, hac nocte auferetur anima tua.

Non potes sperare multos annos residuos. Vita brevis, Somnium, Fumus, Vapor, Flos agri. Vide appendicem Classis VI.

Ideoque vigilandum omni tempore, quia nescimus diem & horam, Matth. 24. Marc. 13. v. 33.

Vide, ne claudatur tibi ianua, Matth. 25. v. 10.

2. Neq; verò post mortem tempus erit pœnitentiæ, in purgatorio illo fictitio, aut alibi. Sicut enim ceciderit arbor, ita iacebit, Eccles. 11. ver. 3. Serò nimis venêre virgines fatuæ, Matth. 25.

Alioquin non diceretur hîc: Dum adhuc peccare potes, vitam emenda.

Cum dixerint pax, pax. 1. Thess. 5. v. 3.

3. Nec finietur omnis actus in morte, sed ira atq; ultio in die consummationis manifestabitur super impœnitentes, Rom. 2. v. 8.

Et tum quidem statim incipit anima sentire ultionem, cum excesserit è corpore, Syr. 11. v. 29.

In die verò consummationis omnium rerum, anima cum corpore cruciabitur: & tum retributio illa sequetur, 2. Thess. 1. v. 8.

Id sæpius inculcat scriptura. Rationem etiam de verbo ocioso reddendam, Matth. 12. v. 36.

Nihil occultum, Matth. 10. v. 26. vnicuique secundum opera, 2. Corinth. 5. vers. 10. Omnes oportet sisti ad tribunal, Ecclesiast. 12. vers. ultimo & primo. 2. Corint. 5. v. 10. Ergò hodie, hodie (Psalm. 95. Hebr. 3.) cessandum à peccato.

F I N I S.

Aaa 5

THE

THEMA XIV. CLASSIS VIII.

Luc. 15.

Parabola integra de filio perduto.

DISPOSITIO.

Insignis hoc loco à Christo proponitur Parabola, de filio perduto, in gratiam recepto à patre, qua miseros peccatores erigere voluit. Occasionem huic dederant Pharisei murmurantes propterea, quod Christus peccatores reciperet. Ille verò testatur, quod propter hos venerit, non propter eos, qui propriæ iustitiæ opinione sint turgidi, quales erant Pharisei. Idq; tribus similitudinibus proponit, quarum hæc vna est.

Potest autem quatuor in partes commodè diuidi hæc parabola, iuxta personas diuersas.

1. Filius perditus erit considerandus.
2. Filius idem mutatus in alium virum, hoc est, pœnitens, seu conuersus probè notandus.
3. Pater filii perdit.
4. Frater murmurans. De his dicendum.

[Possent singulæ personæ singulis concionibus tractari. Nos hic breuiter notas tantum conciuicularum indicabimus]

I. Pars.

1. Fuit filius iuuenis, adeoque charus & dilectus, qui à patre viuo adhuc accepit hæreditatem amplissimam, non vt perderet, sed vt honestè viueret, & omnibus necessariis instructus rectè collocaret bona. Denotat autem hic filius perditus totum genus humanum, quod in Adamo accepit sanctitatem, iustitiam & omnia bona corporalia atque spiritualia.

Deinde in specie Christianos denotat, qui à Deo sunt dotati bonis cælestibus, atque fuerunt in Ecclesia filii & hæredes Dei.

2. In domo patris disciplina videtur filio asperior, ideoque in aliam regionem concedit, vbi liceat ipsi viuere liberius. (Sicut multi hodiè faciunt.)

Ita visus est Dominus durius agere cum Protoplastis, cum prohiberet vsum ligni scientiæ boni & mali, ideoq; auertunt se à Deo ad Diabolum magnam promittentem libertatem. Gen. 3. vers. 5. In genere verò videtur illa disciplina verbi diuini nobis asperior. Itaque viuere volumus pro lubitu.

3. In regione peregrina filius perditus omnia dilapidat. Vno verbo dicitur vixisse *ἀσώτως*. Sub illa autem *ἀσωνία* comprehenduntur omnia, quod fuerit helluator, aleator, scortator. &c.

Ita non tantum Protoplastus perdidit imaginem Dei, & sic omnia simul: sed & nos variis peccatis omnia quæ à Deo habemus bona perdimus. Et ad mille non vnum possemus respondere. Hiob. 9. v. 3.

4. Inde sequitur tanta filii perditii miseria, vt ablegatus fuerit ad porcos. Et saturari voluit filiquis, nec erat qui ipsi daret. O metamorphosin ingentem.

Ita Protoplastus & nos omnes non tantum ad porcos relegandi, sed ad inferos abiiciendi eramus, vbi ne quidem aquæ guttula danda. Luc. 16. v. 24. æterna fame & siti pereundum.

Locvs. Videmus quo nos abripiat auersio à patre cælesti, & propria voluntas, cum non Deo sed nobis volumus viuere. Et nisi alia rem aggrediamur via, pereundum inter porcos. Imò porcorum hac in parte melior erit conditio: cum post mortem nobis iudicium (Heb. 9. vers. 27. 2. Cor. 5. v. 10.) expectandum. Quid igitur faciendum secunda pars docebit.

Posset etiam tractari locus de filiis, qui festinant ad paternam hæreditatem. De quo vide Prou. 20. v. 21.

Item, de inobedientia quorundam filiorum & helluationibus, vbi ex ædibus paternis discesserunt, &c. De his alibi.

I I. Pars.

Vidimus perditum filium. Videamus etiam inuentum, Vidimus mortuum, videamus etiam viuum. Quid faciat miser Acolastus? aut fame pereundum, aut aliud agendum. Recta autem procedit via.

1. Agnoscit suam miseriam. 2. Memor est felicitatis, qua excidit sua culpa. 3. Fatetur delictum. In cœlum & in te peccaui. 4. Humiliat sese, Non sum dignus vocari filius. 5. At non desperat. Patrem compellat. Veniam rogat. Fac me vnum ex mercenariis, Promittit emendationem.

Locvs I. Videmus, quanta sit vtilitas crucis & calamitatis, quod scilicet sic cogimur reuerti ad patrem. Hoc est istud compelle intrare, Luc. 14. vers. 23. Exempla plura passim leguntur, Chananæa, Matth. 15. Regulus, Ioan. 4. Iairus, Luc. 8. v. 41.

Locvs II. Quia filij perdit mores plerique imitantur, etiam vicissim imitentur ipsius pœnitentiam.

1. Agnoscant peccatum, (quod in cœlum peccauerint) & suam miseriam, in quam propter peccatum se coniecerunt.

2. Reuertantur ad patrem. Non sum dignus. At tanta est misericordia tua, vt nolis quenquam perire, 1. Tim. 2. v. 4. Exempla David, Psal. 51. Publicanus, Luc. 18.

III. Pars.

At quid patet? Agnoscit ipsum de longè. Irruit in colum filij, non in crines; osculatur, non in faciem expuit: quia audit, Peccaui. Lætatur quod vider reuersum, pœnitentem. Non exprobrat delicta, sed iubet ipsum vestiri, ornari annulo, & lautè tractari. Quia, inquit, perditus & mortuus erat, sed inuentus est & viuus. Mutatus est in alium virum.

Locvs. Maxima hæc est consolatio, quod pater tam facilis est. Accedamus ergo cum fiducia, Hebr. 5. Apud ipsum copia panis, hoc est, propitiatio multa. Ps. 130. v. 7.

Is læ-

Is lætabitur cum omnibus Angelis super nostra pœnitentia, Luc. 15. Psal. 103. v. 13. sicut pater miseretur, &c.

1. Amplectetur is & osculum figet: quod fit, quoties blandissimè nos alloquitur per verbum suum: vt, Venite omnes. Ego reficiam, Matth. 11. Non eiiciam, Ioan. 6.

2. Vestis noua, baptismus est, quo Christum induimus, Gal. 3.

3. Vitulus, sacramentum corporis & sanguinis Christi, quibus lautissimè tractamur, denotat.

4. Annulus est Spiritus sanctus, arrha hæreditatis, Ephes. 1. v. 14.

5. Calcei, custodia Angelorum, ne offendamus pedem ad lapidem, Psal. 91. v. 11.

Apud nos sunt multi filij perdit, sed pauci reuertuntur ad patrem, vt debebant. Hic dicit, surgam. Ibo ad patrem. Illi manere volunt cum porcis, id est, in peccatis.

Nec volunt laborare vt mercenarij, hoc est, vitam emendare, & fructus pœnitentiæ facere, Matth. 3. v. 8. Act. 25. v. 26. opera pœnitentiæ. Ideoque non osculabitur, sed maledicet pater. Et dicetur illis id Hierem. 22. v. 24. Si es-
ses annulus in digito, abiiciam te, &c.

IV. Pars.

Frater Acolasti audiens quid acciderit, indignatur.

Pater illum erudit, & monet, potius fratri congratulandum, quod inuentus est qui perierat.

Pungit Christus Phariseos murmurantes propterea, quod ipse recepisset peccatores. Vide initium huius capituli.

Locvs. Duo genera hominum semper reperiuntur. Alij quidem peccatores: alij verò hypocritæ, qui sibi videntur iusti. Maior autem spes est de peccatorum, quàm de hypocritarum salute. Illi agnoscunt miseriam, hi non. Itaque præcedent ipsos peccatores, Matth. 21. v. 31. Phariseus & Publicanus, Luc. 18. v. 14.

F I N I S.

THE.

THEMA XV. CLASSIS VIII.

Luc. 23. v. 40. ad 44.

De Latrone conuerso ad Christum.

DISPOSITIO.

Augustinus (De orig. animæ ad Renatum) vehementer commendat hoc, quod de Latrone hîc in cruce conuerso legimus, inquit, Fides eius de ligno floruit, quando discipulorum marcuit: illi desperauerunt de moriente, hic sperauit in commorientem. Refugerunt illi authorem vitæ: rogauit hic consortem pœnæ. Deseruerunt illi sponsores salutis: honorauit hic socium crucis &c. Adeoque multis nominibus Apostolos ipsius Domini superasse, hoc tempore, legitur Lator à dextris Christi pendens. Quamuis igitur alias tales suspensi sint abominabiles, nos tamen proximè ad hunc accedamus, & i. pœnitentiam cum omnibus suis partibus in hoc latrone consideremus.

2. Vt deinde etiam lætissimam Christi promissionem Latroni factam audiamus. Nec pudeat nos ab ipso discere, cum Christum nō pudeat illum secum in Paradiso habere.

I. Pars.

Quis fuerit hætenus, qui hic suspensus à latere Christi pendet, vno verbo explicat scriptura, vocans latronem; hominem scilicet pessimum, occidendum & ab altari auellendum. Exod. 21. v. 14. Quamuis autem digna factis accipiat, & de corpore ipsius iam actum sit, tamen animam suam seruare cupit, etiam in cruce pendens:

Vnde hoc illi? Hætenus neglexerat sacras conciones. Es were sonst nicht dahin kommen. Nunc verò eductus ad supplicium & hac ignominia affectus audit Christum; in via mulieribus concionantem, Si hoc sit in viridi Luc. 23. vers. 31.

Audi

Audit preces Christi, Pater dimitte. Et alia. Per hæc media Spiritus sanctus tangit cor illius vt credat in Christum suspensum, & agat pœnitentiam. Et rectè quidem procedit.

1. Fatetur sua peccata grauissima. Accipimus digna factis. Patienter fert omnia: quia grauiora se passurum in inferno nouit, si non inueniat saluatorem. Dolet de admissis.

2. Fides sese exerit. Confessionem de Christo edit: Hic nihil mali egit. Innocens est. Sed & ipsius misericordiam ex fide implorat, Memento mei, &c.

3. Fructus pœnitentiæ in ipso supplicij loco non possunt omitti. Reprehendit socium à sinistris, ne maledicat Christo. Conatur ipsum conuertere. Christum excusat, &c.

DISC AMVS exemplo huius latronis conuerti ad Dominum, vt cum ipso esse possimus in regno patris. Faciamus autem id, autequam ad locum supplicij venire necesse sit. Non differas conuerti ad Dominum. Syr. 5. vers. 8. & 18. vers. 22. Quod si omninò iam in crucem acti sumus, hoc est, si iam lectulo sumus affixi, vt hic cruci, non tum maledicendum Christo, quod ille à sinistris fecit, sed potius agnoscenda peccata, venia roganda, patienter ferenda omnia, cum grauiora simus meriti.

Ibi tum in memoriam reuocanda quæ ex scripturis olim audiuius. Aut si non fuimus attenti, iam attendendum his quæ proferuntur à Ministris Ecclesiæ. Et hic est fructus calamitatis, vt discamus attendere verbo. Esa. 28. v. 20. Vexatio dat, &c. Conuertamur ad Christum, pro nobis crucifixum & mortuum. Rom. 4. in fine.

Et faciamus fructus pœnitentia dignos. Marth. 3. Opera digna pœnitentia. Act. 26. v. 20.

Præsertim si à cruce liberati sumus & conualuimus. Noli amplius peccare. Ioan. 5. v. 14.

Quod si non detur, de cruce descendere, sed ita sit moriendum, constanter tamen adhærendum huic, qui por-

portauit infirmitates & peccata nostra in ligno, Esaiaë 53.
1. Pet. 2. v. 24. Et ab ipso sperandum illud lignum vitæ, de
quo Apoc. 2. v. 7. Et de hoc iam sequitur.

II. Pars.

Non in vanum orauit Lâtro: Exauditur enim. Et hodie promittitur ipsi Paradisus.

Mecum eris: Et quidem in gloria, in Paradiso. Volo ut ubi ego sum, Ioan. 17. v. 24. Non exprobrantur priora facinora, nō remittitur ad purgatorium, nec Satanæ traditur. Non audit, nimis serò venisti. Quid mihi cum latrone? Nequam es sceleratissimus, ad gehennam detruendus. Nihil horum. Sed mecum eris. Ego pro te moriar, ne tibi æterna morte sit pereundum, &c.

CONSOLATIO est hæc maxima pro pœnitentibus peccatoribus, quod si seria sit ipsorum pœnitentia, non sit sera. Modò ante finem vitæ conuertantur: veniant, non eiicientur, Ioan. 6. v. 37. Et non desperent, neque ob magnitudinem, neq; ob diuturnitatem peccatorum. Omnia tunc bona sunt, clausula quando bona est.

At non differenda eousque pœnitentia, ne prius finis vitæ adsit, quàm tu opineris, & claudatur ianua. Vnum hoc extare voluit Deus exemplum saluari in agone mortis, ne quis desperet: plura non extant, ne quis differat pœnitentiam. Hodie, hodie, Psal. 95. v. 8. Hebr. 3. Fortassis enim non dabitur tibi morituro tantum spatij, ut dicere possis, Memento mei.

Cogita igitur quisquis es pœnitens, de latrone à dextris: & eo, qui dicit, Mecum eris.

Tu verò quisquis es securus, cogita de eo, qui à sinistris pendet, & perit cum omnibus, qui sistentur ad sinistram, (Matth. 25. v. 33.) & de illo, qui etiam dicit Sauli, cras mecum eris, 1. Sam. 28. v. 19. *Uber es wird ein ungleicher Tausch seyn.* Anima itaque, etiam corpore adhuc valido, commendanda creatori, Psal. 31. v. 6.

F I N I S.

THE-

THEMA XVI. CLASSIS VIII.

Heb. 3. vers. 12. ad 14.

Videte fratres, ne quando in vobis sit cor prauum, obnoxium incredulitati, vt desciscat à Deo viuente. Sed exhortemini vos inuicem quotidie, quoad appellatur dies hodiernus, ne quis ex vobis induretur seductione peccati.

DISPOSITIO.

Sicut Paulus 1. Corin. 10. v. 6. in genere docet Christianos, quod ea, quæ acciderint Israëlitis in deserto, figuræ & typi nostri fuerint, ne in eadem incideremus peccata: ita hoc loco Apostolus Hebræis scribens, ipsos in specie hortatur, ne suorum maiorum impietatem imitentur, cum sciant, quibus illi pœnis & suppliciis à Deo affecti fuerint. Inprimis verò alludit ad id, quod in Massa & Meriba factum erat, Exo. 17. vbi populus duræ ceruicis murmurans contra Deum, contendebat cum Mose, propter inopiam aquæ, & corde planè indurato optabat in Ægypto viuere. Quod illis etiam exprobratur, Ps. 95. qui hoc ipso capite allegatur. Monet igitur hîc, ne similes fiant maioribus, nevé cor habeant induratum, & ne à Deo deficiant. Nos verba Textus primum excutiemus: deinde subiiciemus Locos C.

Textus.

1. Compellat Apostolus blandissimè Hebræos suos, Fratres appellans, vt sic facilius obtemperent fratri rectè monenti. Vñtatum illud Paulo passim. Et vult etiam Timotheum sic agere cum suis auditoribus, vt iuniores compellet tanquam fratres, 1. Tim. 5. v. 1.

2. Videte quæso & caute vobis, ne sit inter vos, qui habeat cor prauum & incredulum.

Innuit, multos simulare pietatem & fidem, quorum tamen cor non sit rectum. Exemplum Simonis Magi, Actor. 8. v. 21. Hi sunt obseruandi.

3. Illi faciliè deficiunt & desciscunt à Deo vivo. Qui enim vera fide caret, non adhærebit Deo suo, sed leuissima quaque occasione arrepta rursus deficiet à Christianismo. At quantum sit peccatum, à Deo viuente deficere, quiuis faciliè coniecere poterit.

Solicite igitur hoc agatis, ne quis vestrum deficiat.

4. Ecquis verò hoc potuerit prohibere, inquis? Contra Apostolus, exhortemini vos inuicem. Alius alium ad fidem in Christum, & ad constantiam ex verbi Dei testimoniis adhortetur, & sic in fide confirmet.

5. Neque verò satis est si id semel atq; iterum fiat, sed quotidie & sine intermissione, quam diu dies appellatur hodiernus, (hoc est, quam diu Deus vobis concesserit occasionem vt possitis alter alterum erudire) audiantur tales mutuæ cohortationes ad constantiam fidei.

6. Sic magnum illud malum indurationis & apostasiæ poteritis præcauere. Qui enim salutare correptiones & exhortationes fraternas audiet, non obturabit cor suum. Neque etiam per peccatum excidet gratia Dei. Si enim fraternè moniti illi perpendant, quantas calamitates perpeffi fuerint ipsorum Maiores, propter istam indurationem, discent illorum exemplis edocti rectius sapere.

L O C I.

I. Videmus Christianorum officium esse, vt non tantum singuli pro se sint solliciti, sed & alios vel errantes in viam reuocare studeant, vel infirmos confirment & adhortentur ad constantiam: præsertim vbi metus est, ne proximus vel à fide deficiat, vel per peccata & scelera excidat gratia Dei.

Hoc sibi inuicem debere Christianos, docet similitudo illa Pauli, qua singulos membra vnius corporis esse asserit. Hinc enim cauendum ne vnum aliquod membrum damnum patiatur: Vide I. Cor. 12. totum caput:

Idem Iacobus requirit cap. 5. in fine.

Et 1. Theſſ. 5. v. 11. Exhortemini vos mutuo, &c.

Néque valebit illa excusatio quidquam: Ego meam salutem curo, non aliorum. Quid ad me alij? Quisque pro se fit sollicitus. Aut, forsitan non admittet proximus meam correptionem, forsitan ægrè feret, indignabitur mihi, &c. Contra, scito tu te hoc illi debere ex illo Christi mandato Matth. 18. v. 15. Et tu conuersus, Luc. 22. v. 32. Si emendauerit errorem, aut in fide confirmatus fuerit, gratias tibi aget: & Deus erit merces tua. Iacob. 5. vers. 20. Sin minus, tu liberaſti animam tuam, & bona conscientia te consolabitur, quod feceris officium.

Nec infrequentes sunt tales mutuæ cohortationes in Scripturis, etiam veteris Testamenti.

Vide voces illorum Oſe. 6. v. 1. Mich. 4. v. 2. & Psal. 66. v. 3. & 34. v. 12. & 95. v. 1.

Et si debes asinum errantem proximi in viam reducere Exod. 23. vers. 4. aut sub onere pressum subleuare. Deut. 22. v. 1. & 4. quanto magis hoc debes fratri, pro quo Christus mortuus est.

Debet autem correptio & exhortatio esse tempestiua, Syr. 20. v. 1. moderata, vt intelligatur esse fraterna. Sicut hic fraternè Apostolus compellat Hebræos.

II. Summo studio cauendum, ne surdis auribus audiamus verbum Domini, & correptiones fratrum saluantes. Et illud hodie, Psal. 95. vbi tempus est acceptum 2. Cor. 6. atque in die salutis audiendum. Nec dicendum, cras, cras, quæ corui vox est. Etenim qui corda sua sic indurant, vt nihil admonitionum admittant, hi sciant se à Deo viuente defecisse. Et quia ipsi noluerunt audire, tradit illos Dominus in reprobum sensum Rom. 1. vers. 28. atque iusto iudicio suo ita excæcat Esa. 6. vers. 10. vt non possint reuerti per pœnitentiam. Et dicitur illis: Ego volui: Tu noluiſti. Matth. 23.

Ex te perditio, O-
se. 13.

F I N I S.

Bbb 2

THE

THEMA XVII. CLASSIS VIII.

Luc. 15.

Parabola de oue & drachma perditis.

DISPOSITIO.

Admiranda Dei bonitas inde patet, quod non tantum de clementissima sua erga nos voluntate per filium instruit, Hebr. 1. v. 2. qui nobis cor patris manifestauit, Ioan. 1. vers. 18. sed quod idem filius nobis sic loquutus est, vt intelligi facile potuerit ab omnibus, qui veritate delectati sunt. Non enim more quorundam Philosophorum & aliorum, suam sententiam occultat, sed vtitur similitudinibus ex communi vita sumptis, vt omnes quid velit, intelligant.

Tales sunt hæ, quæ de oue & drachma sonant, quibus curam paternam pro salute nostra egregiè depinxit. Nos vtramque figillatim excutiemus, licet ad eundem finem tendant.

I. Similitudo de oue.

1. Ouis animal stupidum, facile errat.

Ouibus comparatur homo, Psalm. 95. vers. 7. & 23. v. 1. & 100. vers. 3. Et is facile aberrat à via verbi diuini. De quo Esa. 53. vers. 6. Psal. 119. v. 176. 1. Pet. 2. v. 25.

2. Quem errantem sollicitus pastor querit, ne pereat. Is est Christus, Ioan. 10. v. 12. 1. Pet. 2. v. 25.

3. Inuenta oue perdita lætatur pastor & vicini. Sic gaudium est Angelis in cœlo.

CONSOLATIO hinc peti debet pro lapsis, ne desperent: Cum non Nouatus tantum hæreticus, & cæteri, sed Satan & ipsa caro nostra ad desperationem sollicitare tentet.

At quod non relinquat perditos Dominus, patet ex hoc loco & aliis, 2. Sam. 12. vers. 1. per Nathan querit Dauidem, & reducit. Sic per verbum alios quoscunque querit errantes, Ier. 3. Conuertimini. Ezech. 18. & 33. Non volo

mor-

mortem. Quare moriemini? Reuertimini. Ioel. 2. Zach. 1. & Hierem. 2. idem.

Reductas oues pristino fauore complecti vult. Ezech. 18. v. 21. & 33. v. 19. Exempla. Dauid, Manasse, Petrus, Thomas. Nemo ergo desperet, qui redire cupit ad ouile: quin potius orandum cum Dauide, Quære seruum, Psalm. 119. v. ult. Et quæsi reuertantur, & patiantur se imponi humeris pastoris.

Iuxta tamen notandum, non nisi de ouibus hic esse sermonem. Ne autem quis seipsum decipiat, sciendum, non omnes à Deo haberi pro ouibus. Quidam enim in scriptura vocantur κακὰ θηρία, Tit. 1. v. 12. malæ bestię.

Alij hirci, Zach. 10. v. 3. Matth. 25. v. 32.

Alij porci, 2. Pet. 2. v. 22.

Alij serpentes, aspides, basilisci, Psalm. 140. vers. 4. Esa. 59. vers. 5.

Alij canes, quia vel impuri, 2. Petr. 2. vers. 22. vel rabiosi, Psalm. 22. v. 17. vel muti & simul auari, Esa. 56. v. 10. & 11. Hi foris sunt, Apoc. 22. v. 15. Ad hos nihil pertinet consolatio ista, sed ad eos, qui imitantur naturam ouium, hoc pacto.

1. Vt agnoscant & audiant suum pastorem, & non alium, Ioan. 10. v. 14. & 16.

2. Ouis animal patiens. Ideò Christus oui comparatur, Esa. 53. Talis sit Christianus.

3. Ouis animal iucundum & vtile, in quo omnia habent suum vsum, Lana, Caro, Cutis, Intestina, imò etiam excrementa ipsa. Sic Christianus ad omne opus bonum debet esse instructus, 2. Tim. 3. v. 17.

II. De drachma.

Inuenimus ouem, quæramus etiam monetam.

1. Drachma siue moneta chara est mulieribus. Solent illas sollicitè numerare & custodire.

Moneta illa homo est, insignitus imagine Dei.

2. Inter Dei κειμήλια numeratur. Attamen Satanæ

malitia interdum infra scamnum abiicitur. Fit hoc, cum homo sese à Deo abduci patitur.

3. Accensa lucerna quæritur: Scopis etiam purgato pavimento, ne lateat.

Deus accensa luce verbi, 2. Petr. i. v. 19 Psalm. 119. v. 105. quærit peccatores. Scopis pœnitentiæ & legis domum purgat.

4. Inuenta moneta lætatur mulier cum vicinis. Ita gaudium est Angelis, qui desiderant prospicere, &c. 1. Petri i. v. 12.

Locvs principalis ad eundem finem tendit, ad quem prior etiam parabola de ouibus spectat. Non autem repetemus, quæ iam modò dicta sunt: sed hoc tantum considerabimus, quid gaudium, & quid tristitiam pariat in cœlis, & ipsi Deo & vicinis, hoc est, Angelis, qui semper vident faciem illius, Matth. 18. v. 10.

Contristari Deum scriptura disertè asserit, Gen. 6. v. 6. Esa. 7. v. 13. Gottes Hergleidt. Ier. 8. v. 18. Eph. 4. v. 30. Spiritus sanctus contristatur.

At quid contristat? Peccatum. Quod patet ex Gen. 6. v. 5. Et plerumque id, quod exhilarat peccatores, id Deum contristat: utpote 2. Sam. 11. Factum Davidis cum Bethseba, Herodiadis & filiæ, Marc. 6. Balthazaris, Dan. 5. v. 1. Statim clamor ascendit in cœlum, Gen. 18. v. 20. In primis contristat ipsum impœnitentia, quando planè cogitur desperare de peccatoribus. Ier. 2. Quid ultra percutiam? *Es ist verlohren.* Ier. 4. v. 22. nolunt discere bonum.

Hinc sequitur id Esa. 9. v. 17. Non lætabitur Dominus super hoc. Quare? Quia populus non est reuersus ad percutientem. vers. 13. sed securè pergit & insultat Deo, vers. 10. Vide ibi.

Contrà verò exhilarat Dominum vera pœnitentia, & obedientia, ut lætetur benefaciendo ipsis, Deut. 28. v. 63. & Ier. 32. v. 41. lætabor super eis cum benefecero eis. Quibus? Qui timorem Domini habent in corde, & non recedunt? vers. 40. Ibidem.

Si igitur Dominum exhilarauerimus pœnitentia, tunc
is etiam lætificabit nos à dolore, Ier. 31. v. 13.

Sin ipsum contristauerimus, ridebit is in interitu, Pro-
uerb. 1. v. 26. & Deut. 28. v. 63.

F I N I S.

S E Q V I T V R

C L A S S I S I X.

C O N T I N E N S T H E M A T A

TRACTANDA IN FVNERIBVS MANI-
festè impiorum, sceleratorum, & planè impœnitentium,
qui in peccatis suis, siue naturali, siue violenta morte per-
ierunt: sicut Nabal, Saul, Absalon, & cæteri, quorum
exempla cum aliis scripturæ locis in hac
classe tractantur.

T H E M A I.

Genes. 4. v. 7.

Verba Dei ad Cainum.

*Nonne si benè egeris acceptus eris? sin autem male, in
foribus peccatum tuum cubat. Sed sub te sit appetitus e-
ius, & tu dominaberis illi.*

D I S P O S I T I O.

Hebræ. 11. vers. 4. Fide vberiore hostiam obtulit Deo
quàm Cain. Ideoque Dominus clementer illam hostiam
respexisse legitur, Genes. 4. vers. 4. Caini verò non item.
Inde factum, vt Cain fratri indignaretur, & de tollendo
ipso cogitaret. Cum autem Dominus *καὶ εὐδοκίᾳ τὸν καὶν*
hoc animaduertisset, pramonuit Cainum paternè, hanc
quam prælegimus conciuncula breui, sed neruosa ad-
modum, & grauißima: Cuius duo sunt membra. Pri-
mum hortatur Dominus Cainum, vt studeat pietati, si
velit esse acceptus Deo. 2. Vt peccatum coherceat, ne e-

rumpat. Quia verò hæc non Caino tantum, sed & omnibus aliis dicta sunt, operæ pretium erit, isthæc accuratius penfitare.

I. Pars.

Cum Cain non animo tantum meditaretur cædem, sed etiam externis gestibus iram suam ostenderet, & vultu tetrico fratrem aspiceret, reprehenditur & obiurgatur hoc nomine à Deo. Quorsum opus est propterea frontem contrahere & indignari fratri, quod ego non respexi oblationem tuam tam clementer, quàm Abelis? Quin potius hoc agis, vt & tu acceptus sis coram me? Quid faciam igitur? Conuertere. Fac bonum: pius esto. Hactenus hypocrita fuisti: porrò me colas ex animo, sicut à patre tuo hoc discere poteris.

Locvs. Hæc est concio diuina pœnitentialis, ex qua Prophetæ & Apostoli suam doctrinam hauerunt. Quid enim hoc est aliud quàm id Esa. i. vers. 17. Desistite à malo & discite benè agere. Et Ierem. 7. v. 5. & 18. vers. 11. Conuertimini. Emendate vitam. Ezech. 18. & 31. Si discesserit impius. Conuertimini. Et Matth. 3. & 4. pœnitentiam agite. Mar. 1. v. 15. Et Act. 2. v. 38. Pœnitentiam agite.

Hi enim accepti sunt coram Deo, vt priorum iniquitatum non velit recordari. Ezech. 18. vers. 22. Esa. 43. v. 25. Mich. 7. v. 19. Psal. 103. v. 12.

Hoc non fit propter opera iusticiæ ipsorum, sed propter Christum, si in ipsum credamus: qui etiam Caino erat prædicatus à parente, quando de semine mulieris contrituro caput serpentis ipsum instruxit: ex Genes. 3. vers. 15.

Sic enim Paulus, acceptos nos fecit in dilecto. Eph. 1. v. 6. Et fides acceptam hostiam Abelis fecit. Heb. 11. Hoc enim est opus Dei, vt credatis. Ioan. 6. v. 29. Sic opus fidei vocatur. I. Thes. 1. v. 3.

Quisquis ergo cupit acceptus esse coram Deo, (hoc autem omnes optant, si externam illorū faciem intueamur)

mur) Deum timeat & piè viuat. Hic est acceptus Act. 10. vers. 35. Quod si omninò peccauit homo, & excidit gratia Dei, vt Cainus sua hypocrisi, tum rursus per pœnitentiam sese ad Dominum conuertat, & in filium credat. Huic vita promissa iam est. Ioan. 3. & 5. nec veniet in iudicium.

Sicque patet, quod doctrina de pœnitentia, vt est antiquissima, ita etiam saluberrima & maximè omnium necessaria sit.

Nec est vt quisquam conqueratur, Deo sum inuisus, & non acceptus: Nescio quid faciam vt illum mihi propitium reddam, &c. quales sunt voces illorum Mich. 6. vers. 6. sed respondetur, dictum est tibi ò homo. Ibid. v. 8. Idem inculcat Moses. Deut. 30. v. 11. Et vitam aut mortem potest vnusquisque eligere. Ier. 21. v. 8. Deut. 30. v. 15.

II. Pars.

Alterum membrum concionis diuinæ est, vbi Cainum de peccato egregiè monet, vt caueat sibi.

Primum autem de securitate illius loquitur, dicens, Peccatum adhuc cubare & dormire. Inde fieri vt Cain nihil timeat, si maximè odio prosequatur fratrem.

Sumpta est similitudo à cane generoso aut bestia, quæ dormiens nihil videtur læsura prætereuntem. At in foribus cubare dicitur: hoc est, mox euigilaturum. Sicut facilè excitatur, qui ad ianuas cubat, cum frequentes ibi homines egrediantur vel ingrediantur. Et hoc vult, peccatum (iram scilicet atque odium & concupiscentiam occidendi fratrem) iam in corde accensum, licet occultetur, tamen mox in actum posse erumpere, quia ipse Cain sit securus, & vilipendat hoc facinus.

Deinde verò animo planè paterno modum præscribit, quid agendum, ne Cain se Deo inimicum faciat. Sub te sit appetitus peccati: tuque illi dominaberis. Prauam illam concupiscentiam coherce, & animum iratum cohibe, nec patere, vt te vincat, sed tu vince, constringe,

& fræna peccatum, ne in actum prorumpat, & tu fias homicida.

DOCET ipse Dominus Deus, Saluator omnium hominum, salutem nostram sitiens, his verbis duo, quæ in omni vita nostra obseruatu summè sunt necessaria, nisi Caino similes fieri velimus.

1. Vnum est hoc, vt agnoscamus, & frequenter meditemur, quæ sit conditio peccati in homine.

Etenim non mox apparet, quàm fœda & abominanda res sit; sed blanditur primum, dum concupiscimus malum: nec quicquam nociturum putatur. Sicut Satan sic Euxæ persuadet, Genes. 3. v. 4. Sic Dauid non putat rem tam grauem esse, aspicere, vocare, &c. alienam mulierem. At mox euigilat, & in actum prorumpit, vt patet hoc ipso loco in Caino, qui admonitionem illam contemnit. Maximum ergò tum imminet periculum, cum vile apparet peccatum. *Wann man vermeint / es sey wohl zu wagen. Es werde so viel nicht schaden.* Tunc dormit peccatum: sed ante fores. *Da geht es baldt an.* Securitas enim semper præcedit. Hic cauto peropus, ne mox euigilet. Inde hortatur Dominus, vigilate. De quo sapissimè alias.

2. Alterum est, quomodo peccatum debeat cohiberi: sic scilicet vt dominetur illi homo, ne regnet. Roman. 6. v. 12. *Ad* ipsum vrget Paulus, monens, vt crucifigamus & morti ficiamus carnem cum suis concupiscentiis, Roman. 6. v. 6. Galat. 5. v. 24. Rom. 8. v. 13. Coloss. 3. v. 5. Resistendum ergo Spiritu. Et in seruitutem redigenda caro. Ego δουλαγωγῶ, 1. Corinth. 9. v. 27. Hoc fieri potest & debet crebra meditatione seuerissimi iudicij Diuini aduersus peccata, 1. Corinth. 6. vers. 10. Ga-

lat. 5. vers. 21. Cogitandum de iudi-

cio, Syrach. 18.

v. 24.

F I N I S.

THE.

THEMA II. CLASSIS IX.

Hebr. 10. v. 26.

Si volentes peccauerimus post acceptam cognitionem veritatis, non ultra pro peccatis reliqua est hostia, sed formidabilis quaedam expectatio iudicii & ignis vehementia, qui deuoraturus est aduersarios.

Posset hoc Thema tractari in funere Apostatae alicuius blasphemii & impœnitentis.

DISPOSITIO.

In hoc capite hortatur Apostolus Hebræos, ne deferant congregationem Ecclesiæ, ne vè, vt capite 3. habet, (vers. 12.) descendant à Deo viuentem. Id enim nonnullos fecisse, hoc loco vers. 25. asserit. Huic exhortationi subiungit hæc quæ prælegimus verba, continentia grauissimam comminationem aduersus voluntarios Apostatas.

Quamuis autem durissima & tristissima sit hæc sententia Apostoli, tamen quia præsentem funeri accommodatissima est, eam iam lubet excutere, vt inde turpissimam illam apostasiam omnes Christiani discant abominari.

Verba autem Apostoli primum explicabimus: Deinde ad nostrum vsum accommodabimus.

Textus enarratio.

Multi ex Hebræis Apostolo teste turpiter defecerant à Christianismo. Ne igitur cæteri idem faciant, & turpem illam apostasiam (quod plerumque fit) pro leui delicto habeant, idè hanc comminationem subiungit, vt hac tanquam tonitru corda illorum feriat.

I. Minatur itaque Apostatis, qui cognitionem veritatis acceperunt, & tamen deficiunt, quod nullam ipsi hostiam pro peccatis, hoc est, nullam peccati istius atrocissimi remissionem aut expiationem sperare possint.

Quia

Quia enim nullum est sacrificium pro peccatis, præter Christi meritum, & illud non nisi credentibus applicatur: hi verò fidem non habent, sed meritum Christi sacrosanctum conculcant, &, vt v. 29. ait Apostolus, spiritum gratiæ contumelia afficiunt, atque sanguinem Christi, quo sanctificati sunt, pro re prophana habent, adeoq; sibi ipsi filium denuò crucifigunt. Heb. 6. vers. 6. &c. certè non possunt ullam ab ipso sperare salutem.

2. Neque verò tantum corporales pœnæ ipsis expectandæ, nec morte etiam finietur supplicium, sed expectandum illis tremendum iudicium, quo condemnabuntur ad ignem æternum.

Quam horribilis sententia illa sit futura, cum audient, Abite in ignem æternum, nemo verbis explicare potest.

3. Notandum autem, quod quamuis aliàs nulli hominum ianua gratiæ claudatur, tamen de voluntariè peccantibus apostatis, qui non ex infirmitate vel metu periculi (vt Petrus) sed voluntariè *ingratis*, *Mutwillig/ fürsetzlich vnd wissentlich*/ à Deo deficiunt, agnitam veritatem abnegant, & insuper malitiosè, contrà propriam conscientiam blasphemant; de his inquam pronuntiatur, quod ad remissionem peccatorum, impetratam per Christum, non perueniant. Ratio: Quia satisfactionem Christi & omnia organa salutis directè impugnant: atque sic iusto Dei iudicio indurantur, vt non redire possint per pœnitentiam.

L O C I.

I. Videmus quodnam illud sit peccatum irremissibile, de quo Christus Matth. 12. vers. 31. Marc. 3. vers. 28. & Ioannes 1. Ioan. 5. vers. 16. videlicet illa voluntaria apostasia à Deo, coniuncta cum proposito resistendi veritati, & blasphemia, atque finali in apostasia perseuerantia, quæ ex iusta illa induratione & sensu reprobò Rom. 1. vers. 28. sequitur.

Idque irremissibile est, non quod Christus non satisfecit.

fecerit pro hoc, sed quod illius satisfactio ab his Apostatis blasphemis reiiciatur.

Facit autem illa induratio ut de salute talium cogamur desperare.

Estque magna differentia inter hoc peccatum & inter cætera: ut Petri abnegantis, Pauli persecutoris, & Dauidis peccata. Paulus quidem ignorans peccat. 1. Tim. x. vers. 13. ex zelo quodam præpostero, Act. 22. vers. 3. Dauid vero sciens volensque peccat, (sicut omnes qui peccant contra conscientiam:) Petrus ex infirmitate & metu, sciens tamen abnegat. At hi media salutis non abiiciunt, blasphemant, impugnant: sed per pœnitentiam redeunt ad Dominum.

Isti verò Apostatæ voluntarii & blasphemi omnia salutis media pedibus conculcant.

Cauenda itaque omnia huius peccati initia, nec vlla ratione veritati resistendum. Hic enim primus gradus est ad apostasiam. Et mox sequitur id 2. Thess. 2. vers. 11. Eritque multò grauior damnatio talium apostatarum, quam aliorum. Horrendum iudicium.

II Cogitantes de horribili illo & tremendo ignis æterni iudicio, nunquam peccabunt. Syr. 7. vers. 40. At quia securè hæc contemnimus, audacter peccamus. Christianus igitur totus meritò cohorrescit, si audiat de inefabili cruciatu illo, de quo Esa. 66. v. 24. Matth. 25. Mar. 9. Rom. 2. 2. Thess. I. Apoc. 21. vers. 8. Vbi gradus etiam cruciatuum erunt, teste Christo. Mat. 11. & Luc. 12. At leuissima damnatio erit ignis perpetuus, cum mala conscientia, priuatione aspectus Dei, conuersatione Diabolorum horribili coniuncta: & talis omninò quæ verbis explicari nequit.

Quod si tamen finis post aliquot annorum myriades esset sperandus, tolerabilior esset cruciatus. At nulla redemptio. O Ewig Ewig wie bistu so lang. De hoc sæpè cogitandum.

F I N I S.

THE.

THEMA III. CLASSIS IX.

I. Sam. 25. v. 38.

Post dies decem percussit Dominus Nabal, & mortuus est.

In funere impii alicuius, nobilis, diuitis, Epulonis &c.

DISPOSITIO.

Luc. 6. vers. 24. Christus ait: Væ vobis diuitibus, quia habetis iam consolationem vestram. Væ vobis qui saturati estis, quia esurietis. Et væ tibi ridenti, quia mox post gaudia flebis. Huius rei insigne documentum capere possumus ex præsentī historia de Nabalo. Etenim qui ante dies decem fuit ditissimus, is iam est pauperrimus: Et nullam sentit consolationem moriturus, ex omnibus bonis suis. Et qui fuit ebrius nimis vers. 36. iam sitire incipit in inferno. Cuius cor erat iucundum & vultus hilaris, iam est perturbatissimus & afflictissimus. Quia subito abripitur per mortem.

Videamus itaq; 1. Tragicum illius exitum ex hac vita:
2. Et quæ huius causa fuerit.

I. Pars.

Erat in Carmelo vir illustri & nobili genere natus, ex familia Caleb, nomine Nabal. Diues erat agri pecorisque. Patet ex vers. 1.

Is licet fuerit erga alios tenacissimus, tamen sibi benefacit, & lautè viuit, vt patet ex vers. cap. 36. Et in multis similis diuiti Epuloni. Luc. 16.

At iam præter expectationem abripitur subito. Et miserè perit, vt patet ex sequentibus.

1. Moritur cum perpetua nominis sui infamia. Illius enim memoria est maledicta, sicut Iudæ & Pilati. Ideoque etiam nemo ipsius obitum luget, nec vxor (*Die ist froh das sie des Narren ist los worden.*) nec domestici, qui sciunt ipsum esse stultum, vide vers. cap. 17. & 25.

Quis

Quin imò sicut Dauid lætatur super ipsius obitu, versu c. 39. ita omnes boni. *Isi jøderman frøh dast er hinunter.*

2. Sua bona inuitus relinquere cogitur aliis. Et verum ipsi accidit id Iob. 27. v. 19. & sequentibus. Et Ecclesiast. 5. vers. 13.

Imò quem ille odit, is fit hæres bonorum, Dauid scilicet, qui viduam accipit uxorem.

3. Et quod maximum est, moritur iuxta Psalm. 49. v. 21. sicut bestia. Quia iudicio & ratione caret. Cor eius sicut lapis induratur. Vide vers. 37. Non commendat animam Deo. Et sic descendit ad inferos, sine lux & sine crux, ut est in proverbio. Nihil enim consolationis sentit. Sicque satius esset ipsum nunquam natum. O ter quaterque infelicem hominem nobilem, opulentum &c.

L. Discant hoc loco Nobiles, illustres personæ, diuites & opulenti, & strenui potatores, (heroës illi Esa. 5. vers. 22.) & alii, qui omni tempore Bacchanalia (quod dicitur) viuunt, de morte Nabalis: cui nec gentis nobilitas, nec diuitiæ nec animus ex vino hilaris, quidquam adfert præsidii aut solatii. Nonnulli ex ipsis opinantur, sicut in terris habeant prærogatiuas varias, sic etiam Deum non audere cum ipsis durius agere.

At quia Deus non magis agnoscit diuitem quàm pauperem. Hiob. 34. v. 19. & non accipit personam cuiusque: ideoque hoc potius ipsis euenit, quod Sap. 6. v. 7. habetur, Potentes potenter patientur tormenta.

Nec proderunt diuitiæ in die iræ. Prou. 11. v. 4. imò magis perturbabunt, quia relinquendæ cum gemitu. Ecclesi. 5. vers. 15.

Neque impietas liberabit moriturum. Ecclesi. 18. vers. 8. *Er muß fort.* Quid igitur agendum talibus?

1. Sic viuant ut post se relinquant nomen bonum. Prou. 22. v. 1. Syr. 42. v. 15. Ecclesi. 7. v. 2. Et ut sint diuites bonis operibus atq; colligant sibi thesaurū. 1. Tim. 6. v. 19. faciantq; sibi amicos ut recipiatur in æterna &c. Luc. 16. v. 9.

2. Inprimis verò Deum ut habeant propitium, grati
sint

sint propter illa bona, quæ acceperunt, & pietati studeant, vt cum cætera omnia relinquenda sunt, ipsi possint gaudere de thesauro illo in cœlis, Matth. 6. v. 20.

Tales diuites & illustres viri erant Abraham, Isaac, Iacob, Iob, Loth, Iosephus Arimatienfis.

Pauperes verò & inferioris conditionis homines, quia vident quàm difficile sit, diuites ingredi in regnum cœlorum, Matth. 19. Marc. 10. non optent sibi multas diuitias: sed viuant sua sorte contenti. Prou. 30. v. 8. cum nihil intulerimus in mundum. 1. Tim. 6. v. 7.

Et nudis egrediendum sit tam diuitibus, quàm pauperibus, Iob. 1. v. 21. Eccles. 5. v. 14. Ibi autem omnes erunt illustres & diuites, qui hic pij fuerunt. Exemplo Lazari patet, Luc. 16.

II. Pars.

At quæ causa mortis subitanæ & improuisæ? Non erat senex ille Nabalus, vt patet ex historia: neq; valetudine ægra semper & infirma, sed v. 36. legitur, cor ipsius iucundum fuisse. *Er war wohl auff vnd gutes muths.*

Nec ab hostibus occiditur: quod uerterat vxor prudens, vers. 34.

At vno verbo causam mortis scriptura edisserit, Dominus percussit eum. *Das thats.*

Neque sine causa percussit. Indignus enim erat quem terra ferret diutius. Nam vers. 3. dicitur impius & maliciosus in vita sua. Immercator, durus, ebriosus, inhumanus, auarus, & summa vt dicamus omnia, stultus, iuxta nomen suum, vers. 25.

L. De his Domini percussionebus (quando scil. morbis grauiorib. eos affligit, vt Ægyptios & Philistæos, 1. Sam. 5. vel vitam abbreviat impiis) sapè cogitandum. His autem qui non audiunt vocem illius, dicitur, Percutiet te Dominus. Deut. 28. v. 22. & 27. & 35. Percutiet Israel Dominus. 1. Reg. 14. v. 15. Vide Ier. 2. v. 19. Sic percussit Ieroboam, 2. Paral. 13. v. 20. & Ioramum, 2. Paral. 21. v. 18. vt præmatura morte abriperentur.

Licet autem non semper percutiat, tamen non debemus inde coniicere, quod delectetur ipsorum peccatis, sed tum id vult dicere, *Quid ultra percutiam?* Esa. I. v. 5. Ier. 2. v. 30. & reseruat maioribus tormentis.

Caueamus ergo illa peccata Nabalis supra commemorata. Illa latius possunt diduci. Et pietati studeamus, si volumus euitare illas plagas.

Licet enim pios nonnunquam quoq; percutiat Dominus, vt filium Dauidis, 2. Sam. 12. v. 15. & Hiobum, &c. tamen illæ plagæ sunt paternæ, & cum iudicio fiunt. Vide Esa. 27. v. 9. Et quos ita percussit, mox etiam sanabit. Vide Esa. 19. v. 22. & Hof. 6. vers. 1. Impiis autem cedunt ad exitium, vt Nabalo.

F I N I S.

T H E M A IV. CLASSIS IX.

I. Sam. 31. v. 1. ad 7.

De interitu Saulis & armigeri atq; filiorum.

D I S P O S I T I O.

In historia Saulis legimus inter cætera, quod cum mediante Pythonissa Diabolum consulisset, ibi tum personam Samuelis, & habitum mentitus Spiritus ille *ἐπιχαρπίζων*, hoc ipsi Regi nuntiauerit, cras tecum eris, I. Samuel. 28. vers. 19. Hæc itaque particula historię nobis ostendit, quā viâ Saul ad orcum descenderit, cum suo armigero: vbi simul interitus filiorum Saulis notatur.

Quamuis autem Spiritus ille mendax [Ioan. 8.] vt semper aliàs, ita etiam loco allegato vera falsis miscuerit, asserendo, quod etiam filij Saulis cum ipso sint futuri, tamen hęc diuersum patebit ex circumstantiis. Nos seriem rerum gestarum sequemur, & de piè mortuis primum, deinde de desperatis aliquid dicemus. Sunt ergo triplices personæ considerandæ.

I. De filiis Saulis fortiter pugnantibus, & occisis.

Ccc

2. De

2. De Saule desperato.

3. Et tandem etiam de armigero dicendum.

Quia filii ante patrem occubuerunt: & armiger post regem suum, Rex verò medius in his interiit.

I. Pars.

Fortissimè pro patria & parente dimicant tres filii Saulis, quorum nomina hîc exprimuntur. De Ionathano constat quod fuerit piissimus. De cæteris scriptura non asserit, quod paternæ impietatis fuerint participes. Pios ergò fuisse credendum.

Quia verò Philistæi à Domino contra Saulem excitati fuere, ut tandem pœnas daret & periret, huic malo filii, qui circa parentem sunt, inuoluuntur, & occiduntur ante faciem patris.

Miserabilis sane fuit hic casus Sauli, at non est mors illa filiis damnosa: ubi Deus quidem propter impietatem patris etiam filios finit occumbere, at non ut pereant, sed ut cum laude moriantur, & pro regno, quod illis perdiderrat pater, cæleste regnum accipiant.

Et non vna ratione benè egit cum ipsis Dominus.

1. Moriuntur ut heroes & pro patre atque patria pugnant. Sicq; memoria ipsorum celebris etiam post mortem.

2. Non vident desperationem patris horrendam, quæ illis morte longè fuisset grauior & acerbior.

3. Non vident se à regno excludi: sed sic ad meliorem conditionem promouentur.

Vsvs. Non infeliciter viri boni & fortes, etiam in bello moriuntur. Possunt ibi pii milites bona cum conscientia, & magna cum laude occumbere, si animam prius Deo commendarunt piis precibus.

Satis est sic mori, quam diu cum morbis conflictari.
Es ist besser vff grüner Heiden sterben / als lang vff dem
Gleichen ligen.

Iosias in prælio vulneratus obiit. 2. Par. 35. Iudas Machabæus.

thabæus. i. Mac. 9. Itaque tales nec damnandi, nec infeliciores aliis censendi: si fuerint similes Ionathano.

At pauci sunt tales nostro tempore milites.

II. Si maximè liberi sentiant aliquid mali propter parentum impietatem, id tamen animæ non nocebit, sed erit tantum temporalis afflictio, ¶t hoc loco.

Vide Ezech. 18. vers. 14. Et visitat Deus iniquitatem patrum, at in his tantum, qui oderunt. Ex. 20. v. 5. Piis autem afflictio non erit damnosa.

II. Pars.

Videns Saul filios suos occubuisse, & in ipsum omne pondus prælii versum esse, vt grauissimè vulneratus de vita etiam sua desperare cogatur, debebat confugere ad Dominum, & dicere illud Iosaphati. 2. Paral. 20. vers. 12. & illud Daudidis Psal. 77. v. 4. Atque rogare Deum, vt animæ tantum parcat. &c. At quia verbum Domini reiecit, iam nullam sentit consolationem.

Ideoque tantum de suo honore est sollicitus: mandat armigero vt se stricto ense transadigat, ne Philistæi viuum capiant & ignominia afficiant. Recusante armigero, ipse suo gladio incumbit, & sic moritur. Sciret alio Warm zu dem/ qui dixerat, cras mecum eris: quod clarè patet ex verbis 1. Paralip. 11. vers. 13. mortuus est in peccatis suis.

L. I. Videmus quis sit tandem exitus eorum, qui verbum Domini abiiciunt, quod de Saule dicitur 1. Sam. 15. vers. 23. licet speciem pietatis retineant, vt idem ibidem vers. 24. Experiuntur tandem id Prou. 1. vers. 24. Sic Iudas nihil curans verba Christi admonentis vt resipiscat, perit. Matth. 26. vers. 24. Sic Cain spernens concionem ipsius Domini. Gen. 4. vers. 7. Itaque non obturanda corda, nec aures. Psal. 95. v. 8.

II. De autophoneutis quid sentiendum, ex loco allegato 1. Paralip. 11. & Saulis exemplo patet, quod pereant in peccatis. Ideoque etiam honesta sepultura indigni

cenſentur meritò. Cauendum ergò ne quis de miſericordia Dei deſperet. Videatur Auguſtinus de Ciuit. Dei. lib. 1. cap. 17. & 20. & 22. & 25. & 27. De morte voluntaria, & quod peccatum per peccatum non debeat declinari. Ali-ter autem de his iudicandum, qui ex Melancholia (quæ rationis rectæ iudicium adimit) ſibi ipſis manus inferunt. De Saule, Ahitophele, Iuda, alia eſt ratio. Et vita ante acta probè conſideranda.

III. Videmus hypocritas magis de temporali gloria, quàm de æterna & cæleſti eſſe ſolicitos. Saul timet ignominiam à Philiſtæis, ſed de æterna damnatione nihil eſt ſolicitus. Idem Abimelech, Iud. 9. verſ. 54 ſentit quod hîc Saul. Sic alij multi. Nos gloriam æternam quæramus: quia omnis gloria mundana perit.

Et caueamus ne æternam ignominiam inferant nobis peccata.

III. Pars.

Rectè facit armiger Saulis, quod non vult interficere Regem: quamuis terror magis quàm pietas hoc prohibuerit. Male verò agit, quod non animum addit Regi per-turbatiſſimo, & ſolidas ex ſcriptura conſolationes affert. Peius etiam quod non impedit propoſitum heri ſui. Peſſimè autem, quod exemplum Domini imitatur, & ipſe etiam incumbit ſuo gladio.

L. I. Videmus quid accidat his, qui confidunt in Principibus, hominibus ſcilicet mortalibus. Exiuit ſpiritus eius. Pſal. 146. v. 4. Itaque bonum confidere in Domino. Pſal. 118. v. 8. & 9.

II. Qualis Rex talis grex, & qualis Dominus talis ſeruus. Et Regis ad exemplum. &c. Vide Syr. 10. verſ. 2. Et putant nonnulli, Dominos ſuos pro ipſis reddituros rationem. At quiſque ſuum onus portabit. Gal. 6. v. 5. Itaque Domini pios ſibi quærant miniſtros, ſicut Dauid. Pſal. 101. v. 6. Miniſtri non niſi piis ſeruiant.

F I N I S.

T H E.

T H E M A V. C L A S S I S I X.

2.Sam.13.verf.28.

De Ammone infidiis fratris Absalonis trucidato in conuiuio.

In funere impii, & ebrii, inter pocula à compotore occisi, tractari potest.

D I S P O S I T I O.

Horrendus casus hoc loco describitur, quomodo scilicet Ammon ille Daudicus, ebrius & incautus, in conuiuio inter pocula (non secus ac canis rabiosus) trucidatus fuerit. Cum itaque hisce diebus simile aliquid (licet circumstantiæ non per omnia sint eædem) acciderit apud nos, hanc historiam paucis explicabimus, & tres personas considerabimus.

1. Mandatorem cædis Absalonem.
2. Seruos occidentes, siue mandatarios, vt vocant.
3. Ammonem occisum.

I. Pars.

Absalon more vsitato (quod patet ex 1. Sam.25.verf.36.) cum tonderentur ipsius oues in Baalhazor, conuiuium parat: & accersit in conuiuium fratres & sorores, atque in his Ammonem, quem Rex inuitus dimiserat. Cumque hætenus illi toto biennio ne verbum quidem fuerit loquutus, tamen iam simulat se illi reconciliatum. Ideoque Ammon comparet. Sed ideò inuitatur, vt occidatur & opprimatur in ipso conuiuio. Sic enim Absalon mandat pueris siue seruis, vt ebrium, & nihil tale metuentem, occidant. Et videtur sibi Absalon huius rei habere causas iustas & grauissimas: vt scilicet vlciscatur stuprum illarum sorori Thamar, ante biennium. At grauissimum peccatum idque multiplex admittit.

1. Quod simulat beneuolentiam erga fratrem, & premit altum corde dolorem atque odium.

2. Quod parentem, confratres atque sorores magno afficit mœrore. Vide vers. 31.

3. Quod homicidium, imò fratricidium committit. Nam quod per alios hoc facit, per se fecisse putandus est.

4. Quod ebrium trucidari mandat, & sic quantum in ipso corpus & animam fratris perdit.

5. Quod servis præbet offendiculum, & author ipsis est sceleris huius.

6. Quod insuper magno cum supercilio hoc mandat. Nolite timere. Ego sum qui præcipio: q. d. Quis est, qui me hanc ob rem reprehendere possit. *Trug; daß mir oder euch jemand ein Haar darumb krümme.*

Nec est quod cogitet quisquam, iustam fuisse hanc pœnam. Etenim Absalon non erat Magistratus. Ideoque priuata est hæc vindicta.

Et tantò maius scelus, quod insidias struit fratri, & non aperte agit, non accusat fratrem. &c.

L. I. Cauendum odium, quod facilè homicidas facit. Exemplum Cain, & fratrum Ioseph. Gen. 37. vers. 18. Sumus omnes fratres, si non ratione sanguinis sicut hi duo, tamen creationis & hæreditatis ratione. Vnus pater, vna spes vocationis. Ephes. 4. vers. 5. Facile inter fratres oriuntur offensiones. At faciles etiam debent esse ad reconciliandum. Sol non occidat. Ephes. 4. vers. 26. Ira non transeat in odium durabile.

Inprimis cauenda vindicta priuata. Mihi ultio. Deut. 32. vers. 35. Maximè verò homicidia. Quia pretiosus est sanguis humanus coram Deo. Gen. 9. vers. 5. Homicida non habet vitam. 1. Ioan. 1. vers. 15. Nec vllam excusationem meretur homicida quicumque is sit: & quocumque nomine ab occiso læsus: quia magistratui commissus est gladius non priuatis. Rom. 13. vers. 4. Nec potest aut debet quisquam esse iudex in propria causa.

II. Magno cum supercilio mandat hanc eadem Absalon, quia putat se filium Regis, adeoque à nemine reprehenden-

prehendendum. Tales multi sunt ex filiis potentiorum, diuitum, nobilium &c. qui sibi omnia licere putant. At Deus non respicit personam. Deut. 10. & 16. 2. Par. 19. Syr. 35. Act. 10. Iob. 34. vers. 19. Darumb ist jme auch der Absalon nicht zu hüpsch/ Er muß hangen. Et vicissim mandatur pueris vt occidant. 2. Sam. 18. v. 15.

Pietatem itaq; potius sectentur qui magno loco nati sunt. Alias potentes patientur potenter. Sap. 6. v. 7.

II. Pars.

Videamus etiam seruos Absalonis. Illi studiosè obseruant mandata heri. Et faciliè sibi patiuntur persuaderi hoc factum. Hätt er sie etwas rechts geheissen/ sie weren nicht so gefüßsen gewesen.

Sed haud dubiè fuerunt similes Absaloni in impietate. Quia similitudo est mater amoris.

Et videntur sibi non malè agere, quod exsequuntur mandata heri sui. Wir lassens jhne verantworten.

Debebant potius herum dehortari à proposito: aut monere de hoc vel Dauidem, vel Ammonem, aut alios Regis liberos: aut tamen ipsi non inferre manus filio Regis temulento. At sunt Absaloni similes, & haud dubiè post cum illo perierunt.

L. His seruis multi hodie sunt similes, qui se putant excusatissimos fore, si faciant quod habent in mandatis. Maximè verò in gratiam Magnatum multi peccant, & hos pro ipsis aliquando rationem redituros opinantur. At quisque suum onus portabit. Gal. 6. Dein Herr wird nicht für dich in die Höll fahren. Parendum Magistratui & Dominis: at iusta præcipientibus. In cæteris tenenda regula Petri. Act. 5. vers. 29. Oportet Deo magis obedire. Et huc pertinent exempla obstetricum Ægyptiacarum, Ex. i. v. 17: seruorum Saulis. 1. Sam. 22. v. 17. Danielis & sociorum Dan. 6. v. 10. & 3. v. 18.

Hoc igitur agendum, vt seruiamus Deo in bona conscientia, Act. 23. v. 1.

III. Pars.

Restat vt de occiso etiam Ammone dicamus. Absalon hat nicht recht gethan: Aber Ammon ist nicht vnrecht geschehen. Is incestum commiserat cum sorore. Nec punitur à patre, quia primogenitus & dilectus. Punitur ergò à Deo & tum, cum ipse non amplius de scelere suo cogitat. Etenim anima quæ fecerit abominationes istas peribit. Leuit. 18. Perit itaque hîc miserè, ebrius & imparatus ad mortem: atque anima quoque (vt metus est) & corpore interiit infelix. Ideò quotidie luget ipsum pater. Vide vers. 37.

L. I. Ammon lætus conuiuatur, nec finem vitæ instare putat, & tamen occiditur. Docet nos semper cogitare illud, Extrema gaudii luctus occupat. Prou. 14. v. 13. Ideoque semper memento mori, Syr. 7. vers. 40. Et non procrastinanda pœnitentia post peccatum, sicut Ammon fecit. Non enim legitur egisse pœnitentiam: nec pœnas dedisse. Imprimis cauenda ebrietas: Nescimus enim quando perimus. Mar. 13. v. 33.

L. II. Nemo securus sit, si maximè non mox puniatur: sicut plerunq; fit. Eccl. 8. v. 11. Gott kan die zäch wol borgē.

L. III. De incestu & scortationibus cauendis dici potest. Illis enim iudicium denuntiatur. Heb. 13. v. 4. Gal. 5. v. 21. 1. Corinth. 6. vers. 10.

L. IV. Deus punit scelera, quæ Magistratus non vult punire.

F I N I S.

T H E M A VI. C L A S S I S IX.

2. Sam. 18. v. 9. ad 16.

De Absalone miserè trucidato.

In funere alicuius filii inobedientis, iusto Dei iudicio miserè occisi, tractari potest.

D I S P O S I T I O.

Sicut memoria iusti in benedictione est, Prou. 10. ita memo-

memoria impii in maledictione. Et sicut, Christo teste, bonum opus hominis pii ad perpetuam ipsius laudem descriptum est à Spiritu sancto: (Matth. 26. v. 13.) ita scelera impiorum ad perpetuam eorundem ignominiam in scripturis annotata extant. Hinc Pilati & Iudæ memoria nondum intercidit.

Eadem ratione Absalonis mentio fit etiamnum hodie, non tantum ad ipsius perpetuam infamiam, sed etiam propter omnes eos, qui eadem impietate laborant, ut sciant quid ipsis expectandum sit. Tria autem notabimus.

1. Quomodo Absalon iusto Dei iudicio neci datus, in quercu pensilis factus sit.
2. Quomodo id Ioabo fuerit nunciatum.
3. Quomodo Absalon à Ioabo confossus, & à pueris ipsius trucidatus, & tandem sepultus fuerit.

I. Pars.

Absalon seditiosus exercitum magnum ducit contra patrem, & ipse vnà egreditur militatum, ut scilicet sic trahatur ad pœnam. Populus Daudicus multo minori numero egressus ad pugnam, ubi primùm in saltu Ephraim Israeliticos (qui sequebantur Absalonem) adortus est, mox ita fudit fugauitque eos, ut in fuga saltus plures consumeret de populo, quam gladius vorauerat. Sic enim Textus habet. vers. 8. Quia enim malam fouebant causam, tanta oritur trepidatio: *Daß sie sich nicht redlich vmb jr Haut dürffen wehren.*

Absalon verò mulo insidens & ipse fugit strenuè: Sed fugere volens militem patris, incidit in manus illius, & occurrit his quibus tergum obuertere volebat. Ecce Diuinam ultionem & manum Dei. Non enim fortè fortuna hoc accidit. Sed nondum satis. Cum nemo esset ex Daudicis qui illum capere & vinctum regi tradere cuperet, ecce Deus illum vincire & ligare voluit, & propriis crinibus illum alligauit arbori.

Cum enim mulus ingressus esset subter condensam quercum, adhæsit caput illius quercui.

Erant enim illius capilli ita comparati, 2. Sam. 25. v. 26. vt possent hominem iusto Dei iudicio suspensum detinere. Sic itaq; pender suspensus inter cœlum & terram miserimus, derelictus à Deo & hominibus, imò etiam ab animali, quo vectus erat. Mulus enim ipse etiam aufugit, relinquens fessorem.

L o c. Vide obsecro mirabile iudicium Domini, quomodo is fontes ad supplicium trahere possit. *Er kan einen recht bey dem Ramm / vnd bey den Haaren erwischen.* In prouerbio est, Regibus longas manus. At Deo sunt manus longæ, qui & Regum filios & sceleratos quoscunque sic potest retrahere ex fuga (vbi opinantur, se Dei manum velle aut posse effugere) & ligare, vt neque in cœlo neq; in terra tutum inueniant præsidium. Hinc Psal. 139. v. 7. *Quò fugiam?* Et Obad. vers. 4. *Si nidum posueris in cœlum, &c.* Vide etiam Amos 9. v. 2. & sequentibus. *Wad wann der Fuchs noch listiger were / wann er zeitig ist / so muß er den Balg selbs zum Rürhner tragen.* Nemo itaq; peccet sub hac spe, quod velit effugere pœnam. Si enim hic nō comprehendet te Dominus, illic tamen manifestari oportet ante tribunal, 2. Cor. 5. v. 10. Et Regibus etiam parata fouea, Esa. 5. v. 14. & 30. v. 33. & omnibus, qui in his terris effugiunt pœnas.

II. Pars.

Vir quidam ex Dauidicis conspicatus Absalonem pendentem, nuntiat id Ioabo. Ibi disputatur à milite & Duce, vtrum occidendus Absalon. Et rectè miles monet Ioabum, atque in memoriam reuocat mandatum Regis, de non occidendo Absalone.

Ioab verò diuersum statuit, & seditiosum non iudicat esse dignum qui viuat. Et hic quidem pecunia mortem Absalonis volebat emere. Alter verò pecunia vitam illius redimere. Vide Text. vers. 12. Certum autem est, hic militem

tem rectius sensisse Duce suo. Licet enim Absalon indignus erat qui viueret, tamen à Ioabo non erat occidendus, propter edictum Regis: nec trucidandus in peccatis, ne corpore & anima simul periret. Regi tradendus erat vinctus, qui de ipso poterat statuere, tanquam Magistratus ordinarius.

L. Multi inter nos hodiè sic opinantur, & cum Ioabo sentiunt, homines nequam ab obuiis quibuscunque posse & debere trucidari impunè: & quia manifesta sint ipsorum scelera, non fieri ipsis iniuriam. *Sie sehen mit dren Hellsen bezahlt.* At nemini licet occidere & punire fontes præterquam Magistratui, cui soli à Deo commissum est ius gladij, Rom. 13. v. 4. Ideoq; Abisai prohibetur à Dauide, ne occidat Saulem, mille mortibus dignum, 1. Samuel. 26. v. 9. Imò ne Semei quidem vult ab ipso occidi, ne ex priuato affectu videatur fecisse, 2. Sam. 16. v. 11. Sed indignus est qui viuatur?

Respond. Deus est, qui ipsum suo tempore rapiet ad supplicium. *Lass du jne hangen vnd leben* / sicut hic nuntius. Quia non Rex tantum, sed Deus tibi priuato dixit: Non occides.

III. Pars.

Ioab omnis moræ impatiens sublatum vult Absalonem. Tribus ipsum telis configit pendentem. Mandat pueris, vt detractum occidant. Sic enim ipse olim suis mandarat pueris de Ammone, 2. Sam. 13. v. 28. Occisum lapidibus obruunt. Sic anima & corpore perit.

L. Vide miserabilem interitum hominis illustri, filij Regis, formosissimi omnium. Non vno genere mortis perit: sed 1. suspenditur, 2. confoditur viuus, & quidem tribus telis. 3. Cumque adhuc viueret magno cum dolore, crudelissimè de quercu detractus, fustibus vel armis aliis trucidatur tanquam canis rabidus. Erat enim fratricida & (quantum in ipso) etiam parricida, & incestuosus, qui patris thorum violauerat, &c.

Vide

Vide etiam sepulturam. Non contigit illi quod regibus gentilibus Esa. 14. vers. 18. Non in domo sua, non ad statuum quam crexerat sepultus est sed in syluis, in spelunca, non terra tectus (quam polluerat) sed lapidibus. Et quod grauissimum, æterno igni vstulandus traditur. Sic scilicet Dominus exemplum statuere voluit, vt discerent filij immorigeri & inobedientes, quid de ipsis sit futurum. Deut. 21. vers. 18. Vult lapidari. Et coruorum escam fieri Salomon asserit. Prou. 30. v. 17. Si illud non fiat fient tamen esca vermi non morienti. Esa. 66. v. 24. & mors depascet eos. Ps. 49. v. 15. Ergo observa quantum præceptum.

F I N I S.

THEMA VII. CLASSIS IX.

2. Sam. 18. in fine.

Luctus Dauidis super interitu filii Absalonis.

In funere filij impii in peccatis mortui tractari potest.

DISPOSITIO.

Chusi nuntiaturus Dauidi obitum filij seditiosi Absalonis, sic affatur Regem: Bonum apporto nuncium, Domine mi Rex. *Hic gute Botschafft.* Iudicauit enim pro te Dominus hodiè de manu omnium, qui surrexerunt contra te. Solet autem alias bonum nuncium magno perfundere gaudio. At hîc contrarium euenit. Versa enim est victoria in luctum in die illa, (2. Sam. 19. vers. 2.) propter vehementem illum dolorem, quem concepit Rex ex interitu filij inobedientis & seditiosi, qui patrem regno eiecerat, vxores patris violauerat, &c. Res mira.

Videamus igitur 1. Quare Rex sic luxerit hunc filium: Et quid maximum afferat parentibus luctum.

2. Quid faciendum ne in tales luctus incidant parentes.

I. Pars.

Legimus 2. Sam. 12. quod Dauid ægrotante filiolo
charis.

charissimo luxerit, at ipso vita functo lotus vnctusque sit, & mutata veste comederit panem. At cum Ammon occisus esset legitur ipsum luxisse quotidie. 2. Sam. 13.

1. Nunc quoque supra modum perturbatus est: & totum cœnaculum replet eiulatu, subinde inclamans Absalonem. O Absalon, Absalon. Fili mi, fili mi, fili mi. Vide etiam 2. Sam. 19. v. 4.

2. Sed & lachrymas fundit, & flet amarissimè.

3. Imò hoc vnum optat, vt morte sua vitam filij redimere possit. Vtinam ego pro te sim mortuus.

Quid hoc rei? Numquid non lætari potius debebat, propter sublatum hostem, seditiosum? Certè etiam Iobo videtur res indigna. Vide 2. Sam. 19. v. 6. & seqq.

Numquid ita dolet mortem filij successoris in regno? Minimè. Habebat enim plures.

Numquid infamia ista filij occisi afficit ipsum? Sed hæc nondum est causa principalis.

Cogitat etiam de suo peccato, per quod sibi hæc mala accersuit? Maximè quidem mordet conscientia. At aliud tamen est quod pungit Regem, hoc scilicet, quod scit filium occisum in peccatis, & æternæ damnationi iam adiudicatum.

Ideo pro ipso mori optauit, vt haberet filius spacium pœnitentiæ. Nunc verò ex inferis nulla redemptio.

Videmus quid maximum afferat parentibus piis luctum: interitus scilicet malorum liberorum, qui in peccatis pereunt.

Multi nimium lugent filiolos infantes, de quibus tamen certi esse possunt, quod sint salui: cum ipsorum sit regnum cœlorum, Mar. 10. v. 14.

Et ideò sint ex hac vita translati, vt salui fiant, Sap. 4. v. 14. Et quos præmisimus tantum, 2. Sam. 12. v. 23.

Contra alij parum afficiuntur, si maximè liberi, qui ad iustam ætatem peruenerunt, in impietate sua decedant. Imò ipsi interdum (præsertim hi quorum Deus est venter, Phil. 3. v. 19.) hoc agunt, vt prospiciant liberis de victu;

victu; quidcunq; fiat de anima illorum, de hoc ipsi nihil sunt solliciti. Ideoq; parum curant, quamcunq; liberi sectentur religionem. Multi quoq; scientes volentes liberos vel inuitos etiam in Monasteria detrudunt, aut Pontificiæ Religioni addicunt, vt corpori bene sit in his terris: Sic se officio suo defunctos putant probè.

Hi certè meritò debebant lugere obitum suorum liberorum, quos ipsi ad orcum detruserunt.

At mundus semper est & manet immundus.

Liberi verò hoc agant, ne sibiipsis cum Ammone & Absalone damnationis causâ sint, & parentes in talem luctum amatissimum conijciant.

Sicut enim illi eiulare faciunt bonos parentes, ita apud ipsos erit perpetuus cruciatus, eiulatus & stridor dentium, Matth. 8. v. 22.

Deum itaq; timeant & pietatem sectentur: sic sapientes erunt filij: qui parentes exhilarant, Prouer. 10. v. 1. Est enim timor Domini initium sapientiæ, Prou. 1. Syr. 1.

II. Pars.

Quid autem faciendum, ne liberi tam graui afficiant parentes luctu?

1. Educandi in timore Domini, Eph. 6. vers. 4. Acue, Deuter. 6. v. 7. Et id fiat magna cum sollicitudine. Additis precibus ardentissimis, pro incremento Dei. Sic matri Augustini ab Episcopo dicitur: Impossibile est filium istarum lachrymarum perire: cum illa effusis lachrymis Deum quotidie rogasset, vt liberaretur ex hæresi Manichæorum. Confess. lib. 3. cap. vltimo.

2. Non nimium illis indulgendum: sed castigandi à teneris. Vide Syr. 30. a vers. 1. ad 14. Prou. 22. v. 15. & 23. v. 13. Hoc si fecisset Eli, non expertus fuisset tantam miseriam, 1. Sam. 1. v. 29. & 2. v. 14.

Sed & bonus noster Dauid indulgentior fuit erga filios, quam par erat. Ammonem non legitur puniuisse propter incestum. Ideoq; Dominus illum rapuit ad sup-
pli-

plicium. Sic non occidit hunc Absalonem propter fratricidium, qui tamen ab altari erat auellendus, Ex. 21. v. 14.

Et non debuisset indulgere illi, vt currus & equites, &c. pararet. Quod non poterat latere Regem: cum alioquin (vt refert ille) nihil ipsum latuerit, 2. Sam. 18. v. 13. & apertè de Adonia seditioso contra fratrem dicitur, quod Rex conscius facti noluerit ipsum perturbare, 1. Reg. 1. v. 6.

Quod si parentes nolunt contristare filios, postmodum filij contristant parentes. *Were doch besser/die Kinder weineten/als die Alten.* Nec iuuat post clamare & eiulare, vbi perierunt liberi, parentum indulgentiâ. Faciant itaque officium.

Potest autem fieri, vt eorum etiam liberi pereant, qui fecerunt officium sedulo. Experti sunt hæc, Adamus, Isaacus, & alij multi. Ibi tum parentes solari potest bonâ conscientia. Nec lugeant mortuos sic, vt Deo dicam scribere cogitent: sed acquiescant in iustitia ipsius. Nec enim suos quantumuis magnis eiulatibus ex inferis reuocare poterunt, Psal. 49. v. 9. Maxima verò consolatio in hoc casu erit, quod damnatio liberorum malorum felicitatem ipsorum in vita æterna non perturbabit. Ibi enim nullus dolor nec luctus, Apocal. 21. v. 4. Et erit voluntas ipsorum conformis voluntati Dei.

F I N I S.

T H E M A VIII. CLASSIS IX.

Ecclesiast. 11. vers. 3.

Si ceciderit arbor, siue ad austrum, siue ad septentrionem, quocunque loco ceciderit, ibidem erit.

D I S P O S I T I O.

Ecclesiastes ab initio huius capituli hortatur omnes ad beneficentiam erga pauperes, & compensationem promittit liberalissimam. Quia verò plerique suas elemosynas volunt reicere in futura tempora, & mandare posteris solent, vt post mortem ipsi largiantur aliquid pau-

pauperibus, ideoq; Ecclesiastes per occupationem subiicit hanc quam legimus sententiolam, qua vult persuadere bonis, ne tantisper differant suam liberalitatem, sed benefaciant pauperibus dum viuunt.

Quia post mortem nullam sint habituri occasionem pauperibus benefaciendi: sed nec posterorum quoque liberalitatem liberaturam ipsos, si ad sinistrum h. e. ad infernum ceciderint. Hic est principalis scopus horum verborum.

Quia verò præter hæc plura etiam monere poterunt hæc verba, quæ multum habent in recessu: ideoque illa etiam fusius tractare lubet.

1. Dicendum de arbore, cuius hîc fit mentio.
2. De excisione arboris, siue de effossione & deiectione.
3. De casu succisæ arboris.

I. Pars.

Homo in scriptura non semel comparatur arbori. Magnates etiam & Reges, vt Nabuchodonosor Dan. 4. v. 17. Sed & omnes alij. Matth. 3. Luc. 3. Et pij quidem arboribus bonis & frugiferis, mali vero arboribus nialis comparantur. Matth. 7. & 12. Luc. 6. & 13. v. 6.

Ita & hoc loco omnes homines mortales arbori comparantur. Et foliis arborum Syr. 14. v. 18.

Iudæ vers. 12. decoctores arbori sterili comparantur.

V s v s huius partis ab ipso Christo disertis verbis additur: vt scilicet discamus ferre bonos fructus. Hi fructus vocantur fructus pœnitentiæ. Matth. 3. v. 8.

Additur comminatio: Arbor non faciens bonos fructus excindetur & in ignem proiicietur infernalem. Mat. 7. v. 19. Luc. 13. v. 9.

Nec differenda illa pœnitentiæ opera (Act. 26. vers. 20.) quia securis ad radicem iam est posita. Matth. 3. vers. 10. & iam tolerauit Dominus arborem satis diu, & omnia tentauit, vt patet Luc. 13. v. 7.

Vnusquisque ergo probet seipsum 2. Cor. 13. v. 5. an sit in fide & ostendat fidem ex operibus suis. Iacob. 2. v. 18. sic parebit an sit arbor bona. At multi seipsos decipiunt.

II. Pars.

Arbor hoc loco dicitur casura. Quia vbi arbor satis diu occupauit locum suum, tandem incipit veterascere: & tum vel vi ventorum deiicitur & postmodum effoditur: vel tandem excinditur: & arbuscula nouella in eius locum plantatur. Idem hominibus accidit. Sicut Syr. 14. de foliis: ita etiam de arboribus dicendum. Nam vbi homo in terris aliquantisper locum habuit, postea abripitur & deiicitur, vel excinditur per mortem & in locum illius succedunt alij.

De hoc Psal. 90. v. 3. Qui finis mori homines, & reuerti iubet alios filios hominum.

Die alten Leut gehn ab/ die jungen wachsen an die Statt/ wie die Bäume im Garten.

At non arbores tantum, sed & nouellæ interdum & arbusculæ excinduntur. Dann auch die Bäume in mancherley Zustand haben. Sic homines licet iuuenes & renelli, imò recens plantati, hoc est, infantes adhuc, excinduntur per mortem: Sunt enim casus innumeri quibus vita priuari possunt.

Vsus huius loci hic erit, vt sæpe cogitemus de voce illius sancti vigilis Dan. 4. v. 20. qui clamat, succidite arborem. Da muß es seyn vnd hilfft nichts für. Ita constitutum est mori. Heb. 9. vers. 27. Et omnibus quidem. Ergo memorare nouissima & non peccabis. Syr. 7. v. 40. Nec arbores vetulæ sed nouellæ etiam de his cogitent.

III. Pars.

Arborem succisam eo loco mansuram, ad quem casura sit, refert Ecclesiastes: siue ad aquilonem (per hunc intelligitur sinistra) siue ad Austrum (per hunc significatur dextra) ceciderit. Innuit Salomon, cadere hominem in morte vel ad dextram, hoc est, ad vitam æternam &

gaudia, quæ parata sunt his, qui ad dextram Christi stantur. Matth. 25. v. 33. vel ad sinistram, hoc est, in æternis cruciatus, ad quos ablegandi erunt, qui à sinistris Christi sunt. Ibidem. vers. 41.

Et idem hoc est, quod Syr. 11. v. 29. dicitur, hominem statim post mortem experiri, quomodo vixerit.

Quocunque autem loco recepta fuerit anima defuncti, ibi detinebitur, teste Abrahamo Luc. 16. v. 26.

Videmus, nullum relinqui locum Purgatorio fictitio: cum præter hæc duo loca scriptura tertium locum nesciat. Etenim ubicunque illa de statu hominum post hanc vitam loquitur, ibi discrimen hoc saluandorum & damnandorum ponit, ut vel dextram vel sinistram occupatos Matth. 25. vel ad gloriam vel ad ignominiam Dan. 12. vers. 2. vel ad vitam vel ad iudicium Ioan. 5. v. 29. resurrekturos dicat. De purgandis, & dimittendis ex carcere illo postquam purgati sint, planè tacet scriptura.

Sed missæ purgatorio & suis autoribus relicto, discendum hoc nobis, in quo omnis nostra salus consistit, ut ad dextram cadamus (si quidem omnia tunc bona sunt, clausula quando bona est) & suo tempore ad dextram Christi collocemur. Hoc tum fiet cum in recta & dextera in Christum fide mortui fuerimus, & mors imparatos non inuenerit. Ideoq; vigilandum & orandum semper. Matth. 24. & 25. Mar. 13. & 14. Ut animam possimus commendare in manus Dei. Psalm. 31. vers. 6. Tum non tanget tormentum, Sapient. 3. vers. 1.

F I N I S.

T H E M A IX. C L A S S I S IX.

2. Pet. 2. v. 20. ad finem.

Si posteaquam refugerunt ab inquinamentis mundi per agnitionem Domini & seruatoris Iesu Christi, tamen his rursus inuoluti superantur, facta sunt illis posteriora peiora primis, &c.

DIS-

D I S P O S I T I O.

In funere Apostatæ, aut alicuius impij, qui post agnitam veritatem in Epicurismum relapsus est, tractari potest hoc Thema.

Diuus Petrus iam fini proximus hortatur agnos fidei suæ Ioan. 21. v. 15. commissos, ne seducti errore insipientium à fide & gratia Dei excidant, quam semel perceperint: adductis argumentis & rationibus grauissimis. Talis etiam hæc sententia quam prælegimus: in qua 1. docet quàm sit periculosum & perniciosum, deficere ab agnitione veritatis. 2. Rem duabus similitudinibus illustrat.

I. Pars.

Initiò attendendum de quibus hîc loquatur Petrus.

1. De his scilicet, qui effugerunt inquinamenta mundi. Mundus in maligno positus, plenus est scandalis, quæ sunt inquinamenta quibus polluuntur, qui iuxta mundi ductum & exemplum viuunt. Hi tanquam in cœno peccatorum volutantur. Vide 1. Cor. 6. vers. 11. Tales aliquando fuistis.

2. Medium autem per quod ex his inquinamentis effugerint, ait esse, agnitionem Domini nostri Iesu Christi: qui cognoscitur ex verbo. Id postea vocat viam iustitiæ. Inde enim discitur quomodo Deum agnoscere, iuste vivere, & peccatis, circa quæ mundus occupatus est, valericere debeamus.

3. Quod si verò agnouimus fæditatem peccati ex verbo, & de voluntate Dei edocti sumus, & tamen abiecta pietate inuoluimur prioribus inquinamentis, & magis placet mundus quàm Christus (hoc enim est vinci ab inquinamentis mundi) tum deteriora fiunt nouissima prioribus. Grauior multò erit damnatio. Hæc sententia est Christi. Matth. 12. v. 45. & Luc. 11. v. 26.

4. Quia satius fuisset viam veritatis nunquam cognouisse. Hoc nihil aliud est quàm quod Christus ait: seruus sciens voluntatem Domini & non faciens vapulabit

plagis multis, Luc. 12. v. 47. Turpe enim relinquere sanctum præceptum Dei, & obsequi fœdis mundi illecebris.

Locvs. Videmus non posse simul stare agnitionem & professionem nominis Iesu Christi, & inquinamenta mundi: sicut multi sibiipsis persuadent, posse aliquem Christianum nihilominus esse & manere, etiam si strenuè pergat in peccatis. At contra 2. Tim. 2. vers. 19. Discedat ab iniquitate, qui nominat nomen Iesu. Aliàs conqueritur, factis negant Deum, Tit. 1. vers. 16. Et 2. Tim. 3. speciem tantum habent pietatis. Vide etiam Matth. 7. v. 21.

Est hæc magna ingratitudo, quando non agnoscimus insigne Dei beneficium, qui nos ex tenebris ad lucem perduxit, ex morte in vitam transtulit, per agnitionem Christi, quam prædicat Zacharias, Luc. 1.

Istam verò ingratitudinem grauitèr puniet Deus, cum homines magis diligunt tenebras quàm lucem, Ioan. 3. v. 19. Et magis diligunt mendacium quàm veritatem, 2. Thess. 2. v. 10. & seq. Amos 2. v. 4. Exprobrat Dominus ingratitudinem populo, Mich. 6. v. 4. & seqq. & comminationem addit, v. 13. Vide etiam 2. Par. 36. v. 15. & seqq.

Ideo sequamur admonitionem illam, 1. Ioan. 2. vers. 15. Nolite diligere mundum. Is enim in maligno est positus. 1. Ioan. 5. vers. 19. Et conuersatio mundi inimica Deo est, Iacob. 4. v. 4.

II. Pars.

Porrò duabus similitudinibus illustrat, quod dixerat. Prima sumpta est ex Prou. 26. v. 11. & in prouerbum abiit tempore Petri. Illa est de cane, resorbente quæ euomit. Tales sunt multi. Hoc sic intelligendum. Euangelium medicina est, quæ salubri vomitu purgat, & facit euomere omnia venenata, & noxia mundi inquinamenta. Multi verò sunt canes, qui illa inquinamenta, hoc est, peccata resorbent, à quibus abstinebant ad tempus, agnita veritate.

Altera parœmia est de porco. Id sic intelligendum est.

Euan-

Euangelium est lauacrum, per quod abluere vult Dominus nostras immunditias, dum scilicet dehortatur à malo, & docet facere bonum: at multi sunt porci, qui postquam abluti fuerunt, mox rursus in priori luto volutantur.

Locvs. Fœda hæc & spurca videntur, & auditoribus Christianis non proponenda. At verissima tamen sunt, & communiter accidentia. Semper enim tales canes & porci sunt, qui inter Christianos numerari omninò volunt. Quid autem aliud illi faciunt, qui interdum, aut annuatim ferè (ne videantur ^{αἱρεῖς}) cœnæ Dominicæ communicaturi, promittunt vitæ emendationem singularem: (idque multis vicibus) at vix templum egressi recidunt in pristina scelera: & strenuè iterum scortantur, helluantur, blasphemant, &c. Quid illi meliores porcis, reuersis ad volutabrum? Nihil planè. Sic de cæteris, qui audiunt sacras conciones, & nihilò minus securè pergunt peccando. Numquid hi sunt serui scientes, & non facientes voluntatem Domini? De his illud Dauidis, Psal. 36. rectè dicitur: Non est timor Domini ante oculos eorum.

Christiani itaque caueant, ne sint canes aut porci. Foris enim erunt canes, Apoc. 22. v. 15.

Oues autem habent promissionem vitæ, Ioan. 10. v. 28.

F I N I S.

T H E M A X. C L A S S I S IX.

Iob. 20. v. 4. ad 6.

Hoc scio à principio, ex quo positus est homo super terram: Quod laus impiorum brevis sit, & gaudium hypocritæ ad instar puncti.

D I S P O S I T I O.

Hæc sunt verba Sophar Naamathitæ, amici Iobis. Qui licet in hoc erret, quod Iobum supercilij & hypocrisæ arguere & conuincere conatur, atque ea, quæ de superbis

impiis & hypocritis profert in Iobum (iniquè) torquet, ac si is propter singularem impietatem affligeretur: tamen varias & insignes sententias loquitur, quæ in genere non veræ tantum, sed & valdè sunt emphaticæ. Talis hæc est brevis sententiola, quam legimus, de momentanea impiorum lætitia: cuius verba primùm singula enucleabimus: deinde etiam subiiciemus, quid nos moneant.

Textus.

Dixerat Hiobus suprà cap. 19. v. 25. Scio quod redemptor meus viuit. Is resuscitabit me. Videbo ego eum. Et hoc certò scio. Hæc spes in sinu meo reposita. Hanc iudicat Sophar esse vanam & hypocriticam gloriationem. Quia non minus quàm cæteri amici Iobis ipsum pro impio habet, qui occultis peccatis hanc sibi pœnam diuinam accersuerit.

Quamuis autem ad Iobum applicari non debent, veræ tamen sunt, quæ narrat Sophar.

1. Hoc enim iam ab orbe condito omnibus temporibus obseruatum fuisse, quod impij etiam de multis soleant gloriari: vt de diuina clementia, bonitate, donis collatis, de felicitate, diuitiis, potentia: de sua vicissim fide & gratitudine erga Deum benefactorem, &c.

2. At hanc gloriationem non esse apud ipsos durabilem, addit Sophar. Partim quod vbi Deus affligere cœperit, ipsi mox contra Deum insurgunt, & ipsum contumelia afficiunt: partim quod Deus ipsorum felicitatem mox dissipat, vt tristes illorum fortuna sortiatur euentus. Exemplo sunt duo illi diuites, Luc. 12. & 16.

3. Neque enim gaudium hypocritarum diuturnum est, sed momentaneum. Vno momento Dominus gaudium illorum conuertit in luctum. Stulte, hac nocte auferetur anima, Luc. 12. Licet enim videantur interdum in his terris satis diu lætari: tamen momentum est, vel apud Deum, coram quo mille anni sicut vna dies, Psalm. 90, vel respectu æternæ sequuturæ damnationis,

Et subito finitur illa felicitas, Psal. 73. v. 19. Subito defecerunt. Hoc in sequentibus Sophar similitudinibus egregiis demonstrat. Sicut somnium, sicut visio nocturna, transit gaudium eorum.

L O C I.

I. Vana est iubilatio & lætitia omnium impiorum, licet appareat splendidissima, ut narratur Psal. 73. v. 4. & seqq. Hiob. 12. v. 8. & seqq. Et Psal. 144. v. 13. & 14. Et stulti homines isthæc admirantur. Psal. 144. v. 15. Beatum dixerunt populum cui sunt hæc. Numquid enim purpuratus ille dives quotidie viuit splendide? Luc. 16. Quis illo felicior? At vanitas est. Momentum durat illa felicitas, mox enim post in inferno cruciatur, & quidem perpetuo. Quis igitur cupiat momento vno lætari, & perpetuis post ignibus cruciari?

Itaq; nemo inuideat impio suam felicitatem, Psal. 37. Noli æmulari. Quia in momento finietur. Ibid. v. 10. & 36.

Nemo optet sibi talem fortunam, qualis est impiorum: sed viuat sua sorte contentus. *Dann sie müssen thewer bezahlen.* Hier. 12. v. 3. Hiob. 21. v. 17. & seqq.

Sufficiat illis gratia Dei, 2. Corinth. 12. v. 9. Dicant pij id Psalm. 73. v. 25. Dummodo te habeam. Et Psalm. eod. v. 28. Mihi adhærere Deo bonum est.

Sciant sibi parata gaudia non momentanea, sed æterna, 2. Cor. 4. v. 17. 1. Pet. 1. v. 8.

Et nemo tollet, Ioan. 16. v. 22.

Nec turbabitur luctu vel dolore, Apoc. 21. v. 4.

II. Impij non blandiantur sibi in sua felicitate, nec gloriantur. Nesciunt enim quid serus vesper vehat, Proverb. 27. v. 1.

—Nec cogitent Deum propterea ipsorum impietate delectari, quod ipsis benefacit. Sicut illi Ierem. 44. vers. 17. Cum libaremus Melech saturati sumus panibus, &c.

Alium enim finem Deus propositum habet, de quo Rom. 2. v. 4. Si hoc contemnitur, mox finis adest.

Ddd 4

III. Qui

III. Qui vult gloriari, gloriatur in Domino, Ier. 9. v. 24. 2. Cor. II. ab initio cap. Psal. 5. vers. 12. & 32. v. 11.

Esa. 41. v. 16. Rom. 5. v. 2.

I. Corint. I. v. ult. Et hæc quidem gloriatio ex vera fide proficiscitur, nec vana erit. Deinde hæc sit gloriatio nostra, testimonium bonæ conscientiæ: exemplo Pauli, 2. Cor. I. v. 12. Act. 23. v. 1. & 24. v. 16.

Insignis est ille locus Hiobis 27. v. 6. Non mordet me conscientia.

Hoc magnæ consolationis loco erit, &c.

F I N I S.

THEMA XI. CLASSIS IX.

Hiob. 27. v. 19. ad finem.

Diues cum dormierit, nihil secum auferet, & cetera que sequuntur ad finem capitis.

DISPOSITIO.

Non sine causa Syrach cap. 41. paulò ante finem exclamat, ô mors quam amara est recordatio tui homini diuiti. Etenim hoc loco Hiobus recenset varia mala & incommoda, quæ moriturum diuitem circumueniunt: illa certè mortem reddunt amaram. Sciendum autem, Iobum non loqui de diuite pio, & Deum timente, (quales erant Abraham, Isaac, Iacob, Iob, Ioseph Arimathienfis) sed de diuite impio & Deum nesciente: quod patet ex versu huius capitis 13.

Quatuor autem enumerat mala, quæ Diuitem & impium moriturum angunt, & mortem acerbiores faciunt. De his ordinè dicendum, & ex singulis aliquid discendum: quia omnia ad doctrinam scripta sunt.

I. Pars.

Vbi thesaurus, ibi cor diuitis impij, Matth. 6. v. 21. Et illi aurum pro fiducia, Hiob. 31. v. 24. Quàm igitur iucunda ipsi fuit oblectatio in auro & diuitiis: tam graue ipsi erit

erit relinquere aurum. At cum dormierit, nihil secum auferet, præter linteamen. Wann es ihme anderst so gut wirdt. Et vbi moriturus oculos aperuerit contemplaturus sua, omnia ipsum relinquent. Er wird sich darnach umbsehen/aber ihme wirdt nichts nachfolgen. Et postea vers. 22. additur: Omnia ex manibus eius fugient.

DOC E M V R, ne tam improbè quæramus diuitias. Quid enim proderunt in die iræ? Nihil teste Salomone, Prouerb. II. v. 4. Eccles. 5. v. 9. Eadem is inculcat Eccles. 5. v. 14. & 15.

Et Paulus I. Tim. 6. v. 7. & seq. Syr. 29. v. 28. Simus igitur contenti sorte nostra. Magnus enim quæstus pietas, I. Timoth. 6. Thesaurum quæramus in cœlis non transiturum, Matth. 6. v. 19. I. Tim. 6. v. 19. Nota est historia de Saladino Rege Ægypti potentissimo. Is testamento iussit interulam (cui inuoluendus erat post mortem) perticæ apensam per castra circumferri, cum hoc præconio: Ex tantis opibus tanta virtute partis Saladino terrori gentium nihil quod se comitetur reliqui esse. Platin. in vita Cœlestini III.

II. Pars.

At maius malum est hoc quod sequitur. Horror apprehendet eum quasi aqua. Sicuti torrens ingenti aquarum mole hominem circumuenit, vt nusquam pateat effugium: ita obruent eum terrores mortis, vt nesciat quo se debeat vertere. Quia enim scit post mortem restare iudicium tremendum: ideoque in magnas angustias incidit. Et quia sceleratè vixit, scit se graui sententia damnandum.

LOCVS. Necessè est vt contra terrores mortis muniamus animos nostros ex scripturis: ne ita sit morituris trepidandum. Nam & pii etiam interdum sentiunt horrores mortis & inferni, vt Dawid Psal. 18. vers. 5. & 116. v. 3. Et Hiskias. Esa. 38. vers. 10. & 17. At illi facilè superant eos, quia consolationes scripturæ in promptu habent, vt

Ddd 5 non

non sit desperandum. Quales sunt illæ, Hof. 13. v. 14. Psal. 49. v. 16. & 71. v. 20. & 116. v. 8. Rom. 8. v. 31. Ioan. 5. v. 24. Et infinita alia.

Deinde quærendus aduocatus ille, 1. Ioan. 2. v. 1. & mediator, 1. Tim. 2. v. 5. qui pro nobis intercedat, Rom. 8. v. 34.

Hoc nesciunt impij: quia Christum sibi fecerunt inimicum. Ideoque sic trepidant.

III. Pars.

Aliud malum, quod impio morituro accidit. Nocte tanquam fur superueniet ei finis vitæ. Et tollet eum ventus vrens. Quia sese ad mortem non præparauit, ideoque inexpectatus finis illum abripiet, ad ima tartara detruget.

Nec parcat illi Dominus propter diuitias: *Er muß fort. Ohn alle Gnad.*

Locvs. Ne subito nobis mors inexpectata obrepat, & imparatos inueniat Dominus, cum illis virginibus fatuis, Matth. 25. tenenda regula illa toties à Christo repetita: Vigilate & orate, Matth. 24. 25. Marc. 13. & 14. Luc. 12. v. 35. 1. Petr. 5.

Ideoque frequens mortis meditatio utilis, vt ambulemus corde sapienti, Psalm. 90. v. 12. Et pro illa orandum: Docce nos Domine, Psalm. 39. v. 6. Veniet enim sicut fur, 2. Petr. 3. Apocal. 16. Ea hora, qua non putatis. Matth. 24. Idem enim de nouissima vitæ hora, quod de nouissimo die statuendum.

IV. Pars.

Tandem & hoc meritò habendum pro magno malo, quod pius videns abripi impium diuitem, plaudet manibus suis, & sibilabit super illum, quem videt excussum de loco suo. Omnes enim boni lætantur super extinctis impiis, atq; Dei iudicia approbant & collaudant. Sicut ipse Angelus Dei quasi cum tripudio nuntiat Iosepho interitum Herodis, Matth. 2. v. 19.

Locvs. Est hoc pars pœnæ & maledictionis diuinæ, si
nemo

nemo sit, qui lugeat defunctum. Pater id ex historia filij Hieroboam, 1. Reg. 14. v. 13.

Et Ioiakimi, Ierem. 22. v. 18. Vide etiam Ierem. 16. v. 4. & 25. v. 33.

Sic itaque viuendum, vt non sint, qui exsibilent nos, etiam defunctos. Et ne memoria nostri sit execrabilis, vt Iudæ, Pilati, Herodis; aut deleatur planè super terram, Esa. 14. v. 20.

Bonos & pios, qui Deo, Ecclesiæ, Reipubl. & proximo fuerunt vtilis, omnes vicissim boni lugebunt, & si maxime multi id non faciant, Esa. 56. [in fine] tamen Angeli ipsi in morte seruiunt, vt Lazaro, Luc. 16.

F I N I S.

T H E M A XII. C L A S S I S IX.

Psal. 49. v. 8.

Fratrem non redimens redimet quisquam.

Non dabit Deo expiationem suam.

Nam pretiosa est redemptio animæ ipsorum, ideò cessabit in æternum.

D I S P O S I T I O.

Reprehendit Psaltes in hoc Psalmo diuites & potentes impios, quod fiduciam collocant in suis opibus. Quanta autem hæc sit vanitas, cōfidere in terrenis diuitiis, ostendit verbis prælectis: Quia illis omnibus nec à morte præseruari, nec ex inferno liberari possint. Et quia mors duplex est, prima & secunda, Apoc. 21. v. 8. siue corporalis & æterna, de vtraque Propheta differit egregiè. Nos quoq; de corporali primum, deinde de æterna morte, occasione horum verborum dicemus, & vbi mentem Psaltis perceperimus, etiam quid singula nos moneant inuestigabimus.

I. Pars.

Dixerat in versibus præcedentibus Psaltes, se nihil curare

rare petulantiam & malitiam potentum atque diuitum, eorum scilicet, qui confidunt in potentia sua, & in multitudine opum suarum gloriantur. Quare autem nec metuat nec curet illos, vno verbo vult explicare: Quia ipsis sit moriendum. Homines sunt mortales, & nihil præterea. At tamen sunt potentes & diuites. Ad quid autem profunt illæ diuitiæ? In die iræ certè non proderunt. Prouerb. 11. vers. 4. Imò, ait, ne frater quidem germanum suum omnibus suis thesauris & diuitiis potest redimere à morte, & præseruare quò minus moriatur. Quinque illi epulonis purpurati fratres non poterant ipsum ex vinculis mortis liberare. Luc. 16.

Loc. I. Mors nemini parcit, ne diuitibus quidem & potentissimis: sed æquo pulsat pede pauperum tabernas, Regumque turres.

Mors seruat legem, tolit cum paupere Regem. Hoc solatio erit miseris & pauperibus, quod ipsi non soli moriuntur, sed & cæteri.

Via omnis carnis. Ios. 23. v. 14. 1. Reg. 2. vers. 2. Omnibus constitutum mori. Hebr. 9.

Ditiores & potentes verò hinc admonitionem petere debent, quod, licet in his terris aliquantisper sint ipsis diuitiæ instar muri, Prou. 18. vers. 11. tamen ex illis contra mortem nihil habeant præsidii. Ideoque sint humiles & quærant diuites fieri in pietate. 1. Tim. 6. vers. 18, ne mors ipsis tam sit amara, Syr. 41.

II. Stultè agunt qui tanta solitudine nummos quærant, cum illa omnia quæ magno sudore acquisierunt sint relinquenda, cum amaritudine, & ipsis nudis egrediendum. Eccles. 5. v. 14. Iob. 1. v. 21.

III. Innuit Psalter, Fratrem nihil intentatum relinquere, vt redimat fratrem, vel à morte vel ex inferno, si modo posset id omnibus suis diuitiis consequi. At hodie tam rara est quoque fratrum gratia, vt multi, qui aliquid hæreditatis à fratribus expectare possunt, non vitam illorum redimere, sed ipsos potius neci tradere cupiant:

piant: imò tanta est quorundam insatiabilis auaritia, vt si vel vno aureo possent fratrem redimere ex inferno, id difficulter sint facturi.

Magna hæc est & Dauidi inaudita ἀσπογία, & inhumanitas, quam vt plurimum spes nummorum & bonorum parit. At hæc in homines Christianos, imò ne quidem in bestias, debebat cadere.

IV. Frustrà ægroti Medicis & quibuscunq; aliis pollicentur magnam vim auri & argenti, vt iuuent illos, ne moriantur: quod nonnulli, quibus mors tam amara est Syr. 41. faciunt. Aber der tod nimpt kein Geld darfür. Es muß seyn.

II. Pars.

Sicut diuitiæ à morte corporali non possunt præseruare: ita nec animam ex inferno possunt liberare. Ideoque ait: Nec dabit Deo lytrum. Nulla enim expiatio pro anima hominis est Deo grata: præter illud Christi λύτρον. Qui illud nescit, etsi Deo munera offerre velit amplissima, nihil efficiet.

Nam præterquam quod Deus munera non accipit, tantum vnus etiam animæ redemptio flagitat pretium, quantum totus mundus in æternum exsoluere nequit. Quia enim infinita maiestas Dei offensa est, non possunt homines par pretium Deo offerre, vt sit propitius illis, præterquam illud λύτρον, quod est mediatoris Dei & hominum. Aber kein gelt mag da nichts thun.

Locvs I. Videmus quam pretiosa sit vna anima coram Deo. Multi verò adeò nullius pretii illas æstimant, vt alius propter scortum fædum, alius propter vinum, alius propter turpem quæstum &c. animam suam Satanæ oppignorare non verèatur, quæ totius mundi diuitiis liberari non potest. O insaniam.

Tu itaque ô Christiane animulam tuam, quam Deus suo sanguine redemit, sic tractes, vt illa assumatur in manus Dei, & perpetuo fruatur gaudio. Sap. 3. v. 1.

Hoc

Hoc non nisi iustis contingit, vt ibidem innuitur: hoc est, fide iustificatis. Rom. 5. vers. 1. His enim Christus est iustitia. I. Cor. 1. vers. 30. Ierem. 23. v. 6. & 33. vers. 17. Iehoua iustitia nostra.

In primis cura vt commendes ipsam Domino in mortis agone. Psal. 31. vers. 6. Christus. Luc. 23. v. 46. Stephanus. Act. 7. vers. 59.

II. Quam vana sit opinio eorum, qui docent, Eleemosynis, & pecuniis legatis monachis & sacrificulis, animas liberari ex purgatorio. At nulla vis bonorum sufficit ad liberandam animam vnā.

Nos latemur in hoc, quod sanguis Christi verum est λύτρον, I. Pet. 1. vers. 19. Credamus ergo in Christum redemptorem. Rom. 3. v. 24. Iustus fide hac viuet. Habac. 2. v. 4.

F I N I S.

T H E M A XIII. C L A S S I S I X.

Psalm. 49. v. 15.

Sicut oues in inferno positi sunt: mors depascet eos.

D I S P O S I T I O.

Petierat epulo purpuratus Luc. 16. mitti Lazarum ad fratres suos, & nuntiari illis, quid de ipso fiat in inferno: vt exemplo ipsius edocti sic agant, ne & illi veniant in locum cruciatus. At pater Abrahamus denegat ipsi hanc petitionem, & posse ipsos ex Prophetis isthæc (vt omnia alia ad salutem necessaria) cognoscere, asserit. Hoc verum esse, vel hic locus præsens, & hæc sententiola Psalmi breuissima ostendit: Quâ erudimur, quid de impiis futurum sit post hanc vitam. Quia igitur multi sunt, qui cum quinque fratribus Diuitis de his parum cogitant, dum in terris viuunt: neque verò sperandum sit aliquem ex mortuis ad nos transiturum, qui de his rebus nos instruat: ideò iuxta doctrinam Abrahami ex Psalte, vt pote Propheta hoc audiamus: ne incauti obruamur à morte & ad eundem locum deueniamus. Videbimus ordi-

ne

hæ singula verba textus: & Singulis suas doctrinas subiiciemus.

I. Initiò notandum de quibus hîc loquatur Psalmus. Quando enim de grauissimis tormentis & pœnis dicitur, ibi tum diuites potentes ista ad se nihil pertinere putant: Sed tantum de vulgo hominum sermonem esse. At hoc loco in specie loquitur de diuitibus & potentibus vers. 6. in dignitate constitutis. vers. 12. & 13. & sapientibus huius mundi. vers. 11. at impiis, qui confidunt in diuitiis vers. 7. & opprimunt bonos. v. 6. & cæteris similibus. De his inquam dicitur, quanta mala patiantur vbi gloria illorum euauit, & amissæ sunt per mortem diuitiæ. De his post.

DOCTRINA. Antequam pergamus hoc loco moriendi sunt Magnates, Diuites, potentes, quos omnes Propheta iubet attentis hæc audire auribus vers. 3. ne sibi (quod multi faciunt) imaginentur, fore ipsos post hanc vitam à tormentis & pœnis infernalibus immunes. Putant enim quod sicut hîc in terris extra omnem teli iactum sint positi, ita Deum etiam ipsis parsurum post hanc vitam.

At potentes potenter patientur tormenta. Sap. 6. vers. 7. Et Regibus etiam paratus infernus. Esa. 30. vers. 33. Et cui multum commissum ab eo multum repetetur. Luc. 12. vers. 48. Nec enim respectus personarum est apud Deum. Deut. 10. 2. Par. 19. Act. 10. Vide egregium locum Esa. 14. v. 11. & 15.

Et expertus epulo de hoc testari potest. Luc. 16.

Ideo que quò magis exaltauit te Dominus, tanto magis stude humilitati. Syr. 3. v. 20. & pietati quæ ad omnia utilis est. 1. Tim. 4. v. 8.

Nemo autem offendatur, si videat impios hîc florere. Das Blat wird sich bald wenden: vt sequitur.

II. De impiis quantumuis potentibus & diuicibus recenset, quid fiat post hanc vitam.

Tria autem enumerat horrenda mala.

I. Mactantur, Sunt instar ouium, quæ pinguescunt & sa-

& faginantur, atque lautiori pabulo pascuntur, ut mox cum crassiores euaserunt maectentur. Wie die faisten starcken Hämmelein.

DOCEAT autem Ieremias cap. 12. vers. 3. vsum huius loci, ut intelligamus quare in his terris Dominus ad tempus patiatur impios esse felices: ut scilicet referuentur maioribus pœnis, quo facti fuerunt pinguiore bonis temporalibus.

Nemo igitur inuideat ipsis felicitatem istam momentaneam, Psal. 37. v. 2. & 36. Psal. 73. v. 18. 19. Nemo cupiat ipsorum esse loco. Mox finis erit.

2. Maectantur in inferno. Non moriuntur tantum morte corporali sicut cæteri homines, sed subito faginati isti abripiuntur in infernum, & damnationem.

Infernus (ut ita dicam) est macellum istud, siue laniarium (vel laniena) in quo isti verueces præpingues maectantur miserè.

DISCANT pii quanto ipsi possint maiori cum gaudio mori, quàm cæteri: cum sciant se venire ad locum quietis, Apoc. 14. v. 13. Esa. 56. refrigerii & solatii. Luc. 16. v. 25. & in quo sentiant gratiam Domini. Sap. 3. v. 9. Verè itaque ipsis mors somnus est & dulcis transitus ad vitam. Ioan. 5. v. 24. Ideoque non est quod trepident aut timeant. Nunc dimittis. Luc. 2. vers. 29. Rectè autem impios dicit, Psal. 74. vers. 19. cum horrore finire vitam: quia rapiuntur mox ad infernum, tanquam verueces ad laniarium. Studendum itaque pietati, ut mors sit lucrum. Phil. 1. v. 21.

3. Quod si tantum trucidarentur in inferno, esset id tolerabile. At mors depascet eos: æterna ipsos mors cruciat: nec tamen possunt emori. Optant mori sed mors fugit ab eis. Apoc. 9. v. 6.

Sicut pecudes depascunt herbas, non autem radicitus euellunt: ita mors illos depascit, *Er naget sie* sed non tollit vel absomit. Idque in æternum patiuntur absque vlla spe redemptionis. Sup. v. 9. huius Psalmi.

DISCE tu, qui Epicureus es & infernum non times,
quid

quid fiat in inferno. Dicunt tales: *Es wird nit so heiß sein in der Hölle. Der Teuffel muß dannoch machen/ daß wir bey jm bleiben können / 2c.*

At cogita de morte depascente: de verme non moriente, igni non extinguendo: Esa. 66.v. 24. de stridore dentium, Matth. 8. & 22. de lacu ardenti. Apoc. 21.v. 8. Audi expertum epulonem. Luc. 16.v. 24. Crucior.

Qui hæc contemnit experietur quid sit infernus, magno cum suo malo. Cogita: *O Ewig Ewig wie bistu so lang. Noli esse irrisor. Es ist ernst. 2c.*

F I N I S.

T H E M A XIV. C L A S S I S IX.

Psal. 49. vers. vltimo.

Homo in dignitate constitutus & non intelligens, similis est bestiis, quæ pereunt.

D I S P O S I T I O.

Ægrè ferunt plerique homines, si quis illos vel cum iumentis, brutisque animantibus, vel cum bestiis conferat. At hoc, nolint velint, audire coguntur à Psalte hoc loco. Nectemerè hoc illi excidisse putandum, quia bis eodem Psalmo repetit, versu 12, & vltimo. Et multos (vitæ atque mortis ratione) brutis animantibus similes palàm asserit, qui etiam sic pereant.

Discendum itaq; 1. de quibus hominibus hoc pronuntiet Psaltes.

Deinde considerandum, qua ratione illi iumentis similes dicantur: vt sic viuere discamus, ne idem etiam in nos torqueri possit.

I. Pars.

Initiò opinabuntur ditiores, nobiliores & potentes, Psaltem sic tantum perstringere ignobiles, pauperes, simpliciores, ex vulgo hominum: *Die armen heillosen*

E e e

Leut

Nec lebent wie das Viehe: quia non curant mundiciem, splendorem, nec lautius vivere possunt. &c.

At si rectè verba Psalmi huius considerauerimus, loquitur de Diuitibus, potentibus, & in dignitate constitutis. Hoc enim, ut initio dictum est, secunda vice repetitur. De his pronuntiat, quod iumentis similes sint.

At sunt etiam inter illos pii & Deum timentes, & charissimi amici Dei, qui hæc dona ipsis contulit ex singulari gratia.

De dignitate, vide verba Domini ad Dauidem, Feci tibi nomen, quale est magnorum in terra. 2. Sam. 7. vers. 9.

De diuitiis & gloria simul Salomoni dicitur, Dedi tibi diuitias & gloriam, ut nemo tibi similis fuerit. 1. Reg. 3. vers. 13.

Ideò Psalter restringit suum sermonem ad eos, qui licet in dignitate sint constituti, tamen non sint intelligentes. Hoc verò non de simplicioribus est accipiendum, qui ciuili prudentia non sunt donati. Etenim quæ stulta sunt coram mundo Deus elegit 1. Corinth. 1. vers. 27. Et supra v. 11. etiam cum his qui in dignitate sunt constituti coniungit sapientes, scilicet huius seculi. Illi autem nihil intelligunt eorum, quæ sunt Dei. 1. Corinth. 2. vers. 14. Et intellectus illorum excæcatus atque obscuratus est, quia ab alienati sunt à vita Dei. Ephes. 4. v. 18.

Nec agnoscunt beneficia Dei, nec sunt grati. De his loquitur Dauid hoc loco.

DISCIMVS, Non omnes eos, qui sunt in magna auctoritate apud homines, & quos mundus admiratur, suspicit, veneratur, ac tantum non adorat, propterea quoque apud Deum in magno esse pretio. Nisi enim humiliter agnoscant, unde hæc illis contigerit gratia: & nisi Deum ex verbo suo cognoscere discant, atque mysteria diuina simpliciter (absque omni supercilio rationis) & ea quoque intelligant quæ ad pacem ipsorum faciunt, Luc. 19. vers. 42. atque piè iuxta præscriptum verbi diuini viuant: certè Deus illos pluris non æstimat quam iumen-

ta. Ideoque etiam scriptura tales sæpius non dignatur hominum voce, sed vocat bestias, leones, Ezech. 19. vers. 3. vaccas, Amos 4. vers. 1. tauros Esa. 34. vers. 7. canes, Psal. 22. v. 17. Esa. 56. Matth. 7. &c.

Itaq; pii non sic illorum felicitatem & gloriam admi-
rentur, vt eandem quoque sibi contingere optent: cum
Deo sint execrabiles, mox perituri.

Ipsi verò impii in sua dignitate non superbiant, quia
mox cum bestiis peribunt, nisi fiant intelligentes.

II. Pars.

Porro etiam dicendum, quare tales cum bestiis confe-
rantur. Id fit multas ob causas. Quamvis autem de in-
teritu ipsorum hinc principaliter sit sermo: tamen etiam
ratione vitæ sunt similes bestiis.

1. Prona enim sicut spectant animantia cætera ter-
ram, ita ipsi tantum circa terrena sunt occupati, τὰ ἐπι-
γεια φρονεῖντες Phil. 3. v. 19. &c. cum tamen Deus hominē
os sublimæ dederit, vt cælum, hoc est cælestia & quæ su-
pra sunt, contueatur. Philip. 3. vers. 14. Coloss. 1. vers. 1.
& 2.

2. Deinde similes sunt bestiis cum moriuntur. Quia
licet sapientes, diuites, gloriosi fuerunt, tamen mox vbi
mortui hinc abscesserint, omnia ipsorum altissima obli-
uione sepelientur. Sicut iumentorum post mortem nul-
la est memoria. Vide Eccles. 2. v. 16. & 9. v. 5.

3. Ideo etiam sicut bestię interire dicuntur. Quia sic-
ut bruta moritura nihil de Deo cogitare possunt: sic nec
illi quicquam faciunt, quod ad salutem ipsorum perti-
net: non commendant Deo animam: non orant pro re-
missione peccatorum, non quærunt Christum aduoca-
tum: sed moriuntur sine lux & sine crux & sine omni Deo,
vt dicitur prouerbio. &c. Interdum etiam subito abripi-
untur mactandi vt oves: iup. vers. 15. & Ier. 12. v. 3.

DISCANT hinc pii sic agere, ne similes sint bestiis,
velin vita velin morte. Nolite fieri sicut equus & mu-

Ius. Psalm. 32.v.9. Et ne sint deteriores asino & boue. Esa. 1.v.3. vel ciconia. Ier.8.v.7.

Idque vel hanc ob causam, quia post mortem talium deterior est conditio, quam bestiarum, quæ nihil sentiunt mali. At qui bestialiter vixerunt & sic mortui sunt, tum etiam æternos cruciatus sentient. *Quantò satius ipsis, si porci fuissent irrationales.*

F I N I S.

THEMA XV. CLASSIS IX.

Psalm. 59. vers. 6.

Ne sis misericors his, qui prauaricantur iniquè.

D I S P O S I T I O.

Quamuis titulus Psalmi ostendat, qua occasione is à Dauid fuerit compositus, nimirum contra Saulem, cum vellet ipsum interficere 1. Sam. 19. tamen latius etiam sese extendunt verba huius Psalmi.

Etenim (vt interpretes plerique omnes statuunt) loquitur Dauid hîc in persona Christi, quia sese in suis ærumnis meditatione acerbissimæ passionis consolatus fuit.

Et quod Dauid de hostibus suis, idem magis Christus de Iudæis infensissimis hostibus, hîc conqueritur, & vltionem Diuinam aduersus ipsos implorat. In illis impletum est, quod vers. 7. & 15. fuit imprecatus, vt scilicet sicut canes famelici discurrant, per omnes nationes. Sunt itaque hæc paucula verba [versus 6.] verba Christi, quæ, quia prima fronte apparent aliena a mente ipsius, accuratius pensitanda sunt.

Sensum itaque horum verborum primùm inuestigabimus, deinde subiiciemus quæstionem atque doctrinam.

Textus Paraphrasis.

Implorat Psalter sub persona Christi diuinam vltionem aduersus hostes suos. Videatur versus etiam 14. Psalmi huius.

Ne

Ne verò existimet aliquis sine discrimine peccatoribus Christum imprecari vindictam & iram Domini, ideoque notandum erit.

1. Quosnam peccatores intelligat gratia Domini indignos: hos scilicet, qui præuaricantur iniquè, id est, qui sunt malitiosi, & obstinati in suis sceleribus audacter pergunt, & absque omni rubore peccant, & quos non pœnitet scelerum. Quales describuntur Esa. 3. v. 9. Non absconderunt peccata &c. Et Ier. 9. vers. 5. iniquè agendo sese fatigant. Et cap. 11. vers. 15. exultant in malitia sua.

2. His scilicet impœnitentibus & malitiosis peccatoribus imprecatur Christus, vt non misereatur ipsoꝝ pater cœlestis.

Quia non ex infirmitate sed ex proposito peccant, & contra conscientiam malitiosè agunt, neque agnoscunt sua peccata, nec dolent de admissis, nec cessant peccare: nec misericordiam Dei implorant, sed manent in peccatis. Ideoque indigni sunt gratia Dei.

Q V Æ S T I O.

Quæritur, An non hæc imprecatio Christi pugnet cum illa precatione eiusdem in cruce, Pater remitte. Luc. 23. vers. 34. Et an non sit hæc imprecatio contraria diuinæ misericordiæ, quæ omnium hominum peccata superat Rom. 5. v. 20.

Respondetur. Sicut Deus non tantum est clementissimus pater erga omnes pœnitentes peccatores, atque illorum mortem non vult qui conuertuntur, Ezech. 18. & 33. sed etiam vicissim seuerissimus est ultor & iudex eorum, qui in peccatis pertinaciter pergunt: Ita Christus quidem orauit pro his, qui ex ignorantia ab aliis decepti peccabant (si enim cognouissent Deum inum gloriæ, non crucifixissent. 1. Corinth. 2. v. 8.) at pro impœnitentibus, qui scientes & volentes erant in peccatis perseueraturi, non rogauit. De his sonat isthæc præsens imprecatio, vt diximus. Hi sunt qui sanguinem Christi concul-

cant. Nec volunt conuerti, sed tergum obuertunt Domino, Ierem. 2.v.27.

Ideoq; traduntur in reprobum sensum, Rom. 1.v.28. & indurantur, Esa. 6 v.10. iusto Dei iudicio, vt pereant.

DOCTRINA.

I. Turpiter seipso decipiunt, qui in misericordiam Dei peccant, & impossibile hoc esse opinantur, vt clementissimus Deus aliquem propter peccata æterno igni adiudicet.

Etenim tam iustus est quàm clemens: & potest irasci peccatoribus non minus quàm potest esse clemens, Syr. 5. vers. 7.

Ira ipsius ignis consumens, Deut. 4.v.24. Inquiunt illi: *Es ist umb einen guten seuffzen zu thun / wann wir sterben wollen / so ist es alles wett / ic.* Respondeo. Non esse seram quidem pœnitentiam, nec in ipso mortis agone quidem, si vera & seria sit. At quia Christus talibus imprecatur, Ne miserearis ipsorum, incertum est, an Deus his, qui malitiosè semper pœnitentiam extraxerunt & procrastinarunt, hanc gratiam sit largiturus, vt possint seriis gemitibus ad ipsum conuerti. *Es möchte auch wohl der gute seuffzen gar außbleiben.* Hinc rectè canit Ecclesia: *Ich fürcht fürwar die Göttlich Gnad / die er allzeit verachtet hat / werd schwerlich ob ihm schweben.* Admonitio hîc securis inculcanda pluribus.

II. De peccato irremissibili, quod est in Spiritum sanctum, ex hoc loco dici posset.

De quo vide Matth. 12. Hebr. 6. & 10. 1.Ioan. 5.

FINIS.

THEMA XVI. CLASSIS IX.

Prouerb. 1. vers. 24. ad 29.

Quia vocau & renuistis, extendi manum meam, & non fuit qui aspiceret. Despexistis omne consilium meum &c.

DIS-

D I S P O S I T I O.

Introducitur hoc loco Salomon Sapientiam loquentem cum hominibus securis & contemptoribus verbi diuini. Siue autem per Sapientiam intelligamus verbum Domini, quod sapientiam præstat paruulis, [Psal. 19. vers. 8.] siue ipsum filium Dei, qui factus est sapientia [1. Corin. 1. v. 30.] nostra, idem erit sensus.

Duo autem hoc loco proponit Sapientia diuina. Primum ostendit, quàm grauitè peccent homines securi & impœnitentes.

Deindè subiungit, quæ ipsis expectandæ pœnæ, si non mox resipiscant.

Videamus vtrumque, & quid nos isthæc moneant, diligenter attendamus.

I. Pars.

De securis & contemptoribus varia queritur Sapientia Domini.

1. Vocauit vos, & renuistis venire.

Vocat autem per verbum Prophetarum, Christi & Apostolorum ad pœnitentiam, quod patet ex Esa. 21. v. 12. Ier. 3. v. 14. Ezechiel. 14. v. 6. Ioël. 2. & 2. Petr. 3. v. 9.

Ipse Christus, Matth. 9. v. 13. Veni vocare ad pœnitentiam. At plerique venire nolunt. Sicut vocari ad cœnam magnam, Luc. 14.

Hæc magna ingratitude, quæ offendit Deum grauissimè.

2. Extendi manum meam, & nemo aspexit. Varia autem denotat extensio manus Domini.

1. Vel sic vocat homines, vt veniant ad se, sicut dicitur Esa. 65. vers. 2. Tota die expandi, &c. Et hoc coincidit cum his, quæ iam sunt dicta.

2. Vel sic compescere vult & silentium indicere, (sicut patet filiis nutu, aut alius extensa manu silentium indicit, vt Paulus Act. 21. v. 40.) vt ipsum exhortantem, docentem, &c. audiant. Oues enim audire vocem pastoris, & ipsum sequi debent, Ioan. 10. v. 27.

At securi nolunt animaduvertere. Obturant aures sicut serpentes, Psalm. 58. v. 5.

Vide Hier. 6. v. 10. & 7. v. 27. & 13. v. 11.

Et tergum obuertunt, Hier. 2. v. 27.

3. Consilium meum despexistis.

Salus ubi multa consilia, Prouerb. 11. v. 14. *Über kein rath ist gut/ man folge dann.* Itaque manifestauit nobis Christus omne consilium patris. Ioan. 1. v. 18. Manifestaui vobis consilia Dei, Actor. 20. v. 27. Nos mentem Domini tenemus, 1. Cor. 2. in fine.

At spernunt homines pleriq; consilium Domini, dum spernunt verbum ipsius, & ingrediuntur iuxta vias suas. Vide de Phariseis Luc. 7. v. 30. Hoc vehementer afficit Dominum.

4. Correptionem meam nolulistis.

Etiā pœnis & paternis castigationibus volui vos emendare. At nec hoc visitationis tempus agnouistis, Lucæ 19. v. 44.

Non conuertuntur ad percutientem, Esa. 9. v. 13. Hier. 2. v. 30. Frustrâ percussî.

Solet enim Deus beneficiis & pœnis homines ad pœnitentiam inuitare. Et dolet, si ne quidem pœnis potest ipsos attrahere.

Vsvs huius loci is erit inter alia, vt discamus probare nosmetipsos, an nō in numero eiusmodi contemptorum reperiamur. Nemo autem sibi blandiatur, sed sua studia & mores diligenter exigat, & expendat, quā paternè hactenus à Domino fuerit monitus: ubi deprehendet facile, an non istas admonitiones securè contempserit. Sicut illi, qui pactum cum inferno se fecisse gloriantur, Esa. 28. v. 15. Ista securitas plures perdidit. 1. Thessal. 5. v. 3. Ergo fatere culpam: resipisce, & hodiè si audieris vocem Domini, obtempera. Psalm. 95. Noli procrastinare pœnitentiam. Quia sequitur iam pœna.

II. Pars.

Iam denuntiat pœnam securis & contemptoribus.

1. In-

1. Interitus, & perditio, quam timetis, veniet super vos.

2. Et inopinatus quidem super vos veniet interitus, ut non possitis effugere. Veniet enim sicut turbo. Et sicut tempestas. *Da ist kein aufreißen.*

3. Et ne possent sperare meliora, & dicere: At tu Domine tum iuuabis nos, pro tua clementia insigni, ideò iam præcidit ipsis omnem spem: imò ait, ego tum ridebo & subsannabo vos.

Par pari referam. Vos me irrisistis & subsannastis doctem, monentem, castigantem, &c. nec quicquam vos mouit. Ita & me nihil commouebit vestra angustia: *Es soll mir nicht zu Herzen gehn.*

4. Attamen clamabimus ad te Deum nostrum, & non poteris denegare opem tuam? Respondet, Ego non audiam inuocantes. Frustrà tum clamabitis. *Es wirdt zu spat sehn.*

DOCET, Maximas imminere calamitates securis, & inprimis metuenda hæc duo. 1. Subitò peribunt illi, cum nihil tale expectant. Balchasar, Dan. 5. Diues, Luc. 12. hac nocte auferetur anima.

2. Perituri sunt sine omni auxilio. Ostendunt id similitudines de tempestate coorta subitò, quam nemo potest impedire vel auertere. Sic turbo, ventus repentinus obuia quæque vastat, &c. Et grauissimum est, quod à Deo nihil possunt expectare auxilij nec clementiæ. O grauem sarcasum, si Deus riserit in interitu nostro. Graue est, si id faciant homines. At quid tum erit? Extremum refugium est, conuerti ad preces. At si Deus non audire velit? O miseriam. Vide querelam Saul. 1. Sam. 28. v. 15. Hæc certè sunt seriis gemitibus deploranda, & occurrendum Deo in tempore, Amos 4. v. 12.

Quæritur autem, an non hoc naturæ Dei aduersetur, & scripturis aliis, si non audiat clamantes ad se? Resp. De pœnitentibus hîc non esse sermonem, sed de impœnitentibus, qui coacti malis clamant, non ex fide, &c. Ea-

dem est sententia. Esa I. vers. 15. Mich. 3. vers. 4. Prou. 21. v. 13. Ier. 7. v. 16. Ezech. 8. v. 18.

F I N I S.

THEMA XVII. CLASSIS IX.

Prouerb. II. vers. 4.

Diuitia non proderunt in die iræ: at iustitia liberabit à morte.

DISPOSITIO.

Diuitias possessoribus instar muri validi esse Salomon author est, Prou. 18. v. 11.

Sic quidem in his terris, & ad tempus possunt suos defendere, & apud homines. At vicissim hoc loco docet, diuitias aliquando planè nihil posse iuuare possessorem, scilicet cum mortis vel iudicij hora aduenerit: ideoque aliud esse quærendum, quod à morte & in morte possit liberare. Hoc enim vult insignis hæc, quam legi audiuitis, sententiola Salomonis. Quæ quia bimebris est, de duabus his (quas iam attigimus) admodum necessariis rebus monere poterit.

Vtrumque membrum itaq; sigillatim tractabimus: & singula vtriusque verba, quia valdè sunt emphatica, enucleabimus.

I. Pars.

1. De diuitiis pronunciat Salomon, quod non profint, aut non iuuent.

At cap. 10. v. 2. idipsum pronunciat de diuitiis iniuste partis. Et de his quidem extat prouerbum, De malè quæsitis non gaudet tertius hæres. Sed longius progreditur, atque hoc loco indefinitè & generaliter pronunciat, quod nihil iuuare possint: etiamsi maximè sint iuste partæ.

Quomodo verò non profint? An non instar muri sunt, vt initio dictum? An non indè vitam & domesticos susten-

sustentare liberaliter possumus? Quin imò, & genus & formam regina pecunia donat. Et certum est, ad omnes vitæ partes multum posse facere diuitias. Apud homines isthæc valent. Apud Deum non item.

2. At seipsum explicat Sapiens, dicens, Nihil prodesse diuitias in die iræ.

1. Dies iræ est, tempus ultionis & vindictæ diuinæ, cum Deus ad supplicium rapit impios.

De hac die vide Sophon. i. v. 18. & præcedentibus.

2. Dies iræ etiam est dies mortis: vbi irati Dei faciem vident impij morituri. De hac die iræ vide Syrach. 18. vers. 24.

3. Dies iræ tandem etiam vocatur. Rom. 2. v. 5. dies extremi iudicij: qua pronuntiabitur sententia irati iudicis. De hac videtur hic potissimum loqui: sicut ex altero membro patet, vbi de morte æterna loquitur. Quacunque igitur die Dominus visitauerit diuites, nihil iuuare poterunt diuitiæ: neque ultionem impedire, nec mortem retardare, nec æternam damnationem ab iis auertere.

Locvs. Videmus quantum à via veritatis aberrant, qui tantum hanc ob causam sibi optant diuitias, quod purant (sicut & multi ex his, qui possident diuitias, sibi persuadent) neque Dei neq; hominum præsidio opus esse diuitibus, atque tales extra omnem (quod dicitur) teli iactum positos. Siue enim fames, siue bellum, siue pestis. &c. semper illos posse effugere malum, & aliorum ad loca tuta migrare.

Ideoq; pecuniam & aurum pro solatio habent. Iob. 31. vers. 24. At Deus pecunia non flectitur ad commiserationem. Nec mors pecunia, quantumuis ingenti, corrumpi se patitur: sed mors Dominum seruo, sceptrum ligonibus æquat. Et quid tentatum consolabitur pecunia? Syr. 5. v. 10. imò terreat & accusabit potius, quia fuit scandalum iniquitatis. Ezech. 7. v. 19. Neque etiam ex inferno quisquam pecunia & diuitiis redimitur, vt clare patet Psalm. 49. v. 9. Exemplum Epulonis, Luc. 16. id testatur.

Stulti

Stulti igitur sunt (sicut dicitur Diuiti, Luc. 12. vers. 20.)
 1. non tantum ij, qui benedicunt animæ suæ propter diuitias, hoc est, qui in illis lætantur: sed 2. magis qui confidunt in illis. 3. & hi etiam, qui illas vnicè exoptant, & tanquam prædæ inhiant illis. Quia nihil proderunt, Imò nocebūt inhiantibus, vt patet 1. Tim. 6. v. 9. Vide insignem locum Ezech. 7. v. 19. Taceo, quod mortem faciunt acerbiorē, Syr. 41. & relinquuntur cum dolore, Eccles. 5. v. 15. Aliud igitur potius quærendum. De quo sequitur.

II. Pars.

1. Iustitia liberat à morte. Hoc mirum videri posset, quia etiam iusti (qui sic in scripturis nominantur, vt No-ha, Gen. 6. v. 9. Loth, 2. Petr. 2. v. 8. & pii, Esa. 56. in fine) mortui sunt. Itaque de morte corporali, quæ via est vniuersæ carnis, 1. Reg. 2. v. 2. (tàm iustorum quàm iniustorum) hæc non debent intelligi: sed de morte æterna.

2. Per iustitiam autem non potest intelligi propria sanctitas, iustitia hominum, quod, quia sint cæteris iustiores, non possint damnari iustè.

Etenim omnes iustitiæ nostræ sunt sicut vestis immunda, Esa. 64.

Itaque hæc intelligenda de iustitia fidei. Cum enim Christus factus sit nobis iustitia, 1. Corin. 1. v. 30. credentibus illa imputatur per fidem, Rom. 3. v. 12. Hinc iustificati fide pacem habemus cum Deo, Rom. 5. Hoc nihil est aliud, quàm quod Christus ait Ioan. 5. v. 24. Qui credit ei, qui misit me, habet vitam æternam, & in condemnationem non veniet, sed transibit à morte in vitam.

Locvs. O ars artium, & scientia scientiarum, quæ nos tutos præstat à morte. *Ein Kunst die für den Todt gut ist.* Et quidem tantò nobilius hoc est remedium, quantò crudelior est mors æterna, quàm corporalis.

Quod si omnes quærent (si modò possent) præseruatiam à morte corporali, quantò magis quærendum id, quod præseruat à morte æterna.

Hûc

Hûc hûc itaque aduerre animum, qui vis esse immortalis. Da operam vt sis iustus. Sic non morieris. At quomodo potero esse talis? Crede in eum, qui iustificat impium. Rom. 4. v. 5. Apprehende eum, qui est iustitia nostra. Hier. 33. v. 17. Iehoua iustitia. 1. Cor. 1. v. 30. Et ex fide quoque sectare iustitiam. 1. Tim. 6. v. 11. De his alibi plura. Sic iustus eris & immortalis, propter Christum.

F I N I S.

T H E M A XVIII. C L A S S I S IX.

Prouerb. 14. vers. 11.

Domus impiorum delebitur. Tentorium autem rectorum florebit.

D I S P O S I T I O.

Nihil ferè est in communi vita, quod magis offendar pios & cordatos, quàm si videant florere impios instar lauri, vt habet Psalmus 37. & contra pios subindè attenuari & minui. Hinc Propheta etiam Deo suo litem mouere cupit, Hierem. 12. vers. 1. Et Psaltes propè commotus est, Psalm. 73. vers. 2. Atque hodiè etiam hic nodus multos torquet. At Salomon hoc loco egregiè paucissimis verbis docet, quod magna sit quidem disparitas siue inæqualitas inter rectos & impios, in his terris: maior autem sit futura postquam illi vtrinque hac vita functi fuerint.

Nos 1. collationem instituemus inter fortunam vtriusque, recti scilicet & impij, in hac vita.

2. Fortunam vtriusq; post mortem considerabimus.

I. Pars.

Quantum sit discrimen inter fortunam piorum & impiorum in hac vita, quoad externam faciem & coram mundo, Salomon elegantissimè tantum duobus verbis depingit: quando scilicet impiis tribuit domum, & piis siue rectis tentorium aut tabernaculum.

Quan-

Quantum enim domus affabrè extructa præstat tabernaculo & tuguriolo vilissimo, quod à vento facilè dissipatur: tantum excedit illa felicitas externa impiorum fortunam piorum tenuem.

Nec ab hac sententia Salomonis discrepat id Psalmi 73. v. 4. quod dicuntur consistere immunes à periculis, instar palatij firmissimi. Et Psal. 144. v. 12. Filij eorum & filiaæ tanquam palatia exornata, &c.

Sunt enim multi impij diuites, quibus pecunia murus validus, Prouer. 18.

Et sicut domus firma atque stabilis nulla vi ventorum potest euerti, ita videntur illi nullo infortunio posse deici à statu dignitatis.

Gloriantur de generis nobilitate, amicorum erga ipsos fide, opum atq; bonorum cumulo.

Et cæteri omnes beatum dixerunt, cui sunt hæc, Psal. 144. v. vltimo.

At pij plerumq; sunt tenuioris fortunæ, & multis circumuenti malis. Vide Hieremię querelam cap. 12. Et Psal. tis illius, Psal. 73. v. 14.

Mundus illos premit, & quandoque etiam opprimit. Sicque tanquam in tabernaculis & tentoriis viuunt, quæ nusquam ab iniuria tempestatum tuta sunt, &c.

Vs vs huius loci hic erit, vt pij de sui tabernaculi vilitate & miseria sæpè cogitantes, cupiant dissolui, Phil. 1. v. 23. & superindui tabernaculo non fabricato manibus, sed æterno, 2. Cor. 5. v. 1. & 2.

Sicque moneantur, quod non habeant hîc ciuitatem manentem, Hebræ. 13. vers. 14. Sic & Petrus ipse corpus suum vocat tabernaculum mox destruendum, 2. Petr. 1. vers. 14.

Nec moueantur felicitate impiorum, Psalm. 37. vers. 19 sed cogitent, si maximè ipsi variis aduersæ fortunæ tempestatibus obruantur, hanc esse tentoriæ eius fortunam, quod domum luteam vocat, Hiob. cap. 4. v. 19.

Et minori cum dolore relinquere possunt sua tuguriola,

la, quàm diuites impij sua palatia. Mors itaque non amara ipsis esse debet, Syr. 41.

Ideoq; *πολίτουμε* in cœlis illos solari debet, Phil. 3. vbi paratæ mansiones augustissimæ, Ioan. 14. vers. 2. in quibus nec dolor, nec gemitus, Apocal. 21. v. 4. cum vicissim impij ablegandi sint ad lacum ardentem, igne & sulphure, Apocal. 21. v. 8.

II. Pars.

Magna verò rerum inuersio futura est, postquam diem suum obierunt & recti & impij.

Tum enim domus impiorum, quæ videbatur nūquam euertenda, subitò concidet, & funditus delebitur.

Per domum in scriptura sæpius intelligitur posteritas seu familia. Vt domus Dauid crescebat, & domus Saul decrescebat, 2. Sam. 3. v. 1. Sic Deut. 25. v. 9. dicitur frater defuncto fratri, per liberorum ex vidua ipsius præcreationem, ædificare domum.

Hoc itaque vult, impiorum posteritati Deum non benedicturum, vt sic ipsius memoria cum ipsis deleatur. Sic Esa. 14. v. 20. Non vocabitur semen pessimorum. Nemo honestam ipsorum faciet mentionem, & vel carebunt posteris, vel tamen illi erunt pauperes, Eccles. 5. v. 13. atque ignobiles, & nemo posteris benefaciet, sed omnes execrabitur ipsos, & sic delebitur omnis domus eius. Ita Psal. 37. semen impiorum peribit.

Contrà, vbi tabernaculum piorum videbitur planè esse destructū, ibi tum florere incipiet. Etenim generationi rectæ benedicetur, Prou. 10. v. 7. atq; in perpetua memoria erit iustus, Psalm. 112. Nec vnquam delebitur semen & memoria ipsius: benefaciet ipsius posteritati Dominus in mille generationes, Exod. 20. v. 6. Mortuo excitabitur semen, Esa. 61. v. 9. Et liberabitur, Prou. 11. v. 21. Nec deerunt benefactores excitati à Deo, qui celebrent benefacta piorum. Sicque immortales erunt. Et hoc verè est florere. Vide Syr. 44. v. 10. & seqq.

Sed

Sed & in altera vita, vbi impij æternis ignibus vstulati marcescent, floreant pij in perpetuo gaudio. Iustus floreat. Psal. 92. v. 13. & 14.

Vsvs huius loci is est, vt quicunque benè cupiunt familiæ & posteritati suæ, & qui florere ipsos post mortem suam volunt, studeant pietati.

Plerique hodiè in eo errant, quod sic optimè posteris consultum putant, si multas ipsis relinquant opes. At illæ cum posteris transituræ sunt, nec quicquam iuuabunt, imò retardabunt ipsorum pietatem non raro. Ideoque tum demum optimè consulere poteris posteritati, si relinquas post te benedictionem Domini, nomen laudabile, & memoriam nulla obliuione delendam. Id iustus contingere asserit Psalmus 112. v. 2. & 3. Et Salomon Prou. 10. vers. 7.

Ideoque opera danda vt simus iusti, & iustificati per fidem sectemur omnem pietatem, iustitiam, &c. De quo monet Paulus 1. Tim. 6. vers. 11. & 2. Tim. 2. vers. 22. Sic floreant posteri. Ideoque fama pretiosior auro dicitur. Prouerb. 22. v. 1. Syr. 42. v. 15. Eccles. 7. v. 2.

F I N I S.

T H E M A XIX. C L A S S I S IX.

Prouerb. 19. vers. 26.

In funere filij impij & inobedientis Decoctori standum.

Qui affligit patrem & fugat matrem, ignominiosus est & infelix, siue maledictus.

D I S P O S I T I O.

Inter Decalogi præcepta secundæ tabulæ non tantum primum obtinet locum illud, quod patrem & matrem iubet honorare, sed & id ipsum, Paulo teste, primum præceptum est in promissione. Ephes. 6. Quo significare voluit Dominus, quàm strictè illud velit obseruari. Reperiuntur tamen plurimi, qui istud securè contemnunt: & quod

& quod deterius est, sibi interim blandiuntur, si maximè parentes non honore, sed mœrore affecerint. Talem casum nobis (hâud dubiè experientia dolenda edoctus) proponit Salomon. Eius singula primum verba excutiemus, deinde doctrinas subiiciemus.

Textus Paraphrasis.

1. Qui vastat patrem, inquit, ignominiosus est filius.

Vastare patrem dicuntur filij, qui res patris clàm auferunt, & domum illius plenam atque refertam paulatim euacuant, & vastitatem in ædibus paternis efficiunt. *Ristenfeger/ die außtragen / Wein/ Brodt/ vnd was sie finden.*

Hoc fit ab illis, qui sua prodigalitate & vita scelerata omnia solent decoquere: Vel sic meretrices alunt [Prou. 29. vers. 3.]. Vel prauis sodalitiis seducti omnia dilapidant. Filius perditus. Luc. 15.

Vel si passim æs alienum contrahant, parentes argento emungunt, ne in carcerem detrudantur aut malè pereant, propter debita. *Die können einem Vatter das Haus vnd den Sack bald leeren.*

2. Aliud scelus etiam recenset. Qui matrem fugat, ignominiosus est filius. Sunt qui matri viduæ nihil se honoris debere opinantur: ideoque post patris obitum, ipsis minimè luctuosum, mox inuolant in bona paterna, & licenter omnia dilapidant, vt vel mater domum & agros & omnia vendere, vel bonis cedere atq; locum mutare cogatur, tantum vt ab iniuria filij tuta sit. Exemplum non sunt nulla.

3. Quid autem tali filio expectandum? Ignominia & maledictio, non tantum corporalis & terrena, sed & æterna: sicut Cain & Cham maledicti fuere à Deo & hominibus. *Das wirdt ein solcher Galgenvogel daran gewinnen.*

Et sæpè Deus pœna talionis illos punit in hac vita, vt idem à suis experiantur liberis. Quosdam autem maioribus & æternis pœnis reservat.

L O C I.

I. Monendi ergò sunt hoc loco omnes hi, qui sub disciplina parentum sunt, vel etiam qui iam sunt (vt ipsi quidem putant) sui iuris, & tamen parentes adhuc habet in viuis, ne existiment, omninò licere ipsis, sic exuere parentes, & bonis atq; facultatibus orbare, vt ipsis cum familia benè, parentibus verò malè sit: vel vt cum Paulo loquamur, vt ipsis sit relaxatio, parentibus angustia.

Hoc enim nostro tempore communissimum est, quod filij adultiores, qui & ipsi familias suas alere coguntur, vnum hoc optant, vt vel parentes mox decedant è viuis, vel tamen cedant bonis, vt ipsi suos liberalius possint sustentare.

Quod si nolint hoc facere parentes, ipsi omnia tentant, vt vastent domos parentum, vel furtim surripiendo quæcunque possunt, vel ære alieno grauando bonos parentes. Et aliis multis modis,

Hi sunt vastatores illi paternarum ædium, de quib. Salomon hoc loco. Alij idem aliis modis agunt. Alij cum matribus viduis sic agunt, vt suprà diximus in Paraphrasi. Et hi tamen omnes nolunt videri tam grauiter peccasse.

Inquiunt: *Es ist doch mein/ was mein Vatter vnd Mutter hat. Es gehört doch mir zu.* At talibus hæredipetis denunciat Salomon maledictionem. Prou. 20. v. 21.

Sed & quibuscunque aliis, qui affligunt parentes, grauis comminatio proponitur. Prou. 30. v. 17.

Quin potius hoc agant pij liberi, vt parentes, præsertim pauperes, aut senio confectos, aut altero coniuge orbatos, consilio & auxilio iuuent, & sic exhilarent [Prou. 23. v. 24. & 25. Et Prou. 10. v. 1. & 15. v. 20.] vt ipsi aliquando idem à suis sperare possint. Vide præcepta Tobia. Tob. 4. Syr. 3. Et Prou. 23. v. 22. Eph. 6. v. 2. Col. 3. v. 20. Exemplum ciconiarum his proponendum, &c.

II. Sed & parentes non nimium indulgeant filiis, præsertim si videant esse decoctores. In tempore his rebus occurrant. Non cedant bonis ante tempus, sicut pa-

ter filij perdit. Luc. 15. præsertim si vident liberos propendere ad prodigalitatem. Serò medicina paratur postea. Multi nolunt illos contristare, sicut de Dauide legitur. 1. Reg. 1. vers. 6. Postmodum verò illi contristant parentes. *Wäre aber besser Kinder weineten als die alten.* Itaque tenendæ regulæ Prou. 13. v. 24. & 23. v. 13. & 29. v. 17. Syr. 30.

III. Magistratus videns filios sic affligere parentes, coherceat inobedientes, vigore legum sacrarum, Exod. 21 v. 15. & 17. Leuit. 20. v. 9. Deut. 21. v. 18. 19.

F I N I S.

T H E M A XX. C L A S S I S IX.

Esaïæ 14.

Non vocabitur in æternum semen pessimorum.

D I S P O S I T I O.

In hoc capite Esaïæ vaticinatur Propheta contra Regem Babylonium, ei que minatur pœnas grauissimas, propter tyrannidem, quam exercuerit, & in suos & in alios.

Et inter ceteras pœnas, quod scilicet sit præcipitandus ad inferos, & priuandus honore sepulturæ, etiam hanc ponit, quod memoria ipsius æterna obliuione delenda sit. Quia verò hæc non ad Regem illum Babylonium tantum, sed & ad omnes impios & impœnitenes pertinent, Idcirco hæc paucula verba tractanda suscipiemus, hoc pacto, vt occasione huius loci dicamus.

1. Quam magna pars felicitatis sit honesta defunctorum memoria, & vicissim quanta maledictio sit, si nulla vel non honesta fiat defuncti memoria.

2. Quid faciendum vt maneat honesta nominis nostri memoria: quidve fugiendum, ne deleatur memoria nostri super terram.

I. Pars.

Multi sunt qui planè nihil curant, siue aliqua post mortem memoria nominis extet vel non: & parùm etiam referre putant, siue honesta siue inhonesta ipsorum

fiat mentio post mortem, dummodò illi non audiant malè cum viuunt.

Hi Stoici & Epicuræi non rectè sentiunt.

Etenim ipse Dominus singularis beneficij loco hoc promittit bonis, quod honestam ipsorum etiam post mortem memoriam sit conseruaturus. Psal. 112. v. 6. Prou. 10. v. 7. Dauidi promittitur nomen quale est magnorum in terra. 2. Sam. 7. Et is magnas agit gratias Deo suo propterea.

Christus mulierem commendat propter opus bonum, & promittit illi memoriam sempiternam. Matth. 26. v. 13. Marc. 14. v. 9.

Ideoque Salomon auro pretiosiores famam vocat. Prou. 22. vers. 1. idem Syrach. 42. vers. 15. sentit. Item Eccles. 7. v. 2. melior vnguento. Ethnici quoque intellexerunt quantum bonum sit, honesta fama nominis. Ideoque sic immortales fieri voluerunt. Neque vnquam Thebanus ille Hercules tot fuisset labores & pericula subiturus, si nulla æternitatis cura animum tetigisset. Hinc Curtij, Reguli & aliorum fortia facta manarunt.

Contrà verò inter maledictionis diuinæ species hæc non minima censenda est, si deleatur memoria hominū. Id patet ex verbis Esaïæ prælectis: vbi minatur Deus Regi Babylonio, quod memoria ipsius atque seminis eius perpetua obliuione delenda sit. Sic etiam minatur Dominus aliis impiis. Deut. 32. Delebo memoriam nominis ipsorum. Similia multa vide passim. In specie de Amalechitis. Exod. 20. De Ammonitis etiam. Exech. 25. v. 10.

Et ingenere de omnibus impiis.

Deut. 29. v. 20. & 9. v. 14. Iob. 13. v. 12. & 18. v. 17. & 24. v. 20. Prou. 10. v. 7.

Id ipsum imprecatur malis Psaltes.

Psal. 9. v. 6. & 109. v. 13. & 15.

Item Sap. 4. v. 19. Syr. 10. v. 20.

Quod si verò impiorum etiam mentio fiat post mortem, id ipsum maledictio erit.

Quia

Quia non in laudem hoc cedit ipforum, sed ad ignominiam. Et hoc imprecatur malis Psal. 109. vers. 14: vt non deleatur memoria peccatorum. Sic memoria Sodomorum Sapient. 10. v. 7. conseruatur, ad perpetuam illorum infamiam. Est hæc maledicta memoria Syr. 23. v. 36.

Satius esset ipforum nunquam fieri mentionem, quàm si ita sint celebres, vt est Pilatus, Iudas, &c.

Vs vs huius loci inter alia hic erit, vt intelligamus peccare eos, qui defunctis bonis, de Ecclesia vel Republica benè meritis, conuitium faciunt, vel tamen honestam ipforum non faciunt mentionem: & malos vicissim, Deo & hominibus exosos, commendant. Quod multis hodie solenne est, &c. David Ionathanum mortuum immortalitati consecrat. 2. Sam. 1.

I I. Pars.

Ex prædictis facilè patebit, quid faciendum vt conseruetur memoria nostra cum laudibus, sicut habetur Prou. 10. v. 7. in versione Latina. Etenim quia iusti memoria æterna erit, & iusti memoria in benedictione conseruabitur, iustè & piè agamus, vt nomen etiàm nostrum viuat post funera. De quo Syr. 42. vers. 16. Sicut etiàm ipsi, de quibus suprà diximus, Ethnici intellexerunt, quod viuat post funera virtus. Ideò virtute illi sua laudem immortalitatis consequi voluerunt apud posteros.

Nos id vera fide & pietate, atque virtutibus ex fide perfectis consequi studeamus, vt apud Deum & homines simus post mortem celebres, vt sunt Noe, Daniel, Hiob, &c. Vide Ezech. 14. vers. 14. Studeamus benè mereri de Ecclesia, Republica & priuatis omnibus. Et si plus non possumus præstare, tamen precibus iram Domini auertamus. Ezech. 13. & 22. Vide Sap. 8. vers. 13. per sapientiam habebò immortalitatem & memoriam æternam.

Huius sapientiæ initium est timor Domini, Prouerb. 1. Syr. 1. Timor Domini gloria est & corona. Syr. 1. v. 11. Vide quomodo & Magistratus boni Syr. 44. v. 9. & Ministri Ec-

clesiarum Syr. 39. ante finem, iuxta vers. Germ. honestam acquirant nominis famam.

Contrà verò quia ex Ps. 34. v. 7. & Sap. 4. v. 19. atq; cæteris locis suprâ parte I. citatis patet, quod deleatur memoria nominis impiorum, eorum scilicet, qui sibi blandiuntur in peccatis suis Deut. 29. vers. 19. qui adulteriis & immisericordia erga pauperes Deum offendunt Job. 24. vers. 20. qui sunt calumniatores, & malum pro bono rependunt, Psal. 109. vers. 2. & 15. qui superbia peccant. Syr. 10. v. 20. &c. facile hinc omnes vident, quid fugiendum, ne vel nulla vel non honesta defunctorum post mortem fiat mentio, &c. Possunt hæc explicari singula latius.

FINIS.

THEMA XXI. CLASSIS IX.

Esa. 28. v. 14. & 15.

Audite illusores, qui dicitis, percussimus fœdus cum morte & cum inferno pactum &c.

DISPOSITIO.

Grauiissimè his verbis reprehendit Dominus illusores securos, qui comminationes Prophetarum paruipendebant. Nec quidem cum vulgo hominum hic loquitur, sed cum his qui sedebant ad gubernacula Reipublicæ: Audite vos, qui dominamini super populum meum, ait.

Egregiè autem depingit cogitationes hominum securorum. Licet enim illi præsertim potentiores & auctoritate graues, talia non apertè proloquantur, Dominus tamen, qui est *καρδιογνώστης πέντων*, has ipsorum cogitationes intelligit, & hoc loco in lucem producit: Cum itaque idem planè sit ingenium illusorum & securorum omni tempore, libet has illorum cogitationes excutere, vt scilicet discant alij, Deo has esse cognitæ, & rectius sentiant. Atq; cum tria sint ipsis metuenda mala, quæ tamen illi superare facile posse videntur, de singulis ordinè dicemus.

I. Pars.

I. Pars.

Nos ordinem Prophetæ inuertemus, & quod is vltimo loco ponit, primo loco tractabimus, Quia istud cætera antecedit semper.

Primum itaque malum securis metuendum, sunt communes calamitates, quæ tanquam eluiones immittuntur orbi. *Gemeine Landstraffen*. Vbi omnes simul inuoluuntur. *Damuch; Ruh vnd Ralß miteinander gehn*.

At nec his se tangi posse putant securi. Ideoque in corde suo dicunt: Flagellum inundans cum transierit, non veniet super nos.

M O N E T hic locus, quàm accuratè Deus obseruet cogitationes hominum, qui cõtemnunt omnes illius comminationes, tanquam si sint fulgura ex pelui.

Et sanè etiam inter nos non pauci reperiuntur, qui iisdem cogitationibus indulgent.

Neque ex vulgo hominum tantum, sed & ex optimatibus, vt & hoc loco. Putant enim illi, Nullam calamitatem tam magnam, quin illi possint tum inuenire effugium, quia contra omnem fortunam satis sint muniti.

Si sit fames, habere se sat bonorum vnde possint vitam sustentare.

Si bellum, pecunia etiam ab hoste vitam posse redimi.

Si pestis grassetur, sumptus suppetere, vt possint in alia loca tuta migrare. At sciendum, quod qui has cogitationes aspicit, possit omnes tales conatus interuercere, & tales rapere ad supplicium, etiam si in cælo nidum ponant inter stellas, Obad. vers. 4. aut in abyssu maris sese abscondant. Amos 9. v. 3. Quis enim effugiat manum Domini? Psal. 139. Alia itaque ratione procedendum, si velis esse tutus. Age pœnitentiam: humiliare coram Deo. Sic sta oppositus contra Deum Ezech. 13. vers. 5. & 22. v. 30. & præparare in occursum Deo. Amos 4. vers. 12.

II. Pars.

Alterum malum metuendum securis, est mors. Illa

¶ ff 4

qui-

quidem malum impiis horribilissimum. Sed & hanc secure contemnunt præuaricatores. Putant longè abesse terminum vitæ, cum sint adhuc vegeto & valido corpore. Ideoq; non aliter agunt, ac si pactum fecissent cum morte. *Als wann sie Brieff vnd Sigel hätten / daß sie noch nicht sterben würden.* Fœdus cum morte fecimus.

L o c v s. Etiam nostratibus hæc admonitio necessaria admodum. Obsecro autem te, vt animaduertas, quomodo Deus tam accuratè audiat, & obseruet voces illas, cum securi monentur de morte, & vt sese præparent ad nouissimam horam, quæ superuentura sit, cum illi non putabunt, Luc. 12. v. 40. ibi respondent per iocum: Multum adhuc absum à mortis termino. *Ich hab ein harten Kopff: Der Wein schmeckt mir noch wohl: Ich stirb noch nicht: Es wird hiezwischen noch viel Wasser den Berg hinunder lauffen/biß es darzu kompt.* Et infinita alia audiuntur ab illusoribus.

Hoc certè non aliter accipit Deus, ac si dicerent, Nos pactum fecimus cum morte. At irritum id facit Deus. Ideoque sæpè de improviso abripiuntur illi, & superuenit mors tanquam laqueus, Luc. 21. v. 35. Cauendæ itaq; illusiones istæ, quas Deus audit. Et vigilandum potius, atque orandum omni tempore, Matth. 24. & 25. Marc. 13. & 14. 1. Petr. 5.

III. Pars.

Tolerabile esset, si mors finem faceret omnium malorum, quæ sunt timenda impiis: at restat ipsis adhuc tertium malum, & quidem maximum, scilicet infernus, æternum gehennæ incendium. At ne infernum quidem securi timent, licet audiant de horrendis cruciatibus. Cum inferno fecimus pactum, dicentes.

L o c v s. An non audis, ô Christiane, talia dicentes, apud nos? At Deus prohibeat, inquis, quis tam sit impius? Quid verò aliud dicunt illusores isti, qui audientes de inferni horrendis cruciatibus ex Evangelio Luc. 16. de Epulone & aliis locis, risum vix continentes dicunt, *Wann*
die

die Schächter nit vom Wolff / vnd Pfaffen nicht von der Höll sagen könten / so wisten sie nichts. Die Höll ist nicht so heiß: Der Teuffel nicht so schwarz. Er muß dennoch machen/das man bey jhme bleiben kan. Et multa alia. Quid hoc aliud est, quam si dicant, Pactum fecimus cum inferno? Wir wöllen mit dem Teuffel wol tadingen. Et sanè optimates, illustres, aut nobiliores nonnulli indignū sua persona iudicant, quibus subindè ingrata illa de inferno & Diabolo concio proponatur. Sie meinen der Teuffel dürff sie nicht holen/ sie seyen jhme zu stattlich.

At nec hoc loco his qui dominabantur super populum Iuda, vult parci Dominus, & pactum illud cum inferno irritum se facturum pronunciat. Etiam purpurato illi, Luc. 16. Imò Regibus quoque paratus infernus, attestante Esaia cap. 30. v. 33. Caue igitur à peccatis, si vis tutus esse ab inferno.

F I N I S.

T H E M A XXII. C L A S S I S I X.

Hierem. 12. vers. 3.

Rapis eos quasi ouem ad mactandum, & sanctificas eos in diem occisionis.

D I S P O S I T I O.

Sæpè pij etiam in corde suo cum Deo disputant, quomodo fiat, vt impiis benè, piis verò malè sit, in his terris. Atque non rarò sollicitantur à carne sua ad indignationem. At spiritus aduersus carnem pugnans, semper ita dirigit illas piorum disputationes, vt eluctentur, & sese colligant, atque Deo laudem iustitiæ tribuant, cum videlicet ad normam verbi Diuini iudicia Domini exigunt. Psalm. 73. vers. 17. vt videre est Psalm. 73. vers. 2. & 15. & Hiob. 21. vers. 6. & seqq. & tandem vers. 16. Talis quoque inter alios est hic locus Hieremiæ. Qui licet primùm litem Deo suo intendere voluerit, hanc eandem ob causam, mox tamen mutat sententiam, & veram causam,

cur Deus ad tempus impiis prosperam concedat fortunam, nobis edisserit.

Quia igitur non libenter acquiescit animus humanus, hæc verba diligenter pensitanda erunt.

Videbimus autem i. de quibus hîc loquatur Propheta.
2. Quid de illorum felicitate sentiat & pronunciet hoc loco. 3. Et quid nos isthæc moneant.

I. Pars.

Primùm sciendum duo esse genera impiorum, qui prosperiori fortuna vtuntur.

Alii sunt hi, de quibus spes aliqua superest, fore vt conuertantur ad Dominum.

De his mentio fit Rom. 2. v. 4. & causa ibi alia additur, quare illis beneficiat Dominus, scilicet vt sua bonitate illos inuitet ad pœnitentiam.

Tales interdum redeunt in viam. Et tales fuerunt plurimi ex gentibus, qui ad Christum sunt conuersi. i. Cor. 6. v. 11. De his non loquitur Hieremias hoc loco.

Alii verò sunt qui contemnunt diuitias bonitatis & misericordiæ Domini, & planè sunt desperati & deplorati, qui habent cor pœnitere nescium, & colligunt sibi irâ in die iræ, quo patefiet iustum Dei iudicium. Rom. 2. De his loquitur hîc Hieremias, & causam aliam ponit, quare Deus patiatur ipsos esse in his terris felices. *Undenem doch kein Hoffnung mehr ist/ daß sie fromb werden.*

II. Pars.

Causa, quare Deus ipsos permittat esse felices, vno verbo hæc est, vt ieruantur grauioribus tormentis propediem cruciandi. *Sie müssen es bald thewer genug bezahlen.* Idque Propheta similitudine quadam explicat. Sicut cum saginantur oues siue pecudes, tum mox venit tempus mactationis: Ita cum impii videntur felicissimi, propè instat interitus ipsorum. *Es will sie Gott also in die Nothung legen/ daß sie dem Teuffel ein fetter Braten seyen.*

Et eleganter id exprimit verbis mutatis. Sanctificas eos. Hoc est sicut oues destinatae sacrificiis (inprimis vero agnus ille paschalis Exod. 12. vers. 6. qui à die 10. ad 14. separandus erat) segregabantur à cætero grege, & reseruabantur, vt mactari possent suo tempore: ita impii sæpè non cum cæteris hominibus affliguntur Psal. 73. vers. 5. sed reseruantur quasi loco quodam separato, (*Du sparrest sie.*) vt occidantur à Diabolo, & æterno igne afflati crucientur sine fine.

Et quia mox mactandi sunt, ideò nec Diabolus etiam illos vexat, *sonder läßt ihn eine kle. ne weil gut leben. Dant es wird sie doch thewer gnug antommen. Er weiß daß sie jmen nicht entlauffen.* Et quo maior videtur illorum felicitas, tantò propior interitus. Epulo exemplum esse potest. Luc. 16. Et Herodes. Act. 12. Sanherib. Esa. 37.

III. Pars.

Vsus huius loci multiplex est. Pauca attingemus.

1. Sic munire debemus animos nostros, contra offendicula, 1. ne murmuremus contra Dominum, aut cum ipso litigare conemur. 2. ne vè indignemur neq; inuideamus impiis qui videntur felices. Psal. 37. v. 1. & 7. 3. neq; felices & beatos propterea illos putemus sicut vulgus Psal. 144. v. 15. beatum dixerunt. 4. neq; ipsorū impietate Deum delectari existimemus. Psal. 73. v. 13. Et tandem non impietatem ipsorum imitari cupiamus, vt & nobis benè sit Psal. 37. v. 8. Non enim debent commoueri pedes nostri Psalm. 73. v. 2. nec sic dicamus vt illi. Ibid. v. 15.

Cogitemus. *Es ist ein feister Hammel / den der Teufel braten muß; / si videamus impium felicem, potentem, securum. &c.*

Citò enim peribit. Psal. 73. v. 19. & 37. v. 2. & 10. Nec debet nobis mora esse tam longa, vt conqueramur, sicut Habac. 1. v. 13. & Malach. 3. v. 14. Vide quid ibi sequatur v. 16. & cap. 4. vers. 3.

II. Videmus nec piissimos quidem immunes esse ab eiusmodi-

eiufmodi cogitationibus: quod putant indignos esse impios, quibus Deus benefaciat. Cur Deus pauperes finit opprimi, dicunt, & multos pessimos nebulones exaltat, dicit? &c.

At non indulgendum his cogitationibus, sed illæ mox corrigendæ & compescendæ, ne nimium indulgeamus affectibus. Sicut videmus Hiobum, Psalten, & hîc Hieremiam mox reuocare sententiam. Et si quid nobis videretur difficile, illud omne superemus meditatione verbi Dei, & inprimis hac regula: Iudicium Dei occultum esse potest, iniquum esse non potest. Iustus enim Dominus, & iusta omnia illius iudicia, Psalm. 119. v. 137. quod Mauritius Imperator agnouit, &c.

F I N I S.

T H E M A XXIII. C L A S S I S I X.

Sapient. 2. à vers. 1. ad 12.

Dixerunt impii, exiguum est tempus vitæ nostræ, & cætera, quæ sequuntur vsq; ad vers. 12.

D I S P O S I T I O.

Miseriam vitæ humanæ nemo est qui nesciat, siue pius sit, siue impius. Ideoque non pij tantum in scripturis introducuntur, considerantes vitæ suæ fugacitatem & instabilitatem atque miseriam, vt Hiob. cap. 7. Syr. 40. & Esa. 40. v. 6. sed & impij, hoc loco, de eadem re disputantes audiuntur. At dissimilitudo est maxima inter has piorum & impiorum meditationes. Horum enim meditatio ad securitatem, illorum verò ad pietatem cedit.

Itaque iam hæc duo tractanda erunt.

1. Quomodo impij soleant considerare vitæ suæ miseriam.
2. Quomodo vicissim pij eandem piè debeant meditari.

I. Pars.

Impios non latet, quod brevis & misera sit vita humana:

na: quod etiam Ethnici deplorarunt, vt Xerxes & Heraclitus.

Hoc etiã illufores ſciunt & referre poſſunt hoc loco, additis ſimilitudinibus non ineptis. Exiguum eſt, in-
quiunt, tempus vitæ noſtræ. Sicut cinis diſſipatur, & ſicut
aër tenuis, ſic citò tranſit vita noſtra.

Et hoc quidem verè dicitur. Sed iuxta illi ſunt illuſo-
res & Epicuræi, negantes animæ immortalitatem, & re-
ſurrectionem mortuorum.

1. Non eſt refrigerium in fine hominis, aiunt.
2. Nemo rediit ex inferis, qui poſſit referre de ſtatu
animæ poſt hanc vitam.
3. Sicut fortuitò nati ſumus, ita fortuitò morimur.
Hoc eſt falſiſſimum. Et contrarium teſtatur Hiob. 10. v. 8.
& Pſal. 139. v. 14.
4. Licet rationis uſu & loquela præ cæteris animan-
tibus ſimus donati, tamen hoc mox omne perit nobiſ-
cum. Et nihil exſpectandum poſt hanc vitam.
5. Poſt mortem nulla erit memoria noſtri, ſiue benè
ſiue malè egerimus. *Es wird doch eben gleich gelten.
Wann wir ſterben/ſo iſts gar auß.* Ex his concludunt,
viuendum ſecundum regulam Epicuræorum: Ede, bibe,
lude, poſt mortem nulla voluptas. Simile fere illud eſt,
edamus, bibamus, &c. 1. Corint. 15. v. 32. Indulgeamus ge-
nio. Oblectemus nos luxu & libidinibus, vt poſteri etiam
habeant, quod de nobis loquantur, Quia nihil aliud hinc
licet auferre. Sit hæc ſors noſtra.

Et ſi qui ſunt, qui nos velint hoc nomine reprehende-
re, ſiue ſenes ſint, ſiue pauperes, ſiue viri, ſiue fœminæ, il-
los opprimemus, & rapiemus potius illorum bona, vt ſic
lautius viuere poſſimus. *Wir wollen ſie wol mit gewalt
ſchweigen/xc.*

Vſvs, Quamvis non omnes Epicuræi ex noſtris hæc
apertè proloquuntur, multi tamen ipſa vita ſua palam
contendantur, ſe eiſdem eſſe ſententiæ cum his illuſo-
ribus hoc loco. Multi certè iſdem penè verbis vtuntur,
qui

quibus hi. Es ist noch nie keiner wider kommen/ der sagte
wie es dort zugienge. Item: Wann wir sterben so sind
wir tod. Will vnser Herr Gott vnser nit/ so ist der Teuf-
fel vnser froh. Was frag ich nach dem Himmel/ bin ich
doch zuvor auch nicht darinnen gewesen. &c. Hi certe
nihilò sunt meliores hisce iudicio diuino iam damnatis
& reprobatis hominibus. Et ouum ouo (quod dicitur)
tam non est simile, quàm sunt quorundam Epicuræo-
rum nostri seculi sermones & cogitationes similes hisce,
quæ iam ex Sapiente audiuius. Multorum Deus venter
est. Phil. 3. vers. 19. qui non vt viuant, sed vt bibant, se
creatos & natos opinantur, sicut de Bonoso quodam
dicitur. Horum finis est interitus. Phil. 3. vers. 19. Omnis
enim Aletus est Alostus. Posset res exemplis illustrari.
At illa sunt odiosa. Et videbunt aliquando tales Epicu-
ræi, siue nobiles, siue ignobiles, siue diuites siue paupe-
res fuerint, cui illuserint.

II. Pars.

Pii verò has impiorum voces meritò abominantur, &
alia ratione vitæ suæ breuitatem & miseriam meditan-
tur, quàm vt inde occasionem sumant, sese in voluptates
carnales immergendi.

Ideoq; orat Psaltes non semel. Psal. 39. v. 6. & Psal. 90. v.
11. vt erudiatur de vitæ breuitate, &c. Addit autem quor-
sum utilis ista meditatio, vt ambulemus corde sapienti.

1. Primum enim hæc meditatio docet pios cogita-
re de causa huius miseriæ, scilicet peccato, Etenim pro-
pter peccata ira Dei venit super filios Adæ. Hinc Psal.
90. vers. 8. peccata nostra ponis in conspectu tuo. Et vers.
7. In ira tua defecimus. Esa. 64. Peccata nostra sicut ven-
tus abstulerunt nos. Et hinc rectè pii occasionem su-
munt, vt peccatum detestentur, & quantum in hac car-
nis infirmitate fieri potest, caueant ab omnibus, quæ
Dei iram in nos concitare solent.

2. Et quia brevis est vita nostra, pii operam dant se-
dulo,

gulo, vt hoc exigui temporis spacium benè collocent, & sic viuant vt non frustrà nati sint. Seruiunt Deo & proximo in sua vocatione. Et dum tempus habent benefaciunt omnibus. Gal. 6.v.10. Sic Paulus hortatur. 1. Cor. 7. v. 29. Tempus contractum est. Ideo qui vtuntur hoc mundo, illo non abutantur. Præterit enim *αἰμα* huius mundi. Atque vt sic firmam faciant pii electionem & vocationem suam (2. Pet. 1. vers. 10.) operam dant sedulo.

3. Quia brevis & calamitosa est hæc vita, hoc agunt pii, vt inquirant aliam & futuram meliorem vitam, cum hic manentem non habeant ciuitatem. Hebr. 13. vers. 14. Et ideò ingemiscunt cum omnibus creaturis super hac mundi vanitate. Rom. 8. vers. 22. desiderantes liberari, & superindui 2. Corinth. 5. vers. 2. atque dissolui Phil. 1. vers. 23. & dimitti in pace. Luc. 2. v. 29.

4. Et quia mox hinc migrandum, pii perpetuò sunt in excubiis, vigilant, orant, cum virginibus prudentibus Matth. 25. v. 10. vt parati sint veniente sponso.

5. Atque cum suam indignitatem agnoscant, aduocatum I. Ioan. 2. v. 1. & mediatorem I. Tim. 2. v. 5. quærunt.

6. Et interim in patientia possident animas suas, Luc. 21. v. 19. fructum facientes in patientia Luc. 8. vers. 15. & liberationem corporis expectantes. Rom. 8. v. 23. Hæc salutaris est meditatio.

F I N I S.

T H E M A XXIV. CLASSIS IX.

Matth. 24. v. 48.

Parabola de seruo nequam: qui dicit in corde suo, cunctatur venire Dominus meus, &c. vsque ad finem capitis.

Eadem habentur etiam Luc. 12.

D I S P O S I T I O.

Omnes Christiani fatentur Deum esse Dominū suum.

Quia

Quia in symbolo confitemur, ipsum esse Dominum cœli & terræ. Quia verò multis dicere potest illud Mal. i. vers. 6. Si Dominus ubi timor meus? ideoque sæpissimè Saluator noster proponit parabolas de seruis, vt scilicet nos erudiat, quid deceat seruos Domini, quid non. Tales extant Matth. 13. 18. 21. 22. 25. & alibi. Talis etiam proponitur parabola hoc loco, de seruo fideli & seruo nequam. Nos tantum de hoc dicemus, nihil de illo: quia metus est, ne plures reperiantur aliquando serui infideles. Hæc autem tria notabimus.

1. Quæ fuerint peccata serui infidelis.

2. Quæ causa ipsius malitiæ.

3. Quæ pœna ipsi infligenda.

Singula ad nostrum institutum accommodabimus.

I. Pars.

Hoc potissimum reprehenditur in hoc seruo.

1. Quod non vigilat & sollicitè expectat singulis momentis aduentum Domini sui.

2. Quod edit & bibit atque securus est. Non facit operas debitas, sed tantum indulget genio.

3. Quod non edit & bibit tantum, sed etiam vino se ad ebrietatem ingurgitat.

4. Quod vim facit conseruis, & ancillis: & plagosus est, ubi ex vino incaluit.

L. Tales serui nequam hodie multi sunt: qui vel in omnibus vel in aliquibus tamen rei deprehenduntur.

Multi sunt securi & ignaui, qui non faciunt operas vocationis sedulo. Non cogitantes quod Dominus venturus, & de laboribus officij sit reddenda ratio. *Sie lassens Tag vnd Nacht werden.* At de omni verbo otioso reddenda ratio. Matth. 12. Magis de ignauo otio. Et cui multum commissum ab eo multum repetetur. Luc. 12.

Alii tantum hoc agunt, vt corporis curam agant. Tantum terrestria curant, non cœlestia: contra id Phil. 3. v. 13. Col. 3. vers. 2. Illi tantum cupiunt habere reposita in mul-

tos

tos annos, vt requiescere, edere & bibere atque gaudere possint, vt refert parabola Luc. 12. vers. 19. Tantum sunt solliciti, quid esuri aut bibitori sint, & quibus indumentis vsuri. Mat. 6. vers. 25. At hæc gentilium fuit cura. Christiani primùm animæ curam suscipere debebant, vt Christus ibidem monet. vers. 33. & 19.

Alii deteriores sunt, & sic viuunt vt bibant semper. Potentes ad bibendum vinum. Esa. 5. vers. 22. De manè ad vespas. vers. 11. Epulo. Luc. 16. Horum Deus est venter Philip. 3. vers. 19. Finis interitus. At caute ne grauentur corda. Luc. 21. vers. 34.

Alii etiam opprimunt seruos, id est, pauperem qui conseruus est defraudant. Amos 8. vers. 6. vel contumelia afficiunt & iniuste bona proximi ad se rapiunt. Sicut Ahab vineam Nabothi. 1. Reg. 21. v. 16. & Ziba bona Mephibosephi. 2. Sam. 16. Ancillas etiam (ait Christus) percutiunt. Sic multi agunt scilicet apud nos, vt libidinibus operam dantes miseras puellas, vel pecunia illectas, vel blanditiis circumuentas constuprent, & perpetua sic ignominia afficiant.

Hæc duo coniungit Paulus 1. Thessal. 4. v. 4. & 6. Hæc est sanctificatio vestra: Et ne quis defraudet. Deus vindex erit. vers. 6. Heb. 13. v. 4.

II. Pars.

Sed quæ causa, quod seruus, cui Dominus tot bona concredidit, tam perfide agit? Hæc, quod in corde suo dicit, cunctatur venire Dominus meus. Hoc est, quia securus est, & postea superuenit Dominus ea hora, qua is non putauit venturum.

L o c u s. Hæc securitas etiam nos perdit.

Multi non patiuntur sibi persuaderi venturum iudicium extremum. Vide illusores. 2. Pet. 3. vers. 3. Multi de mortis hora non cogitant: ideo non agunt sapienter. Psal. 90. v. 12.

Et quia non mox punit Deus, & non citò profertur

Ggg

senten-

sententia contra malos, absque timore vlllo peccant filii hominum. Eccles. 8. v. 11.

Ideoq; hortatur Syrach: Memorare nouissima & non peccabis in æternum. Syr. 7. v. 40.

Et toties Saluator monet, vigilate. Nescitis enim quando tempus. Matth. 24. 25. Mar. 13. 14. Luc. 12. Inculcat id similitudinibus de virginibus decem. Matth. 25. de laqueo, Luc. 21. vers. 35. de fure perfodiente domum. Matth. 24. vers. 43. Luc. 12. Et, omnibus dico, ait, vigilate. Mar. 13. v. 37. Cum dixerint pax pax, &c. 1. Thess. 5. v. 3.

III. Pars.

Dominus inueniens seruum, securum, ebrium, pulsatorem &c. malè excipiet. Veniet n. hora illa, qua non putauit seruus. Dissocabit eum. Mercedem dabit cum hypocritis. Quia simulauit, non præstitit fidelitatem hero suo.

Quæ autem illa futura merces, addit. Fletus & stridor dentium. Idem. Matth. 8. 13. 22.

Locus. Monemur quam graui sententia damnandi sint, qui non fuerunt fideles serui, sed hæc peccata commiserant, de quibus supra in prima parte dictum est.

Etenim multò grauius peccant, qui iuramentum fidelitatis præstiterunt, quàm cæteri.

Sic grauius punientur Christiani, quàm gentes: quæ nesciuerunt Deum. Quia seruus sciens voluntatē. &c. Lu. 12.

Itaque semper cogitandum nos esse seruos, & 1. Pet. 4. v. 10. variorum bonorum Dispensatores, à quibus requiratur fidelitas, teste Paulo. 1. Cor. 4. v. 2.

Cogitandum, Dominum venturum de improviso. Veniet sicut fur. 2. Pet. 3. Apoc. 3. & 16.

Expectandum itaque in conuersatione sancta 2. Pet. 3. vers. 11. vt digni inueniamur stare. Luc. 21. Maximè verò cauenda hypocrisis. Syr. 1. vers. 36. Deus cor intuetur. Nisi id fiat, grauis sententia pronunciabitur: Serue nequam Matth. 25. v. 26. & 30.

Elicite ipsum in tenebras exteriores, Vbi ploratus &c. Lacus ardens. Apoc. 21. & vermis atque ignis. Esa. 66. v. 24.

THE

T H E M A XXV. C L A S S I S IX.

Matth. 25.

De virginibus quinque fatuis.

D I S P O S I T I O.

In hoc capite Christus descripturus statum Ecclesiæ, qualis is sit futurus sub aduentum filii hominis, adducit inter cætera similitudinem, de virginibus decem, quarum aliæ prudentes vocantur, & intromittuntur ad nuptias sponsi cælestis, Christi videlicet.

Aliæ verò fatuæ appellantur, & excluduntur à nuptiis illis.

De prudentibus iam non dicemus, sed tantum de stolidis. Erunt autem hæc 2. notanda.

1. Quomodo illæ volentes intromitti ad nuptias, repulsam passæ fuerint.

2. Quæ causa repulsæ fuerit.

I. P a r s.

Christum sponsum esse, nemo est qui nesciat. Ecclesiam sponsam esse patet ex canticis, & Psalm. 45. vers. 10. & Ephes. 5. v. 23.

Solennitas autem Nuptiarum tum demum futura est, cum apparuerit sponsus cum omnibus sanctis Angelis Matth. 25. vers. 31. & vitæ cælestis gaudia perfectè fuerint reuelanda in Nouissimo die.

Sicut ad nuptias illas cælestes vocati sunt omnes homines, teste Christo Matth. 22. ita etiam vellent quidem comparere, tam fatuæ, quam prudentes virgines.

Et hoc loco quidem dicitur, illas pulasse ostium, & dixisse, Domine aperi nobis.

At responsum accipiunt, Non noui vos. Et sic excluduntur à nuptiis cum gemitu, & foris extra palatia cælestia relinquuntur.

Docet hæc prima pars parabolæ, multos aliquando à regno cælesti fore exclusos, qui iam sibi persuadent,

se certò fore intromissos. Et hoc apertè testatur Christus, Nō omnis qui dixerit mihi Domine Domine. Mat. 7. v. 21.

Neq; verò hīc sermo est de Iudæis, Turcis & Gentibus. nolentibus comparere ad nuptias, sed de Christianis & his qui præstò sunt, & pulsant fores, atque rogant, Domine aperi nobis. Et de his maximè, qui agnouerunt Deum, & Domine Domine dixerunt, vide Matth 7. vers. 22.

Et de virginibus dicitur hoc. Quid de meretricibus fiet? Sunt enim in ipsa Ecclesia non tantum boni & verè renati, sed his etiam admixti plures hypocrite, qui profitentur se scire Deum. Tit. 1. vers. 16. & speciem pietatis habent. 2. Tim. 3. vers. 5. at vim eius abnegarunt, & Deum factis negant.

Hoc vult parabola de zizaniis inter triticum seminatis à Diabolo. Matth. 13. v. 25.

Ideo quedanda opera, ne quis seipsum decipiat. Probate vos an sitis in fide. 2. Corinth. 13. vers. 5. Nihil enim valebunt istæ (quas nonnulli per iocum solent referre) cum Petro ianitore confabulationes, vt intromittantur, &c. Sponsus enim ipse respondebit non noui vos. At væ illis quos Christus non nouit, qui alioquin cognoscit oues suas, Ioan. 10. v. 14. & probè nouit qui sint sui. 2. Tim. 2. ver. 19. Cæteris quos ipse non nouit dicetur, Abite iniqui. Matth. 7. v. 23.

Ne itaque & nos excludamur, iam porrò erit dispiciendum, quæ causâ huius repulsæ fuerit: vt discamus illarum virginum exemplo edocti rectius sapere.

II. Pars.

Causâ repulsæ est hæc, quod non fuerunt paratæ sub aduentum sponsi, vt possent cum cæteris ingredi, sed serò venerunt, ianuis iam clausis. His itaque non amplius patet ianua. Quid igitur defuit illis? Oleum. Habebant quidem secum lampades, sed oleo vacuas. Intelligitur cor fide saluifica destitutum.

Et quanquam cupiant à cæteris mutuo accipere oleum: illæ tamen hoc denegant. Iustus enim sua fide viuet,

non

non aliena. Habac. 2. vers. 4. Dum itaque stolidæ abeunt ad emendum oleû, venit sponsus illis absentibus & clauditur ianua.

DOCEAT hæc pars parabolæ, quid fiat si vel nouissimus dies, vel hominis hora nouissima in morte, deprehendat hominem imparatum, & qui sibi in vita non ex verbo Dei comparauit oleum fidei, & firmissimarum consolationum, quibus contra terrores mortis, tanquam face ardente in tenebris illis Psalm. 23 vers. 4. possit uti.

Multi putant se tunc in agone mortis vocaturos Ministros Ecclesiæ, & ex illorum consolationibus mox percepturos fidem, & sic piè morituros.

At si illi securè contempserunt multo tempore verbum Domini, metus est, ne in agone mortis etiam firmis ex eodẽ verbo consolationibus destituantur: aut ne terrores mortis tanti sint, qui non admittant informationem illam sub finem vitæ. Non enim mox instillari potest istud oleum fidei: sed auditus requiritur, & ut ad cor penetret. Rom. 10. v. 18. Deut. 6. v. 6. Et certò statuendum, venturum Dominum ex improviso, atq; ianuam clausam non iterum fore apertam. Post mortem enim nulla amplius erit occasio discendi sacra. Nec aliorum opera iuant. Non enim possunt alii dare de oleo suo: alioquin non sufficiet illis. Vide v. 9. In tempore ergo instruendæ lampades oleo, quod ex verbo Domini petitur. Nihil procrastinandum. Hodie. Psalm. 95. v. 8. & Hebr. 3. v. 7. Nunc tempus acceptum. 2. Cor. 6. vers. 2. Et semper vigilandum. Apoc. 3. v. 3.

T H E M A XXVI. C L A S S I S I X.

Matth. 22. v. 11. ad 14.

De veste nuptiali, &c.

D I S P O S I T I O.

Nota vobis est parabola illa de Rege [1. Tim. 6. vers. 15.] Regum, omnipotente, Deo scilicet patre cælesti, qui fe-

cit nuptias filio suo Christo, desponsando illi Ecclesiam. Ephes. 5.

Notum etiam vobis illud, quod vocati ad has nuptias occisus seruis comparere noluerint, vt opus fuerit mittere seruos ad exitus viarū, & vocare ad nuptias obuios quoscunque. Hoc est, quod Iudæis occisoribus Prophetarum, Matth. 23. v. 37. venire recusantibus, vocati fuerint Gentiles ad Christianismum. Et hi quidem comparuerunt magno numero (iuxta id Esa. 60. vers. 5. multitudo gentium) boni pariter & mali, ex quibus vnus quidem vehementer legitur displicuisse Regi, sordida veste indutus.

Videamus igitur 1. quis ille, & qualis vestis. 2. Quid de ipso fuerit factum, cum Regi non placuisset.

I. *Pars.*

Iudæis propter impietatem & incredulitatem Rom. 11. v. 20. abiectis, vocauit Dominus ad Euangelii doctrinam Gentiles, qui auidè illam exceperunt, magno numero, vt Romani, Corinthij, Galatæ, Ephesij, &c. Et in his etiam sumus nos Germani, ex gentibus oriūdi. Hi sunt, qui iuxta exitus viarum (alieni quippe à testamentis promissionis, sine Deo Ephes. 2. v. 12.) vocati comparuerunt.

At non omnes tamen placent Deo. Id denotatur per eum qui comparet quidē, at sine veste nuptiali: cum alioquin honestè soleant vestiri qui honoris causa inuitantur ad nuptias. Hic non placet Regi, qui sordidatus peccatis.

DOCET Christus, non placere Deo patri cœlesti eos, qui vera carent fide, ideoque etiam ipsorum vita non respondet professioni. Et hîc quidem notandum, quod per vestes sordidas in scripturis intelligantur peccata, Esa. 64. vers. 6. vestis immunda. Thren. 1. vers. 9. Sordes eius in fimbria vestimenti eius. De peccatis loquitur.

Zachar. 3. v. 3. Indutus vestibus sordidis stabat ante Angelum. Peccata denotat.

Contra per vestes candidas albas & mundas iustitia intelligitur placens Deo.

Zachar. 3. v. 4. Auferte vestimenta sordida & induite elegant-

elegantioribus, &c. Explicat idem: abstuli à te iniquitatem.

Apoc. 3. v. 3. Ambulabunt in albis.

Idem hic de veste nuptiali intelligitur: quæ est Christus, factus nobis iustitia. 1. Cor. 1. Rom. 13. Induamini Dominum Iesum. Induitur is in Baptismo. Gal. 3. Quicumque baptisati estis Christum induistis. Et fide. Si verò vestis sordidata fuerit, curandum vt dealbetur sicut nix. Esa. 1. v. 18.

Quod sit vera pœnitentia. Ideoque orat Dauid, laua me, munda me. Psal. 51. v. 9.

V s v s huius loci erit, vt intelligamus, necesse omnino esse vt omnes, qui Christo nomen dederunt, vera fide præditi sint & vitam professioni conuenientem agant. Sic enim Paulus 2. Tim. 2. vers. 19. Discedat ab iniquitate qui nominat nomen Iesu.

Vocatus itaque per verbum Euangelij compareat, & amplectatur doctrinam cœlestem, sed iuxta fidem alat, & caueat, ne polluat se peccatis contra conscientiam.

In hoc multi errant, quod existimant, posse aliquem Christianismum profiteri, & interim viuere pro lubitu. Sic etiam sentiebant tempore Pauli.

At sic malè audit nomen Domini. Rom. 2. v. 24. Ideoq; toties hortatur Paulus, vt digne ambulent Deo, Col. 2. 1. Thess. 2. vocatione, Eph. 4. v. 1. & Phil 1. v. 27. Euangelio.

Et grauem hoc loco sententiam audit hic sordidatus hospes, vt iam sequetur.

II. Pars.

Rex conspiciatus inter cæteros hospites sordidum illum, quærit, amice quomodo huc venisti, non habens vestem nuptialem? Ille verò obmutescit. Non enim potest quicquam prætere.

Mandat itaque Rex vt ligatis manibus & pedibus eiciatur in tenebras exteriores, &c.

D O C E T hæc pars parabolæ 1. Omnes sistendos Regi illi iudici, vt rationem reddant dictorum & factorum, 1. Pet. 4. v. 5. Ibi tum omnino mutos coram iudicio diuino

futuros omnes eos, qui vocati comparuerunt, at sine veste nuptiali: hoc est, hypocritas, qui sciuerunt voluntatem Domini & non fecerunt. Luc. 12. vers. 47. Nihil enim quicquam poterunt prætere, qui toties sunt moniti, sed frustra & in vanum audierunt verbum Domini, & pietatem tantum simularunt. 2. Tim. 3. v. 5. Tit. 1. v. 16. Si non venissem & dixissem illis, ait Christus, Ioan. 15. v. 22. peccatum non haberent: nunc autem non habent quod prætexant peccato suo. Obmutescunt itaque & dicitur illis: Tota die expandi manus ad populum inobedientem. Esa. 65. v. 2. Et volui vos congregare: at tu noluisti. Matth. 23.

Et quid quæso respondebunt iusto iudici, qui tot annis magna cum diligentia fuerunt [Act. 20. v. 20. & 21.] informati, sed planè nihil perfecerunt in pietate, & in voluntate illo 2. Pet. 2. v. 22. sese magis oblectarunt, quam in aquis mundis, fontibus salutis. Esa. 12. v. 3. Psalm. 36. v. 10. Jer. 2. v. 13. De hoc utinam sapius cogitarent nostrates multi, præsertim hi, qui iam non muti sunt, sed vel in peccatis gloriantur, vel sua scelera fuce conantur pingere, imò ministris Ecclesiæ obiurgantibus (& porcos illos sordidos lauare cupientibus) in faciem resistunt, maledicunt, conuitium faciunt. Unde wollen ungestrafft seyn. Obmutescunt aliquando.

II. De cruciatibus inferni dici potest. Eiulatus. Stridor. De his vide alibi plura. Esa. 66. v. 24.

THEMA XXVII. CLASSIS IX.

Luc. 12. Parabola de diuite rustico.

Stulte, hac nocte auferetur anima tua.

DISPOSITIO.

Duos nobis historia Lucæ Evangelica proponit diuites. Ex his vnus purpuratus ille Epulo est, satis famosus Luc. 16. cuius lamentabiles voces ex inferno resonare debent in auribus nostris, quotiescunque nobis non tantum Dominicale proponitur, sed & exemplum illius allegatur.

Alter

Alter verò diues hic rusticus est, qui sibi collegit magnam copiam frumenti, repositam in multos annos, de quo hoc loco agitur.

De hoc, cum viuit adhuc, sententiam grauem pronunciari audimus, antequam legatur descendisse in infernum, ad suum illum purpuratum socium.

Cum autem ille non quinque tantum fratres sed plures, hic verò socios post se reliquerit plurimos, qui eadem impietate laborant, operæ erit pretium illius exemplum (occasione præsentis funeris) probè nostratibus inculcare.

Duas autem tractabimus partes: Vbi duas audiemus voces,

1. Audiemus vocem diuitis, & quid is dicat animæ suæ.
2. Audiemus etiam vocem Dei, & quid ipse dicat de anima diuitis.

I. Pars.

Diues extruit sibi horrea amplissima & congregat omnia quæ nata sunt bona. Non autem cogitat, quod pro pauperibus quicquam velit reseruare. Idco dicit, quæ mihi nata sunt, non aliis etiam, iuxta id Eccles. II. v. I.

Et bona mea omnia recondam, non deriuabo fontes foràs. Prou. 5. v. 16.

Neque verò propter futuram necessitatem asseruat hæc, sed vt habeat reposita in multos annos.

Sic se felicem putat, & benedicit animæ suæ, Requiesce, ede, bibe, gaude. Nihil tibi deerit, etiam post multos annos.

Loc vs. Cogitabitis amicissimi, non malè loquutum hunc diuitem. Numquid enim non est felicissimus? Beatum dixerunt cui sunt hæc. Psal. 144. v. 15.

Et hoc vnum optant plurimi, vt idem dicere possint, Habes reposita in multos annos.

Atq; vt ipsis hoc vel tandem contingat, nihil intentatum relinquunt, panem manducant cum dolore Eccles. 5.

vers. 16. & cum solitudine Psal. 127. v. 2. Et ne quidem de nocte quiescit animus illorum. Eccl. 2. v. 23.

Et hos sanè prudenter agere indicat mundus: præsertim si in iuuentute corradant nummos, vt in grauiori senectâ possint requiescere, edere, bibere, gaudere.

Quid igitur desideratur in hoc diuite?

Numquid non licet habere agros? Imò. Pius Abrahamus agros habet & colit.

Numquid frumenta, præsertim vbi ager vberes fructus attulit, possunt aut debent reseruari ad futuram necessitatem? Maximè. Commendatur hoc nomine Iosephus. Gen. 41. Et Christus iubet colligere fragmenta ne quid pereat. Ioan. 6. v. 12. Sed num licet etiam requiescere à labore, edere, bibere & gaudere: Ita sanè. Vult enim Deus etiam peculiarem diem dari quieti. Exod. 20. v. 10. & pecudes quoq; non semper laboribus premi. Nec reprehenditur Rex Iosias quod comederit & biberit. Hier. 22. vers. 15.

Quin imò panem & vinum producit Deus, vt hominis cor non tantum roboretur, sed etiam lætificetur. Psal. 104. v. 14. Ideoque licet etiam gaudere.

Quid igitur desideras in hoc homine?

Multum sanè, vt & in nostratibus diuitibus.

1. Quod Dei nullam facit mentionem planè qui dedit ipsi hanc frumentorum copiam. Ideoque ne vno quidem verbo ipsi agit gratias. Nec agnoscit cum Dauide illam coronationem anni Psal. 64. vers. 10. & 12. sed vel suo labore, vel iuxta naturæ cursum hæc sibi contigisse putat. Ideò etiam non existimat quicquam esse reponendum pro pauperibus: sed tantum pro anima sua.

Non ergo cupit scenorari Domino. Prou. 19. v. 17. Et sua vocat bona, quæ Dei sunt benedictio, vt Iacobus Patriarcha vocat. Gen. 33. v. 11.

2. Tantum de corporali vita sollicitus est, & in terrestribus tantum gaudet. De cœlestibus thesauris nihil cogitat. De his Paulus Phil. 3. v. 19. Deus venter.

3. Promittit sibi multos annos: ideoque de morte nihil

nihil cogitat, nec de peccato, cuius mors stipendium. Rom. 6. Propterea etiam cum Deo non redit in gratiam per pœnitentiam. Idem plerique tales etiam hodiè faciunt. Hoc iam latius deduci potest.

I I. Pars.

Hæc cum ita sint, aliam Diues hic audit sententiam, tristissimam sanè. Et quidem à Deo ipso.

1. Stultus vocatur à Deo, quem mundus prudentissimum & prouidum patrem familias iudicat.
2. Denunciatur illi mors. Auferetur anima tua.
3. Et non dicit, ego tollam animam, sed repetent alij, Diaboli scilicet animam tuam, quibus illam deuouisti.
4. Et quid iuuabunt illa in multos annos reposita? Aliis relinquenda sunt vel ingratissimè vel ignotis.

Locvs. Videmus alia esse iudicia Dei, quàm sunt hominum. Hi prudentes Oeconomos putant esse auaros, at Deus stultos vocat. Et sanè omnium amentissimi & stolidissimi sunt, qui sic curant terrena & corporalia, ut animam interim negligant. Cum potius quærendum ante omnia regnum Dei. Matth. 6. v. 33. & thesauri incorruptibiles. Ibid. vers. 19. & cœlestia atque superna. Coloss. 3. v. 1. Discant ergo diuites, 1. ut in Deo ditescere cupiant, & diuites sint bonis operibus. 1. Timoth. 6. v. 17. Et videntes quid desideretur in hoc diuite, ipsi corrigant.

2. Ne cor apponant si affluant diuitiis. Psal. 62. v. 11.
3. Nec confidant in diuitiis. 1. Timoth. 6. v. 17. Iob. 31. vers. 24.
4. Sed de morte sæpius cogitent, & quod illæ tum nihil profuturæ Prouerb. 11. vers. 4. sed aliis relinquendæ. Eccles. 2. v. 18. & 5. v. 13. 1. Tim. 6. v. 7. atque nudis egrediendum. Hiob. 1. v. 21. Psal. 49. vers. 18. Videatur supra suo loco illud præconium Asiæ atque multorum regnorum Domini Saladini.

Hoc agendum, ut anima, etiam si hoc momento à corpore auellenda sit, non rapiatur à Diabolis, sed ab Angelis

Angelis portetur in sinum Abrahæ. Luc. 16. v. 22. & in manus Dei commendetur. Psal. 31. v. 6. Sap. 3. v. 1.

Qui hæc non curant, eandem Dei vocem aliquando audient, quam hîc diues, Stulte, &c.

Cæteri diuitias non appetant, quia fallaces & periculosæ. 1. Timoth. 6. v. 9. & 17. sed viuant sua sorte contenti. 1. Tim. 6. v. 6. Syr. 29. v. 28. Vide etiam id Prou. 30. v. 8.

Non enim viuatur ex multis diuitiis, teste Christo, Lucæ 12. vers. 15.

FINIS.

THEMA XXVIII. CLASSIS IX.

LUC. 12. v. 47.

Seruus sciens voluntatem Domini, & non faciens, vapulabit plagis multis.

DISPOSITIO.

De seruis Domini Dei nostri multa Christus in hoc capite tractat, dum iubet illos sollicitè expectare aduentum Domini, præcinctis lumbis. Vult etiam seruum dispensatorem fideliter facere operas vocationis, vt audiat seruus fidelis, & præficiatur omnibus bonis heri sui. Vicissim verò minatur Christus seruo negligenti, ebrioso & plagoso internecionem.

Et huic comminationi subiicit hæc, quæ legi audiuitis, verba, quibus denunciat grauius iudicium seruo scienti voluntatem Domini, & non facienti, quàm ignorantem heri.

Dicendum autem 1. Quisnam intelligatur aut dicatur esse seruus sciens voluntatem heri.

2. Vnde seruus possit voluntatem Domini cognoscere, vt faciat illam.

3. Quæ pœna non facientis illam serui.

1. Pars.

Petrus audiens Parabolam de seruis expectantibus Domi-

Dominum, & patrefamiliâs, qui vigilare debeat, ne fur domum perfœdiat: interrogat Christum, Domine, ad nos istam dicis parabolam, an etiam ad omnes? Ita forsitan quærat aliquis, ad nos ne ista de seruis parabola pertinet; aut ad quos alios?

Hoc loco sciendum, 1. Nos omnes esse seruos Dei omnipotentis. Sumus enim ab ipso pretio empti, 1. Cor. 7. v. 23. Ideoq; non vult nos fieri seruos hominum. Ibidem.

Et Luc. 1. v. 74. redemit, vt seruiamus ipsi, &c. Psalm. 2. Seruite Domino in timore.

2. Et sumus serui scientes voluntatem Domini. Non est mandatum hoc suprâ te. Deut. 30. v. 11. Dictum est tibi, ô homo, Mich. 6. v. 8. &c.

Mentem Domini tenemus, 1. Cor. 2. in fine. Non celauimus vos omne consilium. Act. 20. v. 27. Et nemo est, qui possit ignorantiam prætexere. Si non venissem & dixissem. Ioan. 15. v. 22.

II. Pars.

At vnde sciam ego homo misellus voluntatem Domini, qui neq; literas neque natum didici? Ego sum homo simplex, & duris manuum laboribus victum quæro, non possum vacare his rebus. At affectata hæc est ignorantia, qualis illa Esa. 1. v. 3. & Ierem. 8. v. 7. Vbi notanter additur, *Mein Volk willes nicht wissen*. Audi tu. Numquid non potes audire sacras cõciones? Vbi ex scripturis tibi ostenditur, quæ sit voluntas Domini. Ex his probè cognoscere potes, quænam sit illa.

Proposuit enim nobis compendio rem omnem per Moysen, atq; in paucula præcepta redegit. Decalogum facile potes addiscere.

Clarius ista omnia per Prophetas explicuit passim, quarum voces audiuntur in sacris concionibus. Exemplis & miraculis omnia comprobauit & illustrauit: & iudicia Domini hodiè cernere licet passim. Loquutus est nobis per filium nouissimè. Heb. 1. v. 2. Et is qui in sinu patris est reuelauit omnia, Ioan. 1. v. 18.

Prædicarunt Euangelium Apostoli omni nationi sub
cælo. Col. I. v. 23.

Et hodie idem verbum Domini sonat passim, ex quo
voluntatem Domini possumus cognoscere. Restat igitur
ut faciamus illam. At nos contrarium plerumque facimus.

Exemplis res fiet manifesta. Omnes sciunt, Ebrieta-
tem, scortationem, adulterium, mendacium, calumniam,
avaritiam, &c. esse peccata grauissima, æterna damnatio-
ne digna. I. Cor. 6. Gal. 5. Contra placere Domino fructus
Spiritus & opera iustitiæ, de quibus Gal. 5. omnibus con-
stat. At quis est, qui faciat Domini voluntatem, facien-
do bonum, & vitando malum?

Plurimi verò scientes volentes transgrediuntur man-
data Domini. Et idem possemus iam dicere quod olim
Esa. 53. v. 1. Rom. 10. v. 18. Quis credit auditui nostro?

III. Pars.

Quia hæc ita sunt comparata, nihil nobis expectan-
dum, præter vindictam grauissimam. Et quamvis qui
ignorans peccat, (ut Paulus I. Tim. I. v. 13. & crucifigentes
Christum, I. Corinth. 2. v. 8. Luc. 23. v. 34.) non sit excusatus
omni ex parte: mitius tamen, Christo teste, punietur. At
sciens volensque peccans contra voluntatem Domini,
horribile sibi iudicium accersit. Et pluribus vapulabit.
Vide Heb. 6. v. 4. & 10. v. 26. & 27. Erunt enim damnatio-
nis gradus, & grauius alij tam illic quàm hîc cruciabun-
tur aliis. Quid igitur de nostratibus futurum putatis?
Id certè quod Deus minatur Leuit. 26. vers. 18. addam cor-
reptiones vestras septuplùm propter peccata vestra. Et v.
28. septem plagis corripiam.

Huc pertinent illæ comminationes Christi, Væ tibi
Capernaum, &c. Tolerabilius erit terræ Sodomorum.
Matth. 10. v. 11.

Vsvs huius loci is erit, ut nō miremur, si videamus nos
grauius affligi à Domino, quam vel Turcas aut aduersa-
rios nostros. Quia nos scimus apertius quæ sit voluntas
Domini. Et ideo iudiciũ à Domini domo incipit. I. Pet. 4.

Ita.

Itaque emendanda vita. 1. Fatendum, serui inutiles sumus. Luc. 17. v. 10. 2. Agnoscendum nos esse seruos, & faciendum iuxta exemplum seruorum Centurionis. Matth. 8. vers. 9. 3. Rogandus etiam Dominus vt det velle & perficere. Phil. 2. v. 13. atque Spiritum rectum. Psal. 51. v. 12. & 13. 4. Orandum, ne abiicias in tempore senectutis, Plal. 71. v. 9. & non in furore arguas. Psal. 6. v. 1. Visita plagis hominum. 2. Sam. 7. v. 14. Misericordiam autem tuam non auferas. Psal. 89. v. 34.

F I N I S.

T H E M A XXIX. C L A S S I S IX.

Luc. 16.

De Epulone diuite purpurato.

D I S P O S I T I O.

Admodum famosus est Epulo ille purpuratus Evangelicus, non tantum propter vitam sceleratam, sed etiam propter lamentationes illas, quæ ab ipso audiuntur in inferno. Et sanè operæ pretium, sæpè illius fieri in Ecclesiis nostris mentionem, quia non quinque tantum fratres, sed plures post se reliquit, de quibus metus est, ne & ipsi veniant in locum cruciatus: præsertim cum illi iam sint securi, & putent se extra omnem teli iactum positos: & quia sint diuites, illustres, nobiles, &c. non opus esse, vt Mosen vel Prophetas multum curent.

Breuitatis autem causa, tantum duo iam tractanda suscipiemus.

1. Considerabimus statum Epulonis in hac vita.
2. Eiusdem conditionem post hanc vitam.

I. *Par.*

Epulone vix quisquam videtur felicior in his terris.

1. Diues est. Viuit in abundantia.
2. Et non ex illis, qui non audent vti suis bonis. Eccles. 6. v. 2. sed lautè viuit. Epulatur splendide. Vestitur regaliter.

3. Nec

3. Nec est afflicta valetudine, quæ nauseam affert, sonder es schmecket jhme wohl. Quotidiè enim epulatur splendide.

4. Honesto loco habetur, utpote qui cognatos habet & fratres plures absque dubio etiam diuites.

Debat itaque studere pietati, & Deo gratias agere, pro his magnis donis. Et propter Deum benefacere pauperibus. At iuxta est impiissimus.

1. Non curat Moſen & Prophetas, ſicut nec fratres, quod ipſe innuit. verſ. 30.

2. Superbus eſt. Purpura quotidiè & byſſo induitur. Id Regium erat.

3. Potator eſt ſtrenuus, & epulo quotidianus.

4. Durus & immiſericors erga pauperes, & ſic erga Deum ingratus. verſ. 21.

Indignus itaq; quem terra ferat diutius. Ideoq; moritur & in terram reuertitur, poſt ſe cum gemitu relictis omnibus diuitiis: ut iam de ipſo non dicatur, quod ſit diues, ſed erat aliquando talis. *Es war ein mahl ein reicher.*

Lo c v s. Sic plerumque ſit, ut hi, qui præ cæteris à Deo ſunt affecti beneficiis, plerumque ſint omnium peſſimi & ingratiffimi.

1. Exiſtimant enim, qui ditiores ſunt & iuxta impij, ſeneque Deo, neque hominibus honorem vel obedienciam debere. Et contemnunt omnes admonitiones. Pſal. 73. verſ. 8.

2. Multum peccatur luxu. *Ἀσυντία* eſt in vino. Eph. 5. Manè ſurgitur ad bibendum. Eſa. 5. v. 11.

3. Modus in veſtitu non ſeruatur. Illum quoque veſtitum Deus execratur, qui non eſt conueniens perſonæ, tempori, &c. Eſa. 3. v. 16.

4. Maximè verò execratur illam erga pauperes immiſericordiam. Prou. 17. v. 5. Qui deſpicit. Non cibatiſ. Abite. Matth. 25. v. 45.

Notandum autem omnibus, quod diuitibus aliam viuendi regulam Paulus præſcribat. 1. Tim. 6. v. 17.

Dein-

Deinde non superbè iactandæ diuitiæ, sed potius cogitandum semper de eo, quod hic dicitur, Mortuus autem est & diues. O quàm amara mortis recordatio diuiti. Syrach. 41. *Noch dan noch muß es seyn.* Nec pecunia redimet à morte. Psalm. 49. vers. 8. Diuitiæ in die iræ nihil profunt. Prou. 11. v. 4.

Omnia relinquenda, & incertum quibus. Luc. 12. v. 20. & Eccles. 2. v. 18. Nudis egrediendum. Hiob. 1. v. 21. Eccles. 5. v. 14. Psalm. 49. v. 18. Et dicetur, Erat olim diues.

Hoc ergo agendum vt amicos facias ex diuitiis. Luc. 16. v. 9. qui testentur de operibus illis charitatis. Matth. 25. vers. 40.

Et vt relinquant famam honestam, quæ præstat diuitiis. Prou. 22. v. 1. Syrach. 42. v. 15. & 16.

Vt mortuus non sis in fabulam & prouerbium, sicut hic Epulo. De cæteris in 2. parte.

II. Pars.

Vidimus Epulonem diuitem, felicem in his terris. Iam verò magna sequitur Metamorphosis.

1. Pauper est, cui negatur guttula aquæ.
2. Cruciatur quotidie splendide.
3. Non purpura sed flammis infernalibus circumdatus.
4. Neque sperare potest redemptionem vllam. Hiatus. O miseriam, ô dolorem, ô gemitus.

L o c u s I. Hic quæso arrigite aures, vos qui estis diuites impij, vt lamentationes socij vestri purpurati ex flammis infernabilibus audiat, & ad animum reuocetis. Cogitate, quanta fortunæ facta sit mutatio. Et hoc probè scitote, quod quicumque in his terris sunt diuites, & iuxta impii, eosdem sint sensuri cruciatus.

Videte quanta sit diuitiarum vanitas, vt ne omnibus bonis vnâ aquæ guttulam possit redimere. Animaduertite, qui bona vestra accipitis in hac vita, quid dicat Abrahamus, Recepisti: iam mox cruciaberis. In flamma. Nec erit redemptio. Psalm. 49. Nūquid videmini vobis au-

H h h

dire

dire eulantem & plorantem atque stridentem dentibus? sed frustra. An putatis melius vobiscum actum iri? Minime verò. Non enim respiciet Dominus vel pecuniam, vel bona, nec purpuram, nec byssum, nec fratres quinque. Tolerabile esset id, quod vobis amarissimum videtur, scilicet mori corporaliter. At secunda vos exspectat mors. Apoc. 21. v. 8. *Ihr müßtet besser daran.*

Neque existimandum, propterea etiam post hanc vitam felices vos futuros, quia hic tales sitis.

I. Itaque regula illa Epicuræorum, (Ede, bibe, lude) longum valere iussa, Moser audite & Prophetas, qui vultis effugere gehennæ incendium.

2. *Quærite thesaurum cœlestem.* Matth. 6. v. 19. & 33. Coloss. 3. v. 1.

3. *Cauete à peccatis, quibus diues sibi hos accersuit cruciatus, de quibus in prima parte dictum.*

II. *Locvs.* Non offendamur si impij hic sint felices, diuites, &c. Hier. 12. Psal. 73. Hiob. 21. Psal. 37. Illic alia erit rerum facies. Nec quisquam sibi optet diuitias fallaces. 1. Tim. 6. v. 17. Imò noxias interdum. 1. Tim. 6. v. 9. propter corruptionem. Matth. 19. vers. 24. Beati qui sua sorte contenti viuunt. 1. Tim. 6. v. 6. Prou. 30. v. 7. *Pij hic pauperes, ibi omnes erunt diuites & gloriosi.*

F I N I S.

T H E M A XXX. CLASSIS IX.

Act. 12. v. 21 ad 24.

De Herode, qui percussus ab Angelo factus est σπένδω
ἀνκόβρωτ.

D I S P O S I T I O.

Tres leguntur in historia Euangelica Reges fuisse & Principes Iudææ, quibus singulis nomen fuit Herodis. Vnus ex illis Herodes Magnus, qui & Ascalonites Rex Iudææ & Gallileæ fuit. Is est qui infantes Bethlehemiticos occidit. Matth. 2.

Alter

Alter Herodes Antipas fuit filius Magni illius, atque hic Tetrarcha Iudææ fuit, & frater Philippi. Mali corui malum ouum. Is Ioannem Baptistam occidit. De hoc Luc. 3. v. 1. & Matth. 14. Tertius est Herodes cognominatus Agrippa, Rex Iudææ, filius Aristobuli, & nepos Herodis Magni.

Huius fit mentio in historia prælecta. Et hic est qui Iacobum occidit, Petrum carceri incluit. Act. 12. Et historia quidem Euangelij non facit mentionem, quo genere mortis perierint duo priores, at de terrio hoc loco legitur, quod singulari Dei iudicio fuerit, nouo quodam & inaudito in scripturis mortis genere, interemptus.

Hæc verò quia ad nostram admonitionem scripta sunt 2. Tim. 3. surdis auribus non sunt prætereunda.

Videamus itaque 1. insolentiam Regis huius.

2. Horrendum Dei iudicium aduersus ipsum.

I. Pars.

Postquam Herodes ille Agrippa Iacobum Apostolum occidisset, & gratum se Iudæis exæcatis fecisse intellexisset, Petrum etiam captū post Pascha populo sistere voluit, vt occideretur; at ipsum diuina prouidentia liberatum non potuit rapere ad supplicium.

Post verò ipse à Domino ad supplicium raptus fuit hac occasione. Anno quarto, postquam Rex totius Iudææ fuisset (vt referunt historiæ) venit Cæsaream, vbi celebravit festum maxima frequentia Iudæorum, editis ludis sumptuosissimis pro salute Claudij Cæsaris.

Altero ludorum die manè in Theatrum progreditur, indutus veste tota intertexta argenteis filis mirabili artificio, in quam cum primi radii solis incidere, splendorem ex reflexu spargebant tam illustrem, vt oculi intuentium perfringerentur fulgore vestis. Ipse orationem interim habebat ad populum pomposam & grauem atque splendidam. Quare assentatorum aliqui, Regem concionantem interpellantes acclamationibus, Deum appellabant, & veniam petebant, quod hætenus eum

tantum vt hominem timuerint, cum nunc supra humanam naturam augustiorem ipsius cum speciem, tum vocem, cernant atque audiant.

His vocibus Rex minimè offensus est, neque etiam assentatorum impios clamores compescuit: nec gloriam Deo dedit, vt Lucas habet.

Quomodo autem Deus suum honorem vindicarit, post dicetur.

L. Vide quousque procedat humani ingenij arrogantia & temeritas, vt qui donis à Deo sunt ornati, seipsos tandem sic admirentur interdum, vt se in solium diuinæ maiestatis collocare non vereantur. Hanc superbiam instillauit Satan Protoplastis, vt voluerint Deo esse similes. Gen. 3.v.5. non contenti sua felicitate. Sic multi non ex Magnatibus tantum, sed & alij, qui donis suis superbiunt, seipsos habent pro diis. Qui enim non cogitant illud, Quid habes quod non accepisti? I. Cor. 4.v.7. sed sibiipsis hoc tribuunt, Deum de solio deturbare conantur. Vide Esa. 37.v.24. Contra Sanherib. Et Esa. 10.v.13. Dan. 4.v.27.

Ideoque humilientur omnes sub potenti manu Dei vt exaltet suo tempore. I. Pet. 5.v.6.

Et quo quisque maior, tantò magis seipsum humiliet. Syr. 3.vers.20.

Notent hoc imprimis, magnates, nobiles, & qui in authoritate sunt constituti. Et sæpius repetant illud Dan. 4. in fine, & id Luc. 1.v.52.

Cogitent omnes, puluis & cinis es. Quid igitur superbis? Syr. 10. vers.9. Et id Syr. 40. v.1. iuxta Latin.

II. Sicut superiores non debent delectari vocibus assentatorum: ita inferiores non debent vltra quam par est admirari eos, qui non sunt nisi homines. Et sic Christiani vtrinque caueant adulationes. Nulla vnquam nocentior pestis adulatione. Adulator enim quasi venenum instillat auditori: & interim vel est hypocrita, vel Idololatra, qui hominem colit vt Deum, aut tantum simulat venerationem. Et vterque punitur à Deo, vt sequitur.

II. Pars.

Honorem meum alteri non dabo, ait Dominus. Esa. 42. Cum itaque hunc honorem sibi rapuisset Herodes singulari supplicii genere punitur. Et quidem è vestigio percutitur ab Angelo. Neque etiam dignum ipsum iudicat Dominus, ut occidatur ab Angelo eo momento, vel ut armata manu pereat, sed in perpetuam illius ignominiam vermium esca fieri cogitur, dum adhuc viuit. Et quot vermes sensit, tot ipsi sunt immissi carnifices, qui iugulum ipsius petant. Nec quisquam est, qui huic malo medicinam faciat. Historiæ referunt, ipsum post maximos cruciatus quinto die extinctum fuisse. Factum hoc, anno post resurrectionem Christi duodecimo, anno tertio Cæsaris Claudii.

L. I. Memorabile exemplum est iudicii diuini, qui superbos, Tyrannos, persecutores & quoscunque alios, sic debellare potest, ut ne à vilissimis quidem animalculis possint sese defendere omni sua potentia. Pharaonem pediculi infestant. Exod. 8. v. 19. Vide exercitum Domini, Ioël. 2. v. 25.

Nec desunt exempla Magnatum, qui à muribus intercepti sunt, ut Hatto Episcopus Moguntinus: Item Wilderolphus Episcopus Argentinensium, Anno 997. Et Popielus Polonorum princeps. Sic & Nobilis quidam An. 1056. A vermibus & pediculis erosi præter hunc Herodem leguntur, Antiochus Epiphanes, Herodes Magnus auus huius, Iulianus, Apostata illius Synonimi auunculus, Galerius Maximinus Imperator, Honoricus Rex Vandalarum, Arnulphus septimus à Carolo Magno Imperator &c. Et haud ante multos annos potentissimus quidam Rex morbo pediculari extinctus scribitur. Pontificem Hadrianum quartum musca suffocauit gutturi adhærens.

Itaque dicant omnes, Non nobis sed nomini tuo da gloriam. Psal. 115. v. 1. Et Deum timeant si non velint experiri ipsius vindictam. Nullibi tuti impii. Amos 9. vers. 3. Obad. 1. vers. 4.

L.II. Tyrannorum & impiorum quorumcunque potentiam & vim non tantoperè metuendam cernimus: qui nec seipfos ab iniuria vermium defendere possunt. Deum timeamus atque ipsi confidamus.

THEMA XXXI. CLASSIS IX.

Apocalypf. 20. in fine.

Qui non inuentus est in libro vitæ scriptus, coniectus est in stagnum ignis.

DISPOSITIO.

In hoc capite describit Ioannes processum iudiciale, obseruandum in die nouissimo. Et ostendit mortuos magnos atque pusillos, sistendos coram tribunali Dei, & iudicandos ex libris aperiendis. Ex his libris vnum vocat librum vitæ, in quo qui non inuentus fuerit atroci sententia iudicis damnandus sit. Quia autem hæc non sunt futura spectacula ridicula & inania, de his nobis erit cogitandum accuratius. Vt autem rem omnem intelligamus, tria hoc loco notanda erunt.

1. Qualis sit ille liber vitæ.
2. Quinam inscripti sint, vel non.
3. Quid de non inscriptis fiat.

I. Pars.

Initio notandum, scripturam his de rebus iuxta captum nostrum loqui, non quod Deus talem aliquem librum chartaceum in manu sua, aut tablino suo habeat, qui ex papyro vel membrana sit confectus, in quo literis & atramento scribantur nomina hominum, sicut habent Magistratus singularum ciuitatum suam scriptam con signationem ciuium. Aut sicut Dux exercitus habet con signationem militum. Muster Register. Talia enim in Deum non cadunt, qui non ex indice demum suos cognoscere cogitur, sed iam nouit exactissimè, qui sint sui. 2. Tim. 2. v. 19. Dicuntur autem hæc de Deo vsitata metaphora seu ἀνθρώπινα παρὰ τῆς ἀληθείας, iuxta humanarum actionum modum, ut intelligere possimus aliquid. Est

Est autem liber ille vitæ, Iesus Christus, in quo ab æterno sumus electi & prædestinati & adoptati in filios, & chari redditi. Eph. 1. v. 5. & seqq. atq; etiam in tempore per sacramenta initiationis inscripti, & populo Dei assignati.

De hoc libro vitæ exstant plures scripturæ loci. Exod. 32. v. 33. Psal. 69. v. 29. Dan. 12. v. 1. Phil. 4. v. 3. Apoc. 3. vers. 5. & 13. v. 8. & 17. v. 8. & 21. v. 27.

Dicuntur alibi etiam nomina scripta in cælo, quod idem est. Luc. 10. v. 20. Hebr. 12. vers. 23. Esa. 4. v. 3. Inter viuentes scripti sunt.

Et certè Christus iubet gaudere eos, quorum nomina inscripta sunt. Luc. 10. v. 20.

II. Pars.

Erit itaque dispiciendum nobis, quinam inscribantur in librum vitæ. Et hoc quidem non in arcano Dei consilio quærendum nec statuendus fatalis aliquis electorum (ex absoluto Dei decreto) numerus, qui nec augeri nec minui possit: sed ex dictis iam allegatis facile est colligere, quinam sint inscripti, qui non.

Constat autem inscriptos esse solos in Christum credentes, qui fide iustificati in beato illo electorum numero assignati sunt. Et iustos inscribi Psal. 69. vers. 29. innuit. Hos etiam liberandos Daniel, & sanctos appellandos, Esaïas, atque angelis aggregandos, Epistola ad Hebræos, locis suprâ citatis testantur. Et apertis libris Dan. 7. v. 10. Apoc. 20. v. 12. tantum nomina eorum legentur, & inter angelos assumuntur, qui fideles & pii, Iesu Christo ad finem vsque vitæ adhæserunt. Qui vicerit eum non delebo. Apoc. 3. vers. 5. sed confitebor nomen eius coram patre & angelis. Sub Euangelio enim his certandum & persecutandum. Phil. 4. vers. 4. Hi non adorant bestiam. Apoc. 13. vers. 8. & 17. vers. 8. De impiis verò & infidelibus scriptura pronunciat, quod vel non inscribantur cum iustis Psal. 69. vers. 29. vel deleantur. Et hoc idem est, quod non inscribi. Quia Psalter hæc duo coniungit, ut posterius sit explicatio prioris. Notanda autem grauis illa Dei sen-

tentia Ex. 32. v. 33. Delebo de libro vitæ eum qui peccauerit. Idem minatur Psalmus iam sæpè allegatus impiis omnibus, persecutoribus & inimicis Christi. Vide ibi.

Tales in librum vitæ nunquam sunt relati ab exordio mundi. Apoc. 17. vers. 8. Possent habere partem in libro vitæ. Sed non credunt. Ergo non inscribuntur, aut pro delictis habentur.

III. Pars.

At ne quis dicat, Mihi perinde est, siue sim inscriptus siue non. Et si non inueniar in libro illo, forsitan obliuiscetur mei Dominus, vt si maximè in cælos non assumar, tamen etiam mihi non detur locus in inferno &c. [Sic enim ludere solent prophanae mentes, cum his diuinis mysteriis.] Ideoque iam tertio loco ex verbis prælectis discamus, quid futurum sit de non inscriptis: Qui non inuentus erit in libro vitæ, conicietur in stagnum ignis, præcipitabitur in infernum. Etenim vbi ante Thronum Domini congregati fuerint omnes populi, tantum hi hæreditatis cælestis futuri sunt participes, qui inuenientur habere ius ciuitatis, & *πολίτευμα* in cælis. Phil. 3. v. 20. *Ἐingeschriebene Bürger*.

Cæteri omnes rapiuntur à Diabolis ad ima tartara. Nec quisquam effugiet. Præter cælum enim & infernum nullus erit locus alius. Et qui non assumentur in cælos, ad inferos detrudentur. Ibi ploratus, ignis & vermis. &c. De quibus supra sapius dictum in præcedentibus. Hæc cum ita sint, opera danda, vt simus & stemus in fide. 2. Cor. 13. v. 5. & 1. Cor. 16. vers. 13. vtque electionem firmam faciamus. 2. Pet. 1. vers. 10. & sancta conuersatione expectemus Dominum. 2. Pet. 3. v. 11. & 14.

Et hoc studiosè caueamus ne stipulationem in baptismo initam nefariè violemus, & partem, quam in libro vitæ, per meritum Christi & vocationem, habere potuissemus, amittamus &c.

FINIS CLASSIS NONÆ.

AP-

A P P E N D I X

Primæ partis Promptuarij Exequialis, siue auctarium,

Continens

QVÆSTIONES BREVES
EX DIVERSIS LIBRIS AVGVSTINI

desumptas, & iucundas, & vtilis, & materiæ
huic, quæ in præcedentibus tractata
est, conuenientes.

QVÆSTIO AVGVSTINIANA I.

*Vtrum proſit aliquid animæ mortui lo-
cus corporis ſui.*

Primùm, Vtrum interſit aliquid ad inferendam *lib. De cu-*
vel augendam miſeriam poſt hanc vitam ſpiriti- *ra pro mor-*
bus hominum, ſi eorum corpora ſepulta non fue- *tuis. Cap. 2.*
rint: non ſecundum opinionem vtcunq; vulgatam, *Tom. 4.*
ſed potius ſecundum Religionis noſtræ ſacras lite-
ras eſt videndum. Neque enim credendum eſt, ſicut
apud Maronem legitur, inſepultos nauigando atq;
tranſeundo inferni amne prohiberi, quia ſcil. Nec
datur horrendas, nec rauca fluentia, Transportare
prius, quam ſedibus oſſa quierunt. Quis cor Chri-
ſtianum inclinet his poëticiſ fabuloſiſq; figmentis,
cum Dominus Ieſus, vt inter inimicorum manus
qui eorum corpora in poteſtate haberent, ſecuri oc-
cumberent Chriſtiani, nec capillum capitis eorum
aſſerat periturum, exhortans, ne timeant eos, qui
cum corpus occiderint, amplius non habent quod
faciant. Vnde in primo libro de Ciuitate Dei ſatis,
quantum exiſtimo, ſum locutus, vt eorum dentem
retunderem, qui Barbaricam vaſtitaſtem, præcipuè
quam nuper Romæ perpeſſa eſt Chriſtianis tempo-
ribus imputando, illud etiam obiiciunt, Quod ſuis

Hhh s illic

illic non subuenerit Christus. Quibus cum responsum fuerit, animas fidelium pro fidei suæ meritis ab illo fuisse susceptas, insultant de cadaueribus inscruptis. Totum itaque istum de sepultura locum verbis talibus explicaui.

*Libr. 1. De
Cinit. Dei.
Capit. 12.
Tom. 5.*

At, inquam, in tanta strage cadauerum nec sepeliri potuerunt. Neque istud pia fides nimium reformidat tenens prædictum. Nec absumentes bestias resurrectoris corporibus obfuturas, quorum capillus capitis non peribit, nullo modo diceret veritas: Nolite timere eos, qui corpus occidunt, animam autem non possunt occidere. Si quicquam obesset futuræ vitæ, quid inimici de corporibus occisorum facere voluissent? Nisi fortè quispiam sic absurdus est, ut contendat eos, qui corpus occidunt, non debere timeri ante mortem, ne corpus occidant, & timeri debere post mortem, ne corpus occisum sepeliri non sinant. Falsum est ergo quod ait Christus, qui corpus occidunt, & postea non habent, quid faciant, si habent tanta, quæ de cadaueribus faciant. Absit ut falsum sit, quod veritas dixit. Dictum est enim aliquid eos facere, cum occidunt, quia in corpore sensus est occidendo: postea verò nihil habere quod faciât, quia nullus sensus est in corpore occiso. Multa itaq; corpora Christianorum terra non textit, sed nullum eorum quisquam à cœlo & à terra separauit, quam totam implet præsentia sui, qui nouit vnde resuscitet, quod creauit. Dicitur quidem in Psalmo: Posuerunt mortalia seruorum tuorū escam volatilibus cœli, carnes sanctorum tuorū bestiis terræ. Effuderunt sanguinem eorum sicut aquam in circuitu Hierusalem, & non erat qui sepeliret: sed magis ad exaggerandam crudelitatem eorum; qui ista fecerunt, non ad eorum infelicitatem, qui ista perpessi sunt. Quamuis enim hæc in conspectu hominum dura & dira videantur: sed pretiosa in conspectu Domini

mini mors sanctorum eius. Proinde omnia ista, id est, curatio funeris, conditio sepulturæ, pompa exequiarum, magis sunt viuorum solatia quam subsidia mortuorum. Si aliquid prodest impio pretiosa sepultura, oberit pio vilis aut nulla, præclaras exequias in conspectu hominum exhibuit purpurata illi diuiti turba famulorum, sed multo clariores in conspectu Domini huculeroso illi pauperi ministerium præbuit Angelorum, qui eum non extulerunt in marmoreum tumulum, sed in Abrahamæ gremium sustulerunt. Rident hæc illi, contra quos defendendam suscepimus Ciuitatē Dei. Veruntamen sepulturæ curam etiam eorū Philosophi contempserunt: & sæpè vniuersi exercitus, dum pro terrena patria morerentur, vbi postea iacerent, vel quibus bestiis esca fierent, non curarunt. Licuitque de hac re plausibiliter poëtis dicere: Cælo tegitur, qui non habet urnam.

Quantò minus debent de corporibus insepultis insultare Christianis, quib. & ipsius carnis & membrorum omnium reformatio, non solum ex terra, verum etiam ex aliorum elementorum secretissimo sinu, quò dilapsa cadauera recesserunt, in temporis puncto reddenda & reintegranda promittitur.

Q V Æ S T I O I I.

Qua sit ratio sanctorum corpora sepeliendi.

NEc ideò tamen contemnenda & abiicienda sunt corpora defunctorum, maximeque iustorum atque fidelium, quibus tanquam organis & vasculis ad omnia bona opera, sanctus vsus est Spiritus. Si enim paterna vestis & annulus, ac si quid huiusmodi tanto charius est posteris, quanto erga parentes maior extitit affectus, nullo modo ipsa spernenda sunt corpora, quæ utique multò coniunctius atque familiarius, quam quælibet indumenta gestamus.

Hæc

Cap. 13. lib. 1. De Ciuitate Dei. Et in lib. de cura pro mortuis ad Paulinum, cap. 3.

Hæc enim non ad ornamentum vel adiutorium, quod adhibetur extrinsecus; sed ad ipsam naturam hominis pertinent. Vnde & antiquorum iustorum funera officiosa pietate curata sunt; & exequiæ celebratæ, & sepultura prouisa: ipsique dum uiuerent, hæc de sepeliendis vel etiam transferendis suis corporibus filiis mandauerunt. Et Tobias sepeliendo mortuos, Deum promeruisse, teste Angelo, cōmendatur. Ipse quoq; Dominus die tertio resurrecturus, & religiosæ mulieris bonum opus prædicat, prædicandumque commendat, quod vnguentum pretiosum super membra eius effuderit, atque hoc ad eum sepeliendum fecerit. Et laudabiliter commemorantur in Euangelio, qui corpus eius de cruce acceptum diligenter atq; honorificè regendum sepeliendumque curarunt. Verùm istæ autoritates non hoc admonent, quod insit ullus cadaueribus sensus: sed ad DEI prouidentiam, cui placent etiam talia pietatis officia, corpora quoq; mortuorum pertinere significāt, propter fidem resurrectionis astruendam. Vbi & illud salubriter discitur, quanta possit esse remuneratio pro eleemosynis, quas uiuentibus & sentientibus exhibemus, si neque hoc apud DEVM perit, quod exanimis hominum membris officij diligentiaque persoluitur. Sunt quidem & alia, quæ sancti patriarchæ de corporibus suis vel condendis, vel transferendis prophetico spiritu intelligi dicta voluerunt. Non autem hic locus est, ut ea pertractemus, cū sufficiant ea quæ diximus. Sed si ea, quæ sustentandis uiuentibus sunt necessaria, sicut victus & amictus, quamuis cum graui afflictione desint, non frangunt in bonis perferendi tolerandique virtutem, nec eradicant ex animo pietatem, sed exercitatem faciunt fœcundiores, quanto magis cum desunt ea, quæ curandis funeribus condendisq; corporibus defunctorum adhiberi solent, non efficiunt

misc-

miseros in occultis piorum sedibus iam quietos? Ac per hæc quando ista cadaueribus Christianorum in illa magnæ vrbis, vel etiam aliorum oppidorum vastatione defuerunt, nec viuorum culpa est, qui non potuerunt ista præbere, nec pœna mortuorum, qui non possunt ista sentire.

QVÆSTIO III.

De captiuis sanctis, an solatio careant.

SEd multi, inquit, Christiani etiam captiui ducti sunt. Hoc sanè miserrimum est, si aliquò duci Cap. 14.
lib. 1. potuerunt, vbi Deum suum non inuenerunt. Sunt in scripturis sanctis huius etiam cladis magna solatia. Fuerunt in captiuitate tres pueri, fuit Daniel, fuerunt alij Prophetæ, nec DEVS defuit consolator. Sic non deseruit fideles suos sub damnatione gentis, licet barbaræ, tamen humanæ, qui Prophetam non deseruit, nec in visceribus beluæ. Hoc quoque illi, cum quibus agimus, malunt irridere quàm credere: qui tamen in suis literis credunt Arionem Methymnæum, nobilissimum citharistam, cum esset deiectus è naui, exceptum Delphini dorsum, & ad terram esse prouectum. Verùm illud nostrum de Iona propheta incredibilius est, planè incredibilius, quia mirabilius: Et mirabilius, quia potentius.

QVÆSTIO IV.

*Vtrum liceat homini seipsum occidere metu
pœnæ vel dedecoris.*

NAm utiq; si non licet priuata potestate hominem occidere vel nocentem, cuius occidendi licentiam lex nulla concedit, profectò etiam qui se ipsum occidit, homicida est. Et tanta fit nocentior, cum se occiderit, quanto innocentior in ea causa fuit, qua se occidendum putauit. Nam si Iudæ factum Cap. 17.

etiam meritò detestamur, eumque veritas iudicat, cum se laqueo suspendit, sceleratæ illius traditionis auxisse potius quam expiasse commissum, quoniam Dei misericordiam desperando exitiabiliter pœnitens, nullum sibi salubris pœnitentiæ locum reliquit: quanto magis à sua nece se abstinere debet, qui tali supplicio, quid in se puniat, non habet. Iudas enim cum se occidit, sceleratum hominem occidit: & tamen non solum Christi, verum etiam suæ mortis reus finiuit hanc vitam, quia licet propter suum scelus, alio scelere occisus est.

Hoc pertinent etiam sequentia verba Augustini.

*Lib. I. cap.
20.*

Neque enim frustra in sanctis canonicisq; libris, nusquam nobis diuinitus præceptum permissumvè reperiri potest: vt vel ipsius adipiscendæ immortalitatis, vel vllius carendi cauendivè mali causa, nobismetipsis necem inferamus. Nam & prohibitos nos esse intelligendum est, vbi lex ait: Non occides: præsertim, quia non addidit, proximum tuum, sicut falsum testimonium, cum veraret: falsum, inquit, testimonium non dices aduersus proximum tuum. Nec ideò tamè si aduersus seipsum quisquam falsum testimonium dixerit, ab hoc crimine se putauerit alienum: quoniam regulam diligendi proximum à semetipso dilector accepit, quandoquidem scriptum est: Diliges proximum tuum, sicut teipsum. Porro si falsi testimonij non minus reus est, qui de seipso falsum fatetur, quam si aduersus proximum hoc faceret: cum in eo præcepto, quo falsum testimonium prohibetur, aduersus proximum prohibeatur, possitq; nō rectè intelligentibus videri, non esse prohibitum, vt aduersus seipsum quisquam falsus testis assistat: quantò magis intelligendum est, non licere homini seipsum occidere, cum in eo quod scriptum est: Non occides, nihilo deinde addito, nec ipse utique cui præcipitur, intelligatur exceptus. Vnde quidam

dam hoc præceptum etiam in bestias ac pecora cō-
nantur extendere, vt ex hoc etiam nullum eorum
liceat occidere. Cur non ergò & herbas, & quicquid
humo radicitus alitur ac figitur? Nam & hoc genus
rerum, quamuis non sentiat, dicitur viuere: ac per
hoc potest & mori, proinde etiam cum vis adhibe-
tur, occidi. Vnde & Apostolus, cum de huiusmodi
seminib. loqueretur: Tu, inquit, quòd seminas, non
uiuificatur, nisi prius moriatur. Et in Psalmo scriptū
est: Occidit vites eorum in grandine. Nūquid igitur
ob hoc cum audiuius: Nō occides, virgultum vel-
lere nefas dicimus, & Manichæorum errori insanis-
simè acquiescimus? His igitur deliramētis remotis,
cum audimus: Non occides, si propterea nō accipi-
mus, hoc dictum esse de fruteris: quia nullus est eis
sensus, nec de irrationalib. animantibus, volatilibus
natatilibus, ambulātibus, reptilibus: quia nulla no-
bis ratione sociantur, quam non eis datū est nobis-
cum habere cōmunem. Vnde iustissima ordinatio-
ne creatoris, & vita & mors eorū nostris vsibus sub-
ditur. Restat vt de homine intelligamus, quod dictū
est: Non occides: non alterum ergò, nec te. Neque
enim qui se occidit, aliud quàm hominem occidit.

Quasdam verò exceptiones eadem ipsa diuina *Lib. I. c. 23*
fecit autoritas, vt non liceat hominem occidi. Sed
his exceptis, quos Deus occidi iubet, siue data lege,
siue ad personam pro tempore expressa iussione.
Non autem ipse occidit, qui ministerium debet iu-
benti, sicut adminiculum gladius est vtenti. Et ideò
nequaquam contra hoc præceptum fecerunt, quo
dictum est: Non occides, qui Deo authore bella gef-
serunt, aut personam gerentes publicę potestatis se-
cundum eius leges, hoc est, iustissimæ rationis im-
perium, sceleratos morte punierunt. Et Abraham
non solum non est culpatus crudelitatis crimine,
verum etiam laudatus est nomine pietatis, quod vo-
luit

luit filium nequaquam sceleratè, sed obedienter, occidere. Et meritò quæritur, vtrum pro iussu Dei sit habendum, quòd Iephte filiam, quæ patri occurrit, occidit, cùm se immolaturum Deo id vouisset, quod ei redeunti de prælio victori primitus occurrisset. Nec Samson aliter excusatur, quod seipsum cum hostibus ruina domus oppressit: nisi quia Spiritus latenter hoc iusserat, qui per illum miracula faciebat. His igitur exceptis, quos vel lex iusta generaliter, vel ipse fons iustitiæ Deus specialiter occidi iubet, quisquis hominem vel seipsum, vel quemlibet occiderit, homicidij crimine innectitur.

Q V Æ S T I O V.

Cur ab his, qui per gratiam regenerationis sunt absoluti à peccato, non auferatur mors, id est, pœna peccati?

Lib. 13c. 4.

SI quem mouet, cur vel ipsam patiantur, si & ipsa pœna peccati est, quorum per gratiam reatus aboletur: iam ista quæstio in alio nostro opere, quod scripsimus de Baptismo paruulorum, tractata ac soluta est, vbi dictum est: Ad hoc relinqui animæ experimentum separationis à corpore, quamuis ablato iam criminis nexu. Quoniam si regenerationis sacramētum continuò sequeretur immortalitas corporis, ipsa fides eneruaretur, quæ tunc est fides, quando exspectatur in spe, quod in re nondum videtur. Fidei autem robore atque certamine in maioribus duntaxat ætatibus etiam mortis fuerat superandus timor, quod in sanctis Martyribus maximè eminebat: cuius profectò certaminis esset nulla victoria, nulla gloria: quia nec ipsum omninò posset esse certamen, si post lauacrum regenerationis iam sancti non possent mortem perpeti corporalem. Cum paruulis autem baptizandis quis non ad Christi

sti gratiam propterea potius curreret, ne à corpore solueretur? Atq; ita non inuisibili præmio probaretur fides: sed iam nec fides esset, confestim sui operis querendo & sumendo mercedem. Nunc vero maiore & mirabiliore gratia Saluatoris in vsus iustitiæ, peccati pœna conuersa est. Tunc enim dictum est homini: Morieris si peccaueris. Nunc dicitur Martyri: Morete, ne pecces. Tunc dictum est: Si mandatum transgressi fueritis, morte moriemini. Nunc dicitur: Si mortem recusaueritis, mandatum transgrediemini. Quod tunc timendum fuerat, vt non peccaretur: nunc suscipiendum est, ne peccetur. Sic per ineffabilem Dei misericordiam, & ipsa pœna vitiorum transit in arma virtutis, & fit iusti meritum etiam supplicium peccatoris. Tunc enim mors est acquisita peccando, nunc impletur iustitia moriendo. Verùm hoc in sanctis Martyribus, quibus alterutrum à persecutore proponitur, vt aut deserant fidem, aut sufferant mortem. Iusti enim malunt credendo perpeti, quod sunt primi iniqui non credendo perpeffi. Nisi enim peccassent illi, non morerentur: peccabunt autem iusti, nisi moriantur. Mortui sunt ergò illi, quia peccauerunt: non peccant isti, quia moriuntur. Factum est per illorum culpam, vt veniretur in pœnam: fit per istorum pœnam, ne veniatur in culpam: non quia mors bonum aliquod facta est, quæ antea malum fuit, sed tantam Deus fidei præstitit gratiam: vt mors, quam vitæ cōstat esse contrariam, instrumentum fieret, per quod transiretur in vitam.

Q V Æ S T I O VI.

An non pœna sit maior delicto in damnatis.

Hic quidam eorum, contra quos defendimus ci- Lib. 21. c. 11.
uitatem Dei, iniustum putant, vt pro peccatis,
quamlibet magnis, paruo licet tempore perpetra-

tis pœna quisque damnetur æterna, quasi vllius id
 vnquam iustitia legis attendat, vt tanta mora tem-
 poris quisq; puniatur, quanta mora temporis vnde
 puniretur, admisit. Octo genera pœnarum in legi-
 bus esse scribit Tullius, Damnum, vincula, verbe-
 ra, talionem, ignominiam, exilium, mortem, ser-
 uitutem. Quid horum est, quod in breue tempus
 pro cuiusque peccati celeritate coartetur, vt tanta
 vindicetur morula, quanta deprehenditur perpetra-
 tum, nisi fortè talio? Id enim ait, vt hoc patiatur
 quisq; quod fecit. Vnde illud est legis: Oculum pro
 oculo, dentem pro dente. Fieri enim potest, vt tam
 breui tempore quisque amittat oculum seueritate
 vindictæ, quem tulit ipse alteri improbitate pecca-
 ti. Porro autem si alienę sceminæ osculum infixum,
 rationis sit verberare vindicare, nōne qui illud pun-
 cto temporis fecerit, incomparabili horarum spatio
 verberatur, & suauitas voluptatis exiguæ diuturno
 dolore punitur? Quid in vinculis? Nunquid ibi tam
 diu quisq; iudicandus est esse debere, quā diu fe-
 cit, vnde meruit alligari, cum iustissimè annos pœ-
 nas seruus in compedibus pendat, qui verbo aut i-
 ctu celerrimè transeunte vel laceffuit Dominum,
 vel plagauit? Iam verò damnum, ignominia, exi-
 lium, & seruitus, cum plerumque sic infliguntur, vt
 nulla venia relaxentur, nōne pro huius vitæ modo
 similia pœnis videntur æternis? Idcō quippe æterna
 esse non possunt, quia nec ipsa vita, quæ his plecti-
 tur, porrigitur in æternum, & tamen peccata, quæ
 vindicantur longissimi temporis pœnis, breuissimo
 tempore perpetrantur, nec quisquam extitit, qui
 censuerit tam citò nocentium finiēda esse tormen-
 ta, quāmcitò factum est vel homicidium, vel adul-
 terium, vel sacrilegium, vel quodlibet aliud scelus,
 non temporis longitudine, sed iniquitatis & impie-
 tatis magnitudine metiendum. Qui verò pro aliquo
 gran-

grandi crimine morte mulctatur, numquid mora, qua occiditur, quæ perbreuis est, eius supplicium leges breue existimant, & non quod cum in sempiternum auferunt de societate viuentium? Quod est autem de ista ciuitate mortali homines supplicio primæ mortis, hoc est, de illa ciuitate immortalis homines supplicio secundæ mortis auferre. Sicut enim non efficiunt leges huius ciuitatis vt in eam quisque reuocetur occisus, sic nec illius leges ciuitates admittunt, vt ad eius quis vltra beatitudinem reuocetur æternam, secunda morte damnatus. Quomodo ergo verum est, inquiunt, id, quod ait Christus vester: In qua mensura mensi fueritis, in ea remetietur vobis, si temporale peccatum supplicio punitur æterno? Nec attendunt non propter æquale temporis spatium, sed propter vicissitudinem mali, id est, vt qui mala fecerit, mala patiatur, eandem dictam fuisse mensuram, quamuis hoc in ea re propriè possit accipi, de qua Dominus cum hoc diceret loquebatur, id est, de iudiciis & condemnationibus. Proinde qui iudicat & condemnat iniuste, si iudicatur & condemnatur iuste, in eadem mensura recipit, quamuis non hoc quod dedit. Iudicio enim fecit, iudicio patiatur. Quamuis enim fecerit damnationem, quod iniquum est, patiatur damnationem, quod iustum est.

Huc pertinent etiam sequentia.

Sed poena æterna ideò dura & iniusta sensibus videtur humanis, quia in hac infirmitate moribundorum sensuum deest ille sensus altissimæ, purissimæque sapientiæ, quo sentiri possit, quantum nefas in illa prima præuicatione commissum sit. Quanto enim magis homo fruebatur Deo, tanto maiore impietate dereliquit Deum, & factus est malo dignus eterno, qui hoc in se peremit bonum: quod esse posset in

Lib. 21. c. 12.

æternum. Hinc est vniuersa generis humani massa damnata, quoniam qui hoc primitus admisit cum ea, quæ in illo fuerat radicata sua stirpe, punitus est, vt nullus ab hoc iusto debitoq; supplicio, nisi misericordia & indebita gratia liberetur, atq; ita disper-tiatur genus humanum, vt in quibusdam demon-stratur, quid valeat misericors gratia, & in cæteris, quid iusta vindicta. Neque enim vtrunque demon-straretur in omnibus, quia si omnes remanerent in pœnis iustæ damnationis, in nullo apparet miseri-cors gratia redimentis: rursus si omnes à tenebris transferrêtur in lucem, in nullo appareret seueritas vltionis. In qua propterea multo plures, quàm in il-la sunt, vt sic ostendatur, quid omnibus deberetur. Quod si omnibus redderetur, iustitiam iudicantis iustè nemo reprehenderet. Quia verò tam multi ex-inde liberantur, est vnde agantur maximæ gratiæ gratuito muneri liberantis.

Q V Æ S T I O VII.

An certa sit resurrectio mortuorum?

Lib. 22. c. 12

SED scrupulosissimè quærere, & fidè, qua credimus resurrectionem carnem, ita quærendo assolent ir-ridere, vtrum foetus abortiui resurgant. Et quoniam Dominus ait: Amen dico vobis, capillus capitis ve-stri non peribit: vtrum statura & robur æqualia fu-tura sint omnibus, an diuersæ corporum quantita-tes? Si enim æqualitas corporum erit, vnde habe-bunt, quod hic non habuerunt in mole corporis il-li abortiui, si resurgent & ipsi: aut si non resurgent, quia nec nati sunt, sed effusi? Eandem quæstionem de paruulis versant: vnde illis mensura corporis, quam nunc defuisse videmus, accedat, cum in hac ætate moriuntur. Neque enim dicturi sumus, eos non resurrecturos, qui non solum generationis, ve-rum etiam regenerationis capaces sunt. Deinde in-
terro-

terrogant, quemadmodum ipsa æqualitas habitura sit. Si enim tam magni & tam longi erunt omnes, quàm fuerunt quicunque hic fuerunt maximi atq; longissimi, non solum de paruulis, sed & de pluribus magnis quærunt, vnde illis accessurum sit, quod hic defuit, si ibi hoc quisq; recipiet, quod hîc habuit. Si autem, quod ait Apostolus, occursuros nos omnes in mensuram ætatis plenitudinis Christi, & illud alterum, quos prædestinauit conformes fieri imaginis filij sui: sic intelligendum est, vt statura & modus Christi corporis omnium, qui in regno huius erunt, humanorum corporum sit futurus: multis erit, inquirunt, de magnitudine & longitudine corporis detrahendum. Et vbi iam erit: capillus capitis vestri non peribit, si de ipsa corporis quantitate tam multum peribit? Quamuis & de ipsis capillis possit inquiri, vtrum redeat quicquid tondentibus decedit. Quod si rediturum est, quis non exhorreat illam deformitatem? Nam hoc & de vnguibus videtur necessario secuturum, vt redeat tam multum, quod corporis cura defecuit. Et vbi erit decus, quod certè maius, quàm in ista esse corruptione potuit: in illa iam immortalitate esse debebit? Si autem non redibit, ergo peribit: quomodo ergo inquirunt, capillus capitis vestri non peribit? De macie quoq; vel pinguedine, similiter disputant. Nam si æquales omnes erunt, non utiq; alij macri, alij pingues erunt. Accedet ergo aliis aliquid, aliis minuetur. Ac per hoc, non quod erat recipiendum, sed alicubi addendum est, quod non fuit: & alicubi perdendum, quod fuit. De ipsis etiam corruptionibus & dilapsionibus corporum mortuorum, cum aliud vertatur in puluerem, in auras aliud exhaletur, siue quos bestix, siue quos ignis absumat, naufragio, vel quibuscunq; aquis, ita quidem pereant, vt eorum carnes in humorem putredo dissoluat, non mediocriter permouen-

tur: atq; omnia ista recolligi in carnem & reintegrari posse non credunt. Consectantur etiam quasdam foeditates, & vitia, siue accidunt, siue nascuntur: vbi & monstrosos partus cum horrore atque irrisione commemorant & requirunt, quamam cuiusque deformitatis resurrectio sit futura. Si enim nihil tale redire in corpus hominis dixerimus, responsionem nostram de locis vulnerum, cum quibus Dominum nostrum Christum resurrexisse prædicamus, se confuturos esse præsumunt. Sed inter hæc omnia quaestio illa difficillima præponitur, in cuius carnem reditura sit caro, qua corpus alterius vescentis humana viscera fame compellente nutritur. In carnem quippe conuersa est eius, qui talibus vixit alimentis: & ea, quæ macies ostenderat, detrimenta suppluit. Vtrum ergo hoc illi redeat homini, cuius caro prius fuit, an illi potius, cuius postea facta est? ad hoc percontantur, vt fidem resurrectionis illudant: ac sic animæ humanæ, aut alternantes, sicut ait Plato: veras infelicitates, falsasq; promittat beatitudines: aut post multas itidem per diuersa corpora reuolutiones, aliquando tamen eam, sicut dicit Porphyrius, finire miseras, & ad eas nunquam redire fateantur: non tamen corpus habendo immortale, sed corpus omne fugiendo.

QVÆSTIO VIII.

An abortiui etiam sint resurrecturi.

Lib. 22. c. 13

AD hæc ergo, quæ ab eorum parte contraria, me digerente, mihi videntur opposita, misericordia Dei meis nisibus opem ferente, respondeam. Abortiuos foetus, qui cum iam vixissent in utero, ibi sunt mortui, resurrecturos vt affirmare, ita negare non audeo: quamuis non videam, quomodo ad eos non pertineat resurrectio mortuorum; Aut enim non omnes mortui resurgent, & erunt aliqua hu-
manæ

manæ animæ sine corporibus in æternum, quæ corpora humana, quamuis intra viscera materna gestârunt: aut si omnes animæ humanæ recipiant resurrectionis suæ corpora, quæ habuerunt vbicunq; viuentia, & morientia reliquerunt, non inuenio, quemadmodum dicam, ad resurrectionem non pertinere mortuorum, quoscunque mortuos etiam in vteris matrum. Sed vtrumlibet de his quisq; sentiat, quod de iam natis infantibus dixerimus: hoc etiam de illis intelligendum est, si resurgent.

QVÆSTIO IX.

*Quo corporis habitu resurrecturi sint
infantes.*

Quid ergò de infantibus dicturi sumus, nisi quia *Lib. 22. c. 14*
non in ea resurrecturi sunt corporis exiguitate, qua mortui? Sed quod eis tardius accessurum erat tempore, hoc sunt illo Dei opere miro, atq; celerrimo recepturi. In sententia quippe Domini, vbi ait: Capillus capitis vestri non peribit: dictum est, non defuturum esse, quod fuit: non autem negatum est, affuturum esse, quod defuit. Defuit autem infanti mortuo perfecta quantitas sui corporis. Perfecto quippe infanti, deest vtique perfectio magnitudinis corporalis: quæ cum accesserit, iam statura longior esse non possit. Hunc perfectionis modum sic habent omnes, vt cum illo concipiantur atq; nascantur: sed habent in ratione, non in mole: sicut ipsa iam membra omnia sunt latenter in semine, cum etiam natis nonnulla adhuc desint, sicut dentes, ac si quid eiusmodi. In qua ratione vniuscuiusque materiæ indita corporali, iam quodammodo, vt ita dicam, innatum esse videtur, quod nondum est, imo quod latet, sed accessu temporis erit, vel potius apparebit. In hoc ergo infans, iam brevis, aut lon-

gus est, qui brevis, longusvè futurus est. Secundam hanc rationem profecto in resurrectione corporis, detrimenta corporis non timemus: quia etsi æqualitas futura esset omnium, ita vt omnes vsque ad giganteas magnitudines peruenirent, nec illi qui maximi fuerunt, minus haberent aliquid in statura, quodeis contra sententiam Christi periret, qui dixit: nec capillum capitis esse perituum: creatori vtique, qui creauit cuncta ex nihilo, quomodo deesse posset, vnde adderet, quod addendum esse mirus artifex nosset.

Q V Æ S T I O X.

An ad modum Dominici corporis omnium corpora sint resurrectura.

Lib. 22. c. 15

SI vtique Christus in eâ mensurâ corporis, in qua est mortuus, resurrexit, nefas est dicere, cum resurrectionis omnium tempus venerit, accessuram corpori eius eam magnitudinem, quam nō habuit, quando in ea Discipulis, in qua illis erat notus, apparuit, vt longissimis fieri possit æqualis. Si autem dixerimus ad Dominici corporis modū, etiam quorumq; maiora corpora redigenda. Peribit de multorum corporibus plurimū, cū ipse nec capillum perituum esse promiserit. Restat ergo, vt suam recipiat quisq; mensuram, quam vel habuit in iuuentute, etiam si senex est mortuus: vel fuerat habiturus, si est ante defunctus. Atque illud quod commemorauit Apostolus de mēsurâ ætatis plenitudinis Christi, aut propter aliud intelligamus dictum esse, id est, vt illi capiti in populis Christianis accedente omnium perfectione membrorum ætatis eius mensura compleatur: aut si hoc de resurrectione corporum dictum est, sic accipiamus dictum, vt nec ultra, nec infra iuuenilem formam resurgant corpora mortuo-

tuorum : sed in ea ætate & robore vsque ad quam Christum hîc peruenisse cognouimus. Circa triginta quippe annos diffinierunt esse etiam seculi huius doctissimi homines, iuuentutem. Quæ cum fuerit spacio proprio terminata, inde iam hominem in detrimenta vergere grauioris ac senilis ætatis : & ideo non esse dictum, in mensuram corporis, vel in mensuram staturæ : sed in mensuram ætatis plenitudinis Christi.

Q V Æ S T I O X I.

*Qualis futura conformitas sanctorum ad
imaginem DEI.*

Illud etiam quod ait , prædestinatos fieri conformes *Lib. 22. c. 16*
Imaginis filij DEI, potest & secundum interiorem hominem intelligi. Vnde nobis alio loco dicit: Nolite conformari huic seculo: sed reformamini in nouitate mentis vestræ. Vbi ergo reformamur, ne conformemur huic seculo, ibi conformamur Dei filio. Potest & sic accipi, vt quemadmodum ille nobis mortalitate, ita nos illi immortalitate efficiamur conformes: quod quidem & ad ipsam resurrectionem corporum pertinet. Si autem etiam in his verbis, qua formâ resurrectura sint corpora, sumus admoniti: sicut illa mensura, ita & ista conformatio non quantitatis intelligenda est, sed ætatis. Resurgent itaque omnes, tam magni corpore, quàm uel erant, vel futuri erant in iuuenili ætate: quamuis nihil oberit, etiamsi erit infantilis vel senilis corporis forma: ubi nec mentis, nec ipsius corporis vlla remanebit infirmitas. Vnde etiamsi quis in eo corporis modo, in quo defunctus est, resurrecturum uinumquemque contendit: non est cum illo laboriosa contradictione pugnandum.

QVÆSTIO XII.

An in suo sexu resurrectura fœmina?

Lib. 22. c. 17 **N**onnulli propter hoc, quod dictum est: *Do-*
nec occurramus omnes in virum perfectum,
in mensuram ætatis Christi, & conformes imaginis
filij DEI: nec in sexu fœmineo resurrecturas fœ-
minas credunt, sed in virili omnes aiunt: quoniam
DEVS solum virum fecit ex limo, fœminam ex vi-
ro. Sed mihi melius sapere videntur, qui vtrumque
sexum resurrecturum esse non dubitant. Non e-
nim libido ibi erit, quæ confusionis est causa. Nam
prius quàm peccassent, nudi erant: & non confun-
debantur vir & fœmina. Corporibus ergò illis vi-
tia detrahentur: natura servabitur. Non est au-
tem vitium sexus fœmineus, sed natura: quæ tunc
quidem & à concubitu, & à partu immunis erit: e-
runt tamen membra fœminea non accommodata
veteri vsui, sed decori nouo, quò non alliciatur a-
spicientis concupiscentia, quæ nulla erit, sed Dei
laudetur sapientia atque clementia: qui & quod
non erat, fecit, & liberauit à corruptione, quod fe-
cit. Vt enim in exordio generis humani de latere
dormientis viri, costâ detractâ, fœmina fieret, Chri-
stum & Ecclesiam tali factò iam tunc prophetari o-
portebat. Sopor quippe ille viri, mors erat Christi,
cuius exanimis in cruce pendentis latus lanceâ per-
foratum est, atq; inde sanguis & aqua profluxit: quæ
sacramentum esse nouimus, quibus ædificatur Ec-
clesia. Nam hoc etiam verbo Scriptura vsa est, vbi
non legitur, formauit, aut, finxit, sed ædificauit eam
in mulierem. Vnde & Apostolus ædificationem di-
cit corporis Christi, quod est Ecclesia. Creatura est
ergò DEI fœmina, sicut vir; sed vt de viro fieret,
 vni.

vnitas commendata est. Vt autem illo modo fieret, Christus, vt dictum est, & Ecclesia figurata est. Qui ergò vtrumque sexum instituit, vtrumque restituet. Denique & ipse Iesus interrogatus a Saducæis, qui negabant resurrectionem: Cuius septem fratrum erit vxor, quam singuli habuerunt, dum quisq; eorum vellet defuncti semen, sicut Lex præceperat, excitare: erratis, inquit, nescientes scripturas, neque virtutem Dei. Et cum aptus locus esset, vt diceret: de qua enim me interrogatis, vir erit, ipsa non mulier: non hoc dixit, sed dixit: In resurrectione enim neque nubent, neque vxores ducent: sed sunt sicut Angeli DEI in cælo. Æquales vtique Angelis immortalitate, ac felicitate: non carne: sicut nec resurrectione, qua non indiguerunt Angeli: quoniam nec mori potuerunt. Nuptias ergò Dominus futuras negauit esse in resurrectione, non fœminas, & ibi negauit, vbi talis quæstio vertebatur. Vt eam negato sexu muliebri, celeriore facilitate dissolueret, si eum ibi prænosceret non futurum: imo etiam futurum esse firmavit, dicendo: Non nubent: quod ad fœminas pertinet: neq; vxores ducent: quod ad viros. Erunt ergò, quæ vel nubere hîc solent: vel ducere vxores; sed ibi non facient.

QVÆSTIO XIII.

*An in resurrectione omnia vitia corporis
sint abolenda.*

Quid iam respondeam de capillis atque vnguibus? Semel quippe intellecto, ita nihil perituum esse de corpore, vt deforme nihil sit in corpore: simul intelligitur ea, quæ formæ factura fuerant enormitatem massæ ipsi accessura esse, non locis, in quibus membrorum forma turpetur. Velut, si de limo vas fieret, quod rursus in eundem limum

Lib. 22. c. 19.

limum redactum totum de toto iterum fieret, non esset necesse, ut illa pars limi, quæ in ansa fuerat, ad ansam rediret: aut quæ fundum fecerat, ipsa rursus faceret fundum: dum tamen totum reuerteretur in totum, id est, totus ille limus in totum vas, nullâ sui perditâ parte remearet. Quapropter si capilli toties tonfi, vnguefvè defecti, ad loca sua deformiter redeunt, non redibunt: nec tamen cuiq; resurgenti peribunt: quia in eandem carnem, ut quemcunque ibi locum corporis teneant, seruata partium cōgruentiâ, materię mutabilitate vertentur. Quamuis quod ait Dominus: Capillus capitis vestri non peribit, non de longitudine, sed de numero capillorum dictum multò aptius possit intelligi. Vnde & alibi dicit: Capilli capitis vestri numerati sunt omnes. Neque hoc ideò dixerim, quod aliquid existimem corpori cuiquam periturum, quod naturaliter inerat, sed quod deforme natum fuerat: non utique ob aliud, nisi ut hinc quoq; ostenderetur, quàm sit pœnalis conditio ista mortalium, sic esse rediturum, ut seruata integritate substantiæ, sola substantiæ deformitas pereat. Si enim statuam potest artifex homo, quam propter aliquam causam deformem fecerat, conflare, & pulcherrimam reddere: ita ut nihil inde substantiæ, sed sola deformitas pereat: ac si quid in illa figura priore indecenter extabat, nec parilitati partium congruebat: non de toto, vnde fecerat, amputare, atq; separare, sed ita conspergere vniuerso, atq; miscere: ut nec fœditatem faciat, nec minuat quantitatem, quid de omnipotenti artifice sentiendum est? Ergone poterit quasq; deformitates humanorum corporum non modò vsitatas, sed etiam raras atq; monstrosas, quæ huic miseræ vitæ congruunt: abhorrent autem ab illâ futura felicitate sanctorum, sic auferre, aut perdere, ut quasculque earum faciunt, etsi naturalia, tamen indecora

excre-

excrementa substantiæ corporalis nulla eius diminutione tollantur? Ac per hoc non est macris, pinguibûsve metuendum, ne ibi etiam tales sint, quales, si possent, ne hîc esse voluissent. Omnis enim corporis pulchritudo est partium congruentia cum quadam coloris suauitate. Vbi autem non est partium congruentia, aut ideò quid offendit, quia paruum est; aut ideò, quia nimium. Proinde nulla erit deformitas, quam facit incongruentia partium, vbi & quæ parua sunt, corrigentur: & quod minus est, quàm decet: vnde creator nouit, inde supplebitur: & quod plus est, quam decet, materiæ seruatâ integritate, detrahetur. Coloris porrò suauitas quanta erit, vbi iusti fulgebunt sicut Sol in regno patris sui? Quæ claritas in Christi corpore, quum resurrexit, ab oculis discipulorum potius abscondita fuisse, quàm defuisse credenda est. Non enim eam ferret humanus atq; infirmus aspectus, quando ille à suis ita deberet attendi, vt posset agnosci. Quò pertinuit etiam, vt contrectantibus ostenderet suorum vulnerum cicatrices: vt etiam cibum potumquesumeret: non alimentorum indigentia, sed ea, quæ & hoc poterat, potestate. Cùm autem aliquid non videtur, quamuis adsit, à quibus alia, quæ pariter adsunt, videntur: sicut illam claritatem dicimus affuisse non visam, à quibus alia videbantur, *αισθησια* Græcè dicitur: quod nostri Interpretes Latine dicere non valentes, in libro Geneseos cæcitatem interpretati sunt. Hanc enim passi sunt Sodomitæ, quando quærebant ostium iusti viri, nec poterant inuenire. Quæ si cæcitas fuisset, qua fit, vt nihil posset videri, non ostium, quo ingrederentur, sed duces itineris, à quibus inde abducerentur, inquirerent.

QVÆSTIO XIV.

De mortuorum resurrectione contra Gentiles, continens varia notatu digna, quorum etiam in præcedentibus facta est mentio: scilicet de paruulorum resurrectione, & similibus. Sed & contra Philosophos grauitèr disputat, quomodo terrenum corpus futurum sit in cælo, & qua ratione corpus spiritale dicatur, &c.

*In Sermone
147. De
tempore.*

Diebus his sanctis resurrectioni Domini dedicatis, quantum donante ipso possumus de carnis resurrectione tractemus. Hæc enim fides est nostra; hoc donum in Domini nostri Iesu Christi nobis carne promissum est, & in ipso præcessit exemplum. Voluit enim nobis quod promisit in fine non solum pronuntiare, sed etiam demonstrare. Illi quidem, qui tunc fuerunt, cum illum viderent, & cum expauescerent, & spiritum se videre crederent, soliditatem corporis tenuerunt. Locutus est enim non solum verbis ad aures eorum, sed etiam specie ad oculos eorum, parumque erat se præbere cernendum, nisi etiam offerret pertractandum atque palpandum. Ait enim: Quid turbati estis, & cogitationes ascendunt in cor vestrum? Putauerunt enim se spiritum videre. Quid turbati estis, inquit; & cogitationes ascendunt in cor vestrum? Videte manus meas & pedes meos: Palpate & videte, quia Spiritus ossa & carnem non habet, sicut me videtis habere. Contra istam euidentiã disputabant homines. Quid enim aliud facerent homines, qui ea, quæ sunt hominum, sapiunt, quàm sic disputare

tare de DEO contra DEVM? Ille enim DEV S est, isti homines sunt. Sed DEV S nouit cogitationes hominum, quoniam vanæ sunt. In homine carnali tota regula intelligendi est consuetudo cernendi. Quod solent videre, credunt: quod non solent, non credunt. Præter consuetudinem facit DEV S miracula, quia DEV S est: Maiora quidem miracula sunt tot quotidie homines nasci, qui non erant, quam paucos resurrexisse, qui erant, & tamen ista miracula non consideratione comprehensa sunt, sed assiduitate viluerunt. Resurrexit CHRISTVS, absoluta est res. Corpus erat, caro erat, pependit in cruce, emisit animam, posita est caro in sepulchro. Exhibuit illam viam, qui viuebat in illa: Quare miramur? Quare non credimus? DEV S est, qui fecit. Considera auctorem, & tolle dubitationem. Quærunť ergo homines, vtrum corruptio ista corporis, quam sentiunt in carne sua, futura sit in resurrectione mortuorum? Dicimus non futuram. Respondent nobis: Si corruptio non erit, quare manducabitur? Aut si non manducabitur, quare post resurrectionem Dominus manducauit? Modò cū Euangelium legeretur, audiuius, quia cum exhiberet se viuū oculis, manibusque Discipulorum suorum, parum illi visum est, ad demonstrandam euentiam corporalem, sed addidit: Habetis hīc aliquid, quod manducetur? Et obtulerunt ei partem piscis assi, & fauū mellis, manducauit, & reliquias dedit illis. Dicitur enim nobis: Si corruptio corporis non resurget, quare manducauit Dominus Christus? Legistis, quia manducauit, numquid legistis, quia esuriuit? Quod manducauit IESVS, potestatis fuit, non egestatis. Si desideraret manducare, egeret. Rursus, si manducare non posset, minus valeret. Numquid & Angeli,

quana

quando suscepti sunt hospitio à patribus nostris, non manducauerunt: & tamen corruptibiles non fuerunt? Rursus dicunt: Resurgent vitia, quæ erant in corpore humano, cum quibus moritur homo? Respondemus: Non resurgent vitia. Et dicitur nobis: Quare ergò Dominus cum suorum vulnorum cicatricibus resurrexit? Quid adhuc dicimus, quia & hoc potestatis fuit non necessitatis. Sic resurgere voluit, sic voluit quibusdam dubitantibus exhibere in illa carne cicatrices vulneris, vt sanaret vulnus incredulitatis. Adhuc disputant & quærunt à nobis: Paruuli, qui moriuntur, paruuli resurrecturi sunt, an ætas erit plena reuiuiscientium, quorum erat parua morientium? Hoc quidem in scripturis definitum non inuenimus. Incorruptibilia corpora & immortalia resurrectura promissa sunt. Sed si parua ætas redditur, si statura pusilla reuocatur, nūquid & propterea infirmitas reuocatur? Si paruerunt, nunquid iacebunt, & ambulare non poterunt? Credibilius tamen & probabilius accipitur & rationalius, plenas ætates resurrectiones, vt reddatur munere, quod accessurum erat tempore. Nec enim credituri sumus senectam resurrectionem, anhelam & curuam. Postremo corruptionem tolle, & quod vis adde. Sed inquis: Quomodo erit terrenum corpus in cælo? Philosophi enim gentium illi valdè magni, quorum vobis iam vel insanas certè vel humanas sententias intimaui, quæsierunt quippe ista non spiritu Dei, sed coniectura cordis humani: hinc maximè faciunt quæstionem, tractant subtiliter de momentis ponderum & ordine elementorum: & dicunt, quod etiam videmus, mundum sic esse dispositum, vt ima sit terra, tanquam in fundo eius, secunda aqua superfundatur terræ, tertius aër veniat, quartus æther cuncta cooperiat. Illud elementum supernum, quod æthera appellant, ignem dicunt esse

esse liquidum & purum, inde sydera esse formata, ibi nihil esse posse terrenum, quoniam ordo ponderum non admittit. Si dicamus eis nostra corpora in terra esse noua victura, & in cœlo non futura, audaciter & temerè immò infideliter dicimus. Credere enim debemus, talia corpora nos habituros, vt vbi velimus, quando voluerimus, ibi simus. Nam si respondemus ad absoluendam de ordine ponderum quæstionem, in terra nos esse victuros, de ipso corpore Domini nobis est quæstio, cum quo ascendit in cœlum. Audistis quod de Euangelio modò recens sonuit in auribus nostris, quia eleuatis manibus suis benedixit eis, & factum est, vt benediceret eis, recessit ab eis, & ferebatur in cœlum Christus Dominus. Qui ferebatur in cœlum? Dominus Christus. Qui Dominus Christus? Quid enim, separaturus es hominem à Deo, & facturum es aliam personam Dei, aliam hominis, vt iam non sit trinitas, sed quaternitas? Quomodo tu homo anima es & corpus, & sicut corpus & anima vnus est homo, ita Deus & homo vnus est Christus. Sed verbum non recessit à patre, & ad nos venit, & patrem non deseruit, & in vtero carnem accepit, & mundum rexit. Quid ergo leuatum est in cœlum, nisi quod sumptum est de terra? Id est, caro illa, corpus illud, de quo loquens ad discipulos ait, Palpate & videte, quia spiritus ossa & carnē non habet, sicut me videtis habere. Credamus hoc fratres, & si argumenta philosophorum difficile soluiamus, illud quod demonstratum est in Domino, sine difficultate fidei teneamus. Illi garriant, nos credamus. Sed non potest, inquiunt, esse terrenum corpus in cœlo. Quid si hoc velit Deus? Responde contra Deum & dic, Non potest Deus. Nonne & tu quicumque paganus, dicis omnipotentem Deum. Nonne in libro Platonis, quod hesterno die declarauī, legitur, dixisse Deus non factus diis à se factis: Quo-

niam estis orti, immortales quidem esse & indissolubiles non potestis : non tamen dissoluemini, neque vlla vos mortis fata periment, nec erunt valentiora, quàm consilium meum, quod maius est vinculum ad perpetuitatem vestram, quàm illa, quibus estis colligati? Totum ad volūtatem suam redegit Deus, qui potest, & quod impossibile est. Nam quid est aliud, non potestis esse immortales, sed vt non moriamini ego facio, nisi & quod fieri non potest ego facio? Volo tamen aliquid etiam de diuersitate disputare. Rogo dic mihi: Terra terra est, Aqua aqua est, Aër aër est, Æther est cœlum, & ignis ille liquidus cœlum est. Quatuor nempe ista grauida quasi construxerunt & ædificauerunt mundum: hoc est, ex his quatuor ædificatus est mundus. Quod in imo sit, terra est. Quod desuper, aqua. Quod super aquam, aër est. Quod super aërem est, cœlum est, æther est. Corpora solida quæ tenentur atque tractantur, non humida dico, quæ labuntur & fluunt, corpora dico, tractabilia vnde sunt? Terræ deputanda sunt, an aquæ, an aëri, an ætheri? Responsum es: Terræ. Terrenum corpus ergò est lignum? Planè terrenum. In terra nascitur, in terra alitur, in terra crescit. Tractabile est, non fluxibile. Redi mecum ad illum ordinem ponderum. Terra est in fundamento. Ordinem sequere. Quod super terram? Aquæ. Quare lignum natat super aquam? Terrenum est corpus. Si reuoces ad illum ordinem ponderum, sub aqua esse debuit, non supra. Inuenimus inter terram & lignum aquam mediam, super terram aqua, & super aquam iterum terram, quando quidem lignum terra est. Perdidisti illum ordinem, tene fidem. Ergo terrena corpora inuenta sunt super elementum, quod secundum est in ordine elementorum, quando natant ligna, neque merguntur. Attende aliud, quod plus mireris. Corpora ipsa grauissima & tamen terrena

mox ut dimissa fuerint super aquam, continuo de-
 merguntur, & ad ima profunda perueniunt, sicut est
 ferrum, postremo sicut est plumbum. Quid enim
 plumbo grauius? Accedit tamen manus artificis ad
 plumbum, facit inde aliquod vas concauum, & na-
 tat plumbum super aquam. Ergone non Deus dabit
 corpori meo, quod dat artifex plumbo? Deinde a-
 quam ipsam ubi ponitis? Redite ad ordinem elemē-
 torum. Certè respondebitis, quod aqua sit super ter-
 ram. Quare ergo antequam in terra currant, pen-
 dent in nubibus flumina? Reuoca nunc considera-
 tionem tuam, & cogitationem ad ea, quæ dicturus
 sum, si Domino adiuuante explicare potuero. Quid
 facilius mouetur, quid velocius agitatur? grauius
 corpus an leuius? Quis non respondeat, leuius? Le-
 uiora enim corpora facilius mouentur, velocius a-
 guntur, grauiora difficiliora atque tardius. Certè re-
 gulam fixisti, certè considerasti, & circumspēctis o-
 mnibus respondisti, quia facilius mouentur, & agū-
 tur velocius corpora leuiora quàm grauiora. Ita est,
 dicis. Responde ergo mihi: Quare leuissima aranea
 se tardè mouet, & grauis equus velociter currit? De
 ipsis hominibus loquar, maius corpus hominis gra-
 uius est, breuius corpus, quod minus habet ponde-
 ris, leuius est. Ita verò est, si alius porret. Si autem
 ipse homo corpus suum portat, validius currit, ma-
 eor languore vix ambulat. Appende macrum & ro-
 bustum hominem, illum languore vix paucas libel-
 las appendentem, illum salubritate corporis multa
 pondera in carne sua gerentem. Tempta tu ambos
 tollere, grauis est validus, leuis est macilentus. Rece-
 dat portator, appareat ambulator, ipsos dimitte si-
 bi, ferant corpora sua, video validum, robustumque
 currentem. Si hoc valet sanitas, immortalitas quid
 valebit? Dabit ergo Deus miram facilitatem, miram
 leuitatem. Non sine causa illa corpora spiritalia

nuncupata sunt, non ideò dicta sunt spiritalia, quia erunt spiritus non corpora. Nam ista, quæ modò habemus, dicuntur animalia corpora, & tamen animæ non sunt, sed corpora: sic illa spiritalia dicuntur, sed non sunt spiritus, nisi quia ad nutum spiritus seruiunt. Nihil tibi contradicit ex te, nihil in te rebellat aduersus te, non ibi erit quod Apostolus gemit. Caro concupiscit aduersus spiritum, spiritus aduersus carnem, non ibi erit, Video aliam legem in membris meis repugnantem legi mentis meæ. Hæc bella ibi non erunt, pax tibi erit, pax perfecta ibi erit. Vbi volueris, eris, sed à Deo non recedes. Vbi volueris, eris, sed quocunq; ieris, Deum tuum habebis. De quo beatus eris, semper cum illo eris. Nemo ergo fallat, nemo argumentetur, nemo sua suspitione deliret: Quid nobis promisit Deus? Venturum esse certissimè teneamus. Quando videbatur Christus fratres mei, quando spiritus putabatur, vt se corpus esse persuaderet, non solùm præbebat oculis videntum, sed etiam manibus contrectandum. Quibus ad exhibendam fidei veritatem in corpore, dignatus est etiam non necessitate sed potestate cibum sumere. Tamen adhuc illis præ gaudio trepidantibus, firmamentum cordis adhibuit de sanctis scripturis: & ait illis, Hæc sunt verba, quæ locutus sum ad vos, cum adhuc essem vobiscum, quoniam necesse est impleri omnia, quæ scripta sunt in lege Moyse, & Prophetis, & Psalmis de me. Tunc aperuit illis sensum: sicut Euangelium loquitur, quod modò lectum est, vt intelligerent scripturas, & dixit eis: Quia sic scriptum est, & sic oportebat CHRISTVM pati, & resurgere à mortuis tertia die, & prædicare in nomine eius pœnitentiam in remissionem peccatorum per omnes gentes, incipientibus ab Hierosolymis. Illud non vidimus, sed hoc videmus. Quando ista promittebantur, nondum videbantur. Apostoli Christum præsen-

tem videbant, sed toto orbe terrarum diffusam Ecclesiam non videbant. Videbant caput, & de corpore credebant: habemus vices nostras, habemus gratiam dispensationis & distributionis nostræ ad credendū certissimis documentis, tempora nobis in vna fide sunt distributa. Illi videbant caput, & credebant de corpore, nos videmus corpus, credamus de capite.

Q V Æ S T I O X V.

Qualis sit futura resurrectio: & cur Christus post resurrectionem comederit, atque cicatrices seruauerit, & anne idem de nobis futurum.

MOuet quosdam, & requirunt de duabus resurrectionibus, quæ conueniat promissæ resurrectioni, vtrum nam Christi, an Lazari? Si Christi, inquiunt, quomodo potest hæc cōuenire resurrectioni natorum ex semine eius, qui nulla feminis conditione natus est. Si autem Lazari resurrectio conuenire asseritur, nec hæc quidem congruere videtur. Siquidem Lazari resurrectio facta sit de corpore nō dum tabescente, de eo corpore, quo Lazarus dicebatur: nostra autem multis seculis post ex confuso eruetur. Deinde si post resurrectionem status beatus futurus est, nulla corporis iniuria, nulla necessitate famis, quid sibi vult cibatum Christum fuisse, & vulnera monstrauisse? Sed si propter incredulum fecit, finxit: si autem verum ostendit, ergo in resurrectione accepta futura sunt vulnera. Quibus respondetur, ideò non Lazari resurrectionem, sed potius Christi congruere promissæ resurrectioni, quia Lazarus ita resurrexit, vt iterum moreretur: Christus autem (sicut de illo scriptum est) surgens à mortuis, iam non moritur, & mors illi ultra non dominabitur. Quod etiam promissum est resurrecturis in fine

Aug. Epistola 49. ad Deo gratias Presbyterū. Tom. 2. pagin. 124.

seculi, & cum illo regnaturis in æternum. Sic autem non pertinet ad resurrectionem, differentia natiuitatis Christi & nostræ, quod ille sine virili semine, nos autem non sine viro & fœmina creati sumus, sicut etiam non pertinet ad ipsius mortis differentiam. Non enim propterea illius non vera mors fuit, quia sine virili semine natus est: sicut nec ipsius primi hominis aliter exorta caro quam nostra, quandoquidem ille sine parētibus de terra creatus est, nos verò ex parentibus, aliquid attulit ad differentiam mortis, ut aliter ille moreretur, aliter nos. Sicut autem ad mortis, sic nec ad resurrectionis differentiam valet diuersa natiuitas. Sed si nec hoc, quod scriptum est de primo homine, similiter infideles homines volunt credere, quærant vel animaduertant, si vel hoc possunt, quam multorū animalium genera sine parentibus ex terra procreentur, quæ tamen coëundo pariant etiam ipsa sui simile, nec propter natiuitatis diuersitatem intersit aliquid ad naturam eorū, quæ procreata sunt ex terra, & eorum, quæ illis coëuntibus orta sunt. Similiter enim viuunt, similiterq; moriuntur, quamuis dissimiliter nata sint. Ita non est absurdum, ut similiter resurgant corpora, quæ dissimiliter orta sunt, huiusmodi autem homines nō valentes intueri, ad quam rem intersit aliquid diuersum, & ad quam non intersit, ubi non aduerterint aliquam distantiam primordiorum, etiam omnia consequentia distare oportere contendunt: possunt tales putare, oleum ex adipibus non debere natare super aquam, sicut illud quod ex oliua est, quoniam longa est vtriusq; origo dissimilis, quando illud ex ligno, hoc ex carne profluxerit. Quantum autem attinet ad illam differentiam, quod Christi corpus, non dissolutum tabe atq; putredine, die tercio resurrexit, nostra verò post longum tempus, ex quo soluta discesserāt confusione, reparabuntur, humana fa-

næ facultati vtrumq; impossibile est, diuinæ autem potestati vtrumq; facillimum. Vt enim radius oculi nostri non citius peruenit ad propinquiora, quam ad longinquiora, sed vtraque interualla, parili celeritate contingit: ita, cum in ictu oculi, sicut Apostolus dicit, sit resurrectio mortuorum, omnipotentia Dei & ineffabili nutui tam facile est, quæque recentia, quàm diuturno tempore dilapsa cadauera suscitare. Incredibilia sunt hæc quibusdam, quia inexpectata, cum omnis natura rerum tam sit plena miraculis, vt non quasi facili peruestigatione rationis, sed videndi consuetudine, mira nō sint, atq; ob hoc, nec consideratione, nec inquisitione digna videantur. Nam ego & mecum quicumq; inuisibilia Dei per ea quæ facta sunt, intelligere moliantur, aut non minus aut amplius admiramur, in vno seminis tā paruo grano omnia, quæ laudamus in arbore tanquā licitata latuisse, quam mundi huius tam ingentem sinum, quæ de corporibus humanis dum dilabuntur assumit, resurrectioni futuræ tota & integra redditurum. Quomodo autem contrarium est, & Christum post resurrectionem cibatum, & in resurrectione, quæ promittitur, ciborum indigentiam non futuram, cum & angelos legamus eiusdem modi escas eodemq; modo sumpsisse, non ficto & inani phantasmate, sed manifestissima veritate, nec tamen necessitate, sed potestate? Aliter enim absorbet terra aquam sitiens, aliter solis radius candens. Illa indigentia, iste potentia. Futuræ ergo resurrectionis corpus, imperfectæ felicitatis erit, si cibos sumere non potuerit, imperfectæ felicitatis, si cibis egerit. Possem hic de commutationibus corporalium qualitatum, & de præpotenti valentia in inferiora corpora corporum superiorum latius disputare: Sed breuiter mihi respondere propositum est, & talibus ingeniis hoc scribitur, quæ admonere suffecerit. Sciat

sanè qui has proposuit quæstiones, Christum post resurrectionem cicatrices non vulnera demonstrâsse dubitantibus, propter quos etiam cibum ac potum sumere voluit, non semel, sed sapius, ne illud non corpus, sed spiritum esse arbitrarentur, & sibi non solidè, sed imaginaliter apparere. Tunc autem illæ falsæ cicatrices fuissent, si nulla vulnera præcessissent, & tamen nec ipsæ essent, si eas esse noluisset. Voluit autem certè dispensationis gratia ut eis quos ædificabat in fide non ficta, non aliud pro alio, sed hoc quod crucifixum viderant, resurrexisse monstraret. Quid est ergo quod dicitur: Si propter incredulum fecit, finxit: quasi verò si quisquam vir fortis pro patria dimicans, multa aduersa vulnera exciperet, ipse potius diceret, sic se velle sanari, ut magis essent in corpore suo vestigia vulnerum, tanquam tituli gloriarum, ideo ille medicus cicatrices finxisse diceretur, quia cum per artem efficere potuerit, ut non essent, certa existente causa, per artem effecit potius ut essent, quæ vno solo modo, sicut superius dixi, falsæ conuincerentur, si nulla vulnera sanarentur.

Hactenus Augustinus.

F I N I S.

IN.

I N D E X

RERVM ET LOCORVM MEMORABILIVM, IN HOC PROMPTUARIO REVER. ET CLARISS. D.

D. FELICIS BIDEMBACHII exequiali com-
prehenforum, secundum seriem Alphabe-
ticali congestus.

- | | |
|---|--|
| <p>A Aronis mors non ob-
fuit saluti. 2</p> <p>Abrahami sepultura. 109</p> <p>Abbreviatio vitæ an pugnet
cum promissione de lon-
gæuitate facta piis. 292</p> <p>Actionum humanarum im-
perfectio maxima. 212. 213</p> <p>Aduersitates patienter fe-
rendæ. 248</p> <p>Adulatione nulla vnquam
nocentior pestis fuit. 852</p> <p>Ægroti visitandi. 37</p> <p>Ægrotorum cogitationes so-
licitæ. 457</p> <p>Ægyptii in cõuiuio circum-
tulerunt effigiem homi-
nis mortui. 442</p> <p>Ætas Moyfis. 13. Iacobi 126.
127.</p> <p>Ætas hominum quare de-
crescat. 445</p> <p>Ætas tremula, curua, grauis,
est patienter ferenda. 113</p> <p>Ætatis humanæ iustum tem-
pus quodnam sit. 174</p> | <p>Affectus DEI erga miseros
peccatores. 724</p> <p>Afflictionum quinque gene-
ra. 215</p> <p>Allegoria ex historia Naha-
mani. 427</p> <p>Amicum multi faciunt ho-
stes. 668</p> <p>Anacreon Teius poëta ful-
mine ictus interiit. 450</p> <p>Anastasius Imperator. 615</p> <p>Angeli in mandatis habent
animas nostras deferre in
cælum. 30</p> <p>Anima pro corporali vita su-
mitur. 7</p> <p>Anima nobilior pars homi-
nis. 577</p> <p>Anima defuncti quocunque
loco recepta fuerit, deti-
nebitur. 786</p> <p>Animæ vnus redemptio tan-
tum flagitat pretium,
quantum totus mundus
in æternum exsoluere ne-
quit. 797</p> <p>Animam non vult perdere
Deus,</p> |
|---|--|

- Deus, si maximè infligat
pœnam corporalem. 539
- Annivita humanæ quomo-
do semper decreſcant. 122
- Anni ſubducendi non ſecun-
dum ætatem, ſed pieta-
tem. 293
- Arioli DE O abominationi
ſunt. 62
- Arma ſpiritualia contra ho-
ſtes noſtros. 342
- Articulus de mortuorum re-
ſurrectione confirmatur.
166
- **Azonia* taxatur. 126
- Avaritia radix malorum. 475
- Auditores erga defuncti pa-
ſtoris poſteros gratos eſſe
decer. 94.95
- Auguſtini opinio de dicto
Chriſti, Spiritus promptus
eſt, at caro infirma. Mar-
ci 14.v. 38. 467.
- de Autophoneutis quid ſen-
tiendum. 771
- Auxilium DEVS interdum
differt. 346. 362
- B.
- B**aptiſmum adminiſtrare
in caſu neceſſitatis mu-
lieribus licitum eſt. 163
- Barſillai commendatio. 131.
& ſeq.
- Beatitudinis æternæ gradus
erunt. 90
- Beneficia quædam ſingula-
rîa receptorum in tutelam
Dei. 700.702.703
- Beneficia diuina non niſi pe-
tentibus & gratis contin-
gunt. 431
- Beneficiis præ cæteris à Deo
affecti plerunq; omnium
ſunt peſſimi & ingratiffi-
mi. 848
- de Benignitate & paterna
Dei erga nos cura non ab
externo euentu iudican-
dum. 551. 564
- Beſtiæ exſequuntur manda-
ta Dei fideliffimè. 601
- Beſtias cur Deus interdum ſi-
nat graſſari in homines. 602
- Bonitas Dei etiam tum glo-
rianda, cum affligit. 552
- Bonitas Dei quotidie inno-
uatur. 731.
- Bonitatis diuinæ cauſæ. 732
- C.
- C**ades deſertum Arabiæ,
Aaronis ſummi ponti-
ficis, Miriam prophetiſſe,
&c. cœmiterium. 156
- Cain fratricida cur non fue-
rit occiſus. 662
- Calamitas calamitatem tru-
dit. 170
- Calamitates omnes & pœ-
nas quomodo rectè intue-
ri debeamus. 376
- Calamitates aduerſe patien-
ter ferendæ. 595
- Cala-

Calamitatum vsus.	430	Christus etiam pro pereun-	
Calix in scriptura quomodo		tibus mortuus.	317
vsurpetur.	547	Christus paratus est omni-	
Canities ornamentum sene-		bis populis.	148
ctutis.	196	Christus <i>καρδιογνώστης πα-</i>	
Canities vera quæ sit.	133	<i>των.</i>	359
Capillos capitis Deus in nu-		Christus non sine discrimine	
merato habet.	4	peccatoribus imprecatur	
Capita religionis Christianæ		vindictam & iram Domi-	
posteris a senibus traden-		ni.	805
da sunt.	179	Circūcisio duplex. 705. cor-	
Carnis curam quatenus age-		dis quid. ibid. spiritualis	
reliceat.	497	valdè necessaria.	706
Casibus aduersis haud rarò		Circumcisionis cordis effe-	
etiam pii intereunt.	637	ctus & vtilitas.	706
Casibus aduersis pereuntes		Circumstantiæ circa Abra-	
lugendi sunt.	602	hami sepulturam obser-	
Castigatio Dei peccatoribus		uandæ.	109
est necessaria.	709	Clausula quando bona est,	
Causæ, ob quas laborādum,		omnia tum bona sunt.	139
plurimæ.	189	Cœlo & terra transeunti-	
Charitas patiens est & beni-		bus quid faciendum, vt	
gna.	13	cum gaudio consistamus.	
Christiani & pii homines in		478.	
scripturis, quomodo di-		Cogitationes hominum va-	
cantur sancti.	385	næ de aduentu Christi ad	
Christiani si cum morbis &		iudicium.	458
morte conflictantur, non		Cōminationes diuinas con-	
est signum irati Dei.	34.35	temnentiū accuratè Deus	
Christianorum officium.	754	obseruat cogitationes.	
Christiani ad deductionem		823. & seq.	
funeris adsint frequentes.		Conceptū q̄ sequantur.	220
320. 321		Concionatores vocātur pa-	
Christiani debent compa-		tres.	33
ti ægrotis quibuscunque.		Concionatores quomodo	
83.		lugendi.	32
		Con-	

Conditio peccati in homine quæ sit. 762	impenditur non est præsi- dium salutis, sed humani- tatis officium. 5
Conscientia non est pecca- tis oneranda. 632	Creationis & omnium bene- ficiorum meditatio qua- re statim à iuuentute in- stituenda. 279
Conscientiæ tentatæ conso- latio. 288	Creaturæ Dei bonæ & ad sa- lutarem hominis vsum creatæ quare interdum in malum & perniciem ho- minibus cedant. 647. 648
Conscientiæ stimuli, si ma- ximè ad tempus non sen- tiantur, suo tamen tem- pore exagitant peccato- res. 713	Credientib. mors est ingres- sus ad vitam. 7
Consilia & proposita nostra quare Deus sæpè distur- bet inopinato mortis in- teruentu. 440. 480	Credentes in Christum pro iustis reputantur. 7
Consolatio piarum matro- narum doloribus partus oppressarum. 221. 224. 238. 245. 249. 250.	Creaturæ etiam irrationales & inanimatæ Deo infer- uiunt, & ad nutum illius • præstò sunt. 44. 45
Consolationis argumenta tria. 405. & seqq.	Crux non pernitiola sed vti- lis est homini. 414
Consolationis firmæ in diui- tiis aut nostris meritis ni- hil inueniri potest. 552	Curatio funeris & conditio funerum magis viuorum sunt solatia, quàm mor- tuum subsidia. 5
Constituti in periculis quid facere debeant. 651	Custodia Angelorum san- ctorum. 703
Contemptoribus pœnæ quæ sint exspectandæ. 81	D.
Corda crapula & ebrietate non grauanda. 21	D Amnationis gradus e- runt. 846
Corona quid denotet. 419	Dauid viginti quatuor vici- bus fuga sibi consuluisse legitur. 343
Corporis vitiis deformati cur multi nascantur. 389	Decretum absolutum refu- tatur. 722. 732.
Corpora defunctorum ho- nestè tractanda. 124	Decre-
Corpori humano quicquid	

Decreto Dei absoluto nemo reprobatur. 722	grauissimum est peccatū. 712. 713
Defectus membrorū à Deo immittitur, & quare. 332	Dictorum & factorum reddenda erit ratio in nouissimo die. 839. 474
Defuncti lugendi. 17. 152	Diei nouissimi terminū cur Deus nō reuelauerit. 464 & seqq.
De defunctis honestè loquendum & sentiendum. 261.	Dies nouissimus piis non extimescendus. 478
cum Defunctis benè agitur. 575.	Discrimen inter Doctores Ecclesiæ obseruandū. 90
Defunctos lugere licitū est. 17. 259	Differentia inter afflictiones piorum & impiorum. 343. 549
DEI quomodo meminisse deceat. 278	Differētia inter mortem pii & impii. 553
Deo nos ex hac vita euocanti non est reluctandum. 12. 16. 87. 147	Differentia inter electos Dei filios pios & impios. 677
Deus vnus. 169.	Diuerſitas mortis inter pios & impios magna. 7. 27
DEVS ea, quæ in occulto fiunt, suo tempore in lucem producet. 169. 170	Diuitiæ in die iræ non proderunt. 667. 793. 797
Deus suos in ipsa etiam mortis hora solet perfundere gaudio. 3	Diuitiarum vanitas. 849
Deus mirabiliter agit cum sanctis. 34. 541. 544	Diuitias plerumq; amaritudine aliqua Deus condire solet. 428
Deus in ipso mortis articulo nobis præsentissimus est. 52. 53	Diuitiæ quare non appetendæ. 843
Deus parturientibus adest, & manus obstetricum gubernat. 234	Diuites multi beatos putant 428
Delicta priora pœnitenti nō exprobranda. 719	Doctorum Ecclesiæ officium 89. præmium. 91
Delicta occultare velle aut extenuare coram DEO,	Doctrina de gratuita hominis peccatoris iustificatione, non est noua & hære-

- hæretica, sed antiquissima, Daudica & Paulina. 712. 761.
- D**olores intēsi interdum exprimunt clamorem & eulatum. 243
- D**omestici sæpè hostibus crudeliores. 671
- p**er Domum in scriptura sæpè intelligitur posteritas seu familia. 815
- D**ubitatio Moyſis pœna corporali punita. 11
- E.
- E**cclēsiarum ministri pleriq; egeni, nudi, pauperes abiecti sunt. 93
- Ἐν νίκῃ** ante victoriam non est canendum. 451
- E**pitaphiorum & Epicediorum mos antiquissimus. 43.
- E**rror eorum, qui causam mortis vel Stoico fato, vel cœlesti constitutioni, vel temperamento hominis, vel cœcæ fortunæ tribuunt. 445
- E**thnici in hoc vt nominis immortalitatem sibi pararent, multum elaborarunt. 50
- a**b Euentibus externis de morte iustorum non est iudicandum. 8.9
- E**xemplar omnium sanctarum matronarum proponitur in Sara. 152
- E**xemplum memorabile iudicii diuini. 853
- E**xitus magnorum virorum haud rarò sunt tragici. 630
- E**xitus eorum, qui verbum Domini abiiciunt. 771
- E**xitus piorum haud rarò sunt tragici. 641
- F.
- F**abius senator quomodo interierit. 450
- F**acta nostra non iuxta faciem externam, sed iuxta Dei verbum sunt exigenda. 681. 684
- F**ama vnde dicatur, & quid significet. 55. sumitur latinè in bonam & malam partem. ibid.
- F**ama bona vnguento pretioso comparatur. 55. auro, argento, & multis diuitiis pretiosior. 56. propter nos atque posteros & alios magnificiendā. 57. quomodo comparanda. ibid. & seq.
- F**elicitas in his terris non querenda. 202
- F**elicitas & lētitia piorum instabilis & caduca. 75
- F**elicitas hominis in hac vita nunquam tanta est, vt non vel tandem præsens secu-

- Seculum fastidire incipiat. 142.
 Felicitatis terrenæ pars est, mori in patria, & apud suos. 24. 257
 Fide vera carentes Deo non placent. 838
 Fides victoria nostra. 82. 83
 Fides non mores pastorum contuenda & imitanda. 97.
 Fides Eliæ imitanda proponitur. 32
 Fides quare non hodiè etiam miranda faciat opera. 384
 Fiducia nostra in solo Deo collocanda. 700
 Filii ad labores assuefaciendi. 174. quomodo tractandi. 275
 Filii & nepotes eorum, qui benemeriti sunt de Republic. præ cæteris ad honores euehendi. 69
 Filii & proximi agnati curare debent sepulturam parentum vel maiorum suorum. 110. 142
 Filios inobedientes magistratus coercere debet. 819.
 Filios decet esse tractabiles & morigeros. 3
 Filiorum Aaronis peccatum quodnam fuerit, quod DEVS seuerè ultus est. 606.
 Filii perditipœnitentia imitanda, & quomodo. 748
 Filius perditus quos denotet. 747
 Flentibus illudentes peccant. 546
 Fluctuatio iusti non erit perpetua. 542
 Formatio & conceptio fœtus miraculo non caret. 223. 225.
 Fortitudo unde, & qualis. 370.
 Fortitudo decet Christianum. 370. 371
 Fortitudinis mulierum in sacris duo leguntur exempla. 167
 Fortitudinem Christianus quomodo demonstrare debeat. 370
 Fortuna eadem omnium etiam præclarissimorum in hoc mundo. 22. 23
 Frumenta possunt & debent reseruari ad futuram necessitatem. 542
 Fuga pestis tempore virum & quatenus licita. 694
 de Fulmine ictis, aut de cælo tactis. 612. 616. 617
 Fulmine ictorum exempla. 613. & 614
 Furore correpti aliquando,

do, sed sanitati pristinae
restituti non irridendi, sed
consolandi sunt. 675

G.

Gaudium hypocritarum
non diuturnum, sed
momentaneum est. 700.

Gemitus in aquis pereun-
tium audit Deus & iuvat.
649

Genera impiorum duo. 829

Genera hominum duo sem-
per reperiuntur. 749

Generatio carnalis non est
naturae propria, sed do-
num Dei. 223

Genethliaci vanam profitē-
tur scientiam. 267

Gestatio uteri & partus vix
vnquā sine dolore & prae-
sentissimo mortis pericu-
lo est. 224. 227. 236. 238

Gideon resipuit, & cum Deo
in gratiam rediit. 130

Gideonis mors & sepultura.
ibid.

Gloria inanis fugienda.
216

Glorielam apud homines
omnes captant. 59

Gratia oblata non est re-
spuenda. 737. 739

Gratitudo placet D E O.
432.

Gradus cruciatuum in infer-
no erunt. 771

H.

HAdriani pontificis inte-
ritus. 450

Hebraeorum fabula de Ha-
ran. 257

Heroas etiam & viros ma-
gnos non esse absque pec-
catis. II. 130. 685

Heroum filii noxae. 145. 665
670.

Homicidae fugiendi atq; de-
testandi. 660. & seq.

Homicidia cauenda. 623

Homicidium morte pian-
dum. 68

Homo in scriptura compa-
ratur arbori. 784

Horror mortis est naturalis.
698

Horrores mortis & inferni,
interdum pii etiam senti-
tiunt. 793

Humatio Iosephi. 124

Humilitas à Christianis re-
quiritur. 206. 212. 255

Humilitatis exempla. 60

Hypocritae Christianis ad-
mixti multi. 551. 688

Hypocritae magis de tempo-
rali quam de aeterna glo-
ria solliciti sunt. 771

Hypocrisis cauenda. 552

I.

Iacobus moriturus variis
praeceptis instruit filios.

117

Ibici

Ibici historia.	662	Infantiæ primæ memoria	
Ignis specialiter & generali-		grata mēte repetenda.	235
ter in scriptura sumitur, &		Infantes faciliē infirmantur.	
quid significet.	610		270
Ignis cœlitus demissus ali-		Infantium & adultorum æ-	
quoties in sacris legitur.		gritudines & morbi sunt	
613		plagæ Dei.	262
Ignis interdum seruit & mi-		Infirmitates senum Deo non	
litat Deo contra peccato-		incognitæ.	201. 202
res.	620	Infirmitas quanto maior,	
Ignis cœlestis unde, & à quo		tanto maior Dei potentia	
accendatur.	613. & seq.		588
de Igne suffocatis vel absum-		Infirmitates boni magistra-	
ptis.	606. 608	tus regendæ.	25
Igne absumptorum exempla		Ingenia humana qualia sint.	
plura.	608		628. 629
Immortalitas animæ.	109.	Ingenii & corporis viribus à	
206		Deo datis; ad promouen-	
Immortalitas & nominis æ-		dam Dei gloriam, & ad	
ternitas quo pacto concili-		proximi vtilitatem vten-	
lianda.	50	dum.	15
Impatientia grauiter sæpius		Ingenium humanum opera	
punita.	369	Dei irridere solet.	307. vult
Imperium mortis Christus		præscribere Christo mo-	
quomodo destruxerit.	324	dum.	300
Impiis honor sepulturæ de-		Ingenium homicidarum.	
negatur.	24. 14. 15		660
Impii morituri vitam cum		Inobedientia Deo exosa est.	
horrore finiunt.	54		601. 604
Impii plerunq; sunt felices.		Intemperantia cauenda.	358
541		Intentio hominum bona	
Impii quare cum bestiis con-		quàm vana sit.	684
ferantur.	803	de Interfectis à bestiis.	599.
Imprecationes parentum in			603
liberis sapè hærent, ideo-		Interitu populi sui Deus non	
que cauendæ.	375	delectatur.	722

- Interitus repentini causæ. Iustum & confidentem quid
687.768 faciat. 52.& seqq.
- Ionas typus resurrectionis L.
- Christi. 647
- Iosue sepultura. 129
- Ismael an pœnitentiam ege-
rit, & saluatus fuerit. 110 211
- Iubilatio impiorum vana est Laboris nostri partem sibi
701 vendicat patria, vel Eccle-
sia, vel Respubl. ibid.
- Iudicia Dei alia sunt quàm
hominum. 843
- Iudicia mundi haud rarò ab-
errant à vero. 562
- Iudicia mundi non curanda.
187. honorem. 195
- Iudicii humani peruersitas. Lacon Spartanus cur pro-
missam aluerit barbâ. 197
- 563
- Iudicium mundi præposte-
rum de afflictis. 375. 379. Lachrymas piorum DEVS
42. colligit in utrè suum. 546
- Iulæ Augusti filia historia. Lautia omnium impiorum
150 vana est. 792
- Iuniores quare etiam abri-
piantur per mortem. 297
- Iuniores à mortis periculo Lactationis beneficiû Chri-
423 stus commendat. 235
- non immunes. 531
- Iusti qui dicantur. 571
- Iustificatio & beatitudo no-
stra in quò consistat. 711
- Iustificationis nostræ causæ Lapsus humani faciles sunt.
712. fructus. ibid. 423
- Iustificationem & salutem Lapsus mulieris quibus de
227 causis nobis inculcandus.
qua ratione consequi pos-
simus. 713 248
- per Iustitiam quid intelliga-
tur. 812
- Lepra pœna peccati. 424
- Liberi educandi in timore
Domini. 782
- Liberi parentibus grati esse
debent. 227
- Liberi ad suefaciendi sunt ad
sacras conciones. 634
- Liberi pii parentes aut senio
confectos aut altero con-
iuge

CORINTH. I.

Caput.

	Cl.	The.	Pag. Man.
15. Seminatur in corruptione.	X.	55.	597.
15. Sicut gestauimus imaginem.	Ib.	56.	Ibid.
15. Myſterium dico vobis, Non omnes obdormiemus.	Ib.	57.	Ibid.
15. Cum autem corruptibile hoc induerit incorruptionem.	Ib.	58.	598.

CORINTH. II.

Caput.

4. Momentanea leuitas.	V.	22.	502.
4. Affligimur ſed non.	X.	59.	599.
4. Scimus autem, quod qui ſuſcitauit.	Ib.	60.	Ibid.
5. De tabernaculo corporis & cœleſti.	Ib.	61.	Ibid.
5. Conſidimus autem & probamus.	Ib.	63.	600.
5. Omnes manifeſtari oportet.	Ib.	64.	Ibid.
11. In periculis in mari.	VII.	App.	523.
12. Sufficit tibi gratia.	Ib.	16.	519.
12. Virtus mea in infirmitate perficitur.	Ib.	App.	525.

GALAT.

Caput.

3. Omnes filii Dei per fidem.	X.	65.	600.
3. Quicumque baptizati eſtis.	Ib.	66.	Ibid.
6. Quicquid ſeminauerit homo.	Ib.	67.	601.

EPHES.

Caput.

5. Tempori ſeruientes.	X.	68.	601.
6. De πανοπλία Dei.	X.	69.	Ibid.

PHILIPP.

Caput.

1. CHRISTVS vita. Mors luctum.	X.	70.	601.
1. Cupio diſſolui.	Ib.	71.	Ibid.
2. Operamini ſalutem.	Ib.	72.	Ibid.
3. Πολιτεύμε in cœlis.	Ib.	73.	Ibid.

CQ.

DESIGNATIO LOCOR.

COLOSSENS.

Caput.	Cl.	The.	Pag. Man.
2. Conuificauit vos Deus.	X.	74.	602.
3. Superna quærite.	Ib.	75.	Ibid.

THESSALON. I.

Caput.			
4. Nolumus vos ignorare.	X.	76.	602.
5. De tempore & hora autem.	X.	77.	Ibid.
5. Non vt iram concitemus constituit.	X.	78.	603.

TIMOTH. I.

Caput.			
1. Certus sermo & omni acceptione.	X.	79.	603.
2. Adam primo formatus.	III.	II.	488.
4. Pietas ad omnia utilis est, habens promissiones.	*		
6. Sectare iustitiam, pietatem.	I.	25.	475.
6. Magnus quaestus pietas.	X.	80.	603.

TIMOTH. II.

Caput.			
1. Scio cui commiserim depositum.	X.	81.	604.
2. Certus sermo. Si commorimur.	V.	25.	503.
2. Firmum Dei fundamentum stat.	X.	82.	604.
4. Ego iam immolor. Certamen certauimus.	I.	26.	475.
4. Dominus liberabit me.	V. & X.	26.	503. &
	X.	& 83.	604.

PETRI I.

Caput.			
1. Omnis caro scenum.	VI.	App.	513. &
	& X.	84.	604.
4. Ne miremini dum per ignem.	V.	27.	503.
4. Tempus est vt incipiat.	X.	85.	604.
5. Sobrii estote & vigilate.	Ib.	86.	605.

PETRI II.

Caput.			
1. Scio quod tabernaculum depositurus.	X.	87.	605.

- quanta sit & quis fructus illius. 741. quibus sit fructuosa. 742. imitanda. 743
- Misericordiam Christi multi implorât, & remissionem peccatorum impetrant, qui tamen incidunt in recidivam pessimam. 438
- Modus in luctu servandus est. 569
- Morbis varijs obnoxii sunt homines. 343. 361
- Morborum & mortis causæ. 75. 76.
- Morituris palmam interuere conatur Satanas. 469
- Mors definitur destructio vitæ, & dissolutio corporis & animæ. 209
- Mors omnium malorū terribilissimum existimatur. 207. etiam pijs formidabilis. 209
- Mors piorū dicitur somnus. 306. 348. 560. est pretiosa. 554. 555. non est indicium irati Dei. 52
- Mors prompto animo subeunda. 119. 125. 410. etiam certis peccatis accelerari potest. 126. nemini parcit, cuiuscunque conditionis, ætatis aut fortunæ sit. 16. 23. 38. 123. 129. 155. 254. 271. 636. in pios nihil iuris habet. 3. via nominatur. 19.
- non nisi iubente & volente Domino nos abripit. 4. 230. formidabilis natura. 87
- Mors corporalis piorum æternæ salutis nihil officit. 2
- amara est. 214. per accidēs fit iucunda. 215
- Mors secunda per Christum destructa. 3
- Mortem nihil facit malam, nisi quod sequitur mortem. 8. 9
- Mortis varia sunt genera. 600
- Mortis iudicium cur non extimescendum. 208. & seq.
- Mortui honestè humandi. 16
18. 24. 29. 160.
- Mortuorum resurrectio. 273
- 277
- Mosen diutius esse superstitem cur Deus voluerit. 14
- Multi interdum puniuntur propter vnius peccatum. 645
- Multi exclusi sunt à regno cœlesti, qui sibi persuadēt, se fore certò intromissos. 836
- Mundus semper sui similis. 92. 782
- N.
- N**ecessitatis casus legi non subiacer. 318
- Neminem frustra laborare

- in officio suo, sed omnibus à Deo exspectandam recompensationem. 80 87
- Nemo quicquam vel sibi vel aliis potest promittere de futuris euentibus. 622
- Nihil ex omni parte beatum in rebus humanis. 427
- Nihil vnquam simpliciter absolute, sed semper cum hac supposita conditione, Si Deus voluerit, statuendum aut proponendum. 481
- Nomen Christi Saluatoris debet nobis esse gloriosum, adorandum, & sacrosanctum. 383
- Nomen præclarum qua ratione comparandum. 39. 40. 43
- Nonnulli biberūt ex cranio hominis mortui. 442
- Nouatiani. 720. 738. 756
- Nubes quid sint. 533. volantes vocantur. Ibid.
- Nuptiæ secundæ permixtæ. 159
- ad Nuptias cœlestes omnes homines sunt vocati. 836
- Nutricis Mephiboseti exemplum imitandum. 334
- O.
- O**bitum Aaronis lugent Israëlita. 5
- Obitus magnorum virorum plerumq; tēpora sequuntur tristia. 64. 65. 352. 129
- Observationes aliquot de piis. 665
- Obstetrices erga parturientes non duras, imperiosas, sed blandas esse decet. 227 232. 239. 250
- Ocium senibus non inuidendum. 178
- Occisorum gemitus audit Deus. 660
- Odium cauendum. 772
- Officium pii magistratus graue. 70
- Officium senum est alios docere. 179
- Officio alieno nemo sese ingerat. 684
- Omnipotentia Christi hominis. 360. 379. 380. 337
- Opera carnis deponenda. 21
- Opera aliorum non iuuant. 837
- Operas vocationis multi nō faciunt sedulo. 833
- Opes & diuitiæ magnum Dei beneficium. 139
- Orationi instandum. 162
- Ordines seu status hominū tres recensentur. 62
- Originis nostræ crebro recordari debemus. 281. 522
- Ouibus comparatur homo. 756
- Ovis animal stupidum. 757. pa-

- iuge orbatos consilio & auxilio iuuare debent. 818
819
- Liberi donum Dei. 273
- Liberi interdum etiam propter peccata parentū quomodo percutiantur. 263
- Liberis non nimium indulgendum. 632. 841
- Liberis parentum præcepta ad honestatem spectantia accuratè obseruanda. 118
- de Liberorum in aquis pereuntium salute non est dubitandum. 654
- Liberos cur ante parentes euocet Deus. 256
- in Librum vitæ qui inscribantur. 855
- Lis Deo non mouenda. 61
- Litis materiam Reges & principes, vt & alii quicunque inter liberos vel hæredes, priusquàm moriantur, præscindere debent. 76
- Longæuitatis causæ ante diluuium. 101. & seq.
- Longæuitatem nemo sibi promittat propter corporis agilitatem aut iuuentutis florem. 665
- Longæuitatem ob quas causas petere liceat. 173. & sequent.
- Luctus piis concessus. 152
- Luctus Abrahami. Ib.
- Luctus Iosephi filii super obitu parentis. 119
- Lugentes afflictos consolari debemus. 264
- Lugentib. & afflictis aliquid condonandum. 272
- M.
- M**agistratus est pater patriæ. 26. 32. 33
- Magistratus bonus ingens Dei beneficium. 63. honorandus. 64. non vnus tantum generis. 63. semper pro subditis sollicitus esse debet. 12
- Magistratus Ethnicorum ab ipsi dicti fuere ποιμάνε λαών. Ibid.
- Magistratui defuncto & in terra quiescenti cōuitium facientes grauissimè peccant. 16
- Magistratui soli à Deo commissum est ius gladii. 779
- Magnates & potentes post hanc vitam à tormentis & pœnis infernalibus non erunt immunes. 799
- Magnatum in gratiam hodiè multi peccant. 775
- Maiestatem suam Dominus in nubibus ostendit. 533
- Mandata sua Deus vult strictissimè obseruari. 604. 607
- Mandata Regum impia non sunt exequenda. 619

- Manus Dei** nunquam abbreviata. 390
- Manum Domini** nemo effugere potest. 646
- Manus violentas** sibiipfis inferentes quatenus pro desperatis habendis. 591
- Mare** inter maxima Dei opera & miracula numeratur. 657
- Mariti** non debent esse ^{291.} ~~290~~ 569
- Martyres** multi honore sepulturæ caruerunt. 156
- Matres** delicatulæ infantibus suis lactationis beneficium denegantes reprehenduntur. 235
- Matronarum** piarum virtutes. 160. 161
- Media** in ægritudinibus nostris vel infantum nostrorum quæ sint arripienda. 264
- Media** diuinitus ordinata non contemnenda. 242. 299
- Medicina** quomodo utendum. 5
- Medicina** insigne Dei donū, cur interdum planè nihil contra morbos faciat. 344 & seqq.
- Medicorum** opera exquisitissima contra podagram nihil valet. 337. 340
- Medicus** in omni morbi genere quærendus quis sit. 301. 355. 434.
- Meditatio** mortis crebrior, utilis & necessaria. 75. 76. 108. 135. 445. 794. ad quid conducatur. 445
- Meditationes** senum in prouectiori ætate, quæ debeant esse. 185
- Melancholicis** culpa furoris aut insanix non tribuenda. 675. 678
- Membris** posse uti integris magnum beneficium. 378. 389
- Memoria** hominum si deleatur inter maledictionis diuinæ species non est minima. 820
- Methodus** precandi in omnibus angustiis & tentationibus. 648. 649
- Methodus** medendi à scriptura præscripta. 337
- Militis** pii officium. 641
- Milites** pii in bello bonæ conscientia occumbere possunt. 770
- Ministorum** Ecclesiæ vocatio difficilis. 85
- Mirabilem** Dei non est numerus. 539. 647
- Miraculorum** Christi & Apostolorum usus. 167. 311. 322
- Misericordia** D E I mirificè commendatur. 716. 730. quam.

Principes decet ministros
verbi fideles iuuare. 36

Processus erga homicidas
obseruandus. 662

Professio nominis Iesu, &
inquinamenta mundi nō
possunt simul stare. 788

Prolem numerosam multi
hodiē pro maledictione
habent. 273

Prophetæ quos denotent in
sacris. 64

Prophetarum, Apostolorum
&c. memoria conseruan-
da. 96. 97. 98

Prouidentia diuina. 576. cir-
ca fulmina. 614. in conser-
uandis infantibus. 656

circa Prouidentiam diuinam
bifariam errant homines.
696

Pseudoprophetæ plerumq;
in delitiis viuunt. 92. 93

Purgatorium reicitur. 610.
786

Q.

Qualis Rex talis grex. 772
Quare Deus tot vndiq;
malis circundet suos. 108.
109

Quare in his terris Deus pa-
tiatur impios ad tempus
esse felices. 800

Qui sunt in magna authori-
tate apud homines non
propterea quoque apud

Deum sunt in magno pre-
tio. 802

Quibus mors non extime-
scenda. 208

Quibus mediis à peste præ-
seruari possimus. 692

Quilibet Christianus debet
esse Propheta. 167

R.

Rationis rectæ perturba-
tio vnde fiat. 677

Recordatio creatoris nostri
est pars cultus diuini, & ad
pietatem instigat. 278

Regnum vitæ quibus para-
tum sit. 420. 421

Religionis causa oberrantes
Deum comitē habent. 545

Remissio peccatorum ante
omnia quærenda. 698

pro Remissione peccatorum
ardenter orandum. 712

Resurrectionis futuræ exem-
pla. 309. 310

Resurrecturorum à mortuis
ordines duo. 88

Ritus Ethnicorū in conden-
dis defunctis varij. 109

S.

Saladini regis Ægyptii hi-
storia. 793

Salus nemini neganda. 111

Sancti Dei homines nunquā
sunt sine tribulationibus.
610

Sancti cur sic dicantur. 540
San-

- Sanctorum exempla** cur proponantur. 416
- Sanguinem humanum** fundere grande peccatum. 588
- Sanitas à Deo** petenda piis precibus. 698. est ingens Dei beneficium. 443
- Sapientia vera** quæ sit. 186. unde comparari possit. 187
- Satanas** singulariter odit sexum muliebrem. 354
- Satietas omnium rerum** vitæ facit satietatem. 108
- Scripturæ** vsus. 51
- Securis** tria metuenda mala. 823
- Securitas** multos perdit. 834
- Senectus** grauis, & per se morbus esse dicitur. 14. 134. 177. 202. 216
- Senectutis** incommoda. ibidem. & 113. 133. 202. 203. 327
- Senes** honorandi. 135. 141. 190
- Senibus** duo præcipuè à Deo petenda. 175
- Sepulchra** piorum Christus sua sepultura sanctificauit. 17. piis sunt *ὑγιεινὰ*. 284
- Sepulchrum** Moïsis quare tanto studio occultatum fuerit à Deo. 16
- Sepultura** honesta. 16. 109. pars benedictionis temporalis est. 268. pro qualitate personarum splendor Deo non displicet. 29
- Serui Dei** veri. 45. 46. 78. quid possint sperare à Domino. 46
- Seruorum Domini** hæreditas. 54
- de Sexu muliebri** reuerenter sentiendum. 228
- Similitudo** de adultera frequens est in scriptura, & quare. 714
- Sontes** mirabiliter ad supplicium trahit DEVS. 778 punire & occidere licet tantum magistratui. 779
- Spes iusti** quibus nitatur consolationibus. 52. & seqq.
- Spiritus S.** variis modis nobis inculcat mortis meditationem. 447. amitti potest. 181
- Status** cuiusq; hominis tres considerandi. 84. animarum post hanc vitam. 574
- Stoici & Epicuræi** non rectè sentientes. 820. & seqq. immortalitatem animæ & mortuorum resurrectionem negantes. 829
- Studium** nocendi piis in Sarrana quantum. 330
- Superna** magis quam terrestria quærenda. 10. 11

patiens. 757. iucundum & utile. Ibid.

P.

PAralytici quare non hodie etiam in Christi nomine sanari possint. 386

Parentes lugendi. 119. 120

Parentes morituri liberos suos ad pietatem hortari debent. 118. rectè prius omnia disponendo præcavere debent dissensiones post obitum illorum inter liberos. Ibid.

Partus difficultas est pœna peccati. 221. 231. si feliciter edatur, ingens Dei beneficium est. 225. 228. 234

Paruuli non baptizati an saluentur. 318

Paruulorum salus promovenda. Ibid.

Patriarchæ cum suis voluerunt sepeliri. 122. quare fuerint tam longævi. 179

Patriarchis morituris in more positum fuit, liberos de variis rebus necessariis commonefacere. 20

Patientia. 340. 346. 362. 367. 368. 537. 550. homini Christiano necessaria est. 368. est fructus fidei. ibid. multum utilitatis confert. 369 unde addiscenda. ibid. in quibus consistat. 399

Patientiæ exempla. 364. 369. 416. 417.

Peccata cauenda & detestanda. 202. in his terris quomodo tollantur. 711. non sunt neganda neq; extenuanda. 538. etiam occulta producentur in extremo iudicio. 445

Peccatum quomodo debeat cohiberi. 762. cum lepra corporali confertur. 436

Peccatum in Spiritum sanct. quodnam sit. 771. quatenus irremissibile sit. ibid.

Per actionem Tricesimorum unde mutuauerint Pontificii. 5

Pereuntes in aquis, vel à piscibus consumpti reuicturi sunt. 649. 653

Periculum amans peribit in illo. 669

Perseuerantia requiritur. 176 399. 733.

Personarum respectus apud Deum nullus. 343. 775

Peste affliguntur etiam pii & Deo charissimi. 696. 702

Pestis quale sit malum, & unde veniat. 689. 690. 696. est indicium irati Dei, ibid. quibus mediis immittatur 690. quos tangat & corripiat. ibid. quibus mediis repellenda. 693. non con-

- remnenda. 701. exitialis. Pœnitentiæ veræ partes. 708
 700. & seqq. 723. effectus. 709
Φιλανθρωπία Christi Salua- Pœnitentiam quæ remorari
 toris nostri. 322. 323. 488 soleant. 743. 744
 Philippus Macedo quotidie Pœnitentibus patet ianua
 moneri voluit, quod mor- gratiæ. 736 737
 talis sit. 255. 442
 Pietas insignis Tabithæ Iop- Pompe exequiarum magis
 pensis commendatur. 164 viuorū est solatium, quam
 & seq. mortuorum præsidium. 6
 Pietati studendum. 170. 197. Pontificii refutantur. 565
 575
 Pii interdum etiam honore Populus Magistratum ple-
 sepulturæ carent. 24. 25. rumq; viuum odio prose-
 105. interdum etiam sunt quitur, defunctum luget,
ἀπερνοί. 121. in magno sunt 25
 pretio apud Deum. 71
 Piissimi interdum occidun- Poster, quorum parentes vel
 tur ab improbis. 660 maiores nobis fuerūt ad-
 Pii sublati sequuntur mul- uersarij, odio sunt habendi.
 ta mala. 71 260
 Piorum & impiorum fors Poster, ministrorum Ecele-
 communis. 516 siæ post illorum mortem
 Piorum merces in cœlis co- plerumque egestate pre-
 piofa. 49 muntur. 93
 Pios cur affligat Deus. 365. Preces nunquam intermit-
 401 tendæ 176. quomodo for-
 Podagra. 336. certis peccatis mandæ, 382
 accersitur. ibid. locuples Pretiosissimum in vita no-
 vocatur. 337 stra labor & dolor est. 108,
 Pœnitentia quid sit. 726. o- 116. 142
 mnibus est necessaria. 708 Præcepta Domini strictè ob-
 debet esse seria. 709. non seruanda. 169. 686
 procrastinanda. 201. 483. Præmium ex obseruatione
 504. 584. 716. 733. 735. 745. præceptorum Dei quale-
 agenda. 719. 723 nam sperandum. 169
 Præsidium firmum contra
 mortem nemo habet. 320
 nec est quærendum. 502
 Prin-

PETRI II.

Caput.

2. Qui refugerunt ab inquinamentis.
3. Exspectamus nouum cœlum.
3. Veniet dies Domini sicut fur.

IOAN. I.

Caput.

2. Mundus perit cum concupiscentiis.
3. Nunc filii Dei sumus. Sed nondum apparuit.

HEBRÆOR.

Caput.

- i. Et tu Domine initio, &c. Ex Psalmo

102.

2. Quoniam paruuli carnem habent.
3. Videte fratres, ne quis.
9. Constitutum est omnibus.
10. Ne abieceritis fiduciam.
10. Voluntariè peccantibus.
10. Non sumus ex illis qui.
11. Circumierunt in pellibus.
11. Confessi sunt quod peregrini.
12. Si castigationem suffertis.
13. Memores estote doctorum.
13. Non habemus manentem ciuitatem.

IACOBI.

Caput.

4. Qui dicitis hodiè vel cras.
4. Vita vapor.
5. Exemplum fratres sumite.

APOCALYPSIS.

Caput.

2. Esto fidelis ad mortem.
3. Nisi vigilaueris veniam.
7. Non esurient, neque sitient.

Cl.	The.	Pag. Man.
IX.	9.	537.
X.	88.	605.
VI.	13.	508.
X.	89.	605.
X.	90.	Ibid.
X.	91.	606.
IV.	21.	495.
VIII	16.	533.
X.	92.	606.
V.	23.	503.
IX.	2.	534.
X.	93.	606.
I.	28.	475.
X.	94.	607.
V.	24.	505.
I.	29.	476.
X.	95.	607.
VI.	14.	509.
Ib.	App.	512.
V.	28.	504.
V.	29.	504.
VI.	15.	509.
X.	96.	607.

APOCALYPSIS.

Caput.	Cl.	The.	Pag. Man.
14. Beati mortui.	X.	97.	608.
16. Venio sicut fur.	VI.	16.	509.
20. De libro vitæ.	IX.	31.	542.
20. Vidi thronum magnum. Gemina dispositio.	X.	98.	608.
21. Vidi cœlum nouum.	X.	99.	609.
21. Absterget Deus lachrymas.	Ib.	Vlt.	Ibid.

THE-

Συμπόλαια Christiana. 685.

695

T.

TActorum de cælo duo
genera hominum no-
bis scriptura proponit. 615

Temperantia requiritur. 163

Tempestates non ex meris
causis naturalibus oriun-
tur, sed à Deo excitantur.

658

Tempus extremi iudicii in-
uestigare impium est. 458

senectutis an sit aptissi-
mum Dei cultui. 279. vitæ
breue benè collocadum.

211. 214.

Tentationibus in diuturnis
morbis quomodo occur-
rendum. 366

Tentationum magna vis.
468

Terrores subiti grauidis, &
prægnantibus interdum
multum periculi afferunt.

231

Testamentum ritè conscri-
ptum inuiolatum ac sa-
cro sanctum esse debet. 77

Thesaurus ingens, si DEVS
largiatur fideles Ecclesiæ
ministros. 94

Tædium vitæ multa sunt
quæ afferunt. 347

Translationis in cælum spe-
cimè in omni ætate mun-

di edere in piis homini-
bus Deo visum est. 31. &
seq.

Tria sunt quæ mortem fa-
ciunt acerbiores. 149

Tribulatio & afflictio nulla
tam magna, cuius non ex-
tant exempla. 392

V.

Vastatores paternarum
ædium. 817. 818

Ventus varia habet signifi-
cata. 489

Verbum Domini propter
hominū ingratitude[m]
erga ministerium ab vna
gente ad aliam transfer-
tur. 359. attente audien-
dum. 755

Vespillonis officium sibi
Deus sumit. 13. 16

Vestes sordidæ in scripturis
quid denotent. 839

Vesti facillime consumendæ
homo cur comparetur. 498

Veteres lugentibus & dedu-
ctionem funeris comitan-
tibus potum solebant da-
re. 546

Viduas liberalitas decet. 159

Viduæ Christo commenda-
tissimæ sunt. 321


Vigilantibus & pœnitenti-
bus aduentus Domini vel
ad iudicium, vel in morte
non est damnosus. 483


Vir


I N D E X.

Vir fortis ab Ethnicis fa- nioribus quis vocetur. 370	664	norum agnoscendæ & præ- dicandæ.
371.		Vitæ breuitas quid moncat.
Viribus humanis non nimi- um tribuendum. 176	282	
Virum flere an turpe sit. 546		Voluntas vltima Iosephi. 122
Virtutes Christianæ. 81. bo-	391.	Vulgi inconstantia magna.

F I N I S.







novita, quatenus est gratia contractus
tenetur est quatenus sacramento
de legitimo Christianorum matrimo-
nii et forma quod ad sacramentum
utique de matrimonio inter Chri-
stiana sacramenta. Confir-
ex sacris literis, neque est
difficultates ad matrimonium
et examinarunt propter novas ha-
bitas pacto colligi potest alia de ma-
trimonio quatenus contractus
sacramentum. quare et
matrimonium fiat sacramentum
testatur à coniugibus. v.g. I
in, accipio te in maritum
et cetera cuncta sufficiunt. Rati-
onem Christianorum legitimum dis-
tinguit contractus solum humanum
mentem.

QVAESTIO

An consensus par sit à
matrimonio regum

Exponitur in colloquio de matrimo-
nio et in institutione cap. 19 po-

